




Theodore  
Besterman

110

P

S





Digitized by the Internet Archive  
in 2009 with funding from  
Research Library, The Getty Research Institute

DIION Historien Grec, des  
faictz & gestes insignes des Ro-

MAINS, REDVICTZ PAR ANNALLES ET  
Consulatz, commençant au Consulat de Lucius Cotta, & Lucius  
Torquatus (durant lequel, Pompée le Grand fit guerre contre  
les Hiberiens, & deffit Mithridates) & continuant de  
temps en temps iusques à la mort de Claude Neron.

Premierement traduit de Grec en Italien, par  
messire Nicolas Léonicene, Ferrarois : &  
depuis de Italien en vulgaire Francois,  
par Claude Deroziers, de Bour-  
ges en Berry. Avec les histo-  
res à chascun liure  
conuenables.

∴




Avec priuilege.

• Nouuellement imprimé à Paris, pour Arnoul & Charles les Angeliers,  
freres, libraires, tenans leurs boutiques aux Premier & Deuxiesme  
pilliers de la grand salle du Palais, deuant la chap-  
pelle de Messeigneurs les presidens.

M. D. XLII.

•• Priuilege du Roy.



# Rancoys par la grace de

Dieu Roy de France, Aux preuost de Paris, bailly de Rouen, seneschal de Lyon & de Thoulouse, & a tous nos autres iudiciers & officiers de nostre royaulme, ou a leurs lieutenants, salut & dilection. Receue auons l'humble supplication de nostre cher & bien ame Arnoul l'angelier, libraire, bourgeois, marchant demeurant en la ville de Paris, lequel nous a fait dire & remonstrer, que depuis peu de temps en ca il a recouuert vne coppie d'ung liure, intitulé, Dyon, historien Grec, contenant les gestes des Romains, traduit d'Italien en vulgaire francois, par Claude deroziers: œuvre fort recreatiue, auquel plusieurs gentils hommes pourront prendre grande recreation, & que a la requeste de plusieurs gens notables a esté baillé audict suppliant, pour icelluy mettre & faire mettre en l'impression, pour donner consolation & passetemps aux gens notables, d'honneur & de bien de nostre royaulme. Pour lequel liure mettre en l'impression, a conuenu & conuient exposer audict suppliant grâde somme de deniers Et doubte ledit, que si tost qu'il mettra en lumiere ledit liure, imprimé, que plusieurs autres imprimeurs de nostre royaulme, l'efforcent sur les coppies dudict liure faire imprimer icelluy liure: en quoy faisant, seroit grand' perte & destruction audict suppliant: lequel (comme dict est) a pour ceste cause fait & exposé grande partie de son bien, Parquoy il nous a humblement fait supplier & requerir, que luy vueillons octroyer temps & delay pendant lequel il, & non aultre, puisse vendre ledit liure apres qu'il l'aura fait imprimer, & sur ce luy octroyer nos lettres a ce conuenables. Pource est il, que nous audict suppliant, de nostre grace especial, plaine puissance & autorite royal, par ces presentes Auons permis & permettons faire imprimer ledit liure, nommé & appellé Dyon, historiographe Romain, traduit d'Italie en vulgaire francois, & l'exposer en vente dedans le terme & delay de trois ans prochain venant, a compter du datte de ces presentes, sans ce qu'il soit loisible a quelques libraires, imprimeurs ne autres quelz qu'ils soient, ou puissent estre, dedans ledit terme & delay de trois ans prochain venant, imprimer ou faire imprimer ledit liure, ne icelluy exposer en vente en aucune maniere pèdant & durant ledit delay & terme desusdict, Sur peine de confiscation desdicts liures, & d'amende arbitraire a nous appliquer. Si vous mandons & a vng chascun de vous sur ce requis & sicomme a luy appartient commettons par ces presentes, que de ceste presente commission, concession & octroy & delay fait & contenu en icelluy, vous faictes, permettez & souffrez ledit suppliant iouir & vser plainement & paisiblement de son priuilege, sans luy mettre ou donner, souffrir estre fait, mis ou donné aucun empeschement au contraire Lequel si fait, mis ou donné luy auoit esté ou estoit, de luy mettre ou face mettre incontinent & sans delay a plaine & entiere deliurance, & au premier estat & deu: car ainsi nous plaist il estre fait, & audict suppliant l'auons octroyé & octroyons de grace especial par ces presentes, nonobstant quelz conques a ce contraires. Donné a Paris le dixhuitiesme iour de Feburier, l'an de grace mil cinq cents quarante & vng, & de nostre regne le vingthuitiesme.

Par le Roy, a la relation du conseil.

Signé

Le Picart.



**A TRESHAVLT ET TRESILLVSTRE**  
 Prince, Charles filz du Roy, duc d'Orleans, d'Angoul-  
 moys, & de Chasteleraud : conte de Clermont  
 en Beauuoisis, de la haulte & basse Marche,  
 & de Ciuray: grand chambrier, &  
 Per de France, Claude  
 Deroziers tref-  
 humble sa-  
 lut.

**S** I le dict des anciens philosophes est veritable, monsei-  
 gneur, que le Prince naisce diuinemét pour le bien, & con-  
 seruation de la commune societé populaire: si semblable-  
 ment est vray que voyát l'inclination & ieunesse non feu-  
 lement des arbres & autres choses produictes de la ter-  
 re, pour l'utilité des hommes, mais aussi de toutes person-  
 nes raisonnables, & expressement d'un prince, l'on puisse iuger, & pren-  
 dre bon espoir de l'aduenir, le me puis maintenant tenir tout assureé, & en  
 grand hardiesse, prendre tref bon prefaige avec meilleure attente de vo-

estre tresnoble esprit, & diuine inclinatio de ieunesse, veu que des plus singulieres parties que Xenophon, Dion, & Diotinus, anciens instructeurs, & tresexpers gouuerneurs des ieunes princes, desiroient estre en vne telle personne que la vostre, nulle d'icelles pour le present vous voy deffaillir. Beaucoup en y a (disoit Xenophon) qui estimet les meilleures parties d'un prince deuoir consister en somptuosité, bobence, inutile largesse, & profusion de biens, mais de ma part (dict il) ie prise trop plus en vn excellent esprit, & bien né, quand de toute son estude il met peine de surmonter toutes personnes à soy esgales, en bonne prudence, diligence, & labeur: qui sont les trois meilleures parties qu'en vous (monseigneur) ie voy maintenant le plus florer, & par le moyen desquelles i'ay bon espoir de vous veoir acquerir à l'aduenir vng merueilleux & triumpant heritage de graces diuines & trophées. Car laissons toutes autres excelléces, noblesses, & magnanimités que l'on peut redoubter, & auoir en grâde admiration pour le iourd'uy, Qu'est il, ou qui fut iamais plus excellent, plus noble, & plus triumpât à veoir, que vng Prince tel que descript Dion en son liure, intitulé, de Regner, assauoir, qui aye la crainte de Dieu, l'amour des hommes, ayme traual, & euite les voluptez? Que le premier vous soit naturel, & de droict de naissance, assez en faitz soy vostre Treschrestien pere, nostre tres heureux Roy, auquel tât bien ressemblez & de meurs, & de personne. Quant au second, la lumiere n'est point plus claire: puis que voyons si apertement l'entiere amour que chascun vous porte, par ce qu'il n'est vray semblable que le seigneur aymé, n'ayme pareillement les siens, consideré que l'amour vient premierement de la bonté, & excellence, de celluy que l'on ayme, & par ainsi de quant vous estes de tous aymé, de tant (suivant l'opinion des anciens saiges) se doit croire que soyez plus vertueux, que tous. Que le traual vous soit plaisir, & volupté grand de plaisir, assez le proueroye, & monsteroye par plusieurs exemples & gestes dignes de memoire, si ie ne craignoye en cest endroit faire plustost office de flateur, que d'amateur, ou vray seruiteur tel que ie desiroye estre de vostre magnanimité & haultesse. Ce peu tant seulement par hardiesse auferay dire, qu'en ces cas, trop bien ensuyuez le naturel, & bon commencement des excellentz Empereurs, Princes, Roys, & preuz cheualiers anciens, que le poete Grec souloit veritablement appeller pasteurs du peuple. Aux gestes desquelz affin que puissiez prendre plaisir, considerant, & voyant par escript leurs faitz illustres, & grandes prouesses, & que comme d'ens vng miroir voyez au deuant vostre face, quelle promesse nous laissez pour l'aduenir, & le bon espoir que nous monstrez, Je qui desire demorer le moindre de vostre haultesse, me suis enhardy, luy faire present de ceste traductio du liure de Dion, ancien historien Grec, en ce qu'il a descript en general les faitz & gestes insignes des Romains, anciennement (à cause de leurs vertus & actes louables) appellez, Grandz dominateurs de la terre. A l'imitation desquelz, tres bien iusques icy, s'est reduict, & moderé, celluy duquel auez  
prins

prins l'estre, qui aussi nous laisse espoir incroyable de paruenir à ceste infinie gloire des Romains, pour autant que les choses, à ce faire requises, toutes sont en luy. Telz furent les vaillans empereurs desquelz parle l'auteur cy apres traduit, assauoir, magnanimes, constans & vertueux. Qui doute plus doncq, que tel ne debuiez estre vne fois, puis que voz meurs, & semblance de personne si bien accordent à celle du pere? O l'homme trop heureux, qui du seruice de tel Prince, laissant tant, & telle attête aux siens, se trouuera digne. Heureux (diz ie) tât que toute fortune sinistre arriuant (comme à acoustumé faire à tout glorieux cōmencement) seroit peu, au regard de tel & si grand benefice au parauât receu. A ceste cause, tresillustre, & tresmagnanime Prince, soit le plaisir de vostre tres singuliere bonté, receuoir ce mien ru de labeur, excusant les faultes que ny trouuerez petites, cōme de celluy qui en ce à prins son commencement, & sur tout se daigne accepter ma tresfidele volonté, laquelle en telz, & autres offices, qui se puissent de ma sincere deuotion faire, sera tousiours tresprópte, estimant ne faire petit gaing, ayant occasion de demonstrier de quant ie soye appareillé à faire tres humble seruice & prier le createur que par sa grace luy plaise (pour le merite de voz diuines vertus) augmenter vostre bonne fortune, au contentement de vostre haultesse, & repos de toute la commune opinion.

CHRISTOPHORVS LANDRINVS

Aurelius, candido lectori, S.



I qua tum ingenii, tum industriæ ob redditum Italice Dionem Nicolao Leonicensi gratia debetur, candidiss. lector, maximam sane Claudio Roserio deberi ingenue fatendum est. Ille enim dum paucorum commodis seruire studet, præclarissimum rerum Romanorum scriptorem sic transtulit, vt exiguis eum Italice finibus continendum putarit, hic autem dum vniuerso mortalium generi prodesse cupit hoc vnum & fortiter tentat & fœliciter est assecutus, vt tanti viri, tam certa, tamque locuples historia infinitis iam prope seculis aut ignorata, aut neglecta, summa apud omnes gentes nationesque ad quas Gallica lingua perueniet in celebritate ac luce versetur. Quoquidem factum est, vt & Dion ipse maiorem gloriæ fructum percepturus sit dum longius scriptorum ipsius fama penetrabit, & nos omnes qui tandiu Dionis historia carueramus, plurimum Roserii studio ac labore sentiamus esse adiutos. Quamobrem si temporum lux est historia humanissimi lectores, si rerum gestarum, ac veteris memoriæ ordinem cognoscere semper utilissimum habitum est, hunc potissimum Dionem complecti debetis, qui principis orbis terrarum populi Rom. illustrumque regum ac principum res gestas conseruatis notatisque temporibus XXI. lib. ita conscripsit, nihil quod illustre, aut memorabile esset prætermittens, vt illius præsidio adiuti ad verissimam antiquitatis Romanæ historiam ingentibus aliorum librorum Plaustris facile carere possitis.

Valete, Aureliæ, calen. Nouembris.



## Vie de Dion, historien.



**A**VCUNS furent notables par le nom de Dion, & leur memoire paruint à la posterité, entre lesquels fut celebré premierement Dion fils de Hipparin Siracusan, de Aristomaque, frere du premier Dion Tirant de Sicile, le fils duquel, c'est assavoir, l'autre, Denis dechassa depuis de la Tirannie. Cestuy cy grandement se desdia à la philosophie, & se treuvent encores en nostre temps des epistres siennes à Platon. Fut vng aultre Dion, fils de Pasirato Prusence, par profession sophiste, appelé Chrisostome, de la suauité du dire, de corps assez extenué. Cestuy v'sa de si grand' familiarité avec Traian, que souuentefois se trouua assis en son mesme chariot: & entre les choses qu'il escripuit, furent cestes, Si le monde est corruptible, louenge de Hercules & de Platon, de Homere

quatre

## Vie de Dion.

quatre liures à Platón, & des vertus d'Alexandre quatre liures. Mais ce Dion duquel maintenant nous traitons, par cognom Cocée (ou comme aucuns dient Coceyan, né en Nicée cité de Bithinie, & il assez manifestement confesse d'estre de Bithinie en la vie du prince Adrian, ou testifie tant estre il & tous les Bithiniens obligez à Severe, président de ceste prouince, pour plusieurs benefices faitz, que iusques à cest aage honorablement se celebre sa memoire) eut nom & fame soubz Lucius Septimus Seuerus, M. Anthoine Caracalla, & M. Magabel. Neantmoins premieremēt ou temps de Alexandre Mámée, se mit à escrire l'histoire Romaine en octante liures, lesquelz il distingua en huit decades. Furent encores par luy escriptes les choses Perliques, & celles qui ou pellerinage furent faites par Traian, y adioutant la vie d'Arrian philosophe. Il fait mention de Severe empereur ou liure tréneufiesme quand il dit, s'estre aucunfois doubté, si du tout l'Angleterre fust isle: mais n'auoir plus aucū doubte, puis que Agricole propreteur, & Severe empereur en son temps y feirent faitz d'armes. Aussi en autre endroit escript Plautian auoir premierement esté honoré d'enseignes consulaires, & depuis du Consulat: lequel Plautian le dixiesme an de Severe prince, print les fasces. Pareillement es liures neufiesme, & dixiesme, dit auoir congneu les choses de Pannonie en presence, luy estant cōmise la cure de Dalmatie & de Pannonie superieure apres la preffecture d'Affricque, à laquelle autressois auoit son pere esté president. Et entendz que le pere de ce Dion eut pour nom Apronian, du tesmoignage d'icelluy mesme Dion, en la vie d'Adrian, duquel en ceste sentence fait mention. Mais (dit il) mon pere Apronian, lequel d'icy est sur la Cilicie, d'icelluy me recitoit plusieurs choses, & avec quel conseil & ordre furent faites, & cela premieremēt, dont la mort de Traian par aucuns iours fut celée, à ce que l'adopter procedast. Sont aucuns qui pésent Dion, ou septiesme an de Aurelius Alexandre prince, lequel encores est appellé Severe, auoir esté esleué iusques au Consular, comme encores son pere Apronian, soubz Comode ilz pensent, que fust honoré du Cōsulat: & ie, bien que es annalles P. Ro. aduertisse estre entrez ou Consulat, Apronian avec Bradua soubz Comode, & Alexandre avec Dion, neantmoins n'oserōys constituer aucune chose temerairement, & mesmement des hommes Grecz.

Fin.

# La Table.

## En ceste briefue recollection

SONT COMPRINS XXI. LIVRES DE  
Dyon historien grec des gestes Romaines, commençant  
le premier à Pompée & continuant de temps  
en temps iusques à la mort de  
Claude Neró, le tout  
selon l'ordre  
des cha-  
pitres  
&  
fueilletz.

Le Premierement au Trenteseptiesme  
liure est contenu,



Comment Pompée combatit contre les Hiberiens. chapitre i.		fueillet i.
Comment Pompée adioignit Pont à Bithinie. chapitre ii.		fueillet i.
Comment Pompée subiugua la Syrie Phenice. chapitre iii.		fueil.ii.
Comment Michridates mourut	chapitre iiiii.	fueillet iii.
Comment les Iuifz furent subiuguez.	chapitre v.	fueillet iiiii.

Le Trentehuytiesme.

Comment Cesar & Bibulus eurent discord ensemble. chapitre vi.		fueillet xiiii.
Du bannissement de Cicero & interdiction du pays d'Italie. chapitre vii.		fueillet xiiii.
Comment Philistus consola Cicero pendant son exil. chapitre viii.		fueillet xviii.
Comment Cesar combatit contre les Eluetiens. chapitre ix		fueillet xxi.
Comment Cesar aussi combatit contre les Arionistes & les mit en fuyte. chapitre x.		fueillet xxiiii.

Table de Dyon, historien grec.

Le Trenteneufiesme.

Comment cesar combatit contre les Gaulloys. chapitre xi.	fueillet xxvii.
Comment cicero s'en retourna d'exil, par Pompée qui chapitre xii.	le reuocqua. fueillet xxviii.
Comment Ptoloméede chaffe d'Egypte vint à Rome. chapitre xiii.	fueillet xxix.
Comment Caton ordonna les affaires de chippre. chapitre xiiii.	fueillet. xxx.
Comment Pompée & Crassus furent esleuz consulz. chapitre xv.	fueillet xxxi.
Comment le theatre de Pompée fut sacré chapitre xvi.	fueillet xxxiii.
Comment Decius Brutus conducteur de Cesar vainquit les Venitiens. chapitre xvii.	fueillet xxxiiii.
Comment Publius Crassus conducteur de cesar combatit contre ceulx d'A- quitaine. chapitre xviii.	fueillet xxxv.
Comment Cesar ayant combatu contre aucuns Celtes, passa le fleue du Rhin & alla en Bretagne. chapitre xix.	fueillet xxxvi.
Comment Ptoloméede fut reduict en Egypte par Gabinius, & ledit Gabinius ne fut pour cela condamné. chapitre xx.	fueillet xxxvi.
Comment durât ce temps creut le Tibre, & fut soubdaine inundation d'eaues à Rome & aux enuironz chapitre xxi.	fueillet xxxviii.

Le Quarantiesme.

Comment cesar nauigua la deuxiesme fois en Bretagne. chapitre xxii.	fueillet xxxix.
Comment Cesar retourné de Bretagne combatit les Gauloys. chapitre xxiii.	fueillet xxx.
Comment crassus commença à combatre les Parthes. chapitre xxiiii.	fueillet xli.
Comment crassus vaincu en bataille fut deffaiçt par les Parthes. chapitre xxv.	fueillet xliiii.
Comment Cesar subiugua toute la Gaule située deca les montz. chapitre xxvi.	fueillet xlv.
Comment Milon fut condamné pour la mort de Claudius. chapitre xxvii.	fueil. xlviii.
Comment Cesar & Pompée commencerent à discorder ensemblement. chapitre xxviii.	fueillet l.

Le Quarantevingiesme.

Comment Cesar retourna en Italie, & Pompée l'ayant habandonnée se retira en Macedoine.	chapitre xxix.	fueillet lii.
Comment cesar conquist Espagne.	chapitre xxx.	fueillet lvii.
Comment cesar nauigua en Macedoine contre Pompée.		
chapitre xxxi.		fueillet lxi.
Comment cesar & Pompée combatirent pres Duras.		
chapitre xxxii.		fueillet lxii.
Comment cesar vainquit Pompée vers Pharsalle.	chap. xxxiii.	fueil. lxiii.

Le Quarantedeuxiesme.

Comment Pópée vaincu en Theffallie s'en fuyt en Egypte ou il mou- rut.	chapitre xxxiiii.	fueillet lxvi.
Comment Cesar pour s'uyuant Pompée vint en Egypte.		
chapitre xxxv.		fueillet lxvii.
Comment caton estant fait chief de l'armée, combatit contre Cesar.		
chapitre xxxvi.		fueillet lxviii.
Des choses qui furent decretées à Cesar.	chapitre xxxvii.	fueillet lxx.
Comment les Romains vindrent en discord pendant l'absence de Cesar.		
chapitre xxxviii.		fueillet lxxi.
Comment cesar subiugua les Egyptiens & les bailla à Cleopatra.		
chapitre xxxix.		fueillet lxxiii.
Comment cesar vainquit Pharnaces.	chapitre xl.	fueillet lxxv.
Comment cesar retourna à Rome & disposa de la Republicque.		
chapitre xli.		fueillet lxxvi.
Comment cesar alla en Aphricque avec l'exercite.	chap. xlii.	fueil. lxxvii.

Le Quarantetroisiesme.

Comment Cesar vainquit Scipion, & Iuba, & Caton se tua luy mes- mes.	chapitre xliii.	fueillet lxxviii.
Comment cesar retourna à Romme & y triumpna, & disposa puis a- pres les affaires.	chapitre xliiii.	fueillet lxxxi.
Comment la place de Cesar & le temple de Venus furent consacrez.		
chapitre xlv.		fueillet lxxxiii.
Comment Cesar constitua l'an ainsi qu'il est obserué à present.		
chapitre xlvi.		fueillet lxxxiiii.
Comment cesar vainquit Gnée Pompée, filz du grand Pompée, en Espai- gne.	chapitre xlvii.	fueillet lxxxv.
Comment furent designez les consulz premierement, & esleuz, non pas pour toute l'année.	chapitre xlviii.	fueillet lxxxviii.
Comment Carthage & Corinthe furent faittes colonnes des Romains.		
chapitre. xlix.		fueillet lxxxix.
Comment les Ceriaux furent faitz Ediles.	chapitre l.	fueillet lxxxix.

Table de Dion, historien grec.

Le Quarante quatriesme liure de Dyon, historien grec.

Des decretz faitz par Iules Cesar	Chapitre li.	feuille. xc.
Comment on machina à Rome contre luy	chap. lii.	feuille. lxxxiiii.
Comment Cesar fut occis & meurtry par les insidiateurs		
chapitre liii.		feuille. xciii.
Comment on feit vng decret à Rome pour oublyer les offences passées de Cesar	chapitre liiii.	feuille. xcvi.
De la sepulture de Cesar, & de l'oraison faicte sur luy		
chapitre lv.		feuille. c.

Le Quarantecinque sime liure de Dyon historien grec.

De Gay Octauien, qui depuis fut nommé Auguste.		
chapitre lvi.		feuille. cii.
De Sexte Pompée filz du grand Pompée	chap. lvii.	feuille. ciiii.
Comment cesar & Anthoine commencerent à auoir discord ensemble.		
chapitre lviii.		feuille. cv.
L'oraison de Cicero contre Anthoine	chap. lix.	feuille. cvi.

Le quarantefixiesme liure de Dyon, historien grec.

Comment Calenne contredist à Cicero pour Anthoine		
chapitre lx.		feuille. cxiii.
Comment cesar vaincquit Anthoine, & les consulz, pres Macedoine.		
chapitre lxi.		feuille. cxxi.
Comment cesar vint à Rome & fut crée consul.	chap. lxii.	feuille. cxiii.

Le Quaranteseptiesme liure de Dyon, historien grec.

Comment Cesar, Anthoine, & Lepide, venuz en la cité de Rome, firent plusieurs occisions.	chap. lxiii.	feuille. cxxvi.
De Brutus & Cassius, & de ce qu'ilz firent auant la bataille es champs Philippiques	chapitre lxiiii.	feuille. cxxxii.
Comment Brutus & Cassius furent vaincuz par Cesar & se tuerent depuis		
chapitre lxv.		feuille. cxxxvii.

Le quarantehuytiesme liure de Dyon, historien grec.

Comment Cesar combatit contre Fulue, & Lucius Anthoinius		
chap. lxvi.		feuille. cxxxix.
Comment Sexte Pompée occupa Sicile	chap. lxvii.	feuille. cxliii.
Comment les Parthes occuperent tout le pays iusques à Hellepont		
chapitre lxviii.		feuille. cxlv.
Comment cesar & Anthoine s'accorderent avecques Sexte Pompée.		
chapitre lxix.		feuille. cxlvi.

Table de Dyon, historien grec.

Comment Publius Ventidius vainquit les Parthes, & conquist l'Asie  
chapitre lxx. feuillet cxlix.

Comment Cesar commença la guerre contre Sexte Pompée  
chapitre lxxi. feuillet cli.

Le quaranteneufiesme liure de Dyon, historien grec.

Comment Cesar vainquit Sexte, & subiugua Lepide  
chapitre lxxii. feuillet cliiii.

Comment Publius Vétidius ayant vaincu Pacorus, le fit mourir, &  
dechassa les Parthes oultre le fleuve d'Euphrates chap. lxxiii. feuil. clix.

Comment Anthoine fut vaincu par les Parthes chap. lxxiiii. feuil. clxi.

Comment Cesar subiugua les Pannonniens qui sont maintenant les Hôgres.  
chapitre lxxv. feuillet clxvi.

Comment Anthoine print Artabastes roy des Armeniens  
chapitre lxxvi. feuillet clxiiii.

Comment le porticque de Paule fut consacré, & Mauritanie subiuguée par  
les Romains chapitre lxxvii. feuil. clxv.

Le cinquantesme liure de Dyon, historien grec.

Comment Cesar & Anthoine commencerent à combattre ensemble  
chapitre lxxviii. feuillet clxvi.

Comment Cesar vainquit Anthoine pres le promontoire Attie  
chapitre lxxix. feuillet clxxi.

Le cinquantevingtiesme liure de Dyon, historien grec.

Comment Cesar ayant obtenu la victoire pres le promontoire Attie,  
disposa des affaires lors presens chapitre lxxx. feuil. clxxvi.

De Anthoine & de cleopatra & des choses qu'ilz feirent apres estre  
vaincuz chapitre lxxxi. feuillet clxxviii.

Comment Anthoine se voyant vaincu se mit à mort luy mesme.  
chap. lxxxii. feuil. clxxix.

Comment Cesar retourna à Rome, & triumpha. chapitre lxxxiii.  
feuillet clxxxiii.

Comment Misie fut prinse. chap. lxxxiiii. feuil. clxxxiiii.

Le cinquantedeuxiesme liure de Dyon,  
historien grec.

Comment Cesar se conseilla de laisser la seigneurie.  
chapitre lxxxv. feuillet clxxxvi.

Comment Cesar commença d'estre appelé empereur.  
chapitre lxxxvi. feuil. cxcii.

## Le cinquantesiesme

<b>C</b> omment le temple de Applo fut consacré au palais. chapitre lxxxvii.		fueillet cxcviii.]
Comment cesar feit vne oraison dans le senat. chapitre lxxxviii.		fueillei, cxcix.]
Comment cesar print la monarchie, & diuifa les nations. chapitre lxxxix.		fueillet cci.]
De la constitution des presidens qui furent enuoyez es nations. chapitre xc.		fueillet cci.]
Comment cesar fut appelé Auguste.	cha. xci.	fueil. cciii.]
Des noms que prennent les empereurs, & la cause pourquoy. chapitre xcii.		fueil. cciiii.]
Comment Agrippe consacra aucun lieu nommé Sette. chapitre xciii.		fueillet ccv.]
Comment Auguste se porta avecques les Assiriens & Cantabriens. chap. xciiii.		fueil. ccvi.]
Comment Galatie cōmenca estre subiecte aux Romains.	chap. xcv. f. ccvi.]	
De ledification du portail de Neptune, & des baings d'Agrippe consacrez, & du temple Pantheon aussi consacré.	chap. xcvi.	fueil. ccvii.]
Comment Auguste fut deslié de la necessité d'obeyr aux loix. chap. xcvii.		fueil. ccvii.]
De l'exercite dresse contre Arabie Fœlice.	chap. xcviii.]	fueil. ccvii:]

## Le cinquantequatriesme.

<b>C</b> omment furent esleuz aucuns hommes Preteurs, supraftans aux voyes.	chap. xcix.	fueil. ccix.]
Comment deux Preteurs furent esleuz pour administrer les bledz. chapitre c.		fueillet ccxiii.]
Comment Norice fut prise des Romains.	chap. ci.	fueil. ccxiiii.]
Comment Rhetie fut prise par Drusus & Tibere.	chap. cii.	fueil. ccxv.]
Comment les Alpes commencerent d'obeyr aux Romains. chapitre ciii.		fueillet ccxvi.]
Comment le theatre de cornelius Gallus fut consacré.	chap. ciiii. f. ccxvi.]	
Comment Agrippe mourut, & Auguste conquist le Cheronesse. chapitre cv.		fueillet ccxvii.]
Comment les Augustaulx furent constituez.	chap. cvi.	fueil. ccxviti.]

## Le cinquantequiniesme.

<b>D</b> e la mort de Drusus.	chap. cvii.	fueil. ccxx.]
Comment le temple de Liuie fut consacré par aucunes statues dedans apposées.	chap. cviii.	fueil. ccxxi.]

Table de Dion, historien grec.

Du champ Agrippe consacré, & du Debitoire.	chap. cix.	feuille. ccxxii.
Comment Tibere retourna à Rhodes.	chap. cx.	feuille. ccxxiii.
Comment Liue persuada à Auguste qu'il dominaſt plus doucement.		
chapitre cxi.		feuille. ccxxv.
Des exercites, & cōment furent ordonnez les ministrateurs des deniers des gens de guerre.	chap. cxii.	feuille. ccxxvii.
Cōment les gardes de la nuit furent ordonnées.	chap. cxiii.	feuille. ccxxviii.
Comment Tibere combatit les Pannonniens & Dalmatiens.		
chapitre cxiiii.		feuille. ccxxix.

Le cinquantesiesme.

Comment Auguste parla avec ceulx qui auoyent enfans, & depuis avec ceulx qui n'en auoyent point & ne'ſtoient mariez, & ce que fut déterminé contre eulx.	chap. cxv.	feuille. ccxxxi.
Comment Quintilius Varro eſtant vaincu des Gaullois, mourut.		
chapitre cxvi.		feuille. ccxxxv.
Comment le portail de Liue fut consacré.	chap. cxvii.	feuille. ccxxxvii.
Comment Auguste mourut.	chap. cxviii.	feuille. ccxxxviii.
De la ſepulture d'Auguste Cefar, & de l'oraifon que feit Tibere ſur ſon corps mort.	chap. cxix.	feuille. ccxxxix.

Le cinquantesiesme.

Des couſtumes de Tibere.	chap. cxx.	feuille. ccxliii.
Comment Capadoce fut ſoubzmiſe à l'empire Romain.		
chapitre cxxi.		feuille. ccxlix.
Comment Cefar Germanicq mourut.	chap. cxxii.	feuille. ccxlix.

Le cinquantesiesme.

De Gayus cefar calligula.	chap. cxxiii.	feuille. clx.
Comment le temple de Auguste fut consacré.		
chapitre cxxiiii.		feuille. cclxii.
Comment Gayus cefar mourut.	chap. cxxv.	feuille. cclxxi.
Comment Claudius Neron mourut.		chapitre cxxvi.

FIN.

Faint, illegible text, possibly bleed-through from the reverse side of the page. The text is arranged in several paragraphs and appears to be a formal document or report.

# Le Trenteseptiesme liure

DE DYON, HISTORIEN GREC,

Traduict d'Italien en Francois:

Audit liure sont contenez les faitz & gestes de Pompée, scauoir, comment il combatit les Hiberyens en Asie, cōment il adioignit Pont à Bithinie, comment il subiugua la Sirie Phenice: aussi y est la mort de Mithridates, & comment les Iuifz furent subiuguez par icelluy Pompée, avec autres histoires Romaines.



## Comment Pompée combatit contre les Hiberyens, en Asie. Chapitre I.

**D**Vrant le consulat de Lucius Cotta, & Lucius Torquatus, Pompée fait guerre aux Albanes & Hiberyens, contre lesquels fut premieremēt contrainct batailler, bien qu'il n'en eust volonté, par ce qu'ilz habitans pres de l'une & l'autre part du fleue Thirrene d'ung costé finitime des Albanes, & de l'autre aux Armeniēs, Artaces leur roy craignant que Pompée ne esmeust guerre contre luy, enuoya ambassadeurs cōme s'il eust voulu de luy impetrer amytié, mais veritablement se preparoit pour assail-

Guerre cō  
tre les Hi-  
beriens.

Accópolis  
cite des Hi  
beries prise

lir & surprendre Pópée, pource qu'il se fiasst en luy: lequel de ce au parauant aduertý, courút tout le pays de Artaces auant qu'il se peust mettre en ordre suffisante à luy prohiber le passaige, pour lors moult difficile, en maniere qu'il paruint en la cité d'Accompolis auant que Artaces entendist Pompée estre arriué à l'entrée de ses terres:& estoit ceste cité posée pres les Scithiés ioignant d'une part le mót Caucasus, où Artaces s'estoit fortifié, pour garder ce passaige. Artaces doncques ainsi esbahy n'eut temps de mettre ses exercites en ordre, ains ayant passé le pont du fleuüé ceulx qui estoient dedans la cité habandonnerent la garde dicelle premierement vaincuz en bataille. Et Pompée auoir obtenuz les passaiges y ediffia vne forteresse, & se departát de cest endroit deffist & ruyna tout le pays circundé du fleuue.

Comment Pompée adioignit Pont à Bithinie.  
Chapitre II.

Cirnes,  
fleuue,



Pelore,  
fleuue.

Artaces  
vaincu.

Eantmoins depuis contrainct de passer encores vne autre fois le fleuue Cirne, Artaces luy enuoya de rechief ambassadeurs pour impetrer la paix, promettant luy deliurer & mettre entre ses mains le Pont & toutes les autres choses necessaires. ce quil feist comme celluy qui desire s'accorder. Mais depuis voyant Pompée passé le fleuue Pelore, qui encores decourt par ses terres, fut en plus grand craincte, & par ce contrainct s'en fuyr. (& fuyoit celluy qui auoit deliuré à son ennemy les passaiges que premierement luy deuoit prohiber) Ce que entédu par Pompée, le pourfuyuit vigoureuement, & l'auoir aconsuiuy, fut par luy vaincu & deffait en champ de bataille, par ce que courát le surprint auant que ses archiers peussent vser de leur arc: & en briefue espace fut l'ost de Artaces rompu, Lequel en ce conflict passa le fleuue Pelore, & auoir bruslé le pont d'icelluy, pour fuyuit sa fuyte:& le reste, aucuns en bataille, & les autres passás le fleuue à pied, furent occis:& plusieurs perdus par les forestz, montez sur les arbres & tirans de leurs arcs par quelque temps se deffendirent, toutesfois les arbres coupez par les pilles, furent à la fin tous occis. Artaces se voyant ainsi ruyné, de rechief remanda à Pompée aultres ambassadeurs avec dons & presens de tresgrand valeur & estime:lesquelz receuz par Pópée à ce qu'il mist fin à sa fuyte soubz esperance de paix, sans toutesfois la luy promettre si premieremét ne luy enuoyoit ses propres enfans en ostai-ge. Artaces demourát par quelque téps sur ses gardes & sans faire respóse, & iusques à ce que les Rommains passerent le fleuue Pelore en vng certain endroit assez bas d'eau pour la chaleur, enuoya ses enfans à Pompée: toutes fois depuis avec luy se reconcilia. Ce fait ayant Pompée entendu que le fleuue appellé Phasis n'estoit trop loingtain, esperant par icelluy passer en Colchos, & de la s'en aller en Bosphore contre Mithridates, feist selon ce qu'il auoit pensé, & courut par le pays des Colches & de leurs voisins, partie par

Artaces en  
uoya ses  
enfans en  
ostai-ge de  
uers Pópée

Colchos,  
Bosphore.

tie par cōposition & partie par force: & auoir illec esté aduertý que par terre ferme se portoyent les biens & richesses par gens incongneuz & belliqueux, & encores plus difficilement par mer pour la diuersité des portz inhabitez, commanda que l'armée demeurast ferme contre Mithridates, à ce qu'il ne peult nauiguer en aucú lieu, & que la voye de recouurer viures luy fust empeschée, & ce pendant se tourna par la voye plus briefue contre les Albanes affin qu'il les preoccupast à l'impourueu de composer. Mais estât retourné en Armenie passa le fleuue de Cyrne à pied & à l'endroit qui luy sembla plus apte: & auoir passé, commanda que les gens de cheual passassent par le plus courant ensemble les cariages, & apres les gens de pied, à ce que les cheuaults en passant rompissent la violence du fleuue. Doncques passé Pompée avec son exercite le fleuue du Cyrne, & ayant trauersé iusques au fleuue Cambyse, ne fut aucunement empesché par les ennemys, mais au moyen de la chaleur & de la soif soustint avec l'exercite grandes disettes & mesaisies, bien qu'il despeschast la plus grand partie du chemin de nuict, car leurs guydes leurs prisonniers ne les conduisrent par les lieux plus aptes, ioinct aussi que le fleuue ne leur faisoit ayde pour estre leue trestroyde, & beue de par eulx sans mesure fait à aucuns grand nuyfance: & voyant que en ce lieu ne luy apparut aucun obstacle tira oultre iusques en vne contrée appellée Abante portans tousiours de l'eaue par ce que le reste requis pour leur viure recepuoyent des habitans du pays volontairement. au moyen dequoy ne furent des Rommains aucunement molestéz. Ausquelz estant denoncé que Orefes venoit contre eulx Pompée desirant se ioindre avec luy auant qu'il sceult la multirude des Rommains de paour que l'ayant sceue ne se tournast en fuyte, mist en l'esle de son ost les gens de cheual, leur commandant ce qu'il estoit de besoing: en apres commanda que les autres de pied se meissent à genoulx & illec demourassent sans faire bruit en maniere que Orefes sentist plustost leurs coupz que leur arriué. Au ioindre, Orefes feist petit estime des gens de cheual de Pompée, cuydant qu'ilz fusseut sans auoir compaignie leur courut sus & les pourfuyuit avec toute sa puissance estans vng peu reculez & iusques à ce que les gens de pied agenillez se leuerent, lors les gens de cheual se diuiserent en deux parties, & ainsi donnerent passaige seur aux souldardz, lesquelz ayás recueilly leurs ennemys qui poursuiuoient les Romains sans consideration aucune, en enclouyrent & environnerent vng grand nombre qu'ilz taillerent en pieces, & les gens de cheual ceulx qui estoient demourez à enclorre ainsit tant à dextre que à fenestre en tuerent plusieurs, & plusieurs lesquelz fuyans s'estoynt retirez es forestz circonuoisines furent ars & bruslez: cryant lors de l'assault, ô Croman, ô Croman.

Albanes.

Armenie.

Cambises.

Abante  
region.

Orefes.

Orefes def  
faict en ba  
taille par  
Pompee.

Paix avec  
les Alban-  
nes.

Mont Cau-  
caso.  
Mer Cas-  
pie,

Phraant

Gabinus.  
Euphrates  
Tigris &.

Cordués.  
Tigranes.

Corduene  
remise être  
les maïs de  
Tigranes.

Mesopota-  
mie.  
Syrie.  
Parthe.

Phraant se  
intituloit  
roy des  
roys.

Phraant  
contre Ti-  
granes.



Pres doncques que Pompée eut obtenue victoire contre Oreses, & transcouru tout son pays, conceda la paix aux Albanes, & à certains habitas circouuolins de môt Caucaso, iusques à la mer Caspie, ou icelluy mont commenceant a l'endroict de Pont se finist : feist aussi paix, luy ayant premierement avecq les dessus nommez mande ambassadeurs à ceste fin. Mais Phraant enuoya bien vers luy voulant renouveler les articles de la paix, car voyant l'impetuosité de Pompée & de ses conducteurs qui auoient destruiet tout le reste du pays de Pont, & d'Armenie, & Gabinus estre procedé oultre le fleuve d'Euphrates iusques au fleuve de Tigris, commença auoir paour des Romains, & pource desiroit grâdemment s'accorder avec eulx. mais rien ne luy prouffita : car Pompée quant aux choses lors presentes & a l'esperance qu'il auoit dicelles, feist peu d'estime de luy, & parla aux ambassadeurs fort orgueilleusement leur demandant tout le pays appellé Corduene qu'il auoit en differât avec Tigranes, & voyant Pompée que les ambassadeurs ne luy faisoient responce comme ceulx qui iouxte telle demande n'auoyent aucune charge, escripuit à Phraant aucunes choses, desquelles touteffois n'attendit la responce : ains incontinent enuoya Affranus au pays : lequel prins, sans batailler, ne autre empeschement, le donna à Tigranes. & Affranus passé par la Mesopotamie en Syrie comme contre les traictez de paix, vers le roy de Parthe se trouua en grand erreur, & soustint plusieurs maulx tant pour les tempestes que pour la disette des viures, & eussent este tous destruietz ne feussent les Cariages, collomnes des Macedoniens, qui habitoient en ce lieu, & desquelz furent receuz & acompaignez iusques dehors la contrée. Ces choses doncques feist Pompée contre Phraant par la puissance qu'il auoit, voulant apertement demonstrier toute chose estre soubmise aux armes, & que celluy qui à puissance par icelles dispose de tout, ainsi qu'il luy vient à plaisir. Et oultre ce luy feist iniure quât a son tiltre duquel il se glorifioit escriuant a tous les autres, & mesmes aux Romains, lesquels encores luy r'escruians le luy attribuoient par ce qu'ayant acoustumé se intituler roy des roys Pompée luy osta de son tiltre ce mot des roys & luy escripuoit seulement, luy donnant le tiltre de roy. Bien que a Tigranes prisonnier quand il triompha de luy dans Romme, y supr'adiousta ce tiltre cõtre la coustume. Phraant doncques posé qu'il doubta Pompée, à scauoir le honnorast de paour, neantmoins le tint a mal comme celluy qui fut priué du royaulme, Parquoy ayant mandé aucuns ambassadeurs se lamenta avec Pompée de toutes les iniures par luy receues luy prohibant le passaige de Euphrates, pource que Pompée ne luy donnoit aucune pacifique responce, incontinent au printéps ensuyuant dressa son exercite contre Tigrane avec son filz auquel

quel il auoit donné sa sœur pour espouse, & feist ces choses en l'année que Lucius Cesar & Gaius Figulus estoient cōsulz. Et il estât vaincu en bataille depuis vne autrefois son exercite dressé contre Tigranes obtint la victoire, au moyen dequoy Tigrane appellant en son secours Pompée qui pour lors estoit en Syrie, Phraat enuoya encores autres ambassadeurs vers Pompée se lamétant fort de luy, & encores certiffa aux Romains plusieurs choses si que Pompée en eut vergongne & demoura sur ses gardes sans donner secours à Tigranes, & ne fait aucune chose prouocquât Phraant à inimitié, l'excusant ceste guerre ne luy auoir esté cōmise, & que Mithridates estoit encores en armes, & luy suffisoient les premieres entreprinles, & ne vouloit appetât plus grans choses esinouoir au peril de Lucullus. Tellles estoient les raisons que Pompée alleguoit pour ses iustificacions contre Phraant, & disoit estre chose iuste desirer le bien & faculté d'autrui quand lon ne le pouoit prendre. car craignant lexercite du Parthe, & l'instabilité & variatiō de fortune ne voulut accepter ceste guerre, bien que plusieurs le voullissent induire a icelle, mais adnichilla encores les obiections que luy faisoit le Barbare auxquelles ne fait responce sinon qu'il auoit differant avec Tigranes pour quelques confins desquelz seroyent iuges trois hommes qu'il enuoyoit expressement. Et ces deux ayans respectiuemēt acceptez les trois personnaiges enuoyez par Pōpée pour leurs arbitres, purgerent tous les obiectz faictz par l'ung cōtre l'autre. & cela faisoit Tigranes par ce qu'il n'auoit eu secours de Pompée: Mais Phraant vouloit que l'Armenien demourast en Syrie, à ce que si par quelque temps estoit besoing il peust vser de luy pour compaignon en guerre contre les Romains, par ce que l'ung & l'autre d'eulx estoit certain que quiconque d'eulx vainquist l'autre, la puissance des Romains augmenteroit, & apres l'autre seroit plus facile à subiuguer. Ces deux doncques pour ceste occasion se reconsilerent. Mais Pōpée encores à l'heure se yuernoit en la cité de Aspide, & print les autres lieux qui luy faisoient resistance, mesmes eut vne forteresse appellée Simphorie de Stratonice femme de Mithridates, indignée cōtre son mary pource qu'il l'auoit laissée, & pour ce faire manda les gardes de la forteresse dehors pour querir des viures, & apres receut les Romains dedans.

**E**T ne fut pour ce loué en la dignité Edilice, mais encores pour auoir fait sumptueusement les festes de Romme, & de la mere des dieux, & encores les ieux des gladiateurs avecq grand magnificence en l'honneur de son pere, & les despenses faictes furent communes à luy & à son compaignon Figullus au cōsulat: touteffois il fut tant excellent & superieur en icelles qu'il s'appropriâ toute la gloire, en prouenant Bibullus auoit acoustumé de dire que cela luy estoit interuenü de Polux qui auoit le temple cōmun avec Castor son frere. ce neantmoins de son nom ne se fait mention. Les Romains doncques s'esioyffoient pour telles choses, mais

Lucius Cesar & Gaius Figulus cōsulz.

Tigranes vaincu par Phraant.

Lucullus.

Arbitres enuoyez par Pōpée pour decider du differant de Phraant & Tigranes.

Aspide.

Symphorie. Stratonice femme de Mithridates.

Bibullus.

Signes ad  
uenuz en  
Rome.

les monstres apparoyssans chascun iour, les troubloyent moult; par ce que plusieurs statues estans au capitolle furent ruynées de sagettes celestes, & entre les autres celle de Iupiter assise sur vne colomne, aussi vne ymage de la Louue avec Romulus & Remus tomba par terre, en maniere que les lettres inscriptes es colomnes esquelles estoient posées les loix se confuserent & deuiendrent caducques, parquoy faisoient plusieurs choses par l'information de leurs deuinateurs: & entre autres firent edict que vne statue plus grande que la premiere fust dressée en l'honneur de Iupiter regardant vers Orient, & la place, à ce que les coniurations pour lesquelles ilz se conturboient feussent reuelées. Ces choses doncques arriuerent en cest an. Et les censeurs estés venuz en cōtention de ceulx qui habitoiēt oultre le fleue du Pau, parce que l'ung diceulx vouloit qu'ilz fussent creéz citadins & l'autre l'épéschoit, en ceste maniere ne firent rien des autres choses; ains renocéret au magistrat, & par ce leurs successeurs le firent ayās la resistāce des tribuns qu'ilz ne fussent anombrez au senat, car ilz craignoyēt de ne decheoir du senat, & en ce mesme an tous ceulx qui habitoient en Rome dechasserent excepté tous ceulx qui habitoient la part laquelle à present est appellée Italie, & ce par sentence donnée par vng nommé Gayus Appius tribun, parce qu'ilz superhabondoyent trop, & n'estoyent aptes de habiter avec eulx. Et l'année ensuyuant Figulus & Lucius Cesar estans cōsulz furēt faictes & traictées choses petites, touteffois dignes de memoire, pour denoter la variatiō tant de fortune que des choses humaines, par ce que celluy qui auoit occis Lucretius par le commādement de Sylla, & vng autre lequel en auoit occis plusieurs, prescriptz par icelluy Sylla, furent accusez & finalement pugnis de leurs demerites. Et fut ceste chose speciallement faicte par le moyen de Iule Cesar, de sorte que ceulx qui ia ont esté trespuissans par la variation de fortune sont deuenuz tresdebiles. Cela doncques aduint contre l'opinion de plusieurs, ensemble la solution de Catilina, lequel fut accuse de semblable delict, cest a scauoir d'auoir occis plusieurs hommes pendant ses bannissemens & proscriptions. Depuis ce Catilina deuint encores plus vicieux & par ce fut destruit, car estant consul Cicero avec Gayus Anthonius, Mithridates ne commectoit ia chose griefue cōtre Rome, mais il se occist luy mesmes: touteffois desirant Cicero de faire nouuelleté ayant recueilly quelque nombre de ses compagnons Romains le meit en crainte d'une guerre non petite, & l'une & l'autre de ces choses succeda en ceste maniere.

Comment Mithridates mourut.

## Chapitre IIII.

Danube, fl

**M**ithridates ne peut soustenir ces calamitez, ains suyuant plus tost sa volunté que sa puissance, pensoit de vouloir passer oultre le fleue de Danube par le pays des Scythiens & d'illec descendre en Italie, car  
comme

comme celluy qui estoit de nature magnanime & auoit tempté & prouué plusieurs fortunes & infortunes, & ne desespéroit en aucune chose, ne audace ne hardement luy deffailloit. Et quand ores tout luy viendroit contraire à sa volonté, vouloit plustost finir sa vie avec son regne que viure en misere priué d'icelluy. Doncques au moyen de ces pensees se fortifioit, & de quant il estoit foible de corps & debile de tant estoit fort de courage; en maniere qu'avec conseil supplioit à l'infirmité du corps: mais ses adherens voyans que la partie de Mithridates estoit debilitée & celle des Romains fortifiée par ce que oultre les autres calamitez vng tremblement de terre ruyna plusieurs citez en ses pays, Alors se commencerent à muer, & les souldardz si comme ilz auoyent a faire nouuelleté & aucuns deulx ayans prins aucuns enfans de Mithridates les porterét à Pompée. En ces entrefaites Mithridates trouuant ses conspirateurs les pugniffoit & aucuns par suspitiō preuenoit en maniere qu'il ne se fioit à nul des siens, ains ayant suspitiō de ses autres enfans, les feist mourir. Quoy voyāt vng de ses enfans nommé Pharnaces, craignant son pere, esperant aussi obtenir le royaulme des Romains, mist contre son pere plusieurs embusches, dont fut Mithridates aduertey, par ce que plusieurs tant couuertement que manifestement recherchoyent ce que Pharnaces faisoit, & eust esté pugny si les massiers eussent porté quelque amytié au vieulx roy: Mais posé que Mithridates fust tressaige & expert en toutes choses appartenāt au royaulme, neātmoins pour l'heure apprint que à aucū seigneur n'aydent ne les armes ne la multitude des subiectz sans leur beniuolence, mais de quant vng plus en à de tāt est pire pour luy. Pharnaces doncques avec ceulx qu'il auoit mande à son pere pour le prendre par ce que facilement les retira à son party, s'en alla appertement contre luy. Ce que ayant entendu le vieil roy estant lors en Penticape enuoya aucun nombre de souldardz contre son filz comme sil les eust voulu suyure, & ilz comme ceulx qui ne portoyent amytié à Mithridates incontinent declinerent à la part dudit filz, & ainsi print la terre & seigneurie de la volonté des citadins, & occist son pere qui s'en estoit fuy dans le Palais, Bien qu'il eust tempté de se occir soy mesmes, car ayant premièrement despeschées ses femmes & enfans avec poysons beut ce qui en restoit, toutessois ne avec ce venin ne avec son espée se peut occir, & le venin (bien qu'il feust mortel) ne le peut iamais faire mourir: car au temps passé il s'estoit fortifié la nature avec plusieurs remedes cōtre le venin, & le coup de la propre main estoit debile, tant par l'imbecilité de son aage cōme par l'assumption du venin: & pource que luy mesmes ne se pouoit destruyre, & sembloit qu'il demourast longuement, ceulx mesmes qu'il auoit enuoyez contre son filz luy coururent sus & hastèrent sa mort à coups de lances & despées: neantmoins Mithridates qui de tousiours auoit vsc d'une tresgrande fortune, n'eut encores simple fin de sa vie, car il

Rebellion  
contre Mi  
thridates.

Mithrida-  
tes occist  
ses propres  
enfans.

Pharnaces

Pharnaces  
contre Mi  
thridates.

Penticape.

## Le Trenteseptiesme liure

desira de mourir contre sa volenté, & se hastant de se occir ne peut paruenir à telle execution, mais l'ayant cherchée tant avec venin que poincture d'espée en fin fut taillé en pieces par ses ennemys. Ce fait, Pharnaces assembla le corps de son pere & l'enuoya à Pompée pour vng certain indice de ce qu'il auoit fait, & se donna ensemble tout le pays à luy, Mais Pompée ne feist aucune nuyfance au corps de Mithridates, ains commanda qu'il fust inhumé es sepultures paternelles, Car estimant l'ynimitié estre estaincte avec l'ame, ne demonstra aucune vaine ire contre le corps: toutefois donna le royaulme de Bosphore à Pharnaces pour recompense de la meschanceté commise contre son pere, le tenant & representant au nombre des amys & confederez des Romains. Doncques Mithridates & toutes ses terres furent prinſes excepté quelque petite contrée ou certains potestatz & gouuerneurs tenoyent aucunes fortereſſes hors de Bosphore, & ne se vouloyent si tost accorder, non qu'ilz euſſent volenté de faire resistance, mais pource qu'ilz craignoyent qu'aucuns deſrobans premierement les tresors qu'ilz auoyent en garde ne leur donnaſſent la coulpe, & par ce estoient en demeure voulans le tout monſtrer à Pompée meſmes & non à autre. Et Phraant estant en repos & la Syrie & Phenice serrée, Pompée se reuolta contre Aretes roy des Arabes qui maintenant tiennent des Romains iufques a la mer Egiptie, lequel auoit au parauant grandement endommaigé la Syrie, & ayant esté pour ce vaincu en bataille des Romains commis à la garde du pays, neantmoins pour lors encorés faisoit guerre, au moyen dequoy Pompée conduisant contre Aretes ses voisins en armes facilement obtint celle region en laquelle establist le ſiege preſidial.


L'humani-  
te de Pom-  
pée au  
corps de  
Mithrida-  
tes.

Aretes roy  
des Arabes

Aretes vaincu  
en bataille.

### Comment les Iuiſz furent ſubiuguez. Chapitre V.

Syrie Pale-  
ſtine Phenice.



CE fait tira contre Syrie Palestine, comme qu'ilz euſſent endommaigée la Phenice, laquelle contrée estoit possédée par Hircanus, & Aristobulus, freres, lors en differend pour la dignité sacrée de leur dieu (quel qu'il soit) assauoir pour son royaulme, lequel ilz nomment dignité sacrée, & les citéz aussi pareillement estoient diuisées en deux parties. Pompée doncques sans lurer aucune bataille eut en sa puissance & domination Hircanus qui n'estoit pour lors fort ne garny d'aucun exercite digne d'estime, & ayant assiegé Aristobulus en vng certain lieu le contraignit composer avec luy, & voyant qu'il ne luy donnoit ne les tresors ne la domination entre ses mains le mist en prison, & depuis plus facilement se soubzmit tous les autres. Ce fait Pompée meist le ſiege deuant

uant Hierusalé, ou il eut assez d'affaires cōbien qu'il print le reste de la cité sans aucune fatigue estant receu dedans de ceulx qui tenoyent le party de Hyrcanus. Mais ayant esté le temple preoccupé de la partie contraire ne le peut prendre sans grand peine de luy & des siens, car il estoit pose en vng lieu hault, & si estoit circuy d'ung mur tres fort. Et si les Iuifz l'eussent chascun iour deffendu avec egalle diligence, Pompée ne l'eust sceu prendre. Mais ilz intermettans la garde du temple le iour du samedy, & ne faisans ce iour aucune œure, donnerent temps aux Romains, ce pendant qu'ilz vacquoyent à leurs cerimonies, de gecter le mur par terre, Par ce que estant Pompée aduertuy de leur coustume, les autres iours ne faisoit aucun effort, ains seulement chascun iour de samedy estoient assaillis des Romains avecques toute leur puissance. Et ainsi furent prins vng iour de samedy n'ayans fait aucune resistance, & tous les deniers mis à sac, & fut le royaulme donné à Hircanus & Aristobulus reduict. Ces choses doncques furent ainsi faictes en Palestine, car ainsi est appelée ceste nation: laquelle s'estend de Phenice iusques en Egypte & pres de la mer interieure, & ont encores vng aultre nom superadiouste, car la region est appelée Iudee, & eulx Iuifz, & quant à moy ne scay dont tel nom ayt prins son origine & commencement: neantmoins s'estend à tous les autres hommes obseruans les cerimonies de ceulx cy (bien qu'ilz soient d'autre natiō) Et à ceste nation souuentefois esté interdite des Romains, toutefois est à present tant augmentée qu'elle à audace se appeller pour vne partie des hommes: & sont diuisez en toutes leurs coustumes des autres hommes: & sur tout n'adorent aucun autre dieu que vng seulement entre les autres, & n'euient oncques aucune statue dedans Hierusalem, mais pensans que ce dieu soit sans nom inuisible vsent de superstitiōs plus que nulle autre natiō, & luy ont cōsacré vng temple tresgrand & tresbeau, excepté qu'il n'est aucunement couuert; Et tiennent le iour de Saturne, assauidir le samedy, pour sacré, Et ne font aucun ouurage tout ce iour. Et ce qu'appartient à ce dieu (quel quil soyt) & par quelle raison se soit ainsi venu en honneur, & en quelle maniere ilz l'ont tant en veneration, à este dict & escript d'autres: ioinct aussi que telles narrations ne sont conuenables à la presente histoire. Mais que les iours soient nommez selon le nombre de sept planettes, cela fut constitué des Egyptiens, Et n'y à long temps que tous les hommes ont prins ceste coustume. Les anticques grecz (que ie saiche) ne l'obseruoyent en aucune maniere, mais depuis que tous les autres & les Romains speciallement, l'ont acceptée & prinse, les grecz encores par vne certaine forme l'obseruent. Et ie veulx briefuement exposer en quelle maniere les iours furent ainsi ordonnez. Et en ay ouy deux raisons lesquelles ne seront difficiles à entendre, & contiennent en soy aucune speculation: Car si vng redoublloit l'harmonie qui communement est appelée Dyatessoron, & en laquelle

Hierusalé  
alliege.Le temple  
alliege.Les Iuifz  
obseruans  
le samedy.Le temple  
prins d'as-  
sault.

Les Iuifz,

Le dieu  
des Iuifz.La manie-  
re des  
Iuifz.Les iours  
de la sep-  
maine.Comment  
les iours fu-  
rent ordō-  
nez.

## Le Trenteseptiesme liure

se croit consister toute la musique à ces planettes desquelles tout l'ornement du ciel est distinct selon l'ordre duquel tient chascun en son cours, & commençant à la dernière reuolution qui est attribuée à Saturne, & puis laissant les autres deux qui les suyuent, & se nomme le president de la quarte, & puis il passant en deux autres paruiet à la septiesme, & en ceste mesme maniere precourant & retournant en circuyt aux dieux presidents de chascune, & les anombrast aux iours, Trouueroit tous ces dessusnommez par vne certaine raison musicalle estre adaptez à l'ordination celeste. Et est ceste, l'une des raisons assignées: mais l'autre est telle, commençant, Nombrez les heures du iour & de la nuit, de la premiere l'assignant à Saturne, & la suyuant à Iupiter, la troisieme à Mars, la quatrieme au Soleil, la cinquieme à Venus, la sixieme à Mercure, & la septiesme à la Lune, selon l'ordre des spheres (ce que presuppisent les Egyptiens) & faisant de nouuel cela mesmes par ce que en ceste maniere precourant toutes les vingt quatre heures tu trouueras la premiere heure du iour suyuant tomber au Soleil en faisant le semblable en autres vingt quatre heures suyuant selon la raison prediète touchera à la Lune la premiere heure du troisieme iour, Et ainsi procedant se trouuera la planette assignée à chascun iour. Ces choses ont esté assignées en ceste maniere. Mais Pompée apres auoir obtenu les victoires prediètes, vne autre fois s'en vint à la contrée de Pont, & ayant prins les forteresses de deca, passa en Grece, puis en Italie, ou il obtint plusieurs victoires, & se adiousta plusieurs puissances, partie par force, partie par composition, acquist gros renenu, & accepta & disposa plusieurs nations soubz misés aux Romains estans es pays de terre ferme & de Asie, à ce qu'ilz se regissent & gouuernassent par propres loix, en maniere que iusques à present obseruent les coustumes introduictes par Pompée. Et pose que ses faitz soyent grans & telz qu'ilz ne furent oncques commis telz par aucun Romain, toutes fois on en pourroit attribuer partie à fortune, & partie à ses gens d'armes. Mais ce qui à esté oeuvre de Pompée, seul est digne de memoire & grâde admiration, & maintenât le reciteray, c'est, que luy ayant grand puissance tant en mer que en terre ferme, & assemblé grosse quantité de deniers des rancons de ses prisonniers, s'estant demonsté beniuole à plusieurs puissances, comme Roys & autres potestatz, & pouoir moyennant ceste puissance obtenir toute l'Italie & se faire empereur, considéré le grand nombre de ceulx qui lauroient voluntiers attesté, & si aucun eust voulu faire resistançe, les luy eussent soubz mis: ce neâtmoins ne le voulut faire, ains si tost qu'il fut passé à Brandis donna congé à toute sa gendarmerie sans attendre le decret ny du Senat ny du peuple, ne faisant compte vouloir vser dicelle en son triuphe. Et pource qu'il scauoit les faitz de Marius & de Sylla estre du peuple moult hays, ne les voulut effrayer, mesmemēt pour si peu de iours, de n'endurer pareilz incōueniēs. Dōcques pour la grandeur

Autre raison.  
Saturne.  
Iupiter.  
Mars.  
Soleil.  
Venus.  
Mercure.  
La lune.

Marius.  
Sylla.

deur de ses faitz, encorès qu'il peüss acquérir tiltres toute fois n'en voulut aucun. Et au regard des triumphes appellez Maieurs, bien qu'il ne fust licite à aucun les conduire sans ceulx qui auoyent participé à la victoire, toute fois luy estàs offerz les accepta & conduist pour toutes les batailles par luy faictes, & enuoya plusieurs autres trophes tres bien ornez, faictz en la souenge de chascun, ayant assisté en ses victoires, & entre autres y en enuoya vng sumptueusement orné, lequel par son escript s'appelloit le trophée du monde. Neantmoins ne voulut accepter aucun surnom, ains fut cōtent estre seulement nommē Grand, lequel nom il auoit premieremēt obtenu pour la grandeur de ses faitz. Pareillement ne desira obtenir aucun honneur trop excellent; ne vser de ceulx qui luy auoyent esté concedez en son absence: excepté vne seule fois, & estoient telz que en toutes les sollempnelles congregations il peust porter le laurier, & en ces iours toutes ses robes consulaires, & la triumphalle es festes appellees des cheualx: car toutes ces telles préeminēces luy furent concedées, spécialement pour la faueur de Gaius cesar contre la volunté de Marc caton. Et ce qui appartient à Gaius, quel homme il fut, & comme il cherchoit la faueur du peuple, & en autres choses, il mesmes deprimoit Pompée: & ou il veoit pouoir gratifier à Pompée & par son moyē se faire grand en ce, le secondoit, à este dit par cy deuant. Mais ce Caton fut de la gent & lignée de Portian, & imitoit l'antique Caton en toutes choses excepte qu'il exercitoit plus la languē Grecque, que ne faisoit l'autre. Il fauorisoit grandement la partie du peuple, & n'auoit en admiration aucun homme particulier, mais aymoît la Republicque sur tous les autres, ayant en hayne tous ceulx qui auoyent préeminence sur les autres, par suspicion de grand puissance. Il aymoît tout le petit populaire par misericorde de sa debilité, & parloit liberalement pour la deffence de la iustice, voire avecq grand peril: lesquelles choses faisoit non pour acquerir puissance, gloire, ou aucun honneur, ains seulement pour la liberté. Estant doncques ceituy tel, en son commencement proceda en publicq, & bien qu'il n'eust aucune particuliere inimitié contre Pompée, toute fois contredist aux decretz faictz par le senat, par ce qu'ilz luy sembloient contreuenir à la coustume de la patrie. A Pompée doncques absent, les Rommains concederent telles préeminences, mais luy arriué n'en fut nouvelles, bien qu'ilz luy eussent adiousté tout hōneur pourueu qu'il le eust requis. Toute fois à maintz autres moins puissans que luy souuent ont cōcedé plus grans honneurs: & si est chose manifeste que ce qu'ilz en firent estoit contre sa volunté, car il congnoissoit vrayement que tout ce que le peuple concede aux hōmes puissans (bien qu'ilz le fassent volontairement) engendre suspicion que ne luy aye esté faict sinon par force & par introduction des hommes plus puissans & n'en resultoit aucune gloire à ceulx qui les receuoÿēt cōme non par beniuolēce mais par force les auoir acquis. Pour ces causes ne permit au commencement que aucun feist requēte pour luy, estimant cela estre beaucoup miculx

Pōpée sur  
nomme,  
grand.

La feste de  
cheualx.

Caton,

mieux à propos que reffuser apres qu'elles luy eussent esté cōcedées, par ce que d'ung costé il acquerroit hayne en la puissance de laquelle il estoit congneu: & seroit reputé superbe, & iniurieux, n'acceptant ce que luy concedoyent ses maieurs, ou pour le moins ses semblables: mais en l'autre vrayement demonstreroit non seulement le nom, ains l'effect d'estre amateur de la liberté du peuple, par ce que ayant receu tous les magistratz & quasi toutes les préeminences contre la coustume Romaine ne voulut accepter autres semblables choses, par lesquelles ne profitant à autruy, ne luy receuât aucune vtilité debuoit estre ennuyé & hay de ceulx mesmes qui les concedoyent: & furent ces choses faictes en certain tēps. Mais les Romains cesserent toutes les guerres durant le reste de l'année, en maniere qu'ilz firent l'auguration de la santé par plusieurs iours. & est ce vne forme de deuiner, en laquelle ilz croyent que si dieu leur donne permission, leur soit licite demander la santé au peuple comme qu'il ne soit honneste la demander auant que leur en soit donné licēce: lequel iour de auguration estoit celebré chascun an, pourueu touteffois qu'aucū exercite ne fust enuoyé en bataille, & nul feist contre le siege Romain resistance ne guerre, & pource n'estoient ces festes celebrées durant les guerres continuelles, & especialement es batailles ciuiles, car encores autremēt estoit difficile trouuer vng iour franc de tous telz semblables tumultes: & leur sembloit chose inconueniēte ilz estās cause de plusieurs maulx en pareilles seditions & ne pouans estre liberez de diuers accidēs, ou bien qu'ilz ne vainquissent ou fussent vaincuz, & voulsissent en apres demander le propre salut des dieux. En ce tēps peut bien l'auguration estre faicte: touteffois elle ne fut pure, pour autant que aucunes especes d'oyseaulx vollerent diuersement, & par ce estoient cōtraires. & autres signes non prosperes y arriuerent, car plusieurs sagessees tomberent du ciel, estant le temps serain la terre se meut fort, pareillement en maintz endroitz apparurent ymages d'hōmes avec plusieurs facelles venās du coste d'orient courans parmy le ciel, en maniere que toute priuée personne pouoit entendre leurs significatiōs, car les Tribuns ayans ioinct avec eulx Anthoine qui leur estoit fort de coustume semblable, l'ung d'eulx vouloit reduire aux magistratz & dignitez les enfans de ceulx qui auoyent este bannis de Sylla: l'autre concedoit à Petus & à Cornelius Sylla qui auoit este cōdemne avec luy, qu'il peust encores entrer au senat & auoir offices. vng introduisoit la remotion des vsurēs: l'autre, que les possessions d'Italie fussent diuisees ensemble, & la reste des pays subiectz, à leur communaulté. Lesquelles choses préoccupées par Cicero, & autres, tenans son party, furent appaisées auant que aucun trouble en arriuaft. Mais Titus Labiennus ayant accusé Gayus Rabyrius pour la mort de Saturnin, fut cause de grand trouble entre les Romains, par ce que Saturnin estoit decedé trente six ans auant ce temps, & les consulz alors auoyent dresse guerre contre l'homicide par auctorite & decret du senat, de sorte que par ce iugement se derogeoit à l'auctorite

Auguratio  
faicte par  
les Romains.

Signes ad-  
uenuz a  
Romme.

Anthoine.

Petus.  
Cornelius.  
Sylla.

Titus Labiennus  
acusatus  
Gayus Rabyrius.

auctorite

utorité du senat, & pource estoit troublée toute la forme de la républicque, car Rabirius ne confessoit auoir occis Saturnyn, ains instamment le nyoit, mais les tribuns vouloyent du tout destruire l'auctorité du senat, & cherchoient d'acquérir vne licence de faire leur plaisir, pource que obtenans telle licence se corrigoyent tous les decretz du senat & ce qui auoir esté ordonné ia si long temps, & si donnoit congé a ceulx qui cherchoyent telles inuentions & les pugnitions estoient escheues. Le senat au contraire pensoit estre chose iniuste que vng sénateur n'ayant commis aucune iniustice & qui ia estoit parueniu en vieillesse fust deffait en ceste maniere: mais beaucoup plus se conturboient voyant la forme de la republicque estre perturbée & que le gouuernement estoit mis entre les mains d'hommes tresmauuais, & se leuerent plusieurs seditions & contentions de l'une & l'autre partie. En ce iugement y estans aucuns qui ne vouloyent cela estre ordonné & autres le contraire, & depuis que ceste seconde partie fut obtenue par la faueur de Cesar & d'aucuns autres, vne autrefois se assemblerent pour le iugement, & estant iuge le mesme tribun avec Lucius Cesar, par ce que Rabirius fut iugé non simplement mais comme lon dit par duelion, luy donnerent sentence fauorable à quoy Rabirius ceda, car du tout eust esté condamné du peuple sinon que Metellus Celerés estant augure & preteur y mist empeschement: car voyant que autrement ne les pouoit persuader & ne scauoient tel iugement auoir esté fait contre la coustume du pays, monta au ianiculle auant quilz feissent aucun decret & deschira le signe militaire, de sorte qu'en ce temps ne peurent faire aucune determination. & est le fait du signe tel. Anciennement y eut plusieurs ennemis voyfins de la cité au moyen dequoy les Romains craignans que estans assemblez aucuns n'affaillissent la cité par insidations & mutineries, en entrant dans la ianicule determinerent que tous ne feussent tousiours presens au conseil ou bien au iugement: mais aucuns successiuiement gardassent la ianiculle: & ainsi le obseruoient ce pendant que la congregation duroit, mais icelle rompue f'ostoit le signe & les gardes se departoyent, car il n'estoit licite determiner ne traicter aucune chose le ianiculle n'estant gardé: & se obseruoit ceste forme pour occasion de saincteté seulement aux congregations faites au réps des mutineries, par ce qu'elles se faisoient hors la cité, que tous les portans armes estoient tenuz eulx trouuer en ce lieu. En ceste maniere fut rompue la congregation pour auoir esté osté le signe militaire, & Rabirius saulué. & bien qu'il fust a Labinius licite assembler vne autre fois les iuges, toutefois ne le fist, mais Catillina perist en ceste maniere. Et pour ceste cause sembla au senat demandant Catillina le consular, & cherchant tous les moyés de l'obtenir, adiouster bannissement de dix ans aux autres mulctes imposées contre les decimateurs, & ce à la persuasion principalement de Cicero. Lors Catillina pensant (côme estoit vray) cela expressement auoir esté fait pour luy, tempta assemblant vne compagnie de ses alliez de occir Cicero

Discord entre les sénateurs & tribuns.

Metellus Celerés

Monopole de Catillina.

au

Craincte  
de Cicero

Mutinerie  
de Catilina

Anthoine,  
& L'Estulus  
alliez de  
Catilina.

Gaius mau  
lus gou-  
uerneur de  
Florence.

au temps des elections, affin que incontinent apres il fust esleu consul, mais il ne peut, car Cicero ayant parauant esté de ce aduertý le denonca au senat, faisunt vne grande accusation contre Catilina : & voyant qu'il ne les peut induire à faire decret tel comme il estimoit, estant suspect de ne dire verité mais feist telle denonciation par inimytié, commença a craindre comme qu'il eust incité Catilina, & n'eust hardyessé d'entrer au senat comme il estoit coustumier faire, ains menoit avec luy ses amys bien en ordre pour le secourir si quelque peril luy suruenoit: & demonstrent soubz sa robbe vne cuirasse tant pour sa seureté que la calumnie de ses ennemys la vestit de industrie. Pour ces causes ioinct aussi que en vng momét se leua bruyt que Cicero estoit inuahy, le peuple se troubloit moult. Et les compagnons en la coniuration de Catilina, craignans Cicero, demouroyent en paix : & en ceste maniere furent esleuz autres consulz. Au moyé dequoy Catilina à l'heure non occultement contre Cicero & ses alliez, mais contre toute la Republicque, preparoit mutineries: car en la cite de Rome mesmes il amenoit & assembloit les plus vicieux & malings homes qui fussent, & lesquelz de tout temps auoyent desiré choses nouvelles, leur promettát l'anullation des vsures, les diuisions des possessions, & plusieurs autres choses par lesquelles il pensoit les pouoir esmouuoir. Et plusieurs des principaulx & trespuissans, entre lesquelz s'en trouuoient maintz autres, comme Anthoine mesme, qui estoit consul, s'alya avec luy avec promesses irreuocables & sermens inuiolables: car ayant sacrifié vng ieune enfant feist serment sur ses intestins, & ce faiét les sacrificia avec les autres: & sur tous les fauteurs de Catilina estoiet le Consul & Publius Lentulus qui auoit esté desmis du senat depuis le consulat, & alors tenoit la Preture pour estre de rechief restitué dans le senat: Mais les affaires de Florence ou residoyent les coniurez de Catilina estoiet gouuernez par Gaius Mauius homme moult expert en l'art militaire pour auoir esté en plusieurs faiétz d'armes avec les cappitaines de Sylla, lequel estant fort prodigue auoit consommées toutes ses facultez, bien que feussent grandes, & pource desiroit encores les nouuelletez. Ces cõspirateurs appareillans leur mutinerie, fut denoncé à Cicero premierement tout ce qui s'ordonnoit dans la cité, par lettres si incõgneues qu'on ne sceut scauoir le scribe d'icelles: toutesfois furent presentées à crassus & autres des plus apparás. à ceste cause fut ordonné inquisition estre faiète de tel trouble. La seconde denonciation fut de Tuscanie, au moyen dequoy imposèrent la garde de la cite aux consulz ainsi qu'il estoit acoustumé de faire: adioustant d'auantaige qu'ilz eussent esgard que la Republicque n'eust aucun dommaige. Ces choses ainsi determinées, & estant diuise le gouvernement en plusieurs parties en la cité, ne se commit aucune nouuellete, en maniere que Cicero estoit calumnié comme faulx accusateur. Neantmoins les affaires de Tuscanie confirmerent l'accusation, car Bias appella Catilina en iugement, ce qu'il accepta promptement en plain senat, comme qu'il se confiait grandement en sa iuste

iuste conscience, & s'apprestant pour deffendre sa querelle se mettoit entre les mains de Cicero, mesmes à ce qu'il n'eust doubte de sa fuite. Mais Cicero ne le voulant prendre en garde demouroit volontairement en la maison de Metellus Preteur (affin qu'il ne fust suspect de faire nouuelletez) iusques à ce qu'il receust force de ses complices & coniuerez: toutesfois voyant que les choses ne s'accordoyent, par ce que Anthoine de paour seltoit eslongné & Lentulus n'auoit asseurée puissance, les aduisa que la nuit ensuyuant se assemblassent en vne certaine maison, ou au desceu de Metellus il vint deuers eulx, & les reprint pour leur pusilánimité: & leur auoit recité ce qu'ilz endureroient estans descouuertz, & ce qu'ilz obtiendroyent si l'emprinsé leur succedoit, les concita de sorte que deux luy promirent entrer en l'hostel de Cicero au poinct du iour, & l'occir. Et pource que l'emprinsé fut descouuerte au moyen de ce que Cicero tant pour de sa puissance que de ses postulacions, pour lesquelles il estoit crainct & redoubté, auoit plusieurs en main qui luy denoçoient toutes choses, le senat determina d'enuoyer hors la cité Catilina. ce qu'il feit moult volontiers, & soubz telle iniunction se departit de Rome. Et estant paruenue à Fleurence esleut la guerre apertement, & ayant le nom & l'habit consulaire assembla tous les souldardz, & premierement congregez par Maulius & encores d'autres qui auoyent suiuy son party. Parquoy les Romains condamnerent la violence de Catilina, & enuoyerent Anthoine en bataille, ne sachans quil fust participant d'icelle, & luy presterent les robes. Au moyen dequoy Cicero demoura en Romme. Et bieu que au fort la prefecture de Macedoine luy fust aduenue, toutesfois n'alla en ceste prouince, ains la rendit à son compaignon du consulat pour la contention meue entre les iuges. Ne encores voulut aller en Gaule qu'il auoit receue au lieu de Macedoine, pour la presente mutinerie, mais il gardoit la cité, Et enuoya Metellus en Gaule, à ce que Catilina ne l'usurpast. Laquelle demeure fut moult oportune & necessaire aux Romains, car ayant deliberé Lentulus de brusler & occir plusieurs personages acompaignez, Et pource qu'il persuada les Allobroges qui pour lors estoient à Romme en ambassade à eulx reuolter de son party, Cicero les print & mena au Senat avecques leurs lettres: & leur ayant promis seureté de l'offense par eulx commise, descouurit toute la coniuration. Depuis estant Lentullus contrainct de laisser l'exercite du Senat, fut mis en prison avecq tous ses adherentz & coniuerez, prins avecques luy, & les autres cherchez en grande diligence. Lesquelles poursuytes ainsi faictes, furent moult agreables au peuple Rommain, Especiallement pource que Cicero faisant vne oraison sur la statue de Iuppiter dans le capitolle, en ce mesme instant se redressa, Laquelle par la suggestion des deuinateurs fut posée vers la partie d'Orient, & en la place: car depuis que les deuinateurs disrent qu'ung temps viédroit que vne coniuration & mutinerie seroit descouuerte pour le regard de la

Catilina  
condéne.

De la con  
demnation  
de Catili  
na, statue  
de Iupiter  
& autres  
choies.

Allobro  
ges qui  
maintenât  
sont ceulx  
de Daul  
phine.

Lentulus  
prisonier.

La statue  
de Iupiter

statue

statue & qu'il aduint, ladicte statue remise en son premier lieu que les coniu-  
 rations furent descouuertes, commencerent à glorifier les dieux, & plus  
 grand hayne en portoyent les Romains contre les coupables, en maniere  
 qu'il se dressa soudainement vng bruyt que Crassus estoit du nombre. Ce  
 que depuis confessa vng des incarcerez, neantmoins peu de gens y adiou-  
 stèrent foy: Par ce aucuns du commencement ne pensoyent qu'on deust  
 auoir de ce vne seule suspicion, & autres cuidoyent cela auoir esté fait par  
 les coupables, lesquelz sachant Crassus estre moult puissant, pensoyent  
 estre absoulz par son moyen. Et bien qu'il y en eust d'autres ausquelz sem-  
 blast telle chose n'estre hors de verissimilitude, toutefois ne leur sembloit  
 raisonnable destruire vng homme qui estoit le chef de la republicque, &  
 mettre pour cest effect leur cité en plus grande confusion. Parquoy l'accu-  
 sion de Crassus fut mise à part. Mais estans mis en ordre grand nombre  
 d'hommes tant de franche que serue condition, les aucuns de paour & au-  
 tres pour la misericorde de Lentulus, à tirer par force les prisonniers hors  
 à ce qu'ilz ne mourussent, Cicero aduertit preoccupa le capitolle, en s'as-  
 seya la place, & ayant des le matin receu bonne esperance des dieux ainsi qu'on fai-  
 soit en son hostel les sacrifices des vierges vestalles pour le salut du peuple  
 pour le feu qui s'esleua moult hault & plus qu'il n'estoit de coustume, com-  
 manda que le peuple iurast entre les mains des Preteurs se mettre en ordre  
 se d'aduéture y auoit besoing de gens armez. En ceste maniere assambla le  
 senat, lequel conturbé & par luy mis en crainte, les persuada de condem-  
 ner ceulx qui auoyent esté prins, & sur ce fait y eut diuerses sentences au  
 senat, & peu s'en faillit qu'ilz ne furent tous absoulz par ce que ayans quasi  
 tous deuant Cesar sentence qu'ilz d'eussent mourir, pour son oppinion  
 dist qu'ilz feussent eslargis, seulement priuez de leurs biens, & ce fait cõsi-  
 gnez en diuers lieux, avec clause que iamais ne peussent traicter ne pour-  
 suyre leur deliurace. & si l'ung d'eulx senfuoit ou absétoit de la cité en laquelle  
 il auroit esté cõsigné en garde, telle cité feust reputée ennemye de leur repu-  
 blicque: laquelle opiniõ de Cesar fut depuis cõfirmée de tous les autres ex-  
 cepté de Caton de sorte qu'ilz condamnerent encores aucuns des princi-  
 paulx. mais depuis Caton sentencía les mutins & conspirateurs au sup-  
 plice de mort & feist que tous les autres iugeassent le féblable. En ceste ma-  
 niere furent les malfaiçteurs pugniz, & pour ces causes faitz sacrifices &  
 supplications qui iamais n'auoyent esté veues, & les denoncez coupables  
 estoient cherchez & poursuiuiz, & les souspeconnez pour estre tardifz à  
 comparoir pareillement cõdemnez. & ainsi estoient les autres choses gou-  
 uernées des consulz. En ce temps Aulus Fuluius senateur fut occis par son  
 pere propre, lequel ne fut seul qui feit tel acte ainsi qu'aucuns pensoyent, car  
 maintz autres & non seulement les consulz occirent leurs propres enfans.  
 Ces choses ainsi faictes les plebeyens reduyrent l'election des preb-  
 stres au peuple pour la suggestion de Labinius, mais par le moyen de Cesar contre  
 la

Motinerie  
 pour la de-  
 liurace de  
 Lentulus.

La mort  
 de Lentu-  
 lus & les  
 complices

Aulus Len-  
 tulus occis

la loy faicte par Sylva fut renouuellée celle de Domitius, par ce que Cesar estant decedé Metellus desira obtenir sa dignité pontificalle posé qu'il fust encores moult ieune & n'eust esté preteur: touteffois auoit grande esperance au peuple tant pour autres causes comme pour ce qu'il auoit esté favorable à Labinius contre Rabirius, & aussi auoit sentécié que Lentulus ne fust mis à mort.

**I**L doncques obtint la dignité de Metellus & fut designé & constitué grand prestre, bien que plusieurs autres l'eussent demandée, mesinement Catulus: car Cesar estoit de sa nature tresprompt à faire chere & aduler chacun: & encores viril & ne delaissoit ne parole ne faict aucun par lequel il peust poursuyure son intention, & ne faisoit estime de se humilier du commencement, mais qu'il pensast à la fin dominer les autres. Cesar doncques pour ces causes auoit plusieurs amys: Mais Cicero estoit grandement haytant pour la mort des citadins que pour autres choses: & finablement se voulant le dernier iour du consulat excuser & reciter ce qu'il auoit faict estant consul, par ce que moult voluntiers non seulement vouloit les louenges des autres, ains encores luy mesmes se louoit, tous demeurèrent tacites & ne luy permirent qu'il dist autre chose oultre le serment acoustumé. Et en ce eurent favorable Metellus nepueu de Tribunus, excepté que Cicero oultre le serment deu, iugea il auoir faulvé la cité, chose qui augmenta d'auantaige la hayne & malueillance contre luy. Mais du commencement de l'année que Annius Siluanus & Lucius Lucinius estoient consulz Catilina fut destruit, car ce pendant que les choses predictes se traictoyent en Rome, bien qu'il eust grand puissance, neantmoins attendoit tousiours comment le fait de Lentulus succederait, & retardoit esperant que si Cicero & ses amys estoient occis apres toutes ses entreprinse luy succederoyent: touteffois depuis qu'il entendit Lentulus estre mort, comme plusieurs de ses amys de paour s'estoyent reuoltez, & que Anthoine & Metellus Celeres assiegeoiét les souldardz estans à Fleurence & ne laissoyét passer aucun, fut cōtraint se mettre au peril. Et pource que ces deux cappitaines estoyé diuisez en deux armées, dressa son exercite contre Anthoine, posé qu'en dignité il feust plus grand que Metellus, & eust beaucoup plus grosse armée, mais cela faisoit pource qu'il esperoit que ayant esté Anthoine participant de la coniuration se laisseroit vaincre: dequoy se doubtant Anthoine en soy mesmes & n'ayant plus amytié aucune à Catilina cōme celluy qu'il veoit debile (car la plus grand partie des hommes muent les haynes & les amytiéz selon la puissance des autres hommes) & craignant que voyant ses gens combattre promptement, Catilina ne luy reuelast quelque chose secrette, faignit d'estre malade, & commist le faix de la bataille à Marc Preteius, lequel venu contre Catilina le deffist avec trois mil de ses complices, non touteffois sans grand effusion de sang de son exercite propre, car nul du party de Catilina se mist en fuyte, ains tindrét tous fort en vng lieu, en maniere que les

b i vainqueurs

Cesar est  
le grand  
prestre.

Costume  
de Cesar.

Annius Syl  
uanus.  
Lucius Lu  
cinius.

Bataille en  
tre Catili  
na & An  
thoine.

Marc Pre  
teius.

vaincqueurs mesme se lamentèrent assez du dōmaige publicq par ce qu'ilz auoyent destruitz telz & tant d'hommes (bien que à iuste raison) mais toutesfois leurs citadins & compaignons: Ce faict Anthoine enuoya le chef de Catilina en la cité à celle fin que les Rōmains entendans certainement sa mort n'en eussent plus de paour, & il nommé pour ceste victoire empereur bien que le nombre des mortz fust moindre que celluy pour lequel estoit licite triumpher, toutesfois fut prononcée vng edict & decret que chascun en son esgard feist sacrifices & supplications & changerent leurs robes cōme silz eussent esté deliurez de tous periliz. Ce pendant les colliguez en la cōiuration de Catilina (bien qu'ilz pour l'heure feussēt fauluez, toutesfois ne stoiet de repos en leurs espritz, ains plustost pturbez de paour d'estre puniz ce qu'ilz furent) preoccupez daucus preteurs pour ce commis, & autres qui estoient occultes, estans denoncez par Lucius Vetius cheualier, lequel encores auoit esté participant de la mesme cōiuration (toutesfois assure) s'estoit iustificié iusques à ce qu'en denoncant d'autres & escripant leurs noms en certaines tablettes depuis en voulust inscrire d'autres, mais les senateurs en cest esgard ayans suspect qu'il ne sceust ce qu'il feist, ne luy donnerent plus la table de paour qu'il ostast quelcun, ains luy commanderent manifester de vne voix tous ceulx qu'il disoit auoir delaissez à inscrire. Alors ce tel deuinateur partie de paour & partie de honte n'en denonca aucun; toutesfois se leua vng tumulte en la cité pour scauoir les noms de ceulx qu'auoyent esté accusez, & pource que aucuns vainement se troubloyent pour la crainte de eulx mesmes & autres souspeconnoyent d'autruy contre verité, sembla au senat estre licite pour mettre hors toute suspicion que les noms des denoncez fussent publicquement exposez. Au moyen dequoy les non coupables feurent appaisez, les delinquans pugniz & aucuns en leur presence & autres en leur absence condempnez. Doncques Catilina fut cause de ces diuisions & mutineries, & par bonne espace de temps nommé pource qu'il auoit voulu faire à la gloire de Cicero & de ses oraisons faictes contre luy, toutesfois peu s'en faillit que Cicero ne fust luy mesme condempné incontinent apres la mort de Lentulus & des autres qui auoyent esté emprisonnez. En parolles l'accusation estoit contre luy, mais pour vray se dresseoit contre le senat par ce que comme il ne fust licite sans la volenté du peuple condempner aucun citadin à mort, s'estoit leué vng grand cry contre les senateurs enuers le peuple, spécialement de Metellus Nepos: toutesfois pour l'heure n'en fut autre chose; car ayant donné le senat seureté à tous ceulx qui auoyent traicté ces choses, y adioustant d'auantaige que si aucun auoit audace de vouloir iuger aucun d'eulx, seroit reputé pour ennemy, Cornelius nepos eust paour, & pour ceste fois ne feist emotion. En c'est endroit obtint le senat & encores en vng autre, car requerant Nepos estre enuoyé vers Pompée qui encores estoit en Asie avec son exercite, non soubz esperance que ce fust moyen d'amortir ce trouble, mais vrayement pource qu'il

Les senateurs chāgerit leurs robes.

Lucius Vetius.

Metellus Nepos.

Cornelius Nepos.

esperoit

esperoit estre plus puissant pour la faueur de Pompée qu'il congnoissoit estre fauorable au peuple, les senateurs euerent qu'il ne s'en fist rien, car des le cōmencement Caton & Quintus Minutius tribuns contredirent aux escriptures & empeschèrent que le chancelier ne leust ceste sentence. Et ayant Nepos prins le cartel pour le lire eulx mesmes le luy osterent des mains & le deschirerent, & voyans qu'il encores tētoit en dire quelque chose de bouche l'empescherēt, au moyen dequoy s'estāt leuē vne grosse noyse & grieve bataille à coups despées & de pierres entre ceulx qui soustenoyēt l'une & l'autre partie, les senateurs s'assemblerēt le mesme iour au palais & chāgerēt leurs robes cōmettans la garde de la cité aux cōsulz avec iniunçtion de mettre ordre que aucun detrimēt n'y arriuaist. Alors Nepos espouentē incontinent se retira & depuis ayant exposē vne accusation cōtre le senāt se mist en fuyte vers Pompée bien qu'il ne luy fust licite demourer vne seule nuict hors la cité. Durant ces entrefaictes Cesar encores qu'il fust preteur ne feist aucune nouuelletē par ce que pour lors il traictoit & briguoit que le nom de Catullus fust ostē du capitolle cōme taxē de larcin, & demandoit cōpte des deniers despēduz voulant que la cure d'acomplir le reste fust cōmise à Pōpée, attēdu qu'il y auoit aucunes choses non paracheuēes quāt à l'ediffice ou pour le moins faignoit que ainsi fust affin que Pōpée eust la gloire de la perfectiō de ceste œuure, & escripuit sō nom au lieu de celluy de Catullus: toutes fois Cesar ne voulut tāt gratifier Pōpée q̄ attēdist tel decret cōtre luy que fait auoit cōtre Nepos, car il ne faisoit telle accusatiō pour gratifier Pōpée, mais à ce que p̄ telles voyes se cōseillast la beniuolēce du peuple: neātmoins tout hōme auoit si grād paour de Pōpée, pource qu'il ne sēbloit vouloir encores laisser l'exercite que ayāt enuoyē Marc pison soubz preteur demāder le consulat ilz differerent l'execution à celle fin qu'il mesme fust present, & incontinent luy arriué tous d'ung consentement le designerent consul, car Pompée auoit faict beniuolles enuers luy non seulement ses amys mais aussi ses ennemys. En ce mesme temps ayant Claudē cōstupré & des hōtēe la femme de Cesar en son propre hostel lors que se faisoient les sacrifices qu'auoyēt acoustumē de faire les vierges vestalles es maisons des cōsulz & preteurs, tous les masles mis à part selon la coustume du pays, Cesar ne len inculpa en rien, saichant que pour telle chose ne seroit condēme, mais fit diuorce avec sa femme disant qu'il n'adioustoit foy à ce qui estoit diuulgūe, toutes fois ne la pouoit tenir pour espouse pource que vne fois luy estoit venue en suspicion d'adultere & que dame hōnestē non seulement deuoit defaillir de coulpe mais de suspicion. Alors dōcques furent faictes ces choses & le pont de pierre par lequel lon va en l'isle petite situēe au mylieu du Tibre ediffiē & appellē par nom fabrice: mais en lan fuyuāt estāt cōsulz Pison & Marc Messalla les principaulx de Rome portās hayne à Claudius pour autres causes ayās encors en abhominatiō la meschācētē par luy cōmise, & cōgnoissās que les pōtiffes auoiēt determinē les sacrifices estre renouellez.

Quintus  
Minutius.Diffimulacion de  
Cesar.Marc  
Pison.Claudius  
viola la femme de  
Cesar.L'edifficacion du pōnt  
sur le Tibre.Marc  
Messalla.

Claudius  
accuse de  
se copuler  
auec sa  
sœur.

Allobroges  
Gaulle.  
Narbonne  
Gaius  
Pompee.

Beuce affie  
gee.

y faire fl.

Rosne, fl.

Folonne  
bruslee.

Catigna-  
tus deffait  
en bataille

vnë autrefois cōme que à l'heure eussent esté maculéz le meifrent entre les mains des iuges, & bien que Cesar n'en feist semblant, touteffois fut accuse d'adultere & de la trásmutatio faicte des insibes, & encores qu'il se copuloit avec sa sœur: neantmoins fut absoulz pose que les iuges eussent demandé fractéce au senat pour ne receuoir aucū mal de luy: au moyé dequoy Catull<sup>9</sup> se mordant le doigt dist qu'ilz auoyent demandé la prouision au senat non pour cōdēner Claudius seurement, mais affin qu'ilz peussent garder les deniers qu'ilz auoyent receuz, lequel Catullus tousiours auoit prepose le bien public. de la à peu de temps passa de ceste vie. Durant ce temps les Allobroges (qui sont maintenant appelez Daulphinois & Sauoyiens) venuz pour mettre à sac la Gaule es parties de Narbone, Gayus Pompée prefect d'icelle, mada tous ses soubzpreteurs contre les ennemys & se retira en vng lieu apte & propice pour entēdre les octureaules, à celle fin que touteffois & quātes que besoing seroit leur peust prester conseil & ayde: & Málius alla mettre le siege deuāt Beuce la cité, quoy faisant mist si grād frayeur entre les habitās que tous ou la plusgrād partie sen fuyrēt, & les autres enuoyerēt ambassadeurs pour impetrer la paix. Les payfās ven<sup>9</sup> pour secourir la cité, fut Manlius dechassē des murailles, neantmoins seurement mettoit à sac tout le pays, & iusques à ce que Catignatus capitaine de ceste nation avec certains autres habitās pres le fleue d'Y faire vint donner secours aux payfās, car à l'heure pour la multitude des nauires n'eust audace leur empeschier le passaige, & encores affin qu'ilz ne tournassent en derriere les voyāt en ordre alla a lécontre, & renga ses batailles pres vne forest ioignāt le fleue, dans laquelle meist quelque nombre de gens. Ce faict assaillant virillement ceulx qui estoýēt passez les tailloiet en pieces, & poursuuāt aucūs qui s'en fuioiet récontra Catignatus & eust esté occis avec tout son exercite, ne feust tépeste qui contraignit les barbares à ne plus poursuire. Peu apres Catignatus voyāt Manlius estlongné, tráscourut tout le pays & ruina le mur ou il auoit esté infortuné: mais Lucius Marius, & Serui<sup>9</sup> Balba passerent le Rosne & ayās dampnifié le pays des Daulphinois & Sauoyiens, finablement vindrēt en la cité de Folonne, & prindrēt vng lieu moult fort estāt au dessus dicelle, vainquirēt en chāp de bataille ceulx qui leur estoiet resistās, & bruslerēt vne partie de la cité construiete & ediffiēe de boys: neantmoins ne la prindrent pour la venue de Catignatus qui les empescha. Ce que ayāt entēdu Pópée avec tout son exercite vint cōtre la cité, & y auoir mis le siege prit tous les ennemys excepté Catignatus. & depuis plus facilement Marius deffit le reste. Ces choses faictes Pompée vint en Italie & feist que Lucius Afranius & Metellus. Celeres furent esleuz consulz, esperāt par leur moyen pouoir paruenir à ce qu'il vouldroit, car entre autres choses desiroit que vng certain territoire fust diuise à ses souldardz & que toutes les choses p luy faictes fussent cōfermées du senat: touteffois ne le peut faire par ce que les autres hōmes puissās, à qui ces choses n'auoiet pleu au commencement, empeschent

cherent qu'elles ne fussent confirmées par decret, & ainsi de deux consulz Affranus ne luy donna aucun secours, iacoit ce qu'il sceust mieulx faulter que traicter quelque bon affaire, Et Metellus courroucé de ce qu'il auoit fait diuorce avec vne femme scauoit bien qu'il auoit eu des enfans d'elle, luy estoit en tout cõtraire. Pareillemēt Lucius Lucullus lequel se trouuāt vne fois en la Gaule, Põpée luy auoit esté moult superbe & aspre, a l'heure le chargeoit fort luy cõmandāt de particulièrement specifier tous ses faitz sans demāder que vniuersellemēt fussent cõfirmez, luy demõstrāt dauātaige que ne seroit chose iuste les cõfirmer sans que aucun d'eulx sceust quelz ilz fussēt, comme sil estoit leur seigneur: & pource qu'il auoit preterit aucun de ses faitz Lucullus pensoit estre chose condigne que inquisition en fust faicte dans le senat affin qu'ilz confirmassēt ceulx que bon leur sēbleroit: laquelle opiniõ estoit fortifiēe de Catõ Metellus & plusieurs autres estās d'ung mesme aduis & iugemēt. Ayāt dõcques vng tribun mis en termes que certain territoire feust diuise aux souldardz de Põpée, y adioustant encores les fortz estre dõnez aux citadins à ce que plus facillemēt luy cõcedassent ceste requeste & cõfirmassent ses faitz, Metellus se declara du tout cõtraire, de sorte qu'il fut par luy cõstitué prisonnier voulāt en ce lieu assembler le senat: mais pource que le tribun nõme Lucius Flavius meist la chaize tribunalle au deuāt de la porte de la prison qui empeschoit l'étrée, alors cõmāda que vne partie du mur fust ruēe par terre, affin que les senateurs entraissent par ceste voye: & ainsi se delibera de demourer la toute la nuit. ce que entendu par Põpée de honte & vergongne craignāt aussi que le peuple ne le prinst à mal, cõmāda à Flavius se oster de ce lieu, & disoit cela cõme sil eust voulu complaire à Metellus, mais pource n'estoit creu, car chascun congnoissoit sa dissimulation: & voyās tous les autres tribuns le tyrer hors de la prison ne leur fut agreable. Põpée doncques voyāt que par le moyen de Metellus & autres ne peut venir à chef de ses entreprinſes, cõgneut euidēmēt qu'il estoit enuyé, parquoy delibera le demõstrer au peuple: touteſſois craignāt que ne pouant cõduire ceste chose à effect n'etralt en plusgrād vitupere deſosa la dignité. & ce fait il cõgnoissant qu'il nauoit nul pouoir, mais seulemēt le nom & l'ēuye pour sa premiere puiffacē: au moyen dequoy se repētoit d'auoir laissē son armée & l'estre luy mesmes mis entre les mains de ses enemys. Mais Claudius eut grād enuyē pour le respect des hõmes puiffās d'estre institué tribun au tēps de iugemēt, & cõmist à aucuns tribuns qu'ilz d'eussent introduire ce party auāt qu'ilz feissent les gētilz hommes participās de ceste dignité: touteſſois voyāt qu'il ne les pouoit psuader, reffusa la ptie des gētilz hõmes, & se trāſfera aux iustificatons du peuple estant entrē en leur cõpaignie mesme & demāda le tribunal ce qui ne luy fut accordē se trouuāt illec present Metellus contraire par ce qu'il estoit leur parent & que les faitz de Claudius ne leur plaisoyēt & pretēdoit contre luy que la trāsmigration du tiers estat au peuple n'auoit esté faicte selon la coustume de la patrie, car seulemēt estoit lici-

Lucius  
Flavius  
tribun in-  
carcerē.

La loy  
Tribune.

te telle chose traicter au téps que la loy tribulle s'exposoit. Dócques ces choses furent ainsi traictées, & pource que les tributz & subsides agrauoyent grandemét la cité & toute l'Italie, la loy posée que tous deussent estre repri mez plaisoit & estoit agreable à chascun, mais les senateurs estés animez cõtre le preteur q l'auoit introduicte, à scauoir Metellus nepos, voulurét oster son nom & son tiltre de la loy & en escrire vng autre en son lieu, toutes fois cela ne vint à effect ains fut à chascun manifeste qu'ilz ne recepuoyent volütiers ne encores les biens faictz des homes vulgaires. En ce mesme an Faustus filz de Syl feist vng ieu de gladiateurs en l'hõneur de son pere & dõna vng moult splédide cõuy au peuple & dauataige le baing & l'huylle, sans ce que aucune chose en fust payée. Ce téps durát Cesar depuis la pre teure fut crée prefaiçt de la Lusitainne maintenát appellée Portugal: & pouát destruire les larrõs regnás parmy ceste nation sans trop grád peine ne vou lut estre en repos, car luy estát cupide de gloire & voulát imiter Pompée en semble tous les autres qui par leurs prouesses auoyent acquis grádes puis sances auát luy, ne mettoit son couraige à suyure aucune petite éprise, mais esperoit que sil arriuoit à faire quelque noble faict incõtinét deburoit estre designé & esleu consul à faire & pour suyure choses tresexcellétes, tát pour autres causes cõme pource que estát questeur en Gades il songea auoir vsé avec sa propre mere & luy fut denócé par les deuinateurs ce songe signifier qu'il debuoit auoir grád puissance, parquoy ayant veu en ce mesme lieu l'y mage de Alexandre remise au téple de Hercules, comme lon dit, se print à pleurer pource qu'il n'auoit encores cõmis aucun grád faict. Doncques Ce sar pouant demourer en paix cõme i'ay ia dit, tira vers le mont Hermyn & cõmanda que les habitás d'icelluy mont descendissent en la plaine soubz. cõ uention que delaisans les lieux fors ou ilz se retiroyét ne s'esmeussent plus à desrober: & certainemét faisoit cela cõgnoissant qu'il ne seroit obey à ce moyen auroit cause leur esmouoir guerre cõme vray luy succeda. Il doncques les subiugua pour s'estre rebellez cõtre luy: & leurs voyfins craignans que Cesar encores ne dressast son armée cõtre eulx misrent leurs fêmes & enfans ensemble toutes leurs richesses oultre le fleue appellé Dary: mais ce pendát Cesar preoccupa leurs citez, & encores depuis vint aux armes contre eulx, & ilz ayans exposez leurs greges aux Romains affin qu'ilz les peuf sent assaillir quant ilz seroyét occupez & espars pour le butin, laissa les gés darmes & se trouuát entre les ennemys obtint la victoie contre eulx. En ce mesme téps Cesar aduertit que les habitás du mót Hermyn s'estoyét rebellez & auoiét mis embusches pour le surprédre à son retour, print autre che min, & depuis s'estát esmeu avec tout sõ exercite cõtre eulx & les ayát vain cuz les poursuyuit tousiours suyás iusques à la mer oceane: & voyát qu'ilz auoyét habádonné la terre ferme & estoient passez en vne certaine isle de moura tout court pour estre priué de nauires: mais auoir fait faire quelques especes de vaisseaulx appelez Zatteres passa grád partie de son exercite, toutes fois perdit beaucoup de ses gés par ce que la guide principale estés

Faustus  
filz de Syl  
li.

Lusitainne  
maintenát  
Portugal.

Songe de  
Cesar.

temple de  
Hercules.

Mont Her  
myn.

Bataille cõ  
tre les ha  
bitans du  
mont Her  
myn.

Dary fl.

approchez pres d'ue certaine terre cõtigue de l'isle, & les ayás mis à terre cõme  
 si de la ilz eussent deu aller à pied l'influence de la mer les repoulsa en arriere,  
 au moyen dequoy fut cõtaint les laisser en ce lieu & des autres aucús mouru-  
 rët virilement : touteffois Publius Seruius qui estoit demouré seul ayát perdu  
 s'õ escu & receu plusieurs playes se getta en l'eaue & aïsi se saulua. Durát ce tẽps  
 furent faictes ces choses, & depuis ayant Cesar faicte prouision de nauires &  
 autres vaisseaulx qu'il enuoya querir à Gades passa avec s'õ armée en icelle isle  
 ou sans grád peine les deffit, car ilz auoient ia enduré grand disette de viures:  
 de la nauigua à Brignace cité de Calenne quoy faisant mist les habitás en grád  
 frayeur comme gens non acoustumez de veoir armées puis facilement les sub-  
 iugua. Dócques estimát Cesar pour telles victoires auoir prins entrée suffisa-  
 te au cõsulat s'en retourna à Rome aux elections voire deuát qu'on luy eust en-  
 uoyé successeur & encores vouloit auant ce tẽps triúpher bien que ne luy fust  
 licite ceste dignité que premieremét n'eust faict sa feste, mais n'aiát peu mettre  
 à fin son intétion, especiallement pour la cõttradiction de Caton, laissa le triú-  
 phe par ce qu'il esperoit (paruenát au degré de Consul) pouoir faire plus grans  
 choses & obtenir beaucoup plus dignes triúphes, car oultre les choses predi-  
 ctes par lesquelles il auoit grád esperáce, luy nasquit vng cheual ayát les piedz  
 deuát fenduz qui le portoit moult legieremét & non autre, parquoy Cesar qui  
 n'auoit petite esperáce volútairement s'appaisa du triúphe. Et estát entré en la  
 cité & auoir resigné sa prefecture se mist à li fort cõplaire à Crassus & Pompée  
 que bien que ces deux pour l'heure fussët ennemys & eussët chascũ d'eulx leurs  
 cõpaignies, & que ou l'ung veoit l'autre auoir volúnté cherschaft de l'épescher,  
 neátmoins se feist beniuolle à tous deux & ne v'fa en mal leur amytié, ains plus  
 tost les recõcillia non qu'il les voulust accorder, mais pource qu'il les veoit to-  
 deux trespuissans & cõgnoissoit bien que sans la faueur de ces deux ou pour le  
 moins de l'ung d'eulx ne pourroit faire grand faction: & combien qu'il se feist  
 amy de l'ung d'eulx, touteffois auoit l'autre pour aduerfaire, en maniere que  
 pour l'épeschement de l'ung il perderoit plus qu'il ne gagneroit à la faueur de  
 l'autre, car il estimoit les hõmes beaucoup plus prõptemét resister à leurs enne-  
 mys que secourir à leurs amys, non seulemét par ceste raison que yre & hayne  
 font plus grás incitations que aucune autre amytié, mais encores p ce que vng  
 faisát pour luy mesmes & vng autre pour vng autre n'ont plaisir esgal quát la  
 chose succede selon leur intention, ne esgal courroux quát le contraire arriue:  
 Aussi luy s'ebloit beaucoup plus facile empescher que quelqu'ung ne deüst en  
 reputation que luy ayder à venir en credit. Aïsi tát pour ces causes que cõmme  
 celluy qui ne veult laisser aduenir vng autre, se cõplaisoit avec les autres sachát  
 dauátage que celluy qui veult esleuer aucú se faict moleste à l'ue & l'autre partie:  
 parquoy Cesar s'etremit avec l'ug & l'autre & depuis les recõcilia, car il scauoit  
 bié que s'as ces deux il ne pouoit estre puissát long tẽps, ny auoir pouoir de re-  
 sister cõtre l'ug deulx. Encores se doubtoit moult que silz s'accordoyët en s'eble  
 ne fussët pl<sup>9</sup> puissás que luy: aussi il cõgnoissoit que p leur moyé seroit assez pl<sup>9</sup>

Brignace  
cité de Ca  
lenne.

Disimula  
tiõ de Ce  
sar enuers  
Crassus &  
Pompee.

Monopol-  
le contre  
Pompee.  
Crassus &  
Cesar.

puissât que les autres & apres les suppediteroit to<sup>9</sup> deux p leur mesme moyé. & ainsi aduit. Dócques les recócia éléble & si les fait amys, en maniere que Crassus & Pópée estâs conuenuz pour particulieres causes l'üg contre l'autre, se reconcilierent, & prídrent Cesar pour tiers au gouuernement dela Repub. Aussi Pópée ne se conhoit poit tát en sa puiffâce que voyât Crassus estre moult augmenté en dignité, en féble Cesar avec luy, qu'il ne craignit estre en fin d'eulx oppresse, & vint en esperâce que s'il p<sup>ri</sup>cipoit avec eulx au gouuernemét de la Repub. recouureroit par leur moyé l'aticque puiffance: mais à Crassus sébloit chose cõdigne qu'il fust preposé à to<sup>9</sup> les autres tát à cause de sa nõblesse que ses richesses, & pource qu'il se veoit moult inferieur de Pópée chercha de le mettre en emulatiõ de Cesar, affin que nul d'eulx luy fust superieur, attendant que tous deux seroiét egallemét puiffâs aduer faire, & que ce pédât il receuroit fruit de l'amytie de l'ung & de l'autre, & seroit honoré sur tous deux, car il ne s'estoit adheré manifestement ne à la partie des gentilz hommes ny du peuple, mais le tout faisoit à l'augmentation de sa puiffance seulement, & pour ce il se portoit egallemét avec tous deux, & declinoit à l'inimitié de l'ung & de l'autre, gratifiant à part tantost l'ung & puis l'autre, en ce qu'il pensoit d'estre encoulpé d'auoir fait ce qu'il luy auoit pleu, de paour de ne recepuoir plus grande & plus grieve accusation. En ceste maniere composerent ces trois leur amytie ensemble: & icelle confirmée, moyénant serment, gouvernoyent la Repub. en acceptant l'üg de l'autre tout ce que bõ leur sembloit avec p<sup>ri</sup>messe de donner secours les vngs aux autres en toutes choses: & ayâs ainsi cõuenu ensemble leurs cõpaignies s'accorderét & encores faisoýét priuémét ce qu'il leur plaisoit vsant de ces trois pour leurs chiefz & p<sup>ri</sup>cipaulx, de sorte que vng peu de modestie estoit seulement reduicte en Caton & aucüs autres qui le suiuyét, car en ce tẽps nul ne traictoit excepté Caton les choses publiques sans quelque p<sup>ri</sup>culiere auarice: mais aucüs ayâs hõte de ce que se faisoit voulans imiter Caton tenoiét le gouuernemét de la Repub. & faisoýét semblables remonstrâces qu'il faisoit, neátmoins ne p<sup>re</sup>seroyét en ce propos cõme ceulx qui estoýét cõmeuz par force & nõ par vne vertu à eulx naturelle. Ces trois dócques auoiét ainsi cõduict le gouuernemét des Romains occultâs le plus qu'ilz pouoiét leurs cõiuratiõs, car ilz ne faisoýét que ce qui leur venoit à plaisir faignâs neantmoins tout le contraire, affin d'estre secretz par quelque tẽps & iusques à ce qu'ilz se feussent appareillez: toutefois leurs entreprinzes n'estoyét secrettes aux dieux, ais demõstrerent à ceulx qui pouoiét auoir mediocre intelligẽce de telles choses, tout ce que depuis se debuoit ensuyure: car subitemét vne si grand tẽpeste suruít en la cité & tout le pays circõuoyfin, que plusieurs arbres furent desracinez, plusieurs maisõs röpues, & les nauires qui estoýét sur le Tibre pres la cité & des les bouches du fleuue se submergerent, le pont de boys se rompit, vng theatre ediffié pour l'honneur d'une certaine feste tõba & plusieurs hommes durât ceste tẽpeste furent destruitz. Ce cas dócques apparut aux Romains cõme vng signe des choses qui leur debuoyent aduenir tant par terre que par mer.

Dissembla  
tion de  
Crassus.

Signes ap  
paruz a  
Rome.

# Le Trentehuitiesme liure

DE DYON, HISTORIEN GREC,

Traduict d'Italien en Francois.

Au present liure est traicté du discord de Cesar & de Bibulus, comment Cicero fut banny, & cōment Philascus consola ledit Cicero pendant son exil, aussi y est contenu cōment Cesar combatit contre les Elietiens, & Arionistes.



Comment Cesar & Bibulus eurent discord ensemble,  
Chapitre VI.

**M**Ais en l'an suyuant Cesar se voyât gratiffier à tout le peuple, pour se les faire beniuoles, & voulât encores sembler de fauoriser la partie des hōmes puiffās affin qu'il ne fust d'eulx hay, dist plusieurs fois n'auoir volūtē de faire aucune chose que premièrement ne leur en eust conféré; & escripuit la sentēce sur la diuision du territoire, si que pour icelle ne fut aucunement encoulpé. Et encores faignoit ne la vouloir mettre en lumiere sās leur cōsentemēt, au moyē dequoy pour occasiō de la loy nul ne luy peut imputer aucun obiect par ce que estant la multitude des citadins

b v. moult

moult augmentée (pour laquelle augmentation procedoient plusieurs sedi-  
 tiōs) se tournoit aux œuures nouvelles, & à la culture des terres, & plusieurs  
 lieux desertz en Italie vne autre fois se cōmençoient à cultiuer, en maniere  
 que non seulement ceulx qui s'estoient trauaillezz à la fuite des guerres, mais  
 encores les autres auoient suffisamment à viure sans ce que la cité despendist  
 aucune chose du sien, ny que les hommes puissans fussent aucunemēt dam-  
 nifiez, mais recepuoyent d'eulx grans honneurs & authoritez, Et diuisa  
 tous les territoires, excepté ceulx de Champaigne, par ce qu'il conseilla que  
 pour sa sterilité se reseruaist au peuple, commandant que le reste fust acheté  
 non contre la volonté des possesseurs, ne pour le pris pose des diuiseurs,  
 mais plus tost suyuant la volonté de chascun pour tant & tel pris qu'elles  
 seroient taxées faisant les estimations, disant que les Romains auoient plu-  
 sieurs grosses sommes de deniers receuz & recouuers tant pour les victoi-  
 res de Pōpée, tributz, que pour les dasses & gabelles imposées chascū iour:  
 & estoit necessaire que tout ainsi qu'ilz auoient este gaignez au peril & dan-  
 gier des citadins, les despendre encores pour eulx, Et pource ordōna les di-  
 uiseurs du territoire non hōmes de petite estime, affin que semblaist vne iu-  
 risdiction & court souueraine: ne de ceulx qui pouoiēt pretēdre interestz, à  
 ce que nul se fust peu lamenter, Mais premierement ordonna vingt hōmes  
 du peuple pour mettre les pris. Apres en y adiousta de plus grād auctorité,  
 excepte luy mesmes, par ce que plus tost qu'alors auoit promis de ce faire, af-  
 fin qu'il ne semblaist ordonner telles choses pour son vtilité: car comme il  
 disoit estoit content d'auoir reduyt & trouuē ceste inuention. quoy faisant,  
 manifestement gratifioit à Pompée, Crassus & tous les autres de leur con-  
 iuration. Et veu que pour ceste introduction n'estoit soubzmis à coulpe au-  
 cune, ny auoit homme si hardy d'ouuir la bouche contre luy, au moyen de-  
 quoy auant toute oeuvre leut sa sentēce en plain senat, & ayāt appellez chaf-  
 cun d'eulx par leurs noms demanda si aucun si vouldroit opposer, leur pro-  
 mettāt de muer ou du tout l'oster sil y auoit chose cōtre leur volonté. Mais  
 vniuersellement à tous les hommes puissans (hors la coniuuration) estoit des-  
 plaissante: & leur greuoit d'auantaige que Cesar auoit mis tel party dans le  
 senat, qui leur estoit à tous nuisible, & sans qu'il en peust estre taxé, car ilz  
 auoyent suspicion de luy pour la mesme cause pour laquelle il introdui-  
 soit ce party au senat, cest assauoir qu'il n'attirast le peuple à luy & acquist  
 nom & puissance sur tous les autres hommes: & pour ceste occasion cōbien  
 que nul y contredist touteffois ne le prisoiet gueres, chose qui suffisoit aux  
 autres: & tousiours luy estoit respōdu, nous no'conseillerōs, dōt neātmoins  
 ne faisoiet riens, ains delayoiet le plus qu'ilz pouoient. Mais Marc caton le  
 plus grand estoit bien autrement moderé, & ne luy plaisoit vne nouuelleté,  
 touteffois n'ayāt aucune puissance ny par nature ny par doctrine ne cōtre-  
 disoit en rien à la sentēce escripte par Cesar, ains estimoit qu'ilz deussent  
 estre tous contens de leur present estat sans chercher autre chose. Et Cesar  
 durant

durât ces contentions voulut mettre en prison Caton l'ayant tiré par force hors du senat: toutes fois voyant que Caton se presenta promptement à se laisser conduire en prison, & que plusieurs autres le suyoient: d'auantage que vng nomme Marc Preteius entre les autres estant de luy reprins pourquoy il se departoit auât auoir eu congé du senat, respondit, le veulx plus tost estre avec Caton en prison que avec toy en ce lieu, se repêtit & laissa aller Caton. & ce fait licécia le senat auoir dictes ces parolles, le vo<sup>9</sup> ay faitz arbitres & iuges de ceste loy, à ce que si quelque chose ne vous y plaisoit, ne fust introduicte entre le peuple: mais puis que ne voulez deliberer, deuant le mesme peuple sera leue. Et depuis ce temps ne communicqua aucune chose au senat pendât qu'il fut en ceste dignité, ains apertemēt referoit au peuple tout ce que bon luy sembloit. Mais voulant en ceste maniere auoir fauorables aucuns des principaulx dans le senat, esperant qu'ilz fussent espouentez & deussent auoir paour du peuple en quelque partie, commença à son cōpaignon luy demadant si la loy qu'il vouloit introduire luy desplaisoit point: & voyant qu'il ne luy respondoit autre chose, sinon que durant le temps de son magistrat il ne permettroit aucune nouuelleté estre faicte, Cesar se mist à le supplier, & persuada au peuple à ce que avec luy suppliasse son cōpaignon, leur disant, Vous auez la loy si cestuy le veult. A quoy Bibulus faisant grād cry respondit, Vo<sup>9</sup> ne l'aurez de tout cest an, encores quād vo<sup>9</sup> tous le voudriez. Et ayant faicte ceste responce, se departit. Mais Cesar ne demandant plus aucune chose à ceulx qui estoient cōstituez en dignité, craignant que aucun d'eulx ne le contredist, ains ayant induictz Pompée, & Crassus, (combien que pour l'heure fussent en estat d'hommes priuez) leur commanda qu'ilz eussent à bien ruminer en leurs esperitz la loy par luy introduicte (non qu'il n'entendist bien leur pensée, par ce qu'ilz faisoient toutes ces choses de commun conseil, mais affin qu'il honorast ceulx cy desquelz vsoit pour conseillers en la composition de la loy, pose qu'ilz n'eussent aucune dignité, meist crainte entre les autres, monstrant auoir fauorables les principaulx de la cité, & ceulx qui pouoient beaucoup enuers tous hommes, & se feist agreable au peuple, demonstrant ne desirer aucune chose iniuste, mais telle que par ceulx cy seroit approuuée) Alors Pompée promptement respōdit, Non seulement ie desormais confirme & approuue ceste loy, mais encores tous les autres senateurs lesquelz ia firent decret, que non seulement à ceulx qui ont esté avec moy en guerre, ais encores aux souldardz de Metellus fust distribué vng certain territoire. Et pource que la Republicque pour l'heure estoit poure, iustement fut differée ceste distribution: mais maintenant estât deuenue moult riche, par mes œuures, peines & trauaulx, est bié raison que les autres encores recoiuent le fruit des communes fatigues: & auoir dictes ces parolles, commença à lire toutes les parties escriptes en la loy, & la loua tant que tout le peuple y print grand plaisir.

☞ Du bānissemēt de Cicero, & interdictiō du pays d'Italie. Chap. VII.  
Cesar

Responce  
de Marc  
Preteius.

Discord  
entre Ce-  
sar & Bi-  
bulus.

Loy intro-  
duicte par  
Cesar.



Esar doncques ce voyant demáda à Pópée fil le secourroit prom-  
 ptemét contre ceulx qui luy vouldroiet faire resistáce, & encores  
 pria le peuple qu'il voulsist en faire requeste à Pompée. ce qui fut  
 faict. Alors Pópée leuē debout pource qu'il n'auoit aucune dignité (toutes-  
 fois le senat & le consul auoiet besoing de son secours) dist plusieurs parol-  
 les honorát & glorifiát soy mesmes, & finablemēt superadiousta que si aucū  
 prenoit l'espée il prendroit l'escu. ce qui fut encores confirmé p Crassus, en  
 maniere que iacoit ce qu'elles ne fussent à aucū des autres agreables, neant-  
 moins puis que aucūs hōmes reputez bons & autremēt ennemys de Cesar,  
 ainsi qu'il sebloit (car encōres n'estoit notoire la recōciliation) y assentoiet,  
 consentirēt la cōfirmation d'icelle. Toutefois Bibulus ne leur cedoit, ains  
 ayát prins trois tribūs pour ses adiuteurs prohiba que la loy fust posee, & fi-  
 nablement voyát qu'il nauoit autre occasiō de la faire differer pñoca durát  
 le reste du iour les supplicatiōs de l'an, esquelz n'estoit licite au peuple se as-  
 sebler. Et poutce que Cesar faisoit peu estime de luy, pñoca vng iour deter-  
 miné à ce q̄ diuulguaſt la loy en icelluy, auquel le peuple preoccupa de nuict  
 la place: au moyē dequoy Bibulus avec quelques gens mis en ordre entra au  
 tēple de Castor & Pollux ou pareillemēt estoit cesar pour parler au peuple:  
 auquel ptie des hōmes luy cederēt p vergōgne & ptie pensās qu'il ne feroit  
 resistáce à cesar: mais depuis q̄ fut dessus & tētoit de luy cōtre dire, fut getté  
 ius des degrez, ses verges rōpues, & aussi certains autres cōme les Tribūs fu-  
 rent naurez, si que pour l'heure chercha Bibul<sup>o</sup> le moyē de se sauluer: toutes-  
 fois le iour ensuyuát tēta le senat d'anuller ceste loy. mais peu luy pffita, car  
 to<sup>o</sup> les senateurs soubz mis à la volūtē du peuple n'en firēt riē: au moyen de-  
 quoy deslors Bibul<sup>o</sup> sen alla en sa maison, & depuis ne pceda en public ius-  
 ques au dernier iour de l'an, ais demourát tousiours en son hostel quád Ce-  
 sar vouloit renoueller quelque chose luy éuoyoit dire p ses ministres que  
 ce iour estoit deputé aux supplicatiōs, & que durát icelles ne se pouoit trai-  
 cter chose aucune q̄ ne fust cōtre la loy, Parquoy vng nōmé Publius attin<sup>o</sup>  
 tribun tēta & le voulut mettre en prison n'eust este l'empeschemēt que luy  
 firēt les autres tribūs, toutes fois fut dechasse du gouuernemēt de la Repub.  
 & les tribuns tenās pour luy depuis ne sentremirent du faict cōmun. Mais  
 Metell<sup>o</sup> celeres Caton & Marc Fānius tresgrād imitateur de Catō iusques  
 à ceste heure ne voulurēt cōsentir en maniere quelcōque à la loy, ny iurer, p  
 ce que (cōme iay dit) ceste coustume de iurer est át cōmécée, vne autre fois en  
 autres choses se obserue, encore en cestes ihonestes: & demouroiet ceulx cy  
 fermes en opiniō, & especiallemēt Metell<sup>o</sup>, lequel referoit sa parētelle à Nu-  
 midicus de ne vouloir approuer ceste loy. Neátmoīs aduenu le iour qu'ilz  
 deuoiet estre punis silz ne iuroiet finablemēt iurerent selō la coustūe de to<sup>o</sup>  
 les hōmes q̄ pmettēt & menassent pl<sup>o</sup> facilemēt q̄lz n'executēt: ou biē firent  
 tel fermēt q̄lz se veoiēt pour receuoir dōmage vainemēt & fās vtilité de la  
 Repu. la loy fut en ceste maniere cōfirmée, & oultre ce la terre de chápaigne  
 octroyée

Temps de  
supplica-  
tions.

Emotion  
être Cesar  
& Bibulus

Publius at-  
tinus Tri-  
bun.

Bibulus de  
chasse.

Marc Fan-  
nius.

Cōfirma-  
tion de la  
loy.

oſtroyée par plusieurs ans à ceulx qui auoient des enfans, & feroit Capue alors reputée premiere collonne des Romains. Pour ces causes Cesar se fist beniuolle au peuple, mais il se concilia les cheualiers leur ayāt delaiſſé la tierce partie des tributz que chaſcū iour eſtoyēt fort preſſez, car quaſi toutes les vexatiōs eſtoyent faiçtes & commiſes par ceulx la. Et ſouuēt eſſois ayās prié le ſenat que aucte iuriſdictiō leur fuſt deſignée, ne l'obtindrēt, tāt pour la reſiſtance faiçte par aucuns, comme par Caton meſmes. Depuis doncques qu'il ſe feiſt beniuolle par ceſte voye, tous les cheualiers ſans contradiction d'aucun autre des le commencement il confirma tous les faiçtz de Pompée ſans reſiſtance ny de Lucullus ny d'aucun autre. En apres ordonna encores maintes choſes ſans aucune contradiction, car Caton meſmes ne luy contredift en riés, combié que depuis eſtāt Preteur ne feiſt mētion des loix appellées Iulies, introduictes par Cesar, par ce que ſelō ces loix faiſoyēt les iugemens & touteſſois occultoiēt leur nom avec grād deriſion. Et pour ce que telles loix ne font à ppos à la preſente hiſtoire ne m'eſſorceray les repeter. Mais Quintus Fuſius calenus ayāt trouuē que en donnāt les ballettes chaſcune tribune tiroit les fauorables à ſoy, & les autres regeçtoient aux autres, fait vne loy que chaſcune à part ſoy determināſt à ce qu'on ne peuſt entendre la volūtē de chaſcune ſpeciale pſonne. Ainſi doncques eſtoyēt cōciliees & reduictes tous les affaires de la Repub. par Cesar cōme ſ'il euſt eſte le principal, parquoy aucunes facetiueſes pſonnes taiſoiēt du tout le nom de Bibulus & eſcripuoiēt le nom de Cesar en deux fois, diſans Gaius & Cesar eſtre conſulz. Mais les choſes à luy pertinētes introduiſoit par le moyē de tierces perſonnes, car il obſerua grandement eſtre couſtumē de ne ſe attribuer aucune choſe, & pour ceſte occaſiō plus facilement paruenoit à ſon intētion, par ce qu'il diſoit n'auoir beſoing de choſe aucune, faiçnāt ſoy contēter de ce qu'il auoit. Et ce pendāt comme qu'il fuſt moult vtile à la republicque, les autres introduiſoiāt tout ce quil vouloit, & faiſoient qu'il fuſt cōfirmé par decret non ſeulement entre le peuple, mais encores dans le ſenat, car le peuple luy conceda la prefecture de Illirie & de Gaule q eſt dans les Alpes pour l'eſpace de cinq ans avec trois legions, & le Senat luy conceda encores d'auantage la Gaule tranſalpine avec vne autre legion: touteſſois craignāt que Pompée ne feiſt quelque nouuelletē en ſon abſence pour deuoir Aulus Gabinius eſtre conſul, ſe conioignit en affinité Pompée & Piſon, l'ung des cōſulz, car il donna ſa ſœur pour femme à Pōpée, iacoit ce qu'il l'eufſt promiſe à vng autre, & print la ſœur de Piſon: & par ce ſe fortifia de chaſcune partie. Mais Cicero & Lucullus nō contēs de ce, delibererēt de occir Pōpée & Cesar p le moyē d'ung nōmé Lucius Vetius. ce qu'ilz ne peurent: touteſſois peu ſen failit que eulx meſmes ne furent deſtruiçtz, & pour ceſte ſeule cauſe: car auoir eſté ce Lutiſ deſcouuert auāt qu'il euſt faiçt aucune choſe, denonca ces deux qui l'auoient induict: & ſi Bibulus ne l'eufſt denoncē (comme celluy qui auoit eſté participant de ces conſpirations) ceulx la euſſent

Capue collonne des Romains.

Cōfirmation des faiçtz de Pompee.

Les loix Iulies.

Quintus Fuſius.

Cesar prefect de Illirie & de Gaule.

Conſpiration de Cicero & Lucullus.

en quelque ennuy . Mais pource que Vetius encoupa Bibulus qui ia auoit descouuert tout le fait à Pompée pour la tuitiõ & deffense de sa personne, fut suspecté de ne dire verite, & encores des autres, & que plus tost qu'auoit pense d'accuser tous ceulx qui estoient de la part cõtraire. de telles menées diuerses personnes diuulguoient diuers propos, pource qu'il n'en fut fait aucune preuue. Et au regard de Vetius estant introduit dans le Senat, & ayat seulement nommé les dessusditz, fut mené en prison, & depuis peu de tẽps apres occis par trahison. Pour ceste cause dõcques Cicero venu en suspitiõ à Pompée & Cesar, cõfirma l'opiniõ qu'il feist pour la deffence de Anthoine, parce que cest Anthoine estant prefet de Macedoine feist plusieurs dõmaiges tant aux subiectz que aux cõfederez des Romais. Et encores en soustint plusieurs, car ayat mis à sac les diẽux tãt des Dardaniẽs que des autres peuples leurs voisins, ne peut depuis les attẽdre estã suruenuz avec force, mais cõme sil se fust voulu departir avec ses gẽs de cheual pour suiure autre entreprinse, se mit en fuyte: quoy voyans iceulx ennemys apres auoir encloz les gẽs de pied les chasserẽt par force hors du pays & leur osterẽt tout leur butin. Et ayat encore fait le semblable vers les cõpaignons, estã en Misie, fut vaincu des Histriens qui dõnerent secours aux Scythiẽs, Neantmoins Anthoine ne fut pour ce encoulpé mais biẽ accuse de la coniuertiõ de Catilina pour laquelle fut condẽne. Et ainsi aduint qu'il ne fut condẽne pour ce dont auoit estẽ accusẽ, ains pugny des choses desquelles nauoit estẽ chargẽ. Et pareillemẽt fut expediẽ Vetius. Mais à l'heure Cicero auoir alleguẽ plusieurs causes pour la deffence de Vetius (cõme celluy qui estoit son cõpaignon) & ayant grandemẽt en hayne Cesar estant occasiõ de telle accusatiõ, outre ce luy dist encores maintes iniures enormes & vilaines, desquelles Cesar se dolut cõme bien estoit raisonnable: toutefois ne feist ne dist aucune parole iniurieuse cõtre Cicero, cõbien qu'il fust cõsul, disant que la plusgrãd partie des hõmes de industrie disent maintes vaines paroles cõtre ceulx qui sont plus puissans que eulx affin qu'ilz leur semblẽt esgaulx si d'auenture ilz dõnent quelque respõce: à ceste cause ne vouloit aucun faire son esgal par telle voye, & enuers tous autres qui le picquoient de paroles, le supportoit volontairement, Parquoy voyat que Cicero ne taschoit pas tant à le blasmer que de se faire son esgal & sẽblable, contẽdant avec luy, en faisant peu d'estime & n'y prenãt esgard, ne faisoit cõpte des paroles qu'il luy disoit, ains enduroit que cicero v'fast (se courrouceãt) de plusieurs iniures vilaines qui toutes se resultoient à sa louenge, & toutefois ne le mesprisa en tout, car Cesar estoit de nature mãsuetẽ & ne se coleroit facilement, & cõme celluy qui traitoit tant d'affaires pugnissoit plusieurs ayãs delinquẽ, non qu'il le feist par yre ou legeremẽt (car il ne se laissoit transporter à yre) mais tousiours attendoit l'opportunitẽ du tẽps, & pugnissoit le plus souuẽt à l'heure qu'ilz ne sẽdoubtoient, car il ne faisoit telles pugnitons pour demõstrer qu'il eust voluntẽ de soy vẽger, ains affin que avec la moindre hayne qu'il pourroit, dis-

posast

Vetius occis par trahison.

Misie. Histriens.

Anthoine accusẽ.

Distimulacion de Cesar enuers Cicero.

poſoit toute choſe à ſon proffit, & pource ſouuēt eſſoies faiſoit ſecrettes vengeances de choſes que aucū iamais nauoit penſees, le tout affin qu'il ne ſembloit faire aucune choſe par yre, & affin que aucun ſe preſentāt deuant, ne ſe donoit garde & ne cherchoit de faire aucun mal auāt que endurer, iacoiſ ce qu'il ne faiſoit ſi grāt eſtime des choſes paſſees, cōme il vouloit eſtre aſſeurē du tēps futur, & pource pardōnoit ayſemēt à pluſieurs qui ne lauoiet gueres offenſe, ou bien en faiſoit petite vengeance, eſperant que ces telz ne luy feroient aucune moleſtatiō, & maintz autres pugnifſoit plus qu'il n'eſtoit neceſſaire, pour ſa ſeurtē: diſant que ſi cela ne ſe faiſoit avec peine exceſſiue cōment que ce fuſt en aduiendroit quelque mal, & pour ceſte raiſon eſtoit Ceſar lors de repos. Mais ayant entendu que Claudius auoit deſir de luy faire plaiſir par ce qu'il pouant ne l'auoit accuſe d'adultere, premierement l'auoir inſtruit cōtre Cicero, & trāſſerē aux priuileges du tiers eſtat, à ce qu'il fuſt legierement adoptē, & tout avec l'ayde de Pompēe, incontinent traicta à le faire deſigner cōſul. Par aiſi Claudius ſacra la bouche à Bibul<sup>9</sup> lequel eſtoit forty en la place à la fin de ſon magiſtrat, & pēſoit avec la cōfirmatiō faiſte o le fermēt acouſtumē pler au peuple, iouxte l'eſtat preſent de la republicque dreſſa encores nouvelles conſpirations cōtre Cicero, eſtimāt n'eſtre choſe facile deſtruire vng homme lequel par ſon eloquence pouoit beaucoup au gouvernement de la republicque, ioinct que de tous temps auoit cherché ſe acquerir la beniuolence nō ſeulement du peuple mais encores des cheualiers & du ſenat, aupres deſquelz Cicero moult ſ'exaltoit, eſperant que ſ'il ſe faiſoit des cheualiers & du peuple beniuole plus facilement defferoit Cicero, cōme celluy qui plus toſt eſtoit puiſſāt de paour que par amour: conſiderē auſſi qu'il auoit moleſtē maintz perſonnaiges par ſes oraiſons, & que tāt n'eſtoiet ſes amys ceulx auſquelz il auoit aydē que ceulx de luy offencez luy eſtoient ennemys, car oultre ce que la plus grand partie des hōmes ſont plus prōptz à porter inimytiē pour auoir receu mal d'aucun que à gratifier pour benefices receuz: & oultre qu'ilz eſtiment moyennant pecune auoir ſatisfaitz ceulx deſquelz ont eu ſecours, & tētent ſe véger de leurs aduerſaires, encores ſe les auoit faitz tresapres ennemys, ayant ceſte telle nature de toujours vouloir eſtre par deſſus voire enuers ceulx qui ſont hōmes puiſſāz & vſans toujours d'une certaine effrenēe licēce de parler contre chaſcū, comme celluy qui cherche d'auoir renommēe de pouoir dire & entēdre telles choſes que nul autre homme vaillant auāt luy n'euiſt ſceu cōprendre. Pour ceſte occasion & qu'il ſe vātoit ſur tous les autres, & ne reputoit aucū eſtre à ſoy eſgal mais tāt es ppos cōme encore en ſa vie deſpriſoit tout hōme, & n'eſtimoit digne choſe eſtre eſgal à quelqu'ung, & eſtoit grand & moleſte à pluſieurs, d'auātage moult hay & enuiē de ceulx meſme q̄ cōplaiſoit. Claudius eſperāt ſe faire beniuole tāt des cheualiers que du peuple, donna le fromēt ſans pris, p ce que ayās eſtē par auāt Gabini<sup>9</sup> & Piſon conſulz auoiet intro duiēt q̄ fuſt inſurē aux pōures, & renouella les collieges appellez Social, leſquelz

Claudius  
contul.

Coſtūes  
de Cicero.

Superbite  
de Cicero.

Les collieges  
appel-  
lez So-  
cial.

lesquelz auoyent esté anticquement, mais depuis estoient deffaietz. Pareillement prohiba aux censeurs qu'ilz n'ostassent à cause de leurs offices & ne feissent vergongne à aucun, excepté que si vng iugé de tous les deux censeurs n'estoit ainsi condamné, Apastant, de telles choses le peuple vint à introduire encores vne autre loy: de laquelle est necessaire en cest endroit faire mention en moult grand coppie de parolles, a icelle fin qu'elle soit plus manifeste à tout homme. Car estans faictes les deuinations publicques & du ciel, & par certains autres moyens, celle qui se faisoit du ciel en ceste maniere estoit moult authentique, par ce que les autres augurations estoient faictes assez pour chascun affaire, mais ceste cy se faisoit pour toutes choses & en chascun iour, & estoit propre coustume ceste diuination. Et l'autre encores en autres augurations, par ce qu'il estoit condescét que aucunes sen feissent, & ainsi se mettoient à executiō non estant receu aucun autre augure au cōtraire. Mais en ceste auguration generallemēt se prohiboyēt toutes les determinations faictes p le peuple, & tousiours estoit en icelle quel que significatiō du ciel pspere, ou nō. Et quāt est à moy ne scaurois assigner la raisō de telle coustume, mais inscriptz ce quō à acoustumé dire d'autruy. A ceste cause plusieurs voulans empescher la publicatiō de la loy & cōstitution des magistratz refferée au peuple, denōcoient auāt qu'ilz vouloir en ce iour faire la precedente vaticination du ciel, en maniere que le peuple ne pouoit en ce iour aucune chose cōfermer. Craignāt Claudius que accusant Cicero que aucuns ne feissent differer & troublassent ceste accusation, feit introduction que aucun magistrat en ce iour, qui estoit propre au peuple, ne peust faire determination ne obseruer du ciel ses effectz. Ces choses doncques escripuit Claudius contre Cicero: lequel aduertit, prouocqua Lucius Ninus Cadrat de s'opposer. Et Claudius doubtant que tumulte ne suruinst, ou quelque prolōgation ne fust cherchée, tempta le moyen pour decepuoir Cicero. ce quil feit, car luy ayant promis de ne luy vouloir obiicier aucune chose s'il n'empeschoit les loix qu'il entendoit constituer, Cicero & Ninus inclinans au dire de Claudius, ne contredirent, ne s'opposerent: au moyen dequoy confirma ses loix. Et ce fait, chargea grandement Cicero. Et ainsi Cicero, combien qu'il sestimast moult prudent, fut pour l'heure deceu par Claudius, sil est besoing que plustost parlions de cestuy que de Cesar & des autres colliguez ensemble. Mais la loy qui par Claudius fut introduite ne sembloit estre contre Cicero, par ce qu'en icelle n'estoit son nom contenu, ains vniuersellement estoit dressée cōtre tous les citadins, lesquelz enuers la condēnation du peuple eussent occis quelqu'ung, ou biē eussent esté occis: toutefois certainement se refferoit contre Cicero & encores cōtre tout le Senat qui auoit commis la garde de la cite aux cōsulz, pour la faueur de laquelle leur auoit esté licite commettre telles choses. Et depuis auoiēt condēné Lentulus & tous les autres iustificiez à la mort, neātmoins pource que Cicero les auoit denoncez & mis entre les mains du Senat, fait faire la determination

Lucius Ninus.

Cicero & Ninus deceuz par Claudius.

mination, & finalement les auoit pugniz par le moyen des ministres publics il estoit beaucoup plus écoulpé que nul des autres. Et pour ceste occasion faisoit la plus grád resístáce q̄ pouoit à Claudius, si que laissée la robe de senateur alloit par tout en habit de cheualier, & toute la nuit pratiquoit tous ceulx qu'il pésoit pouoir quelque chose, & nó seulement ses amys, mais encores ceulx q̄ tenoiét le party cõtraire, assauoir Pópée & Cesar cõme celluy q̄ nauoit pouoir cõtre leur inimitié: lesquelz ne vouloiét sèbler auoir induyt Claudius à traicter telles choses ne assentir à la loy par luy imposée. Et pour couleur trouuerent vne voye à eulx assez hõneste, toute ssois occulte à Cicero, car Cesar luy conseilloit de croire que s'il demouroit en Rome il pourroit estre occiz, & affin qu'il semblast luy donner tel conseil pour la beniuolèce qu'il luy portoit luy promist de l'auoir pour soubzpreteur, à ce que plus honnestement & sans vergongne se peust oster des mains de Claudius, & comme non condemné, ains soubz couleur de honneur: mais Pompée le dissuada de ne se partir de Rome, disant que son departement seroit comme vne fuyte, & luy mettant Cesar en suspect qu'il ne luy eust donné tel conseil par inimytié luy conseilloit d'attendre & qu'il se secourust luy mesmes, & encores le senat: & que incõtinét resístast à Claudius par ce qu'il estant tousiours present & luy faisant continuelle resístáce ne pourroit aucunemét luy nuire, & oultre remettrait sa faueur voyant qu'il le fauorifast. Ces deux luy ayant donné deux diuers conseilz, nó qu'ilz eussent contraires oppinions, mais pour le decepuoir, sans aucune suspitiõ il adhera au cõseil de Pompée, par ce que parauant n'auoit eu suspitiõ de luy, & esperoit par son moyen principalement estre saulué, ioinct aussi que par bonne espace l'auoyent eu en reuerence & l'honoroyent, en maniere qu'il deliuroit plusieurs delinquans estans en peril les vngs des mains des accusateurs & les autres de la puissance des iuges, & que Claudius mesme estoit son parét, & ayant sũuy l'art militaire avec luy ne pensoit qu'il eust voulu faire chose à luy nuysible, sinon contre sa volunté: esperoit oultre que Gabinius appertement comme son amy, & Pison par sa bonté propre & pour l'affinité qu'il auoit avec Cesar, luy donneroiét leur faueur. Estant doncques Cicero pour ces causes en espoir de se sauluer (car il auoit vne confiance sans raison cõme aucunesfois deffiáce sans occasion) & craignát qu'il ne semblast estre party pour cõsciéce du malefice, se disoit obligé par sa pmesse: toutefois sũyant le cõseil de Pópée, & aĩsi estát deceu, se mettoit en ordre cõme s'il eust deu suppediter ses enemys, car oultre ce que dessus à este dit les cheualiers estás assèblez dás le capitolle maderét á bassadeurs, pour Cicero, cheualiers, & senateurs, aux cõsulz & au senat. Et entre les autres Quint<sup>9</sup> Horcétius, Gayus Cicero, & Nin<sup>9</sup>: oultre les autres faueurs qu'il leur dõna pũuada encore au peuple qu'il voulsist pmettre l'habit cõme si quelque publique calamité estoit suruenue: ce que firét encores plusieurs senateurs & ne cesserent iusques à ce que les consulz les reprindrent par vne interdiction. Et

Quintus  
Horcétius,  
Gayus  
Cesar.

Cicero,  
Gabinus.Responce  
de Pison.Responce  
de Cesar.Fuite de  
Cicero  
Statue de  
Minerue  
consacree  
par Cice-  
ro.Minerue  
nōmee Sal-  
uatrice.L'hostel de  
Cicero.

pource que les aduerfaires estoient moult puiffās Claudius ne permist que Ninus traictast aucūe chose en faueur de Cicero, ny Cicero Gabinus vou lut conceder aux cheualliers l'entrée au senat : ains l'ung diceulx qui pourchassoit plus estroictement que nul des autres priua de la Republicque, & reprint Hortentius & Curion pour auoir esté en la compaignie des cheualliers faisans leurs assemblées & qu'ilz estoÿét venuz avec les ambassadeurs: & Claudius ayāt cōduict ceulx cy vers le peuple, quāt les ambassadeurs vindrēt les fist poulcer par aucūs pour ce faire mis en ordre. Et depuis ces choses faictes Pison combien qu'il semblaist estre amy de Cicero & luy eust cōseillé puis que autrement ne se pouoit fauluer sortir hors la cité de Rome: toutesfois depuis que Cicero se courrouca s'en vint au senat le plus tost q̄ luy fut possible, pource que lōg tēps auoit esté malade, & luy estāt demandé p̄ Claudius q̄ luy sēbloit de la loy p̄ luy introduicte respōdit, nul faict singulier & dolent me plaist. Dauātaige Gabinus pareillemēt estāt sur le mesme faict enquis, non seulement loua Claudius ains encores accusa le senat & les cheualliers: mais Cesar fortit hors Rome avec tout sō exercite & ayāt Claudius en sa faueur conuocqué tout le peuple hors la cité fut faict iuge de ceste loy: & luy auoir esté demandé dit que l'inujustice faicte à Lentulus & à ses adherens ne luy plaisoit, neantmoins approuuoit la vengeance qui pour eulx se faisoit disant que chascun scauoit assez la sentence par luy donnée: toutesfois n'estoit licite faire telle loy pour les choses passées. Cesar feist telles responce. Mais Crassus demonstroit vouloir dōner ayde à Cicero par le moyen de son filz touteffois il fauorisoit la partie du peuple. Et Pōpée encores luy auoit promis le secourir, mais trouuāt tantost vne excuse & puis vne autre, & se partant souuenteffois de la cité ne luy donnoit secours. Quoy voyant Cicero craignant grandement, tempta de leuer vne autreffois les armes disant entre toutes choses mal de Pōpée: mais aduertÿ par Caton & Hortēce affin que par ceste mutinerie ne se leuast quelque bataille ciuille, alors contre sa volenté en vergōgne & vitupere comme s'il s'en fust fuy volontairement, se congnoissant coupable, se mist en fuyte: toutesfois anant sortir de la cité monta au capitolle & illec consacra vne petite statue de Minerue de luy nommée saluatrice. Ce faict s'en alla en Sicille, car il auoit esté prefect de ceste isle & auoit grand esperāce tant au peuple tiers estat que au prefect qu'avec honneur seroit receu. Estant absent doncques Cicero la loy introduicte par Claudius fut confirmée non seulement sans contradiction, mais encores avec faueur, voire de ceulx qui auoyent (Cicero present) faict grand resisiance, & ainsi furent ses biens publicz, sa maison rasée comme ennemy de la republicque, & le territoire consacré à la déesse de Liberté. D'auantaige fut Cicero bāny, luy estant l'habitation de Sicille interdite, mais confine, à trois mil sept cens cinquāte stades loing de Rome, & fut determiné que sil passoit les termes, que luy, ensēble ceulx q̄ le receueroiēt, fussēt mis à mort, au moyē de quoy se trāsporta Cicero en macedoine.

Comment

Comment Philistus consola Cicero durant son exil.  
Chapitre VIII.

**L** viuoit la en grand necessité & estant rencontré d'ung nommé Philistus (lequel auoit esté son compaignon en Athenes) luy dist: N'as tu pas honte, ô Cicero, de te lamenter & contrister si fœminiment, ie n'eusse iamais cuydé que tu fusses deuenu si vil, toy estant plain de si diuerses doctrines, & ayât par tes oraisons impartiy l'ayde à plusieurs. auquel Cicero respōdit: Ce n'est pas chose semblable, ô Philiste, que vng parle pour autruy & se conseille soy mesmes, par ce que cela qui se dit pour autruy pcedât d'esprit syncere & entier est moult opportū, mais quand quelque passion entre en l'entendement de l'hōme alors se cōfōd & obtenebre, en maniere qu'il ne peult penser chose condescente: parquoy à esté bien dit que plus facile est consoler & persuader autruy, que estre fort & constant en ses propres passions. Tu ditz bien quelque chose conuenable à la fragilité humaine (dit Philistus) neantmoins ie n'auroys iamais pensé que toy qui as esté si prudent & de si grande sapience orné, nefeusses en telle maniere préparé que quelque aduersité que te feust arriüée, ne te trouuasses armé cōtre icelle: touteffois puis que maintenât tu es reduit à ce poinct, ie deuifât avec toy de choses conuenables, à ce tēps te pourroys en quelque chose ayder sicōme ceulx qui se soubzmettēt à vne partie du poix releuent autruy de la peine: ainsi encores te pourroys alleger d'une grand partie de ta passion, & tant plus facilement de ceulx de quant ie ne participe de telle fatigue. Et ne tē doit ennuyer de recepuoir quelque cōsolation d'autruy, par ce que si tu fusses suffisant pour toy mesmes tu n'auroys besoing de telz fermōs: mais maintenant tu es en telz termes, cōme si Hypocras & Diomedes (qui furent tresexcellēs medecins) leur estant suruenue quelque grand infirmité, auoiēt besoing d'ung autre medecin. Alors Cicero respōdit: Si tu as, ô Philiste, telles parolles que tu puisses oster ceste nue de mō entēdemēt, & que me fasses retourner à ma premiere lumiere, ie suis tresprompt & disposé de te ouyr, car cōme il y à maintes & diuerses vertus des medecines, ainsi encores des parolles: parquoy ne seroit merueilles se tu pouoys me mediciner, cōsideré que tu as esté fameux tāt enuers le senat, le peuple, que enuers les iuges. Dōcques puis que tu es appareillé de ouyr (dit Philistus) cōsiderōs premieremēt si les causes qui te cōtristent sont vrayemēt mauuaises, & puis regarderōs en quelle maniere no<sup>9</sup> les pourrōs mediciner. Premieremēt ie te voy sain & robuste du corps, q est le premier biē naturel des hōmes: en apres tu as suffi sāmēt toutes choses necessaires, en maniere que n'édures ne fain, ne soif, ne froid ou biē aucune autre necessité que vng autre mettroit pour le secōd biē entre les biēs humains: car quāt vng hōme est sain de corps ayât tout ce q luy est necessaire à suffire, alors ne luy deffault aucune chose apptenât à la peine. Mais que vallēt (dist lors Cicero) ces telles choses quāt quelque angouisse tri

Remōstrā  
ce de Philis  
tus a Ci  
cero.

stifie l'entendement de l'homme, attendu que les cures & sollicitudes de l'entendement plus affligent que n'estouissent les commoditez du corps: cōme que ie encores maintenant estant malade en mon esprit ne faictz estime de la santé de mon corps, & ayant l'entendement malade ne faictz estime de l'habondāce des choses necessaires, cōsideré que ie me sentz priué de maintes autres. Il est bien vray respond Philistus que cela te trouble aucunemēt, mais vrayement se tu auoys besoing des choses necessaires seroit raison de te douloir de les auoir perdues, mais ayant tout ce qui t'est necessaire pourquoy te attristes tu de n'en auoir dauātage: car ce que vng autre peult oultre le debuoir, est superflus, & qu'il l'aye ou non ny à difference: & aussi premierement tu ne vfoys des choses non necessaires, en maniere que tu dois penser maintenant ne les auoir possedées ou maintenant les posseder n'en ayāt besoing, car aussi grandz biens ne te ont este delaissez par ton pere, mais avec ton eloquence & scauoir les as acquis pour lesquelz encores les as perduz: ioinct que ceulx qui nauignent ne se attristent tant pour gros dōmaige qu'ilz ayent receu, considerās que la mer qui leur auoit dōné ce bien le leur à encores osté: & de tout de ce q' appartient à ce ppos à esté dit, c'est qu'il doit suffire à l'hōme posseder tout ce q' est requis pour la scēlicité. Et quāt à moy ie pēse que tout ce qui est superfluz soit plain de diuerses pensees & d'ēuie: mais pource que tu as dit qu'on ne peult recepuoir fruct des biēs du corps si encores ceulx de l'esprit ny sont cōiointz, ton dire est veritable, car il est impossible que estāt l'esprit de l'hōme malade le corps ne s'en sēte: toutefois ie pēse que beaucoup plus facile chose soit à quelque vng auoir cure de la bonne habitude de l'esprit que du corps, par ce que le corps cōme cōposé de chair à en soy plusieurs contrarietez, & pour ce besoing de moult grād ayde de fortune: mais l'esprit cōme celluy qui est de nature beaucoup plus noble & diuine se peult facilement accorder & admōnester. Regardōs dōcques maintenant quelz biens de l'esprit sont en toy, & quel mal que no<sup>o</sup> ne puissions oster: premierement ie te voy tres prudent sur tous les hommes, & de ce ay argument, car tu as persuadé plusieurs choses au senat & au peuple quāt tu luy as donné conseil, & encores as grādement ayde à personnes priuées postulans en leur faueur. En apres ie te repute tres iuste ayant tousiours cōbatu pour la republicque & pour tes amys contre ceulx qui leur ont dressé querelles, & les ennuys que maintenant tū endures ne te sont pour autre chose aduenuz, sinon pource que tousiours perseueres tāt en dict qu'en faict pour le bien de la cōmunaulté: & tes mesmes exercices demōstrent ta grād réperāce par ce q' n'est possible que vng hōme subiect à la volupté du corps tousiours soit en public & veu p la place demōstrer les exercites de la nuit p les œuures qu'il execute le iour. Toy dōcques ayāt toutes ces autres vertuz te reputoys estre tressort de l'esperit, cōsideré aussi que tu as p cy deuāt vſé de si grād force de couraige & de si grād puiffāce de parler: mais toy ayant cōme il semble perdu le couraige pour estre tōbé cōtre tō esperāce & cōtre

tes merites es priué de la premiere virilité. Ce que tu recourras bié tost, car te voyât en ceste maniere dispose & sain & du corps & de l'esprit, ie ne pé se que angoyse aucune te doiué troubler. Philistus auoir finy son dire luy respódit Cicero: Ne te semble il que la priuation de l'hóneur & de son pays ne soit vng grád mal, mesmemét ne pouoir demourer en sa maison & en la cõpaignie de ses amys, ains estât honteusemét dechassé de son pays, viure au pays d'autruy & aller errant cõme bány, donnant occasion aux ennemys de rire & faisât vergõgne à ses amys. Non (dist Philist<sup>9</sup>) p ce que estás deux parties desquelles est cõposé le corps humain, & ayás esté adioictz certains biens & maulx determinez à l'une & l'autre partie de la nature mesme, si en ceulx cy arriuoit quelque faulte se pourroit raisonnablemét estimer nuisible & honteuse, mais si ilz estoýét bien encóres seroyét plus vtiles, cõme maintenant est aduenü en toy: car ces telles choses cõme priuation d'honneur & autres scẽblables, sont hôteuses & mauuaises plus tost par oppinion que par nature & nulles dicelle damnifie ne le corps ne l'esprit, & qu'il ne soit vray quelle exẽple me pourrois tu obiicer que aucú corps fust malade & deffaict, & quelle ame pourrois tu dire estre faicte pl<sup>9</sup> iniuste ou plus ignoráte pour la priuation d'hóneur, ou pour vng bányissement, ou autre semblable chose? quát à moy ie n'en voy nul: & la raison, par ce que nulle de ces choses n'est naturellement mauuaise cõme encóres que l'honneur ou le pouoir demourer en sòn pays ne sont naturellemét bõs, mais selon la fantasie que chascun de nous à de choses semblables ou telles nous est aduis qu'elles soyent, & si ne pésent les hómes lhóneur & la hôte cõsister en mesmes choses: toutefois en y a aucunes des vngs louées & des autres blasimées & encóres d'aucuns pugnies. Dauátaige y en y à qui ne scauét ne leurs nõs ne leurs effectz qui n'est sans raison, car les choses appartenans à la necessité de nature humaine ne luy sont estimées necessaires. cõme sil se faisoit vng edict que cestuy cy fust malade, ou que cestuy la fust vng hóme meschát, seroit chose ridicule: ainsi encóres deuous pésar de la priuation de l'honneur & que le bányissement n'est peregrination ains priuation d'honneur, parquoy si la priuation de l'honneur de soy ne contiét aucun mal elle ne peut pareillemét adiouster aucú mal à l'hóme: car autremét plusieurs hómes aucuns de leur propre volúte autres contre leur volúte vont peregrinát & autres consumét errás toute leur vie comme silz estoýét chasséz de tous lieux, & pour cela ne pésent recepuoir nocumét aucun: néantmoins ny à difference si vng le faict voluntairemét ou non, par ce que celluy qui exercite son corps contre fauolunté, ne se fortifie moins que celluy qui le faict volútiers: ne pareillement celluy qui mal volútiers nauigue ne recoit moindre vtilité de celluy qui nauigue volútiers, & cela que ie dis contre la volúte ne voy que puisse arriuer à homme saige. A ceste cause si en ce consiste la differéce de faire bien ou mal, & nous fassió promptemét les choses volútaires, & avec difficulté les non volútaires, facilemét se peut remedier, car si no<sup>9</sup> volútairemét souste-

Prouerbe.

nōs toutes les choses necessaires sans qu'aucunemēt soyōs par icelles vaincuz toutes celles appellées non volūtaires se assoupissent: ioinct aussi ce que l'anticque cōmun prouerbe, dit assauoir, que ne deuous requērir tout ce que nō<sup>9</sup> voulons, mais plustōst deuous vouloir ce que la necessitē requiert, parce que nous n'auōs en nostre arbitre le moyen de nostre vie ny ne sommes de nous mesmes, mais ainsi qu'il sēble à fortune & selon dieu, lequel attribue à nous dispositeur de ce qui nō<sup>9</sup> est necessaire, & est besoig que telles choses nō<sup>9</sup> aduēnēt le vouliōs ou non. Mais si tu te cōtristes non pour estre priuē & bāny de tout hōneur, ains pour n'auoir cōmis aucūe iniustice cōtre la Repub. & plus tost luy ayāt cōferez maintz benefices tu as estē si honteusemēt bāny, pēs plus tost cecy que estāt vne fois destinē que tu deusses endurer telles choses beaucoup mieulx vault qu'elles te soyēt aduenues sans merite: car tu as cōseillē & fait tous les biēs appartenās à tes citadīs, non lors que estoys homme priuē mais estāt cōsul: & nō de ppre temeritē, mais executāt les decretz du senat, & nō avec feditiō ains avec transqlitē. Mais cestuy ou cest autre tō ennemy ont trainē ceste chose p violēce & p insulte cōtre toy, parquoy est plus cōuenable qu'ilz se deullent & contristēt de l'iniustice par eulx cōmise, & à toy est honnestē & necessaire que tu portes en pacience ce qu'il à pleu à fortune, car ie scay que tu aymes mieulx estre banny pour bien faire que ayāt estē cōplice de Catillina & de Lētul<sup>9</sup> & psuadē toutes choses contraires au salut de la Repub. & ne l'ayāt obeye en aucune chose d'elle cōmādē par iniustice te estre loysible demourer en ta maison. Si doncques tu faitz estime de bonne renōmēe, beaucoup plus te doit estre agreable d'estre bāny sans auoir commis faulte, que estre demourē en ton hostel estant taxē: par ce que oultre toutes choses la honte est à celluy qui chasse quelcun iniustemēt & non à celluy q est dechassē par violēce. Iay entēdu que nō mal volūtiers apres auoir estē cōuaincu t'ē estoys party, mais de tō ppre instict as eu en hayne la coustume de ceulx lesquelz viuant avec eulx ne pouoys faire meilleurs, & n'as voulu attēdre d'estre destruiēt avec eulx, en sorte que non la patrye as fuyē, mais les insidiateurs y faisās residēce, au moyē dequoy ferōt ces telz plus tost vergōgnez ou bāny, lesquelz sont priuez des biēs de l'esprit, mais toy seras hōnorē & bien heureux cōme celluy qui ne sert aucū cōtre la raisō & as toutes choses à toy opportūes ou que vueilles viure soit en Macedoine ou en quelque autre lieu de ce mōde, car les pays ne donnent fœlicitē ou infœlicitē, ains de tousiours & chascun lieu se fait la patrie & la fœlicitē à soy mesmes. Et Camille entendant ces choses demoura voluntiers en Ardea: pareillement Scipion vesquit en l'Interne sans tristesse aucune. Et qu'est il besoing que fassīōs mētion de Aristides ou Themistocles, lesquelz furēt assez plus fameux pour auoir estē bāny. & qu'est il de besoig que nō<sup>9</sup> mettions en auāt l'exēple de Annius & de Solon, lequel volūtairement demoura l'espace de dix ans hors sa patrye. Ne pēs doncques que aucune semblable chose qui n'appartient ne au corps ne à l'esprit soit moleste

Camille.  
Ardea.  
Scipion.  
Linterne.  
Aristides.  
Themistocles.  
Annius.  
Solon.

ne encores te vueilles cōturber pour les affaires à toy interuenues, car nous n'auons en nostre arbitre viure ainsi que nous voudrions, cōme t'ay ia dit, mais en tout nous est necessaire prédre & soustenir ce qu'il plaist à fortune, & si nous le faisons volūtairement n'aurōs aucune angoyse: mais si cōtre nostre ppre volūté oultre ce que ne pourrōs fuyr le plaisir de fortune, encouurons vng tresgrād mal, afluoir que en vain nous cōtristerons: & de ce auōs bō argumēt, car ceulx qui ont porté & soustenu tresgriefues afflictiōs paciēment ne peussent estre en aucū ennuy, mais au contraire ceulx qui se agrauēt voire de choses de trespetite importāce pésent auoir & soustenir toutes les peines & angoysses de to<sup>9</sup> les hōmes, & autres reputās les meilleures choses mauuaises & les mauuaises bōnes font quelles reflēblēt estre telles qu'il leur plaist. Toy dōcques entédāt & cōgnoissāt ce que t'ay dit, ne te cōtristes des choses presentes: ne encores si tu entédz ceulx qui te ont dechassē estre heureux & prosperer n'en soys desplaisāt: car les felicitez des hōmes sōt moult briefues: & de quāt plus vng hōme deuiēt grād par icelles, de tāt plus facilement trebusche cōme vêt: & especiallemēt es seditiōs, car celluy qui se mesle es choses plaines de confusion & de trouble, n'est dissemblable ne differāt à ceulx q' s'habādonnent aux perilz de la mer: mais tātost se trouue d'ūg costé tātost d'ūg autre en faisant la moïdre faulte se submerge. Et affin que ie ne face mētion de Drusus, de Scipiō, de Grachus ny de nul autre, souuiēne toy en quelle maniere Camille ayāt esté vne fois bāny depuis pl<sup>9</sup> virilemēt faultua le capitolle. Dauātage de quāt Aristides fut plus excellēt que Themistocles, pquoy encores dois auoir grād esperāce de retourner, cōsideré que tu n'as esté dechassē pour auoir cōmis iniustice. Et ainsi que i'ay entēdu ceulx q' te ont dechassē desireront encores te reueoir: & si encores tu demouroys en l'estat ou tu es de present ne te contristes pour cela, car si tu me croys moult te plaira d'auoir esleu vng lieu pres de la mer hors le bruit ou tu pourras entendre à l'agriculture & cōposer quelque œuure cōme ia fait Xenophon & Thucidides: car ceste espece de sapiēce est tressuffisante & tresprouuable à tout hōme enseble à toute republicque, & en ceste maniere est le bānissēmēt cause d'estude plus fertile. Doncques si vrayement tu veulx estre immortel comme ilz sont, cherche de les imiter, car tu as les choses necessaires à suffire & n'as besoing d'aucune dignité, car prenons qu'en icelles soit aucun bien, tu as esté consul vne fois & ceulx qui l'ont esté deux & trois fois n'ont dauātage que vne superfluité de lettres qui n'aydēt à lhōme ne mort ne vif: ie scay assez que tu ne eslois d'auoir esté né Curninus, ne Marius, lesquelz furent sept fois consulz, mais plus tost estre Cicero: ne que desires aucune principaulté, par ce que as delaissē celle que tu auoys en desprisant le gaing qui s'y pouoit prédre. Et d'auātage contēnāt la briefue puissance & souz-mise à chascun qui le vueille calūnier, i'ay fait mētion des choses susdictes non pource qu'il en soit besoing à la fœlicité, mais pource que entant qu'estoit requis tu t'es porté suffisant au gouvernement de la Republicque, &

Drusus.  
Grachus.  
Capitolle.

xenophon  
Thucidi-

Curninus.  
Marius.

affin que ayant apprins en ce gouuernemēt la diuerfité des vies tu choisiffes auçes choses & en euites d'autres, cōsideré que nostre vie est moult brefue: & est besoing que tu entendes quante & quelle difference y à du repos à la turbation d'esprit, & à la trāsqulité sans bruiēt, & de la liberté à la seruitude, & à la feurté des perilz: à ce que tu desires viure selon que t'ay conforté, car ce faisant seras heureux & ton nom fera grand tant durant ta vie que apres ta mort: mais si tu cherches de retourner en ta maison, te faire grand au gouuernemēt de la Republicque ne te veulx dire chose moleste, toutefois congnoissant les affaires presentes & la liberté de laquelle tu vses en parlant & voyant encores la puissance & la multitude de tes aduersaires, ie ne doute que pis ne t'aduiēne: par ce que si vne autrefois tu es bāny, auras lieu de te repētir: & si t'aduiēt quelque autre gros mal incurable, ne te pourras repētir. Et cōme n'est chose vituperable que la teste soit couppée à quelque vng & mise au mylieu de la place & ou que quelque homme ou femme luy face iniure. Ne me vueilles mal se ie te dis mauuais augure, mais plus tost attens cōme à celluy qui te demōstre auoir vng certain augure: & ne te decoys pour auoir aucuns des hommes puiffās pour tes amys, car ceulx qui te monstrent porter amytiē ne te ayderōt en rien contre tes ennemys: ainsi que ia vne autrefois l'as prouué, par ce que ceulx qui entendent à grant estat ne font estime de chose aucune, mais seulement qu'ilz puissent venir à fin de leurs desirs, & ainsi delaisent ceulx qui leur sont trescōioinētz en amytiē pour autres leurs tresgrandz ennemys. Cicero ayant entendu ces propos se releua vng peu en ses espritz. Neantmoins ne demoura long temps banny, ains fut reduyt de Pompée mesmes qui auoit esté cause de son exil: & fut l'occasion de ceste reduction, pource que Claudius corrópu par pecune deliura Tigranes le ieune qui estoit encore detenu pres Lucius Flavius, & feist plusieurs iniures tant à Pompée, Gabinius que autres contraires à son intention & que leurs adherens furent griefuement blesez par les gens de Claudius & les fasses rompues au consul, & Claudius vne autrefois consacra la feste de Iuppiter dont Pompée indigné (principalement pource que Claudius auoit vſé contre luy de la puissance tribunice qu'il auoit restituée au peuple) voulut reuocquer Cicero du bannissement, & commanda incontinent par le moyen de Ninus à le reduire en Romme: lequel Ninus posa le fait en plain senat que Cicero fust restitué ayant obserué par quelque espace de temps que Claudius ny fust present, mais luy faisant vng autre tribun resistāce meist ceste chose en publicq, cōme qu'il eust voulu en communiquer avec le peuple: toutefois en toutes choses estoit contraire à Claudius. A ceste cause se dressoyent plusieurs contentions & mutineries par l'intermission de Ninus à reduyre Cicero en Rome. Quoy faisant, plusieurs de l'une & l'autre partie furent griefuement naurez, & auant que tout ce aduinſt vng iour Claudius desirant que Caton sortist hors Romme, afin que plus commodément il peust executer ses voluntez & se voulant

Reduſiō  
de Cicero

Emotion  
pour la re  
dition de  
Cicero.

venger

venger de Ptolomée qui tenoit l'isle de Chippre, par ce qu'il estant prins vne fois par des Pyrates ne le voulut recouurer ne racheter, Alors confisqua ceste isle & y enuoya pour gouuerneur Caton, combien que mal volontiers l'acceptast. Ces choses doncques furent faictes dans la cité de Rome.

Comment Cesar combatit contre les Eluctiens.  
Chapitre IX.

**M**Ais Cesar ne peut trouuer occasion en Gaule pour faire guerre, par ce que toutes choses estoient en repos. Neantmoins ne demoura pour cela en paix, ains s'estant par cas fortuit rencontré à faire vne bataille, en suruint encores vne autre, en maniere que tout ce qu'il desiroit luy arriua, cest qu'il combatit, & vainquit. Car les Eluctiens (que maintenant appellons les Suysses) ayans vne multitude de peuple superhabondant sans auoir pays suffisant, n'en voulurēt enuoyer hors par Coloigne (à ce que estans diuisez ne feust à leurs ennemys plus facile à les assaillir) mais voulans tous ensemble habandonner leurs pays pour aller en vng autre plus grand & plus fertile, bruslerent toutes leurs villes & citez affin qu'apres ne se peussent repentir de les auoir habandonnées: & d'auantage receuoient plusieurs autres de nations estranges en leur compagnie qui de ce les auoient requis, & esleurent pour leur capitaine, Orgentorix, avecq lequel auoiet deliberé de passer le Rosne & habiter pres les Alpes. Mais depuis que Cesar feit abatre le pont & appareiller tout ce qui estoit necessaire pour leur empescher le passaige, les Suysses enuoyerent vers les Romains leur demandant passaige, promectans ne faire aucun dommaige à leurs terres. Cesar bien qu'il ne se confiait en eulx, ny eust volonté de les laisser passer plus auant, touteffois considerant que encores ne estoit assis bien en ordre, leur respondit qu'il s'en conseileroit avecq ses Preteurs, & ce faict leur donneroit responce vng certain iour determiné, leur demonstrent quelque esperance de conceder le passaige: & ce pendant fortifia de murailles & repars les lieux plus conuenables à leur prohiber de sorte qu'ilz ne scauroyēt ou passer. Les Barbares doncques demeurerēt par quelque espace de temps sans faire effort de passer, mais voyans que Cesar ne leur faisoit aucune responce de ce qu'ilz l'auoyent sommé, estans en chemin pour passer par les terres & pays des Allobroges Sauoyiens, s'en vindrent tousiours oultre & iusques à tant qu'ilz ne trouuerent obstacle & empeschement: & depuis l'ayans trouué tirerent vers les Sequains (que maintenant nous appellons Bourguignons) & passans par le mylieu de leur pays & des Ostunoys, lesquels liberalement leur concederent le passaige, pourueu qu'ilz ne endommageassent leurs terres: contreuens aux pactz & cōuentions destruisoiet & saccageoient toute ceste region. Quoy voyans les Eluctiens enuoyerent ambassadeurs vers Cesar luy demandant secours, & le priant trefort

Eluctiens qui maintenant sont appelez Suysses.

Coloigne.

Les Eluctiens bruslerent leurs citez

Orgentorix.  
Rhofne.

Ambassadeurs enuoyez par les Suysses.

Allobroges.

Sequains maintenant appelez Bourguignons.

Les Ostunoys pillez par les Suysses.  
Helufiens.

c v. qu'il

qu'il ne les laissast ainsi ruiner & deffaire. Et bien qu'ilz ne dissent parolles correspondantes à leurs faitz, toutesfois obtindrent ce qu'ilz auoient demande, par ce que craignât Cesar que les Suisses ne dressassent leurs armées contre Tholoze esleut plus tost de les deffédre avec leur ayde que puis estre contrainct venir aux armes seul contre ces deux nations, qui sans doute estoient accordées ensemble. Doncques Cesar ayant pour ceste raison assailly les Eluctiens, qui desia auoyét passé le fleue Arar, que nous appellons la Sofne, tailla en pieces les derniers qui estoient demourez à passer: quoy faisant mit si grand frayeur entre ceulx qui estoient premierement passez, (si pour la soubdaine persecutiō qu'il feist que pour l'occision des premiers) qu'ilz traicterent d'accordz avec Cesar, soubz condition que certain pays plus grand leur feust concedé pour habiter. Toutesfois ne firent riens, car depuis qu'on leur demanda ostaiges, le tindrent à mal, nō pource qu'ilz n'estoyent estimez fideles, mais qu'ilz se desdaignoient donner ostaiges à aucun autre, & pource ne firent plus compte d'accord, ains passerent oultre. Et ayans avec leurs gens de cheual assailly ceulx de Cesar qui estoient eslongez des gens de pied & des gardes de derriere, obtindrēt la victoire: pour laquelle prindrent grand audace, si que estimans que Cesar senfuyst pour auoir esté vaincu (lequel seulement pour la cherté des viures sestoit retiré en vne certaine cité escartée du chemin) laisserent toute autre chose & se miserent à le poursuyure. Quoy voyant Cesar, & craignant la multitude, se retira avec ses gens de pied en vng certain lieu assez hault, opposant aux ennemys: ses gens de cheual (iusques à ce qu'il se fust mis en ordre & eust renge ses batailles) en lieu oportun. Mais les Suisses ayans de rechief rôpu la gendarmerie de Cesar montoient impetueusement la montaigne pour assaillir les gens de pied: & alors Cesar avec ses gens de pied bien ordonnez tirāt du coste dextre du môit, se mesla avec ses ennemys qui'estoiet en route & les dechassa. Et estans ainsi mis en fuyte aucūs qui n'estoiet venuz à ceste emprise (cōsideré que pour la grad multitude & impetuosité to<sup>9</sup> n'y pouoiet estre presens) furent incontinent pres des ennemys, que pour suuoiet ceulx de leur party, les mettans en quelque craincte: toutesfois pour ce ne firent rien, car Cesar auoir commis la cure de ceulx qui fuyoient à ses gens de cheual, il encores avec ses sacquemens, se mit contre les autres, lesquelz rôpuz pour fuyuit avec les premiers fuyans iusques à leurs charrettes: ou les ennemys apres auoir fait grad deffense finablement obtit la victoire. Les barbares ayās soustenu ceste route se diuiserēt en deux parties, car aucūs s'accorderēt avec Cesar & retournerēt à leur ppre habitatiō de laquelle ilz estoiet venuz, & y habiterēt, leurs villes & citez premieremēt reédifiées: & les autres n'ayans voulu delaisser les armes tirerēt vers le Rhin (cōme qlz peuffēt par cest endroit retourner à leur antique patrie) mais les cōpaignōs & amys des Romais p ou ilz passoiēt facilemēt les tailloiet en pieces cōme gēs inordōnez & en petit nōbre. En ceste maniere dōcques cesar acheua la premiere

Arar fl. que  
maintenāt  
est appelle  
Sofne.

Eluctiens  
occis.

Cesar vaincu  
en bataille  
par les eluctiens

sacquemēs.

Les Eluctiens  
vaincus.

Rhyn fl.

guerre

guerre pour auoir commecé par ceste depuis ne demoura en paix. Mais encores acóplir son desir se redás les souldars obligez, car les Bourguignons & Ostunois congnoissás la volonté de Cesar & saichás que ses œures cor respondoient à son esperáce, delibererét de faire enséblement chose agreable à Cesar & de eulx venger des Gauloys leurs voisins qui les auoient spoliez de partie de leurs pays & leur auoient impose vng tribut, ayás premiere ment receuz ostaiges d'iceulx, & ainsi requirét Cesar de ce que plus il desiroit, au moyé dequoy facilemēt luy psuaderét de leur donner secours. Arioniste en ce tēps estoit príce des Gauloys & auoit receue des Romais la confirmation de ce royaume, mesinement de Cesar estát consul: mais Cesar attendant d'acquerir bruyt, renom & puissance par batailles, ne faisoit estime de telles choses excepté qu'il voulut prédre l'occasion de la guerre du Barbare mesme pour ne sembler qu'il eust cōmencé. Au moyen dequoy luy enuoya messaiger cōme s'il eust voulu pler a luy. Mais voyát qu'il ne daigna venir, ains dist, Si Cesar veult pler à moy sen vienne vers moy, par ce que oultre ce que ie ne me repute moindre que luy, celluy qui à affaire d'ung autre est tenu deuers luy aller. Alors Cesar se indigna grádement cōtre Arioniste, cōme qu'en ce disant eust iniurié tous les Romains, & incōtinent renuoya les ostaiges qu'il auoit prins des cōfederéz des Romains, & luy interdíst qu'il ne passast plus en leur pays, & qu'il ne luy demádist aucun secours Et fait ces choses nō qu'il esperast luy faire paour, mais pour le courroucer. Et ainsi eut gráde & manifeste occasion de cōmencer la guerre, cōme encores luy succeda, par ce que le Barbare estát grádement indigné pour les cōmandemens a luy faitz par Cesar, luy respondit plusieurs & griefues choses, en maniere que Cesar de la en auant ne luy enuoya autres ambassadeurs mais preoccupa Bezancon cite des Bourguignons auant que nul le pretendast. Et ce pendát les gens de Cesar ayás entendu que Arioniste faisoit grát appareil & que plusieurs autres Gauloys aucuns tenoyent le Rhin & autres estoient assemblez sur le mesme fleue pour assaillir quand seroit á propos, commencerent d'auoir paour: car craignans la grandeur des corps de leurs ennemys, leur multitude, leur audace & leurs próptes menasses, se trouuerét en telle disposition comme silz eussent deu cōbatre non cōtre hōmes ains contre bestes sauuaiges, & murmuroient qu'ilz estoient pour entrer en vne grosse guerre, chose non licite ne determinée par le Senat, mais pour seulement satisfaire a l'ambition de Cesar: & oultre le menassoyent de le laisser fil ne se departoit de telle entreprinse. Ce que entendu par Cesar n'en dist aucune chose à la multitude de la gendarmerie, estimant n'estre licite en parler à plusieurs, ayant deliberé aller contre les ennemys. Et encores eut paour que silz ne assentoyent que apres ne se suscitast quelque tumulte. Mais auoir asséblé les plus grás & inferieurs capitaines dist ces parolles: Ie estime estre chose condescente (o mes amys) que vous prenez vng mesme conseil tāt des choses priuées que des publiques, par ce que ie ne voy encores estre pro-

Arioniste.

Responce  
de Arioniste.Bezancon  
prins.Orasíó de  
Cesar a les  
souldardz.

pro-

ppose vne mesme fin à chascú de par foy & tous ensemble, pourquoy no<sup>9</sup>  
 conuiene attendre de viure avec modestie & n'estre à seurté: mais au peuple  
 est condescét de eslire & faire toute chose pour sa puissance, consideré qu'il  
 fault estre fuitifz es choses priuées, car vne vie moderée ne se peult encore  
 conferuer sans ceste puissance, & lhóme qui vit en grád oyfueté n'a en tout  
 entiere seurté, mais vne cité que especialemét est de luy dominée facilemét  
 se destruiroit par ceste raison. Ayát telles choses este nó ordonnées des hó  
 mes en ceste maniere, ais trouuées de la mesme nature & tousiours furét & se  
 rót iusques à ce que la nation humaine durera, n'est besoing que aucú de vo<sup>9</sup>  
 pouruoye tant pour le repos & seurté nostre pour le present côme pour la  
 gloire & vtilité de to<sup>9</sup> les Romains. Et deuez cósiderer les autres choses rai  
 sonnables, principalemét que no<sup>9</sup> estás en si grád nombre, telz de dignité &  
 senateurs & cheualiers ayás amenez & receuz avec nous tant d'hómes d'ar  
 mes & si grosses sommes de deniers, soyós venuz non pour estre paresseux  
 mais affin que gouernions biē noz súbiectz, conseruions & augmentions  
 nostre empire. Et si no<sup>9</sup> ne sommes venuz avec ce courage & bonne volúté  
 pourquoy au cómencemét no<sup>9</sup> departifines no<sup>9</sup> de Rome avec l'exercite &  
 ne demourafines plus tost en noz maisons à gouerner nostre famille? car  
 beaucoup mieulx vouldroit n'auoir accepté ceste gédarmerie que depuis que  
 elle no<sup>9</sup> à esté cónise la trahir. Et si aucús de no<sup>9</sup> contraiçtz d'obeyr aux cõ  
 mandemens de la patrie & la plus grád partie volútaiement sômes cy pres  
 ens pour acquerir les hóneurs, proffitz & vtilitez q se possèdent p les guer  
 res, cõment pourrons no<sup>9</sup> honnestement & sainctemét trahir les esperáces  
 nostres ppres, & de ceulx q no<sup>9</sup> ont cy enuoyez? car nul ne pourroit iamais  
 si foelicemét faire ses affaires ppres qu'il ne perisse avec la republicque si elle  
 estoit destruiçte: mais quád la Repub. est en pspérité alors elle releue toutes  
 les miserés priuées des citadís. Je dy ces choses nó à vo<sup>9</sup> q estes cy presens  
 & mes amys, car vo<sup>9</sup> n'estes dicelles ignorás en tát qu'il vo<sup>9</sup> soit besoig les  
 entédre d'autruy, ne encores estes negligés qu'ayez besoing d'estre incitez  
 ne exhortez, ains pource que i'entens aucús hómes d'armes murmurer con  
 tre no<sup>9</sup> sans raison & cherchent de susciter seditions entre to<sup>9</sup> les autres ie  
 vo<sup>9</sup> ay voulu tenir ces ppos, à ce que par mon dire soyez plus próptz à def  
 fendre la patrie, & puiffiez adinónester les autres de ce qui est necessaire. Di  
 ctes leur doncques que noz antecessurs ne demourás en leurs maisons, ne  
 estás paresseux en faictz d'armes, ne fuyás les batailles, ne pourfuyuás le re  
 pos ont tát augmété ceste nostre cité, ains estans próptz & magnanimes à  
 toutes emprises & conduifans à execution avec les forces de leurs corps ce  
 que bon leur sembloit, & en mettant tousiours à peril leurs propres choses  
 comme si elles eussent esté d'autruy, & en conquestant tousiours celles de  
 leurs voisins comme propres, & n'estimás la foelicité consister en autre que  
 en faire les choses oportunes, & reputás vne infœlicité estre en repos & oi  
 fueté, Avec telles manieres cõbien qu'ilz au cómencemét fussét en tres petit  
 nombre

nōbre & habitaſſent vne cité inferieure à toutes les autres, touteſſois vainquirent les Latins, les Sabins, ceulx de Tuſcane, les Volques (que maintenāt nous appellōs Auignō) les Piſans, les Lucquoys, les Siēnoys, & quaſi qu'ilz ne ruinerent tout le pays aſſis dans les Alpes, & dechaſſerent tous les ennemys qui les aſſaillirent. Et les Romains qui depuis ſuccederēt & noz peres, imitans les veſtiges de ceulx cy ne furent contents des choſes preſentes, ne leur ſuffirēt celles qui leur auoiēt eſté delaiſſées par leurs anteceſſeurs, mais eſtimans le repos eſtre vne manifeſte leur deſtruſtiō, & les peines vng tres-certain ſalut, craignās que demourās leurs choſes en foy ne ſe deſſiſſent & ſe enuieilliſſent, ſe vergōgnans encores qlz ayās receu de leurs anteceſſeurs tant de biens n'en cōqueſtaſſent d'auantaige à force d'armes, en gaignerent beaucoup plus & de plus grans: car qui pourroit tranſcourir en particulier la Sardaigne, la Sicille, Macedoine, Illyrie, Grece, & l'Asie, qui eſt pres de Rome: les Bithiniens, les Hiberyens, les Affricans & certainement les Carthaginiens, trouueroit qu'ilz euſſent payé aſſez groſſes ſommes de deniers afin que les Romains n'eueſſent nauigué cōtre eulx. Pluſieurs autres groſſes ſommes euſt payé Anthiocus, pluſieurs ſes enfans & ſucceſſeurs, à ce que les Romains ſe fuſſent demourez en Europe. Mais ilz ne prepoſerēt à la gloire & grādeur de leur empire l'oīſiueté & le repos ſans gloire & les richelſſes avec ſeureté, ne pareillemēt firēt cela noz progeniteurs qui encores maintenant viuēt, eſpecialemēt pource qu'ilz ſcauoiet que les biens ſe acquirēt & conſeruēt par meſmes moyes: ains cōfirmerent grād partie de l'épire paſſé & en acquirēt aſſez de nouuel: pquoy eſt beſoig que encores ie allegue la Cādie, le royaulme de Pōt, Chippre, Eſpaigne, Aſie, la Bithinie, l'une & l'autre Syrie, toutes les deux Armenies, les Arabes, les Paleſtis deſquelz ne ſachās premierement les nōs exquiſement: maintenāt d'aucūs ſommes ſeigneurs, & aucūs autres auōs dōnez à autres, en maniere que en auōs receu reuenuz, uiſſances, hōneur & cōpaignies. No<sup>o</sup> dōcques ayās tant & telz exēples ne vueillez faire vergōgne à la vertu de noz anteceſſeurs, ne vueillez nous trahir ceſt empire q eſt tresgrād: car nous & ceulx qui n'ont pas tāt que no<sup>o</sup> ne deuōs prédre vng meſme cōſeil, pour autāt que à ceulx la ſuffit viure en repos & d'eſtre ſoubz mis aux autres avec ſeurté, Mais à no<sup>o</sup> eſt neceſſaire tra uailer es guerres & de cōſeruer la preſente ſcēlicite avec peril, p ce que pluſieurs la deſirēt, cōſideré que to<sup>o</sup> ceulx qui ſont ſuperieurs à autres, ſont ſuſpectz & enuiez, au moyé dequoy vne guerre ſempiternelle eſt entre les inferieurs & les ſuperieurs. Et n'eſtoit dōcques beſoing que no<sup>o</sup> augmētiffions au commencement noſtre eſtat de rien plus que les autres, ou puis que nous ſommes venuz à ſi grand eſtat & poſſéder ſi grand empire, eſt neceſſaire que nous dominions les autres virilement, ou bien que ſoyons en tout deſtruictz, Car nous qui ſommes paruenuz à ſi grand dignité, eſt impoſſible que viuions en maniere priuée & ſans peril. Obeyſſons doncques à fortune laquelle ſ'eſtāt offerte à noz anteceſſeurs & écores demeurāt pres de no<sup>o</sup> ne  
la

Les Latins  
Ses S. bins  
Tuſcane.  
Auignon.  
Les Piſas.  
Les Siēnoys.  
Les Lu-  
guois.

Sardaigne.  
Illyrie.  
Grece.

Candie.  
Bithime.  
Eſpaigne.

la reffusions: ce que nous ferons, ne mettans ius les armes, & ne habandonnans l'exercite, & n'ostans affis comme pareffeux en noz maisons, ou bien errans entre noz compaignons, mais ayans tousiours les armes au poing: car en ceste maniere seulement la paix se conferue, & exercitant les faitz d'armes: car en ceste maniere nous ne ferons tousiours en bataille, & donnât secours à noz amys confederez sans aucunement delayer que se trouueront en auoir besoing, car ce faisant en aurons beaucoup d'auantaige, & ne nous metans à ceulx qui ordinairement fuscitent quelque bataille: car en ceste maniere nul n'aura apres hardyeffe de nous faire iniure, par ce que encores que aucun dieu ne promist seurement que ne faisant aucune de toutes ces choses nul n'en feroit insidiations, & que tousiours nous receussions le fruit de tous les biens par nous possédez, feroit grand honte à dire que deussions demourer oisifz, neantmoins ceulx qui voudroient delaisser de faire toutes les choses oportunes, auroient quelque honneste excuse. Mais puis qu'il est necessaire que ceulx qui possèdent quelque chose soyent enuiez & assaillis de plusieurs, est moult conuenable de preoccuper les entreprinnes & menées des ennemis, & ceulx qui possèdent leurs biens propres en apres viennent au peril de ceulx cy, voire ceulx qui par superhabondance menent guerre. Les barbares gardent encores leurs propres biens, par ce que nul craignât des choses propres desirant celles d'autrui, considere que la paour qu'il a pour les biens presens, le remeult de propos de poursuyure celles qui ne luy appartiennent en rien. Quest il besoing que vng qui a des biens ne doie tousiours conquerir? Ne vous souuient il de ce que partie auez, & partie auez veu? Nul peuple d'Italie au commencement s'abstenoit qu'il ne dressast querelle à nostre patrie auant que noz antecessors leur eussent guerres en leurs mesme pays, Et les Epirothiens firent encores le semblable auant que eussions passé la Grece: pareillement Phelippes n'eust gueres tardé à venir en Italie avec son exercite, si premierement n'eussions préoccupé ses pays: Ce que semblablement Perseus, Anthiocus & Mithridates eussent fait si nous ne les eussions assaillis en leurs propres royaumes. Et quest il besoing reciter autres exemples? les Carthagiens iusques à ce qu'ilz ne soustindrét aucun mal de nous dans Affricque, nauiguerent tousiours en Italie, butinerét tout le pays, mirent à sac les citez & peu s'en fallut qu'ilz ne prindrent Rome: mais depuis que les Romains commencerent à leur faire guerre, mesmes en leurs pays, à l'heure se dechasserent du tout de nostre pays. Et ces mesmes choses se pourroient dire des Gauloys & des Celtes, car ilz tant que les Romains demeurerent dans les Alpes, souuentefois les passerent, & mirent à sac plusieurs lieux de Italie: mais depuis que vne fois prinmes audace de passer avec exercite les montz, & de faire la guerre à l'entour, rauissant partie de leurs pays, nous n'auons veu guerre aucune faite par eulx en Italie, sinon vne seule fois. Quand d'ocques les choses estans en ceste maniere vng dit que nous ne deons faire guerre, ne dit autre chose sinon que ne deons acque-

rir richesses, que nous ne deuós seigneurier autrui, & ne deuons estre ne liberes ne Romains: comment doncques si vng vous disoit ces parolles vous ne les pourriez soustenir, ains l'occiriez de voz propres mains.

Comment Cesar aussi combatit contre les Arionistes & les mit en fuyte. Chapitre X.

**A**insi doncques maintenant, ô mes amys, deuez estre pareillement disposez contre ceulx qui disent ces parolles, cōsiderans leur volunté, non tant pour les parolles comme pour les faictz: & que nous deuós auoir telle opiniō ie ne croy que aucū de nous en doubte. Mais si pour ce que ceste guerre n'a esté determinée du peuple, ny du senat, quelcū estime que deuós estre plus prōptz, celluy doit pēser que les guerres dōt auons prins la charge aucunes ont esté faictes avec preparatiō & precedētes admonitiōs, & aucunes sōt arriuées selō que le tēps les à offerres, & pour ce toutes celles qui ont esté esmeues estās en noz maisons de repos & ont fait leur cōmencement de accusation par quelque ambassade, est expedient que de telles se prenne deliberatiō & se determine ce que est necessaire, & qu'en apres y foyent proposez cōsulz & Preteurs, & ce faict enuoyez exercites. Mais les guerres qui se demonstrent, les cappitaines ia yfluz avec leurs armées, n'est besoing que foyent mises en deliberation, ains preuenues comme determinées & confirmées auant que plus croissent. Et pour quelle autre raison vous à le peuple cy enuoyé, & pour quelle autre occasion me enuoya il depuis le cōsulat (partie pour l'espace de cinq ans ce que iamais ne fut commis à autre, & partie avec cinq legions) sinon pour ce qu'il estimoit que en tout euenemēt no<sup>9</sup> seroit besoing exerciter les armes, parquoy ne pense qu'aucun de vous deust dire chose à ce que nous en passissions en vain, & affin que transcourans les citez de noz confederez, & le pays des subiectz, leur faciōs pis que ne feroient ennemys: ains plus tost à ce que no<sup>9</sup> gardions le pays propre, & gastiōs celluy des ennemys: affin aussi que faciōs quelque œuure digne & de nostre multitude & de nostre despense, avec telle condition. Doncques nous à esté ceste guerre mise entre les mains & chascune autre, & moult prudēment ont faict les Romains lesquelz nous ont donē liberte de prédre guerre cōtre ceulx que bon nous semblera, & ne veulent que attendions leur determination, par ce qu'ilz estans si loing des cōpaignons n'auoyent iamais peu bien examiner leurs affaires, ny n'auoyēt iamais esté egallēmēt disposez cōtre leurs ennemys ia parauāt appareillez. Mais nous estās ensemble & iuges & ministres de la guerre, & oultre ce portans les armes contre noz ennemys, au mesme faict faisons la determinatiō non sans consideration, non iniuste:mēt & non sans prouision. Et si vng me dit quel si grand erreur Arioniste à commis contre nous qu'il merite estre reputē nostre ennemy, en lieu d'amy & compaignon, celluy doibt penser qu'il est besoing pugnir ceulx qui tentent & cherchent de faire quelque mal  
non

non seulement pour celluy qu'ilz ont commis, mais encores pour celluy qu'ilz auoient en volonté de faire, & est necessaire pourueoir qu'ilz ne se fassent plus grandz, & auant que d'eulx receuions empeschement, & attendre de les pugnir à l'heure que nous auons soustenu d'omage. Que ce Arioniste ne soit non seulement ennemy, mais tresennemy, comme se pourroit il mieulx prouuer que par ce qu'il a fait: car ie luy ay mandé amyablement qu'il vint vers nous pour se conseiller avec nous de quelques affaires: il ne vint, ne encores promist de venir: neantmoins quelle superbe, quelle inhumanité, quelle iniustice luy demonstray ie en luy mandant de venir comme pour amy, ou pour compaignon? & quelle iniure ou feuerité ne commist il ne voulant venir vers nous? N'est il pas necessaire de deux choses, l'une auoir ou qu'il n'eust suspicion de soustenir quelque mal, ou ne fut inobediēt veu quil feist peu d'estime de nous. Si doncques il eut suspicion, manifestement le nous demonstre, de nous auoir esté insidiateur, cōsideré que nul n'a suspicion de nous que premierement n'ayt soustenu quelque mal: ny pareillement ceste crainte ne procede en sincere couraige, mais ceulx qui par auant ont fait appareil d'offenser quelqu'ung par leur conscience, facilement suspeconnent d'autruy: ou que n'estant ce l'occasion, il a fait peu de cōpte de nous, & si nous a iniurié avec superbes parolles. Mais puis qu'il cōmence à faire & dresser factions que deuous nous attēdre de luy, par ce qu'il vsant de si grand orgueil, des choses desquelles ne deuoit iouyr me semble chose inraisonnable, veu que de faire œuvre iuste il n'a le couraige. Et encores ne luy a suffit, mais oultre a cōmandé que ie aille vers luy si d'auenture i'ay besoing de luy en quelque chose. Et ne pensez cela estre petite attaincte, ains demōstre amplement sa volonté, pour laquelle il ne veult venir vers nous. Aucun pourroit imputer l'occasion à crainte, à paresse, ou bien à infirmité: mais qu'il n'ayt mandé excuse aucune, se peut veoir, ains manifestement se congnoist, qu'il ne veult obeyr, mais plus tost est disposé de me cōmander. Et considerez ceste chose de quante & quelle iniure & vitupere soit plaine, Le Preconsul des Romains mande vng homme à ce qu'il vienne vers luy, & il n'y veult venir, & vng Allobroge mande le Preconsul des Romains: ioinct que ne deuez pēser auoir ceste petite erreur pour n'auoir obey à moy Cesar, car ie ne l'ay mandé sinon comme Rommain & Preconsul des Romains, les verges, la dignité preconfulaire, les legions. Ne il ne m'a mandé comme homme priué, ains pour toutes ces choses par ce que comme priué ie n'ay que faire de luy, mais tous ensemblement auons dit & fait tout ce que a esté traitté, & auons ouy & enduré tous le contraire: parquoy de quāt lon dit ce Arioniste estre escript entre noz amys & cōfederez, de tant lon le demonstre estre digne de plus grand hayne, seulement pour ceste raison, veu qu'il estant nostre amy a fait contre nous ce que aucun n'eut iamais hardyesse de faire combien qu'il fust apertement nostre tresennemy, Comme si pour ceste fin il eust nostre amytié & compaignie, & à ce que liberalement

nous peult iniurier, mais ne pour lors nous l'acceptafmes pour cōpaignon afin qu'il nous dressast infules & iniures, ne nous maintenant enfraindrōs les accordz de paix ia faitz, car premierement luy auons enuoyé ambassadeurs comme amy, & vous voyez comme il s'est porté en nostre endroict. Cōme doncques quand il nous vouloit faire bien, no<sup>9</sup> receuoit, de nous iustemēt obtenoit ce qu'il demádoit: ainsi maintenāt qu'il fait tout le cōtraire de ce qu'il faisoit au parauant, meritēment se doit reputer au nombre de noz enemys. Et ne vous esmerueillez si ie (qui le premier pour chassay pour luy vers le senat & le peuple) diz maintenant ces parolles, car ie suis à present de tel courage & volonté que i'estoys pour lors, sans en rien estre mué ne changé: & quelle soit ma volonté, assauoir, comme soit chose cōuenable d'honorer & remunerer les bons & fideles & de pugnir ceulx qui sont opposites & contraires. Celluy doncques sest changé lequel n'a vſé ne bien ne condescement de ce que luy auons concedé, parquoy ie ne pense aucun de nous doubter que ne debuions iustement prendre les armes contre luy. Mais qu'il soit admirable & difficile à rōpre, vous le pouez considerer par autres ses voyfins, lesquelz plusieurs autrefois parauant & maintenant auons vaincuz. Considerez encores ce que nous auons entēdu de luy mesme qu'il n'a autre puissance propre, & rengée ensemble, en maniere que comme celluy qui ne se doute d'aucune chose se trouuē du tout despourueu, nulz de ses voyfins luy donneront ayde, bien que luy promissent: car qui est celluy qui voudroit eslire de combattre contre nous pour le gratifier & auoir pour compaignon, especiallement n'ayant receu aucun destourbier ne empeschement de nous. Et comment ne voudroyent ilz plus tost destruire sa tyrannye qui leur est voyfine & recepuoir quelque partie de territoire de nous suyans nostre party. Bien que aucuns se retirassent de son costé, touteffois ne seroyent iamais plus puissans que nous, car ie laisse les autres choses, assauoir la multitude, l'aage, l'experience & les faitz, Qui est celluy qui ne saiche que tous egallement sommes armez & ilz cōmunement sont tous nudz. D'auantaige nous vſons de raison & ordre, mais ilz se muent auec vne certaine effrenée impetuosité en toutes choses qu'ilz sachent ou vueillent faire, parquoy vous ne debuez craindre ne la grandeur de leurs personnes ne leur voix, consideré que la voix n'occist iamais aucun homme & leurs corps ne pourrōt faire plus que nous comme ceulx qui ont les mesmes mains que nous auons, & seront soubzmis à beaucoup plus grandz hazardz comme ceulx qui sont grandz & defarmez: & leur desmesurée & profuse impetuosité au commencement, facilement se adnullera, & peu de temps durera. Ie vous exhorte & remonstre toutes ces choses qui ia en auez faitz experience & auez ia vaincu ceulx qui leur sont semblables: parquoy vous n'estes tant cōduictz par mes parolles que par voz faitz passez auez ferme esperāce de victoire: & oultre, plusieurs Gauloys féblables a eulx seront noz compaignons en ceste guerre, au moyen dequoy si ces nations ad i uoyent

uoyent en eulx quelque complexion terrible , ceste frayeur sera commune à nous & à noz amys . Doncques considerez ce que vous ay dit & aduisez au reste , & si aucun de vous auoit autre opinion pour ce ne differeray d'entreprendre la bataille ny iamais lairray le lieu à moy commis par la Republicque , & me suffira de la dixiesme legion laquelle comme ie scay si besoing est viendra avec moy . voire iusques au feu : mais allez vous en par la voye plus courte & ne demourez en ce lieu consumans le temps en vain, dissipans vainement les biens publicqs en participant au bien des autruy fatiguez & vous appropriant le butin acquis par les autres . Cesar ayant remonstré ces choses deuant dictes , non seulement nul luy contredist (bien que plusieurs eussent contraire. oppinion) mais tous concordablement approuuerent son dire, & mesmemét ceulx qu'il auoit à suspectz diuulguoient aux autres ce qu'ilz luy auoyent ouy dire si que facilement persuaderent aux hommes d'armes de luy obeyr, Aucuns pour auoir esté esleuz entre les autres, & les autres pource qu'ilz se vouloyent montrer semblables à eulx: mais Cesar esleut la dixiesme legion entre les autres , pource que de tousiours luy auoit esté beniuolle, & ainsi desia estoient nommez les legions ciuiles selon l'ordre de sa constitution, parquoy encorès en ce ont receu semblable denomination . Estans doncques les Romains promptz d'obeyr, Cesar ne voulut plus tarder craignant que pour delayer ne se reffroydisent , mais incontinent dressa son exercite contre Arioniste. Quoy faisant & pour le subit assault le mist en si grand frayeur qu'il le cōtraignit se mettre en termes d'accord : touteffois ne se peurent accorder par ce que Cesar vouloit en tout commander, & Arioniste ne luy vouloit obeyr en aucune chose. La bataille doncques se attisoit & non seulement l'une & l'autre partie estoit pensue , mais encorès les compagnons, voyans tous leurs ennemys estre en ceste bataille que bien tost viendroyent au faict d'armes, & que à ceulx qui obtiendroyent la victoire toutes choses seroyent soubzmisses. Les barbares estoiet de beaucoup supieurs fust de multitude d'hōmes & de grandeur de personnaiges, mais les Romains d'experience, & de armures: & par vng certain moyen se trouuoit l'audace de Cesar egallement à l'inconsiderée impetuosité diceulx barbares : par quoy estans egaulx en ces choses auoyet respectiument egalles esperâces & egalle promptitude pour les executer . Or ainsi les deux exercites estoient rengéz & posez l'ung contre l'autre . Les femmes des barbares ayans faict sacrifices à Bacchus empeschoient leurs marys de combatre que premieremét la lune nouvelle ne fust apparue. A ceste cause Arioniste qui adioustoit grand foy à ces femmes lors qu'elles faisoient pareilles cerymonies ne vint aux armes avec tout son exercite bien que les Romains à ce le procurassent, ains ayant enuoyé hors ses gens de cheual avec quelque nombre de gens de pied faisoit grand domaige & ennuy aux Romains : parquoy commenceant à faire petite estime d'eulx tempta de vouloir occuper certain lieu au dessus de son fort,

ce que les Rommains pareillement firent : au moyen dequoy Arioniste ne voulut combattre, bien que Cesar eust enuoyé dehors son exercite en ordre ou il demoura iusques au midy : mais depuis retourné au fort, Arioniste la nuit ensuyuant s'iruint à l'impourueu & quasi qu'il ne prinist le fort de Cesar : Luy succedant doncques les choses en ceste maniere feist peu d'estime de leurs femmes : & le iour ensuyuant les Rommains appareillez & s'engez pour combattre (ce que chascun iour ilz faisoient) Arioniste rengé les batailles contre eulx : lesquelz ayans veu ceulx qui sortoyent des tentes ne peurent estre fermés, mais s'acheminéz ne donnerent espace tant qu'ilz se peussent mettre en ordre & surprindrent les ennemys pour les auoir impetueusement assailliz si qu'ilz ne pouoyent tirer de leurs arcz enquoy plus se fioyent : pareillement & les pourfuyirent de si pres qu'ilz ne pouoyent vser de leurs dardz ne de leurs espées qui estoient plus longues que celles des Rommains, en maniere que les Rommains se mesloyent plus avec les corps l'ung de l'autre que ceulx qui combatoyent avec les armes, & contendoient de tourner celluy qui luy estoit voisin & de getter par terre celluy qui luy estoit opposite, & plusieurs qui n'auoyent dagues combatoyent à coups de poing & de dentz. Semblablement les barbares deschiroyent leurs aduerfaires qui les mordoyent comme ceulx qui pour leur grandeur estoient beaucoup superemynens : neantmoins pource ne leur faisoient grand dommaige, car les Rommains meslez parmy eulx leur estoient egaux tant pour les armes que le dextresse, si que apres auoir esté par bonne espace de temps en ceste forme de combattre, finablement obtindrent la victoire. Leurs dagues qui estoient beaucoup plus moindres que celles des barbares & auoyent les poinctes d'acier, leur furét moult bié à propos. D'auantaige ilz estans en vne mesme peine durerent plus que les barbares, comme ceulx qui n'ont si grand force en attendre que à assaillir. Par ceste occasion ceulx la furent vaincuz, toutesfois ne se tournerent en fuyte non qu'ilz ne le voulussent bien, mais pource qu'ilz ne pouoyent : & trois cens d'entre eulx qui se retirerent ensemble se couuroyent de leurs escuz & estans debout pouoyent combattre toutesfois ne se feussent sceu mouoir de lieu en aultre pour l'espeuseur des mortz, & ne faisoient aucun mal ny n'en recepuoyent d'aultuy. Quoy voyans les Romains que ceulx la ne leur couroyent sus ne pareillement se mettoyent en fuyte : mais demourans tous en vng lieu s'estoyent arrestez comme en vne tour : aussi que au commencement ilz auoyent gettez leurs dardz comme ne leurs estans vtiles & ne pouoyent combattre avec leurs espées ainsi fermes, ne se ioinde pres leurs ennemys, par laquelle voye seulement se pouoyent occir comme ceulx qui s'apparoyssoyent descouuertz & nudz d'armes, getterent ius leurs escuz, & assaillant aucuns en courant impetueusement, les autres de pres sortoyent par vne certaine maniere & les tailloyent en pieces, au

Bataille entre Cesar & Arioniste.

Arioniste vaincu.

moyen dequoy plusieurs d'eulx tomberent mortz sur ceulx qui ia auoyent esté occiz & naïrez. D'auantaige plusieurs estoient mortz auant que tomber, par ce que estans en grand multitude & espesseur (bien que ia feussent mortz) estoient droitz entre les autres. La plus grande partie doncques des gens de pied de Arioniste fut déffaiete en ceste maniere tant en cest endroit que pres leurs charrettes; ensemble leurs femmes & enfans.

Mais Arioniste habandonna le pays avecques ses gens de cheval, & tyrant droit vers le Rhin fut pour suyuy impetueusement, toutesfois ne peut estre aconsuiuy, car il se saulua en vng petit nauire, & ses compagnons partie furent occis dedans le fleue par les Romains, & l'autre partie se misrent dedans le nauire, & se sauluerent avecques leur conducteur  
Arioniste.

# Le Trenteneufiesme liure

DE DYON, HISTORIEN GREC,  
Traduict d'Italien en Francois.

Audit liure est fait mention comment Cesar combatit les Gauloys, & come Cicero fut reduyt en sa liberte: come Ptolomee dechasse d'Egypte vint à Rome & fut par les Romains reduyt en son pays, puis commet les Venitiens furent vaincuz, & aussi ceulx d'Acquitaine.



Comment Cesar combatit contre les Gauloys.  
Chapitre XI.

**F**inie ceste guerre contre Arioniste, & l'yuer passé, auquel Cornelius Spitner & Metellus Nepos commécerent à estre cōsulz, suruint vnetierce guerre, par ce que les Belges habitas pres le Rhin, finitimes à plusieurs nations mesléees appartenans à la mer Océane de Bretagne, au comméce-  
mēt aucūs d'eulx estoiet colliguez avec les Romains, & aucuns autres n'en faisoiet estime. mais alors voyas les choses prosperes succeder à Cesar & craignas que apres ne les vinst charger, se congregeret ensemble & de cōmun conseil, & de tous les autres (excepté des Rhénnoys) se

Belges.

Rhénnoys.

conſeillerent contre les Romains faiſans vne moult vehementé coniu-  
 ration, Dont Ceſar aduertiy par les Rhenoys feiſt eſtablir les gardes:& ayât  
 mis ſon exercite près le fleuue Auſonne rafſembloit ſes gens d'armes & les  
 exercitoit par ce que de prime entrée n'eut l'audace de aſſaillir ſes ennemys  
 poſé que premierement euſſent ſaccaigé ſon pays: car ilz le deſpriſans cõ-  
 nie homme timide ſe enhardirent de vouloir prendre le pont & occuper la  
 voye par laquelle Ceſar faiſoit venir viures des pays de ſes colliguez: Par-  
 quoy Ceſar auoir entendu qu'ilz ſe deliberoient ce faire contre aucuns fu-  
 gitifz, la nuit enſuyuant y enuoya les Sacquemens avec ſes gens de cheual  
 leſquelz ſuruenuz à l'impourueu ſur les barbares en occirent & naurerent  
 pluieurs, en maniere que tous la nuit enſuyuant ſ'en retournerent en leur  
 propre pays: eſpeciallement pour leur auoir eſté denocé comme les Oſtu-  
 noys les auoyent aſſaillis. Ceſar entendit bien leur fuyte: toutefois n'eut  
 hardieſſe de les pourſuiure prõptement pour ne congnoiſtre les lieux, mais  
 prins avec luy ſes gens de cheual & cõmadant aux gens de pied de le ſuyure  
 en diligence les aconſuiuit eſtans regez comme pour combatre, eſtimans  
 que Ceſar n'eut en ſa compagnie que ſeulement ſa gédarmerie, toutefois  
 Ceſar differa le cõbat iuſques à ce que ſes ſouldars fuſſent arriuez leſquelz  
 ſuruenuz, & les ennemys enuironnez de toutes pars, furent en vng mo-  
 ment tous ou la plus grand partie taillez en pieces, & les autres, prins par  
 appoinctement, & depuis les peuples ſe retirerent vers luy les vngs par com-  
 poliõ & les autres par force. Les Neonyens qui maintenant ſont appellez  
 Touruoysins, pource qu'ilz n'eſtoient egaulx en puiffance à Ceſar luy cede-  
 rent volontiers la champaigne & plain pays, mais depuis reduictz enſem-  
 ble es montaignes plaines de foreſtz descendirent impetueuſemét & à l'im-  
 pourueu ſe miſrent de rechef à courir à l'endroiët ou Ceſar eſtoit avec la  
 pluſgrand partie de ſon exercite, & feirent tant que du premier front prin-  
 drent le chãp de Ceſar. Dequoy aduertiy celluy qui eſtoit paſſé oultre pour-  
 ſuyuant vehementement ceulx qui ſ'en fuyoiët ſ'en retourna arriere & ayât  
 rencontré ſes ennemys dans ſon fort ou ilz ſe amuſoyent à piller & buty-  
 ner & les auoir enclos furent tous par luy & les ſiens occis: laquelle victoi-  
 re obtenue, ne luy fut apres difficile de ſubiuguer tous les autres. En ce  
 meſme temps les Helnoyers leurs voyſins & de ſang & audace ſemblables  
 aux Cymbriens ſ'eſmeurent pour les ſecourir, mais preoccupez ſe departi-  
 rent & auoir habandonné l'empriſe ſe reduyrent en vne certaine fortereſſe  
 par eulx ediffiée en extreme diligence ou ilz reſiſterent à Ceſar p̄ quelques  
 iours, & iuſques à ce qu'il fit conſtruire certains engins & machines de ba-  
 taille. Leſquelz voyans les Romains occupez à tailler les boys es foreſtz  
 pour faire les machines ſ'en ruiõent, mais depuis qu'elles furent paracheuees &  
 que quãtité d'hõmes armez deſſus ſ'adioignoiet à leur fortereſſe ſe cõmen-  
 cerent à eſtõner cõme hõmes qui iamais n'auoiët veu choſes ſemblables, &  
 enuoyerët vers Ceſar abaffadeurs pour accorder, avec certaines choſes ne-  
 ceſſaires

Auſonne A.

Guerre cõ-  
tre les Bel-  
ges.Neonyens  
maintenãt  
Tournoy-  
ſiens.Victoire  
contre les  
Tournoy-  
ſiens.

Helnoyers.

Ambaſſi-  
deurs des  
Helnoyers.

cessaires pour son exercite ayás premieremét gettez hors la forteresse quelques harnoyz & munitióz y misés pour la defféce dicelle: touteffois depuis quilz veirent de rechef les machines estre desnuées de gens de guerre tirerent tous à la victoire se repentás d'auoir enuoyé ambassadeurs, & reprenans audace, la nuit ensuyuant fortirent hors leur forteresse pour les Romains tailler en pieces au despourueu, mais rencontrez du guet par ce que Cesar faisoit tousiours diligente garde en toutes choses, deffaillirét de leur esperance, parquoy à nul d'eulx fut pardóné ains furét tous véduz. Ces choses acóplies Cesar n'estát retourné arriere, aïcoys ayant subiugué plusieurs nations partie luy & partie les cappitaines, venu l'uyer s'en retourna à son repaire. Mais les Romains aduertis de ses faictz s'esmerueilloient côme il auoit subiugué tát de peuples les nós desquelz n'auoiét seulement parauát en tenduz. Durant ce téps Barbare Serue capitaine de Cesar ce pédát qu'il eut téps opportun & l'exercite ralié ensemble subiugua les Caragres qui habitent pres le lac de Genesue, ensemble les Sauoyziens iusques aux Alpes, les aucuns par cõposition, & autres par force, en maniere qu'il passa domesticquement avec son exercite l'uyer en ce pays: touteffois pource que aucuns de ses souldardz estoient la demourez côme ceulx qui n'estoyét loing de Italie, & autres de leur auctorité s'en estoient allez en autres lieux, les habitans du pays l'assaillirét ce pédát à l'impourueu, parquoy Barbare par desesper se mist en cãpaigne, si que estát forty des domicilles avec telle audace meit non petite frayeur entre ceulx qui l'auoyent assailly & par ce moyen gaigna les mótaignes, & se voyát en lieu de seurté sevégea deulx les reduisás en feruitude, neátmoís ne seiourna en ce lieu ais passa p le pays des Allobroges.

Caragres  
vaincu.  
Sauoyziés.

Comment Cicero s'en retourna d'exil par Pompée qui le reuocqua.

Chapitre XII.

**E**T ce pédant Pópée traicta que decret fut faict pour la reuocation de Cicero, parquoy celluy mesme qui l'auoit dechassé pour la faueur de Claudius le restablit cõtre le mesme Claudius. En ceste maniere les choses humaines se muent en brief temps, & de ce que aucuns esperent recepuoir quelque vtilité souuétesfois leur aduient le cõtraire: & les coadiuteurs de telle chose furent entre les preteurs & tribús Titus Annius & Milon, lesquelz le introduisrent vers le peuple, car Spinter qui estoit cõsul partie pour gratiffier à Pompée & partie pour nuyre à Claudius duquel il estoit ennemy & lequel il auoit ia condéne pour adultere, & encores plusieurs autres qui estoient en offices, fauorisoyent Milon: & par le contraire Appius Claudius son frere qui estoit Preteur & nepueu du consul, lequel auoit en hayne Cicero pour vne certaine priuée inimytié, contredisoit à sa reduction. Ceulx cy doncques cõme ceulx qui auoyét les cõsulz pour cheffz & autres en la cité discordans en opinion, susciterent beaucoup plus grand tumulte que deuant, si que plusieurs autres vrgentes affaires n'estoyét d iiii equitablement

Decret sur  
la reuoca-  
tion de Ci-  
cero.

Spinter  
consul.

Appius.  
Claudius.

Oraison  
faicte au  
senat.

equitablement cōduictes; mesmes mēt voyant Claudius que en la ballotation & iugement de ceste reduction le peuple seroit fauorable à Cicero, ayant avec luy les gladiateurs que son frere auoit mis en ordre pour honorer les obsecques de Marc son parent, entra violement en la salle en laquelle estoit la cōgregation & en naura & occist plusieurs: au moyen dequoy ne fut la sentence de la reduction Cicero cōfirmée, ains ayant Claudius tousiours en sa cōpaigrie les gladiateurs meit non petite frayeur entre to<sup>9</sup> les autres, & si demáda la dignité edilice, esperant icelle obtenue escheuer la peine de sa violence faicte au senat, car delia en auoit esté accusé par Milon: neantmoís n'auoit introduit son accusation par ce que les Questeurs p le moyen desquelz se deuoit faire le sort des iuges, n'auoyét encores esté esleuz, & auoit Nepos interdicté au preteur que aucun iugemēt ne fust traict auant le sort, mais estoit sur tout necessaire que les Edilles fussent esleuz deuant les questeurs, pour laquelle cause speciallemēt auoit esté differé. Et soubzmettát plusieurs moleitatiōs pour ceste mesme chose faisoit grád trouble: & finalement auoir asséblé grád nōbre de gladiateurs & plusieurs autres suyuát son party, continuellemēt venoit à cōtétion avec Claudius, si que plusieurs homicides estoýét chascū iour cōmis en la cité. Quoy voyát Nepos & craignant son cōpaignon, Pópée & autres principaulx de la Repub. comméca à muer d'oppiniō, & ainsi le senat tint premieremēt cōseil que Cicero retourneroit par l'introduction de Spinter, & le peuple par l'introduction des deux cōsulz en fait le decret: & bien que Claudius y cōtredist neátmoins, la part de Milon luy estoit opposite, si qu'il ne pouoit faire aucune violéce. D'auántage Pópée & maintz autres assentirét à la loy, de sorte qu'ilz furent & demurerent superieurs. Au moyen dequoy peu de téps apres Cicero s'en reuint à Rome ou il rēdit graces par le moyen des consulz tant au peuple que au senat, & ayát mise à part lyre qu'il premieremēt auoit contre Pópée pour son exil se reconcilia avec luy & incōtinent luy rēdit graces du benefice receu, car estát suruenu en Rome vne grád famine pour laquelle tout le peuple furieusement estoit couru au theatre (tel qu'ilz vfoýent en ce téps es cōgregatiōs) & encores depuis au capitolle contre les senateurs illec assemblez, ou quelquefois les menasfoýent de les meurtrir & occir ou bien de les brusler avec tous les temples, Cicero leur persuada qu'ilz esleussent Pompée procureur des viures, & pource luy feust donnée vne dignité preconfulaire tant dans que hors l'Italie pour l'espace de cinq ans, & il comme parauant au moyen des courfaires ainsi maintenát pour ceste occasion debuoit estre president sur toutes les natiōs subiectes aux Romains: mais Cesar & Crasus au contraire auoyent grandement en hayne Cicero, neantmoins faisoýent assez bon estime de luy sachans qu'il estoit pour retourner encores à Rome, car Cesar en son absence luy demonstra quelque beniuolence: toutefois n'en receurent aucune grace, par ce que luy congnoissant qu'ilz ne faisoýent ce compte de luy de bon couraige, & estimant ilz auoir esté la principale

Pópée pro  
consul, &  
procureur  
des viures.

principalle occasion de fon baniffement ne demonftroit enuers eulx apertement grand liberté, comme celluy qui defia auoit receu le dômaige pour parler liberement: touteffois compofa vng liure secret qu'il intitula, Le rational de fes cōfeilz auquel difoit afsez mal de Cefar & maintz autres, & pource craignât qu'il ne vint en lumiere luy viuant le cela & meit entre les mains de fon filz luy prohibât de ne le lire ne publier auât fa mort. Cicero doncques reuenu recouura quelque partie de fon bien, comme le territoire de fa maifon pofe quil eult esté confacré à la déeffe de la liberté, & que Claudius fi oppofaft, par ce que Cicero ayant cauillé la loy tribule par laquelle Claudius auoit esté efcript de gentilhomme entre les peuplains comme que ceste loy n'eult esté expofce en temps déterminé felon la couftume. En ceste maniere derogeoit à tout le tribunal de Claudius, pédant lequel auoit esté fa maifon publicé, difant qu'il n'eftoit poffible que eftant faicte fa trāsmutation de gentil homme au populat que legitimement fust aucune chofe reputée bien faicte par luy en ce magistrat: parquoy perfuada aux pôtifes que fon territoire luy fust rendu comme fainct & immaculé. ce qui luy fut octroyé avec fomme de deniers pour réedifier fa maifon, & d'auâtage eut recompense du dommaige qu'il auoit receu en la fpoliation de fes biens.

Caution  
de Cicero,

Comment Ptolomée dechaffé d'Egipte, vint à Rome.

Chapitre

XIII.



Pres ces choses traitées vne autrefois arriua trouble en Rome pour le respect de Ptolomée roy de Egipte, par ce que ayât dependu plusieurs grosses fomme de deniers aucuns des fiens propres & autres pris à vfure, à ce que le royaulme luy fust cōfirmé & fust nommé amy & confederé du peuple Romain il recouroit afprement ceste dependance fur les Egyptiens, au moyen dequoy il eftoit grandement hay de fes fubiectz: & pource que les Egyptiens voulans qu'il demâdast l'ifle de Chipre aux Romains, ou (qu'ilz ne la luy voulans conceder) reffufast leur amytie, n'en vouloit rien faire, & ne leur peut perfuader qu'ilz demouraffent en repos ne encores les efforcer, n'ayant gendarmerie étrange fen fuyt hors Egipte, & paruenue à Rome accusa les Egyptiens comme ceulx qui l'euffent chaffé hors du royaulme, & obtit quil fust reduict en fa maifon par Spinter auquel eftoit aduenue la Cilicie par fort. Et ce pendant qu'il traitoit fon faict vers le peuple Romain, les Alexandrins qui n'en scauoient riens, ains penfoient qu'il fust mort, prindrent pour leur dame & princeffe Bernice fa fœur: mais depuis auoir entendu la verité enuoyerent cent hommes à Rome pour excufer les obiectz pofez contre eulx & pour accuser Ptolomée de fes maleffices: lequel de ce aduertiy, qui encores eftoit à Rome, enuoya plusieurs embufches en diuers lieux cōtre les ambassadeurs, lesquelz (ne fe doubans d'aucune chofe) récontrez auât qu'ilz fuffent paruenuz en la cité

Exactions  
de Ptolomée.

Les Egyptiens accusés enuers le Senat.

d v. furent

Les ambas  
sadeurs  
des Egip-  
tiens af-  
faillis.

furent assaillis & plusieurs mis à mort par la voye. Mais aucuns autres feirent tuer dás la cité, & aux autres qui estoient demorez effrayez de ce, ou bien corrompuz par deniers, persuada à ce qu'ilz ne voulussent parler aux magistratz de Rome des affaires pour lesquelles estoient venuz, & ne feissent autre mention de ceulx qui auoient esté occis, parquoy ne fut le fait trop diuulgué: Toutefois le Senat le trouua fort mauuais, especiallement par l'induction de Marc Fauone, & ce pour deux choses: la premiere, pource que plusieurs ambassadeurs enuoyez par les confederes & allies auoient esté occis: & oultre, que iusques alors maintz Romains auoient esté corrompuz par presens, parquoy enuoyerent querir Dyon principal de cest ambassade pour de luy entendre la verité, mais à l'heure Ptolomée estoit si puissant pour ses deniers que Dyon ne peut entrer dans le senat, Et ce pendant sa preséce ne fut faite mention aucune de ceulx qui auoyent esté occis. Et en ces entrefaictes fut encores tué Dion par trahison, dont Ptolomée n'eut aucune reprehension: car oultre toutes les autres faueurs Pompée l'auoit retiré & recellé en sa maison, & le deffendoit estroitement. Neantmoins des autres plusieurs furent accusez, mais peu condempnez, par ce que plusieurs estoient corrompuz par dons & presens, & ainsi l'ung aydoit à l'autre par la crainte d'eulxmesmes. Les hommes doncques faisoient telles choses pour deniers. Mais les dieux ayés getté par terre avecq vne sagette coeleste la statue de Iuppiter estant sur le mont Albane, prolongnerent par quelque temps la reduction de Ptolomée, car les Romains reuoluans les liures Sibilins y trouuerent ces motz escriptz: Si le roy d'Egypte vient demander secours, ne luy denyez nostre amitié: toutefois ne luy aydez avec aucun exercite, autrement vous mesmes soultiédrez plusieurs peines & perilz. A ceste cause esmerueillez de l'accordance de ces vers avec les choses alors suruenues, adnullerent les decretz faitz en la faueur de Ptolomée, le tout à la persuasion de Gaius caton, tribun. Cela doncques estoit l'oracle de la Sibille, diuulgué par Caton, car n'estoit aucunement permis sans decret du senat qu'il fust diuulgué au peuple. Et voyant Caton la sentence subitement diuulguée des vers, comme souuent aduient, craignit que apres ne fust teue & occultée, parquoy mist en terre les prestres au mylieu du peuple, & illec auant que le Senat feist aucun decret les contraingnit manifester l'oracle de la Sibille, traduite en langue Latine. Et depuis estans en deliberation du fait de Ptolomée, & aucuns iugeans sa reduction se debuoir comettre à Spinter sans exercite, & autres voulans que Pópée avecques deux litteurs l'eust à reduyre: par ce que Ptolomée auoit esté du l'oracle, briga de ce obtenir, Et que Aul<sup>9</sup> Plati<sup>9</sup> tribu leut ses lettres en plaí senat, les senateurs craignás que si Pópée auoit ceste charge ne se fist encore plus puissant, luy osterét, soubz couleur qu'il luy couenoit pourueoir au fait des viures dont il estoit procureur. Et furent ces choses faictes estás cónsulz Luci<sup>9</sup> Philippus, & Gnee Marcellin: lesquelles entendues par Ptolomée coméca à esperer de iamais ne retourner en son regne, & pour ces causes s'estát retiré

en Ephese demouroit avec la déesse Diane. Mais en l'an precedât luy arriua bien chose particuliere, touteffois en quelque maniere conuenable à la presente histoire, par ce que empeschât manifestemēt les loix que deux de mesme cōsanguinité ne peussent obtenir ne posseder vne mesme dignité sacerdotale, Spinter cōsul ayāt desir de inscrire son filz Cornelius Spinter, entre les Augures, & y estant parauāt escript Faustus filz de Sylla, du lignaige des Corneliés, le fait adopter son filz entre les Torquas, parquoy en parolles demoura la loy inuiolée, touteffois en effect corrompue. Ces choses faites Claudius voyant que peu apres Philippes & Marcellin estās cōsulz il encores fut institué edille (car il fut esleu ne l'ayant demandé) affin qu'il eust fait l'accusation cōtre luy, & escheua encores à l'opposition à luy faite par Milon pour la violence des gladiateurs, consideré que les forfaitures qu'il auoit cōmises & pour lesquelles il estoit condéné, il impositoit a Milon (nō qu'il esperast le pouoir cōuaincre comme celluy qui auoit plusieurs amys, & entre autres Cicerō & Pōpée) mais qu'en ce faisant molesta Milon, & fist iniure aux autres. Entre toutes ces menées en imagina vne telle ayāt mis aucuns de son party en ordre, à ce que quand il demāderoit, & ce pendāt qu'il faisoit quelque chose es cōgregations & assēblées ou cō:redist à quelqu'ung ilz estans en cest estat criaissent tous ensemble que Pōpée à l'impourueu demandoit toutes ces choses, lesquelles estoiet coupables de luy ou du corps ou de l'ung ou de l'autre, & pource separément de chascun cōme qu'il ne le dist de luy, à ceste cause ilz autres qui les suiuiēt cōmencerent à cryer comme souuēt aduient en telz actes, disans que à Pōpée escheoit vne grad. derision, dont Pompée indigné se courrouçoit & ne scauoit qu'il faisoit, Si que Milon en parolles estoit iuge, mais en effect, conuaincu sans aucune excuse, Car Claudius à ce que tel cry se poursuiuist ne laissoit introduire la loy Phratriarque, & d'auātage n'estoit licite introduire aucun iugement. Ce pendant dōcques Milon estoit le pretexte des vilénies & homicides qui se faisoiet, & estans suruenuz en ce mesme temps aucuns mōstres, car au mōt Alban vne statue de Iupiter posée sur vne table vers Orient. se retourna vers Septentrion, & vne lampe de feu venant du coste de midy semblablement y tira, vng loup entra en la cité, d'auantaige y eut trēblement de terre. Aussi aucuns citadins furent occis par sagettes celestes, & fut ouy vng bruiēt soubz terre & soubz le mont Latin, que les deuins dirent signifier les dieux estre courroucez contre les Romais pour les sacrifices ou lieux violez. Claudius en chargeoit grandement Cicerō, pource qu'il auoit edifié au territoire con sacré à la déesse de Liberté, & au mesme instant se leua pour aller ruynier cest edifice iusques aux fondemēns, pource que Milon luy ostant. Mais Cicerō fut grandement indigné, cōme qu'il eust soustenu telle iniure, accusant Claudius. Et finalement ayant prins Milon certains autres Tribuns avecques luy mōta au capitolle & rua par terre les collomnes dressées par Claude quand il fut banny, lesquelles en la mesme heure luy furent ostées

Inuētiō cō  
tre Milō &  
Pompee.

ostées estant illec suruenü icelluy Claudius avecq Gaius son frere qui estoit Preteur:& depuis ayant Ciceron obtenu que Claudius fust mis hors la cité de rechef remonta au capitolé,ou trouuées icelles colonnes,les emporta en sa maison, en maniere que dela en auant à nul d'eulx estoit aucune chose prohibée, ains se disoyent vilennie l'ung à l'autre & se calumnioyét en tout ce qu'ilz pouoient,n'ayans esgard à aucune honte & des hōnesteté pour grā de quelle fust,& blasnoit Cicero le tribunal de Claudius,comme qu'il feust contre la loy ensemble toutes les choses par luy faictes comme inualides & de nul auctorité.Mais Claudius luy opposoit que iustement auoit esté banny,& par le contraire que sa reduktion auoit esté cōtre la loy:combien qu'il fust beaucoup plus foible en ceste sedition,

Comment Caton ordonna les affaires de Chippre.  
Chapitre XIII.



Eātmoins Marc caton suruenāt luy ayda, p ce que ayāt en hayne Cicero & craignāt que ce qu'il auoit faict en Chippre ne fust rescidē & adnullē pour auoir esté enuiē en ceste isle durāt le tribunal de Claudius,commença promptement à le fauoriser pource qu'il se glorifioit grandement des choses p luy y faictes,& sur tout s'efforçoit qu'elles fussent confirmées:car Ptolomée occupant pour lors ceste isle auoir entendu les decretz faictz contre luy n'eut couraige resister aux Romains, ne encores desira plus viure estant priuē de tel honneur, ains apres auoir beu volontairement du venin, mourut.Et les Chippriens pēsans de serfz deuenir cōpaignons des Romains accepterēt liberalemēt Caton,lequel ne se pouoit honnestement pour ce glorifier, ains pour auoir tresbiē administré toutes les autres choses,cōme les deniers & les serfz qu'il assembla & des richesses royales sans aucune coulpe,desquelles il feit entiere demōstratiō, parquoy ne se reputoit estre moins vaillāt hōme que s'il eust obtenu quelque victoire,cōsiderē que estoiet la plusgrād part des hōmes prōptz à receuoir dōs & presēs il pēsoit ceulx q mesprisoiet les deniers estre pl⁹ rares que les victeurs des ennemys en bataille:alors dōcques Catō estoit en opiniō de iustes triūphes.Et les cōsulz. rapporterēt leur sentēce au senat que la Preteure luy fust octroyée cōbien qu'elle ne luy conuinist encores selō la loy:toutesfois ne fut crée preteur p ce que luy mesmes y cōtredist dōt depuis en receut plus grād gloire. Toutesfois Claudius tēta que les serfz amenez de l'isle de Chippre fussent nōmez Claudiēs, par ce qu'il auoit enuoyē Catō en ceste isle.ce qu'il ne peut,pour la resistāce faicte par icelluy Caton,aïns furēt nōmez Cipriēs, bien que aucūs autres tinssent opiniō qu'ilz fussent nōmez Portiās.Quoy voyant Claudius.cōmença à calūnier l'administratiō de Catō, & demādoit qu'il rendist raison des choses par luy faictes,(non qu'il le peust conuaincre comme iniuste en aucune chose,mais pource qu'il auoit perdu quasi tous ses papiers

Mort de Ptolomée

Les serfz amenez par Catō nōmez Chippriens.

Discord entre Caton & Claude.

papiers par fortune de mer.) estimât pour telle occasiō le pouoir opprimer. Et pose que Cesar ne fust lors present, toutesfois si aydoit il à Claudius. Et ainsi que aucūs ont voulu dire, enuoya son accusation cōtre Caton par lettres esquelles entre autres choses estoit opposé à Catō que ayant persuadé aux cōsulz qu'ilz feissent rapport au senat de la preteure, faignit depuis l'auoir volontairemēt reffusée, affin qu'il ne semblaist contre sa volūtē l'auoir laissée. Ce pendant que ces deux se cōbatoyent ensemble, Pōpée eut encores quelque empeschement en la distribution des bledz estās plusieurs deliurez de l'esperāce qu'ilz auoient en luy, assauoir ql voulust faire descriptiō d'eulx à ce que en quelque maniere & ordre avec les autres receussēt des bledz: touttesfois pour auoir la pricipaulté du tout estoit taxé. Et d'auātaige les choses faictes par Claudius le molestoient grandemēt, especialement pour ce qu'il estoit desprise des autres & iniurié de ceulx desquelz il se sentoit superieur tant pour sa dignité que pour les esperāces pour lesquelles il auoit attendu que estāt encores hōme priué seroit honoré par dessus eulx: neātmoins quelquesfois faisoit peu d'estime de telles menées, car au commencement oyant quelque mal d'aucū, & puis cōsiderant la vertu ppre & la malice des autres, ne faisoit plus cōpte d'icelles. Mais Cesar augmētē en auctorité & le peuple Rommain s'esmerueillant des prouesses par luy faictes cōtre les Gauloys, que le senat auoit entēdu estre quasi to<sup>9</sup> soubzmis a leur empire, & orgueilleily pour les esperāces qu'il auoit de luy, de sorte que luy auoiēt cōcedé p decret certaine grosse quātite de deniers, estoit moult cōtraire à Pōpée: lequel tēta de psuader aux cōsulz qu'ilz ne uoulsissent lire si tost les lettres de Cesar, aīs de les tenir occultes si lōg tēps qu'elles fussēt descouuertes p la mesme renōmée, & que successeur luy fust enuoyé voire auāt le tēps ordōné (car il vsoit de si grād ambitiō, que encores ce qu'il auoit fait en la cōpaignie de cesar taschoit de calūnier & anichiler) & se doloit de celluy lequel par le cōtraire se couuroit grādemēt & occultoit ses faictz, accusant le peuple qu'il faisoit petite estime de luy & fauorisoit le party de Cesar: & oultre tout se lamentoit leur voyāt faire si grād mētion d'ūg adoptif cōme qu'il ne se trouuast sō pareil, & que tousiours se reduisoiet a ce q estoit fait nouueau, biē que fust moīdre du passé, & ce pour la fatieté des choses premieres & pour le desir des nouvelles, & voyāt oultre mespriser les premiers approuuez & augmenter ceulx q de nouueau demonstret par esperāce. Ayāt dōcques Pōpée à mal ces telles choses, & ne pouāt de foy y remedier sās les cōsulz, & cōgnoissāt que cesar seltoit faict plus grāt qu'il n'eust iamais pēse nen fait petite estime, car il pēsoit deux choses estre causes suffisantes à deslier l'amytie d'aucūs, assauoir la paour & l'ēuie, & lesdictes deux choses pouoir aduenir seulemēt par vne gloire & pūissance egale, p ce que tāt que aucūs picipēt egalemēt de ces deux choses elles ēcore se fortifiēt: mais quāt vne ptie surmōte l'autre alors celluy q se voit inferieur hayt le superieur, & celluy q est le pl<sup>9</sup> puissāt à ēuie cōtre le pl<sup>9</sup> debile, pquoy aduēt que estāt vng greuē p les iniures receues, & l'autre se glorifiāt pour sa puissāce, damys demeurēt enemis & se discordēt.

Comment Pompée & Crassus furent consulz esleuz.

## Chapitre

XVII

**P**Ar telles consideracions doncques Pompée se armoit contre Cesar, & estimât que seul ne le pourroit destruire se cōioignit Crassus esperant auec sa faueur pouoir plus facilemēt venir à son intention: & f'est ainsi r'alyez ensemble nē penserent pour estre hōmes priuez pouoir faire chose qui fust à Cesar nuytible, mais s'ilz feussent consulz & gouernassent tous deux l'estat, contre luy en briefesperoient se faite esgaulx à luy, & d'auantaige, de le superer comme ceulx qui estoient deux contre vng. Au moyen dequoy vng de leurs cōpaignons leur prestoit occasion de demāder le cōsulat, bien qu'ilz eussent recuse de vouloir plus tenir estat de consulz, apres l'auoir vne fois delaisse, pose que par auāt l'eussent acquis à plusieurs leurs fauorables. Et pource qu'ilz l'auoient demāde auāt le tēps determiné par la loy & estoit manifeste, si des autres cōme des consulz, par ce que Marcellin estoit en Rōme, que ne les laisseroiet designez, traictèrent que les elections de cōsulz ne se feissent chascun an, ayās interposé rāt autres cōme Gayus Caton, à ce qu'il estat esleu Enteroy ilz peussent demāder & auoir le consulat selon la loy: & fut ceste chose faicte en parolles par ordonnance des consulz: mais en effect d'eulx mesmes, qui se cōturboient grandement cōtre ceulx qui leur estoiet contraires, dont le senat fut moult desplaisant, si que vne fois se leuerent estās les autres en dissention, au moyē dequoy fut pour lors desliee la discorde. Mais depuis se traictans ces mesmes querelles firēt vng decret que les robes senatories fussent laissées cōme en vne certaine calamité de la republicque, bien que Catō voyant que auec parolles ne pouoit dissuader ceste chose, feust entré au Senat, à ce que ne se feist aucune cōclusion, car si vng de ceulx nō senateur estoit dedās ilz ne faisoient aucune determinatiō: & ces autres auoiet esté empeschez par les tribuns d'ētrer dedās. Et ainsi fut ce decret cōfirmé, & se traictoit que les senateurs fussent presēs en la cōgregatiō laquelle estoit iusques alors: touteffois si tost que Catō y resista, fortirēt tous dehors. Ce faict ayās chāgé leurs robes sen retournerent cōme qu'ilz le voulussent pource effrayer. Mais voyāt que pour telles choses il ne demouroit en paix to<sup>9</sup> ensemble vindrēt au mylieu de la place, ou le peuple assistāt Marcellin faisāt oraison & vne certaine lamētation de l'estat present, & autres le sūyuās auec pleurs & gemissemens induirēt à ceulx cy si grad'angoisse qu'aucū deulx ne leur peūt faire respōce, puis entrerēt subitemēt au senat en volūtē de espādre leur yre sur ceulx qui se trouueroiet coupables: mais en ce mesme tēps Claudi<sup>9</sup> retourné vne autre fois au pty de Pōpée auoit espāce de se le faire beniuole s'il lē fauorisoit en aucūs des affaires q pour lors se traictoient, & pource vint au mylieu du peuple en son habit acoustumē & sans auoir esgard au decret nouuellemēt pncē, ou il fit vne oraisō cōtre Marcelli & to<sup>9</sup> les autres, dōt les senateurs

Gayus catō

Les robes  
senatoria-  
les chan-  
gees.

Marcellin.

troublez

troublez ayans interrompu son parler, il voulant entrer au senat quasi qu'il ne fut occis par ce que tout le senat venu au deuant luy fut prohibée l'étrée; & en cest instât enuironé de cheualiers eust esté mis en pieces, sinon qu'il cryât & inuocquât le peuple à son secours: plusieurs suruîdrét avec feu côme s'ilz les eussent voulu ardoir avec les senateurs, mesmes s'ilz d'aduétude faisoïent quelque ennuy à Claudius. Et ainsi estant venu à si grand d'agier de mort, fut saulué. Mais Pópée n'ost pas bahy de ces telles choses entra au Senat pour leur oster ainsi qu'ilz vouloyent faire vng decret: quoy faisant empescha que aucune chose ne fust cõfirmée, & depuis ayât Marcellin demâde à Pompée apertemét & en publicq s'il vrayement desiroit d'estre consul (esperant que Pópée ne voudroit nullement confesser estre ambicieux) luy respõdit qu'il n'auoit besoing de ceste dignité quant pour les hõmes iustes, mais quant pour les hommes sedicieux, disoit la grandement desirer. Ainsi doncques que ceste chose instâment se demenoit, & Crassus enquis sur le semblable, ne confessa la desirer, toutes fois ne la reffusa: & encores côme estoit sa coustume proceda au mylieu & dist qu'il feroit tout ce q seroit vtile au peuple. Marcellin & maintz autres doubterét l'appareil & resistance de Pompée & Crassus, & ne venoient plus au cõtraire dans le senat. Et pour n'estre assemble le nõbre deputé par les loix ne se peut faire aucú decret. Neátmõins les senateurs ne permutoiét les robes & ne venoyét es assemblees, ne faisoient les conuiz acoustumez au capitol pour la feste de Iupiter, ny pareillement allerent aux dilations latines au mont Albane, lesquelles pour lors auoiét la seconde fois esté faictes d'ung qui auoit failly. Mais ainsi perseuererét tout le reste de l'an, comme hommes reduitz en seruitute, qui n'auoient puissance de eslire magistratz ny de faire aucune chose apptenant à la republicque. A la fin Pópée & Crassus furent designez & esleuz cõsulz par Lentre regne fâs ce que resistâce aucune leur fust faicte des autres appetás ceste mesme dignité. Et Lucius Domitius lequel teta iusques au dernier iour party la nuict de son hostel pour aller ou le peuple estoit assemble, voyant son seruiteur occis qui portoit la lumiere deuant luy, ne proceda plus oultre á procurer la dignité. N'estant faict doncques á Pompée & Crassus au cõmencement aucune resistance, & d'auantage Publius Crassus nepueu de Marc & qui pour lors estoit soubz preteur de Cesar, ayant enuoyé certain nombre de soudardz. á Romme pour cest effect, furent esleuz sans grand peine. Parquoy obtenue par eulz la principaulté en ceste maniere, establirent que tous les autres magistratz fussent donnez á ceulx qui auoyent soustenu leur party, & faisoient le mieulx á leur propos preallablement obuie que Marc Caton fust designé preteur, se doubans qu'il ne voulust endurer ce que á l'heure ilz traictoyent, & par ce ilz ne luy voulurent adioindre vne puissance legitime par laquelle il leur peust contendre. Et au regard de la constitution des Preteurs ne fut faict aucun mouuement, ne voulant Caton leur faire violence: bien arriuerent plusieurs seditions & mutineries par les Edilles Curules,

Mutinerie  
cõtre clau  
de.

Dilations  
latines.

Pópée &  
Crassus et  
leuz con-  
sulz.

rolles, si que Pompée fut baigné de grand effusion de sang. Toutefois ilz esleurét ainsi ceulx cy comme les autres magistratz esleuz par le peuple, car ilz auoient l'election entre leurs mains, & se feirét beniuoles les autres edilles ensemble la plus grand partie des Tribuns. Toutefois se trouuerét aucuns lesquelz en public ne leur assentirent, cest assauoir Gaius Atere, Capiton & Publius Aquile Gauloys. Les magistratz doncques cōstituez ilz faisoient ce que bon leur sembloit, & ne porterent aucune parole ne au senat ne au peuple pour iceulx, ains faignirent le plus qu'ilz peurét de en auoir besoing. Mais Gaius Trebonius assigna à vng des consulz la Syrie avecq les lieux circonuoisins: & à l'autre les Hyberiens, par ce que peu auant auoit esté traicté que le gouuernemēt leur fust donné par l'espace de cinq ans, pendāt lequel temps peussent vfer de tel nombre de souldardz que bon leur sembleroit tant de citadins comme de compaignons, & ordonnassent paix & guerre avec qui leur semblaist. Dont plusieurs furent dolens, mesmes les amys de Cesar, car ilz voyans que Pōpée & Crassus, mettans à chef les emprinses qu'ilz traictoient, apres priueroient Cesar de son gouuernemēt, se misrent en ordre pour contredire à leur determination: mais les Consulz craignans que à ce moyen ne peussent faire ce qu'ilz entendoient, les gaignerent, & si les feirent beniuoles, & si prológerent à Cesar la prouince par l'espace de trois ans. Toutefois ne r'apporterét iamais aucune chose au senat que premierement n'eust confirmé ce qu'ilz auoiét fait, car les amys de Cesar ainsi preoccupez, se pacifierent par ceste voye, & la plus grand partie de ceulx qui estoient reduictz en seruitude n'osoiet faire tumulte de paour, estimans ne faire petit ceuure s'ilz se pouoiet sauuer par ce moyé. Neátmōins Caton & Fauonius resistoyét à tout ce que faisoiet les cōsulz, ayans en leur faueur tant autres comme les deux Tribuns, & comme ceulx qui estoiet peu contre plusieurs parloient liberément. Et Fauonius auoir obtenu de Trebonius seulement espace d'une heure à pouoir exprimer ce que bon luy sembleroit, la cōsuma ayant cryé en vain pour la briefueté du temps, toutefois Cató obtint depuis de pouoir orer par l'espace de deux heures: neátmōins retourné à blasmer indifferemēt l'estat Romain, ensemble les choses presentes (comme estoit sa coustume) consuma tout le téps anant qu'il dist choses necessaires: non qu'il ne peust de ce faire mention, mais à ce que faisant sēblāt d'auoir encores quelque chose à dire luy fust imposée silēce par Trebonius: & encores luy peust cela mesmes imputer, par ce qu'il scauoit certainement que bien qu'il eust encores tout le iour, ne luy auroit peu persuader aucune des choses de luy desirées. A ceste cause, posé qu'il luy feust commandé de soy taire, pource n'en fait riens, ains incōtinent chassé & tiré hors le senat, s'en retourna, Et finalement ayant esté commandé qu'il fust mis en prison, ne se pouoit refrener: & ainsi fut tout ce iour consumé, si que les Tribuns ne peurent dire aucune chose au commencement, car en toutes les congregations du peuple esquelles se traictoient de quelzques affaires se dō-

noit licence aux hommes priuez de parler auant ceulx qui estoient constitués en dignité : affin que comme à part nul ayant entendu l'opinion d'ung autre plus puissant que luy laissast en derriere aucune chose de ce qu'il sceust ains dist plus tost liberement tout ce que luy semblaist. Craignant doncques Gallus que auant ne le prohibast de la place le iour ensuiuant ou ne luy feust fait quelque ennuy des le soir, entra au senat & illec demoura toute la nuit tât pour la seurté qu'il auoit de ce lieu cōme si tost quil seroit iour il peust de la pler au peuple. Mais Treboni<sup>9</sup> de ce aduertiy fist en sorte ql y demoura la nuit & la plus grand partie du iour en vain pour auoir serré les portes du senat : & autres ayans preoccupé Atteius, Caton & aucuns autres estans la nuit avec luy ne laisserent entrer en la congregation, par ce que Faunius & Numie demourerent ocultement dedans : mais Atteius & Caton monterent sur ceulx qui estoient autour & esleuez en hault auoient déterminé que fust le temps auquel arriuoyét mauuais augures comme qu'ilz eussent voulu accorder l'une & l'autre partie, furent dechassés par les seruiteurs des tribuns, & des autres estans avec eulx les aucuns furent blessés & les autres occis : au moyen dequoy fut la loy confirmée : laquelle confirmation faite, & la multitude departie de l'assemblée, ayant Atteius accepté Gallus tout sanglant pour auoir esté outragé estant dechassé de la congregation, le conduist au mylieu de ceulx q encores estoient presentement assésblez : & l'auoir démontré à tous & superadioustré ce que estoit opportū & necessaire, les troubla grandement. Et pareillement les cōsulz de ce aduertis y vindrent, par ce qu'ilz estoient moult entétifz de scauoir tout ce qui se faisoit par la cité, & les ayās effrayez cōme gens pour lors bien acōpaignez incontinent r'assemblerent le peuple & confirmerent toutes les choses appartenans à Cesar. Ces mesmes aduersaires s'efforcans de leur contredire, toutesfois ny pouans remedier, feirent que ainsi fussent confirmées, & depuis imposèrent plus grand peine à ceulx qui achepteroient les offices & magistratz en payāt le dixiesme denier comme qu'ilz eussent moindre peché de prendre les magistratz plus tost par force que avec deniers. D'auantage s'efforcèrent grandement de corriger les sumptuositez que tenoient les hommes en leur forme de viure, bien que eulx mesmes ayassent les delices. Et pour ceste mesme occasion furent empeschés d'en faire le decret par Hortéce homme sumptueux entre tous les autres : car leur auoir remonstré l'auctorité de la cité, & extollant de la magnificence par eulx obseruée en leurs hostelz, & de la magnanimité qu'ilz vsoyēt enuers les autres, les persuada à ce qu'ilz deussent laisser telle empreinte comme celluy qui auoit leur mesme vie en son ayde, par ce qu'ilz se vergongnans de la contrariété, & outre ce craignans de ne sembler par vne certaine enuie prohiber aux autres les choses que eulx mesmes faisoient, volontairement s'en depporterent.

Mutinerie.

Theatre  
de Pom-  
pée confa-  
cre.



En ce temps Pompée consacra le theatre qui encores maintenant se glorifie : pareillement fait vng spectacle tant de musiciens que d'ung combat appellé Gimnicque, & au lieu appellé Hipodrome fist vng combat de cheuaulx avec occision de plusieurs & diuers animaulx, car il y fut consumé cinq cens lyôs en cinq iours, & dixhuyt elephans combatoyent contre hommes armez, desquelz incontinent aucuns furent occis & autres non si tost, si que le peuple en eut pitié contre la volonté de Pompée : consideré que ayans esté blesez cesserent la bataille & tournoyans le camp esleuoient les yeulx au ciel faisans telles lamentations qu'ilz ne sembloient ce faire à l'adventure, ains appellassent les sacremens pour la fiance desquelz estoient venuz d'Affricque & inuocassent les dieux à faire leur vengeance : car on dit qu'ilz ne faulteroient es nauires que premierement ne receussent la foy avec serment de ceulx qui les auoient prins : qu'il soit vray ie n'en scay riens, car aucuns autres ont dit que oultre ce qu'ilz entendēt la langue de leur pays encores congnoissent les choses appartenās au ciel, en maniere que au temps de la nouvelle lune & auant qu'elle appare ilz s'en vont en vne certaine eue perpetuelle & illec font vne purgatiō d'eulx mesmes. Iay ouy dire ces choses & d'auantaige que Pompée ne fait ce theatre, mais vng nommé Demetrius, son affrāchy, des deniers gaignez avec luy à la suyte de la gendarmerie. Parquoy raisonnablemēt imposā son nom à cest ouuraige, à ce que ne fust mal parlé de luy & dit que vng serf eust accuinulé si grand somme de deniers qu'il peust faire & soustenir telle despence. Neantmoins en ce Pompée ne donna choses petites au peuple : mais faisant les congregations avec Crassus pour les choses à luy cōfirmées ne luy feist petit desplaisir si que alors plusieurs se repētirent & louoyēt Caton en maniere que pour ce fait & pour vne certaine accusatiō mise sus à leurs soubzpreteurs, mais en effect à eulx mesmes par les Tribuns n'eurent audace de tempter aucune violence, ains muerent les robes ensemble leurs adherans au sénat cōme si ce fust vne calamité publique, & incōtinent les permuterent repentiz sans autre occasion. Et les tribuns cherchās dissouldre les congregations & getter par terre les decretz faitz de leurs prefectures, Pompée n'en fait cōpte car il auoit incontinent enuoyé ses prefecteurs hors Rome, & il tresvoluntiers demouroit dedans comme empesché de sortir dehors pour la charge qu'il auoit sur les bledz : affin que par leur moyen il peust obtenir de demorer & feist de luy mesmes les choses appartenans tant à la cité que à tout le reste d'Italie : mais Crassus pour n'auoir aucune de ces deux charges se retournoit à la puissance des armes : toutesfois les tribuns voyans que leur liberté estant desarmée se troueroit moult debile se taisoyent aucunement, neantmoins leurs imposoyent plusieurs meschancetez comme qu'ilz postulassent

stulassent en leur seule vtilité contre le bien public. Et Crassus faisant les re-  
 questes acoustumées pour sa gensd'armes au capitolle, luy diuulguoyent  
 aucunes mauuaises augurations & se départant luy donerent plusieurs gros-  
 ses maledictions. D'auantaige tempta bien Attcius de le mettre en prison,  
 mais les autres tribuns y resistans se suscita bataille & vng empeschement  
 si que Crassus sortit hors les murailles, & ou que ce fust par fortune ou par  
 les maledictions des tribuns peu apres perist. Mais Cesar durant le consu-  
 lat de Marcellin & de Philippes avec son exercite s'en alla contre les Veni-  
 tiens habitans pres la mer Occéane qui auoyent prins quelque nombre de  
 fouldardz Romains euoyez en leur pays pour recouurer viures, & encores  
 depuis retenu les ambassadeurs de Cesar venuz pour la deliurace des prisõ-  
 niers, affin que encontrechange ilz peussent recouurer leurs ostages: toutef-  
 fois Cesar ne les voulut rendre, ains ayant mädé autres ambassadeurs en au-  
 tre part de mettre à sac tous ceulx qui s'estoyét rebellez avec eulx à ce qu'ilz  
 ne se peussent secourir l'ung l'autre, meist preallablement gardes es lieux &  
 fortereffes de leurs colligues, affin qlz ne fissét nouvelle emotiõ; tira droit  
 avec son exercite au pays des Venitiens, & apres auoir fait faire en la par-  
 tie Mediterranée quelque quantité de nauires & autres vaisseaulx qu'il con-  
 gnoissoit vtils pour le flux & reflux de la mer, les feist cõduire au fleuue ap-  
 pellé Ergue, & quasi qu'il ne cõsomma en vain tous les viures par ce que les  
 villes & citez ediffiées en lieux tresmuniz estoient inaccessibleles, aussi la mer  
 Occéane q les inundoit à toutes faisoit la voye tresdifficile tât aux nauires  
 comme aux gés de pied les faisant vne fois approcher & l'autre reculler en  
 lieux esquartez & encores es propres riuages: au moyen dequoy Cesar fut  
 en grand doubte & iusques à ce que Decius Brutus luy vint au secours avec  
 nauires legieres de la mer Mediterranée, car il n'auoit volunté de faire di-  
 celles aucune preuue: mais les barbares desprisans lesdictes nauires pour e-  
 stre si petites & debiles, furent vaincuz par ce qu'elles estoient ainsi faictes  
 plus pour estre legieres & subites au nauiguer, selon la coultume vsee entre  
 nous: & celles des barbares contrainctes souuentefois demourer à sec  
 quand la mer recouroit en arriere & resister aux flux & reflux des vndes,  
 estoient beaucoup plus grandes & plus grosses que celles de Decius.

Ergue fl.

Comment Decius Brutus conducteur de Cesar vainquit  
 les Venitiens.

Chapitre XVII.

**P**our ceste occasion doncques les barbares comme ceulx qui ia-  
 mais n'auoyent tempté semblable armée; ne feirent compte de  
 l'apparence & de lœure de telles nauires; ains avec celles qui e-  
 stoyent à l'aguet incontinent les assaillirent esperant de leurs auirons incõ-  
 tinent les pouoir faire submerger & leur courroyent sus avec vent moult im-  
 petueux, ioinct que leurs voilles estoient de peau, & par ce recepuoyét tou-

Bataille na-  
ualle.

te la force du vent: mais Brutus ce pendant que les ennemys se hastoyent de le surprendre. n'eut hardyesse se mouuoir pour leur aller au deuant ayant esgard tant à la grâdeur & multitude de leurs nauires que à l'impetuosité du vent, bien se mettoit en ordre pour se deffendre pres le riuage & pour en fond les decliner: neantmoins le vent cessa que la mer deuint tranquille, & pareillement que leurs nauires ne se pouoyent ayder des auirons, ains pesantes par vng certain moyé demouroiét arrestees, Alors Brutus reprenât hardyesse dressa les armes contre eulx & les ayant inuestitz leur feist plusieurs & grans domaiges il nauiguât seurement à l'étour, & au mylieu d'eulx, & aucunesfois assaillant les ennemys & autresfois retournant ou & quand bõ luy sebloit: & aucunesfois venoit au cõbat de main plusieurs de ses nauires contre vne, aucunesfois egalles & autresfois avec petit nombre en assailloit beaucoup plus, car ou il se veoit auoir aduantage se mettoit hastiuemét: & ce faisant & rompant les aucunes les surmergeoit & entrant en aucunes dicelles combatoit furieusement contre les mariniers & souldardz y estans en les naurant & occiant: & sil se veoit auoir la pire partie facilement se retiroit, en maniere qu'il auoit seurement la victoire entre ses mains, Ioinct que les barbares ne vfans de fayettes ne s'estas fournis de pierres cõme gés qui n'estoient pour en auoir besoing quant quelqu'ung se approchoit d'eulx combatoyent par vng certain moyen: mais à ceulx qui se tenoyent vng peu eslongnez ne scauoyent que faire. Ilz estoient doncques naurez & occis ne se pouans deffendre d'aucun, & aucunes de leurs nauires rompues estans inuestiez estoiet bruslées pour le feu artificiel y mis, & aucunes submergées estoient tirées comme vacques & vuides d'hommes. Quoy voyant les autres nautonniers, les aucuns se occioyent eulx mesmes pour n'estre prins vifz, autres se gettoyent en la mer comme que par l'eau d'eussent ou mōter sur les nauires de leurs ennemys ou du tout estre destruietz des Romains, car ilz n'estoyent en riens differendz à eulx fust en promptitude ou audace: toutefois estans faultez pour la distance se deulloyent grandement, car à ce que le vent se leuant vne autresfois ne remuast leurs nauires les Romains de loing gettoyent quelques faulx longues, & tailloyent les cordes, fendoiet & rompoient les voyles, puis contrainctz de combatre, par vng certain moyen à pied cõtre les Romains vfans tousiours de leurs nauires plusieurs d'eulx furent au mesme lieu occis: & ceulx qui demouroiét prins, Cesar les plus vaillans occis, vedit les autres. En apres Cesar passa oultre cõtre les habitans de Therouenne & les Gueldroys leurs voisins esperat les mettre en craincte pour les faitz precedas, & ainsi facilement les subiuguer, neantmoins nen print aucuns; ilz ne habitas aucunes fortresses, mais en terre: & ayans porté la plus grand partie de leurs plus precieuses richesses es boys, firent aux Romains venans combatre contre eulx beaucoup plus grãd mal qu'ilz nen soustindrent, car Cesar n'eut espace de faire abatre la forest & passer es mōtaignes; ains desesperant de le pouoir faire tant pour leur grandeur que

Victoire  
contre les  
Ventiens.

Menapiens  
a present  
Gueldroys

pour l'yuer suruenant, delaiſſa ceſte empreinſe. Et ilz eſtans encores en Veniſe Quintus Teturius ſabin ſoubz preteur fut enuoyé cōtre les Vanniſiés deſquelz eſtoit capitaine Idiuz. Au commencement il mit vne grād craincte à leur multitude, & iuſques à ce que leur force ſaulua toutes choſes. Depuis entédāt les barbares eſtre au moyen de ce deuenuz pl<sup>9</sup> ſupbes & audacieux, neantmoins en effect n'eſtre plus hardiz ſelon leur nature (qui en leurs menaſſes vainemēt demonſtrent toute auſterité) print bonne fiance: touteſſois n'eut encores ſi toſt hardieſſe de venir appertement aux armes contre eulx, car il eſtoit quand à la multitude beaucoup inferieur: ains les mena iuſques à ſon fort eſtant ſur vng lieu plus hault que celluy des ennemys, par ce que ayant enuoyé vng des ſouldardz qui ſcauoit pler leur langage, ſoubz eſpece d'homme fuitif leur perſuada que Ceſar auoit eſté rompu, & ilz ſans autre cōſideration adioultās foy à ſon dire (car pour l'heure ilz eſtoyēt plains tant de vin que d'autres viandes) incōtinent vindrent affaillir les Romains doubtās que ne ſe vouliſſent mettre en fuite, & eſperans encores qu'ilz ne vouliſſent fuyr porterent feu, ſermētz & fagotz ſecz ſur leurs eſpaulles, & aucuns ſe retirerent en arriere avec volunté de les ardoir. Et ainſi les affaillirent des le pied du fort & montant en hault haſtiuement ne ſe trouuant en ceſt endroiēt aucun qui les empeschast, car Sabin ne ſe vengea que premierelement la plus grād partie d'eulx ne feult entre ſa puissance: mais apres leur courut ſus à l'ipourueu de tous coſtez, & ayās les premiers mis en craincte fracassa tous les autres au deſcendre & illec ſe empeschans l'ung l'autre entre le boys qu'ilz portoyent les tailla en pieces ſi que nulz d'eulx ny des autres depuis ſe releua: car les Gauloys eſtās ſans raiſon & deſmeſurez en toutes choſes ne ſcauent garder moyen à leur audace, ne pareillement en leur craincte, ains pour la craincte viennent en deſeſpoir & pour ceſtes viennent en vne audace temeraire.

Idiuz.

Comment Publius Craſſus conducteur de Ceſar combatit contre ceulx d'Acquitaine. Chapitre XIX.



N ce meſme temps Publius Craſſus filz de Marc Craſſus ruyna quaſi toute Acquitaine, par ce que ceulx cy eſtās encores Gauloys habitēt pres la region Belgicque & ſ'eſtendent iuſques aux mōtz Pirenées vers la mer Océane. Craſſus doncques enuoyé contre les Acquitains avec ſon exercite vainquit les Appiatz en bataille & les print par aſſiegement ayant dechaffé quelque petit nombre par compoſition hors toute la region: neantmoins voyant ſes ennemys ſe deffendre vigoureuſement pour ceſte meſme cauſe, & aucūs autres eſtre r'aſſemblez & auoir avec eulx quelques hommes d'armes, Sartoriens d'Eſpaigne, & congnoiſſant qu'ilz vſoyēt avec eulx de la bataille pluſtoſt avec aſtuce que temerité cōme qu'ilz eſperaffent chaffer les Romains par diſette de viures, faignit alors de auoir

Publius Craſſus.

Vſiperiens  
maintenāt  
Francfort.

paour & craincte, & d'eulx desprise ne les peut touteſſois induire de venir cōbatre contre luy: mais depuis ilz demourans comme aſſeurez les aſſailit à l'impourueu & ou il vint au combat contre eulx ne leur peut faire ennuy, car les Barbares yſſuz hors leur fort ſe deffendoyent vaillamment. Quoy voyant Marc & qu'ilz auoyent toute leur uiſſance en ce lieu, enuoya certain nōbre de ſouldardz à l'une & l'autre partie de leur camp, & l'occupa le trouuant deſnué d'hommes puis ſuruint ſur les autres combatans, & en ceſte maniere furent tous deſſaictz & occis & ſans grand trauail. Ces choſes furent faictes au temps de eſté. Mais les Romains demourans en leurs garniſons entre leurs amys & compaignons les Tanteriens & les habitans de Frâcquefort & nations Celticques denommez, partie des Bebiens & encores ſe voulans faire mettre au nombre des Gauloys paſſerent le Rhin & feirēt certaines courſes au territoire des Teneriēs: touteſſois illec ayans trouuē Ceſar luy enuoyerēt ambaffadeurs pour demander paix & pays, ou bien qu'il leur en laiſſaſt chercher ou bō leur ſemblaſt: mais pour n'auoir peu obtenir l'une ne l'autre de ces deux choſes au commencement promiſſent de vouloir volūtairément retourner en leurs maiſons, & pour ce faire demanderēt trefues: neantmoins les ieunes hommes voyans petit nōbre de cheualiers Romains ſe repētirent & feirēt petite eſtime d'eulx bien qu'ilz euſſent promis de partir & les dānifierent ſans que aucun ennuy leur euſt eſté faict: mais pour ce glorifiez demādoyēt la guerre. Touteſſois les vieulx ayās repris leurs audaces, allerent vers Ceſar encores contre leur volonté & le prierēt qu'il leur vouliſt pardonner, retournās la coulpe à aucuns: mais il les tenoit cōme ſ'il leur euſt voulu donner reſponce, neantmoins ce pendāt avec ſon exercite ſe departit pour aller cōtre les autres eſtans en leurs tentes & les ſurprint droitēmēt enuiron l'heure de midy, leſquelz aſſailiz ne ſe doubtās d'aucun accidēt cōme ceulx qui auoiēt leurs ambaffadeurs vers Ceſar occirent grād partie des gens de pied auāt qu'ilz peuſſēt prédre leurs armes: ains cōfus dās leurs charrettes pour le reſpect de leurs fēmes & enfans meſlez en ſēble & eſtās pour lors les gēs de cheual abſens ſi toſt qlz entēdirent ce piteux faict ſen retournerēt en leurs maiſōs & depuis ſe reduirēt aux Sicābriens. Parquoy Ceſar les enuoya demāder nō qu'il eſtimaſt qu'ilz luy fuſſent réduz, p ce que ceulx d'oultre le Rhin nōt les Romains en ſi grād reuerēce qu'ilz les veulent obeyr en telles choſes, mais pour auoir occaſion de paſſer le fleue, car Ceſar deſiroit grādemēt faire choſe que iamais nul autre ſceuſt faire le ſēblable, & eſperoit ce faiſant prohiber les Celtes loingtains de la Gaule cōme encores d'ētrer en leurs pays: & voyāt que les gens de cheual ne luy eſtoyēt deliurez & que les Nēbriens voiſins des Sicābriēs auoiēt differāt avec eulx l'appellerēt au paſſage du fleue: y auoir premierēmēt fait vng pont eut volūtē de tirer oultre, mais ayāt rēcōtrē les Sicābriēs reduitz en certains lieux & les Sueniens faire emotiōs cōme qu'ilz leurs vouliſſent donner ſecours ſ'en retourna en derriere en l'eſpace de vingtz iournēs,

&

& est assavoir que le fleuve du Rhin sort des Alpes Celtiberes vng peu hors la Rethie, & procedant vers Occident separe du costé de main fenestre la Gaule & tous ceulx qui habitent aupres, & du costé dextre les Celtes, & se finist en la mer Océane. Par ce terme, duquel se aduiennent les differences des nés, encores maintenât se obserue, considéré que de l'une & l'autre partie du fleuve anticquement les habitans estoient appelez Celtes.

Origine  
du Rhin.

Comment Cesar ayant combatu contre aucuns Celtes, passa le fleuve du Rhin & alla en Bretagne. Chapitre XIX.

**C**esar doncques le premier des Romains passa le Rhin, & depuis tira en Bretagne, Pompée & Crassus estans consulz. Mais ceste region est bien adherete à la region Belgicque pres les Morins à l'espace de quatre cens cinquante stades pour la plus courte distance: toute fois festéd pres le reste de la Gaule & quasi pres espaigne du costé de la mer. Et ia fut vng téps qu'elle estoit incongneue aux anciens tant grecz que Romains, & les posterieurs depuis doubterent se elle fust isle ou terre ferme. Bien en ont plusieurs escript tant pour l'une que pour l'autre partie, n'en sachans rien, ne l'ayans veue, ou entendu des habitans de ce lieu, ains suyans aucunes coniectures & raisons assignées par autruy; mais en succession de temps premierelement estant preteur Agricole, & maintenât soubz l'empire de Seuerus manifestemét à esté demôstré que cest vne isle. En ceste isle d'ocques apres que Cesar eut acquis toutes les autres choses, côme les appartenans aux Gaules, desira de passer, & feist le passaige au lieu qu'il trouua plus opportú avec ses gés de pied: toute fois ne se approcha ou il estoit besoing car les barbares ayás premieremét entédu sa nauigation preoccuperét tous les manoirs pres la terre ferme. Et il ayát avec ses nauires enuiróné vng certain promótoire eminét, s'en alla en vng autre lieu: & ou vaincu ceulx qui l'estoyét venu assaillir pres les Palludes, preoccupa la terre ferme auant que plus grand secours leur peust suruenir de l'isle. Vray est qu'il n'y eut grande occision de barbares, par ce que montez sur charrettes & sur cheuaulx facilement s'en fuyrent des Romains qui encores n'auoyent leurs gens de cheual: & estóné pour les choses à eulx dénócées de terre ferme, & pourquoy auoyent eu audace de passer, & pource qu'ilz peurent monter en leur pays enuoyerét pour ambassadeurs vers Cesar aucús Morins ou Therouénoys leurs amys, lesquelz offrirét de dóner aux Romains les ostaiges demandez: mais les Romains pour lors épeschez si pour l'armée presente que pour les causes qui arriuerét en l'yuer, se repétirent: toute fois n'assaillirent manifestemét, car le camp des Romains estoit tresdiligemmét gardé, ains ayás receu aucuns Romains enuoyez comme en pays amy pour apporter des viures en occirent quelques vngs. Parquoy iucontinent Cesar donna secours aux autres, & encores depuis coururent au fort des Romains ou ilz ne fei-

Bretagne,  
maintenât  
dicte  
Angleterre.

Ambassadeurs des  
Anglois  
deuers  
Cesar.

rent aucun dommaige, & ne se accorderent sinó apres plusieurs escarmou-  
ches & emprinses rompues, car autrement Cesar n'auoit volunté de s'accor-  
der avec eulx : mais pource que l'uyer suruenoit & qu'il n'auoit pres de luy  
suffisante gensd'armes par laquelle peust venir à la bataille, & que les gens  
d'armes qui depuis estoient suruenuz estoient periz, & que les Gauloys a-  
uoient faict nouuelleté en son absence, se accorda avec eulx contre sa volú-  
té iusques à ceste heure ayant demandé plusieurs ostaiges, mais receuz bien  
peu: & ainsi Cesar retourné en terre ferme appaisa les mouuémés faitz n'ayát  
aucune chose conquisse en Bretagne ne à luy ne à la cité, excepté la renom-  
mée d'estre passé avec son exercite cõtre ces nations, car il se glorifioit grã-  
demét de ce: & les Romains demourez en leurs maisons l'estolloient mer-  
ueilleusement, par ce que voyans ces regions estre faictes notoires, pre-  
mierement en congnoissance & accessibles icelles, qui au parauant estoient  
inaudites, prenoyét l'esperance qu'il s'en deuoit en luyure comme presente:  
& de tout ce qu'ilz esperoyent de faire se resiouysoyent cõme si desia l'eus-  
sent faict, & pource determinerent par decret les supplications par l'espace  
de quinze iours. Pédant lequel temps Espagne feit emotion & fut assignée  
à Pompée, par ce que aucuns peuples s'estás leuez & acompaignez des Ac-  
ceiens furent vaincuz par Metellus Nepos, ains que fussent preparez: mais  
depuis venuz sur luy qui assiegeoit Elicune obtindrent la victoire & deffen-  
dirent ce lieu, neantmoins en autre lieu furent vaincuz, non touteffois tant  
qu'ilz feussent reduitz en seruitude: car en multitude estoient plus d'enne-  
mys, si que à Nepos suffisoit demourer en repos sans peril.

Metellus  
Nepos

Bataille,

Comment Ptolomée fut reduict en Egypte par Gabinus, & ledit Ga-  
binus ne fut pour cela condamné. Chapitre XX.

Redu-  
cion de  
Ptolomee  
en Egy-  
pte.

**N** ce meisme temps fut Ptolomée reduict en Egypte (bien que les  
Romains luy eussent desnyé p decret leur faueur, & que pour lors  
feussent tresinal disposez cõtre luy pour les corruptions faictes a-  
vec ses dons & presens.) Les aucteurs de laquelle reduction furent Pompée  
& Gabinus, par ce que la puissance & l'habondance de deniers auoyent si  
grand auctorité contre les decretz du peuple & du senat, que ayant Pópée  
escript à Gabinus prefect de Syrie & il s'estant meü avec son exercite pour  
gratifier à Pompée, corrompu par deniers, reduyrent Ptolomée en son re-  
gne, voire contre la volunté du peuple, ne faisant de luy estime, ne encores  
des oracles Sibillins. Dont depuis fut Gabinus accusé, neantmoins pour la  
puissance de Pompée & des deniers, ne fut condemné: car alors les affaires  
des Romains estoient si confuz pour autant que de plusieurs dons par Pó-  
pée faictz aucuns principaulx & aucús iuges en ayant receu vne petite ptie,  
ne faisoýét estime de hõnesteté. Et oultre ce enseignerét aux autres de faire  
mal pour pris d'argent cõme qlz peussét facilement achepter la peine avec de-  
niers

niers: & pour ces occasions fut Gabinus faulvé. Mais depuis tât pour autres delictz que pource qu'il auoit defrobé en sa prefecteure plus de dix mil sterces fut condamne, & alors luy suruint ceste chose tresadmirable par ce qu'il fut absoulz du premier iugemét par deniers & par iceulx mesmes fut principalement condamne par le respect du premier iugement: & fut encores admirable veu que Pompée la premiere fois bien qu'il fust loing fauorisa Gabinus par le moyen de ses amys, Mais alors estant en la cité, & par vng certain moyen au mesme iugement ne fait semblant de rien & passa la chose en ceste maniere. Gabinus commist plusieurs mauix en Syrie, si que il leur fait plus grand dommage que n'eussent fait les Coursaires pour lors y regnás: mais pésant que ceste proye fust moult petite au commencement estoit passionné & sappareilloit avec l'exercite cõtre les Parthes ensemble cõtre leurs richesses, par ce que estât Phraant occis par la trahison de ses propres enfãs, Orodes succeda à sa seigneurie & dechassa son frere Mithridates de Midye, de laquelle il estoit seigneur: lequel se retiré vers Gabini<sup>9</sup> luy persuadát de le reduire en ses pays, mais depuis que Ptolomée vint avec lettres de Pompée, assauoir grosse quãtite de deniers à luy & à son exercite, & promist luy en dõner beaucoup d'auantage s'il estoit restitué en son regne, alors laissa les Parthes & tira cõtre les Egyptiés: posé que la loy obuiaist que aucuns prefecteurs d'une prouince ne passassent oultre les cõfins d'aultruy, & ne esmeussent guerre à aucun de leur propre sentence, & empeschant le peuple avec les liures Sibilins que Ptolomée ne fust reduyt: mais de quãt ceste chose estoit plus prohibée, de tant fut trouuée plus chere. Ayant doncques laissé en Syrie son filz nommé Sisene (lequel estoit moult ieune) & aucuns souldardz en petit nombre, habandonna entre les mains des larrons ceste prouince qui luy auoit esté commise, & estant venu en Palestine print Aristobolus, lequel enfuy de Rome auoit fait nouuelleté contre luy, & l'enuoya à Pompée, imposant vng certain tribut aux Iuifz, & ce fait entra en Egypte, laquelle pour lors estoit dominée par Berenice. & bien qu'elle craignist les Rommains, neantmoins ne fait aucune nouuelleté contre luy, ains ayant enuoyé querir vng nommé Seleucque comme qu'il fust de la stirpe & generation royalle (qui anciennement tenoit Syrie) le print pour mary & le fait participer tant de la seigneurie que de la guerre contre les Rommains. Mais depuis qu'elle congneut Seleucque estre homme de petite valeur, & moindre entreprise, l'occist, & enuoya querir Archilaus filz de Archilaus, (lequel festoit iadis retiré deuers Silla, & alors demouroit en Syrie) luy ayãt offert semblables conditions. Et Gabinus auoit bien peu remedier au commencement de ce mal, par ce que premierement souspecõnoyét de tel fait, incarcera Archilaus, & le tenant prisonnier, n'estoit pour auoir aucun empeschement: Mais craignant que en ce faisant il ne receust moindre finance de Ptolomée qu'il ne luy auoit promis (comme celluy qui n'eust fait grand fait d'armes) & esperant aussi gagner beaucoup plus pour la

Gabinus  
condãnc.

Sisene.

Berenice  
sœur de  
Ptolomee.

Seleucque.

Archilaus.

Peluse.

Les Egyptiens vaincuz.

Coustum: des Egyptiens.

prudence, & par la renommée de Archilaus, le laissa aller volútairement, fagnant qu'il s'en fust fuy. Ce faict s'en vint iusques à Peluse sans aucune resistance, & ayant diuise son exercite en deux parties vainquit les Egyptiens qui luy vindrent au deuant le mesme iour. Et depuis vne autre fois de rechef obtint la victoire tant par mer que par terre, car les Alexandrins sont tres-aptés à toute temerité & trespromptz à eulx vanter par parolles en toutes choses, mais es batailles, ceures militaires & autres perilz, n'en sont congnoissans, combien qu'ilz soyét coustumiers tousiours faire meurtre & occision es mutineries qui chascun iour entre eulx naissent & sourdent, & ne font estime de leur vie en vne noise soubdaine, ains s'uyét comme chose tres-bonne la mort tresnecessaire en icelles. Apres auoir esté par Gabinus vaincuz, & plusieurs des principaulx occis, comme Archilaus, incontinent meit soubz sa puissance quasi toute Egypte, & la donna à Ptolomée: lequel occist sa propre sœur, ensemble plusieurs autres des principaulx & plus riches, comme celluy qui auoit besoing de deniers. Gabinus doncques reduist Ptolomée en ceste maniere, non pourtant qu'il le feist scauoir aux Romains de paour que luy mesmes ne se feist blasmer escripuát son inobediéce. Mais n'estant possible que si grand faict fust occulte, incontinent en fut le peuple Romain aduertý. Et depuis que les Scithiés ayans receu plusieurs dommaiges de Gabinus (especiallement en son absence) feirent grand querimonie cõtre luy, ensemble les fermiers des gabelles ne pouans recouurer les tributz, pour les larrons qui chascun iour les endommageoient. Les Romains estoýét moult courroucez, faisoýent decretz & estoýent à toute heure appareillez pour le condampner: car Cicero les induisoit grandement tant à autres choses comme qu'il conseilloit les vers de la Sibille estre leuz attendant qu'il feust escript à quelque pugnition pour auoir esté transgressez. Pompée & Crassus ce tẽps estoýent encores consulz, & l'ung se aydant luy mesme, & l'autre pour complaire à son compaignõ (par ce qu'il encores auoit receu deniers à luy enuoyez par Gabinus) apertement le deffendoýent: & appellans Cicero banny ne laisserent faire aucun decret au contraire: mais depuis qu'ilz furent hors du magistrat, & que à eulx succéderent Lucius Domitius & Appius Claudius, de rechief furent iouxte ce tenues plusieurs opinions, la plus grand part desquelles estoient contre Gabinus, par ce que Domitius estant ennemy de Pompée pour auoir esté son cõtraire, & pource qu'il auoit esté designé consul cõtre sa voluté. Et Claudius (bié qu'il fust son parent) voulant gratifier à plusieurs & cõplaire au peuple, esperans encores s'il se faisoit quelque mouuement recepuoir presens de Gabinus, feirét le tout remettre en lumiere. Et encores fut moult induyt à ceste chose p ce que Gabinus ne voulut receuoir vng soubzpreteur de Crassus enuoyé pour succeder à sa prefecture ains la retenoit comme qu'il l'eust immortelle & perpetuelle, au moyen dequoy sembloit à tous que les vers de la Sibille fussent escriptz, combien que Pompée obiiciait au contraire.

Lucius Domitius, Appius Claudius consulz.

Comment

Comment durant ce temps creut le Tybre, & fut soubdaine  
inundation d'eaux à Romme & aux enuirs.

Chapitre

XXI.

**D**Vrant ce temps le Tybre ou que les pluyes en feussent cause qui auoient regné hors & par dessus la cité, ou le grand vent lequel suruenant de la mer eult interrompu son cours, ou que celluy duquel plus se soufpeconnoit, par le iugement de quelque dieu: feit vne inundation si subite qu'il s'estandit par tous les champs qui estoient dans la cité & encores en occupa plusieurs situez en lieux plus haultz. Les maisons faites de carreau furent toutes baignées & emplies d'eue, & toutes les iumetz estans submergées furent destruiçtes, & les hommes qui ne s'en fuyrent en lieux haulx moururent surprins aucús es greniers & les autres par les rues & les autres maisons se eminerent par tel accident, lequel dura assez long temps. D'auantaige plusieurs furent dampnifiez tant pour les dommaiges presens comme pour ceulx qui depuis suruindrét. Dont les Romains attristez & en attendans de beaucoup plus griefz comme que les dieux feussent courrouceez contre eulx pour la restitution de Ptolomée, se hastoient grandement de faire mourir Gabinius, comme qu'ilz anticipans la pugnition, fussent en apres pour soustenir moindre mal, de sorte qu'ilz estoient tous si attentifz à ceste execution que bien qu'ilz n'eussent trouué semblable chose es liures Sibillins, neantmoins delibererét auant que le senat, les magistratz & le peuple se portassent fort asprement contre luy. Mais ce pendant qu'ilz traictoyent ce iugement les deniers qui suruindrent enuoyez par Gabinius n'endurerét qu'ilz feissent aucun mal ne en sa presence non plus que en son absence: & estoit si mal & vituperablement disposé par sa conscience, qu'il retourna moult tardiement en Italie & entra la nuict en la cité, & n'eut hardement de partir hors Italie par bonne espace de temps. Les accusations estoient grandes, & y auoit non petit nombre d'accusateurs. Premièrement doncques il fut iugé pour la reduction de Ptolomée comme pour la principale. Et pour dire verité, tout le peuple accourut au iugement, & plusieurs fois le voulut mettre en pieces, especiallement pour l'absence de Pompée, & que Cicero present tresgriefuement l'accusoit. Mais estans ainsi disposez, en ceste sorte fut saulué: car cōme celluy qui pour telz desmerites estoit iugé, despendit plusieurs deniers. Aussi les amys tant de Cesar que de Pompée le secoururent promptement, disans que la Sibille auoit entendu d'ung autre temps & d'ung autre roy, & sur tout que en ces vers n'y auoit aucune peine escripte pour les choses ia faites. Le peuple doncques à peine se peult retenir que en sa fureur ne taillast les iuges en pieces: mais se estans retirez obserua les autres delictz de Gabinius, & feist que à tout le moins pour iceulx feust condemne, par ce que ceulx qui auoyent esté esleuz pour iuges, craignans le peuple, & ne trouuans aucune grande recompense  
de

de Gabinius, lequel pour auoir esté absoulz en choses de petite importance & esperant encores pour lors de obtenir à son prouffit ne despendit grosses sommes de deniers, le condamnerent, bien que Pompée fust pres & que Cicero postulast pour luy, p ce que Pópée forty hors la cité pour la charge ql auoit sur les bledz, la plusgrát partie desquelz auoit esté consumée p l' inundation du Tibre, se achemina pour venir comme au premier iugement: mais estant ia tard ne se partit du bourg de la ville iusques à ce que tout fust paracheué. Et pource qu'il tenant la dignité preconfulaire ne pouoit entrer en la cité, ayant assemblé le peuple hors d' icelle, parla grandement en la faueur de Gabinius, & monstra quelzques lettres à luy escriptes par Cesar en sa faueur, & supplya les iuges, & non seulement prohiba à Cicero qu'il ne procurast contre luy, mais oultre ce le contraignit à le deffendre (chose qui à Cicero augmenta d' auantage le nom & l' infamie d' estre tantost pour l' une & puis pour l' autre partie) & toute ssois ne proffita riés à Gabinius, ains à la mesme heure, comme ia ay dit, fut condáné & bány. mais depuis par Cesar fut reduict. En ce mesmes téps la fême de Pópée estant en gesine d' une fille, mourut en icelle, & depuis l' oraison faicte à sa louége au mylieu de la place, incontinent ou par suggestiõ des amys de Pompée, & Cesar, ou pour aucús autres, leur voulans gratifier, la plainirent & pleurerent amerement, & la inhumerent au champ de Mars, combien que Domitius les empeschast & dist tant autres choses cõme quelle ne se pourroit ensepulturer iustemét en lieu sacré sãs que preallablemét n' en fust faict decret: Aussi en ce mesme an Gaius Pontinus fait le triumphe des Gauloys, par ce que ne luy estant concedé d' aucun iusques à ce temps il attendit hors les murailles, & alors encores ne l' eust obtenu sinon que Seruius Galba, qui auoit esté avec luy en l' exercite donna la faueur à aucús qu' ilz peussent traicter entre le peuple auát la premiere heure du iour: & ainsi aucuns Tribuns deffaillans en la congregatiõ luy donnerent empeschement seulement quand il conduisoit le triumphe, en maniere qu' il y fut faict quelzques occisions en Rome. Sept cés ans apres son edification furent faictes les choses cy deuant escriptes.

Mort de la  
femme de  
Pompée.

Triumphe  
de Gaius  
Pontinus.

Seruius  
Galba.

# Le Quarantième liure

DE DYON, HISTORIEN GREC,

Traduict d'Italien en Francois.

Au present liure est fait mention comme Cesar nauigua la deuxiesme fois en Bretagne, & come il combatit cõtre les Gauloys: puis y est traicté de la guerre des Parthes cõtre les Romains, & come Cesar subiugua toute la Gaule de deca les mõt. Apres y est fait mention comment Cesar & Pompée comencerent à discorder ensemble.



Comment Cesar nauigua la deuxiesme fois en Bretagne.

Chapitre

XXII.

**E**N ce mesme tẽps Domitius & Lucius Claudius estans con-  
sulz, Cesar prepara en Gaule tant autres choses come nau-  
ires mises entre les vndes qui estoient tres subites, & en-  
cores entre celles du pays de Cargie à ce que fussent plus le-  
gieres & peussent resister aux vndes de la mer; & demouras  
par cas fortuit à sec, ne se endõmaigeassent. Lesquelles pre-  
stes à nauiguer, pour la secõde fois passa en Bretagne, soubz couleur qu'ilz  
ne luy auoyent enuoyez tous les ostages promis en faisant le traicté de  
la

la paix, estimans les Bretons qu'il estant vne fois departy en vain, n'y deust  
 iamais retourner: mais par le contraire tout son desir estoit de occuper ceste  
 isle, parquoy s'il n'eust eu ceste occasiõ, à toutes fins en eust trouuée vne au-  
 tre. Il doncques arriva en ceste isle, & en lieu auquel les ennemys n'ayans la  
 hardyesse de luy resister tant pour la multitude des nauires que pource qu'il  
 les assailloit en mesme tẽps en diuers endroits, & incõtinẽt occupa le port  
 des nauires de Bretagne, au moyen dequoy ne peurẽt les Barbares empes-  
 cher qu'il ne passast. Mais plus espouventez que deuãt pour la venue de Ce-  
 sar auecq plus grosse armée, emporterent leurs biens plus precieux es lieux  
 voisins plus espes & vmbreux que fussent. Et pareillement firẽt plusieurs  
 rampars, car ilz coupperẽt maintz arbres estans illec à la røde, & sur iceulx  
 en misrẽt d'autres par ordre, en maniere que par vng certain moyẽ estoiet  
 en vng fort: & depuis endõmaigerent grãdemẽt les Romains, venans pas-  
 sager au deuant, & desia estans vaincuz vne autrefois en vne plaine con-  
 duirent les Romains qui les poursuuoient en ce fort bien quilz en occirẽt  
 depuis plusieurs au rencõtrer. Et ces choses faictes (les nauires des Romains  
 grandement endõmaigees pour l'yuer) manderent leurs allyez, & se mis-  
 rent à tirer vers le port ou estoient les Romains, ayans pour capitaine vng  
 nommé Seucles, homme principal de ceste region. Et les Romains venuz à  
 l'encontre au commencement se troublèrent se meslans entre les charret-  
 tes des Barbares, neantmoins se estre diuisez en deux parties mettãs au my  
 lieu deulx les charrettes & repoulsans ceulx qui couroiet deuãt, recouurerẽt  
 la bataille, si que à l'heure l'une & l'autre partie demeurerẽt en leur lieu. Mais  
 vne autrefois les Barbares ayãs esté superieurs aux gẽs de pied, toutesfois  
 damnifiez des gens de cheual, s'en retournerẽt vers le fleuve Thamises, ou  
 ilz se fortifierent, ficheãs auec certaines pieces de boys partie manifestes &  
 partie mussées soubz terre, & depuis que Cesar les eut cõtrainctz de laisser  
 ceste trẽchée, & oultre les dechassa de la forteresse, & que les autres rembar-  
 rerent ceulx qui auoiet assaillis les nauires, les barbares cõmencerent à eulx  
 estonner, en maniere qu'ilz se accorderẽt auec Cesar luy donnans ostaiges,  
 & octroyans vng tribut annuel, parquoy se departit Cesar hors de l'isle n'y  
 delaisant aucun exercite, estimant se aucũ il y eust laissẽ seroit en peril illec  
 seiournant le temps d'yuer, & encorẽs ne ferait son deuoir estant long tẽps  
 absent de la Gaule: parquoy luy suffirent les choses presentes de paour que  
 appetans de plus grandes ne faillist mesmes es presentes.

Guerre cõ-  
 tre les An-  
 glois.

Seucles ca-  
 pitaine des  
 Anglois.

Les An-  
 glois accor-  
 dez.

Comment Cesar retourné de Bretagne combatit les Gaulois.

Chapitre XXIII.



Il sembla que ce fust bõ cõseil cõme depuis se demõstra en effect,  
 car si tost qu'ilz sen retournerẽt en Italie ayãs volutẽ d'y demou-  
 rer, ces peuples de Gaule cõbien qu'en chascũ lieu fussẽt plusieurs  
 gouverneurs toutesfois feirẽt nouvelles esmeutes, & aucũs manifestemẽt se  
 rebel-

rebellerent, laquelle rebellion si fust interuenue seiournant Cesar en Bretaigne toute chose eust esté cōfufe en Gaule. Et furent les principaulx de ceste guerre les captifz des liegeois, assauoir Ambiorix, & disoiēt l'estre esmeuz pour la presence des Romains estans illec soubz preteurs, Gabinius, & Lucius cotta: mais la verite estoit qu'ilz faisoient peu d'estime d'eulx cōme que ilz ne fussēt suffisans à leur resister, & n'esperoiēt que Cesar deust tost suruenir avec son exercite. Ilz assaillirent doncques les Romains au despourueu comme pour occuper leur fort de premier assault, & voyans que leur espoir ne venoit à effect se tournerent aux tromperies, par ce que Ambiorix ayant mis les escoutes & embusches es lieux plus oportuns s'en vint avecq faufconduit vers les Romains comme qu'il ne fust encoulpé de ceste guerre & rebellion, & se disoit estre repenty, mais leur conseilloit à ce qu'ilz se gardassent des autres par ce qu'ilz ne leur vouloyent obeyr, & disoit que la nuit suruenue auoient deliberé les assaillir: au moyen dequoy mit en fantasia aux Romains de habandonner Eburonnye, que maintenant appellons le Liege comme qu'ilz fussent en peril s'ilz y demouroient, & de tirer subitemēt vers aucunes autres troupes de gens d'armes de leur party qui seiournoient en certains endroictz illec voisins. Les Romains creurent facilemēt ce que Ambiorix leur auoit dit, speciallemēt pource qu'il auoit receuz plusieurs benefices de Cesar, & pensoiēt qu'il ne voulust estre agreable de ceste sorte. Parquoy l'estre mis en ordre, & la nuit venue, hastiuemēt se departirēt, & arriuez entre les embusches furēt en tresgrad peril, car de premiere rēcōtre Luci<sup>o</sup>cotta fut occis avec plusieurs autres: & Ambiorix enuoya vers Sabinus cōme qu'il le voulust fauluer, ioinct qu'il n'estoit present à tel faict, & encores sembloit estre moult fidele: lequel venu deuāt & l'auoir faict desarmer le feist meurtrir à coups de flesches, luy disant entre autres parolles, cestes: Vous estans telz, comment auez vous volenté de nous dominer, qui sommes tous hōmes? Ceulx la doncques soustindrent telles afflictions. Mais les autres retournerent seurement à leur rempart duquel estoient departis: toutefois depuis que les barbares vindrent au cōbat contre eulx en ce mesme lieu, & qu'ilz ne se peurent deffendre ne fuir, se occirent l'ung l'autre. Quoy voyans aucuns autres des peuples voisins se rebellerent & entre autres les Tournoisiens, combien que Quintus cicero frere de Marc cicero seiournaist aupres d'eulx, lequel Quint<sup>o</sup> estoit preteur soubz Cesar. Et Ambiorix r'alyé avecq eulx dressea les armes contre Cicero, contre lequel auoir cōbatu de pres & prins quelques Romains vifz, sefforca encores de le deceuoir: mais de ce frustré, l'assiegea de tous costez, si que en brief tant pour la multitude que pour l'experience qu'il auoit acquise suyuant les faictz d'armes avec les Romains, & ayant appris quelque chose de chascun prisonnier particulièrement, en peu de temps les enuirōna de trenchées & rāpars, & se faisoient chascun iour maintes escarmouches sicomme est acoustume faire en telz faictz, esquelles estoient tousiours occis beaucoup plus

Rebellion  
en Gaule.

Eburonie,  
appellee  
maintenāt  
le Liege.

Trahison  
de Ambio  
rix.

Les romains  
vaincuz.

de

de Barbares que de Gauloys, comme ceulx qui se trouuoient en plus grand nombre, neantmoins pour la grand multitude de souldardz ne sentoient le dommaige de leurs gens occis. Mais les Romains au contraire se trouuans en petit nōbre, & chascun iour diminuans, facilement furent enclos. Estans dōcques en grand peril d'estre prins, pource qu'ilz ne pouoyent curer leurs playes pour estre priuez des choses à ce necessaires, ensemble des viures requis pour leur assiegemēt, ioinct qu'ilz n'estoient secouruz d'aucun (cōbien que plusieurs fussent en leurs garnisons non trop loingtains) car les barbares gardans diligemment les chemins & destroitcz, prenoiēt tous ceulx qui fortoiēt hors & les occioiēt en la presēce des Romains. Vng certain Tournoisien qui leur estoit affectiōné pour quelque benefice & pour lors encores assiegé avec Cicero, luy donna vng siē seruiteur pour messaiger par ce qu'il (tant avec l'habit que avec son langage) pouoit facilement decepuoir les ennemys passant entre eulx comme qu'il fust de leur party: & ayant Cesar entendu de ce messaiger tout le discours de ceste rebellion, non encores arriué en Italie mais en chemin, sen retourna en derriere: & prenāt avec luy to<sup>s</sup> les gens darmes qu'il trouuoit es garnisons, cheminoit hastiuement: & craignant que ce pendant Cicero (desesperant le secours) ne soustinst quelque grād ennuy par force ou par accord, enuoya deuant vng cheualier: & bien qu'il eust en effect experimenté la beniuolence de ce Nemois, toutefois ne se voulut de ce fyer en luy, doubtant que pour la misericorde qu'il eust aux siens ne feist quelque gros mal aux Romains, ains y enuoya vng cheualier de sa nation (comme dit est) qui entēdoit & parloit le langage des ennemys, & encores estoit vestu selō leur coustume. Et à ce qu'il volūtairement ne cōtre sa volūté peult dire aucune chose, ne luy dist rien, ains escripuit à Cicero toute son intention en langue grecque, affin que si les lettres eussēt esté prises (n'estans entēdues par les barbares) ne les certifiassent de son emprinse. Cesar auoit encores vne autre maniere d'escripre secrettement, car il mettoit tousiours la quatriefme lettre au lieu de celle qui se debuoit escripre la premiere; à ce que la plus grand partie ne peussent entendre ses escriptz. Ce cheualier dōcques feist tant qu'il paruint au camp de Cicero, mais pour n'auoir peu approcher, lia les lettres à vne fleſche, & l'ayant tirée comme vers les ennemys de industrie la ficha en vne tour: au moyē dequoy Cicero aduertiy de la venue de Cesar reprint bon espoir & plus promptemēt soustint le siege. Mais aux barbares par longue espace fut occulté & cellé le secours de Cesar. par ce qu'il cheminant toutes les nuitz, de iour se logeoit en lieux tresoccultes pour assaillir les ennemys le plus à l'impourueu qu'il pourroit. Neantmoins finablemēt ayans quelque suspection pour la ioye qu'ilz veoiēt demener aux assiegez, enuoyerent aucunes espies, lesquelles rapportās comme Cesar estoit pres, se misrent en chemin pour aller à l'encontre comme pour le vouloir assaillir à l'impourueu: dequoy Cesar aduertiy demoura la nuit tout coy, & au point du iour ayant preoccuppé vng certain lieu assez

Forme d'e  
scripre se-  
crettemēt.

fort

fort illec se logea en la moindre espace qu'il peut, à ce qu'il feist demonstration d'auoir peu de gens avec luy, d'estre lassé pour le chemin, & de craindre leur impetuosité: & pour ceste cause les peust conduire de sorte qu'ilz se enhardiaissent de vouloir monter en hault contre luy: & ainsi aduint, car le desprisans pour ceste occasion l'assailirent montans en hault impetueusement ou ilz receurent si grand secouffe que depuis n'eurent hardyessé le vouloir combatre. Par ainsi Ambiorix & tous les siens furent subiuguez, touteffois n'estoyent encores beniuolles aux Romains: & les Treueriens voyans que Cesar enuoyoit querir ceulx qui estoient coupables de chascune nation & les punissoit, craignâs que écores ilz mesmes ne fussét pugnis vne autrefois se mutinerent cõtre les Romains à la persuasion d'ũg nõmé Indiotymare: & ayans semblablement fait rebeller aucuns peuples qui estoient en pareille craincte dresserent exercite contre Labinius Titius, estant à Reims: touteffois surprins des Romains au despourueu furent desconfitz.

Ambiorix vaincu.

Les Treueriens

Indiotymare.

Labinius Titius.

## Comment Crassus commença à combatre les Parthes.

### Chapitre

### XXIII.

**D**urant ce temps Crassus desirant de son costé acquerir bruyt & louenge & encores faire quelque gaing, voyant ne pouoir paruenir en Syrie de son intention, & que ceulx qui parauant combatoyent contre eulx ne faisoient aucun mouuement pour sa puïssance, se meit en chemin avec l'exercite pour aller contre les Parthes, n'ayans aucunement failly contre le peuple Romain, & sans que telle guerre luy fust ordõnée par decret: mais pource qu'il auoit ouy dire ce peuple estre riche & oppulant, & esperoit que Orodès se pourroit facilement prendre comme celluy qui estoit nouuel en seigneurie. Ainsi passa le fleuve d'Euphrates, & pceda moult auant en la Mesopotamye mettât à sac tout ce qu'il trouuoit, par ce que ayât esté son passaige incongneu aux barbares n'auoyent fait aucune ferme garde, de sorte que Talimenes pour lors satrappe de ceste region fut vaincu pres vne forteresse de là mesme contrée nommée Ichine, estant venu à la bataille avec petit nombre de gens de cheual, & nauré se departit pour luy mesmes aller denoncer au roy le passaige de Crassus: lequel en brief cõquist les forteresses & les citez grecques tant les autres comme celle qui est vulgairement appellée Nycephore, par ce que maintes colonnes des Macedoniens grecz qui allerent auéoluy en Asie estans detenuz par force des barbares & ayans grand esperance aux Romains comme en amateurs de la nation grecque non mal volontiers se redoyent aux Romains: excepté que les habitans de Tenodosse enuoyerent querir aucuns Rommains comme qu'ilz ne se voulussent rebeller, mais si tost qu'ilz furent en la cité les prendrent & occirent tous. Et Crassus ne feist ne soustint autre grief ennuy, ains generalement eust subiugué tous les autres lieux estans dans le Tigris sil eust

Crassus contre les Parthes.

Talimenes vaincu.

Ichine.

Nycephore prinse.

Trahison des Tenodosiens

touſiours vſe de ſon premier effort & pourſuiuy la frayeur des barbares ſemblablement en toutes choſes, & oultre ſeiournât eult tenu diligente garde: mais n'ayant prins tout ce qu'il pouoit occuper en vne courſe n'eut depuis cure ne ſolicitude des lieux qu'il auoit prins ne des autres, ains luy eſtât tourné a faſcherie la demeure en Meſopotamye & deſirant le repos de la Syrie dôna temps aux barbares de ſe mettre en ordre & damnifier les ſouldardz delaiſſez en garniſon en leur region. Et fut ce le commencement de la guerre des Romains contre les Parthes; leſquelz habitent oultre le fleüue Tigris la pluſgrand partie en fortereffes & rochiers & encores en citez, & entre les autres vne nommée Ethesiphonte en laquelle ilz encores ont vng roy p ce que ſa ſtirpe eſtoit bien enuers les anticques barbares: & auſſi auoyent ce nom ſoubz l'empire de Perſe: neâtmoins ilz habitoyent en vne petite partie du pays & n'auoyent eſtandue leur puissance oultre les confins: mais depuis que l'empire de Perſe fut deſtruiët & la puissance de Macedoine augmētée, & que les ſucceſſeurs de Alexádre venuz en diſcord ocuperēt diuerſes regiôs, & feirēt chaſcū royaulme ſeparé, alors les Parthes furent cōduytz plus oultre par vng nommé Arſacus: parquoy tous ceulx qui depuis furent leurs roys ſe appellerent Arſacydes, & ayans eu fortune proſpere cōquifrent tout le pays circonuoifin, & pareillemēt occuperēt toute la Meſopotamye avec les Satrappes: ſinablement paruindrēt à ſi grand gloire & puissance que iuſques alors eſtoient ſuffiſans de tenir cōbat cōtre les Romains, & encores maintenant leur ſont reputez eſgaulx en bataille, car ilz ſont hōmes treſſortz en armes, neantmoins ont plus grand renom que effect, bien qu'ilz n'ayent prins aucune choſe appartenant aux Romains, & ayent perdu du leur, nonoſtant touteſſois pour ce reduitz en ſeruaige & es guerres qui interuiennent contre nous ſont diferentz. De leur origine doncques, de leur proprieté & de leur region pluſieurs ont par cy deuant eſcript, & quant à moy pour ceſte heüre ne ſuis en volenté d'en eſcrire: mais pource qu'il eſt conuenable à noſtre propos faire mention de leurs armes, & de la forme qu'ilz vſent es batailles i'en parleray. Ilz ne vſent aucunement d'eſcüz, ains la pluſgrand partie d'eulx ſont archiers à cheual portans certaines hantes es mains & arméz viennent à la guerre, & peu ſont les gens de pied, leſquelz ſont encores les pluſ debiles bien qu'ilz ſoyent pareillement archiers, car ilz y ſont exercitez des leur enfance & l'air & le pays eſt moult apte à l'ung & l'autre de ces deux exercices, par ce que eſtât leur pays la pluſ grad partie plain & fertile pour nourrir cheuaulx & cōmode à cheuaucher, ilz meinent à la guerre tous leurs troupeaulx de cheuaulx pour les muer & changer quant bon leur ſemble, & viennent en vng moment de temps de longue diſtance & vont en vng instant en lieux moult eſquartez. D'auantage l'air qui eſt ſur eulx eſtât moult ſec & n'ayant aucune humidité fait qu'ilz peuvent tirer de leurs arcz moult dextremēt & agillement, excepté en temps de grand yuer, & pour ceſte occaſion iamais en ce temps ne dref-

Etheſiphonte cite des Parthes.

Tous roys Parthes ſont ſurnommez Arſacydes.

Forme de combatte obſeruee par les Parthes

dressent exercite, mais tout le reste de l'année ilz sont tresdifficiles a defaire tant en leur pays qu'en autre semblable, par ce qu'ilz facilement soustiennent le soleil qui est trefardant par vne certaine acoustumance, & ayât grand defaise de liqueurs pour boire ont inuenté plusieurs remedes à leur soif, parquoy facilement resistent à ceulx qui assaillent leur region: Car hors d'icelle ia fut vng temps qu'ilz estoient puissans en aucunes batailles & courses subites, mais ne sont suffisans à perseuerer par quelque long temps en bataille cõtre aucuns, ains se perdēt en vne constitution de air & de pays à eulx moult alienez, d'auantaige n'ont bledz ne victuailles. Estant doncques Orodes entré en Mesopotamye, comme i'ay ia dit, enuoya ambassadeurs vers Crassus l'accusant de l'assault qu'il luy auoit fait, & demandant quelle occasion il eut de luy faire la guerre, & enuoya aux lieux qui auoyent esté prins ou festoyent rebellez contre Surrenes, son exercite: par ce qu'il auoit en volonté de tirer icelluy, iusques en Armenie, qui ia appartint à Tigranes: à ce que Artabasses filz de Tigranes, qui pour lors en estoit roy, n'euoyast aucun secours aux Romains, comme celluy qui craignit de son propre royaume. Crassus auoir ouy les ambassadeurs de Orodes leur respondit qu'il leur diroit les occasions pour lesquelles il s'estoit meü à leur faire guerre en vne cité appellée Seleuce, laquelle est assise en Mesopotamye. Et alors vng des Parthes ayât demõstré la palme de la main dist que pl<sup>9</sup> tost de ce lieu fortiroit du poil, que Crass<sup>9</sup> se trouuast iamais en Seleuce. (Et pour ce qu'en l'yuer auquel Gneus Caluinius & Valerius Messalla furent cõsulz plusieurs signes arriuerent en Romme, car plusieurs troupeaulx de loups & chiens furent veuz, lesquelz circondans autour de la cité, y seiournoyent, & aucunes statues fuerent & autres furent fulminées, desseignerent les magistratz partie par discordz, Mais par la plus grande partie, par les augures & des signes celestes finablement le septiesme mois: toutesfois ces telz signes ne faisoient aucune manifeste demõstration à quelle fin deussent arriuer pour les affaires de la cité qui pour lors estoient troublez: & de rechef feirent les Gauloys esmotion, & ne scauoient comme succedoyent les affaires en Parthe.) Mais à Crassus q auoit passé le fleue d'Euphrates à l'endroiçt d'ung lieu appellé Teugma, qui signifie Pont (par ce que Alexandre ayant fait vng pont en ce lieu y passa le fleue) arriuerent certains & manifestes signes, Ioinçt que ce qui est nommé aigle est vng petit auttur sur lequel vng aigle dor est posé en tous les exercites qui sont de gens d'armes esleuz est porté & iamais ne se bouge des maisons iusques à ce que toute l'exercite se mette en voye, Et alors vng homme le porte sur vne petite hâte ayant la poiçte ague par le dessoubz, de sorte qu'elle se peult ficher en terre. Vne dõcques de ses aigles ne voulut passer avec luy le fleue de Euphrates, ains demoura fichée en terre comme quelle fust en ce lieu enracinée iusques à ce que plusieurs mis à l'entour la tirerent de terre par force: & ainsi cest aigle contre son inclination suyuyt les Romains, & l'ung des grandz

Signes aduenus en Rome.

Signes aduenus a Crassus.

estandarz qui sont semblables à voiles & ont aucunes lettres rouges declarans tant l'exercite que le capitaine & l'empereur, tomba du pont au fleuve pour le vent qui estoit moult impetueux : mais Crassus ayant fait rongner ceulx qui estoient semblables, à ce que feussent plus courtz & plus faciles à porter, augmenta encores d'auantaige ces monstres, par ce que vne si grand nuée s'estendit autour des souldardz au passer du fleuve qu'ilz ne se congnoissoyent l'ung l'autre, & ne veirent aucunement la terre des ennemis que premierement ne feussent entrez dedans, & leur furét tât les portz que les passaiges moult difficiles. En ce mesme instant suruint vng grand vent, plusieurs sassettes tomberent du ciel, & le pont se rompit auant que tous feussent passez. Et estans ces signes telz que le plus ignorant homme auroit peu comprendre qu'ilz terminoyent aucune mauuaise aduerture, & que iamais n'en retourneroyent, suruint vne grand frayeur & grosse angoyffe en l'exercite. ce que congnoissant Crassus & les voulant consoler leur dist telles parolles: Ne vous esmayez (ô gens darmes) si le pont est rompu ny ne pensez que pour cela nous doibue arriuer aucun grand mal, par ce que moy mesmes confirmant par serment voz dictz, que i'ay determiné retourner par Armence. par lesquelles parolles leur dóna bon couraige: mais apres leur dist à haulte voix: Soyez allegres, car nul de nous ne retournera par le chemin. Ce que oyans les souldardz penserent que ne feust moindre augure que aucun des autres & deuidrent plus tristes que deüât, en maniere qu'ilz ne feirent plus compte d'admonition aucune: & son cõfort par lequel il desprisoit la puissance des Parthes & extolloit celle des Romains il leur donnoit argent & promettoit les recompenser, & par ce lè suyuoiet, si que nul le contredisoit ne luy faisoit resistace, peult estre pour obseruer la loy mais encores pource qu'ilz estoiet tous estonez & marris & ne pouoiet faire aucune chose vtile ne prendre conseil salutiferé. En toutes les autres choses dõcques comme hommes condenez de quelque dieu, cherchoyent leur infortune tant avec la volunté que avec le corps: Mais sur tous les autres augures Alcádonius leur feit grad dommaige, par ce qu'il ayat esté autrefois alyé & confederé des Romains au temps de Pompée depuis esleut la part du barbare. Et cela en partie feit Alcádonius Arabe, par ce que tousiours se tiroit du costé plus fort: mais cestuy là se rebella manifestement, & par ce estoit moult difficile se donner garde de luy. Bien s'entendoit Augarus avec le barbare, & touteffois se monstroit moult beniuolle à Crassus & despendoit pour luy grosses sommes de deniers sans mesure, si qu'il entendoit tout son secret & puis en aduertissoit Surrenes. D'auantaige sil fust en quelque bon propos l'en destournoit, sil estoit inutile le luy louoit grandement, par ce que pesant Crassus de vouloir passer en Seleuce avec esperance de pouoir campeger seurement en cest endroit pres le fleuve de Euphrates & d'illec s'en aller par icelluy avec tout son exercite & toutes les choses necessaires: apres ceste cité, laquelle estoit habitée de Grecz, espo-

Trahison  
de Augarus.

roit

roit conquister avec peu de peine, & esperant facilement pouoir aller à Attesphont, feit que Crassus laissa ce conseil comme qu'il fust trop long, mais luy persuada de combattre contre Surrenes cōme avec celluy qui luy estoit pres & avec peu de gens. Et depuis ayant donné ordre que Crassus fut vaincu, & que Surrenes obtint la victoire: car souuentefois il parloit avec luy faignant de passer par son camp, comme espie, conduist les Romains moult negligēs comme que ce fust pour aller à la victoire certaine. Et il au mesme fait les assaillit, en maniere que la chose succeda ainsi que sensuyt. Les Parthes ayans embuschez la plus grand partie de leur exercite en vng certain endroict ou le pays estoit inegal & plain d'arbres vindrent au deuant des Romains. Quoy voyant Crassus (non le pere, mais le filz qui auoit esté enuoyé de Gaule p Cesar) les desprisant & pensant qu'ilz ne feussent en autre plus gros nombre les vint chocquer avec les gens de cheual & les poursuivant pource qu'ilz fuyoyent astuteiment cōme si desia il fust vainqueur pas sa assez auant au mylieu de l'embusche, de laquelle enuironné fut avec toute sa fuitte taillé en pieces: laquelle desfaicte interuenue les gens de pied ne se misrent en fuyte, ains vigoureusement vindrent au combat contre les Parthes ayans volonté de venger la mort de Crassus: touteffois ne feirent aucune chose digne des Romains, au moyen de la multitude des Parthes & de la forme de combattre des Romains: especiallement ayans esté trahys de Augarus, par ce ou qu'ilz voulussent conioindre tous leurs escus ensemble, à ce que l'espeueur de leur ordre escheuast les fayettes des Parthes, les picquiers suruenans impetueusement aucuns gestoyent par terre & autres les desordonnoyent, & l'ilz se desrengioiēt en quelque maniere que ce fust, incontinent estoient naurez à coups de fayettes, ainsi furent desfaictz pour l'approximation des picquiers. D'auantaige plusieurs aconsuyuiz par les gens de cheual estoiet occis & aucuns à coups de picques ruez par terre ou biē estoiet portez sur les poinctes des lāces, & les fayettes qui de toutes pars les vexoyent en occioyēt plusieurs pour les playes mortelles, & plusieurs redoyent depuis inutiles au fait de guerre pour estre perclus, & à tous ne donoyent loysir de combattre partie passans pres de leurs yeulx, partie au trauers de leurs corps & les empeschoyent qu'ilz ne se pouoyent garder & les faisoient estre tous descouuertz aux coups & rencontres, si que ce pendant que vng escheuoit ou tiroit quelque fayette de son corps recepuoit de nouuel plusieurs autres playes: & pour ce ne se pouoyent remuer ne demourer fermes en lieu que ce fust pour autāt que en nulle de ces deux choses ne trouoyent seureté, ains toutes deux leur estoiet causes de mort, par ce que plus facilement estoient attaintz & blēsez. Ilz supporterent ceste affliction tāt que dura la bataille ouuerte, car Augarus ne les assaillit si tost: mais depuis qu'il leur courut sus, alors les Oroennes mesmes poulsoyent ceulx qui leur auoyent tourné le doz donnans occasion aux autres de les occire plus facilement, par ce que ayans tourné leur ordre à ce qu'ilz leur demourassent en-

Crassus  
filz de  
Marc cras-  
sus, occie.

teste, feirent les Parthes demourer derriere eulx. Vne autrefois doncques  
 se retournerent cōtre les Oroennes, & depuis encores vne autrefois con-  
 tre les Parthes : & ainsi estans troublez comme ceulx qui estoient reuoltez  
 continuellement tantost d'ung costé & puis de l'autre & cōtrainctz d'auoir  
 regard cōtre ceulx qui incessamēt tafchoyent de les opprimer se nauoyēt  
 de leurs mesmes espees si que plusieurs estoient occis de leurs mesmes cō-  
 paignōs: & finalement furent reduitz en si grand presse & contrainctz des  
 ennemys qui incessamment leur couroyent sus, de courir leurs parties des-  
 couertes avec les escuz de leurs adiateurs qui plus ne se pouoiet mouuoir,  
 neantmoins n'auoyent encores lieu estably pour la multitude des corps  
 mortz, ains se retournoyēt pour le respect de la chaleur & de la foif, par ce  
 que au temps d'esté se traictoient ces factions, & la pouldre (laquelle à ce que  
 fust plus grāde estoit exercitēe des barbares cheualchans à l'entour) mole-  
 stoit grandement les autres estans arrestez en bataille si que plusieurs tom-  
 berent sans estre blesez: & finalement tout l'exercite eust esté deffaict si ne  
 fust que les picques des barbares partie s'estoyent ployees & partie rōpues.  
 Aussi que les cordes des arcz pour le continuel exercice estoiet semblable-  
 ment rompues & leurs fayettes leur deffailloyent, pareillement toutes leurs  
 espées auoyent perdu leur taillant: d'auantaige les hommes mesmes estoiet  
 en naurant & occiant moult las & trauailleuz. Ce pēdant la nuit suruint &  
 pource quil estoit necessaire aux barbares faire longue traicte se departirēt:  
 ioinct qu'ilz ne misrēt oncques leur camp pres de celluy des ennemys (bien  
 qu'ilz soyent tresdebiles) par ce qu'ilz ne vissent d'aucuns rāpartz, & pource  
 que silz estoient assailliz à poinct nommé, ne pourroiet exercer leurs che-  
 uaulx ne leurs fayettes: neantmoins pour l'heure ne prindrent aucun Ro-  
 main vif, par ce que les voyans demourer fermes entre les armes & que nul  
 ne les mettoyēt hors, ny n'entendans que aucū se bougeast, penserent qu'ilz  
 eussent encores quelque puissance & doubterent de les prendre vifz. En ce-  
 ste maniere dōcques Crassus & tous les autres qui peurent fuyr, sen fuyrent  
 aux promōtoires qui auoiet esté estroictemēt gardez p les Romains, & ceulx  
 qui estoiet griefuēemēt naurez ne pouās aller ny ayās charettes ny hommes  
 qui les portassent, par ce que à chascun sembloit suffire de se pouoir euader  
 demourerēt fermes en ce lieu, & de ceulx cy aucūs moururēt de leurs playes  
 & autres lāguissans se occioient eulx mesmes: aucuns furēt prins le iour en-  
 suiuant la plus grāde partie desquelz au mesme instāt & lieu furēt taillez en  
 pieces. Aussi depuis plusieurs autres moururēt n'ayās peu trouuer medecine  
 aucune pour les guerir, car Crassus estant perdu n'eut esperance de pouoir  
 attendre seurement dans la cité, ains delibera incontinent se mettre en fuy-  
 te: & pource qu'il n'estoit possible que sortāt hors la cite de iour ne fust veu  
 tēta sen fuyr de nuit, mais descouuert pour les raiz de la lune qui pour lors  
 estoit en son plain, delibera d'actēdre iusques à ce qu'elle fust au deffin & ne  
 rendist lumiere de nuit. Doncques les Romains leuez comme ceulx qui  
 estoient

estoyent en tenebres & en terre estrangiere & leur ennemye, furent moult esperduz de paour, les aucuns desquelz prins le iour suruenue furent mis à mort, aucuns sen fuyrent en Syrie avec Crassus Longinius, & aucuns ayans prins les montaignes en la compaignie de Crassus se misrent en ordre come s'ilz sen eussent voulu fuir en Armenie. Ce que cõgnoissant Surrenes & craignant que apres auoir mué de place ne le vinssent charger par quel que voye, ne les voulut assaillir sur les montaignes & ou les cheuault ne pouoiet aller, par ce que estans les Romains armez moult legierement & combatans en hault & se trouuans pour lors comme hommes desesperez n'estoit facile à venir combatre contre eulx, enuoya vers Crassus pour le prouocquer d'accorder avec condition qu'il habandonnast toute la region située dans le fleue de Euphrates: auquel, Crassus adiousta foy, sans doubte aucun, par ce que estant au mylieu de la paour, tout confuz & esbay, tant pour sa calamité propre comme pour la publicque, & oultre voyât ses souldardz fuyr moult volontiers ceste voye comme lõgue & aspre, & auoir encores paour de Oodes, ne peut prendre aucun bon conseil.

Comment Crassus vaincu en bataille fut deffait par les Parthes.

Chapitre

XXV.

**A**Ces causes Crassus prest de traicter les accordz, Surrenes n'y voulut entendre par le moyen de tierces personnes: mais affin qu'il peust prédre Crassus peu acompaigné dist qu'il vouloit parler avec luy mesmes: au moyen dequoy, conuention faicte entre eulx de parler ensemble avec nombre esgal d'hommes tât de l'une que de l'autre partie, Crassus descendit en la plaine, auquel Surrenes enuoya vng cheual à ce qu'il vint plus hastiuement. Et ainsi, tardât Crassus & delibérant ce qu'il deuoit faire, les barbares le prindrent & par force le misrent sur le cheual; & en ce conflict les Romains le voulans secourir dresserēt bataille contre eulx qui pour lors estoiet egaulx, mais les Parthes secouruz de Surrenes avec le reste de son exercite en fin obtindrent la victoire, par ce que les barbares estans en la plaine & premièrement rengez en ordre preindrent les Romains qui estoient es montaignes, & ainsi tant autres comme Crassus furent occis, ou qu'il fust tué d'aucun des siens à ce qu'il ne fust prins. ou des ennemys apres auoir esté griefuement nauré, en la bouche duquel les barbares (ainsi qu'il fut dit) distilerēt par derision de l'or, pource que bien qu'il fust habondant & copieux de deniers, neâtmoins estoit si couuoiteux qu'il disoit auoir misericordé des hommes si poures qu'ilz n'eussent peu soustenir les fraiz necessaires pour l'entretien d'ung exercite: mais la pluspart des autres sen fuyrent par les montaignes au pays & territoire de leurs amys. Les Parthes doncques pour l'heure ne procederent oultre le fleue d'Euphrates, bien recouurerēt tout le pays posé au dedans d'icelluy,

Les Romains vaincus.

Mort de Crassus.

& depuis cōmencerent à faire courtes en Syrie non en grand multitude cōme en vne region despourueue tāt de cappitaine que fouldardz: de laquelle prouince Cassius facilement les dechassa comme ceulx qui estoient en petit nōbre par ce que les fouldardz luy voulans au parauant dōner la principaulté de empereur pour la hayne qu'ilz portoyent à Cesar, & oultre ce la luy concedant Crassus mesmes pour la grandeur de la rotte recourée, ne la voulut accepter: mais alors par necessitē à present & depuis fut president en Syrie, car les barbares ne se abstindrent de la vexer, ains vne autrefois avec pl<sup>9</sup> grād multitude au nom de Paccorus filz de Orodēs, mais en effect pource q<sup>l</sup> estoit encores ieune enfant vindrēt avec leur exercite ayans esleu Ofaces pour leur cappitaine & parvindrent iusques en Anthioche prenans & saccageans ce qu'ilz trouuoient esperans encores de destruyre tout le reste, n'estās les Romains lors presens en puissāce esgalle à la leur, & le peuple se sentant moult greué & opprimé pour leur seigneurie: ioinct qu'ilz leur deliuroyent comme à voyzins & hommes à eulx semblables de coustumes: toutesfois n'ayans peu prendre Anthioche pour la resitance que leur feist Cassius qui les repoulsa & dechassa vaillamment, & voyans qu'ilz n'y pouoyent mettre le siege tirerent vers la cité appellée Antigonie, & pource que les lieux d'entour la cité estoient tous plantez de arbres fruitiers, & ne eurent hardyessē de sen approcher determinerēt de les couper & esplaner tout ce lieu, à ce que plus facilement peussent assaillir la cité: mais frustrez de leur intention par ce que c'estoit chose trop penible consommoyent le tēps en vain: & pource que Cassius de sa part, endommaigeoit ceulx qu'il rencōtroit esquartez de leurs esquadres leuerent leur camp comme s'ilz feussent voulu aller en autre lieu, Dont Cassius aduertiy mist ses embusches es chemins qu'ilz deuoient tenir & illec se demonstrent en petit nombre les incita de le pourfuiure, & depuis les ayant enclos les occist. Ainsi tous les autres comme Ofaces mesmement & depuis Paccorus habandonna toute la Syrie & oncques depuis n'y entra: lequel departy y vint Bibullus pour estre prefect (bien que eust esté determiné par decret que nul ne preteur ne cōsul ne incontinent ne auant cinq ans fortissent aux prefectures estranges, à ce qu'ilz ne suscitassent mutineries & trafficques estās en ce ambicieux) il tint les subiectz en paix, toutesfois meilt discord entre les Parthes mesmes, par ce que s'estant fait beniuolle vng certain Satrappe nommé Ornodēpendes, lequel estoit grandement courroucé contre Orodēs, luy persuada par le moyen de certains messaigers qu'il vouldust cōstituer Paccorus roy & aller contre luy en sa compagnie. Ceste guerre doncques des Romains contre les Parthes cessa le quatriesme an après qu'elle fut commencée, estās cōsulz Marc Marcellin & Sulpice Ruffi.

Ofaces  
cappitaine  
Parthe.

Les Parthes vain-  
cuz par  
Cassius,

Comment

Comment Cesar subiugua toute la Gaule située deca les montz.

Chapitre XXXVI.

**E**N ce mesme an Cesar de rechef oppressa avec les armes les troubles meuz pour la seconde fois en Gaule, ayant fait plusieurs faitz d'armes partie en persõne & partie par le moyé de ses capitaines, desquelz ie reciteray ceulx qui me semblent plus dignes de memoire: car Ambiorix ayant prins avec luy les Treueriens (lesquelz encores estoient mal contens pour la mort de Indiotimares) assembla plusieurs peuples avec eulx & enuoya querir des gens d'armes conduictz par les Celtes: contre lesquelz voulant Labinius combatre, auât que secours leur suruinst courut au pays des Treueriens & voyant qu'ilz ne luy faisoient resistance attendans chascun iour secours ains estans campegez en vng certain lieu enuironné d'ung fleue demouroient coy, Labinius couoqua ses souldardz & parla à eulx en vne certaine maniere par laquelle il deult mettre les siens en craincte disant leur estre necessaire pour leur seurté auant que les Celtes vissent donner secours aux ennemys, de eulx retirer vers Cesar & en lieu assure: leur commandant que pour ce faire se missent en ordre. & peu apres se leua attendant qu'il deust succeder ce que depuis arriua: par ce que les barbares ayans mis en memoire ce que Labinius auoit dict à ses gens cleremét pour estre entendu de tous, estimerét que vrayement il voulust passer oultre & sen fuyr: ainsi apres auoir passé le fleue les pour suiuyét impetueusement & en ceste maniere Labinius se retourna contre eulx qui ia estoient desordonnez & espars, quoy faisant & ayant mis les premiers en craincte facilement méit les autres en fuite par le moyé d'eulx mesmes. A ceste cause fuyas sans ordre s'entremestans l'ung avec l'autre & chassés iusques sur le riuage du fleue plusieurs furent occis, & maintz autres naurez: & encores plusieurs autres enfuyes en ceste maniere Cesar ne fit estime du reste, ains cherchant diligemment Ambiorix (lequel s'enfuyoit tantost d'ung costé tantost d'ung autre, comectant plusieurs meschancetez) eut assez affaire, & si ne le peut prendre pour chose quil feist, mais s'en alla contre les Celtes comme contre ceulx qui vouloyent donner secours aux Treueriens. Neantmoins pour ceste fois ne leur meffit, ains sen retourna craignât les Sueuiens, & entreprint pour la secõde fois de passer oultre le Rhin, & desist seulement le pont à la part voisine des barbares ou il ediffia vne forteresse come que toujours y voulust passer quand bon luy sembloit: & depuis ne pouant comporter la fuyte de Ambiorix conceda à chascun de saccaiger & ruyner son pays, ayant premierement commandé qu'ilz se assemblassent en bon nombre. Au moyen dequoy plusieurs Gaulloys & Sicambriens se r'allierent ensemble pour desrober Ambiorix: neantmoins les Sicambriens ne pillerent le pays des Treueriens, ains assaillirét les Romains mesmes, par ce qu'ilz (leur ayant commis la garde quand ilz alloient fourraiger & recouurer viures) assaillirent leur camp: touteffois les Gaulloys retournez au secours, auoir

Labienus  
contre les  
Treueriens.

Les Tre-  
ueriens  
vanceuz;

Pont edif-  
fic sur le  
Rhin  
par Cesar.

entendue la cause occirent plusieurs des Sicambriens, desquelz malefices eulx doubtans de Cesar sen retournerent hastiuemét en leurs maisons: parquoy ne furent pugnis tant au moyen de l'yuer comme pour les affaires de Rome qui estoient en sedition. Mais ayant Cesar enuoyé ses gens d'armes en leurs garnisons sen passa en Italie soubz couleur d'estre voisin à la Gaule finitime, toute ssois à ce qu'il peust avec sa presence contredire aux traffiques & menées qui pour lors se faisoient en Rome. Au moyen dequoy les Gauloys de rechef se mutinerent, par ce que les Auernatz (estant leur capitaine Vergentorix) se rebellerét & occirent tous les Romains qu'ilz trouuerent tant en leur pays que dedans leurs citez. Et d'auantaige coururent iusques aux pays de leurs voisins, à ceulx qui se vouloyét rebeller avec eulx se monstroyent beniuoles, & les autres tenans contraire oppinion endommaigeoyent grâdemét. Dôt Cesar aduertty retourna de rechief en Gaule, & ayât trouué les ges qui ia s'estoyét retirez en la cite de Bourges ne leur dôna secours pour n'auoir encores tous les ges d'armes, mais assaillât le pays des Auernatz fist tant que les ennemys retournerent en leurs maisons: & pource qu'il ne luy sembloit estre esgal à eulx en puissance se departit auant qu'ilz arriussent en leurs pays. Ces Auernatz de rechief vindrét assaillir les Berruyers & ayant prins vne de leurs villes appelée Vierzon, leur firent resistance par longue espace y demourans: mais depuis estans assiegez par les Romains, pource que la muraille estoit difficile à escheller pour estre d'ung costé enuironnée de maretz inaccessibles, de l'autre d'ung fleue courant, & ilz estans encores en assez gros nombre, facilement rebatoient les assaulx des Romains, & fortâs hors la ville leur faisoient plusieurs dommages, & finablement bruslerent tous les lieux circonuoisins, non seulement les champs, villes & bourgades mais encores les citez, desquelles ilz esperoyent les Romains recevoir quelque vtilite. D'auantaige tout ce que estoit apporté aux Romains par leurs allies estoit par les Auernatz saccagé, en maniere que les Romains qui sembloient assieger les citez, plus tost enduroient les mesaises que ont acoustumé endurer les assiegez, & iusques à ce que vne grâd pluye & vng grâd vêt impetueux leur estant suruenue (pource que ia approchoit de l'yuer) premierement les dechassâ & les fait retourner en leurs tentes, & depuis fait demourer les barbares es maisons: car se departans par les macherolles des murailles les Romains de rechief les assaillirent auât que les ennemys sceussent rien de leur venue & depuis facilement prindrent le reste & misrent à sac quasi toute la cite & taillerét en pieces tous les hommes qu'ilz trouuerent pour despit de ce qu'ilz auoient tant endure à les assieger. Ayât Cesar obtenue ceste victoire, avec son exercite tira droit en leur pays, & pource que les autres Auernatz attédans la guerre auoient preoccupé les pontz par lesquelz les Romains debuoyent passer, Cesar doubtant en quelle maniere il deust passer, s'en alla par quelque espace tenant son chemin tout le long de la riué du fleue qui se nomme Aliet,

Vergentorix capitaine des Auernatz rebellez.

Vierzon assiegee.

Les villes de Berry bruslees par les Auernatz.

Vierzon prinse.

Aliet fleue.

regar-

regardant s'il pourroit trouuer aucun lieu bas d'eau auquel il peust passer à pied, toutesfois arriué en vng certain lieu palludueux & vmbraigeuz enuoya ses carriages avecq la plus grand partie de son exercite assez auant à la longue, leur ayant commandé qu'ilz vlassent d'ung certain ordre estéu en long par lequel feissent demonstration que ce feust tout l'exercite, & il demourant avec la plus grand partie de son armée fait couper des arbres dont il fait faire certains vaisseaux à passer appelez zatteres sur lesquels il passa le fleue, estans les Barbares ententifz à ceulx qui passoient sur le riuage pensans que Cesar feust en leur compaignie: & depuis auoir reuocqué ceulx qui estoient procedez oultre durant la nuict, & les ayant fait passer le fleue par vng semblable moyen occupa facilement le pays. Toutesfois les ennemis se estans retirez à Clermont & emportans toutes les choses plus precieuses qui feussent en leur pays, eut Cesar vne grand peine en vain durât ce siege, par ce que la roche estoit sur vng thureau moult fort & munie de murailles assez fortes & espesses, & les barbares ayans occupez tous les lieux haulx circonuoyfins la gardoient en maniere qu'ilz pouoient illec demourer seurement & auoient aduantage sur ceulx qui les venoient assaillir. ioinct que Cesar campegeoit en vne plaine ne pouant prendre aucun lieu fort, & aussi il ne scauoit ne congnoissoit aucune chose du fait des ennemis. Et par le contraire les barbares (comme ceulx qui estoient plus haulx) pouoyent veoir au camp de Cesar, & vsoyent de courses à eulx opportunes: & si d'adventure ilz festoyent procedez plus auant qu'il n'estoit licite, se retiroyent facilement & pouoyent retourner en leurs fortresses. Mais les Romains par voye aucune ne se pouoient approcher de plus pres que vng gest de pierre ou d'ung dard. Cesar d'ocques voyant que ce faisant le temps se consumoit en vain, & souuentefois estant allé au hault ou estoit edificiee & construite la cité, obtint vne partie d'icelle, de sorte qu'il y fait vne forteresse affin de plus facilement faire ses courses: mais vniuersellement il estoit dechassé en derriere, perdant tousiours plusieurs de ses souldardz: & les voit qu'ilz ne cessoyent de combatre, & que ce pendant ces choses festoyent les Ostunoyz esmeuz & mutinez. Et oultre, estant allé Cesar à l'encontre d'eulx & que ceulx qu'il y auoit delaisse auoyent esté mal traictez, se leua par ce que les Ostunoyz des le commencement obseruerent les accordz & luy enuoyerent secours; mais depuis vindrent au combat contre leur volunté, deceuz tant des autres come de Litauicus lequel ne leur ayant peu persuader par autre voye qu'ilz se voulussent rebeller, traicta qu'il luy fust commis pouoir cōduire quelque nombre de gens au secours de Cesar: & est vray qu'il se departit comme s'il eust eu telle intention: mais ayant commandé à aucuns de ses gens de cheval d'eulx en retourner & dire que ceulx qui estoient allez avec luy ensemble toz les autres qui desia se trouuoient avec les Romains auoient esté prins & occis d'eulx mesmes, cōcita à yte ses souldardz ayât dict certaines choses cōuenables à celles que rappor-

zatteres.

Les Ostunoyz rebellez.

toyent

toient les messaigers, & ainsi ceulx cy se rebellerent & prouocquerent tous les autres à faire le semblable. Au moyen dequoy Cesar de ce aduertuy enuoya les Ostunoys qu'il auoit avecq luy & qu'on disoit auoir esté par luy & les siens occis, à ce que chascun peust congnoistre le contraire. Et ce faict, tira oultre avec ses gens de cheual, parquoy les Ostunoys se repentirent, & se reconcilierent. Mais en ces entrefaictes les Romains ayans esté rompuz pour l'absence de Cesar & du tout départiz de la cité assiégée, ceulx qui auoyent esté cause de la rebellion eurent paour, & feirent depuis nouuelleté: ce que oyans ceulx qui estoient à la fouldé, demanderent congé à Cesar de retourner en leur maison, luy promectans de r'appaiser le tout: & ainsi licenciez s'en vindrent à Noyon ou les Romains auoyét retiré viures & deniers & plusieurs voyfins occirent leurs garnisons lesquelz ne se doubtoient telles choses leur aduenir, avec la faueur des homes du pays, & eurent le tout en leur puissance, & bruslerent ceste cité à ce que les Romains ne l'eussent pour forteresse de laquelle tirassent ou bon leur semblaist, & feirent rebeller tous les autres lieux des Ostunoys, dont Cesar aduertuy tenta bien de aller subitement contre eulx avec son exercite, Neantmoins ne pouant au moyen du fleue de Loire, tira contre ceulx de Langres ou il ne fait encores en ce lieu grand faict. Mais Labienus ayant obtenue l'isle laquelle est au fleue de Seine, & ceulx qui parauât festoient mis en peril en terre ferme, feist le passage en plusieurs parties selon le cours de l'eaue: & au contraire, affin qu'il ne fust empesché, passant seulement par yng lieu. Touteffois auant que tout ce arriuaist Vergétorix desprisant Cesar pour les rottes qu'il auoit eues, s'en alla avec son exercite cõtre les Sauoyfiens & Daulphinoys, quoy faisant retira Cesar lequel estoit entre les Bourguignons meu pour venir donner secours aux Daulphinoys, & l'environna de tous costez. Neantmoins ne luy peut faire nuyfance ains plus tost arriua le contraire, car il contraignit les Romains d'estre preux & vaillans hommes, desesperans de leur salut. Et il pour sa multitude & pour son audace, fut rôpu: & encores surprins en partie des Celtes, qui estoient en la compagnie des Romains, par ce que ayans les Celtes adiousté aux corps infatiables de impetuosité vne audace, rompirét le circuyt: & Cesar auoir trouué ceste inuétion ne demoura en paix, mais restrainctz les ennemys qui s'en estoient fuyz en Auxois les assigeoit. Et ce pendant Vergétorix auât qu'il fust referré, de to<sup>o</sup> costez enuoya dehors ses gens de cheual tant pource qu'il n'auoit plus de viures pour ses cheualx cõme encores affin qu'ilz allans chascun en son pays amenassent les choses necessaires, avecq secours. Touteffois depuis qu'ilz retarderent, & luy commencerent les viures à deffaillir ilz misrent leurs femmes hors de la ville & les petitz enfans plus inutiles qu'ilz eussent, ayans vne vaine esperance que les Romains les sauluaissent pour les auoir en lieu de proye, ou pour le moins que ceulx qui demouroient (mangeans ce que leurs femmes & enfans eussent mangé) peussent plus longuement viure. Mais Cesar pareillement de

Noyon  
bruslee par  
les Ostu-  
noys.

sa part n'auoit viures en abondance si que il peust repaistre autres que les siens, pensant à ceste cause qu'il mettroit plus grand cherte entre les ennemis retournant ce peuple en la cité, & aussi esperant qu'ilz les receuroient les dechassa tous: lesquelz n'estans acceptez de l'une ne de l'autre partie, entre la cité & l'exercite miserablement moururent. Mais le secours des gens de cheual & des autres par eulx amenez vindrent bien peu apres deuers les barbares, touteffois furent prohibez & empeschez par les gens d'armes Romains: & depuis ayans tempte d'entrer en la cité de nuit pour le bestail qu'ilz conduisoient, soustindrent grand dommage par ce que les Romains auoient fait plusieurs fosses occultes mesmes es lieux plus aptes à cheualcher & en icelles fiché des paulx ayas fait le terrain tout d'üg esgal & semblable, en maniere que les hommes & cheuaulx entrés esdictes fosses receurent tresgrand ennuy, touteffois ne se remurét iusques ad ce qu'ilz & ceulx de la cité qui fortirét dehors ayas cöbatu pres les mesmes forteresses furent rompnz. Vergentorix doncques s'en pouoit bien fuyr par ce qu'il ne fut prins ne blessé ains ayant esperance pource que autreffois auoit esté amy de Cesar de obtenir pardó vint vers luy sans aucú saüfcöduit. Estant Cesar assiz sur vng tribunal Vergentorix arriua, dont plusieurs furent moult esmerueillez, car il estoit moult hault de stature, & auoit vne terrible apparence. Estant arriué & silence faicte ne dist aucune chose, ains agenouillé deuant Cesar & les mains ioinctes demáda misericorde, & ainsi luy & les autres faisoient pitié & commouoient à compassion par l'aspect & presente vision: mais Cesar luy imputoit ce pour lequel especiallement il pensoit obtenir le pardó, que opposant l'amytie à l'inimitié qu'il luy auoit demonstrée declairoit comme l'iniure auoit esté plus grande, & pour ce n'eut si tost misericorde de luy ains incontinent le meist en prison, & depuis l'ayant conduit avec luy au triumphe le feit mourir. cela dócques fut apres, Mais alors il vainquit aucuns des barbares par composition de ceulx qui estoient demourez & aucuns vaincuz par luy en bataille les reduist en seruitude, par ce que les Belges leurs voisins ayans occupé vne petite ville appelée Arras leur firent tresgrand resistance, & combattirent deuant icelle faisans deux batailles de gens de cheual, & la troisieme fois venüz au combat avec vne bataille de ges de pied & auoir esté en ce esgaulx depuis furent rompuz des gens de cheual qui les vindrent surpredre à l'impourueu, au moyen dequoy ceulx qui resterent laisserent le camp la nuit subsequente & passant parmy vne förest y allumerent le feu, laissant seulement leurs chariotz à ce que les ennemis retardans pour ceste cause & du feu ilz peussent paruenir au lieu de seureté. Touteffois ne leur succeda ainsi qu'ilz esperoyent, par icele incontinent les Romains aduertis de leur retraicte, se misrent à les suyure & pourchasser tresdilligemment, & iceulx acconsuyuis droitement ou le feu auoit esté allumé partie en estoufferent & partie taillerét en pieces, & aucuns passez par le trauers de la flamme, & rencontréz, furent occis, &

Cruaulte  
des Auver-  
gnatz en-  
uers leurs  
femmes &  
enfants.

Vergéto-  
rix prison-  
nier.

Les Belges  
deffaitz.

les

les autres se accorderent avec Cesar. Mais Atrebes s'estant saulvé à la fuyte ne demoura pour ce en repos, ains tenta de mettre embusches cõtre Labienus: touteffois vaicu en bataille, luy fut persuadé de parleméter avec Labienus, non pourtant ayant depuis esté blessé par vng Romain ne sachant qu'il se fust reconcilié se mit en fuyte, & de rechief fut moult al pre aux Romains & iusques à ce qu'il (desesperant de tous les affaires presentes) feist que les autres qui auoyent esté avecq luy eussent liberté planiere sur ses negoces, pourueu qu'il ne fust iamais tenu se représenter d'aucú Romain: & ainsi se accorderent: & les autres depuis (les aucuns par force de bataille & les autres par composition) furent subiuguez, & en partie les humilia & en partie les domesticqua par gouverneurs & presidens, & avec iustification & avecq attente de deniers & de tributz. Ces choses en ceste maniere furent finies estans consulz Lucius Paulus & Gaius Marcellus. Mais Cesar entant qu'il appartenoit aux Gauloys & au temps qui luy auoit esté concedé pour estre president en Gaule, se debuoit departir & retourner a Rome, car eu esgard à son departement & que la guerre estoit finie n'auoit aucune honneste occasion qu'il ne laissast les exercites, demourant comme homme priué. Mais pource que les affaires de la cité estoient en sedition, que Crassus estoit mort, & que Pópée encores vne autre fois s'estoit fait puissant (cõme celluy qui auoit esté trois fois cõsul) & auoit traicté que la prouince d'Espaigne luy fust commise, & desia ne luy estoit trop amy (estant especialement decedé vng enfant à Pompée qui les retenoit en amytié.) Cesar doubta que se trouuant desnué de souldardz ne fust reduict soubz le commandemét de Pompée, ensemble de tous les autres ses ãnemys, & ne les voulut delaisser, par ce que en ces ans furent certaines menées & trafiques seditieuses en la cité, especialement es elections, en maniere que sept moys apres Caluinius & Messalla furent designez consulz, & encores alors n'eussent esté esleuz si Quintus Pompée Ruffi n'eust esté incarceré par ordonnance du Senat, non obstant qu'il fust nepueu de Sylla, & Tribun: lequel decret fut fait encores cõtre tous autres qui eussent eu volunté de fuyure telles mutineries, & à Pompée fut concedé le secours contre les mutins. Et aucunesfois les augures empescherent que les elections ne se feissent n'estans propices aux interieurs: mais sur tous, les Tribuns, qui gouvernoyent les affaires de la cité: de sorte qu'ilz en lieu des Preteurs faisoient les solempnelles cõgregations, empeschoyét que les autres magistratz fussent esleuz. Pour ceste cause fut encores Ruffus constitué prisonnier. D'auantaige tous les Tribuns oultre les autres occasions qu'ilz auoyent pour empescher l'electiõ des magistratz, introduisoient que en lieu de Consulz feussent constituez des Cilliarques, comme autrefois auoyent esté designez. Et se voyans frustrez, dirent que pour le moins estoit necessaire que Pompée feust crée Dictateur: & demourerent par quelque espace de temps sur ce traicté, pource qu'il estoit hors la cité, & avec ce que les presens n'y assentoient, ioinct aussi qu'ilz auoyent

Quintus  
Pompée  
Ruffi prisonnier

gran-

grandement en haine la dictature pour la crudelité de Sylla, ny encores auoyent audace de contredire pour la paour qu'ilz auoyét de Pompée. Finalement il venu en personne ne voulut accepter la dictature à luy concedée, ains traicta que les cōsulz feussent desseignez, neantmoins ilz ne constituerent leurs successeurs si tost pour le trouble fait au moyen de l'occision des hōmes aduenue en la cite, bien qu'ilz eussent delaiissé les robes cōsulaires: & auoir assemblé le Senat en habit de cheualiers, comme se feust vne angoisse publicque, decreterent que aucun ne ayant esté ne preteur ne consul ne peust obtenir les prefecteurs estrāgieres auant cinq ans passez. & ce feirent affin que les hōmes pour lors non estans en aucune puissance cessassent leurs ambitions, car ilz n'obseruoient aucune modestie, ne faisoient aucun bō acte, ains se incitoient l'ung contre l'autre despensans grosses sommes de deniers & faisans encores plus grand trouble, en maniere que vne fois Calurnius fut blessé. Nul dōcques ne Preteur ne Consul ne Prefect de la cité leur succeda. Mais au contraire les Romains au commencement de l'an demourerent sans aucun gouuernement, au moyen dequoy ne aduint aucun autre bien, & le marché qui se tenoit de neuf en neuf iours fut remis au premier iour de Ianuier. Et fut ceste chose par eulx diuulgée nō comme interuenue par fortune, mais par vng monstre, par ce que vng oysseau sinistre fut veu prins en la cité, les statues suerēt par l'espace de trois iours, & vne lampe arduant courut de la part Australe, en Orient. Aussi plusieurs sayettes & escailles de poisson plaines de sang estoient portées en l'air, & me semble que ce qui fut déterminé par decret l'année precedant & en la fin d'icelluy iouste les dieux Isides, & Serapides, ne fut moindre monstre que les autres, par ce qu'il sembla au Senat que fussent destruitz les temples lesquelz auoyét esté faitz par aucuns priuēment, car ilz n'estoyent contrainctz reuerer ces dieux long temps parauant, mais pource qu'il fut ordonné estre adorez publicquement, edificerent leurs temples hors les murailles de la cité. Estans doncques pour lors la constitution de la cité telle & sans gouuernement, quasi chascun iour se faisoient occisions, & si ne mettoient fin aux electiōs des magistratz, combien qu'ilz cherchassent auecq grand estude & vlassent pour les obtenir promesse de la dixiesme partie, & encores de meurtres. Au moyen dequoy Milon, qui demandoit le consular, rencontrant Claudius en la rue nommée Appie, de prime entrée le naura, & craignant que apres ne le pour suyuit depuis le tua, espārant que puis qu'il mettoit en liberté les serfs qui faisoient ce fait, plus facilement seroit absoulz de l'auoir occis que nauré, si depuis il feust reuenu en santé. La mort duquel Claudius entendue par ceulx qui demouroient en la cité, se contristerent griefuement, car les mutineries estoient commencement de guerre & de grands maulx. D'auant aige ceulx qui teporisoyent, bien qu'ilz eussent Claudius en haine, neantmoins rāt pour la cōpassibilité humaine que pourte que soubz telle occasion, se vouloiet deliurer de Milon, l'auoiet moult à mal, & ayās trouuē

Calurnius  
blette.Dieux  
Isides &  
Serapides.Claudius  
occis par  
Milon.

en tel-

Ruffus &  
Titus,  
Munacius  
Plaucus.

en telle yre Ruffus & Titus, Munacius Plaucus les conciterent à plus grand courroux, par ce qu'ilz estans tribuns porterent le corps mort au mylieu de la place des le matin & le misrent sur vng tribunal le demonstrans à chascun y superadioustant les parolles qui leur sembloiet necessaires, & faisans plusieurs lamentations, en maniere que le peuple tant pour le regard de ce corps que pour telles parolles & lamentations qu'il oyoit, se troubloit grandement, & desia ne faisoient plus estime des dieux, ains confondoyent toutes les cerimonies au parauant obseruées es sepultures, & peu sen faillit que ilz ne bruslassent toute la cité. Et auoir prins le corps de Claudius le porterent au Senat & illec le beneirét, en apres ayans fait vne pille de boys bruslerent tant le corps que le palais mesmes. Et ne fut telle chose par eulx faicte tant par impetuosité (comme souuét aduient entre peuple au moyen des seditions) ains plus tost par deliberation, par ce que le iour ensuyuant feirent les choses appartenans au soupper en la place, fumant encores le palais. Et oultre ce, voulurent brusler l'hostel de Milon n'eust esté l'empeschement fait par aucuns de ses amys illec suruenans. Mais Milon qui iusques à ceste heure auoit esté en grand frayeur, estoit celé & gardé non seulement d'hommes priuez, ains encores de cheualiers & de senateurs. Lequel voyant les choses succeder en ceste maniere, eut esperance que l'yre du senat se retourneroit cōtre l'exces de ses aduersaires, & incontinent le matin ensuyuant estans assemblez & delibérés de ce mesme fait, firēt decret que vng Entreroy fust crée auquel & aux autres tribuns fust cōmise la garde de la cité & encores à Pompée, & qu'ilz donnassent tel ordre que aucun dommaige n'arriuaft en la cité.

Comment Milon fut condainne pour la mort de Claudius.

Chapitre

XXVII.



LE decret ainsi fait Milon proceda en public, & demanda le consulat plus instamment que deuant, parquoy plus que parauant furent dressées batailles & occisions, si que le Senat confirma de rechief les choses predictes, enuoyat querir Pompée, auquel il commit faire nouvelle leuée de souldardz, & si muèrent & changerent leurs robes. Et il estant venu non gueres apres se rassemblerent & reduirent hors les murailles de la cité en vng theatre auquel ilz determinerent que les os de Claudius fussent emportez, imposans à Faustus filz de Silla de faire reedifier le palais lequel estoit le premier ediffié par Hostilius, mais depuis auoit esté renouellé par Sylla: & pour ceste occasion leur pleut le faire reedifier, & affin qu'en faisant reedifier vng autre, le nom de Silla se desinist. Toutefois estant la cité pensifue sur l'estat des magistratz, & aucuns tenans opinion qu'on deust eslire Pompée comme dictateur, & autres Cesar comme consul, par ce qu'ilz tant les honnoroyent de industrie pour les choses par eulx faictes, qu'ilz determinerent que feussent faictz certains sacrifices par l'espace de

de soixante iours craignans autant l'ung que l'autre, & les autres senateurs & Bibulus (lequel premier enquis deuoit dire son oppinion) preoccuperent l'impetuosité du peuple concedant à Pompée le consulat, afin qu'il ne fust nommé dictateur, & à luy seul, à ce que Cesar ne fust cōsul avec luy: & feirēt ceste chose estrange laquelle iamais n'auoit esté obseruée à personne: & sembloit qu'ilz eussent cela fait iustement, par ce que Pompée estāt moins favorable au peuple que Cesar, eurent esperance de l'oster du tout de ceste dignité & se l'approprier. chose qui depuis aduint, car Pōpée esleué pour la nouvelle dignité non iamais pensée, ne communicquoit aucune chose pour complaire à plusieurs, ains faisoit studieusement tout ce que plaisoit au senat: neantmoins ne voulut seul demourer au consulat par ce que ayant obtenue la gloire que seblable decret fust fait pour luy, depuis declina l'enuie de cest honneur, & craignant que estant la place vuyde Cesar ne luy feust donné pour compaignon tant pour sa puissance que pour la faueur qu'il auoit du peuple traicta par le moyen des tribuns qu'il fust concedé à Cesar quant il seroit temps legitime demander le cōsulat estant absent: & fait cela pour donner à congnoistre Cesar n'auoir esté en tout desprisē & que par ceste occasion n'eust iuste cause de foy desdaigner: & print pour son compaignon Quintus Scipion, lequel estoit son beau pere & auoit esté accusé d'auoir promis la decime & si estoit filz de Asiatic<sup>9</sup>, mais pour vne succession auoit esté adopté en la lignée de Metell<sup>9</sup> Pius: au moyē dequoy portoit son surnom: & auoit donné vne sienne fille pour femme à Pompée duquel il auoit receu le consulat ensemble l'absolution de n'estre accusé, par ce que plusieurs auoyent esté condemnez pour semblable delict: especiallement pource que les iuges se demonstroyent plus diligens qu'ilz n'auoient acoustumé pour les loix de Pompée comme celluy qui eslisoit les hommes desquelz il deuoit tirer dehors par sort les iuges & diffinir le nombre de ceulx qui deussent deffēdre l'une & l'autre partie à ce que les iuges ne se troublasent pour la multitude des delinquans: & ordonna temps de deux heures à celluy qui se rendoit accusateur pour dire & exprimer son accusation, & à l'accusé pour se deffēdre trois: & pource qu'il sembloit estre vng tresgrad dommaige que les accusez donnoyent aucunes louenges, & que plusieurs louez de hommes dignes de foy estoient tirez hors le iugemēt, il corrigea ceste coustume ayant fait vne loy que de la en oultre ne feust licite à aucun faire semblable chose. Et ceste loy & aucunes autres choses furent esgallement ordonnées cōtre tous les iuges: mais de ceulx lesquelz auoyent obtenu magistratz & dignitez avec promesse de la decime, il constitua accusateurs ceulx qui parauāt auoyent esté attainctz de semblable delict, leur ayant preposē salaire non petit, par ce que si vng eust conuaincu deux des hommes semblables à luy ou inferieurs ou de ceulx que feussent plus grandz que luy en vng semblable delict estoit pardōné. Plusieurs autres dōcques à ce moyē furent condemnez, & entre autres Claudius Hipseus qui auoit demandé le

Pompee  
esleu cōsul  
seul.

Loys sur  
les recusa-  
tions des  
iuges.

consulat en concurrence de Milon & de Scipion ; car de tous ceulx qui auoyent pour ce donnez presens il seulesment fut condemné. Pour autat que Scipion bien qu'il fust accuse ; toutefois pour la faueur de Pompée ne fut cōdemné, & ne fut Milon encoulpé de semblable delict ; considéré qu'il estoit chargé de plus grād accusation, assauoir de homicide: mais ayant esté examiné sur icelle depuis fut condemné ; par ce qu'il ne peut faire aucune violente resistance, Ioinct que Pompée gar doit le reste de la cité & entra au lieu ou estoient les iuges avec multitude d'hommes armez, & aucuns faisans pour ceste cause tumulte commanda à ses souldardz qu'ilz les dechassassent de la place les frappans à coups de plat d'espées, & voyant que pour ce ne se taisoyét, ais disoyét plusieurs iniures cōme qu'ilz eussét esté polluz en ieu, alors aucuns furent blesez qui depuis en moururét. Les iuges dōcques par ce moyē estoient fort appaifez, & plusieurs furent cōdemnez tāt pour autres choses cōme pour la mort de Claudius: & entre les autres Milō (cōbien qu'il eust Cicero pour son aduocat & deffenseur) par ce que ce orateur admirable voyant Pōpée & tous ses souldardz armez au lieu du iugement contre la coustume fut moult esbahy & eut si paour qu'il ne allegua aucune des raisons par luy premeditées, ains ayant dict peu de parolles & mortes avec grand difficulté luy sembla ne faire peu de se pouoir departir de ce lieu. Mais ceste oraison que maintenant nous appellons Millioniane, & que maintenant auons en lumiere, composa long temps apres, estant en repos & depuis qu'il eut recouert le couraige, & tel dict se recite de Milon que luy estant paruenue ceste oraison entre les mains que luy auoit enuoyée Cicero, pource qu'il estoit banny luy r'escripuit que fortune luy auoit esté prospere en ce que Cicero ne l'auoit prononcée selon la teneur en laquelle elle estoit escripte : car il n'eust esté banny, ne mangé de si bons poissons en Marseille: & luy r'escripuit en ceste sentence non pource qu'il fust content d'estre banny (car il feit plusieurs choses audacieusement pour retourner en son domicile) mais voulant picquer Cicero, lequel n'ayant dit aucune chose à propos en sa deffense lors qu'il en estoit besoing, depuis auoit pensé ceste oraison sans aucun fruit & la luy auoir enuoyée comme que à l'heure luy peust ayder en quelque chose. Milon doncques fut en ceste maniere cōdemné ensemble Ruffius & Plaucus si tost qu'ilz furent yssuz de magistrat avec plusieurs autres, pource qu'ilz auoyent brulé tout le palais, combien que Pompée fauorisa Plaucus si que il enuoya vne oraison en sa louenge qui supplioit les iuges: & par ce que Marc Catō lequel deuoit estre iuge dist ne vouloir admettre ce collaudeur qui destruisoit luy mesmes sa loy ne donna sa febue estant de Plaucus refusé comme celluy qui debuoit opprimer contre luy : car selon la loy de Pompée estoit licite à l'ung & à l'autre à scauoir à l'accusateur & à l'accusé recuser cinq iuges telz que bon leur semblaist : mais les autres iuges le condamnerent ne leur semblant le pouoir raisonnablement absouldre ayans condemné Ruffius pour semblable delict

Ruffius &  
Plaucus  
bannis.

liât, & pource qu'ilz veoyent Pompée les fauoriser, luy opposerent à ce qu'ilz ne peussent estre plus tost ses serfz que iuges (bien que Cicero pour lors n'accusast mieulx Plaucus qu'il n'auoit deffendu Milon) par ce que ce estoit vng mesme aspect de ce iugemēt, & Pópée en l'üg & l'autre leur auoit esté aduerfaire pquoy ne leur fait petite frayeur la secōde fois. Alors doncques Pópée traictoit les choses predictes, & renouuella la loy faicte des electiōs q̄ ia estoit mise en oubly & cōmādoit que ceulx q̄ demāderoiet quelque magistrat deussent venir avec moyen en la cōgregation & nul absent peust estre esleu, cōfirmāt oultre le decret peu auāt faict, que ceulx qui eussēt tenu magistratz en la cité ne fussent esleuz que apres les cinq ans passez : toutefois il mesme qui auoit confirmé ce decret n'eut honte peu apres de prendre le gouvernement d'Espaigne pour l'espace d'autres cinq ans & de conceder à Cesar que en absence peust demander le consulat ainsi que premierement auoit esté déterminé. Et le tout fait, pource que les amys de Cesar se deulloyent grandement de luy & auoyent adiousté à ceste loy qu'il fust licite seulement à ceulx ausquelz auoit esté concedé par nom & apertement : mais cela estoit autant comme si au commencement n'eust esté faict prohibition aucune, par ce que comint que ce fust ceulx qui pouoyent quelque chose debuoyent traicter que pareillement telle chose leur feust concedée. Pompée doncques gouvernoit les affaires de Romme en ceste sorte. Mais Scipion ne fait aucune loy & deslia celles qui auoyent esté mises par Claudius sur les censeurs, & sembla qu'il le feist pour leur complaire, car il leur rendit la puissance qu'ilz auoyent premierement : neantmoins le contraire leur aduint, par ce que estans plusieurs hommes vilés tant au senat que en l'ordre Equestre ce pédāt q̄ ne leur estoit licite priuer aucun qui eust esté accusé ou condéné, ilz n'auoyent aucun blasme pour ceulx qui n'auoyēt esté remuez : mais ayant recouure l'anticque puissance pour laquelle leur estoit licite pour la vie de chascun de faire cela à l'heure ilz ne pouoyent soustenir de offenser plusieurs personnes ne encores les vouloyent encouler comme ceulx qui ne prenassent ceulx qui estoient en quelque deffault, & pour ce respect nul homme prudent desiroit ce magistrat. De quant dōcques appartient aux censeurs fut faicte ceste determination. Mais Caton autrement ne se esmayoit d'aucun magistrat, ains voyant que Cesar & Pópée se faisoient grandz au preiudice de la Republicque Romaine & se doubtāt que eulx deux ésemble ne gouernassēt le tout, ou que venās en discord l'ung & l'autre feroient vne grand sedition, & que celluy lequel feust d'eulx vainqueur apres se feroit seigneur, les voulut deffaire tous deux auant qu'ilz paruinssent à tel effect, & demanda le consulat contre eulx, par ce que comme homme priué ne pouoit faire grand chose : mais estant venu en sus pition aux amys de Cesar & Pompée qu'il n'eust cela en volonté ne fut designé consul, ains Marc Marcel, Ruffius & Sulpitius, l'ung pour l'experience qu'il auoit es loix, l'autre pour son eloquence, & especiallement pource

Prouerbe  
de Caton.

qu'ilz (bien q'z ne v'fissent d'aucune violence ne de deniers neátmoins fai-  
foient plusieurs caresses & prieres à chascun.) Et par le contraire Caton  
ne vouloit flater aucun, parquoy ne tempta plus oultre de obtenir le consu-  
lat, disant estre office d'homme de bien de ne fuyr les dignitez quant elles  
luy sont concedées & encores de ne les desirer plus qu'il n'est conuenable:  
mais Marcellus pource qu'il estoit du party de Pompée incontinent trai-  
toit de deffaire Cesar introduisant plusieurs choses cõtre luy & entre au-  
tres que luy feust enuoyé vng successeur, voire encores auant le temps à luy  
ordonné: auquel resistoyent Sulpitius & aucuns tribuns pour se gratifier à  
Cesar, touteffois Sulpice se conioignit avec eulx pource qu'il ne plaisoit  
à plusieurs que vng preffect fust priué au mylieu de son temps & terme sans  
sa coulpe. Dont Pompée aduertty lequel s'estoit party de la cité comme qu'il  
voulust aller avec l'exercite en Espagne, touteffois n'estoit écores fortly de  
Italie, ains ayant ordonné à ses capitaines ce que estoit necessaire demouroit  
moult intentif à ce que chascun iour se faisoit en la cité.

Comment Cesar & Pompée commencerent à  
discorder ensemblement.

Chapitre

XXVIII.



Auantaige il faignit la deposition de Cesar ne luy estre agreable,  
neantmoins traittoit que son terme finy (qui encores ne debuoit  
escheoir) il delaisast les armes & sen retournaist à Rome comme

Gnee Mar-  
cel.

Gaius Cur-  
ion.

homme priué. Et pour ceste cause procura que Gnee Marcel son nepueu ou  
son frere feust esleu consul, pource qu'il estoit ennemy de Cesar, non obstát  
qu'il fust son parent par vng certain mariage, Aussi feit que Gayus Curion  
qui auoit vne ancienne inimytié contre luy feust crée tribun. Et Cesar qui  
aucunement ne se pouoit reduyre en estat d'homme priué de vne si longue  
principaulté, craignát venir entre les mains de ses ennemys se mettoit en  
ordre pour retenir le premier estat (encores cõtre la voluté de ses ennemys)  
recueillant souldardz & deniers & faisoit faitz d'armes, cominandant à  
chascun d'eulx amyablement, & en ce voulant encores disposer auát les af-  
faires de son hostel à ce qu'il ne semblaist le faire par force, ains par persua-  
sion delibera se faire beniuole Curion, qui estoit yssu de la lignée des Curions,  
homme tresacut, eloquent & moult agreable au peuple & non subiect à pe-  
cune ou il veoit pouoir obtenir quelque chose pour luy ou pour ses amys,  
& Cesar se le feist amy l'ayant acquitté de tous ses debtes qu'il auoit faitz,  
despendát pour ce fait plusieurs grosses sommes: mais Cesar pour parue-  
nir à son intention ne faisoit estime de deniers comme celluy qui en con-  
questoit tout ce quil cherchoit & desiroit, & promettoit à aucuns telles cho-  
ses desquelles n'auoit volenté leur attendre la minime partie, & flatoit non  
seulement les hommes liberes ains encores les serfz qu'il cõgnoissoit estre  
agreables

Nature de  
Cesar.

agreables à leurs maistres : au moyen dequoy plusieurs tant senateurs que cheualiers luy estoient affectez: & combien que Curion tint estroitement le party de Cesar, toutefois ne commença si tost à le fauoriser voulant chercher occasion de sembler s'estre changé non volontairement mais par necessité & vouloir, de quant plus il frequentoit les ennemys de Cesar de tant entendre leurs secretz. Et pour ces causes occulta sa volonté par bonne espace de temps, & à ce que suspicion ne se generast faignoit de entédre & dire toutes choses contre Cesar & suscitoit tousiours le peuple cōtre luy depuis qu'il fust esleu tribun: aussi faignoit plusieurs choses inconuenables tant aux senateurs que aux plus puissans d'entre eulx, especiallement à ceulx qui estoient grandz ennemys de Pompée, non pource qu'il le voulust ou l'esperast obtenir par decret, ains qu'ilz n'acceptans son dire ne feist aucun decret contre Cesar, pource que maintes choses leur estoient escriptes cōtre plusieurs: & ainsi eut honneste occasion de changer d'opinion. Il ayant doncques pour ce consumé assez long temps tantost avec vne occasion & tantost avec vne autre faignoit l'auoir pour mal & demandoit que vng autre moys fust imposé pour faire les determinations de telz negoces, cōbien que pour lors ne fust raisonnable le faire comme bien le scauoit il estât pōtiff: neantmoins encores instamment disoit ce debuoir faire. Et quand à ses parolles cōtraignoit les prestres, mais finablement ne leur pouant persuader de luy assentir (sicomme n'estoit son intention) ne leur endura encores pour ce respect faire aucun autre decret, ains ia manifestement deffendant la partie de Cesar pource qu'il ne leur auoit peu faire aucune resistance proposoit tout ce que ne se pouoit faire, especiallement qu'il estoit besoing que ceulx qui auoyent les armes entre leurs mains les delaisassent & donnassent congé aux gens d'armes, ou bien que encores Cesar ne se deust defournir de ses souldardz & se mettre entre les mains de ses ennemys, & disoit cela non qu'il voulust que Cesar le feist, ains pource qu'il scauoit certainement que Pompée ne assentiroit à ceste partie, par ainsi Cesar encores auroit honneste occasion de ne laisser ses gens darmes. Mais Pōpée voyāt qu'il n'y pouoit remedier se tourna manifestement à la partie plus aspre & manifestement faisoit & disoit contre Cesar ce que bon luy sembloit: toutefois ne fait rien, par ce que Lucius Paulus qui estoit compaignon de Marcell<sup>o</sup> & Lucius Pison sō beau pere & Cesar les fauorifoyēt. En ce tēps Appius Claudius & Piso (bien qu'ilz ne le voulussent) furent faitz censeurs, & lequel Appius claudius estoit moult cōtraire à Cesar pour estre du party de Pompée: neantmoins luy fait grand ayde & contre sa volonté, par ce qu'il nota plusieurs tant senateurs que cheualiers ayant à ce contrainct son compaignon, Quoy faisant fut cause que tous les nottez deuindrent Cesaris. Mais Pison lequel aucunement ne se vouloit donner empeschement & faisoit chere & recueil à plusieurs pour les faire amys de son gendre, ne fait chose semblable, & ne resiste encores à celluy que de-

Marcellus.  
Lucius pi-  
son.

Crispus Sa-  
luste, histo-  
rien.

chassa hors le senat tous les enfans des Libertins avecq plusieurs autres grans gentilsz hommes, du nombre desquelz fut vng nommé Crispus Salustius scripteur des hystoires & des Curions, lequel deuoit encores estre dechasse du senat, ains le examina avec Paulus duquel Curion estoit parét, & ainsi ne le dechassa: neantmoins publia sa sentence dedans le senat, en maniere qu'il ayant Curion à mal luy deschira sa robbe. Ce que voyant Marcel le pourfuyuant & pensant que le senat feroit quelque aspre decret contre Curion & pour son despit contre Cesar, meit en partie son fait, mais Curion au commencement faisoit resistance que aucune chose d'eulx ne se deult traicter: toutefois congnoissant que la plus grande partie des senateurs pour lors presens fauorisoient vrayement Cesar, & que aucuns autres auoyent de luy grand paour, leur donna licence de determiner ce que bon leur semblaist, ayant adiousté seulement les parolles: le me cõgnois moy mesmes que ie ne fais sinon ce que scay estre vtile à la patrye, neantmoins ie voy entre voz mains l'ame & mon corps, à ce que en vsez ainsi que bon vous semblera. Alors Marcel qui l'auoit accusé pensant certainement qu'il fust condemné depuis voyant qu'il auoit esté absoulz par la plus grand & saine partie fait vne chose moult griefue querimonie: & forty du senat se retira vers Pompée, estant pour lors au bourg, auquel il commist la garde de la cité avec deux legions ciuiles le tout de son auctorité propre & sans decret aucun, lesquelles legions estoient illec presentes outre les autres qui ia auoyent esté leuées: car Pompée premierement ce pendant qu'il estoit amy de Cesar luy donna vne des legions lesquelles estoient du nombre des Veterains, pource qu'il n'auoit aucune guerre entre ses mains & que l'autre auoit besoing de souldardz: mais depuis qu'ilz vindrent en discord l'ung contre l'autre luy voulant ceste oster, & encores vne autre legion faignit que Bibulus eust affaire de gens de pied contre les Parthes, & affin que ne feist nouvelle leuée de gens darmes, pource que le besoing requeroit celerité (& disoit que Cesar auoit gés de reste) feist faire vng decret estre necessaire qu'il & Cesar enuoyassent gens à Bibulus. A ceste cause ne luy enuoya aucun de ses souldardz, ains commanda à ceulx qui estoient commis sur ce fait qu'ilz demandassent de renfort la legion qu'il auoit donnée à Cesar, & ainsi en parolles tous deux luy en enuoyerent, mais en effect Cesar seul luy enuoya deux legions & obeyst ne voulant estre taxé de inobedience, esperant apres soubz couleur de ceste excuse r'assembler plus grand nombre de souldardz. Ces legions doncques furent mises en ordre pour estre enuoyez contre les Parthes: mais depuis qu'il ne fut mestier d'icelluy, Marcellus craignant premierement qu'elles ne feussent rendues à Cesar disoit qu'elles debuoyent demourer en Italie, toutefois alors ainsi comme i'ay dit il les meit entre les mains de Pompée: & pource que ces choses estoient faictes en la fin de l'an & ne debuoyent estre gardées par long temps comme celles qui ne pleussent ne au peuple ne au senat, mena deuers

Pompée

Pompée Cornelius Lentulus & Gayus Claudius, lesquelz deux ensemble debuoient estre consulz l'année ensuyuant:& feist encores qu'ilz commanderent ces mesmes choses, par ce que estant licite à ceulx qui estoient designez es offices & magistratz mettre en lumiere certaines lettres & faire certaines autres choses appartenans à leur dignité auât que leur temps fust aduenü penserét d'auoir encores sur ce auctorité. Et combien que Pompée en tous les autres affaires feust moult diligent, neantmoins n'eut cure ne soing des souldardz, ne comme, ne ou il les trouuaft, ains accepta moult voluntiers ceulx qui luy furent baillez par Marcellus, & depuis confirmez par les autres: neantmoins ne fut faicte aucune chose digne comme raisonnablement eust esté de faire en vne si grand emprinse, mais seulement demonstans l'inimytie qu'ilz auoyent contre Cesar ne se feirent fors chose qui donna occasion honneste à Cesar de retenir les legions qu'il auoit avec luy, Ioinct que Curion durant ce temps accusa grandement tant Pompée que les consulz enuers le peuple, & depuis finy son magistrat se retira hastiement deuers Cesar.

..

# Le Quarantevingiesme liure


DE DYON, HISTORIEN GREC,

Traduict d'Italien en Francois.

En ce liure est traicté du retour de Cesar en Italie, & comment Pompée ayant habádonné icelle se retira en Macedoine: puis comment Cesar conquist Espagne & nauigua en Macedoine suyuant Pompée, & cōme Cesar & Pompée combatirent ensemble & fut Pompée vaincu.



Comment Cesar retourna en Italic, & Pompée l'ayant habandonnée se retira en Macedoine. Chapitre XXIX.



VRion ayant depuis obtenu de Cesar lettres adressans au senat s'en retourna à Rome au cōmencement du moys auquel Cornelius Lentulus, & Gayus Claudius entrerent au consulat, lesquelles il ne presenta aux consulz auant qu'ilz feussent entrez dans le senat, de paour que receues hors icelluy, ne les eussent ocultées: parquoy demeurèrent assez auant qu'ilz voulussent conuocquer le senat: mais finablement furent contrainctz par Quintus Crassus Longinius & de Marc Anthoine tribuns de les publier. Anthoine doncques ayant faict ce benefice à Cesar debuoit recevoir grand recōpense & depuis estre exalté, & estoiet en icelles lettres cōtenues

tenuës plusieurs choses, assavoir tous les benefices cōferéz par Cesar à la re-  
publicque & l'excuse des choses à luy imposées, & leur pmettoit de licécier  
les gēs d'armes ensemble de laisser la prefecture pourueu que Pōpée feist le  
semblable: disant que l'autre ayāt les armes, n'estoit raisonnable qu'il se des-  
faisist de ses gēs pour apres estre mis es mains de ses ennemys. Et se faisans  
aucunes determinatiōs sur ce faict, ne disāt chascū son opinion affin qu'en  
ceste maniere aucū ne dist cōtre la propre volūtē, ou de paour, ou de vergō-  
gne, mais les senateurs diuisez en deux parties n'y eut celluy qui sententiaist  
Pōpée debuoir laisser les armes (p ce qu'il auoit sa gēdarmerie dās le bourg)  
ains tous determinerēt que Cesar delaisast les siennes, excepté vng nommé  
Marc Siciliē, & Curiō, qui auoit apporté ses lettres au senat, car ie ne dy riē  
des tribūs le squez n'estoiet cōtraictz passer plus de l'une que de l'autre ptie  
cōme ceulx qui auoient pouoir de dire leur sentēce & eulx taire ainsi que bō  
leur sebloit. Celā dōcques fut sentēciē p le senat, toutefois Anthoine ne Lō-  
ginius ne permissēt qu'en ce iour ne en l'ésuyuāt en fust aucune chose cōfir-  
mée, au moyē de quoy furent to<sup>s</sup> les autres troublez: lesquelz ayās faict decret  
que les robes se muassent, ce ne peut pffiter, pour l'epeschemēt faict encores  
p ces deux cōtredisans: neatinoms fut la sentēce escripte & avec icelle s'en-  
suyuit l'effect, p ce que to<sup>s</sup> les senateurs sortiz hors le senat & ayās pmutēz  
leurs robes y rētrērēt de rechef ou ilz traictērēt de pugnir les mutis: dōt ilz  
aduertiz au cōmēcemēt firēt resistāce: mais depuis craignās (especialēmēt  
par Lētulus aduisez qu'ilz deussēt sortir dehors auāt que les sebuēs fussent  
dōnées) dirēt & firēt plusieurs protestatiōs, & apres s'en allerēt avec Ciciliē  
Curion & Cesar, faisās petit estime d'estre priuez du senat. Alors dōcques  
fut faicte ceste determinatiō & la garde de la cité cōmise aux consulz & au-  
tres magistratz aīā qu'il estoit de coustume. Mais depuis festās transportēz  
hors les murs de la cité deuers Pōpée determinerēt que feust repūtē la repu-  
blicque estre pturbée, & luy feirēt deliurer deniers & gēs d'armes, faisās de-  
cret que Cesar deust laisser sa gēdarmerie & sa prefecture à ses successeurs,  
& luy presirēt tēps iusques à vng certain iour déterminé pour auoir licécie  
ses souldardz, ou biē qu'il seroit repūtē ēneimy de la patrie. De quoy Cesar  
aduerty: s'en vint à Rymene ou premierēmēt passa les termes de la puince à  
luy assignée: & ayāt reduict to<sup>s</sup> les souldardz ensemble, cōmanda que Curiō  
& to<sup>s</sup> les autres venuz avec luy deussēt clerēmēt & manifestēmēt tout ce que  
auoit esté faict en Romē. ce qlz firēt, & pour laquelle reciter furent cōcitez à  
y re to<sup>s</sup> les gēs d'armes, y ayās adioustē ce que le tēps lors present requeroit.  
Et depuis, son cāp leuē, s'en alla manifestēmēt à Rome, prenāt toutes les ci-  
tez qu'il trouuoit sās bataille, estās partie habādōnées de leurs gouverneurs  
& partie pour ce qu'ilz mesmes les mettoiet entre ses maīs. Ce que voyāt Pō-  
pée & auoir entēdu tout le vouloir de Cesar p Labinius (q s'estoit retirē du  
party de Cesar & luy descouurit tous ses secretz) cōmēca d'auoir paour: Et  
lon pourroit prédre merueilles cōme cestuy lequel de tousiours fut sur rous

Discord  
entre Pō-  
pée & Ce-  
sar.

Decret  
contre  
Cesar.

Longinius  
& M. An-  
thoine pri-  
uez du se-  
nat.

les autres honoré de Cesar si que il le fit capitaine de toutes les legions estés oultre les Alpes, ce pendant qu'il estoit en Italie auroit ainsi habádonné Cesar: mais l'occasion de cela fut pour ce que ayant Labinius acquis plusieurs richesses & gloire, commença à se trop exalter, au moyen dequoy Cesar ne pouant endurer qu'il feust esgal à luy ne l'aymoit plus tant qu'il auoit acoustumé, dont Labinius courroucé & craignant de ne soustenir quelque ennuy se retira à Rome. Pompée doncques tant pour les causes à luy rapportées de Cesar que pour auoir assemblé vne puissance egalle à la siéne, & qu'il congnoissoit les citadins de Rome & especiallement les Partisans craindre la guerre pour la memoire qu'ilz auoyent des faitz de Marius & de Sylla, & que volontiers s'en voudroyent deliurer, changea de volonté, & enuoya ambassadeurs à Cesar Lucius cesar qui estoit son parent, & Lucius Roscius son preteur, lesquelz se offrirent volontairement pour tenter s'ilz (euitans l'impetuosité de Cesar) le pourroyent faire condescendre à quelque honneste condition: Mais leur ayans Cesar respondu entre toutes les autres choses, qu'il auoit inserées en ses lettres qu'il eust volontiers parlé avec Pópée, plusieurs en furent mal contens craignans qu'ilz ne feissent quelque accord contre eulx mesmes, Toutefois depuis que les ambassadeurs disoyent plusieurs choses en la louenge de Cesar & finalement que les Romains ne endureroyent aucune violence de luy, & qu'il licencieroit incótinent ses gens d'armes, alors se resiouyrent, & luy renuoyerent ces mesmes ambassadeurs demandans instamment & cryans incessamment que l'ung & l'autre delaisfast les armes. Au moyen dequoy Pompée craignant (comme celluy lequel certainement scauoit qu'il seroit inferieur à Cesar si tous deux se mectoient à la discretion & entre les mains du peuple) se meist en campagne auant que les ambassadeurs retourmassent, comme qu'ilz les deust plus facilement combattre, & commanda que tout le senat le suuist ensemble tous les constituez en dignité, les ayás premierement asseurez par vng decret de pouoir peregriner: & apres auoir fait vne monitió precedéte, qu'il auroit ceulx qui demoureroyét, en semblable & egalle estime, que ses aduersaires: en oultre commanda qu'ilz determinassent que tous les deniers estans dans la cité feussent tirez dehors avecques toutes les offertes, esperant avecq ce subside assembler plusieurs souldardz, par ce que quasi toutes les citez luy portoyét si grand amour que peu auant (ayans entendu il estre malade iusques au peril de mort) feirent veux & sacrifices pour son salut. Et nul ne pourroit contredire que ceste chose faite par luy ne fust grande & magnificque, par ce que de nommer vng autre pour lequel eust esté faite la semblable, seroit impossible & pour ceulx qui eurent entier empire: roateffois n'auoyent certaine foy de ne l'abandonner pour craincte de l'autre qui estoit le plus puissant. Ces choses dócques tát de deniers que des offertes furent déterminées, neantmoins ne l'une ne l'autre furent executées, par ce que ayant ce pendant entendu comme Cesar n'auoit respect à aucune chose pacifique aux ambassadeurs,

Ambassadeurs de Pompee a Cesar.

fadeurs & apres les auoir reprins griefuement comme ceulx qui luy auoient menty & oyans cōme il auoit plusieurs souldardz temeraires, & oultre estāt le bruyt comme souuent aduient en semblables choses, qu'ilz feroient plusieurs maulx, commencerent grandement à craindre, & se partirent auant qu'ilz touchassent aucunement des choses predictes. Et pour ceste occasion, & toutes les autres, encores la leuée de ceulx cy fut plaine de tumulte & de trouble, car ceulx qui sortoyēt dehors quasi tous les principaulx du senat & de l'ordre des cheualiers, & oultre ce encores du peuple, de parolles s'en alloient à la guerre, mais en effect enduroyēt passions semblables aux prisonniers, par ce que estans cōtrainctz habādonner leur patrie ensemble la conuersation en icelle & de estimer les autres murailles leur estre plus certaines que les leurs propres, se contristoyent & lamētoyent grandement, car ceulx lesquelz auoient acoustumé avec toute leur famille viure en liberté habandonnoyent les temples, leurs maisons, ensemble le territoire de leur patrye comme ceulx qui subirement debuoyent tomber es mains de leurs ennemys & auoyent telle pensee que encores qu'ilz fussent sauluez, habiteroient en Macedoyne & en Thrace, pour autant qu'ilz cōgnoissoyent bien l'intentiō de Pōpée: & ceulx qui laissoyēt leurs femmes & enfans avec le reste de leurs biens plus precieux sembloiēt auoir quelque esperāce de leur patrie, toutefois se departoyent avec plus grand incommodité que les premiers, comme ceulx qui se separoyent des choses que plus ilz aymoyēt: & estoient posez entre deux fortunes tres cōtraires, par ce que laissans entre les mains de leur tresennemy les choses à eulx ttescheres, volontairemēt se mettoiet au peril: & estans encores prōptz, se deuoyēt priuer d'icelles, & finablemēt ne auoir amy ne l'ung ne l'autre, ains plus tost to<sup>9</sup> deux ennemys. Cesar, pource qu'ilz n'estoyent demourez en Rome, mais Pompée, pource qu'ilz n'auoiēt amené avecq eulx leurs femmes, enfans & autres leurs richesses, en maniere que estans mis en doubte tant avec leurs pēsees, veulx qu'avec esperāce, estoient separez avec les corps de leurs trescheres choses, & auoyent l'entendement diuise en deux parties. Ces passios enduroyent doncques ceulx qui estoient fortiz hors de Rome, mais ceulx qui n'y demouroiēt enduroyēt differentes passions, & encores en cōtrariété, par ce que ceulx qui se veoyent diuisez de leurs parens cōme priuez de leurs principaulx & ne se pouans secourir eulx mesmes laissez au mylieu de la guerre, & pour demorer en la puissance de celluy lequel obtiendrait leur cite, estoyēt attristez de paour, & pour les iniures & pour les occisiōs cōme que desia fussent presētes: & prioiet ceulx cy mesmes cōtre ceulx qui les auoyēt habādōnez, adirez cōtre eulx: & de l'autre costé ayant d'eulx cōpassion & misericorde pour la necessitē craignoyēt que destourbier ne leur arriualt: & le reste du peuple bien qu'ilz n'eussent afinité aucune avec ceulx qui s'estoyent departiz, toutefois se deuloyēt pour estre les aucūs leurs voisins, & autres, leurs cōpaignōs, doubtais quilz deussēt estre longuement absens d'eulx & deuoir faire & soustenir tant de l'une que de

Defolatiō  
des Romains.

de l'autre partie plusieurs incōueniens. Mais beaucoup plus se lamentoyent pour eulx mesmes, par ce que voyans les magistratz & le Senat, ensemble tous ceulx qui pouoyent quelque chose en la Republicque, s'en fuyr pource qu'ilz ne scauoyent s'il en estoit demouré aucun avecq les patricēs, & considerans qu'ilz ne se feroient iamais mis en fuyte silz n'eussent esté en peril de soustenir quelque gros ennuy, Et estans ainsi habandonnez tant des principaulx que de leurs compaignons, en toutes choses estoient semblables à ieunes enfans orphelins & femmes veufues: & reputans l'yre & la cupidité de ceulx qui les debuoyent enuahir pour la memoire des premiers maulx soustenuz parauant d'aucuns d'eulx, & aucuns les auoyent entenduz des autres quantz & qu'ilz eussent este faitz par Marius & par Sylla: pour ceste cause n'esperoyent aucun bien de Cesar, ains attendoyent de soustenir beaucoup plus & plusgrandz maulx, comme de celluy exercite duquel par la plusgrand partie estoit barbare. Estans doncques tous ceulx la disposez en ceste maniere, & ne se trouuant entre eulx aucun qui n'eust petit pensement (excepté ceulx qui sembloient estre amys de Cesar, & n'ayans encores ilz mesmes seure esperance, comme ceulx qui consideroyent la permutation de luy laquelle souuent arriue en la plus grand partie des hommes) ne se pourroit penser quelle perturbation ilz auoyent, ne quelz gemissemens arriuerent à la fortie des consulz & des autres qui se departirent avecques eulx, car estans efforcez & allans & venans ca & la, toute la nuit faisoient grand tumulte, & à l'apparition de l'aulbe du iour vne grand pitié venoit à chascun, par ce que chercheans tous les temples, faisoient veulx & prieres aux dieux, & baissans la terre racomptoient combien de fois & de quantz maulx auoyent esté deliurez, & se condoloyent d'auoir habandonné leur patrie ce qu'ilz nauoyent iamais osé faire, & pres les portes se faisoient grandes lamentations, car aucuns s'embrassoient l'ung l'autre comme que ceste fust la derniere fois que iamais se debuoyent veoir, mais aucuns se lamentoyent pour eulx mesmes, & prioient pour ceulx qui sen alloient, & autres les mauldissoient comme ceulx qui estoient d'eulx habandonnez. Pource ceulx qui estoient demourez se trouuerent illec presens avecques toutes leurs femmes & enfans, & puis aucuns sortoyent dehors, aucuns autres enuoyoyent leur train deuant, les autres attendoient & estoient receuz de leurs amys, & autres s'entr'embrassans se tenoyent ferrez l'ung l'autre par longue espace de temps, & ceulx qui attendoient suyuant ceulx qui se departoyent crioient apres eulx & leur faisoient d'eulx compassion, en demandant qu'ilz les emmenassent, ou pour le moins demourassent encores: des autres, infinies larmes estoient espandues, par ce qu'ilz nauoyent esperance en celluy qui estoit puissant, comme ceulx qui se trouuoient en telz inconueniens. Et premierement ceulx qui estoient delaissez en la cité attendoyent ennuy & depuis se departoyent & l'habadonnoyent: & quicōques les auroit veuz les pourroit acomparer à vne cité qui se diuiferoit en deux

& en

& en deux peuples, & que si vne s'é alloit l'autre fust habádónée & prise. En ceste maniere Pópée habandonna la cité emmenant avec luy plusieurs citadins car aucuns demouroient en la cité partie desquelz se retirerent deuers Cesar & partie auoient temporisé auécq l'ung & l'autre, & rassembloit en presse gés de la cité & recouroit deniers, & enuoyoit presidens & gouuerneurs quasi en tous lieux: mais depuis que Cesar eust esté de ce aduertý, ne tira droict à Rome pour ce qu'il scauoit bien qu'elle seroit recompensée du vainqueur: & disoit ne vouloir aller contre icelle comme son ennemye, ains plus tost en sa faueur contre les hommes sedicieux: & ayant enuoyé lettres par toutes les citez de Italie par lesquelles il puocquoit Pópée au iugemét de quelqu'ung exortant chascun d'auoir bon courage, & leur cōmandant qu'ilz ne s'esineussent, & oultre ce leur promectát plusieurs grás biens, sen alla avec son exercite à Corfinio: lequel lieu estant occuppé par Lucius Domitius ne se voulut rendre, au moyen dequoy auoir vaincu en bataille aucuns qui luy estoient venuz à lencontre le serra & depuis avec les autres l'assiegea. Pompée voyant que Domitius estoit assiegé & plusieurs autres encores declinoient au party de Cesar, n'auoit plus esperance aucune en Italie, au moyé dequoy determina de passer en Macedoine, Grece, & Asye, se confiant grandement en la memoire des choses par luy faictes en ces pays & en l'amytié des roys, car encores toute Espaigne luy estoit familiere; toutessfois n'y pouoit passer seurement pource que Cesar tenoit toute la Gaule: & oultre il estimoit que se departant par eaue nul ne le suyuroit tant pour le desaise des nauires que pour l'yuer qui se approchoit (consideré que desia estoient en Automne) & ce pendant assembleroit à son ayse plusieurs grosses sommes de deniers & nombre de gens d'armes tant des cōfederez comme des subiectz. Il doncques pour ceste occasion s'en alla à Brandis & commanda à Domitius qui ia auoit habandonné Corfinio qu'il le suiuißt. Ce Domitius combien qu'il eust grand puissance & se fiaßt à icelle pour ce qu'il festoit faict beniuolle aux souldardz tant pour autres moyens comme par promesses de territoire (car il auoit esté du party de Sylla & auoit acquis grandz richesses soubz ceste puissance) ce neantmoins luy obeist, & ainsi se mettoit en ordre pour departir seurement: mais ayans ce entendu ceulx qui le suyuoient & estans mal contans de tel voyage, leur semblant estre vne fuite, se retirerent deuers Cesar & se ioignirent à son exercite: mais Domitius & les autres senateurs furent moult encoulpez par Cesar de inimitié, toutessfois sauluez, se retirerent deuers Pompée. Cesar doncques se hastoit grandement de venir au combat contre Pompée à Brandis auant qu'il en fortist: lequel pour n'auoir nauires à suffire enuoya deuant tant autres comme les consulz de paour que demourans derriere ne feissent quelque nouuelleté: mais Cesar voyant la difficulté de prendre ce lieu la, conuocqua à l'accord ledit Pompée, comme qu'il luy eust voulu impartir la paix & auoir son amytié (comme il disoit.) Et Pompée ce considerant &

Corfinio  
assiege.

ne luy ayant respondu autre chose sinon qu'il en communicqueroit avecq les consulz, par ce que decret auoit este fait que les consulz ne acceptassent à parler aucun qui eust armée entre ses mains, Cesar presenta la bataille & Pompée par quelques iours se deffendit & iusques à ce que les nauires retournerent. Et ce pendant ayant fait faire quelque nombre de nauires pour passer, la nuit ensuyuant s'embarqua, & ainsi passa seurement en Macedoine, toutesfois Brandis & deux nauires chargées d'hommes furent princes. Pompée doncques en ceste maniere habandona la patrie, ensemble le reste de Italie, ayant deliberé & fait choses en tout cōtraires aux premieres quand il retourna de Asie, au moyen dequoy acquit fortune & vne renommée contraire à la premiere, par ce que ayant premierement donné congé aux exercites à Brandis pour ne molester les cittadins, maintenant en conduisoit hors Italie contre eulx mesmes: & ayant amené les richesses des barbares à Rome, maintenant il emporte d'icelle tout ce qu'il peult, ne donnant esperance à aucuns de ceulx qui estoient demourez en leurs hostelz, Mais auoit couraige vser de estrangier & de compaignon avecques ceulx que autrefois il auoit reduitz en seruitude, & en eulx mectoit plus d'esperance tant de salut que de puissance qu'en ceulx qui de luy auoyent esté beneficiez. Et pour ce regard en lieu de la gloire & honneur qu'il auoit cōquise de ses guerres, se departit avec vergogne pour la crainte qu'il eut de Cesar. Et en lieu du bon nom qu'il auoit acquis pour auoir augmenté la patrie, deuint tresdiffamé l'ayant alors abādonnée. Et auant qu'il fust arriué à Duras, entendit que sa fin seroit bonne, par ce que en ceste nauigation les fayettes du ciel occirent quelques fouldardz & les aragnes occuperent les estandartz militaires, & il encores sortant de son nauire quelque nombre de serpentz le suyuirent. A Pompée arriuerent tous ces monstres. Mais à toute la cité en cest an & peu au parauant en estoient suruenuz d'autres par ce que vrayement es seditions de la Republicque (damnifiée par ceste occasion) plusieurs loupz furent veuz en la cité, continuelz tremblemés de terre se faisoient, & le feu passa d'Occident en Orient, & vng autre feu brusla ainsi autres lieux, comme le temple de Quirinus, le Soleil se esclipsa, les fayettes celestes rompirent le sceptre de Iuppiter, ensemble le scu & le heaulme de Mars, estans dans le Capitolle. D'auantaige les collomnes esquelles les loix estoient inscriptes, plusieurs animaux parturirent contre leur nature, & se disoyent quelques oracles par ceulx de Sylla, & autres estés comme inspirez disoyét plusieurs choses, & en la dilation ne fut esleu aucun Prefect de la cité comme estoit acoustumé, mais les preteurs executerent comme aucuns disoyent ce qui appartenoit à leurs offices, car aucuns autres disent en l'an ensuyuant celles choses auant dictes estre arriüees: & Ptirnes, lequel iadis auoit esté censeur, avec Philippes, deceda le dernier de tous ceulx qui furent senateurs en sa censure: & sembloit aux Romains que ce signifiait encores quelque nouuelleté. Ilz se troubloyent doncques pour ces monstres comme

Pompee  
retire en  
Macedoine.

Signes ad-  
uenuz a  
Pompee.

Monstres  
aduenuz a  
Rome.

bien

bien estoit raisonnable. Mais estimant, & esperant l'une & l'autre partie que ce signifiast quelque ennuy à la partie contraire, ne faisoient aucun sacrifice. Cesar pour l'heure ne se ingera passer en macedoine pour nauoir nauires à suffire, ioinct qu'il se doubtoit que les capitaines de Pôpée retourna d'Espaigne n'occupassent l'Italie, ains ayant mis garde à Brâdis à ce que nul de ceulx qui se leueroient pour tenir le party de Pompée ne peussent nauiguer, de la sen vint à Romme. Et estant rassemblé le senat hors les murailles par Anthoine & Longinus (lesquelz autrefois auoyent esté dechassez par luy) dirent plusieurs choses & humaines par lesquelles ilz pour le present l'aymassent, & pour l'aduenir eussent bône esperance, par ce que les voyant estre moult gréuez & molestez pour les insolences qui alors se faisoient, & se doubter pour la multitude de ses gens darmes, les voulut par vng certain moyen consoler, affin que pendant la guerre ne feissent aucune nouuelleté, & pource ne taxa aucun ains fait certaines maledictions contre ceulx qui vouloyent combatre contre ses citadins, & finablement mit party au senat qu'ilz voulussent enuoyer ambassadeurs vers Pompée & les consulz, pour la paix & concorde: & ayant dit le semblable au peuple (qui encores s'estoit reduict hors les murailles de la cité) ieuoya es isles pour recouurer des bledz & promist de donner septante cinq dragmes à chascun esperant les pouoir attirer en ceste maniere. Mais considerans que les hommes n'ont vng mesme couraige ny font mesmes choses quand ilz desirent obtenir quelque requeste & quand l'ont obtenue, ains au commencement des faitz mettent en auant tous les plaisirs à ceulx qui leur peuent nuire, & depuis auoir obtenu tout ce qu'ilz ont voulu ne se souuiennent plus de riens, & vsent contre ceulx la les mesmes puissances qu'ilz ont receues de eulx. Et ayans encores souuenance comme Marius & Sylla souuentefois les auoyent apasitez de parolles humaines, & depuis fait le contraire: & oultre sachans le besoing de Cesar & le voyant en gros nombre de gens darmes, & en tous les lieux de la cité, ne se pouoient fier en luy ne croire en ses parolles, Mais ayans la craincte presente, parauant, l'auoient encores à suspect, especiallemét pource que les ambassadeurs qui deuoient estre mediateurs de la paix furent bien esleuz, toute fois ne sortirent hors la cité, dont fut Pison encoulpé, par ce qu'il en fait mentir: & non seulement les Romains ne receurent les deniers à eulx promis par Cesar, mais luy concederent tous ceulx qui estoient en la chambre publicque, affin qu'il peust maintenir ses souldardz, Et en toutes ces negoces (comme qu'elles fussent bonnes) ilz portoyent leurs vestemens & habitz acoustumez au temps de paix, car encores ne les auoyent repris depuis que premierement les domesticqua. Et quand à la concession des deniers luy fut resistant Lucius Metellus, Tribun, & ne pouant y remédier sen alla au lieu auquel ilz estoient tenuz, & gardoit les portes au mieulx qu'il pouoit: autres en parlerent semblablement: mais les souldardz faisans petite estime de sa resistance & garde sicomme ilz faisoient encores

Cesar retourne a Rome.

002

1000

1000

Lucius Metellus tribun.

des parolles rompirent les serrures par ce que les consulz auoyent emporté les clefz cōme quil ne fust licite aux autres vser de augures. Et ce faict emporterent tout le tresor, ensemble les autres choses y estās p vng semblable moyen (comme par moy à este souuētésfois dit) soubz nom de liberté: mais en effect par puissance estoient faictes & confirmées, par decret, par ce que l'ung & l'autre nommant ses aduersaires ennemys de la patrie, & se disans respectiuellement combatre pour la republicque, augmentoyent seulement la ppre destruction publique tant l'une que l'autre partie. Cesar dōcques feit ces choses: ainsi que dessus, & si occupa les isles de Sardaigne & Sicille sans coup d'espée, habandonnant ceulx qui premieremēt y estoiet prefetz, & enuoya Aristobulus en son pays à ce qu'il donnast empeschement à Pompée. D'auantaige conceda aux enfans de ceulx qui auoyēt esté prescriptz par Syl la qu'ilz peussent demāder les magistratz, & appaisa tous les autres affaires tant en Rome comme au reste de toute l'Italie à son prouffit selon le temps present, lesquelles commist entre les mains de Anthoine: & ce faict s'en alla en Italie qui estroictemēt s'enclinoit à la part de Pompée, & le faisoit doubter qu'elle ne tirast les Gaulles à son party. En ce mesme temps autres senateurs, & Cicero mesmement, n'estans encores paruenuz en la presence de Cesar, se retirerent deuers Pompée (comme celluy lequel eut la iustice de son costé) & fut pour debuoir obtenir la victoire, par ce que les consulz auant leur departement & Pompée qui estoit cappitaine au lieu d'ung consul commanda à tous qu'ilz eussent à venir en Thessalonice comme que la cité feust occuppée par les ennemys, & deussent auoir l'auctorité du Senat & l'ymage de la republicque ou qu'ilz se trouuassent. Au moyen dequoy la plus grand partie des Senateurs & des cheualiers aucuns tout incontinent & aucuns autres apres & toutes les citez qui n'estoyēt occuppées des armes de Cesar se retirerēt deuers luy. Mais seulement les Marseilliens entre le peuple des Gaullois ne voulurēt adherer à Cesar, ne l'accepter en leur cité, ains luy dōnerent vne respōce digne de memoire, assauoir, qu'ilz estoiet cōfederez & alliez au peuple Romain & ne s'epeschoiēt plus oultre, ne qu'ilz n'estoiet suffisās pour iuger lequel d'eulx deux eust raison, pquoy disoiet que si l'ung vouloit venir comme amy qu'ilz les recepueroient encores tous deux sans armes, mais soubz couleur de guerre, nul: & pour ce assiegez, repoulerent vigoureusement Cesar & si resisterent par long temps à Trebonius & Decius Brutus qui les tenoiet assiegez, car Cesar feit tout son effort pour vng certain temps pensant les pouoir prendre facilement, consideré qu'il luy estoit moult moleste que ayant obtenu la cité de Rome sans bataille, ne fust accepté des Marseilliens: & voyant qu'ilz se maintenoient vaillans, commist le siege à autres & tira en Espagne, par ce que parauāt y auoit enuoyé Gaius Fabius: mais se doubtant qu'il venant seul en faict d'armes, ne feust rompu, encores si transporta avec son exercite, & alors Preteius & Affranus tuoient les gens d'armes pres le fleuue Hybere & gardoyent le passaige

Sardaigne  
& Sicille  
prinzes par  
Cesar.

Suite de  
Cicero.

Marseille  
assiegee.

des montz : finalement ayans r'assemblé leurs souldardz pres de Ileyde illec attendoyent ceulx qui leur viendroyent sus, & auoir assailly à l'impour ueu Fabius qui tenoit le siege presidial au môt Pirenée & auoit passé le fleuue Sicorus, occirent plusieurs de ses gens delaissez en arriere, car le pont qui se rompit au passer leur feist grand ayde : Mais voyans que Cesar qui peu après suruint en cest endroict auoit passé le fleuue sur vng autre pont & les auoit prouocquez à la bataille n'eurent hardyesse se approcher par l'espace de plusieurs iours, ains ayans mis leur camp à l'encontre illec demouroient sans faire faction : au moyen dequoy Cesar prenant couraige voulut occuper vng lieu moult fort situé entre ses tranchées & la cité, comme que pour ce les voulust attendre au pas pres les murailles. Mais la gent de Affranius ayans preueuz ceste emprinse l'occupèrent les premiers & repoulsèrent en derriere ceulx qui les assailloyent, & poursuyuans ceulx qui sen fuyoyent se récontrerent avec les autres qui sortoyent des tranchées & leur auoir fait retourner visage expressement faignans de fuyr les cōduirrent en lieux aptes pour eulx & illec en occirent beaucoup d'auantaige, & pour ce arriuez assailloyent les autres qui leur venoyent au deuant fourraiger & faisoient grand dommaige à ceulx qui se trouuoient esquartz. Et vne autrefois aucuns passez le pont & en ce estant suruenue vne grand fortune de temps pour laquelle eust esté le pont rompu, sur lequel estoient passez, depuis passerent les gens de Affranius sur l'autre pont voyfin de la cité, & les taillerent tous en pieces ne se trouuant aucun qui leur eust peu donner secours. Dont Cesar aduertit & que nul des compagnons du peuple Romain ne luy aydoit, par ce que les ennemys si tost qu'ilz scauoient quelqu'vng venir en son secours, le preoccupoyent : & oultre ne pouoit facilement recouurer ce que luy estoit necessaire comme celluy qui se trouuoit en pays estränge, si estoit en nō petit ennuy : & ceulx de la cité de Rome commencerent à perdre l'esperance qu'ilz auoyent de luy comme de celluy qui iamais ne seroit vainqueur, & declinerent à la part de Pompée, si que alors tant autres comme senateurs se retirerent deuers luy. Et si en ce temps les Marseilliens n'eussent par Brutus esté suppeditez en bataille tant pour la grandeur de ses nauires que pour la force de ses souldardz (bien qu'ilz eussent Domitius en leur secours, & feussent plus expertz en mer que la gent de Brutus, & pour ceste victoire du tout n'eussent esté deffaitz) facile chose eust esté que tout le fait de Cesar se fust adnichilé : mais ces nouuelles estans rapportées en Espagne de plus grand estime qu'elles n'estoyent en effect, muerent tant les couraiges des Espagnolz que aucuns declinerent à la part de Cesar. Dōt Affranius meste & triste & voyāt que Ileyde n'estoit seuré à aucune demourance, delibera sen aller vers le fleuue Hybere & es citez assises sur icelluy : parquoy s'estant leué la nuit en fuyuant l'esperant de n'estre veu au passer deuant ses ennemys, print le chemin, Neantmoins sa leuée ne fut occulte : touteffois Cesar ne se meit si tost à le poursuyure, car il

Les Mar-  
seillies vai-  
cus par Pō  
pec.

ne reputa estre chose feure de pourfuyure en tenebres les enneinys expertz de la region avec hommes inexpertz : neantmoins le iour apparu le fuyuit & l'ayant acósuivy au mylieu du chemin l'environna au desloing de tous costez, par ce qu'il estoit de multitude grandement superieur & eut le lieu qui estoit cõcaue en sa faueur, car il ne se voulut approcher d'eulx partie pource qu'il craignoit que par desespoir ne feissent quelque mal & partie pource qu'il esperoit les vaincre sans peine ainsi qu'il fait, car ayans tempté plusieurs voyes pour sortir & pource estans lassez & trauallez & voyans quilz n'auoyent aucuns viures, par ce que pour auoir deliberé de paracheuer ce mesme iour, n'auoyent aucune chose apporté avec eulx, & encores n'auoyent seulement eue à suffire pour estre ces lieux moult arides. A ceste cause dõcques se rendirent soubz cõdition que aucun mal ne leur fust fait & ne feussent contrainctz aller à la guerre avec luy contre Pompée. Cesar leur obserua l'une & l'autre de ces deux choses trefsidelement, car il n'occist aucun de ceulx qui auoyent esté prins en ceste guerre (combien qu'ilz autressois en vne certaine bataille en eussent occis des siens) & aussi ne les contraignit prendre les armes contre Pompée, ains laissoit aller les principaulx: & les autres qui volontairement le vouloyent fuyure pour le gaing, acceptoit: & pource ne receut petit fruit quant à ses factions & à la gloire: car il tira à luy toutes les citez d'Espaigne ensemble tous les souldardz de ce lieu qui estoient en grand nombre, especiallement ceulx qui estoient soubz Marc Terence Varron soubzpreteur.

Asfranins  
vaincu,

Comment Cesar conquist Espaigne.  
Chapitre XXX.



L'ayant doncques acceptez ceulx la & les auoir mis en assiete passa iusques en Gades. Quoy faisant ne porta dommage à aucun sinon qu'il accumula grand quantité de deniers & donna hõneurs publicques & priuez à plusieurs, & fait tous les Gadatins citadins Romains: laquelle grace fut depuis confirmée par le peuple: & fait ce pour leur refferer merite d'une vision qu'il eut en songe estant en ce lieu, par laquelle luy sembloit auoir affaire avec sa mere: & comme i'ay ia dit par cy deuant, par ce songe eut esperance de conquerer la monarchie. Mais ces choses ainsi que dessus faites commist le gouuernement de ceste nation à Cassius Lõginus, lequel leur estoit moult familier pour la Questure qu'il auoit administrée soubz Pompée. Et il s'en alla avec les nauires iusques à Tarrascõne, & estant procedé de deca par le mont Pyrenée ne posa aucun trophée en icelluy, pource qu'il auoit entendu que Pompée n'auoit esté loué par vng semblable fait: ains ediffia vng autel grand de tresbelles pierres non trop loing des trophées de Pompée. Et ce pendant que ces choses se faisoient se meifrent vne autressois en peril leur ayant esté enuoyé nouuelles nauires par

Les Gadatins  
creez  
citadins romains.

Cassius Lõginus  
gouuerneur de  
Espaigne.

par Pompée, & furent bien encores ceste fois vaincuz, neantmoins tindrent fort nonobstant qu'ilz eussent assez entendu comme Cesar auoit desia conquis toute l'Espagne, & repoulsèrent vaillamment les assaulx à eulx faitz: & ayans fait vne certaine trefue avec volonté de vouloir aller deuers Cesar à sa venue enuoyerent Domitius. Et ce pendant traicterent en telle sorte les souldardz qui les vindrent assaillir la nuict au temps de l'accord que iamais depuis n'eurent enuye de faire chose semblable: mais avec Cesar mesmes volutiers s'accorderét: lequel alors leur osta tât les armes de leurs naures que leurs deniers, & finablement les priua de toutes les autres choses, excepté du nom de liberté seulement, par laquelle Phocque cité principale entre eulx auoit esté delaissee libre de Pompée. Et ayas aucuns souldardz fait sedition & mutinerie en Plaisance, & ne le voulans plus suyure soubz couleur d'estre laz & trauaillez (mais en verité pource qu'il ne leur laissoit desfrober le pays ne faire aucune de ces choses qu'ilz desiroyent) Ioinct que au parauant esperoyent de pouoir obtenir toute licence de luy comme de celluy qui estoit en si grand necessité, ne se soubmist à eulx: toutesfois conuoquez ceulx là & les autres tant pour estre assurez d'eulx comme affin que oyans encores ses parolles & voyans ceulx qui seroyét pugnis n'eussent hardiesse de faire aucune chose non opportune, parla en ceste maniere: Ie, ô hommes d'armes, veulx bien estre ayiné de vous, neâtmoins pource ne voudroys pecher avec vous, par ce que encores de ma part ie vous ayme grandement & desireroys de vous ce que pourroit faire le pere de ses enfans, à scauoir que vous feussiez prosperes & glorieux, car vous ne debuez penser que ce soit signe d'amour quand quelqu'vng cōcede aux siens de faire & commettre choses illicites & deshonestes, ains plus tost quand il les enseigne à faire bonnes œuures les remouuant des mauuaises par bonnes corrections & admonnestemens: & vous congnoistrez que ie dy vray se vous estimez vostre vtilité non selon la presente delectation, mais plus tost selon le bien perpetuel. Et si vous pensez que ne soit chose plus genereuse fatiffaire ses cupiditez, que à les suppediter & vaincre: par ce que vituperable chose est, se laissant vaincre, en apres & incōtinent s'en repentir: & si indigne, que celluy lequel suppedite ses enemys, se laisse subiuguer aux voluptez. Et à quelle fin dy ie ces parolles? c'est à ce que liberement dye & ne taise aucune chose. Vous ayas les choses necessaires habōdāment, & receuās vostre soulde entieremēt, & en tēps deu, & avec copie de viures, & en to<sup>o</sup> lieux suffisāment, & ne soustenāt trauail sans gloire, ne peril sās vtilité, & d'auantaige vous encores recepuans plusieurs & grandes recompenses de voz gaillardises, & de voz desmerites petite pugnition: neantmoins vous n'estes contens de toutes ces choses. Ie dy ces parolles non à vous tous, par ce que vous n'estes telz, mais seulement à ceulx lesquelz par leur malice infament tous les autres: car la plus grand partie de vous tresbien & punctuellement croyez à mes persuasions & gardez les coustumes de vo

Remon-  
strāce fai-  
cte par Ce-  
sar à ses  
gens.

stre patrie. Et pour ceste occasion auez acquis plusieurs pays, grosses richesses & grád gloire, touteffois quelque petit nombre de mal viuás font grád vergongne à tous vo<sup>s</sup>. Et bien que parauát ie les congneusse & quelz hômes ilz estoýét, car aucune chose à vous appartenát est de moy pretermise, neátmoins ie faignoys de ne l'entendre pensant qu'ilz se amenderoyent pour estre tenuz ocultes, à ce que se depuis ilz transgressoyent le moyen & la mesure ne feussent pugniz pour les choses qui leur eussent esté pardónées, mais puis (qu'ilz côme à eulx fust licite de faire tout ce qu'ilz veulent) n'auoir esté pugniz du commencement demeurét trop temeraires & s'efforcent de faire mutiner les autres qui aucunement n'ont failly, m'est necessaire faire vne certaine purgation & pugnition d'eulx, consideré que nulle compagnie d'hômes se peut maítenir & fauluer si les malfaiéteurs ne s'ót chastiez, & que si la partie viciée n'est curée elle communicque le mal à tout le reste côme souuent aduient es corps humains, & especiallement es exercites, par ce qu'ilz estans fors deuiennent plus temeraires, & oultre corrompent les bons les faisans plus negligens comme ceulx qui ne soyent pour deuoir receuoir aucune vtilité pour estre iustes: car ou la temerité exalte, est necessaire que la modestie soit desprisee, & ou la iustice pugnist la modestie encores est sans recópanse: car comme pourriez vous dire que feissiez aucú bien si ceulx cy ne font aucú mal? & côme raisonnablemēt voulez vo<sup>s</sup> estre hónorez si ceulx cy ne soustiennent la meritée pugnition? Et ne scauez vous que si vne partie demeure sans craincte d'estre pugnye & l'autre sans esperance de recópanse qu'il ne se fera aucun bien, mais se cômiettront mauix infiniz: au moyé dequoy se vous vrayement exercez la vertu, ayez les mal viuans en hayne comme ennemys, car nul amy est descerné de ennemy de nature, laquelle est commune à tout homme, mais par coustume & par faictz lesquelz estás bós font que tout homme estrangier semble estre voyfin & familier & captifz que tous voyfins deuiennent estranges. Doncques vous mesmes considererez vostre honneur, par ce qu'il est necessaire que vng oyant & la multitude & vostre puissance ascripue à vous tous les pechez de ce petit nombre vicieux, & aussi ne participás esgalemēt avec eulx du gaing, touteffois soyós en vne coulpe esgaulx: & ou est celluy qui n'eust à mal oyant comme nous soyons bien appelez par nom Romains, mais faisons les ceuures des Celtes: & qui est celluy qui ne se lamentast voyant l'Italie estre saccagée côme à esté la Bretagne: & comme n'est ce chose indigne que nous molestiós plus le pays des Gauloys de nous subiuguez & que gastions les lieux qui sont au dedás des Alpes comme autres Epirothiés, Carthaginiens ou Cimbriés. Et côme n'est chose vituperable que nous nous gloriffions & dissiós que nous des premiers Romains ayons passé le Rhin, & ayons nauigué la mer oceane & que nous ruinions nostre pays propre, lequel ne soustient aucun mal des ennemys, & que recepuions en lieu de louenge vitupere, en lieu d'honneur honte, en lieu de gaing dommaige, & en lieu de recompése pugnition.

Et ne le debuez penser pour estre es armés plus puiffans que les citadins demourans en leurs maifous, car les vngs & les autres estes Romains, & les loix font par dessus vous, & vne fois delaiſſerez les armes : d'auantaige ne vous confiez pluſtoſt en voſtre multitude, car ce ſont ceulx la meſmes qui ſont iniuriez ſ'ilz ſe raliēt enſemble: ce qu'ilz feront certainement ſi vous faiçtes telles choſes. Helas ne vueillez faire peu d'eſtime de ceulx cy pour auoir vaincuz les barbares, car vous ne ſerez en riens differētz à eulx, ny de ſang, ny de facons de faire, ny de exercites, ains cōme eſt cōuenable & vtile à vous, n'efforcez aucū d'eulx, ne leur faiçtes iniure, mais receuez ce que vo<sup>9</sup> eſt neceſſaire qu'ilz vous offrent volontairement, & attendez les remuneration, car ilz les vous offrirēt de leur propre volūte: par ce que oultre ce que i'ay dit & tout ce que vng autre pourroit plus amplemēt dire vo<sup>9</sup> deuez encores cōſiderer que nous ſommes en ce lieu pour ſecourir noſtre patrye iniurīe, & affin que la deffendions de ceulx qui l'offenſent, par ce que ſe elle n'eult eſtē en peril nous ne fuſſiōs venuz avec armēe en Italie, & encores n'auons delaiſſē les faiçtz de Gaule & Bretagne imparfaiçtz, no<sup>9</sup> les pouās reduire en effect. Cōme doncques n'eſt ce choſe deſraiſonnable que nous eſtās icy preſens pour pugnir les iniuſtes nous demōſtrōs moins iuſtes que eulx? & comme n'eſt ce choſe vituperable que no<sup>9</sup> eſtās venuz au ſecours de la patrie elle ait beſoig d'autres adiuçteurs cōtre nous? & ie ſuis ſi cupide de vaincre Pompēe avec iuſtice que ſouuent eſſois l'ay prouocqué au iugemēt, & voyant que par ſa propre conſcience n'a voulu pacifiquement eſtre iugē, i'eſpere pour ceſte cauſe me auoir recōſiliē tout le peuple, enſemble tous les confederez & alliez de la Republique. Mais ſi maintenant nous faiſons telles meſchancetez, ie ne pōuray demōſtrer aucune honneſtete, ne iuſtement accuſer les autres, ains eſt treſneceſſaire comment que ce ſoit vous dōniez ordre d'eſtre iuſtes, par ce que avec la iuſtice ſe peult eſperer en la puiffance des armes: mais ſans iuſtice n'y à aucune ſtabilité, ecores que au cōmēcemēt lon ſe treuve fortunē: qu'il ſoit vray, la pluſgrand partie de vous le ſcauez. Faiçtes doncques les choſes condeſcentes à vous ſās aucune admonition, à ceſte cauſe ie vous ay cōuocquez en ce lieu, & affin que vo<sup>9</sup> ſeiſſe teſmoings tant de mes diçtz que de mes faiçtz: touteſſois vous n'eſtes ſemblables aux autres, & par ce meritēement eſtes louez, & voyez comme aucuns de petite valeur oultre ce qu'ilz ont cōmis pluſieurs meſchacetez, deſquelles n'ōt eſtē pugniz, encores nous menaſſent, mais ie ne penſe aucunement eſtre hōneſte que vng capitaine ſoit vaincu & ſuppeditē de ſes ſubieçtz, ne que fuſt choſe ſalutaire que vng mis pour obeyr à vng autre luy cōmādaſt. Conſiderez en oultre quelle ordre ſeroit en vne famille ſe les ieunes deſpriſoyent les vieulx, & quelle eſcolle ſeroit celle en laquelle les diſciples ne craigniffent leurs precepteurs, & quelz malades ſeroyēt iamais gueriz ſ'ilz n'obeyſſoiēt aux medecis, & quelle ſeurete auroiēt les nauigās ſi les galiotz n'obſeruoiet le cōmādemēt du gouuerneur, car la nature à ordōné cōme neceſſaire & fa-

lutiffere aux hōmes que aucūs soyēt seigneurifez, & est impossible que sans cela ordre perseuere en chose que ce soit, par lequel espace aussi est moult cōuenable à vng qui est president à vng autre d'auoir la cure & sollicitude de toutes les choses condescentes & qu'il les luy cōmande, mais à celluy qui est soubmis de obeyr, sans aucune excuse doit enfuyure diligēmet le cōmandement à luy faict: parquoy especiallemēt le faige au palais, & le scauāt à l'ignorāt en toutes choses est preposē. Estans dōcques les choses en ceste maniere, ie n'en concederoys iamais aucune par force à telz hōmes mutins & sedicieux ny ne les lairroys par violence. Et en quelle sorte seroys ie descēdu de Eneas & de Iulius? pourquoy ay ie estē capitaine de gēs darmes, ny pourquoy ay estē cōsul? & à quelle cause aucuns de vous menay ie si loing de voz maisons, & aucūs autres depuis ay ie r'assemblez? & à quelle fin ay ie possedē par si long temps la dignitē preconfulaire si ie dois seruir aucun de vous icy en Italie & pres de Rome, pour laquelle vous auez subiuguē les Gaulois & vaicu les Bretōs. Par quelle craite ou p quelle paour est ce qu'aucun ne me occye? & si tous vo<sup>9</sup> auiez ce couraige, ie esliroys la mort volūtairēmēt plus tost que deroger à la dignitē de p̄cipaultē: car ce seroit beaucoup pl<sup>9</sup> grād peril à la citē si les souldardz prenoyēt vne coustume de vouloir cōmāder à ses capitaines & de mettre la iustice de la loy en la force, que si vng homme mouroit iniustēmēt. Mais quād à l'amour nul ne m'a manifestē telle chose, & scay biē que ce tel eust estē de vous incōtinent occis: touteffois ceulx dōt i'ay parlē reffusent l'ordre militaire cōme qu'ilz fussēt trauaillezz, & delaisfent les armes cōme lassez & rōpuz & en somme se vantēt que se ilz ne obtiennent cela de moy qu'ilz habandoneront l'exercite & se retireront vers Pōpēe: ce que aucuns en effect demōstrent de vouloir faire. Et qui est celluy qui ne voulust estre priuē de la compaignie de telz hommes? qui ne desireroit que celluy eust telz souldardz ausquelz ne fussent les remunerations octroyez, ny ne obeyssēt à ce q leur est cōmādē, ains estās ieunes s'excusent de vieillesse, & robustes faignent d'estre debiles, & estimēt estre chose cōdigne de dominer leurs seigneurs & d'estre superieurs à leurs capitaies. Pour certain mille fois plus tost esliroys de traicter accord avec Pōpēe & d'educer quelconque autre incōueniēt que ie feisse chose aucune indigne tāt de la dignitē de nostre republicque que de mes coustumes. Ne scauez vous pas assez que ie ne suis hōme si couuoiteux de richesses & de puissance que ie me vueille soubzmettre à toutes choses pour les acquerir cōme à mēteries, vanes inuentions, & flateries? A ceste cause doncques ie ne scay par quel nom ie vo<sup>9</sup> doibue appeller: soyez exēptz de l'ordre militaire, ne par le moyē que vous dictes, mais aīsi que à la Republicque & à moy est vtile. Ces choses dictes meīst au fort ceulx qui deuoient souffrir mort & par art furent enleuez ceulx qui estoient entre eulx les plus superbes & audacieux, mais le reste fut par luy dechassē comme qu'il n'eust aucun besoing d'eulx, lesquelz repentiz de l'offence par eulx faicte, de rechef feurent r'appellez en l'exercite

cité, & estant encores en chemin Marc Emilius Lepides qui depuis fut des autres hommes, pour lors preteur, persuada au peuple qu'ilz esleussent Cesar pour dictateur & incontinent le prononca contre la coustume du pays, laquelle dignité Cesar accepta bien & volútiers quád il entra premieremét en la cité: toute sfois en icelle ne fait aucune chose terrible ne defraisonnable, ains dóna congé à tous les bānis d'y pouoir retourner, excepté à Milon seulement, & desleigna les offices & magistratz l'an ensuyuant, car à lheure ne esleurent aucun pour ceulx qui estoient absens: & n'estát aucun edille en la cité, les tribuns administroyét tout ce qui appartenóit à leur office: ilz cōstituerent prestres au lieu de ceulx qui estoient decedez n'ayans obserué toutes les cerimonies acoustumées en telz actes. D'auantaige Cesar rendit aux Gauloys demourás oultre le Pau le priuilege d'estre citadins Romains, comme celluy qui estoit leur prefect. Et auoir ce fait renonca au nom de dictateur, p ce que aussi bien tant la puissance que l'effect de ceste dignité tousiours auoit étre ses mains: cōsideré que il vsoit de la force des armes: & oultre tout ce obtit du senat estát en la cité vne puiffáce legitime, car ilz luy cōcederent de pouoir faire liberement tout ce que bon luy semblast, laquelle chose obtenue & tout incótinét il vit à reduire vne grád zizanie à bós termes, car ceulx qui auoyét presté deniers faisoíent executiós moult aspres cōme qu'ilz eussent besoing de leur payement pour le regard tát des feditiós que des guerres, & aucuns qui estoient debtors ne pouoyent payer ne rendre aucune chose de ce que leur auoit esté presté pour les mesmes causes, p ce qu'il ne leur estoit facile ny de védre ny de engager leur bié, au moyé de quoy vsoyent de plusieurs circonuentions & tróperies l'ung contre l'autre, en maniere qu'il y auoit danger que aucun mal irremediable n'arriuaist aux vngs ou aux autres, combien que les vsures eussent esté au parauát bien moderées par les tribús, mais n'estans rédues ne encores en ceste maniere, ains pource que les aucuns auoyent perduz les gaiges & les autres demandoyét le premier en deniers, alors Cesar entant qu'il fut possible remedia à l'une & l'autre partie, car il cōmanda que les gaiges feussent estimez & appreciez á pris raisonnables, & ou ne s'en accordassent feussent prins iuges au fort. Et pource que le cōmun bruyt estoit que plusieurs auoyent grosses quátitez de deniers qlz tenoyent mussiez, fait interdiction que nul ne peust posseder pl<sup>9</sup> de vingt cinq mille dragmes en or ou en argent, non qu'il eust imposee ceste loy, ains cōme renouateur d'icelle premieremét diuulgúee, ou qu'il feist cela, á ce que les debtors payassent aux vsuriers & que les autres prestassent á ceulx qui en auoyent besoing, mais affin que les riches se manifestassent & qu'aucun ne tint deniers accumulez. & aisi en son absence ne se fait nouuelleté, au moyen de quoy le peuple á ce moyen esleué en orgueil, & requerát que salaires feussent establis & preposez aux seruiteurs qui manifesteroyét les thresors de leurs maistres, ne voulut adiouster ceste partie á la loy, ains plus tost depria toute aduersité contre luy si iamais il adioustoit foy au ser-

Cesar appelle dictateur.

Les offer-  
tes leues  
par Cesar.

uiteur contre son maistre . Cesar doncques auoir ordonné ces choses ain-  
si que dit est & leué les offerres , tant toutes les autres comme celles qui es-  
toyent au capitolle, sen alla à Brandis en la fin de lan, se departit auant qu'il  
entraist au consulat à luy designé , & estant occupé pour fortir dehors avec  
son exercite vng estourbillon de vent getta cõtre l'ung de ceulx qui estoýt  
avec luy vng rameau de l'aurier , & ce aduenu sacrifiant à la Fortune vng  
thoreau s'estant mis en fuyte auant qu'auoir esté attainct se departit hors  
de la cité & paruenü à vng lac assez court le passa en nouant . Pour lesquelz  
signes Cesar ayant plus grand confiance se departit espécialement, pource  
que les deuinateurs il demourant en son hostel le menassoyent de sa ruýne:  
mais passant la mer luy predirent qu'il feroit saulué & obtiendrait la victoi-  
re . Et il departy les petis enfans des citez, de leur propre instinct de nature  
se diuisoyent en deux parties & s'appelloyent les vngs Pompeyens & les  
autres Cefariens , & feirent vne certaine bataille entre eulx sans armes : en  
laquelle la partie maintenant Cesar obtint la victoie . Durant le temps que  
les choses predictes se faisoýent en Italie & en Espagne , Marc Octouien  
& Lucius Scribon ayans trouué Publius Cornélien Dollobelle , fuyuant la  
part de Cesar & qui pour lors estoit en Dalmarie, l'en dechasserét avec l'ar-  
mée de Pompée , & depuis enloyrent en vne certaine isle Gaius Antho-  
nius, lequel luy voulut donner secours: & illec habandonné des hommes du  
pays & opprimé de fain , le prindrent avec tout son exercite , excepté quel-  
que petit nombre qui preuindrent fuyans en terre ferme , & autres prins en  
passans sur petiz esquiffes se occirent eulx mesmes : mais Curion conquist  
toute la Sicille sans batailler, par ce que Caton qui pour lors y estoit prefect  
ne se voyant assez puissant ne voulut mettre les citez en peril , ains delais-  
sa ceste isle & se retira vers Pompée . Et estant passé en Affricque fut de-  
puis destruit, Car Lucius Cesar habandonna la cité de Aspide , en laquel-  
le il estoit par fortune. Estant illec arriué Caton & Publius Atteius, Curion  
lequel auoit pour lors affaire en ceste prouince , & tenoit plusieurs citez &  
souldardz les perdit . ayant esté vaincu par Caton, mais Iuba filz de Ihem-  
psales & roy des Numidiens preferant la part de Pompée comme celle  
tant du peuple comme du senat , & ayant en hayne Curion pour ceste occa-  
sion, qu'il estant tribun s'estoit efforcé luy oster le royaume & de confis-  
quer son pays luy faisant vne moult grand & aspre guerre , n'attendit qu'il  
l'affaillist en Numidie, ains ayant Curion mis le siege deuant vne cité ap-  
pellée Citique ne le vint combatre avec tout son exercite craignant qu'il ne  
se meist en fuyte de paour ( par ce qu'il n'auoit si grand desir de le dechasser  
comme de se venger de luy ) mais auoir enuoyé quelque petit nombre de-  
uant & faict preallablement courir lebruyt qu'il s'en estoit allé en autre part  
avec tout son exercite: vint apres ses gens & ne faillit à son emprinse : car  
Curion au commencement se retyra à son camp qu'il auoit pres de la mer  
doubtant que Iuba ne vinst pour monter en ses nauires si il eust esté efforcé,  
&

Marc octo-  
uien, & Lu-  
cius scribo-  
nius.

La Sicile  
conquite.

& de habádóner du tout l'Affricque: neantmoins depuis qu'il entédit ceulx qui le venoient assailir estre en petit nombre, & sans Iuba, donna bon courage à ses gens, & la nuit ensuyuant haístiement leur vint courir sus, se doubtant de leur fuite & tenant la victoire pour certaine, & apres auoir occis quelques vngs transcouruz les premiers par la voye & qui s'estoyét endormis deuint pour ce beaucoup plus prompt & se rencontrant entre les autres, procederét plus auant, au point du iour, ne fait aucune demeure, ains subitemét vint à la bataille (bien que ses souldardz fussent moult traueillez tant pour le chemin que pour les veillées) & en ce conflict se trouuans l'une & l'autre partie forte & aspre, combatát esgallement, Iuba suruenant à l'impourueu tant pour ceste cause comme pour sa multitude le deffist & l'occist avec plusieurs autres, pour suiuit le reste iusques à leur fort, le quelz depuis il assiegea dans leurs nauires, & si gaigna en ceste route grosses sommes de deniers, occist maintz vaillans hommes & plusieurs d'entre eulx moururét fuyans, & aucús voulans entrer es nauires, repoulsez en arriere, se perirent, & autres furent submergez en leurs esquiffes pour la trop griefue charge, & aucuns autres craignans de endurer pareille affliction se retirerent à Varron, esperans estre pour ce sauluez, toutefois frustrez de leur intention Iuba pretendant de les auoir vaincuz les mit tous au trenchant de l'espee ou peu sen faillit. Curion qui auoit favorisé Cesar en plusieurs choses & en luy auoit grand esperance fina ainsi ses iours: & Iuba par le contraire fut grandement honnore par Pompée & des autres senateurs estans en Macedoine & fut nommé roy. Mais tout à l'opposite, fut icelluy accusé par Cesar & ceulx de la cité, & declairé ennemy: & Bogus & Bougue, ses ennemis, furent nommez roys. Et en l'an ensuyuant les magistratz & offices furent desseignez oultre la coustume, & y fut faicte grand bataille, car ceulx de la cité esleurent pour consulz Cesar & Publius Seruilius, ensemble tous les preteurs & autres magistratz selon leurs loix. Mais ceulx de Theffallonic ne preparerent aucune semblable chose, bien que (comme aucuns disent) ilz eussent en leur partie deux cens senateurs avecq consulz, & faitz publier vng certain espace pour les augures à ce que semblassent estre faitz legitimement, & qu'on estimast pour toutes ces choses que le peuple & toute la cité feussent en ce lieu: & fut la raison de ce pour autant que les consulz ne diuulguerent les loix Tribulles, mais ayans changé le nom aux premiers, & appelez aucuns proconsulz, aucuns preteurs, aucuns proquesteurs, yferent de ceulx la mesmes, car ilz auoyent grand cure d'observer les coustumes de leur patrye, combien qu'ilz eussent laissé les armes & icelles habandonnées. Parquoy ne faisoient toutes choses ainsi que le requeroit la necessité alors presente, ains obseruoient exquisement toutes leurs ordónances. Neantmoins tous ces magistratz tant d'ung costé que d'autre tenoyent seulement le nom, mais en effect ceulx qui gouernoient estoient Cesar, & Pompée. Et pour plus grande honnesteté l'ung se

Curion occis.

Bogus.  
Bougue.Cesar &  
P. Seruil.  
esleuz con  
sulz.

appelloit consul & lautre proconsul, sans faire toutesfois ce qui estoit conuenable à telles dignitez, ains ce qui leur plaisoit.

Comment Cesar nauigua en Macedoine contre Pompée.

Chapitre

XXXI.



Stans d'ocques les affaires disposées en ceste maniere, & la principaulté diuisée en deux parties, Pompée se tenoit en Thessalonice & ne faisoit grand garde es lieux voisins de la mer par ce qu'il ne pensoit Cesar estre encores venu d'Espaigne, & bien qu'il fust arriué, ne pensoit qu'il passast la mer Ionye en tēps d'yuer. Mais ce pédat Cesar estoit à Brádis attendát le printemps, toutesfois ayant esté aduertý que Pompée estoit fort loing & se faisoit mauuaise garde en l'autre costé de terre ferme alors prit le tēps de la guerre & obserua le temps prospere, car au mylieu de l'yuer Cesar se departit avec vne partie de son exercite par ce que les nauires n'estoyent suffisantes à le passer entierement, & au passaige faillit Marc Bibulus auquel auoit esté commise la garde de la mer & arriua aux Promotoires appelez Cereauniens, lesquelz font la derniere partie de terre ferme pres le boccault de Sinotoine: & estant illec arriué auant que Bibulus eust esté dist qu'il fust entré en mer, enuoya les nauires à Brádis pour amener les autres, toutesfois Bibulus leur feit d'omage ce pendát qu'elles passoient & prit aucunes d'icelles parquoy Cesar cōgneut en effect qu'il estoit plus tost passé par bonne fortune que avec bon conseil, & en ce temps conquist Voricque & Apollone & aucuns aultres lieux circouoisins habandonnez par les garnisons & gouverneurs illec establis par Pompée. Laquelle Apollone Corinthe est située en vng lieu moult commode tant de terre, mer, que de fleues: & ce qui me donna grand merueilles fut que le feu yst hors en grand quantité ioignant la riue du fleue & toutesfois ne brusle grand partie de la terre d'entour, ne encores allume ceste mesme terre sur laquelle il s'espand, ny en aucun endroit ne la faiçt plus seiche, ains produiçt maintes herbes & maintz arbres verdz voisins, croissans pour l'habondance des pluyes & se eslieuent en hault, au moyen dequoy est ce lieu nommé Olymphee, & red vng tel oracle prenant de l'encens & priant de quelcōques choses tu yueilles scauoir gettes le comme qu'il porte tōn veu, & alors si ce que tu demandes se doibt conduire à effect le feu l'allume trespromptement, & encores que ledit tombe de son circuyt se meult pour le prendre, & depuis qu'il l'a prins, se consume. Et par le contraire si ce qu'on demande ne se doibt faire, le feu ne s'approche, & si l'encens tombe dans le feu, il luy cede & s'en fuyt incontinent. Et ces deux choses font semblablement en toutes demandes, excepté tant seulement en celle de la mort, & de mariage, par ce que de ce n'est licite voire des le commencement en demander oracle, & est ce lieu de telle nature. Mais Cesar, tardant Anthoine auquel il auoit commis la

Promon-  
toires Ce-  
reauniens.

Olimphée.

con-

conduicte de ceulx qui estoient demourez en Brandis & n'ayant d'eulx nouvelles aucunes au moyé de l'yuer & de Bibulus qui gardoit la mer, se doubta qu'ilz ne feussent suspens & temporisassent pour veoir cōme succederoyēt les affaires ainsi que ont acoustumé faire les hommes en telles diuisions: au moyen dequoy voulant luy seul passer en Italie, mōta sur vne petite barque se disāt estre messaiger enuoyé par Cesar: & bié que sur la mer y eust oraigne neantmoins contraignit le nautonnier de le vouloir passer: & depuis qu'ilz furent auant en mer, esloignez de terre, & que le vent se renforca si que les vndes conuassioient terriblement la barque, en maniere que le nautonnier encores efforcé n'eut hardiessē de nauiguer plus oultre ains tafcheoit de retourner en derriere contre la volunté de Cesar, alors Cesar se declaira & descouura au nautonnier comme qu'il fust pour faire cesser la fortune & luy dist: Ayes bon couraige car tu portes Cesar. Tant grād confiance auoit, ou vainement, ou par quelque oracle receu, qu'il auoit esperance trescertaine de salut, voire contre les apparences magnifestes: toutefois ne passa, ains festant par long temps trauillé en vain s'en retourna en derriere: & ce faict dressa son camp contre Pompée par ce que Pompée si tost qu'il fut aduertý de la venue de Cesar ne seiourna mais esperant de vaincre facilement Cesar auant que ceulx qui estoient avec Anthoine fussent arriuez, hastiuement s'en alla avec vne partie de son exercite à Appollonia: & Cesar luy vint au deuant iusques au fleuue, esperāt de debuoir estre esgal à ceulx qui estoient arriuez: mais depuis congnoissant que le nombre de ses gens se trouuoit moindre que les autres s'arresta tout quoy: neantmoins à ce qu'il ne semblaist le faire de paour & de n'estre suffisant pour la bataille enuoyoit aux ennemis aucūs traitez d'accord, & ainsi s'en passoit. Mais Pompée aduertý de telle dissimulation, s'efforca incontinet se ioindre avec le camp de Cesar, & tenta de passer le fleuue. toutefois depuis que le pont pour la continuelle & excessiue charge fut rompu, & que ceulx qui ia estoiet passez, habádōnez de secours & delaissez seulz furēt occis, alors se deporta moult triste de ce que le cōmencement de la bataille luy auoit esté contraire. Et en ces entrefaictes (suruenu Anthoine au secours de Cesar) se retira à Duras, car ce pēdant que Bibulus viuoit Anthoine n'eut hardiessē d'habandonner Brandis & s'embarquer: mais luy decedé, & que Lybonius succeda en son lieu à la garde de la mer, Anthoine le mesprisant s'embarqua ayant volunté de passer par force, & il estāt arriué dechassa celluy qui luy couroit sus en maniere qu'il l'empescha de descendre en terre ferme. Libonius doncques ayant besoing de port & d'eau par ce que la petite isle qui est pres le port en laquelle il seul pouoit descendre estoit sans eau & sans port, fut contrainct se retirer au loing & en lieu qu'il peust trouuer l'une & l'autre de ces deux choses. Et ainsi Anthoine festant leuē pour la seconde fois ne receut aucun dommaige de Libonius, combien qu'il tentaist de assaillir ses nauires, qui ia auoyent leuē les ancras, Aussi pareillement vne tresgrand fortune qui en cest instant

se leua, empescha la pour suyte de l'emprinsé, car tât l'une que l'autre ptie fut de ceste mesme fortune endómaigée, neátmoins se sauluerét les souldardz.

Comment Cesar & Pompée combattirent, pres Duras.

Chapitre XXXII.



**P**ompée (comme ia i'ay dit) se retira à Duras, mais Cesar le pour-  
suyuoit se cõfiant en la multitude avec laquelle il estoit superieur  
pour ceulx qui l'estoyét conioinctz avec son premier exercite. Et  
fault noter que Duras estoit premierement des Illyriens, maintenát des Par-  
thiniés & alors estoit ascripte au pays de Macedoine, & est vng lieu moult  
oportun ou qu'elle soit Epidane des Cerciriens, où qu'elle soit vne autre. Et  
ceulx qui ont ce escript rapportét son edification & son nom à vng heroes  
nómé duras. Mais aucús autres disent auoir eu ceste determination des Ro-  
mains lesquelz l'appellerét Dirachir, qui signifie en langue grecque lieu dif-  
ficile, par ce que le nom de Epidanus signifiant en langue latine, Dommai-  
ge, luy sembla estre mauuaise augure au passaige. Pompée doncques retiré  
à Duras meit son camp hors la cité à l'entour duquel feist faire fosses & tran-  
chées tresprofondes avec rápars tressfortz. Et Cesar s'estant approché avec  
son camp, esperát avec la multitude de sa gent destruire le taulditz, apres a-  
noir esté repoulsé en derriere s'efforca l'enuiróner de muraille: mais ce pen-  
dant qu'à ce faire estoit attentif, Pompée de sa part en aucuns lieux faisoit rá-  
partz, en autres les muoit, & en certains autres endroictz ediffioit tours  
moult haultes qu'il circondoit de fossez, en icelles mettoit si bõnes gardes q̃  
empeschoit que le circuyt de Cesar ne fust paracheué, & faisoit que l'entrée  
estoit moult difficile aux ennemys, bié qu'ilz obtinssent leur intécion. Dóc-  
ques maintes batailles (mais petites) se faisoient, & tatóst les vngs & puis les  
autres estoiet vaincqueurs, en maniere que de l'une & de l'autre ptie en mou-  
roit esgalement: & estant située la cité de Duras entre les palludes & la mer,  
Cesar en téps de nuict cõme que la cité luy deust estre trahye & pour tenter  
ceulx qui la gardoiet, proceda auát es destroictz d'icelle, mais plusieurs sould-  
dardz de la cité sortis en multitude sur luy & encores assailly de ceulx qui  
estoiét es naures, Cesar perdit plusieurs des siens & à peu qu'il ne fut occis:  
Au moyen dequoy Pópée animé d'auátaige, la nuict ensuyuát mit les escou-  
tes & embusches pres les murailles que Cesar faisoit cõstruire, & ayát sur-  
pris vne grand partie de souldardz à l'ipourueu en feit vne grád occision.  
Quoy voyát Cesar, que les viures luy deffailloient, que la mer luy estoit en-  
nemye, & aucús des siens s'en estoiet fuis, doubttát d'estre surprins p̃ embus-  
ches ou habádóné p̃ le reste de ses gés, getta p̃ terre to<sup>9</sup> les edifices ia faictz,  
& ce faict hastiuemét se retira en Theffallie: par ce qu'en ce mesme téps que  
Duras estoit assiegé Lucius Cassi<sup>9</sup> Lógini<sup>9</sup> & Gneus Domitius Calmunius  
enuoyez par luy en Macedoine & en Theffallie, Lóginius eut en ce lieu vne  
grand route par Scipion & Sadalus Tharsien: mais Calmunius fut dechassé  
de Macedoine par Faustus: toutefois depuis s'estant rallyé avecques les

Helo-

Dirachir,  
signifie en  
grec, lieu  
difficile.

Lucius,

Lóginius.

Sadal<sup>9</sup> Thar-  
sien.

Helociens & les Hestoliés courut avec eulx en Theffallie, & apres quelques batailles ayant aucunes foys esté assailly & partie assillant Scipion leur osta aucunes citez. Depuis Cesar se retira en Theffallie esperant avec ceulx cy auoir habondance de viures & de pouoir prolonger la guerre plus longuement: neantmoins voyant que nul le vouloit recepuoir comme celluy auquel les choses nauoiét esté prosperes, laissa en paix les autres lieux, encores cõtre sa volunté, ains ayát assailly Gomphuine cité petite de Theffallie & icelle prinse fait occir plusieurs personnes tant souldardz cõme habitás & le tout mettre à sac, pour dõner craicte aux autres. Quoy voyát ceulx de Metropolis ne voulurent combatre cõtre luy mais sans bataille s'accorderent. Et pour ne leur auoir fait Cesar aucune violence, depuis plus facilement pour l'une & l'autre cause suppedita toutes les autres: parquoy de rechef reforca son ost. Toutefois Pompée ne le suiuit, ains de nuit s'ébarqua & passa le fleuue appellé Gemisse, estant en si grand opinion d'auoir obtenu du tout ceste guerre qu'il s'attribua le nom de empereur: neátmoins ne se manifesta aucunement, ne meist aucunes feuilles de Laurier au tour de ses verges, ne semblant estre conuenable faire telle demonstration pour auoir vaincu les mesmes citadins, & pour ceste mesme opinion ne nauigua en personne en Italie ne y en enuoya aucun aultre: laquelle il eust peu facilement occuper s'approchát en vng instant de tous costez (cõsideré que tous ces lieux ne luy estoyent ennemys: & bien que luy eussent esté cõtraires, toutefois nestoyent pour lors puissans à luy resister) ains il demoura en Macedoyne par ce qu'il vouloit sembler ne cõbatre pour Italie, aussi ne vouloit faire paour aux Romains estás pour lors en la cité. Il ne chercha doncques Italie pour ceste cause, ny encores fait entendre au peuple aucune des choses passées. Mais ayant depuis suiuy Cesar, l'acconsuyuit en Theffallie, & estans campez l'ung contre l'autre l'aspect de tous les deux cãps faisoit vng aspect de guerre, toutefois l'usage des armes estoit cõme s'ilz eussent esté en paix, par ce qu'ilz cõsiderans la grandeur du peril, l'instabilité & incertitude des choses, & ayans encores vne certaine honte pour estre d'ung mesme pays & d'ung mesme sang, retardoiet l'effect, & ce pendant se mandoiet l'ung à l'autre parolles d'amytie, si que il sembla vainement à aucuns qu'ilz fussent reconciliez: & fut la cause par ce que desirant chascun d'eulx d'auoir toute la puissance entre les mains & vsans d'une ambitio naturelle & d'une condition accidentale: car les hommes ne peuent endurer de deuenir inferieurs de ceulx qui leur sont esgaulx: & ne se vouloient ceder l'ung à l'autre en aucune chose comme ceulx qui pouoyent vaincre aussi tost l'ung que l'autre: & si bié s'accordassét, ne pouoiét croyre que tousiours n'appetassent d'estre par dessus, qui vne autre fois les feroit venir en discord, pour autant qu'ilz estoiet si differés de courage & voluté l'ung à l'autre, entát que Põpée desiroit de n'estre secõd á nul hõme, mais Cesar d'estre le premier: d'auátage Põpée vouloit estre hõnoré des hõmes volútairement & leur estre superieur

Gomphuine  
cite de  
Theffalie,

Gemisse fl.

de leur

de leur propre volonté, Et par le contraire ne chailloit à Cesar d'aucunes de ces superstitions, ou qu'il seigneurisast les autres par force, & commandast à ceulx qui l'auoyent en hayne, ou qu'il s'attribuast les honneurs à luy mesmes. Neantmoins les œures pour lesquelles ilz esperoiét obtenir ce qu'ilz vouloyent, estoÿt semblables, pour estre impossible que tous deux peussent obtenir ce qu'ilz desiroyent silz ne combatoyent cōtre leurs citadins, & ne menassent les estrangiers contre leur patrie, ne desrobassent plusieurs sommes de deniers, & ne meissent à mort maintz personnaiges leurs tresgrans amys iniustement: parquoy bien qu'ilz feussent differés en desirs, toutefois les voyes par lesquelles ilz esperoyent les deduire à effect, estoÿent semblables: & pource en aucunes choses se cedoyét l'ung à l'autre pose qu'ilz se iustificassent grandement tous deux. Et finalement vindrent à la bataille, laquelle fut si grande, que telle n'auoit esté au parauant, car tous deux estoÿent respectiuelement tresvaillans hommes & bien entenduz en toutes choses cōcernans le fait de guerre, & approuuez sur tous les hommes, non seulement Romains, mais encores de quelque natiō qu'ilz fussent, pour auoir esté l'ung & l'autre de leur enface exercitez es armes & tousiours vsitez en icelles, ayās faiçtes tresnobles preuues & vse de grād vertu avec p̄spere fortune: & aussi estoÿét l'ung & l'autre tresdignes & tresvictorieux capitaines de exercites.

Comment Cesar vainquit Pompée vers Pharsalle.  
Chapitre XXXIII.

**C**esar auoit en son camp la plus grand partie de la fleur des hommes Romains de toute l'Italie & de la Gaule, enſemble de toutes les isles qu'il auoit en sa puissance, hommes tresbi esleuz. Et Pópée auoit bien plusieurs senateurs & cheualiers & des legions Romaines, mais beaucoup plus en auoit rassemblez tant des subiectz que des confederes, car sans Pharnaces & Oroles (lequel tenta de se faire amy cōbien qu'il fust ennemy des Romains depuis la mort de Crassus) tous les autres qui n'estoyent ses amys luy donnerent secours tant de deniers que de gens: Mais le Parthe luy promist bien de luy dōner ayde s'il recepuoit la Syrie, toutefois ne l'ayant peu obtenir, n'en feit riens. Estant doncques Pompée grandement superieur en multitude ceulx de Cesar leur estoÿent esgaulx en force, au moyen dequoy l'une & l'autre partie estoÿent esgalement puissans & en peril esgaulx. A ces raisons & pour vne mesme occasion qu'ilz auoyent de la guerre, fut faiçte vne tresgrand bataille, par ce que la cité de Rome avec tout son empire leur estoit préposée pour préeminence & recompēse, ioinct que chascun entendoit que quiconques d'eulx feust victeur, auroit le tout en sa domination. Considerant doncques l'ung & l'autre les choses deuantdictes, & oultre se recordās de leurs premiers faitz, assauoir Pompée, de Affricque, de Sertoriés, de Mithridates, de Tigranes & de la mer: & Cesar

far, de la Gaule, d'Espagne, du Rhin, de Bretagne. Et estimás de contendre de ces prouinces, & sefforcans de conquefter la gloire l'ung de l'autre tous deux estoient promptz à la bataille, par ce que aux autres choses que obtiennent les vaincqueurs, la gloire du vaincu leur est attribuée & annexée: & de quant vng deffaiët vng autre plus grand & plus puiffant que luy, de tant luy en acquiert plus grand gloire. Au moyen dequoy l'ung & l'autre reconfortoyent leurs gens d'armes avec plusieurs parolles, toutesfois semblables, disans tout ce qui est cōuenable de dire en telz affaires, tant pour le present peril que pour le futur, par ce que estans mis d'une mesme republicque & parlans pour mesmes affaires & se nōmans & l'ung & l'autre Tirát & soy mesmes liberateur & deffenseur de la patrie, n'auoyent chose qu'ilz peussent dire differente l'ung de l'autre, mais que par vne mesme maniere seroyent occis par l'autre seroyent sauluez, ou qu'ilz seroiët tous prisonniers, ou qu'ilz auroyent le tout en leur domination, ou qu'ilz perdroyent ce qu'ilz auoyët, ou qu'ilz seroyent & soustiendroyent plusieurs griefz ennuy. Faisans dōcques ainsi ces deux telles exortations à leurs citadins, & oultre ce induisans les subiectz & les compaignons à l'esperance des choses meilleures, & à la paour des pires, mirent les armes au poing ensemble ceulx qui estoient d'une mesme tribune & d'une mesme lignée estoient cōpaignons en vne mesme viande & cōfederéz l'ung avec l'autre. Et pourquoy se doit l'ung lamenter de l'autre puis que tous deux en toutes choses sont semblables? Et oultre ce, ayans traicté entre eulx maintes parolles secretes & maintes choses pareilles, & s'estás ia conioinctz en affinité par vng mariage dont ilz auoyent vng mesme enfant, l'ung comme pere & l'autre comme ayeul: toutesfois cōbatirent ensemble, car tous les lyens que nature auoit mis entre eulx furent desliez, rōpuz & deffirez pour l'insatiable cupidité de seigneurier: & pour ce Rome deuoit estre en peril enuers elle mesme & de soy mesme, en maniere qu'elle vainquāt seroit vaincue. Ilz vindrent dōcques au faict d'armes, toutesfois non si tost, mais comme ceulx qui estoient venuz d'ung mesme pays & ayans semblables armes & leurs esquadres & bataillons rengez en mesme maniere ne se pouoyent mettre à commencer & ne pouoyent donner coup l'ung à l'autre, ains l'une & l'autre partie demouroyent avec silence & angoisse, & nul d'eulx se mectoit auant ne aucunement se mouuoit, ains se retirans en eulx mesmes demouroyent coy comme hommes priuez de sentiment. Quoy voyans Cesar & Pópée & craignans que s'ilz estoient guieres en tel estat qu'apres ne fussent moins promptz à la bataille, & ne s'accordassent entre eulx, commāderent respectiuement à leurs trompettes de sonner l'alarme. ce que fut incontinent faict d'ung coste & d'autre, Mais ilz furent si alienez d'eulx enflāmer oyans le son des trompettes, le cry & la voix Romaine, qu'alors plus recongneurent leur proximité & affinité que au parauant, Au moyen dequoy incontinent ilz se retournerent aux pleurs & gemissemens. Toutesfois ayans les gens de pied des confederéz commencé de

de cōbatre ilz encores se y misrent & s'enflammerēt voyans les autres vigoreusement combatre. Et ceulx qui deuoient cōbatre de loing soustenoïēt moindre tristesse, comme ceulx qui tiroient de leurs arcz, lancoient dardz & pierres & ne scauoient que ilz naurassent. Mais les sacquemens & cheualiers auoyent plus grand peine comme ceulx qui estoïēt voisins & si pres qu'ilz pouoyent parler l'ung à l'autre, & congnoissans ceulx qui leur estoïēt opposites les frappoyent, les appelloyent par leurs noms, les occioyent & se recordans de leur pays les despouilloyent. Ces choses dōcques faisoient & soustenoient les Romains & les autres Italiens estans en leur compaignie, quand ilz s'affronterent ensemble: & si plusieurs enuoyoyent nouvelles aux parens & amys de ceulx mesmes qu'ilz auoyent occis. Mais les subiectz cōbatoyent viuemēt & sans aucune intermissiō, faisans semblable effort pour la seruitude des Romains qu'ilz auoyent parauant soustenu pour leur liberté, & estans premieremēt inferieurs à eulx en toutes choses desiroyēt qu'ilz fussent serfz avecq eulx. La bataille doncques fut tresgrande & de diuerses manieres tāt pour les choses susdictes comme pour la multitude & pour la diuersite des appareilz de guerre, car infiniz sacquemēs, cheualiers, archiers & fronditeurs auoiēt occupé toute la planeure, & estans espars, aucunesfois (comme ceulx qui auoyent les armes semblables) venoyent au combat avec les leurs mesmes & souuentefois avec les autres, Et estoïēt les Pompeiens superieurs tant en gens de cheual que en archiers, au moyen dequoy enuironnans aucūs de loing en vng moment les assailloyent, & depuis qu'ilz les auoyent desordonnez incontinent se retiroyent arriere, & apres vne autre fois & encores vne fois les assailloyent, se transportans tantost d'ung costé & puis d'ung autre. Ce que voyans les Cesariciens se tenoyent sur leurs gardes & retournans leurs esquadres & bataillōs se mettoyent tousiours à l'opposite de ceulx qui les assailloyēt, & s'approchās de pres prenoyent des prisonniers tant à pied que à cheual, combatans promptement: par ce que les souldardz de pied legiers, estoient à ceste fin ordonnez contre les gens de cheual des Pōpeiens. Et est assauoir que les choses predictes ne se faisoient l'une apres l'autre ainsi que ie les recité, ains souuentefois se faisoient en vng temps & en plusieurs endroitz, si que combatans les aucūs de loing & les aultres de pres & transcourans aucuns autres aucunesfois estans naurez & fuyans des autres poursuiuiuz se veoyent maintes batailles à pied & à cheual, & si en ce fait arriuoyent maintes choses diuerses. Et ne pēsez que vng qui auoit donné la chasse à vng autre, apres encores ne se mist en fuyte: & que vng autre qui auoit esté poufuiuy par vng ennemy, apres ne le pourfuiuaist: & que vng qui eust nauré quelque autre, apres ne fust encore il mesmes blessé: & que vng qui estoit cheu par terre, apres ne tuast celluy qui estoit droict, & se trouuoient plusieurs mortz qui encores estoient entiers, & plusieurs à demy mortz occioyent les autres. Aucuns se resiouyffoyēt & demoyent grand feste & autres estoient tristes & se lamētoyent: parquoy tou-

te chose estoit plaine de clameur & de pleurs, d'ôt la plus grand partie d'entre eulx se perturboient, par ce que les parolles qui se disoyent non estans d'eulx entendues, pour estre estranges & dictes confusement, les mettoient en grand frayeur : mais à ceulx qui s'entre entendoient arriuoit plus grand mal, car oultre les propres passions veoyent & entendoient celles de leurs voyfins. Finablement ayant esté la bataille par longue espace esgalle & plusieurs de l'une & l'autre partie occis, Pompée fut vaincu, comme celluy qui auoit grand partie de son exercite nud, ainsi encores que luy auoit esté démontré au parauant par aucuns signes, par ce que aucunes fayettes celestes estoient tombées en son camp & vng feu aéré s'estant démontré sur le fort & rampart de Cesar après alla tomber en celluy de Pompée, Aussi les mousches à miel occuperent ses enseignes militaires, & plusieurs hosties estans approchez des aultelz sen fuyrent & esuanouyrent. Et ceste bataille appartenoit tant encores aux autres hommes que souuenteffois en ce mesme iour y eut combat en plusieurs lieux, furent ouyz rencontres d'exercites & mouuemens d'armes, & en Pergame estant esleué vng bruyt de cymballes & tabourins du temple de Dionysius transcourut toute la cité. Et en la cité de Trales nasquit vng pômier dacte au tēple de la déesse de victoire, & la déesse mesmes se retourna vers l'ymage de Cesar y posée : pareillement aux Syriens apparurent deux ieunes enfans qui denoncerent la victoire & depuis ne furent veuz, & en Padoue pour lors cité de Gaule & maintenât de Italie quelques oyseaulx non seulement la denoncerent, ains par vng certain moyen la demonstrent, par ce que vng nommé Gaius Cornellius pour estre entendues trescertainement toutes les choses qui auoyent esté faites, les exposa à celles qui se trouuoient lors presentes. Cela aduint le mesme iour auquel fut commise la bataille : neantmoins si tost les hommes (comme estoit raisonnable) ne luy adioustoient foy, mais entendues que furent les nouvelles, demourerent moult estonnez. Et les Pompeiens, assauoir ceulx qui ne furent en ce conflict occis, s'en fuyrent ou ilz peurēt : toutteffois Cesar depuis retira à foy & meit entre ses legions ceulx qui estoient souldardz ordinaires, ne demôstrant aucune mauuaise volonté cōtre eulx, mais fait mettre à mort tous les senateurs & cheualliers que autreffois il auoit prins & depuis sauluez, excepté aucuns qui luy furent demandez par ses amys, aufquelz il auoit concedé que chascun d'eulx en peust sauluer vng : & par le contraire tous les autres qui alors auoyent esté premierement cōtre luy deliura, disant ceulx qui ont aydé à Pompée qui estoit leur amy ne m'ôt fait aucune iniure n'ayās premieremēt receu aucū benefice de moy. Et cela mesme fait aux Dinaftiens & aux autres peuples qui luy estoient venuz au secours, car il les pardonna tous, considerant qu'il ne congnoissoit aucuns ou nul d'entre eulx, mais de Pompée auoyent premieremēt receuz plusieurs benefices : & regardoit beaucoup plus de sauluer telles gés que ceulx qui par

Pompée  
vaincu.

Signes ad-  
uenus en  
plusieurs  
lieux.

Humanité  
de Cesar  
enuers ces  
ennemys.

auant auoyent de Pompée esté beneficiez & apres l'auoyent habandonné  
esperant qu'ilz luy seroyent encores semblables amys, mais des autres, bien  
qu'il semblast s'estre gratiffiez à luy, neantmoins si comme ilz auoyent esté  
traïstes à leur amy, semblablement doubtoit qu'ilz ne feussent en son en-  
droit: & en signe de ce il pardóna Sadales Tracien & Derotarus Gaulloys  
posé qu'ilz eussent esté en bataille contre luy, & Tarcondimotus qui domi-  
noit en vne partie de Sicile, & auoit donné grand secours à Pópée es faictz  
de mer. Mais qu'est il de besoing connumerer tous les autres qui luy don-  
nerent secours: il pardonna encores ayant seulement receuz d'eulx quelques  
deniers, car autre mal ne leur feit ne leur osta autre chose bien que plusieurs  
d'entre eulx eussent receu de Pompée plusieurs grandz biens tant au para-  
uant côme alors, par ce quil dóna vne partie de Armenie qui auoit apparte-  
nu à Derotare à Ariobassanes roy de Capadoce: neãtmoins ne feist aucú dó-  
mage à ce Derotare ains plus tost luy feist bien, car il ne luy osta riens de  
son pays, mais ayant recourré toute Armenie que parauant auoit esté occu-  
pée par Pharnaces vne partie en donna à Ariobassanes & l'autre à Derota-  
re, & en son endroit se porta en ceste maniere: mais à Pharnaces qui disoit  
n'auoir donné secours à Pompée, & par ce demandoit pardon des choses  
faictes par luy, ne donna aucune chose, ains par le contraire le reprint qu'il  
auoit esté vng meschant & ingrat enuers son bien facteur, tant estoit l'hu-  
manité & la vertu de laquelle vsa Cesar apres la victoire enuers ses  
ennemys: d'auantaige toutes les lettres trouuées es coffres de  
Pompée par lesquelles il eust peu congnoistre tant ses a-  
mys que ennemys ne voulut lire ne faire transcrip-  
re, ains incontinent les brusla á ce qu'il ne feust  
contrainct faire quelque mal: au moyen de-  
quoy & pour ceste clemence en auoit  
meritéement en hayne ceulx qui  
depuis le trahyrent. Le ditz  
ces parolles pour Marc  
brutus qui l'occist a-  
uoir esté premie-  
rement prins  
puis deli-  
uré par  
luy.

# Le Quarantedeuxiesme liure

DE DYON, HISTORIEN GREC,

Traduict d'Italien en Francois.

Au present liure est traicté de la mort de Pompée, & de la pour fuyte que feit Cesar apres icelluy, Des choses qui furent determinées par decret à Cesar, du discord des Romains pendant l'absence dudit Cesar, des victoires qu'il eut tant des Egyptiens que de Pharnaces: puis est traicté de son retour à Rome, & comment avec l'exercite il alla en Aphrique.



Comment Pompée vaincu en Theffallie s'en fuyt en Egypte, ou il mourut. Chapitre XXXIII.

**L**A bataille d'ocques eut telle fin, & Pompée depuis vint incontinét en desespoir de tous ses affaires, & ne feit estime aucune de la propre vertu, ne de la multitude de ses soldardz, ains considera que fortune en brief téps releue ceulx qui s'ot trebuschez (bien qu'il au temps passé tousiours eust bonne esperance, encores en la fortune contraire) & la cause de ce fut, par ce que estant esgal à ses aduersaires, ne se proposoit auant la victoire en son couraige, ains considerant premierement que quand enco-

res il estoit en l'ysse feure des choses auant que venir en aucune frayeur, apres scauoir pourueoir à la fortune aduerse, n'estoit contraint ceder aux calamitez & pouoit facilement renoueller bataille: Mais alors il apparant de debuoir estre beaucoup plus puissant que Cesar n'eut aucune prouision, & pource ne meit son camp en lieu commode, ne pareillement se prepara aucun lieu de retraicte où il se fust peu sauuer si d'adventure il estoit vaincu: & il pouant differer de venir à la bataille, & en ce faisant obtenir la victoire sans grande effusion de sang, considéré que chascun iour venoyent exercites & auoit tout ce qui luy estoit necessaire en habodance comme celluy qui en partie estoit amy & entierement seigneur de la mer, neantmoins ou qu'il le feist de propre volonté comme qu'il fust en tout euement pour obtenir la victoire, ou contrainct des siens, vint à la bataille, au moyen dequoy si tost qu'il fut vaincu se meit en grand desespoir & n'eut aucun bon cõseil ne aucune estable esperance à renoueller vne autrefois la bataille: p ce que quãd vne chose suruiet à quelqu'vng hors d'opinion & sans raison, alors luy deffault le courage & l'entendement se confond, en maniere qu'il est tresmauuais & tresdebile iuge des choses necessaires à faire, car les considerations ne peuent estre avec les prudences, ains si elles paruiennent ou en l'entendement daucun, genereusement les dechassent: & si elles sont anticipées, alors sont du tout vaincues. Pour ces raisons doncques Pompée qui parauant n'auoit iamais premedité telles sèblables choses demoura nud & desnú de secours, & si d'adventure il eust faiet quelque prouision facilement eust peu le tout recouurer: considéré que plusieurs de ceulx qui ont esté suppeditez en bataille ayans obserué les choses predictes, depuis se sont remis sus: & qu'il especiallement auoit plusieurs gens d'armes, d'auantaige possedoit plusieurs deniers & si estoit entierement seigneur de toute la mer: aussi toutes les citez circonuoyfines ensemble celles de Asie luy portoyent amyrié, bié qu'il eust perdu la bataille. Mais luy depuis que vne seule fois luy succeda contre son desir cela enquoy il se confioit grandement, ne vfa d'aucús de ses subsides par la subite craincte qui le vint assaillir & saisir, ains incontinent habandonna son camp & s'en fuyt à Larysse avecq peu de gens: toutesfois ne voulut entrer en la cité (bien que les Larissiens l'eussent inuité) craignant qu'ilz ne fussent apres pour luy encoulpez, ains leur commanda qu'ilz se retirassent vers le vainqueur: & ce faiet ayant receu toutes les choses necessaires & môté en mer nauigua en lisle de Lesbos en laquelle estoiet Corneille & Sextus son filz, lesquelz receuz avec luy & n'estát encóres entré en Mitilene s'en alla avec eulx en Egypte, esperant recepuoir secours de Ptolomée roy de ceste region. car ce roy estoit filz de Ptolomée qui de luy & par le moyen de Gabinus auoit esté reduyt en son royaume, & pour ce benefice luy auoit enuoyé vne armée p mer en son secours. & encóres i'ay autrefois ouy dire qu'il auoit deliberé s'ẽfuyr en Parthe: ce que toutesfois ie ne puis croire, par ce que les Parthes depuis que Crassus avec son exercite leur

Pompee  
retire en  
Larysse.

leur courut fus, auoiet en hayne tous les Romains, & especiallement Pópée qui estoit son parent, en maniere qu'ilz bannirent vng ambassadeur de luy vers eulx enuoyé pour demander secours: & Pópée n'eust iamais eu le courage de supplier son tresennuy il estât reduit en misere, duquel n'auoit peu obtenir ayde lors qu'il estoit en prosperité, mais s'en alla pour les causes predictes en Egypte. Et estant puenu en Sicille de la passa à Peluse ou Ptolomée qui pour l'heure faisoit guerre contre sa sœur Cleopatra auoit mis son camp, & auoir ancré ses nauires luy enuoya ramenteuoir les benefices qu'il auoit faitz à son pere & le prier qu'il peust entrer en son pays soubz certaines fermes & seures conditions, par ce qu'il ne se fioit de descendre à terre ferme si premierement n'estoit asseuré. A quoy Ptolomée qui encores estoit ieune enfant ne luy fait responce aucune, mais quelques Egyptiens & Lucius Septimus homme Romain qui ia auoit esté en guerre à la soulde de Pópée, & encores avec Gabinius qui le laissa en Egypte pour la deffence de Ptolomée, vindrent deuers luy comme amys, & touteffois le trahyrét iniquement, dont furent cause de leur destruction propre ensemble de toute la region d'Egypte, par ce qu'ilz mesmes peu apres furét deffaitz, & les Egyptiens dónnez en seruitude à Cleopatra. ce qu'ilz ne desiroiet pour nulles riés: neámoís depuis furét inscriptz entre les subiectz des Romains. Alors dócques Septimus & Achilles capitaines de l'exercite ensemble tous les autres estás avec eulx dirent próptement qu'ilz vouloyét receuoir Pópée: & ce faisoient à ce (qu'il deceu) fust facilement prins, & enuoyerent deuat ceulx qui premierement estoient venuz au nom de Pópée affin qu'ilz luy dónassent bóne esperance, & ilz entrez en quelques petites barques allerét deuers luy & luy feirent plusieurs recueils & entre autres choses voulurét qu'il descédist en leurs barques, luy donnans à entendre que les nauires par luy adinées ne se pourroyét approcher du port pour estre moult desnúé d'eau, & faignans que Ptolomée auoit grand desir de le veoir: alors Pompée adioustant facilement foy à leur dire yffit hors sa nauire, bien que tous ceulx de sa cõpaignie le luy dissuadassent, & seulement dist ces parolles: Celluy qui se retire deuers vng tyran, deuiet serf, encores qu'il y aille libere, mais les autres si tost qu'ilz furét pres de terre doubans que s'il venoit vne fois à parler avec Ptolomée ne feust saulúé où du roy mesme ou des autres Romains estans avec luy, ou bien des Egyptiens qui luy portoyét tresgrand amytié, l'occirent auant qu'ilz fussent arriuez au port, il n'ayát dit ne proferé aucune parolle, & sans ce qu'il se fust lamenté d'aucune chose, par ce que incótiñet qu'il entendit la trahyson bien congneut que le deffédre luy estoit impossible & se courrit seulement son chef. Telle fin eut à l'heure ce Pópée appellé grand: parquoy lon pourroit raisonnablement blasmer la debilité & descouenance de la generation humaine, car cestuy cy qui n'auoit laissé aucune prouidée, mais tosiours au temps passé s'estoit asseuré cõtre to<sup>s</sup> ceulx qui l'eussent peu offenser, alors fut deceu: & celluy qui auoit obtenu tant &

Pópée retire en Egypte deuers Ptolomee.

Lucius septimus traistre.

Mort de Pompee.

de si grandes victoires, fust en Asie, en Affricque ou en Europe tant par mer que par terre il estât ieune cheualier, alors fut vaïcu cōtre toute raison estât en aage de cinquante huyt ans: & ayant paciffie toute la mer soubmise aux romais, en icelle mesme fut destruit: & celluy lequel fut capitaine (cōme l'on dit) de mil nauires, depuis fut occis en vne petite barque pres Egypte, & par vng certain moyen de ce Ptolomée, le pere duquel il auoit reduyt en ceste mesme Egypte & en son royaulme, car cestuy cy qui estoit gardé & deffendu par les souldardz Romains, à luy delaissez par Gabinius, pour cōplaire à Pōpée, voyant que les Egyptiens n'auoyēt en hayne pour ceste cause le pere sembla alors que par le moyen diceulx mesmes le occist. Pōpée doncques lequel premieremēt auoit esté reputé trespuissant entre les autres Romains, en maniere qu'il estoit appellé Agamenon, alors fut taillé en pieces comme eust esté quelque hōme vilain Egyptien, pres le mōt Cassius, & en ce iour auquel il triumphe de Mithrydates & des coursaïres, de sorte encores qu'en tout ce iour ne luy estoit aucune similitude de fortune, par ce qu'il ayant en tel iour faict choses tresnobles & de tresgrand louége, alors soustint miseres tresgrandes: & d'auantaige il ayant eu premierement à suspectz tous les citadins nommez Cassiens pour vng certain oracle, ne fut pour lors trahy d'aucun hōme appellé Cassius, ains occis & inhumé pres le mōt ainsi nommé: & au regard de ses compaignons, les aucuns furent incontinent prins & aucuns autres s'en fuyrēt, mesmemēt son filz & sa femme laquelle depuis s'en retourna à Rome ayant de ce obtenu la permission: mais Sextus passa en Affricque deuers Gnée son frere, car ces surnommez sont distinctz l'ūg de l'autre estāt tous deux appelez Pompée. Et Cesar apres la bataille, auoir ordonné toutes les choses necessaires & qui estoient de importance, commit à aucuns cappitaines des siens de conquerir la Grece avec tous les lieux circonuoyfins.

Pōpée appelle Agamenon.

Comment Cesar pour suyuant Pompée vint en Egypte.  
 Chapitre XXXV.

**C**E faict pour suiuant Pompée tira iusques en Asie à la renommée de sa fuyte, & illec ne sachāt ou qu'il eust tiré, s'arresta: & luy estoÿēt toutes choses si prosperes qu'il passant à Helespont qui est vng destroiēt de mer, rencontra l'armée de Pompée, de laquelle estoit capitaine Lucius Cassius ou seulement ne receut aucun ennuy d'eulx, mais d'auantaige les ayans mis en craincte les attira à foy & prenoit encores les autres lieux & fortresses de ce pays: aussi recouuroit maintes grosses sommes de deniers & si ne faisoit ennuy ne fescherye à aucun, ains entant qu'il luy estoit possible, plus tost bien. Et pour ceste cause ayant destitué les fermiers & gabelleurs qui accumuloyent deniers moult asprement, voulut reduyre ceste somme à vne certaine pension de tribut. Depuis aduertiy comme Pom-  
 pée

Lucius Cassius recourne au party de Cesar.

pée nauiguoit en Egypte & craignant qu'il ayant préoccupé ce pays ne se feist vne autrefois puissant, incontinent se mit en voye: toutefois ne le trouua vif, mais estant allé par mer en Alexandrie auât que Ptolomée vinst à Peluse & ayant trouué tous les Alexandrins des bauchez pour la mort de Pompée n'eust hardyeffe de si tost descendre en terre, ains retiré au port y demoura iusques à ce qu'il veit le chief de Pópée ensemble l'anneau qui luy auoit esté enuoyé par Ptolomée. Et en ceste maniere depuis print couraige de descendre à terre, & venuz ses massiers au combat contre le peuple Egyptien il feit assez à s'en fuir dans le palais, & à aucuns des siens furent les armes ostées: au moyé dequoy to<sup>9</sup> les autres retournerét en port ou ilz demourerent iusques à ce que toutes les autres nauires fussent arriüées. Cesar d'ocques voyât le chief de Pópée se print à pleurer & faire plusieurs lamentatiós l'appellant citadin Romain & son gendre & connumerant tous les faitz lesquelz ia auoyent communiqué ensemble, & a ceulx qui l'auoyent occis non seulement disoit de leur estre obligé, mais oultre ce les encoulpoit, & commanda à aucuns qu'ilz ornassent le chief, & ce fait le inhumassent tres-honorablement, dont il fut grâdement loué. Mais sa fictiõ estoit pour rire, car il desirant affectueusement de obtenir la principaulté ayât de tousiours eu Pompée en hayne cõme son esgal & tasché de preuenir à ses emprinses pour le destruyre pour apres estre le premier, & s'estant hasté pour s'en retourner en Italie nõ pour autre cause que pour ceste, faignoit alors de le desirer vif & d'estre mal content de sa mort. Et ainsi Cesar ne pensant que aucun ennemy luy eust esté delaisé, Pompée decedé, demoura en Egypte à recouurer deniers & décider des differentz, meuz, entre Cleopatra & le ieune Ptolomée son frere. Et ce pendant luy furent dressées aucunes autres batailles, car l'Egyptien feit nouuelleté: pareillement commença Pharnaces si tost qu'il entendit Pompée & Cesar estre deuenuz ennemys de vouloir recouurer le royaume paternel, esperât que ceste sedition durerait par long teps & que la puissance des Romains se consumeroit de soy mesmes: & encores pour lors suyuoit son emprinses tant pour auoir son exercite en voye comme pour ce qu'il entendit Cesar estre loing de luy: ayant préoccupé plusieurs lieux. Durât ce mesme temps Caton Scipion & les autres qui estoýét de mesme volonté avec luy susciterent vne grand guerre ciuile & estrangiere en Affricque, & succeda le fait en ceste maniere.

Regretz  
de Cesar  
voyant le  
chief de  
Pompee.

Comment Caton estant fait chief de l'armée, combatit contre Cesar. Chapitre XXXVI.

**C**aton ayant esté par Pompée laissé dans la cité de Duras pour obseruer les occurrâces de Italie se aucun vouloit passer au cõmencement de cõbatre cõtre eulx, depuis Pópée yaincu, habâdõna terre ferme, & s'estre retiré à Corfou avec ceulx qui estoýét de mesme courage,

illec receuoit tous ceulx qui s'en retournoyent de la bataille, ensemble ceulx qui tenoyent le mesme party: car Cicero & maintz autres senateurs incontinet s'en allerent à Rome, mais la plus grande partie avec Labienus & Afranius comme ceulx qui n'auoyent esperance en Cesar l'ung pource qu'il estoit absent de luy & l'auoit habandonné, & l'autre pource que apres auoir esté par luy sauué, vne autrefois estoit rebellé contre luy, s'en vindrent vers Caton lequel par eulx esleu pour leur capitaine faisoient la guerre à Cesar, & encores depuis s'accorda Octauié avec eulx, par ce que alors si tost qu'il eut passé la mer Ionie & prins Gneus Anthonius il obtint encores plusieurs autres lieux & ne peut prédre Salerne cōbien que par maintes iournées y eust tenu le siege, par ce que oultre les autres rampartz & fortifications qu'ilz faisoient chascun iour ayas encores Gabinius à leur secours, finalement fortiz hors la ville avec leurs femmes feirent grans faitz d'armes, car ces femmes ayans esparés leurs cheueulx sur leurs espaulles & festans toutes vestues de noir tenans certains petiz fagotz entre leurs mains vindrent au combat droitement sur la mynuict contre l'exercite qui les assiegeoit. Quoy faisant mettans vne frayeur estrange entre ceulx qui lors faisoient le guet, comme qu'elles feussent dyables, getterent de tous costez le feu dans le fort des ennemys & les hommes qui de pres les suyuoient en occirent plusieurs qui de ce estoient troublez & plusieurs qui encores dormoyent, & feirent tāt que incontinent ilz prindrent le fort & du premier assault occuperent le port ou Octauien estoit retiré: touteffois depuis eurent assez affaire pour autant que Octauien mis en fuyte par vng certain moyen rassembla vne autre grand puissance & les ayant vaincuz en bataille de rechief assiegea la ville. Quoy faisant & Gabinius decedé par vne certaine infirmité, occupa toute la mer d'illec entour, & descédant quelques fois à terre leur faisoit de grandz maulx, & iusques à tāt que la guerre de Pharsalle fut finie & que ses souldardz couruz sur aucuns de Brandis l'habandonnerent & se adioignirent aux ennemys n'ayans aucunement contre-eulx combati, car alors estāt poure & desnue de secours s'en alla à Corfou: & Gnee Pompée auoir premierement nauigué aux entours avec l'armée des Egyptiens persecuta le pays appellé Epire & quasi qu'il ne print Noric pour lors occupé par Marc Aquilius, lequel ayant remply l'entrée du port de barques plaines de pierres & dressé à l'endroict de ses vaisseaulx grosses tours de l'ung & l'autre costé tant sur terre ferme que sur grosses nauires de charge, Gnee Pompée les pierres posées es barques espandues par hommes qu'il fait nouer, & les barques tirées par les mesmes nauires depuis qu'elles furent allegées fait l'entrée libere & nauigable & les sacquemens descenduz à terre de l'ung & l'autre costé du riuage persuada les Egyptiens qu'ilz nauigassent plus oultre. ce qu'ilz feirent. Et ainsi brusla toutes les nauires de la cité & la plus grand partie d'icelle, & encores eust prins tout le reste sinon qu'il ayant esté nauré meit doubte entre les Egyptiens qu'il ne mourust, touteffois gue-

Afranius  
Labienus.

Salerne  
assiegee  
par Octa-  
uien.

Nature  
des femmes  
de Salerne.

Gnee Pō-  
pée.

ry de la playe ne s'approcha plus de Noricque, mais circonquant au tour d'eulx destruisoit tous les autres lieux circonuoisins, & quelque fois en vain ainsi que maintz autres font: encores il tentoit de prendre Brandis & iusques à ceste heure fait ce que dessus: mais depuis que son pere fut vaincu & que les Egyptiens de ce aduertiz se retirerent en leur pays, en ceste maniere il se reduist deuers Caton. ce que fait pareillemēt Gaius Cassius ayant grandement endommaigé plusieurs lieux de Sicile & Italie & vaincu plusieurs ennemyes en bataille tant par mer que par terre. Se voyāt doncques Caton superieur sur tous les autres en vertu plusieurs se retirerent deuers luy & ayant vſe d'eulx mesmes pour conseilliers & adiateurs nauigua en Pelloponnesse comme qu'il eust volenté de prendre ceste contrée, car encores n'auoit esté aduertiz de la mort de Pompée, & occuperent aiseement Patras ou ilz prindrent en leur compagnie ainsi plusieurs autres comme Petreius Pompée Faustus: mais si tost que Quintus Fufius Calenus commença à leur courir sus ilz se leuerent & estans arriuez à Cirene & qu'ilz furent aduertis de la mort de Pompée ne demourerent plus ensemble, ains Caton pour la douleur de la puissance qu'il veoit en Cesar & autres, desesperas de pouoir obtenir de luy pardon s'en allerent en Affricque, avec l'exercite, & ayant retiré Scipion en leur compagnie faisoient tout ce qu'ilz pouoient contre Cesar: touteſſois depuis la plusgrand partie d'entre eulx se esquarterent & aucuns se sauluerent ainsi qu'ilz peurent, & autres pour s'estre retirez de premiere entrée deuers Cesar. Mais Calenus fut bien enuoyé en Grece long temps auāt la bataille de Cesar, & print ainsi les autres lieux, comme le Pirre, lequel n'estoit encores fortifié: car bien qu'il eust grandement endommaigé tout le pays des Atheniens, neantmoins ne peut prendre la cité de Athenes auant la deſſaicté de Pompée, mais alors volontairement la misrent entre ses mains: & Cesar ne se recordant des iniures par luy receues les laissa liberaes, ayant seulement dict ces parolles Que pose qu'ilz eussent grandement erre touteſſois estoient sauluez des honneurs. voulant denoter qu'il les pardonnoit pour le regard de leurs antesseceurs, et pour leurs vertuz dont ilz estoient muniz. Athenes doncques & maintes autres villes & citez de Grece à l'heure s'accorderent avec luy: touteſſois les Megariens luy firent encores resistance en ceste maniere, car long temps apres ilz prindrent plusieurs places les aucunes par force et les autres par trahison parquoy fut d'eulx fait grāde occisiō, & ceulx qui demourerent furent venduz, mais Calenus le faisoit affin qu'il semblast les auoir pugnis selon leurs demerites: craignant neantmoins que la cite ne fust en tout destruite premierement les vendit à pris conuenable, & depuis vne autre fois à tresuil pris, à ce que plus facilement se peussent rachapter: & ce fait tira droit à Patras, laquelle il print sans bataille, ayant seulement mis vne certaine frayeur entre Caton & ses colliguez. En ces entrefaictes Espagne (bien

Pelloponnesse.

Patras prise par Caton.

Athenes rendue a Calenus.

Guerre contre les Megariés.

Patras prise par Calenus.

Espaigne  
rebellee.

qu'elle fust pacifique) fait quelque rebellion, par ce que leur ayât fait de tres grans & griefz dommaiges Quintus Longinius au commencement aucuns se rallyerent pour l'occir. Mais depuis qu'il ayant esté nauré se meit en fuyte, & que à ce moyen leur fait encores de plus gros ennuyz, alors plusieurs Cordubies & plusieurs souldardz (comme ceulx qui parauant auoyent esté soubz la soulde de Pópée) se reuolterent contre luy, auoit premieremét esleu Marc Marcel questeur pour leur capitaine. Neátmoins il ne les accepta entieremét selon leur vouloir, ains voyant l'instabilité des choses, & attendant l'ysue d'icelles tant en l'une côme en l'autre partie téporisoit des deux costez, & en ceste neutralité faisoit & disoit tout ce qu'il pouoit, pour s'ebler d'estre amy de l'ung & de l'autre, ou que Cesar ou Pópée obtissent la victoire, car il gratiffia à Pompée ayant receu les souldardz qui s'estoyent retirez par deuers luy & fait résistâce à Longinius maintenant la partie de Cesar: mais fait plaisir à Cesar par ce que ayât prins les souldardz avec luy comme que Longinius eust fait quelque nouuelleté, les reserua, & garda que Longinius ne fust deffaict. D'auátaige ne voulut permettre que ces souldardz portassent leurs escuz esquelz par singularité ilz auoyét fait depaídre le nom de Pompée à ce que chascun pouant demóstrer les ceures des armes & l'autre l'apparéce, & rescripant à soy ce qu'il eust fait pour le vainqueur, mais les choses contraires imputant à autres & aux necessitez du temps. En ceste maniere fut asseuré, & pour ceste cause bié qu'il peust du tout suppéditer Longinius en bataille pour la multitude de sa gét ne le voulut faire, aís cōduysát les choses à la fin de la demóstration & excuse qu'il appareilloit en aucunes autres, les faisoit doubteuses, de sorte qu'il pouoit tousiours dire es choses encores esquelles il auoit fait plus ou moins & p vng mesme moyé, partie qu'il en auoit esté aucteur, partie que non & partie les imputer à autres, & s'estant tousiours ainsi porté & iusques à ce que Cesar obtint la victoire incontínét vint en sa malle grace & fut pour ce banny: toutesfois peu apres reuocqué sen retourna à Rome ou il fut honoré. Mais les Espaignolz par le moyen d'üg ambassade qu'ilz enuoyerét à Cesar s'estás lamétez de Longini<sup>9</sup>, fut priue du gouuernemét & sen retournat à Rome fut occis pres le fleue Hybere. Ces choses dōcques furét faictes hors la cité de Rome. Mais ceulx q estoyét demourez en icelle ce pendát que les affaires de Pópée & Cesar estoyent en doubte to<sup>9</sup> manifestemét fauorisoyét la part de Cesar tát à cause de sa puissance q estoit alors en la cite que de Seruilius son compaignó au cōsulat. Et si nouvelles arriuioiét qu'il eust obtenue victoire, se resiouyffoiét: & si le contraire, se lamétoient, les aucuns veritablemét, & les autres simuléemét, car il y auoit maítz espies tournoyás pour entédre ce que chascú disoit de telz affaires: & ceulx qui vouloient mal a Cesar & suyuoiet le party de Pompée, disoient & faisoient en priué tout le contraire de ce qu'ilz disoient en public, au moyen dequoy acceptans les parties d'eulx deux chascun selon l'interest propre vsoient d'aucuns audacieusemét, & d'autres timidément, & estoyét mal-

Marc Marcel  
questeur en  
Espaigne.

Mort de  
Longinius

mallement disposez pour les diuerses occurrences qui arriuoient en vng mesme iour & en vne mesme heure, car en briefue espace de tēps se resiouysoient & se contristoient; se auoient confidence & doute, en maniere que venue la nouvelle de la bataille en Pharsalle, par quelque espace de temps ne s'en creut aucūe chose par ce que Cesar n'en auoit escript au peuple, se doubtant de ne sembler estre ioyeux d'une telle victoire, au moyen dequoy ne voulut encores triompher & chose qui sembloit estre moult aliene de raison, considerant l'appareil de l'ung & l'autre & leurs esperances. Mais depuis que finalement le commencerent à croire, gecterent par terre l'image de Pompée & de Sylla posées sur vng tribunal, sans faire autre chose, par ce que plusieurs se trouuoient encores de contraire opinion. Aussi plusieurs doubtans que Pompée ne renouellast la bataille, pensoyent cela suffire à Cesar & attendoyent que Pompée seroit inexorable. Et encores apres qu'il eut esté occis furent assez longs à le croire, & non que premièrement ne veirent son anneau à eulx enuoyé, auquel estoient grauez trois trophées comme en celluy de Sylla. Depuis doncques qu'il fut mort alors manifestement louoyent Cesar & vituperoyent Pompée. D'auantage ilz vouloient que tout ce qu'ilz pouoient imaginer fust concédé à Cesar: ce qui causoit grand contention entre tous les principaulx, desirās se superer l'ung l'autre en pareilles adulations & à la determination de toutes ces choses, car tant en crys qu'en habitz ilz demōstroyent grand faueur pour Cesar, comme qu'il fust present & veist le tout: & pour recompense actédoient l'ung d'obtenir le cōsulat, l'autre le pontificat, & vng autre sommes de deniers, comme que fussent faictes pour seulement leur complaire & non par necessité. Le doncques laissées toutes les autres choses qui furent octroyées par decret & encores à autres au parauant, comme statues, & coronnes & preheminences, ou seoir, & autres semblables, lairray encores celles, bien que fussent recentes, (toutesfois ne furent confirmées par Cesar) à ce que ne soye ennūyeux en voulant faire mention de toutes: & encores feray le semblable es liures suy-uans, & de tant plus de quant furent plus déterminées & plus deshonestes: mais seulement connumereray les choses qui se tienent singulieres & esleues.

Des choses qui furent decretées à Cesar.

Chapitre XXXVII.

**L**z luy concederent de faire tout ce que bon luy sembleroit, cōtre les partisans de Pompée, nō pour ce que de luy mesme ne le peult faire, ains à ce qu'il semblast le faire legitimement: le constituant en oultre seigneur tant de la paix que de la guerre cōtre toutes les nations, soubz couleur des nouuelletez & rebellions qui pour lors estoient en Aphrique, sans estre tenu ne obligé en communiquer au peuple ne au Senat, combien que icelles choses sans aucune commission feussent du tout en la liberte

Nouvelles  
de la ba-  
taille de  
Pharsalle  
arriuees en  
Rome.

De ce qui  
fut cōcede  
à Cesar  
par De-  
cret.

liberté, comme celluy qui auoit la puissance. Toutes les guerres doncques qu'il entreprint furent de sa seule auctorité, neantmoins alors feirent les decretz voulans en ce sembler d'estre citadins, & d'auoir encores auctorité & pouoir, auoir tout le reste, encores contre sa volonté, car il accepta le consulat par l'espace de cinq ans continuelz & consecutifz, & d'estre nommé dictateur non par l'espace de six moys & d'ung an entier. D'auantaige print la puissance tribunice pour toute sa vie par ce que luy fut cōcedé de se seoir es mesmes tribunaulx esquelz se seoyent les tribuns, & determiner en toutes choses avec eulx. ce qui n'estoit licite à aucun, ensemble toutes les elections (excepté celles du peuple) furent en son liberal arbitre. Et pour ceste cause ayans esté differées iusques à sa venue, depuis furent paracheuées en la fin de l'an. Et au regard des gouuernemens des subiectz, les donnerent par fort aux consulz, mais determinerent par decret que Cesar les donast sans fort aux preteurs: car vne autre fois retournerét au magistrat des consulz & des preteurs contre leurs propres decretz. D'auantaige determinerét vne autre chose bien acoustumée d'estre entre eulx obseruée, touteffois en ceste corruption de temps estoit moult odieuse & ennuyeuse, car ilz concederent à Cesar de triompher comme vainqueur pour la guerre faicte tant cōtre Iuba que les autres Romains estans avec luy, nonobstant qu'elle eust esté faicte au desceu de Cesar. Ces choses doncques furent en ceste maniere confirmées & déterminées. Et Cesar incontinent, bien que alors fust hors Italie, accepta la dictature, ayant esleu Anthoine pour son maistre des cheualiers, combien que premierement n'eust este preteur, & le cōsul le deust obtenir. Et faisoient les augures grand contradiction qu'il n'estoit licite à aucun demourer en la preteure plus de six moys, dont estoient grandement gaudiz, par ce que ayans determiné que Cesar fust esleu dictateur par l'espace d'ung an contre leur coustume, alors disputoyent du terme du maistre des cheualiers. Mais Marc Cecilius fut destruit pour l'audace qu'il eut d'adnichiler les determinations faictes par Cesar sur les vsures comme qu'il eust esté vaincu & deffaict. Et pour ceste cause ayant mise la Châpaigne en confusion cōme le premier resistant à ceulx de Cesar, fut institué preteur. Mais dolent de ce qu'il ne peut estre edile & que Trebonius son compaignon au magistrat (nō par fort ainsi qu'il estoit acoustumé ains par election) auoit este preposé en la dignité Edilice, estoit en tout contraire à son compaignō, & ne luy enduroit faire aucune chose oportune, ne pareillement luy permettoit sentencier selon les loix de Cesar. Et d'auantaige promettoit prester ayde à ceulx qui se trouueroient redeuables enuers les vsuriers & de remettre les louages de ceulx qui demouroient es maisons d'aultruy. Pour lesquelles promesses ayant attiré à luy plusieurs hommes, se leuā avecques eulx contre Trebonius, & l'eust occis s'il n'eust changé l'habit & que se mist en fuyte parmi l'assemblée. Cecilius voyant qu'il n'auoit peu obtenir son intention, fit de par soy vne loy par laquelle il concedoit & permettoit à chascun habiter

Marc Cecilius.

habiter sans payer aucun louage, ayant preallablement retiré à luy tous les deniers qui s'en payoient : alors Seruilius enuoya querir quelque nôbre de souldardz venu en Gaule & auoir congregé le senat le president d'iceulx proposa ce qui se deuoit deliberer pour les affaires presentes, & n'estant cela confirmé d'aucun par ce que les tribuns y obuierent, ains ayant esté la sentence escripte, commanda aux ministres lacerer les tables: mais depuis que Cecilius les dechassa & meit le consul en confusion alors de rechef se rassemblerent tous enuironnez de souldardz & cômiserent la garde de la cité à Seruilius ainsy que desia cy dessus à esté par moy dict: lequel pour ce ne cōceda que Cecilius feist aucune chose ains celles appartenans à son office commist à vng autre preteur, ny endura qu'il entrast au senat ains le tira dans le tribunal cryant, & si mit la chaise en pieces dont Cecilius se adyra grandement toutefois craignant d'estre pugny pour n'auoir esgalle puissance au consul en la cité, delibera se retirer deuers Milon lequel pour lors faisoit emotiōs & nouuelletez en Châpaigne : car se voyant seul entre tous les autres bannis n'estre reduict par Cesar s'en vint en Italie & ayant assemblé certain nombre de gens d'armes partie pour la difette qu'ilz enduroient & partie qu'ilz craignoyét d'estre pugnis, endommageoit grandement toute la contrée, & assaillit ainsy toutes les autres citez comme Cappoue. Cecilius doncques se voulant retirer deuers Milon pour faire & executer tout le mal qu'il pourroit contre Cesar en sa compagnie, depuis voyant qu'il ne pouoit magnifiquement demourer hors la cité pour ce qu'on s'en donnoit garde, & encôres n'auoit hardiesse s'en fuyr tant pour autres causes comme pource qu'il esperoit faire beaucoup plus soubz le nom & l'habit de preteur, alors se retira deuers le consul lequel il pry de luy donner licence disant qu'il s'en vouloit aller deuers Cesar: & Seruilius se doutant de l'intention de Cecilius la luy conceda volontiers ioinct que l'autre le requeroit instâment inuocquât le nom de Cesar, & faignât d'y vouloir aller pour faire son excuse: toutefois enuoya avec luy vng certain tribun, à ce que s'il auoit hardiesse de faire quelque nouuelleté fust empesché: mais depuis qu'ilz furent en Champaigne, que Milon ayant esté rompu deuant Capoue s'en fuyt deuers les montz Thiphauriens, & que Cecilius ne procedoit plus oultre, le tribun craignant qu'il se reuoltast le voulut reduyre à Rome: & Seruilius de ce aduertý, premierement, denonca la guerre à Milon en plain senat & commanda que Cecilius demourast au bourg: à ce qu'il ne feist emotion, neantmoins ne luy fait faire grand garde comme à celluy qui estoit preteur: au moyen dequoy Cecilius se retira vers Milon, & eust faict quelque tumulte si d'auenture il eust trouué Milon vif, mais alors ayant esté dechassé de Châpaigne, & occis en Apuillie, Cecilius s'en vint en Bretagne comme qu'il voulust assembler gés en ceste isle, ou il encôres mourut auant qu'il eust faict aucune des choses par luy entreprinse, par ce que ceulx du party de Cesar ralliez ensemble l'occirét, & ainsy Miló & Cecilius moururét.

Cappoue  
assiegee  
par Miló,

Miló occis  
en Apuillie.

Cominét

Comment les Romains vindrent en discord pendant  
l'absence de Cesar. Chapitre XXXVIII.



Neantmoins les habitans de Rome ne viuoyent en paix, ains y arriuerent plusieurs inconueniens sicomme parauant auoyent demonstré certains signes, car en la fin de cest an estoÿt aduenues autres choses, par ce que les mousches à miel se poserent dans le capitolle & pres la statue de Hercules: & pource que illec auoyent esté ediffiez aucuns temples à la déesse Iside, sembla aux deuinateurs que tous les temples de ceste déesse, & du dieu Serapide, fussent ruez par terre. En apres celluy de Bellone, lequel estoit occulte fut encores ruyné, & en icelluy furent trouuez aucuns vaisseaulx faitz de pierre mathile plains de chair humaine, & l'an ensuyuant suruint vng grand tremblement de terre, vng oyseau sinistre fut veu, & aucunes sayettes cœlestes tomberent dans le capitolle de la Fortune appellée publique, & dans les iardins de Cesar, ou l'ung des plus chers cheualx de Cesar fut meurtry. D'auantage les portes du temple de la déesse Fortune se ouurirent d'elles mesmes. En oultre vng certain sang espandu par vne boutique ou estoit le froment tira à vng autre tēple de la fortune, qu'ilz consacrerent & nommerent par nom lequel denote comme que chascū doiue veoir toutes les choses presentes & futures, & ne se doit oublier quel & de qui il soit né, & ne se peult ce tel nom en aucune maniere exprimer en lāgue grecque. Aussi nasquirent certains enfans masles qui auoyent les mains gauches sur leurs testes, au moyen dequoy ou p̄ les autres signes, ne se espoiroit aucū bien: & pour ceste cause se doubtoit que les simples hōmes ne s'esleuassent cōtre les pl<sup>9</sup> puiffans, & ainsi le predirāt les Deuinateurs, & l'attendoit le peuple. Ces choses dōcques parauant par les dieux demōstrées, troubluyent merueilleusement les Romains, & l'aspect mesme de la cité leur superadioustoit plus grand tristesse, estant triste & inuisité, tant au commencement du moys cōme depuis, car encores n'auoit esté desseigné aucun consul ne aucū preteur. Mais Anthoine bien qu'avec l'habit de la robe qui estoit de pourpre & avec ses sergens qui ne excedoiēt le nōbre de six & cōgregeant le senat il feist vne certaine ymage de l'estat populaire, neātmoins avec l'espée qu'il portoit à sa ceincture, la multitude des souldardz qu'il auoit luy & avec les mesmes effectz demonstroit vne certaine tyrannie, & n'estoyent seulement les choses presentes tresgriefues aux Romains, ains se doubtoyent encores d'en deuoir soustenir beaucoup plus & plus grādes de Cesar quand seroit retourné, car puis que le maistre des cheualiers n'auoit laissē sō espée en la cōgregation du peuple, quil feist la plus grand partie pour l'appareil de Cesar, dont les Tribuns ne feirent compte, qui n'auoit suspeconné de Cesar mesme dictateur. Et bien que lon considerast sa bonté par laquelle il auoit pardonné à plusieurs qui luy auoyent esté en tout contraires, neantmoins entendans encores que ceulx qui desirerent vne principaulté, apres l'auoir conquise, ne perseuererent en vng mesmes propos, ces Romains

Signes aduenus en Rome.

se cōtristoyent & disoyēt entre eulx plusieurs choses se voyans en feureté, ioinēt qu'ilz ne pouoyēt seuremēt parler avec chascun, car bien qu'ilz semblaissent estre amys & parens d'aucūs touteſſois les calūnioient souuēt, chāgeans les parolles, & le plus souuent en disant pures menteries. Au moyen dequoy les autres ne soustenoyēt petit ennuy par ce que n'ayans la commodité de eulx cōdouloir & cōmuniquer avec autres leurs douleurs, ne se pouoyent alleger, car la conuersation qu'ilz auoyent avec ceulx qui soustenoyēt les mesmes angoisses leur donnoit quelque allegement, & vng qui eult dit à vng autre sa passion & en entendist vne autre de son cōpaignon apres supportoit plus facilemēt son ennuy, Mais ne se cōfians de ceulx qui n'estoyēt de semblables coustumes tenoit il la douleur recluse ou mesme entédant, & plus se affligeoyent ne difans leurs secretz ny receuās aucun esbat, car outre ce qu'ilz gardoyent leurs passions en eulx mesmes encōres estoient contrainctz a beneistre le present estat s'en esmerueiller & en faire festes & sacrifices. Ainsi estoient pour lors disposez les Romains residentz en la cité. Mais cōme qu'il s'en trouuaſt assez de mal traittez par Anthoine, vng nommé Lucius Trebellius & Publius Cornelius Dolobelle estans Tribuns faisoient seditions par ce que Anthoine fauorisoit aux debtors du nombre desquelz il estoit, & pour ceste cause il festoit trāſſeré de l'ordre des gētilz hommes à celluy du peuple pour estre tribun: touteſſois se disoit maintenir la meilleure part, mais avecq autres à luy semblables mectoit hors les escriptures & faisoit occisions, Au moyen dequoy y auoit grand trouble, Et se veoyent de tous costez plusieurs hommes en armes, bien que les senateurs eussent fait interdiction que nouuelleté aucune ne fust faicte auant la venue de Cesar. Et cōbien que Anthoine eult prohibé à toutes priuées personnes de ne porter armes en la cité pource quilz ne obeyſſoyent ains faisoiet tout le contraire, & dresseoient querelles l'ung contre l'autre. Et vne certaine sedition du senat & de Anthoine se leua à ce qu'il seblaſt la puissance de laquelle il vſoit luy auoir esté baillée, eut puissance de pouoir maintenir des souldardz dās la cloſture des murailles de la cité & de garder la mesme cité avec les autres tribús. Par ainsi Anthoine cōme par vne certaine loy faisoit tout ce que bō luy sembloit. Mais Dolobelle & Trebellius auoiēt le nom de faire choses violentes, neātmoins se dresseoyēt querelles l'ung cōtre l'autre & cōtre Anthoine pour son audace & pour l'appareil qu'ilz auoyent, comme si quelque presidence leur eult esté par le Senat concedée. Et ce pendant Anthoine ayant entendu que les legions deuant enuoyées par Cesar comme que incontinent voulust venir apres eulx faisoient plusieurs pilleries & rāconneries, & se doubtant qu'ilz ne feissent quelque nouuelleté, recommanda la garde de la cité à Lucius Cesar l'ayant preallablement designé prefect de la cité, tira en la part ou estoient les souldardz. Mais les Tribuns faisans seditions entre eulx faisoient bien peu d'estime dudit Lucius cesar, especialement pour le regard de sa vieillesse, & feirent plusieurs choses

griefues

Publius  
Cornelius  
& Lucius  
Trebel.  
tribuns.

Mutinerie  
en Rome.

griefues tant à luy que aux autres & iusques à ce qu'ilz entendirent Cesar auoir expedié les faitz de Egypte & qu'il s'en reuenoit en Italie, car ilz estoient discordans ensemble comme qu'il eust esté destruiet par les Egyptiens ainsi qu'ilz auoyent ouy dire, neantmoins alors demourerent en paix par quelque espace de temps. Toutefois depuis que Cesar la premiere fois alla avec son exercite contre Pharnaces de rechief se suscitèrent seditions. Quoy voyât Anthoine, qu'il ne les pouoit refrener & estre ennemy du peuple pour estre contraire à Dolobelle, au commencement se ralya avec luy, accusant Trebellius tant d'autres choses comme qu'il s'appropriast les souldardz, Mais depuis ayant entédu comme que le peuple pour ce ne l'honnoiroit aucunement ains seulement estoit enclin à la faueur de Dolobelle, commença à s'agruer & mua vne autre fois partie, espécialement pource qu'il participoit avec luy de la grace du peuple, toutefois il auoit la plus grand partie de la coulpe des senateurs & en parolles demoura entre l'ung & l'autre, neantmoins en effect esleut occultement la part de Trebellius, & outre les autres faueurs qu'il luy donnoit luy conceda encores qu'il peust tenir des souldardz. Par ainsi Anthoine s'amusoit à regarder & auoit mis le pris à Dolobelle & Trebellius, lesquelz combatoyent & auoyent prins les lieux oportuns de la cité & faisoient occisions & le tout mettoient à feu & flamme, en maniere que les choses sacrées des vierges vestalles furent mises hors le temple de la déesse Vesta: au moyen dequoy incontinent les senateurs commisrent la garde de la cité plus estroicte au maistre des cheualiers: & quasi que toute la cité ne fut plaine de souldardz. Toutefois ne succeda pour ce plus grand repos en la cité, car Dolobelle desesperât de pouoir obtenir pardon aucun de Cesar, desiroit apres auoir fait quelque grand mal d'estre destruiet, cōme qu'il fust pour debuoir estre nommé à iamais astut, p ce que iadis aucuns furent amateurs de mauuaises choses pour acquerir renommée. Parquoy outre les autres troubles faitz par luy, permit de vouloir en vng certain iour diuulguer les loix des vsures & des louaiges: laquelle chose diuulgée & denoncée premierement au peuple ayant debarré la place, & mis en certains lieux des tours faites & construites de boys, y auoit appareil de obster à quelcōque luy voulust faire resistance. Alors Anthoine ayant conduit avecq luy du cappitolle plusieurs souldardz, rōpit les tables esquelles estoient escriptes les loix, & ce fait mit hors le cappitolle quelque nombre des sedicieux. Neantmoins pour cela ne cesserent de faire mutineries, ains de quant plus en tuoit des leurs de tant plus les autres faisoient plus grand tumulte, pensans Cesar estre empesché en vne tresgrand & tresdifficile bataille, & ne cesserent de faire nouuelletez que premierement ne suruinst en la cité à l'impourueu, & à l'heure s'appaiserent, encores contre leur volente, se attendans de endurer grand peine. Et de ces telles choses s'espandoit vne renommée par toute la cité se disans les aucuns meriter vne peine, & aucuns autres vne autre: mais Cesar vfa de sa maniere acoustumée, car il luy suffist d'auoir

d'auoir mis ordre es affaires lors presentes & ne fait estime des choses passées, ains pardonna à tous, & encores en honnora aucuns, & entre les autres Dolobelle par ce que estant à luy obligé pour quelque benefice ne le voulut oublier, car il ne fait petite estime du benefice pour auoir de luy esté iniurié, mais plus tost luy pardonna l'offence pour le bien receu: & oultre les honneurs qu'il luy fait, non long temps apres le designa consul bien que au parauant eust esté preteur. Ces choses doncques furent faictes en Rome & en l'absence de Cesar: touteffois il vint assez tard & non si tost apres la mort de Pompée, dont les Egyptiens furent moult aggraués pour les mesmes exactions des deniers leuez par Cesar, & douans de ce qu'il ne s'estoit abstenu des choses sacrées, car ilz sont moult superstitieux & pl<sup>9</sup> que tous les autres hommes (voire qu'ilz combattent l'ung contre l'autre pour leurs sacrifices) comme ceulx qui n'adorent vng mesme dieu, mais plus tost contraires: & en oultre craignoient qu'ilz ne fussent mis soubz le regime de Cleopatra comme celle qui auoit assez puissance & credit enuers Cesar, pource que iusques alors par le moyen d'autruy litigeoit deuant Cesar: touteffois depuis aduertye de sa nature & come il estoit facile à suyure amour & auoit v<sup>se</sup> avec plusieurs autres, ainsi qu'il se rencontroit, luy enuoya dire qu'elle estoit trahye de ses amys requerant permission de venir elle mesme desduire ses raisons, car sur toutes les dames de ce temps elle estoit très belle & pour lors en sa fleur de ieunesse, facecieuse en compagnie & à chascun scauoit dire parolles gracieuses si que elle estoit moult receuable tant à la veoir que ouyr, parquoy pouoit soubzmettre à elle tout homme de quelque qualité ou condition qu'il peust estre fust seuer ou charge de plusieurs ans. Elle doncques pensa estre bonne cause de venir parler à Cesar comme celle qui mettoit toute sa iustification à sa propre beaulté, & requist de cōparoir en sa presence: laquelle grace obtenue, se aorna & prepara en telle sorte que Cesar la veist en vng habit gracieux & moult precieux. Et ce faict entra en la cité, car elle estoit dehors, ocultemēt, de paour que Ptolomée n'en fust aduertye, de nuit entra dans le palais royal: mais depuis que Cesar l'eut veue & ouy d'elle quelques polles si tost fut espris de son amour que des le poict du iour enuoya querir Ptolomée & chercha les moyens de le reconcilier avec sa sœur, & ainsi de celle dont il estoit premierement le iuge vouloit à l'heure estre aduocat. Ptolomée venu au mandemēt de Cesar & voyant sa sœur estre entrée dans le palais incontinent fut surprins de yre & de maltalent, si que ayant recours au peuple crioit incessamment leur disant qu'il estoit trahy, & de yre sa couronne ostée de dessus son chief, gecta contre terre. A ces causes estant leué parmy toute la cité vng grad tumulte & les souldardz de Cesar trouuans la couronne de Ptolomée en terre la misrēt en pieces dont l'Egyptien se troubla grandement & eussent prins le palais royal par force (les Romains n'ayans gens à suffire pour leur resister comme ceulx qui pensoyent estre entre leurs amys) sinon que Cesar doubta de la personne s'en

Cleopatra.

Mutinerie  
des Egyptiens.

alla au mylieu d'entre eulx & s'estant reduyt en lieu assure leur promist de faire tout ce qu'ilz voudroiet. Lesquelles choses dictes entré en la congregation fait venir Ptolomée & Cleopatra & leust le testament de leur pere auquel estoit contenu comme qu'ilz se deussent conioindre ensemble selon la coustume des Egyptiens & ce faisans regner tous deux ensemble & que le peuple Romain deust estre leur tuteur: laquelle lecture faicte & y ayant superadiouste estre conuenable à luy qui estoit dictateur & auoit en sa main toute la puissance du peuple d'auoir la cure des enfans du roy d'Egyte & de executer la volonté du pere. En ceste maniere dóna le royaulme à tous deux & à Arsinoc & à Ptolomée le plus ieune fille de Cypios, par ce qu'il eut si grand paour estant en ce lieu que non seulement ne print aucune chose d'Egyte, ains plus tost leur donna du sien: & ainsi s'appaiserent: touteffois non long temps apres feirent de rechef nouvelle esmotion & telle qu'ilz vindrent respectiuelement à la bataille: car Pontinus qui auoit eu l'administration des deniers de Ptolomée & estoit Enuche meit entre les Egypties vne moult grand confusion craignant que à l'aduenir ne fust pugny, & pource manda secrettement à Achilles qui pour lors estoit à Peluse & luy ayát partie faict paour & partie donné esperance le retira à luy, en apres se fait benivolles tous les autres hommes puissans es armes, par ce que à tous sembloit chose moleste qu'ilz fussent seigneurisez & dominez par vne femme, souspeçonans que Cesar auoit bié doné le royaulme à tous deux pour appaiser les esmotions presentes, mais en pour suyte de temps le donneroit à Cleopatra seule: & d'auantaige se estimoyent estre aussi puissans que tout l'exercite de Cesar lors presente, parquoy ainsi raliez tirerent deuers Alexandrye ou ilz feirent nouuelleté. Dont Cesar aduertiy & craignant leur multitude & leur audace enuoya aucuns de ses plus priuez deuers Achilles non en son nom, mais de Ptolomée pour luy commander qu'il se deportast de telle empreinte & demourast en paix, & Achilles congnoissant certainement que tel commandement ne pcedoit du ieune prince ains plus tost de Cesar non seulement ne luy voulut obeyr: mais outre ce en faisant de luy petite estime, come de celluy qui fust en doubte, conuocqua tous ses souldardz ensemble, & ayát dit & remóstré plusieurs choses en la faueur de Ptolomée & maítes cõtre Cesar & Cleopatra de rechef dóna licence à ceulx qui luy auoyét esté en uoyez, cõbien qu'ilz fussent Egypties, à ce qu'ilz se colliguassét avec le sang des Romains & apres fussent contraintz venir en vne bataille irreuocable.

Arfinoc  
sœur de  
Cleopatra.

Cypios.

Comment Cesar subiugua les Egyptiens & les bailla à Cleopatra.

Chapitre

XXXIX.



Cesar auoir receu ceste iniure enuoya querir des souldardz en Syrie & environna de fossez murailles & palliz les palais royaux ensemble tous les edifices sítuez á l'étour iusques à la mer, &

& Achilles suruenu ce pendant avec les Romains les autres delaissez par Gabinius avec Septimus pour la garde & deffence de Ptolomée, car par la longue habitation ilz auoient mué & chagé de coustumes, cōquist de premiere entrée grand partie de Alexandrye & si fortiffia tous les lieux qu'il veit plus commodes & opportuns, & en ce lieu faisoient plusieurs batailles & escarmouches tant de nuict que de iour, & si estoient ce faisant plusieurs villes & villaiges bruslées, ruynées & gastées, mesmement Larceual ou se faisoient les nauires ensemble vne librarie en laquelle estoient plusieurs & tresparfaictz liures, & obtint Achilles toute la partie de terre ferme, excepté tāt seulement celle que Cesar auoit fortiffiée & enuironnée de murs: mais Cesar eut toute la mer en sa puissance, reserué le port & obtint la bataille faicte en mer, & depuis que les Egyptiens craignans que Cesar ne nauigast dans leur port atterrerent la bouche dicelluy, sauf quelque petite partie qu'ilz encores ferrerent ayans submergé certaines nauires chargées de pierres, en sorte que si eulx mesmes eussent voulu nauiguer ne se fussent sceu leuer du port, Cesar à ce moyen se faisoit apporter facilement les choses necessaires aisi les autres comme l'eau, car Achilles leur auoit osté toute l'eau du pays ayant rompus les conduitz. Ces choses ainsi aduenues Ganimedes Enuque mena Arsinoe qui n'estoit tenue en estroicte garde au mylieu de tous les Egyptiens, lesquelz n'acceptans ceste ieune princesse pour leur royne recommencerent incontinent la guerre cōme ceulx qui pour leur chef auoyēt vng de la gent de Ptolomée: parquoy Cesar craignāt que Pōtinus ne luy desrobaſt Ptolomée l'occist & remist le ieune prince en seureté. Et voyāt pour ce les Egyptiens esmeuz de tous costez chascun iour augmenter de secours & que ses souldardz de Syrie n'estoyēt encores arriuez se les voulut faire amys, & pour ce faire ayant Ptolomée reduyt en vng certain lieu duquel les Egyptiens le pouoyent ouyr luy commanda leur dire & remōstrer comme il n'auoit besoing de faire guerre, & les exortant à paix leur promettoit d'en vouloir estre l'aucteur, & si il eust dit telles parolles volontairement eussent tost esté persuadez: mais pour lors souspeconnās ces choses auoir esté forgées par Cesar ne se voulurent rendre, ains avec pour suyte de temps ceulx qui estoient avecq Arsinoe commencerent à faire seditions, & si persuada Ganimedes à Achilles de la mettre à mort cōme qu'il eust esté d'elle trahye, laquelle chose interuenue incontinent print la principaulté sur les souldardz & rassembla toutes les nauires & autres vaisseaulx navigables pour lors estans tant dans le fleue que dans le lac, & si en feit faire maintes autres lesquelles cōduictes en l'eau par les fossez au desceu des Romains brusla aucunes nauires de charge, & auoir fait purger le port se meit à l'étrée ou il endommageoit grādement les Romains. Cesar doncques pour auoir obtenu vne fois la victoire demouroit negligēt pour la seurté d'icelle, au moyē dequoy Ganimedes nauigua dās le port, & apres auoir bruslé plusieurs nauires descendit en Pharos & occist tous ceulx qu'il trouua dedās, & ce voyās

Pontinus  
occis.

les Egyptiens estans en terre ferme luy dōnerent secours par les pontz ou de premiere rencontre occirent plusieurs autres Romains & le reste misrent en fuyté si que à peine peurent entrer en leurs nauires. D'auātaige fuyās ainsi que ie dis plusieurs tōberent en la mer, & Cesar mesme lequel fust illec mort miserablement pour le poix de ses habitz (car il estoit assailly à coups de flesches de tous costez par les Egyptiens estāt vestu dune robe de pourpre) sil n'eust getté sa robe, & apres nouāt ne fust entré en vng esquiffe. Ain si fut Cesar saulüé n'ayant aucunement baigné les lettres qu'il tenoit nouant en sa main senestre: mais les Egyptiens trouuans sa robbe la pendirent en vng trophée dresse pour ceste victoire & cōme qu'ilz l'eussent occis, & desia s'approchoyent les gens d'armes mandez par Cesar de Syrie: & les Egyptiens preoccupans les lieux ou ilz vouloyent descendre leur faisoÿēt grās dommaiges: & au regard de ceulx d'Affricque Cesar s'efforca leur donner secours, mais les Egyptiens ayans allumé des fagotz comme qu'ilz fussent Romains pres les bouches du Nil les deceurent & prindrēt prisonniers, en maniere que les autres depuis n'eurent hardyessē d'eulx approcher, & iusques à tant que Tybere Claude Neron nauiguāt dans le fleuue les vainquit en bataille, & feit que les siens peussent plus seuremēt nauiguer dās icelluy. Ce pendant que les choses susdictes se traictoyent en Egypte contre Cesar Mithridates surnommé Pergamenon tempta de monter à la bouche du Nil pres Peluse, mais les Egyptiens premierement de ce aduertis ayās fermé la bouche auēcq leurs nauires, la nuit ensuyuant se departit & tira à la fosse laquelle n'est aucunemēt conioincte à la bouche & p icelle nauigua dās le Nil, & d'illec assillant tant du costé de la mer que du fleuue ceulx qui gardoyent la bouche deffit la closture. Ce fait apres auoir circondé Peluse de son armée de mer & de terre ferme, le print facilement: depuis estant procedé plus oultre vers Alexandrye & auoir esté aduertiy que Dioscorides luy deuoit venir au deuant, dressa ses embusches & le vainquit: toutesfois les Egyptiens pour ce ne differerent la guerre, ains dolens de la feigneurie de vne femme & d'ung enucque & pensans que silz prēnoÿēt Ptolomée pour leur chief seroyent superieurs aux Romains, depuis voyās qu'ilz ne le pouoyent desrobber pour estre tresestroitement gardé, faignirent d'estre laz & trauaillez par les calamitez passées & de desirer la paix, & à ceste fin enuoyerent ambassadeurs deuers Cesar & pour de luy impetrer la réduction de Ptolomée, à ce que tous ensemble auēc luy se conseillassent des cōditions de leur accord. Cesar pensant que les Egyptiens certainement eussent inuē & changé d'oppinion, car aucunement auoit entendu de leur nature estre moult timides & muables, & pour lors congnoissoÿent comme ilz estoÿent affligēz pour leurs rottes, & bien qu'ilz machinassēt quelque trahy son neāt moins à ce qu'il ne seblast empescher la paix dist aux ambassadeurs que leur propos luy plaisoit grandement, & pour ce regard leur enuoya Ptolomée ne voyāt en luy chose digne de craindre tāt pour son aage cōme pour sa pe

Cesar tñ-  
be en la  
mer.

Les E-  
gyptiens  
vaincu  
par Tib.  
Claudius  
Neron.

Mithridates  
Pergame-  
non.

Peluso  
pris.

Dioscori-  
des vaincu.

tite discipline, & esperant que les Egyptiens s'accorderoyent selon les conditions qu'il voudroit, ou bien que autrement plus iustement leur pourroit faire guerre & les destruiroit, en maniere que par cause plus raisonnable les mettroit entre les mains de Cleopatra : ioinct qu'il n'auoit plus paour d'estre vaincu pour la venue de ses gens d'armes de Syrie. Les Egyptiens d'ocques auoir receu Ptolomée ne firent plus estime des accordz, ains incontinent s'en allerent droit contre Mithridates & desia ayans fait plusieurs choses prosperes soubz le nom de la stirpe de Ptolomée, lequel ilz auoyent reduyt entre le fleue & les Palludes, faisoient grand tumulte: touteffois Cesar ne se meit à les suyure craignant qu'il ne fust separé, mais la nuit se leuant comme s'il eust eu volenté de tirer vers la bouche du Nil, & ayât fait en chascune de ses nauires plusieurs lumieres à ce qu'il semblast s'en estre allé au commencement se meit à nauiguer, & depuis le feu estainct subitement s'en retourna & circonuant autour de la cité arriua en vng recoing du costé de Libye & illec ses gens d'armes descenduz enuironna tout le lac, puis droitement à l'aube du iour ayant assailly les Egyptiens à l'impourueu incontinent les effraya de sorte qu'ilz enuoyerent demander la paix, mais frustrez de leur intention furent par Cesar vaincuiz en champ de bataille, grosse multitude d'entre eulx occis, & aucuns qui s'en fuyoyent avecques Ptolomée furent taillez en pieces dans le fleue. ainsi fut Egypte par Cesar subiuguée. neantmoins ne la rendit subiecte aux Romains, ains la deliura à Cleopatra pour laquelle il auoit entrepris ceste guerre: touteffois craignât que les Egyptiens ne feissent quelque esmotiō pour auoir esté de rechef remys en la subiectiō d'une femme, & aussi que les Romains ne le eussent à mal, pource qu'il vfoit d'amour avec elle, luy cōmanda de se conioindre par mariage avec son autre frere plus ieune, & ainsi en parolles donna le royaulme à tous deux, par ce que en effect Cleopatra deuoit auoir seule toute la puiffance, consideré que son mary & son frere estoit encores ieune enfant: d'auantage pour l'amour que Cesar luy portoit elle pouoit tout ce qui luy venoit, en maniere qu'elle auoit bien couleur d'estre cōioincte avec son frere & d'auoir la seigneurie commune, mais en verité elle seule regnoit & vfoit de fol le amour avec Cesar: lequel eust bien plus longuement seiourné en Egypte ou bien elle s'en fust allée à Rome avec luy si Pharnaces ne l'eust tiré de la (encores contre sa volenté) & prohibe de s'en aller hastiuemēt en Italie, car ce Pharnaces estoit filz de Mithridates & seigneur de Bosphore Cunerien ainsi que par cy deuant à esté dit, lequel desirant de recouurer tout le royaulme paternel se leua au temps que Cesar & Pompée vindrent en discord & que les Romains estoient encores occupez en leurs mutineries, & de rechef en Egypte cōquist toute la Colchide sans peine ensemble toute l'Armenye, Deiotorre absent, & ruyna aucunes citez du Pót & de Capadoce annexées à la prouince de Bithinie: mais pour cela Cesar ne dressa les armes si tost contre luy, par ce qu'il n'auoit disposé des affaires d'Egypte, & desiroit le sub-

Les Egyptiens vaincuiz.

Pharnaces contre Cesar.

inguer par le moyen d'autruy, Bien enuoya querir Gneus Domitius Calu-  
nus & luy commanda de prendre l'Asie & les legions y estans, & il apres a-  
noir ralié Deiotare & Ariobarfanes incontinent alla avec son exercite cõ-  
tre Pharnaces, lequel pour lors estoit à Nicopolis, car il auoit préoccupé ce  
ste cité, & ayant Caluinus de luy faict petite estime, par ce qu'en sa presence  
Pharnaces tout estonné estoit appareillé de faire trefues, ne se voulut accor-  
der avec luy, ains venuz d'ung costé & d'autre à la bataille fut vaincu, & ain-  
si depuis ne se voyant esgal à son ennemy, l'yuer suruénât, leua son camp &  
s'en alla: mais Pharnaces enorgueillily occupa tous les lieux du Pont comme  
il feit encores Amise, laquelle il meit à sac combien quelle feist tresgrand re-  
sistance & occist tous les petis enfans qu'il y trouua & se hastoit grandemēt  
de passer en Asie & en Birhinie avec les mesmes esperances que feit son pe-  
re. Mais en ces entrefaictes ayant entédu Assander qu'il auoit laissé son pro-  
cureur au Bosphore auoir faict nouvelle esmotion ne proceda plus auāt, par  
ce que Assander si tost qu'il entendit Pharnaces estre moult loing de luy &  
estimoit bien qu'on n'entendist nouvelles de luy que la fin neantmoins se-  
roit triste, se reuolta contre luy comme qu'il eust volenté de faire chose a-  
greable aux Romains, & avec esperance de receuoir par leurs mains la puif-  
sance du Bosphore: au moyen dequoy Pharnaces tira droict contre luy & le  
tout en vain: car estāt aduertiy Cesar il estre en chemin pour aller en Arme-  
nie s'en retourna en arriere, & le prouocquant vint au combat pres Zelié,  
par ce que Cesar (Ptoloméé decedé & Domitius vaincu) ne pensa que le de-  
mourer en Egypte fust ne vtile ne honorable, ains leua son camp & vsant  
de grand celerité le preuint en Armenye.

Assander  
gouer-  
neur du  
Bosphore.

### Comment Cesar vainquit Pharnaces.

#### Chapitre XL.



Le barbare doncques estonné & craignant non gueres plus l'impe-  
tuosité de Cesar que son mesme exercite, enuoya par plusieurs &  
diuerses fois deuers luy & auant qu'il s'approchast, à demander  
paix, à ce que seuremēt il peust euter le present peril, & disoit pour luy ainsi  
plusieurs autres choses come qu'il n'auoit aucunement fauorisé Pópée & es-  
peroit de pouoir conduire Cesar à l'effect de ceste paix comme celluy qui se  
hastoit d'aller en Affricque & retourner en Italie, & qu'il departy, la guerre  
luy seroit plus facile: mais Cesar ayant de ce suspicion feist moult grand re-  
cueil tant aux premiers que secõdz ambassadeurs & la troisieme fois le en-  
coulpa, ainsi d'autres choses come de ce qu'il auoit habandonné Pompée  
son amy, & ne fait autre seiour, ains le iour mesme se rencontrans en che-  
min vindrent à l'effect de la bataille, auquel auoir esté par quelque tēps trou-  
blé par les gens de cheual & des portans faulx de Pharnaces, apres avec ses  
sacquemens obtint la victoire, & s'estant Pharnaces mis en fuytte deuers la  
mer

mer & le Bosphore Assander dechassé le print & l'occist. Cesar combien que ceste victoire n'eust esté grande, neantmoins s'en gloriffia tant ou plus que de nulle autre, p ce qu'en vng mesme iour & en vne mesme heure il veit son ennemy & le vainquit & si dóna toutes ses despouilles q estoient d'assez bonne estime à ses souldardz, & redressa vng trophée contre vng autre esleué par Mithridates du troisieme ordre, & pource qu'il n'eut audace de destruire celluy du barbare comme celluy qui estoit consacré aux dieux ennemis, mais ayát cõstruyt le sien l'offusqua & p vng certain moyen le ruyna, & en apres recouura tout le pays que Pharnaces auoit rauy tát sur les Romains que à leurs confederez & le donna quasi tout à ceulx qui l'auoyent prins, excepté tant seulemēt vne partie de l'Armenye qu'il donna à Ariobasanes, aux ministres la liberté, & à Mithridates Pergamenó vne terrasse en Galice avec le nom de roy, luy cõmectát de faire la guerre à Assander à ce qu'il luy ostast des mains le Bosphore pour luy par ce qu'il auoit esté traystre contre son amy. Ces choses ainsi faictes & ayant commis à Domitius de pourueoir au reste des affaires s'en vint en Bithinye & d'illec nauigua en Grece & en Italie accumulant comme au parauát plusieurs sommes de deniers, car en partie il recouura tous ceulx qui auoyent esté promis à Pompée par aucuns, & partie en demandoit d'autres en coulpant aucuns de quelques charges, & si print toutes les offertes de Hercules estans en l'isle de Tyros pour auoir accepté la femme & le filz de Pompée lors qu'ilz se misrent en fuyte: & d'auantaige receut plusieurs couronnes dor des roys pour ses victoires: & est à entendre que Cesar ne faisoit telles exactions par vice, ains pource qu'il despendoit beaucoup & estoit pour en despendre beaucoup plus au payement de ses gens d'armes en ses triumphes & autres magnificences qu'il determinoit de faire, & vniuersellement il estoit homme pour accumuler deniers, disant souuēt en ses ppos deux choses estre q acquerioiēt la puissance la cõferuoyent & auginentoyent, cest à scauoir gés d'armes & deniers, & que ces deux choses se conquestoient l'une par l'autre, car les souldardz se maintiennent ensemble par les viures, & les viures se trouuoient par les armes: & deffaillant l'une de ces deux choses, que l'autre encores s'en alloit par terre. Telles estoient les parolles de Cesar & dõt souuēt faisoit son proffit pour vouloir accumuler deniers.

Les offertes des temples priés par Cesar.

Comment Cesar retourna à Rome & disposa de la Republicque.

Chapitre

XLI.



Mais il s'en vint en Italie & ne passa en Affricque, cõbien que telle prouince luy fust plus prochaine, par ce qu'il ayant entendu les menées & reuoltes qui chascú iour se faisoient en la cité eut doute qu'aucun mal irremediable n'y succedast: touteffois ne fait desplaisir à aucun des citadins (comme iay ia dit) excepte que de rechef recouura plusieurs

Cesar retourne en Italie.

lz iiii grosses

Empruntz  
faictz sur  
les citez  
par Cesar.

grosses sommes de deniers, ayant premieremēt receuz maïtes richesses en lieu de presens, comme statues, couronnes & autres semblables ornemés, & partie, apres auoir receu les deniers parauant prestez non seulement par les hommes priuez mais encores de la mesme cité, car ce nom d'éprüter estoit mis es citez qui n'auoyent aucune autre honneste occasion de recouurer deniers, par ce que non autremēt estoit telle pecune recourée par force que les autres qui estoient deubz & n'estoient pour iamais estre réduz: ioinct qu'il disoit auoir despensé sa propre faculté pour la republicque & par ce demandoit cest emprunt: parquoy le peuple demandant quelque restauration estre faicte sur les vsures n'y voulut assentir: disāt ie encores suis debteur en maïtes sommes de deniers, mais se congnoissoit manifestement que par sa puiffance il retyroit à luy le bien d'autruy: aussi tous les autres citadins luy vouloyēt mal, p ce qu'ilz acheptās plusieurs biés criez & subhastez publicquement aucunesfois pour plusgrand pris qu'ilz ne valloyent esperans de les recepuoir sans fraiz, estoÿēt cōtrainctz payer toutes les sommes pour lesquelles ilz auoyent esté faiziz: mais Cesar d'eulx faisoit petite estime & par vng certain moyen feit aux autres trouuer la chose iuridicque, car il donna à plusieurs toutes les vsures esquelles ilz estoient obligez. Depuis la guerre meue entre luy & Pompée ayant osté les debuoirs & louaiges des maisons iusques à la somme de cinq cens dragmes pour vng an: & d'auantaige les estimations des possessions, desquelles failloit rendre vsures selon les loix de ce temps les ayant reduictz au pris, touteffois entre le peuple il gaignoit plusieurs biens subhastez. Ces choses ainsi determinées, il se feit les murmurans beniuolles, & de ses compagnons & adiuteurs aucuns en feit senateurs, aucuns prestres & à autres dōna autres offices & magistratz pour le reste de l'an courant & pour lan suiuant, car à ce qu'il en peult remunerer plusgrad nombre il designa dix preteurs en l'an ensuyuāt, & si feist des prestres oultre nombre acoustumé, par ce que aux pontiffes & aux augures du nombre desquelz il estoit (qui sont appelez en nôbre quinze) en dōna vng pour chascun, bien qu'il voulust prendre toutes les dignitez sacerdotales aïsi qu'il auoit esté determiné par decret, mais aux cheualiers & centurions & aux ordres moindres dōna autres offices mettant les aucuns d'eulx au senat au lieu de ceulx qui estoient decedez: neantmoins les gens d'armes se troublèrent grandement, par ce que ayans esperé de recepuoir bonnes recompenses, & neantmoins receu non guieres moins de ce qu'ilz auoyent merité, mais beaucoup moins de ce qu'ilz auoyent esperé, se mutinerent, & estoit la plusgrand partie d'eulx en Champaigne comme ceulx qui attendoyent pour nauiguer en Affricque, & si peu s'en faillit que estās en tel trouble ne meissent Saluste à mort, par ce qu'il auoit esté desseigné preteur affin que apres peult estre senateur: & depuis que Saluste s'estant mis en fuyte pour la craincte de ces mutins s'en vint à Romme deuers Cesar pour luy declairer tout ce qui auoit esté faict, plusieurs le suyurent ne pardonnans à aucun

Les gens  
darmes  
mutinez.

aucun, ains occirent entre les autres de ceulx qu'ilz rencontrerent deux senateurs. Cesar doncques si tost qu'il entendit la venue, delibera d'enuoyer à l'encontre les massiers, mais se doubtant qu'ilz ne se conioignissent avec eulx s'en deporta iusques à tât qu'ilz arriuerét dans le bourg de la cité, & eulx ainsi arriuez Cesar leur enuoya demander qu'ilz vouloyent & pour quelle raison ilz estoient venuz: & ilz ayans respõdu qu'ilz le luy diroyét en personne leur conceda volontiers d'entrer en la cité sans autres armes que les espées, car aussi bien auoient ilz accoustumé les porter en la cité, & pour lors n'eussent endure de les delaisser: finalement arriuez en la presence de Cesar & luy ayans remõstré les peines trauaulx & perilz par eulx soustenuz & plusieurs des bones esperances qu'ilz auoyent se disoyent meriter les recompenses & remuneratiõs deues, & demáderent d'estre deliurez de la soule, faisans grand instance à Cesar pour ce obtenir (non qu'ilz eussent volonté de viure comme hommes priuez, par ce que acoustumez de suiure le butin de la guerre ne vouloyét estre cassez, ains pour faire paour à Cesar qui auoit son exercite prest pour l'enuoyer en Affrique) Mais Cesar des autres choses ne leur fait responce sinon ceste, Vous dictes bien Romains, car vous estes trauaillez & batus. & ces parolles dictes, leur donna congé, cõme qu'il n'eust d'eulx aucun besoing: & à ceulx qui auoyét exercité la soule par temps suffisant, promist les recompenser entierement. Pour lesquelles parolles ainsi proferées par Cesar furent tous moult espouentez tant pour le couraige chágé de Cesar cõme pour ce qu'il les auoit appellez Romains & non soudardz: & estans humiliez & craignans de soustenir quelque peine changerent d'opinion, si que l'ayant grandemét supplyé & fait plusieurs ofres, luy promirent d'aller en l'exercite volontairement, & de soustenir tous seulz la bataille. Depuis doncques qu'ilz vindrét à ce point & que vng des capitaines en ce deuis (peult estre pour gratifier à Cesar) dist quelques parolles & fait en leur faueur supplication, Cesar respõdit, Le vous donne cõgé & tous vo<sup>9</sup> qui estes cy presens & encores tous ceulx qui ont paracheué le tẽps deu au fait de la guerre, car ie n'ay besoing de vous en aucune chose, toutefois ne demoureray à vous remercier à ce qu'aucun de vous ne puisse apres dire que vous ayant mis en diuers perilz aye esté ingrat, encores que vous estans robustes de corps & ne pouans durer en toutes les autres guerres qui restét ne vueillez venir avec moy. Cesar dit ces parolles simulémét p ce qu'à vray dire il auoit d'eulx necessairement affaire, & leur distribua du territoire public & du sié ppre separát l'üg d'avec l'autre & p grand distáce en maniere qlz nestoiét énuyeux á leurs voisins & ne leur pouoiét faire nouuelleté cõme ceulx qui n'abitoient ésemble: & aux autres q luy estoiet redevables estans en bié grád nõbre, leur proposa de le payer partie avec l'usure & avec le tẽps: lesquelles choses aisi ordõnées & les ayãs assubiectis á luy de forte qlz ne faisoient pl<sup>9</sup> aucú desordre, ais luy redoyét graces, parla à eulx en ceste maniere, Vo<sup>9</sup> receurez de moy toutes choses & ne estrágeray aucú

de vous qui me vouldra ayder á despescher le reste de la guerre, ains les accepteray volontiers. Ce que oyans les autres se resiouyrent admirablement, & li voulurent tous aller á la soulde avec luy.

Comment Cesar alla en Affricque avec l'exercite.  
Chapitre XLII.



Cesar doncques ayant laissé hors la cité ceulx d'entre eulx qui estoient mutins & sedicieux, non tous, mais ceulx qui pouoyent viure mediocrement de la culture de la terre, le semblable fait aux autres souldardz par ce que ceulx qui estoient entre les autres plus audacieux & suffisans pour faire quelque grát mal il tira hors d'Italie de paour que y estés delaissez ne feissent quelque esmotion, mais consuma plusieurs d'entre eulx en Affricque en diuerses occasions, car il destruysoit ses ennemys par leur moyen, & se deliuroit encores d'eulx, pour ce qu'il estant tres humain & faisant choses agreables ainsi á tous autres come especialemét aux souldardz, auoit en hayne ceulx qu'il veoit estre sedicieux, & les pugniffoit tresacerbement. Il fait ces choses en l'an auquel il fut vrayement dictateur, & en la fin d'icelluy se disoient estre par luy designez cónsulz Calenus & Vltim<sup>o</sup>, & passa en Affricque estát encores l'yuer en s<sup>o</sup> demy terme, & ne fait chose de petite importance ayát trouué les ennemys au despourueu, par ce que sur toutes choses il prosperoit pour sa celerité & pour les assaulx qu'il faisoit á l'impourueu, en maniere que si on vouloit consulter en quelles choses il superoit tât les capitaines de son tēps nulle autre se trouueroit plus digne de ceste. L'affricque n'estoit ne encores au commencement amye de Cesar, mais depuis la mort de Curió deuint du tout sa tresennemye, car Varró & Iuba gouuernoyent, & d'auantaige Caton, Scipion & les autres qui s'en estoient fuyz avec eulx, ainsi que desia á esté dit. Et ainsi ayans commencé ensemble la guerre occuperent la partie de terre ferme, avec leurs nauires faisoient cour ses en Sicile & en Sardaigne, endommaigeoyent les citez & emmenoyent les nauires, les spolians des armes & autres ferreures dont ilz auoyent necessairement affaire, & finalement vindrent á si grand appareil & couraige comme ceulx qui n'auoyent aucun exercite contraire (seiournant Cesar en Egypte & en Rome) qu'ilz enuoyerent Pópée en Espagne, par ce que ayans esté aduertis de quelque seditió leuée en cest endroit & pēsans qu'il seroit receu & accepté promptemét (comme celluy qui estoit filz de Pompée le grand) se mettoyent en ordre, assaouir ce Pompée pour appaiser & ordonner les affaires d'Espagne & Perse, & apres de la s'en aller á Rome en peu de tēps: & les autres pour nauiguer ensemble en Italie: car au cōmencement demourerét quelque espace doubtás lequel d'entre eulx deust estre préféré ou Varron ou Scipion, par ce que Scipió auoit esté plus lōg temps á gouuerner ces pays, & d'auantaige Iuba enorgueilly pour la victoire qu'il auoit obtenue s'e-

Calenus &  
Vltimus  
cónsulz.

Guerre en  
Affricque.

estimoit digne d'estre prepose à tous autres. Mais Caton & Scipion s'estans accordez ensemble comme ceulx qui à tous les autres estoient superieurs l'ung de dignité & l'autre de sapièce se adjoignirent encores tous les autres & leur persuaderent de donner toute l'obeyfance à Scipion, car Caton pouât auoir esgale puissance à luy ne la voulut ptir pource qu'il estimoit estre chose moult nuysible, mesmeinét en tel temps, & partie, pource qu'il se verroit de la dignité ciuile inferieur à Scipion, & d'auátage congnoissoit estre grád chose es guerrés que le capitaine soit esleu legitivement, & pour ceste cause volontairement luy ceda, mettant entre ses mains toute la gendarmerie qu'il auoit amenée avec luy: bien demanda Vticque suspecte de tenir la part de Cesar, & quasi qui auoit esté deffaicte des autres, laquelle il obtint & la print en sa garde ensemble tout le pays & la mer voyfine. Mais tous les autres lieux estoient tenuz soubz Scipion comme empereur, & son nom confortoit grandement tous ses adherentz, lesquelz auoyent opinion que nul Scipion peult faire mal en leur pays. Dót Cesar aduertý & voyant encores que ses souldardz croyoyent le semblable & craignoyét grandement, print avec luy vng de la stirpe des Scipions & auoit ce surnom, mais son propre nom estoit Salaton, & ce faict tira à Adimete, par ce que Vticque estoit bien gardée, & pour l'yuer passa si que les ennemys ne s'en aperceurent: mais yfiant de sa nauire luy arriua cas moult estráge, lequel encores qu'il signifiait quelque mal neantmoins le retourna en bien, car incontinent descédant en terre il trebuscha, & les souldardz qui luy veirent heurter la terre de la bouche s'attristerét grandement, en maniere que ne pouans endurer la douleur faisoient entre eulx grand bruyt: toutesfois pour ce ne s'estonna ains estendant ses mains print la terre comme qu'il fust tombe expressement la baissa, cryant haultement dist: Le te tiens Affricque. & cela dit, courut à Damiette: mais estant repoullé & oultre ce chassé hors du camp, se transporta en vne autre cité appellée Rupine, en laquelle receu, prepara ses logis pour l'yuer, & aucunesfois partant de ceste cité faisoit quelques escarmouches.

Signe ad-  
ueni a  
Cesar au  
descédre en  
Affricque.

Le

# Le Quarantetroisieme liure

DE DYON, HISTORIEN GREC,

Traduict d'Italien en Francois.

Au present liure est fait mention de la descõfiture de Scipion, & Iuba, faite par Cesar, & de la mort de Caton, & cõment les Romains obtindrent Numidiẽ: du retour de Cesar & triũphe dans Rome, de la place de Cesar & du tẽple de Venus cõsacrez, de la constitution de l'an ainsi que le trouuons à present, de la descõfiture de Gnẽe Põpẽe, de Carthaige & Corinthe faictes colonnes des Romains, & des Ceriaulx faictz Edilles.



Comment Cesar vainquit Scipion, & Iuba, & Caton se tua luy mesmes. Chapitre XLIII.

Lepidus.



Ais l'an ensuyuant il fut esleu dictateur & consul l'ung & l'autre pour la troisieme fois, ayant tousiours pour cõpaignon Lepidus, car si tost qu'il fut de luy dit dictateur incõtinent l'enuoya apres la preteure en l'Espaigne voisine, & il estant retournẽ l'honora d'aucuns triumphes (bien qu'il n'eust vaincu ne combatu) soubz couleur qu'il auoit estẽ present es choses faictes par Longinus & Marcel. Et en veritẽ il ne porta avecques soy au triumphe autre chose sinon deniers qu'il auoit desrobbez à ses compaignons, pour lesquelz Cesar le magnifia & depuis l'esleut pour son

son

son compaignō tant en l'une qu'en l'autre dignité: & ilz estans tous deux en estat, les Romains furent conturbez pour aucuns signes, car vng loup fut veu dans la cité & si nasquit vng pourceau en tout semblable à vng Elephāt, excepté les piedz tāt seulement: & en Affricque Preteius & Labienus, ayās espie Cesar lequel estoit yssu dehors par les villaiges pour recouurer des bledz les Nomades à pied, assaillirēt ses gés de cheual qui encores n'estoiet bié fortifiez depuis qu'ilz estoiet descēduz de la mer dōt les bataillōs estoient en occirēt maintz & si eussēt taillé en pieces tous les autres qui s'estoyēt retournez en vng certain lieu hault filz neussent esté griefuement naurez, au moyen de quoy par quelque espace mirent Cesar en crainte par ce que il considerāt comme il auoit esté repoullē, & sachant que Scipion & Iuba deuoiet venir avec tous les exercites aīsi qu'ō disoit, estoit en doute & ne scauoit ce qu'il deuoit faire, car il ne pouāt comodēment differer la guerre, & voyāt que le demourer en vng lieu luy estoit difficile écores que les énemys ne l'assaillissēt pour la difette des viures, & qu'il ne pouoit leuer son cāp les ennemys estans si pres de luy & l'espiās tant par mer que par terre, estoit en non petite tristesse. Ce pendant dōcques que Cesar se contristoit ainsi, vng certain Romain nommé Publius Silius (si d'aventure nous le deuōs plustost nōmer que la fortune) fut cause de son salut, ensemble de la victoire: car ce Publius estoit banny hors d'Italie, & ayant ralié avec luy certain nombre d'autres bānis passant en Mauritanie demāda des gens d'armes & se voyāt receu à la soulde s'efforca d'ayder à Cesar en ceste guerre, combien qu'il n'eust receu aucun benefice de luy ne autrement le congneust, & pour ce faire ne se retira deuers Cesar car il scauoit bien qu'il estoit trop loīng & pensoit qu'il luy feroit peu vtile comme celluy qui n'auoit grad puissance, au s'ayant entendu que Iuba avec tout son exercite se departoit courut toute la Numidie qu'il endommaigea grandement ensemble la Getullie qui estoit vne partie de son royaume, en maniere que le roy fut cōtraint laisser tout ce qu'il auoit entre les mains & s'en retourner de démy chemin avec la plus grad part de son exercite car il en auoit enuoyé partie à Scipion au moyē de quoy se peult comprendre manifestement que si Iuba se fust cōioinct avec Scipion Cesar ne leur eust iamais peu resister. Il dōcques ne voulut si tost venir à la bataille cōtre Scipion seul par ce qu'il craignoit ainsi les autres appareilz cōme les elephās partie pour la bataille, mais especialemēt auoiet fait grand destourbe à ses cheualx. Cesar doncques gardant son cāp le mieulx qu'il pouoit enuoya pour recouurer des elephās & des souldardz de Italie nō cōme ql esperast en faire quelque exercite esgal à celluy des énemys, & cēpédāt aucus Getuliēs se ralièrent avec luy esēble aucus autres leurs voisins partie pour leur respect ayās entendu ilz auoir esté moult honnorablemēt receuz, & partie pour la mémoire de Mari<sup>9</sup> duquel Cesar estoit parēt. Depuis ces choses faictes & que ceulx ql auoit euoye querir en Italie se cōioignirēt avec luy bié que eussēt beaucoup demouré tāt pour l'espeschement des énemys

Signes aduenuz en Rome.

Les gés de Cesar occis.

Numidie & Getullie sacagees.

Scipion & Iuba cōioincts.

Scipion & Iuba cōioincts.

que

que pour l'yuer pour lors moult aspre finalement Cesar ne demoura en repos, ains par le contraire se prepara pour batailler, à ce qu'auant la venue de Iuba il preuint à deffaire Scipion: & estant allé à l'encôtre luy pres vne cité appellée Vtique posa son camp sur vne môtaigne située au dessus de la cité & le camp des ennemys, ayant dechassé ceulx qui premierement auoiet preoccupé ce lieu: en apres estât en lieu hault repoulsa en arriere Scipion qui l'auoit assailly, & ayant transcouru ses souldardz avec ses gens de cheual luy fait grand dominaige. Il doncques occupa ce lieu & le fortiffia de murailles & si en print vng autre de l'autre costé de la cité ceulx qui le gardoyent preallablement dechassez: & ainsi ferra toute la cité de murailles: car Scipiô craignant qu'il ne fust consumé ne venoit plus à la bataille, ains enuoyoit souvent messaigers deuers Iuba & auquel pource qu'il ne l'obeyssoit promettoit de donner tout ce que les Romains tenoiet en Affricque. Et pource inclinât Iuba à ses promesses laissa certains autres contre Sinius, & il pour la secôde fois se mist en voye contre Cesar. Lequel ce pèdant par diuerses fois tenta le moyen de cōduire Scipion à la bataille: mais ne le pouant, enuoya dire aucunes amyables parolles à ses souldardz, & fait getter au camp de Scipion certaines petites lettres esquelles estoit contenu cōme il promettoit aux habitans du pays de conseruer entierement tous leurs biens & de les laisser liberares & aux Romains seurté, & de leur dōner les mesmes hōneurs qu'il estoit pour donner aux siens propres, parquoy en retira plusieurs à luy. Scipion de son costé teta bien de semblablement enuoyer lettres & parolles au camp de Cesar cōme qu'il vouldst s'en approprier aucuns: neâtmoins ne les peut reuolter non que encores aucuns ne se fussent retirez deuers luy sil eust fait ofpres semblables, mais pource qu'il ne leur promettoit semblable recompense & que seulement leur persuadoit de vouloir sauluer le peuple Romain & le senat: en ceste maniere de quant il pretendoit plus tost choses hōnestes que ytiles aux souldardz, n'en retira aucuns à luy. Ce pèdant dōcques que Scipion estoit seul au camp les choses predictes ainsi arriuerent. Mais Iuba suruenue changea de couraige, car ilz prouocquoiet chascun iour les ennemys à la bataille, & les endōmaigeoyent quand ne vouloyent venir au cōbat, d'auantage avec leurs gés de cheual faisoient grand occision de ceulx de Cesar les trouuans à l'esquart. Mais Cesar ne venoit volūtiers au cōbat contre eulx, car il estoit fort épesché à l'edifice des murailles, & seulement luy suffisoit pouoir recouurer viures: neâtmoins ce pèdant enuoyoit querir des souldars en Italie, lesquels finalement venuz en grand difficulté pour n'auoir esté reduitz ensemble ains recueillis peu à peu & que nauires deffailloiet pour passer to ensemble, & les ayât Cesar receuz de rechef print audace si que son exercite mis en cāpaigne régea ses batailles deuât son fort. Voyât ce les ennemys se preparerēt couraigeusement au cōtraire toutefois ne vindrēt à la bataille, & dura ceste forme p. quelques iours, excepte qu'ilz faisoiet aucunes petites escarmouches avec leurs gés de cheual puis retournoient arriere, de sorte que

l'une

Seduction  
de Cesar.

Iuba surue  
nu au cāp  
de Scipiô.

Secours ve  
nu de Ita-  
lie a Cesar.

l'une ne l'autre ne faisoient chose digne de trop grand louenge: mais Cesar considerant que de ces lieux ne les pourroit contraindre de venir à la bataille, contre sa volonté tira vers Tapse à ce que les ennemys voulans secourir la cité fussent cōtrainctz cōbatre: laquelle cité de Tapse est posée & située en vng certain cheronnesse circondé de l'ung des costez de la mer & de l'autre du lac, & au mylieu à le Isthme si estroict & palludueux, qu'il se passe en deux partz mais par briefue espace de l'une & l'autre partie du marest pres le mesme riuage. Cesar doncques parüenu pres la cité dans les destroictz mesmes faisoit fossez & rampartz sans que les habitas luy donnassent aucun empeschement car ilz n'estoient à luy esgaulx de puissance: bien tentèrent Iuba & Scipion de ferrer avec fossez & rampars la bouche de l'Isthme à l'endroict qu'il se conioinct avec la terre ferme, l'ayant prins en deux parties & ce pendant qu'ilz estoient en œuure & faisoient chascun iour grand ouurage, car à ce qu'ilz ferrassent plustost l'Isthme mirét les elephas es lieux ou les fossez n'estoient encores creusez, touteffois les ennemys auoyent le moyé d'étrer, & les autres en après ouuroiét aux rāpartz. Cesar hastiuemēt affaillit les autres qui estoiet avec Scipio, & ayāt cōbatu de loig les elephas avec leurs arcs & leurs frōdes & se mit à les suyure quād ilz se departoyēt, & par ce moyen venu au cōbat à l'impourueu avec ceulx qui ouuroyent aux rampartz les mit en fuyte, & les ayant pour suyuis de premier assault, print leur camp. Ce que voyant Iuba eut si grand frayeur qu'il n'eut hardyesse de pouoir combatre ne gaigner le camp, ains s'estant mis en fuyte & pource que nul des siens le recepuoit ayant especiallement Silius obtenu la victoire en ce pays se mit en desespoir de son propre salut, en maniere que luy & Preteius qui encores estoit desesperé s'occirēt l'ung l'autre. Mais Cesar incontinent apres leur fuyte print la forteresse faisant grād occision de ceulx qui festoyent mis es ordres dessus nommez, car il ne pardonna encores à ceulx qui se reuolterent sans frapper coup. Et pour ceste cause cōquesta encores toutes les autres citez, ne se trouuant aucun qui luy feist resistance: & ayant subiuguez les Nomades les fait subiectz du peuple Romain, & les donna en gouvernement à Saluste quant à l'apparence, mais quant à l'effect, pour les desrober: car il receut plusieurs gros presens & si encores en prit par force, en maniere qu'il acquist mauuaise renommée & grand honte, par ce que ayant escript telles histoires esquelles il desduit maintes apres parolles cōtre ceulx qui desrobent autruy, touteffois en ses effectz ne fut semblable à ses escriptz: parquoy combien que Cesar le pardonnast, neantmoins ses histoires le condānerent. Ces choses doncques arriuerēt en ceste maniere. Et quant à Lybie, de ces nations celle qui est pres Carthaige, assauoir l'Africquaine, est nommée Antique, par ce que anciēnement fut subiuguee. Mais celle des Nomades est appellée nouvelle, par ce que nouvellement fut prinse. Et au regard de Scipion, il se mit en fuyte & avecq vne barque passa en Espagne deuers Pompée: touteffois il entré en Mauritaine & craignant

Silius,

Tapse cite.

Bataille entre Cesar &amp; Scipion.

Silius

Saluste scene de larcin.

Sitius, se occist soy mesmes. Mais Caton recepuant plusieurs Romains qui s'enfuyoyent deuers luy se mettoit en ordre pour prendre le fex de la guerre & contredire à Cesar. Toutefois les Vticiens comme ceulx qui premiere- ment n'estoyent ennemys de Cesar & desia cōgnoissans qu'il estoit le vain- queur, ne luy assenterent. D'auantaige les senateurs & cheualiers estans avec luy commencerent à craindre qu'ilz ne fussent par eulx trahis, & pour ceste cause deliberoient se mettre en fuyte: au moyen dequoy Caton determina de ne faire pl<sup>9</sup> resistāce aucune à Cesar par ce qu'il nauoit peu ne encores aller deuers luy, non qu'il eust paour, car il scauoit bien que Cesar ne luy eust vo- luntiers pardonné come celluy qui cherchieoit d'acquérir gloire par renommée d'humanite, aïs plus tost pour ce qu'il estoit amateur de la liberte ne vouloit estre soubzmis à aucun, & pensoit que la misericorde de Cesar luy seroit beaucoup plus difficile que la mort. A ces causes auoir cōuocqué tous les ci- radis lors presens, demandāt & à chascun particulierement ou ilz sen vou- lussent aller leur donna congé & deniers pour leur despēse durāt leur voya- ge, commandant à son filz de soy retirer deuers Cesar. & le petit enfant luy demandant, Pourquoi, & mon pere, ne faitz tu le semblable? par ce (dist Ca- ton) que ie ayant este nourry en liberte & licēce de parler, ne puis maintenāt (qui suis vieil) changer & apprēdre d'estre serf: mais à toy qui es né & nour- ry en tel estat est moult cōuenable que suyues la fortune en laquelle tu t'es rencontré. Ces choses faittes par Caton & ayāt redu raison aux Vticiens de son administration, & les deniers restans du fait d'icelle, ensemble ceulx qu'il auoit des siens propres, delibera se despescher auāt la venue de Cesar. ce qu'il ne tenta faire de iour par ce que son filz & les autres estās aupres de luy l'en gardoiēt: mais si tost que la nuit fut venue il meit vne dague soubz le cheuet de son liēt & ce fait demanda le liure composé par Platon de l'im- mortalité de l'ame (ou qu'il le feist pour oster la suspition à ceulx qui lors e- stoyent presens de ne vouloir faire telle chose, à ce qu'ilz s'en donnassent moins garde, ou que desirant receuoir aucune consolation par la lecture du liure) & auoir précouru le liure, droictement à l'heure de mynuit tira la da- gue & fectant dicelle nauré incontinent fust mort pour l'effusio du sang, si- non que au tomber ius du liēt en terre, feist vng grand bruyt, & excita ceulx qui dormoyent en la garde robe, & ainsi son filz accouru au bruyt avec les autres luy remisrēt de rechief les intestins au corps & le feirēt appareiller: ce fait luy osterent la dague, & si fermerent les portes affin qu'il se reposast, car ilz ne pensoyent aucunement que pour telle deust mourir: mais depuis se voyant Caton seul, meit ses mains dans sa playe & d'icelles lacerant les pellicules incontinent trespassa. Caton doncques ayant esté grādement fau- teur de la republicque, treflainct & trefconstant de couraige sur to<sup>9</sup> les hom- mes de son temps, receut vne grād gloire pour sa mort, en sorte qu'il fut de- puis nommé Vticenne, par ce qu'il mourut en Vticquā en la maniere deuat dicte, & fut publicquement par eulx ensepulturé. Neātmoins Cesar dist se- stre

Le filz de  
Caton.

Desespoir  
de Caton.

La mort  
de Caton.

estre raisonnablement adyré contre luy, par ce qu'il auoit eu enuie à sa gloire, laquelle il eust acquise en luy. sauuant la vie: touteffois il deliura son filz & plusieurs autres comme estoit sa coustume, les vngs plus tost & les autres plus tard affin qu'ilz le trouuassent de volonté plus disposée se retirèrent deuers luy: & ainsi furét sauluez. Mais Afranius & Faustus ne vindrent volontairement deuers luy, par ce qu'ilz scauoyét bien qu'ilz n'y gagneroyét riens, ains s'estans retirez en la Maurytanie furét prins par Silius, lequel Cesar feist occir sans condénation aucune cōme prisonniers. Et au regard de Lucius Cesar qui estoit son parent & volontairemēt l'auoit supplié, touteffois pour ce que de tousiours auoit esté son ennemy du commencement, le bannist, pour donner à cōgnoistre qu'il l'eust banny avec quelque iustice: & depuis ne le voulant condamner à la mort en sa propre voix, pour l'heure différa: neantmoins peu de temps apres le feist mourir, par ce que de ceulx qui estoient avec luy & ne faisoient pour luy, s'en deliuroit les enuoyant cōtre ennemys & les aucuns faisoit occir par les siens mesmes es batailles, car comme i'ay dit il ne pugniffoit apertement tous ceulx qui luy faisoient desplaisir, mais de ceulx ausquelz il ne pouoit imputer quelque grand delict, se deliuroit par quelque voye occulte: & alors ayant fait brusler toutes les escriptures qui se trouuerét dans les coffres de Scipion auant que eussent esté leues, & saulué plusieurs de ceulx qui luy auoyét esté contraires en la bataille, aucuns pour le respect d'eulx mesmes & autres pour complaire à leurs amys (car comme i'ay dit il concedoit à chascun de ses partisans & compagnons qu'ilz en demadassent vng) il eust encores saulué Caton, par ce qu'il auoit si grand merueille de cest homme, que Cicero ayant depuis composé vng liure en sa louenge, ne l'eut aucunemēt à mal (combien encores qu'il luy eust esté aduersaire) ains en escripuit vng autre qu'il nomma Anticato.

Afranius  
& Faustus  
occis.

Liure de  
Cesar, nommé  
Anti-  
caton.

Comment Cesar retourna à Rome & y triumpha, & disposa puis apres les affaires. . . . . Chapitre XLIII.

**C**esar auoir fait les choses susdictes & ayant donné congé à tous ses plus vieulx souldardz auant que s'en reuenir en Italie de paour qu'ilz ne feissent quelque nouuelleté, ensemble apres ce qu'il eust pourueu es affaires d'Affricque le mieulx qu'il fut possible, en brief tēps nauigua avec tout son armée en Sardaigne & d'illec enuoya son exercite en Espaigne contre Pompée avec Gaius Didius & s'en retourna à Rome estat exalté tant pour ses si nobles faitz comme pour les decretz du senat, car ilz determinerent que par l'espace de quarante iours fussent faitz sacrifices pour sa victoire, d'auantage luy concederēt qu'il menast son triūphe avec cheualx blancz: & les licteurs qui au parauāt estoient avec luy & autres desquelz il s'estoit seruy durāt sa premiere dictature, l'esleuerēt non censeur (par ce que tel nom ne leur sembloit luy estre cōdigné) mais presidēt aux coustu-

Preeminē-  
ces conce-  
des a  
Cesar.

Remon-  
strances  
faites par  
Cesar aux  
senateurs.

mes par l'espace de trois ans, & dictateur par dix ans consecutifz : en oultre determinerent qu'il se feast ordinairement au siege principal avec les consulz dans le senat: d'auantaige que le premier il dist sa sentéce, & que en tous les cours des cheualx il declairast qu'il desseignast les magistratz & toutes les autres choses apprenās au peuple, il distribuoit, que vne charette luy fust dressée dans le capitolle à l'opposite de Iuppiter en laquelle il fust colloqué en vne figure de cuyure en l'ymage du mode avec ceste description qu'il fust demy dieu & que son nom fust escript dans le capitolle au lieu de celluy de Catulus. I'ay seulement fait mention de ces telles choses non pource qu'elles fussent determinées seules, ains qu'il refusa les autres acceptant seulement les dessusdictes. Et estans desia ces determinations faites s'en vint à Rome, & voyant vng chascun craindre sa puissance, se doubter de son couraige & pour ces causes attendre les mesmes choses qu'ilz auoyēt le temps passé enduré, & pour ce regard luy auoir donnez hōneurs desmesurez non tant par amour comme pour le flatter, les consola & leur donna esperance ayant dit en plain senat telles parolles, Nul de vous, ô Senateurs, pense que ie die ou face aucune chose inique, pource que i'ay obtenue la victoire, ou que ie puisse dire tout ce qui me viendra à plaisir sans peine aucune pouant dire & faire liberément ce que ie veulx, & bien que Marius Cinna & Sylla ensemble tous les autres qui obtindrent la victoire contre la partie aduerse au commencement de leurs factions dirent & feirent plusieurs choses humaines pour lesquelles ilz induyrent maintz hommes à estre leurs fauteurs ou pour le moins à ne leur estre contraires, mais depuis qu'ilz furent vainqueurs & obtindrent ce qu'ilz desiroyent ayant fait & dit plusieurs choses contre les premieres proferées, aucun ne pèse que ie vueille faire le semblable, car ie ne suis aucunement de telle nature: & si au temps passé n'ay vsé de factions ne maintenant que faire le puis ne vsé d'orgueil ne encores pour la grand félicité ay excédé les termes ny me suis fait insolent entant que ie m'estime tyrāniser. car ces deux me semblēt auoir fait l'une & l'autre de ces deux choses ou à tout le moins l'une: mais ie suis de nature telle que de tousiours me auez experimenté, & pource qu'est il nécessaire que chercheant par le menu vous soye moleste & ennuyeux me louant moy mesme: & ne feroys iamais iniure à la fortune, ains de quant plus ie l'ay prouée prospere de tāt en vseray mieulx en toutes choses, par ce que non à autre fin me suis efforcé de pouoir tant & me augmenter tant que ie aye pugny tous ceulx qui m'ont esté contraires à la bataille, chastié & adimonné tous ceulx qui ont esté aduersaires es seditions, sinon à ce que ie puisse plus seurement faire bien & glorieusement viure heureux, car ne seroit aucunement honneste que vng fust trouué faire les choses desquelles il a reprins les autres q'ont esté en discord, & ne vouldroys iamais ayant esté semblable à eulx es ceures seulement estre à eulx differant par la seule renommée de la victoire entière: car qui est celluy lequel doive faire plus & plus grandz biens à aucuns: qui est celuy

luy qui est moult puissant, & qui est celluy lequel plus prudemment doibue vser les biens à luy concedez par la fortune, sinon celluy qui en à receu assez? qui est celluy lequel doive plus droictemēt gouverner les biens presens que celluy qui en à assez & à grand paour qu'ilz ne soyent destruitz? car la fœlicité cōioincte avec la modestie perseuere, & la puissance cōioincte avec moderation conserue tous les biens possédez, & ce qui est le principal n'advient sinon à ceulx qui exercēt la vertu, laquelle cōcede aux viuans qlz soyēt ayez sans fraulde, & aux mortz d'estre vrayemēt louez: mais celluy qui vse sa puissance sans honte aucune, en toutes choses ne treuve ne vraye beniuolence ne certaine feurté, ains quand il se treuve en public, les hommes fœctement & simuléement le flattēt, par ce que celluy qui à la puissance en sa main est suspect & hay aisi des autres comme principalement de ceulx qui vsent avec luy: & saichez que ie n'ay dit ces parolles à autre fin sinon à ce que congnaissez qu'elles ne me sont forties de la bouche à la vollée ne pour me venter, mais pource que tousiours ay en moy iugé telles choses n'estre vtiles & cōuenables, parquoy nō seulemēt devez auoir ferme fiâce au temps present, ains encores esperer bien pour le futur, estimans que si i'eusse fainct ie n'eusse plus oultre differé, mais en ce mesme iour l'auroys demonstré, & parauāt ne iamais euz autre volunté sinon comme les œuures mesmes le demōstrēt: & ie maintenant m'efforcerauy non de vous seigneuriser, ains de vous gouverner avec toute equité: & de non estre tyran mais vostre prince en toutes les autres choses qu'il est necessaire faire pour vous estat dictateur & cōsul: toute fois quant à nuire à aucun estant homme privé, car de cela seulement ne repute que s'en doive parler, par ce que comme ie pouoys faire mourir aucuns de vous qui ne m'auz fait iniure, ie dis que encores n'ay fait occir aucun de ceulx qui m'ont esté contraires en la bataille: combien qu'ilz ayent aucunement machiné avec d'autres contre moy, neantmoins i'ay vſé de misericorde enuers mes aduersaires, & si ay sauué plusieurs de ceulx qui pour la seconde fois ont combatu contre moy: & comment me pourroyz ie souuenir des iniures receuz d'aucun, cōsideré que ie ne leuz ne feiz transcrire les lettres trouuées en la puissance de Scipion & de Pompée, mais incontinent les feiz brusler. A ceste cause, ô peres, faisons nous amys avec seure fiâce, mettans en oubly toutes les choses passées cōme qu'elles soyent arriuées par vne certaine necessité de fortune, & commencōs à nous aymer sans aucune suspicion cōme que nous soyons nouueaulx citadins, à ce que soyez disposez en mon endroit cōme enuers vng pere recepuant vtilité par ma prouidence & garde & ne craignās aucune chose sinistre, & que i'aye cure & sollicitude de vous cōme de mes enfans, desirant tousiours tous les biens vous aduenir, & supportant les cas humains necessairement, & remunerant les bons avec honneurs conuenables, & corrigeant les autres entant qu'il sera possible: & n'ayez paour des souldardz & ne pensez qu'ilz soyent autres que la deffence & garde du mien & vostre empire, car par maintes

raisons est necessaire qu'ilz soyent substantez : touteffois seront mainte-  
 nuz non contre vous, ains pour vous, se contentans de ce qui leur sera dō-  
 né & aymans ceulx qui leur donneront quelque chose, consideré que pour  
 ce regard ont esté leuez plusieurs deniers & plus qu'on n'auoit acoustumé, &  
 à ce que ceulx qui sont coustumiers de esmouoir seditions soyēt appaisez  
 & les vaincqueurs recepuans suffisamment leur soule ne facent mutine-  
 ries, car ie vous aduise que ie n'ay encores fait aucū gaing priué, & si ay des-  
 pendu tous mes biens propres, ensemble plusieurs deniers prins à vsure  
 pour vous: mais pouez veoir comme partie d'iceulx ont esté despenduz cō-  
 tre les ennemys & partie vous ont esté gardez, en maniere que i'ay soustenu  
 l'enuie & la hayne du recourement d'iceulx & vous en auez l'utilité tant  
 es autres choses comme au fait de la gendarmerie, car vous auez tousiours  
 besoing d'armes n'estant possible vous habitans vne si grand cité & ayant si  
 grand empire viure seurement sans icelles, & l'habondance des deniers est  
 ce qui ayde aux armes: & n'y aye aucun de vous qui sousspeconne que ie le fa-  
 ce pour nuyre à nul riche ne que ie soye pour imposer griefz & molestatiōs  
 nouvelles, par ce que les presentes ne suffiront & si m'efforcera y plustost de  
 vous laisser quelque chose que vous iniurier pour deniers. Ayant Cesar dit  
 telles parolles premierement dans le senat, & depuis entre le peuple, il alle-  
 gea quelque peu la frayeur, neâtmoins ne leur peut du tout persuader qu'ilz  
 fussent en seurté en leurs esperitz, que premierement avec les effectz ne cō-  
 firmast sa promesse: mais depuis Cesar faisoit toutes les autres choses  
 moult manificquement sicomme estoit raisonnable en telles & si grandz  
 victoires: & fait quatre triumphes separéement en quatre iours, assauoir des  
 Gauloys, d'Egypte, de Pharnaces & de Iuba, & tous les autres spectacles fai-  
 soyent le peuple moult allegre: touteffois Arsinoe d'Egypte qui fut cōduicte  
 au triumphe, & la multitude des litteurs, & les despouilles des citadis occis en  
 Affricque les attristerēt grandemēt, car le nōbre des litteurs qu'ilz n'auoyēt  
 acoustumé veoir, leur estoit moult moleste: d'auantage Arsinoe qui estoit vne  
 fēme & reputée royne veue au mylieu de ce peuple chose nō iamais faicte en  
 Rome leur faisoit grād pitié, & ainsi soubz la couleur de ceste femme ilz se  
 lamentoyēt ensemble de leurs aduersitez propres: touteffois elle fut laissée  
 pour le respect de ses freres: mais entre les autres vng nommé Vergentorix  
 fut mis à mort. Les Romains dōcques pour ces causes estoient griefuemēt  
 disposez, mais les reputoyst estre moindres eu esgard à la grād multitude  
 de ceulx qui en ces triumphes furent mis à mort & à la grandeur des choses  
 y faictes. au moyen dequoy i'ay eu Cesar en grand admiration, & pource  
 qu'il soustint tres humainemēt la liberté du peuple, de ses souldardz, car ilz  
 se mocquerent de luy pour ceulx qu'il auoit mis au senat & le picquerent  
 tant es autres choses comme principalement de l'amour de Cleopatra, &  
 de la conuersation qu'il eut avec Nicomedes roy de Bithinie: en maniere  
 qu'ilz disoyēt, Cesar à biē subiugué les Gauloys, mais Nicomedes à soubz-  
 mis

Triumphes  
de Cesar.

La mort de  
Vergentorix.

Cesar taxe  
de l'amour  
de Cleo-  
patra.

mis Cesar, & finalement tous les califfes d'une voix crierent: Si tu fais bien tu seras pugny, & si tu fais mal tu regneras, voulans en ce denoter que s'il rédoit la liberté au peuple (comme estoit raisonnable) qu'il seroit iugé pour les choses faictes contre la loy & seroit condamné, mais si par le contraire il retenoit sa puissance (chose de raisonnable) qu'il seroit seigneur. Toutefois ne faisoit semblant de ces telles parolles dictes par les souldardz, ains se iouyffoit plus tost les voyât parler ainsi liberement se confiâs qu'il ne se desdaigneroit iamais de faire guerre: mais seulement vne chose luy desplaisoit q'z blasmoient la cōuersation sienne avec Nicomedes, car de ce se douloit moult & de nōstroit apertement s'en cōtrister, & si s'efforçoit s'en excuser, voire avec grans fermens (chose qui augmétoit le rire.) Le premier iour de ses triumphes luy arriua vng signe non trop à priser, car le tymon du charriot propre ou il estoit se rompit au deuant du temple de la déesse fortune, ediffié par Lucullus, en maniere qu'il fut contrainct paracheuer le triumphe sur vng autre, & alors monta tous les degrez ascendans au capitolle n'ayât faict compte de l'ymaige de la terre habitée posée soubz ses piedz, ny de la description estât dessus icelle: mais depuis, luy osta le nom de demy dieu. En ceste maniere doncques il triumpha, & en ces triumphes fit vng moult magnificque cōuy au peuple & luy donna du froment plus qu'on n'auoit acoustumé, & d'auantaige de l'huylle pour distribuer au peuple qui recoit le froment, avec les soixantecinq dragmes qu'il auoit premierement promises & encores vingt cinq d'auantaige: mais à ses souldardz en donna cinq mil entieres: neantmoins ne vsoit en tout de liberalité & magnificence, ains se restraignoit en aucunes choses, & especiallement estant augmentée la multitude de ceulx qui demandoient le froment non raisonnablement, ains cōme on à acoustumé accorder es seditions en fait diligente inquisition & priua la moytie d'iceulx: & les autres iours du triumphe furent conduictz selon la coustume: mais le dernier apres qu'ilz eurent souppé, Cesar s'en vint en sa place chaulsé d'une certaine espee de souldiers appelez Blanty, & couronné de diuerses fleurs & d'illec se retira en son hostel acompagné quasi de tout le peuple & avec plusieurs elephans portans des lampes allumées.

Signe arriue le premier iour du triumphe de Cesar.

Dōs faictz par Cesar le premier iour de son triumphe.

Souldiers de Cesar.

Comment la place de Cesar & le temple de Venus furent consacrez.  
 Chapitre XLV.

**C**ar il fit faire ceste place, laquelle fut nommée de son nom, qui est moult belle entre toutes les autres, & augmenta la dignité d'icelle, en maniere qu'elle fut nommée la grand place. Cesar ayant faict les choses predictees, & d'auantaige le temple de la déesse Venus comme à celle qui fut le commencement de sa lignée, incontinent le cōsacra & meit plusieurs & diuerses batailles en ceste consecratiō, ayant poinctelé vng certain theatre ou se faisoient les chasses lequel fut appellé Amphitheatre, par

ce que tout autour fait faire des sieges, & pour ce temple & pour sa sœur fait faire grand occision de diuerses bestes les faisant combatre par des homes le nombre desquelles si on vouloit escrire oultre que seroit chose odieuse peult estre que ne se diroit la verité, car toutes ces telles choses p coustume se narrent, bien que ne soyent vrayes. Le doncques remettray à dire le nombre es autres semblables qui depuis furent faictes, excepté, s'il me sembloit moult necessaire en faire mention: mais entant que touche l'animal appellé Camileopard, ie diray qu'il fut premierement apporté en Rome par Cesar & demonstré à chascun publicquement, car cest animal entre autres choses est iambe & n'a les membres esgaulx à l'extreme grandeur de ses iambes, par ce que ses parties de derriere sont plus basses, mais commenceant aux fesses croist en hault peu à peu, en maniere qu'il se assimilie à vng qui monte & estât moult enleué estend les autres parties de son corps sur ses piedz de deuant, mais estend son col en vne hauteur propre, touteffois sa couleur est de diuerses taches comme celle du Lyopard, au moyen dequoy est appellé par nom composé des deux animaulx, ausquelz il est semblable. de ceste sorte estoit le Camileopard. Mais au regard des hommes Cesar les fait cōbatre aïsi qu'on n'auoit acoustumé en la place, & en L'yppodrome en meit aussi plusieurs, & plusieurs cheualiers avec des gens de pied, ensemble certains autres esgaulx les vngs aux autres & aucuns combatyrent sur des elephans qui estoient en nôbre quarate, & finablement fait faire vne bataille de nauires nô sur la mer ne en aucū lac ains en terre ferme, car ayât fait charier en vng certain endroit au cháp de Mars, y fait mettre de l'eau, & puis cōduire les nauires, & en toutes ces batailles combatoyent les prisonniers & ceulx qui estoient cōdemnez à la mort, ensemble aucuns cheualiers, du nombre desquelz le filz d'ung qui auoit esté preteur estoit qui cōbatit pareillement, & vng senateur nommé Fuluius Sepinus voulut cōbatre, mais luy fut prohibé, car Cesar empescha que telle chose se feist, touteffois quant aux cheualiers ne fait estime qu'ilz cōbatissent ou non, aussi les enfans s'exerciterent sur les cheualx en la feste appellée Troye selon la coustume ancienne, & autres petis adolescens d'esgal honneur chäterent sur des chariotz. Cesar dōcques fut bien encoulpé pour la multitude de ceulx qui furent occis, par ce que encores n'estoit assouuy de telz semblables spectacles & representoit au peuple l'ymaige de leurs propres maulx, mais beaucoup plus le blasmoient des deniers par luy en superfluité despéduz en ces triumphes, en sorte que par commune voix fut crié qu'il les auoit accumulez iniustement & despénduz vainement. Et ie diray vne seule chose pertinente au gouvernement de ce temps & tairay l'autre, car à ce que le soleil ne molestaït aucun des assistans aux spectacles il fait tendre par dessus ainsi qu'aucuns disent draps de soye, lesquelz estoient du butin de la guerre barbare, & de la ont esté portées en mes regiōs, pour les superffues delices des homes effeminez. En ces choses chascun demouroit coy par necessité, touteffois les souldardz feirent es-

motion

Cōbat sur  
quarate e-  
lephants.

Bataille  
sur nauires  
posees en  
terre fer-  
me.

Superflui-  
te de cesar.

motion nō pource qu'ilz feissent estime des despées superflues & vaines, ains pource qu'ilz n'auoyent eu ce butin, & ne cesserēt le bruit iusques à tant que Cesar les y surprint & eut pugny vng d'entre eulx qui auoit esté vainqueur avec luy de ses propres mains. Cesticylla doncques fut ainsi pugny, mais deux autres hommes furent occis par vng certain moyen de sacrifice, & quant à moy ne scauroys exprimer la cause, car en la Sybille le fut dit par vng oracle ne aucune autre seinblable responce fut donnée, neantmoins ilz furent sacrifiez au cháp de Mars par le pótiffe & le prestre de Mars. Ces choses doncques estoient ainsi faictes, ensemble plusieurs loix estoient introduictes aucunes desquelles ie declaireray & feray seulement mention de celles qui sont dignes de memoire, car il cōmist les iugemens entre les maïs des senateurs & des cheualiers, affin que la partie plus esleue eust tousiours les iugemens en sa puissance, par ce que au parauant aucuns du peuple s'ententioient avec eulx : & non seulement meit moyen & mesure par loy aux frais de ceulx qui auoyent quelque chose qui parauant estoiet moult grâdz pour la prodigalité des hōmes, mais encores avec effect les fait exquisemēt obseruer, & se trouuans peu d'hōmes pour la multitude de ceulx qui auoyēt esté occis dont il estoit reprins, d'auantaige pour les proscriptions & bānif semēs qu'il feist estant censeur, & pour le mesme aspect institua certāis gaiges à ceulx qui faisoient plusieurs enfans.

Loix introduictes par Cesar.

Gaiges a ceulx qui faisoient beaucoup d'enfans.

Comment Cesar constitua l'an ainsi qu'il est obserué à present.

Chapitre XLVI.

**T** pource que ayant esté preffect de la Gaule l'espace de plusieurs ans l'ung apres l'autre il vint en plusgrand cupidité de dominer & croistre pour acquerir puissance, determina par loy que ceulx qui auoyent esté preteurs demourassent en magistrat par l'espace d'ung an, & ceulx qui auoyent esté consulz par deux ans seulement, & que à nul autre par voye aucune fust licite auoir aucune prefecture plus long temps & plus de iours que de l'an, lesquelz ne se concordoyent, car pource que iusques alors les moys estoient comptez selon le cours de la lune, il les reduyst ainsi que les trouuōs maintenāt y ayant adioustē soixantesept iours necessaires à son acheuement: & bien que plusieurs ayent dit que d'auātage en y fust interposē neātmoins la verité se trouue en ceste maniere, & cōprint telle chose par la conuersation qu'il eut en Alexandrie, exceptē qu'ilz comptoyēt les moys de trēte iours & depuis par chascun an y adioulterēt cinq iours: mais Cesar adapta ces iours en moys & autres deux qu'il auoit ostē d'ung autre moys: & au regard du iour qui se faict par les quatre quartes encores le cōpta au bout de quatre ans, en maniere que ses heures ne discordent en riens sinon en quelque minime chose. Dōcques en mil quatre cēs soixante vng an est besoing entrecoller vng autre iour: & tout ce qu'il deliberoit pour la republicque ne le faisoit seul ny de sa propre sentence, ains communicquoit

Introduction de l'an ainsi qu'il est à present.

toutes choses aux principaulx du senat, & souuét avec tous les senateurs. Au moyen dequoy bien q̄ feist aucús decretz moult aspres, neátmois estoit agreable au peuple & en ce loué, mais pource qu'il reduisoit plusieurs qui s'en estoient fuyz du iugemēt par le moyen des tribús, & que à ceulx qui auoyēt acheté les magistratz & esté condénezz cōcedoit de demourer en Italie. Auf si incōtinent meit au senat aucuns dignes de telz hōneurs dōt chascun murmuroit: mais sur tout receuoit vng grād blasme pour l'amour de Cleopatra non pource qu'il auoit fait en Egypte, car ilz ne le scauoiet que p̄ ouyr dire, aís pource qu'il se faisoit dás la mesme cité de Roine: cōsideré que Cleopatra s'en vint à Rome avec son mary, & neantmoins habitoit avec Cesar, en maniere qu'il se disoit mal de l'ung & de l'autre: dōt touteffois Cesar ne faisoit estime, ains furent tous deux inscriptz au nombre des amys & confederes du peuple Romain. Et pour ceste occasion cōbien qu'il entendist tout ce que Pompée faisoit en Espagne & pensast estre chose moult difficile à l'en dechasser, premieremēt enuoya cōtre luy son armée de Sardaigne & depuis encores les exercites esleuz cōme qu'il voulust despescher cest guerre par le moyen des autres: mais depuis qu'il entēdit Pópée s'estre fait moult puif sant & que ceulx qu'il auoit enuoyez n'estoyent suffisans à luy resister, alors il encores sortit dehors avec son exercite ayāt laissé le gouuernemēt de la cité entre les mains (cōme aucús disēt) de Lepidus & de huyt preteurs & non de six cōme le plus se peult croire, car depuis que soubz Lóginus & de Marcellus les gēs d'armes firēt mouuemēt en Espagne & aucunes citez nouuelletez, demourerēt p̄ quelques iours en paix, Lóginus auoir esté destitué: touteffois Trebonius ayāt depuis succedé en son lieu se doubāt d'estre pugny p̄ Cesar enuoyerēt secrettemēt ambassadeurs à Scipiō pour chāger de party lequel leur enuoya nōbre de cheualiers, entre lesquelz estoit Gnée Pópée, lequel approché des isles de Gymnaise prit toutes les autres sās batailler, excepté Ebese q̄ prit à grād peine, ou luy estāt suruenu vne maladie demouroit avec ses souldardz, parquoy il demourāt trop lóguemēt à venir les exercites d'Espagne si tost qu'ilz entēdirēt Scipiō estre mort, & que Didí<sup>9</sup> venoit cōtre eulx p̄ eue se doubtās d'estre deffaiēt auāt que Pópée arriuaſt ne l'attēdirēt: ains ayās esleuz pour leurs capitaines Titus Quitus Scapulla & Quitus Apponius hōmes cheualiers chasserēt Treboni<sup>9</sup> faisans rebeller toute la natiō Betique, & ilz ayāt fait ce que dessus Pópée releué de sa maladie nauigua en la partie de terre ferme qui estoit à l'opposite ou incōtinent il conquist aucunes citez de leur propre consentement, car estans vexez pour les aspres exactions que leur faisoient les Preteurs, & ayans bonne esperance en Pompée pour la memoire de son pere, le receurent promptement. Mais il meit le siege deuant Carthaige qui ne se vouloit rendre par accord, Dequoy aduertys ceulx qui estoient avec Scapulla vindrent au siege & ayans esleu Pompée pour Preteur & leur capitaine, se ioignirent estroictement avec luy, & estoient trespromptz à tous perilz, repputans les gaingz de

Guerre  
dressée en  
Espagne.

11e Gim-  
naise.

Gnec Pó-  
elleu pre-  
teur.

Pompée

Pompée estre propres & faisans leurs calamitez communes, en maniere que pour ces deux respectz, assauoir pour gaigner, & pour n'endurer peine, ilz estoient tresvaillans hommes: ioinct que Pompée ainsi que ont acoustumé faire telz princes & en teiz tēps, especiallemēt depuis que aucūs Allobroges (maintenant Savoisyens) que Iuba luy auoit dōnez, prins en la bataille illec faicte cōtre Curion, sen estoiet fuis, emplaisoit aux autres qui estoiet demourez en toutes choses tāt en faict qu'ē polles. Ilz dōcques pour ces caūses deuindrēt plus prōptz: & plusieurs ennemys lesquelz auoyēt esté avec Afranius se ralierēt avec eulx: d'auātaige ceulx d'Affricque vidrēt deuers Pompée ainsi autres comme son frere Sextus Varrō & Labienus avec l'armée dōt il fut moult reliouy tant pour la multitude des gēs d'armes que pour leur promptitude, & pour ce s'en alloit seuremēt par tout le pays prenant les villes & citez partie par amour & partie par force, & sembloit qu'il fust plus fort que iamais n'auoit esté son pere, car en Espagne y auoit écores des preteurs de Cesar assauoir *Quint. Fab. max. & Quint. Pedio* nō toutesfois reputez esgaulx en puiffāce & pource demouroiēt en paix attédans la venue de Cesar ce pendāt que les choses predictes se faisoiet. Mais depuis que aucuns enuoyez deuāt par Cesar vindrent de Rome & s'attendoit que Cesar deust venir, Pompée craignant & ne se reputant suffisāt pour obtenir toute Espagne ne voulut attēdre que apres qu'il fust rompu se repentist, ains auāt qu'il tēst ses ennemys sen alla en Beticque & incontinent la mer se rebella contre luy, & si fut Varron vaincu par Didius en vne bataille ou il eust perdu toute l'armée si luy festant mis en fuyte preuenant à terre n'eust gectē les ancrs les vnes sur les autres en la bouche du port, en laquelle ilz resisterēt aux premiers qui les vindrent assaillir: mais toute la partie de terre ferme en ce pays luy aydoit reserue la cité de *Vlle* tāt seulemēt, au moyen dequoy & qu'elle ne se vouloit tirer à son pty mit son siege au deuant, durāt lequel Cesar suruīt nō estāt pour l'heure attēdu nō seulemēt des énemis mais ne encores des siēs, car il vfa de si grād celerité qu'en vng mesme tēps fut veu de ses amys & énemis voire deuāt que écores on sceust ql fust étre en Espagne, & esperoit Cesar pour ceste diligēce & sa presēce seule meātre *Pōpée* en craite & luy faire habādōner le siege p ce que la plus grād partie de l'exercite auoit esté laissē p le chemin. Mais *Pōpée* pēfant y auoir grād differēce d'ūg hōme à l'autre & se cōfiāt grādemēt en sa puiffāce ne se espouēta pour la venue de Cesar ais oppressoit la cité & faisoit assaulx & escarmouches cōme parauāt.

Sext. Pōp.  
pec.  
Varron.  
Labienus.

Quint.  
Fab. Max.  
Quint.  
Pedion.

Varro  
vaincu en  
bataille.

Vlle.

Cesar at-  
riue en  
Espagne.

Comment Cesar vainquit Gnée Pompée, filz du grand Pompée, en Espagne. Chap. XLVII.



Voy voyāt Cesar laissa illec quelque petit nōbre de souldardz q parauāt estoiet venuz & tira vers Cordube esperāt l'obtenir par trahison, toutesfois en effect le faisoit plus tost esperant diuertir Pompée du siege de *Vlle*, faignant auoir enuie de surprendre Cordube. Et

Cordube,

Lepidus  
consul

Ategne  
cite.

Cordube  
assiegee.

Ofane.

Muntius  
Flacus.

ainsi aduint, car Pompée ayât laissé la plus grand partie de son exercite s'en vint à Cordube, laquelle fortifiée recommanda à son frere Sext. & depuis encores par ceste voye ne fait riens à Vlle, ains estant vne tour de la cité rompue, non des Césariens, mais de la multitude de ceulx qui estoient dedans, aucuns y entrerent, qui touteffois n'eurent bonne fin. Et Cesar approché, la nuit ensuyuant leur enuoya secours occultement, & de rechef avecq l'exercite s'en alla deuant Cordube ou il mit le siege, au moyé dequoy Pompée leua le sien habandonnant Vlle, & tira avec tout son exercite à Cordube, non vainement, par ce que Cesar aduertie de sa venue s'en departit estant moult griefuement malade. Mais depuis aucunement melioré, & ayant receu les gens d'armes venuz de Italie, fut contrainct de combattre, bien que ce fust en temps d'yuer, par ce qu'ilz logeans en lieux moult estroictz, les viures leur defaillans, enduroyent maintes incommoditez: & estoit pour lors dictateur, pour autant qu'en la fin de l'an il fut desseigné consul, & ayât Lepidus maistre des cheualiers cōgregé le peuple à ceste fin, car il encores fut maistre des cheualiers s'estant crée soy mesmes au consulat contre la coustume de la patrie. Cesar doncques contrainct (comme i'ay dit) de combattre, ne assaillit Cordube, car elle estoit moult bien & diligēment gardée, ains auoir esté aduertie que en la cité de Ategne y auoit grosse pūision de bledz, y print son chemin, bien qu'elle fust moult forte: & esperant que espouuant les habitans d'icelle avec la multitude de son armée & pour sa subite presence la pourroit prédre en brief espace, la circōda de rāpars & de fossez: car Pōpée se confiant en la nature du lieu & pēsant que Cesar ne demoureroit longuement au siege pour l'yuer, & ne voulant nuire à ses souldardz propres en la froidure précédant l'assiegement, au cominēcement ne leur donna secours, mais depuis la cité circondee & ferrée de murailles & fossez, & estāt Cesar fermé au siege, comēca à se doubter & leur dōna ayde, si que de nuit Ofane venu au combat contre ceulx de l'auantgarde en occist plusieurs. Et pource que ceulx qui estoient dedans n'auoyent aucun chief ne cappitaine, leur enuoya Muntius Flaccus, lequel y entra par ceste voye, La nuit venue Muntius s'en alla avec aucunes gardes demander le mot du guet disant estre enuoyé par Cesar pour recouurer des viures, & ainsi ayant impetré ce qu'il demandoit pour n'auoir esté congneu, & qu'ilz n'eussent iamais pensé que luy seul eust osé entreprendre tel acte, s'il n'eust esté leur amy, le laisserent aller: & estant paruenue en vng autre endroict de la forteresse, trouua les autres gardes, ausquelz il dist le mot du guet, en leur faisant entendre qu'il estoit venu par le commandement de Cesar pour trahir la cité, & entra dedans du consentement des ennemys. Touteffois ne fut en son pouoir de la deffendre, car ayant gecté du feu es machines des Romains, ne leur faisoit aucun mal dont lon deust faire cōpte, mais rabatant vng grand vent au contraire ilz mesmes en soustindrent grand ennuy pour les habitations qui furent bruslées, & d'auantaige plusieurs hommes n'y pouans meētre prouision

aucune

aucune furent destruietz à coups de pierres & de flesches, & les habitans voyans ce leur estre aduenü & que tout leur pays estoit gasté & vne grand partie de leurs murailles tombées pour les mines faictes soubz terre alors vindrent en sedition, si que Flaccus premieremēt enuoya ambassadeurs deuers Cesar pour sa feurté & de ceulx qui estoient avec luy, mais n'ayāt voulu laisser ses armes ne peut obtenir la paix: mais les habitans depuis enuoyèrent deuers Cesar & feirent l'accord ainsi que bon luy sembla: & depuis que ceste cité fut prinse les autres ne demurerent à doubter, ains plusieurs peuples enuoyerēt ambassadeurs deuers Cesar s'accorderēt avec luy & plusieurs receurent dedans ou luy ou ses capitaines, en maniere que Pompée doubta ce qu'il deust faire au commencement alloit errant par le pays. Mais depuis craignant que les aurrés ne l'habandonnassent se voulut mettre au peril, bien que les dieux apertement luy demōstrassent sa rote, car les statues suerent, & au camp de Pōpée se ouyrent plusieurs bruits & tonnoirres, d'auantage plusieurs animaulx monstrueux nasquirent, & plusieurs facelles de feu volloyēt en l'air tirans d'Orient en Occident, lesquels signes ainsi arriuez en Espagne n'estoient entēduz, bien qu'ilz signifiaissent aucū mal: mais les aigles qui estoient en son camp ayās cōquassē leurs aelles & gettē les fagettes d'or qu'elles auoyent es piedz, denotoyent amplement à Pompée sa ruyne, estans depuis vollées deuers Cesar. Toutefois Pōpée feit de telz signes petite estime & ia estoient respectiuellement appareillez pour venir a la bataille. Et oultre les autres exercites tāt ciuilz que estrāgiers, l'ung & l'autre auoyēt plusieurs hōmes du pays & plusieurs mores, car Boccus enuoya ses enfans à Pompée: mais Bogue vint en psonne deuers Cesar: neātmoins la bataille fut faicte nō comme entre autres hōmes ains cōme entre Romains mesmes, p ce que les Cesaries se cōfians de la multitude & de l'experiēce, & sur tout de la presen ce de Cesar, s'efforcoyent eulx deliurer de la guerre & des maulx qu'ilz sustenoient pendāt icelle: & les Pōpeiens estans en ce inferieurs mais fortz de courage p desespoir de leur propre salut s'ilz n'obtenoiēt la victoire, estoiet prōptz à la bataille, par ce que cōme ceulx qui vne fois auoyent esté prins & sauluez avec Afranius & Varron, & s'estoyent neātmoins depuis rebellez, n'auoyent esperance aucune de pardon: au moyen estant necessaire ou qu'ilz fussent vaillās ou que du tout fussent deffaietz, vindrent moult allaiquemēt au combat. Estant dōcques attizée la bataille ilz combatoyent vigoureu sement comme ceulx qui n'auoyent honte ne vergongne pour s'estre tant de fois combatus, & par ce n'estoit besoing en leur endroiēt d'exhortation aucune, & en ceste bataille les confederez de l'une & l'autre ptie se misrent en fuyte: mais les Romains se taillans en pieces l'ung l'autre cōbatirent par lon gue espace, car nul d'eulx ceda de son propre lieu, ains y demourans fermes occioyent & estoient occis cōme que chascun d'eulx feust pour ceste cause de la victoire ou de la perte. Autres pour ceste occasion ne regardoyent en quelle maniere ses compagnons combatissent, mais estoient promptz à la

Corduba  
rendue.Signes ar-  
riuez en  
Espagne.Boccus  
more.

Bogue.

Bataille.

ba-

bataille comme que le peril fust d'eulx seulement, & nul d'entre eulx ploroit, ains seulement s'entendoyent ces cris, tue tue, & si les faitz anticipoyent les parolles. Quoy voyans respectiement Cesar & Pópée tant de dessus leurs cheualx que de certains lieux haultz ou ilz festoyent reduictz ne scauoyét cômét esperer, ains douteux en leurs esperitz estoyét posez entre la paour & l'audace, car estant la bataille esgale à veoir, auoyent non petite angoisse, desirans de veoir quelque auátaige, & craignans le defauátaige en leurs esperitz, priás de auoir & de non auoir quelque chose, & estans de bône volúté, Et craignans & ne pouans attendre longuement en ceste maniere, mais desmótez de cheual, se meslerent en la bataille & voulurent plus tost estre presens avec le corps & traual & avec le propre peril que avec vigueur de couraige, esperás l'ung & l'autre de faire avec leur preséce quelque faueur à leurs souldardz, & au cas qu'ilz né peussent obtenir la victoie vouloyent mourir avec eulx, & ainsi encores cōbatirent: mais les exercites pour cela n'eurét aucun auátaige l'ung plus que l'autre, ains quand ilz veirent leurs cōpaignons estre participans de ce peril alors despriserét plus la mort & vindrét à plus grand destruction d'ennemys, & pour ceste occasiō l'une ne l'autre partie se tournerent en fuyte, ains estás en esgal couraige deuindrent esgalemét puissans de la force du corps. Finablement, ou vrayement tous fussent mortz ou eussent esté esgalemét diuisez par la nuit suruenát, sinō que Bougue le quel estoit hors la bataille, dōna vng assaut contre l'exercite de Pópée, & que La bienus ce voyant laissa son lieu & se reuolta cōtre luy, au moyen dequoy les Pompeiens pēsans qu'il se tournaist en fuyte, perdirent le couraige: & toutes fois depuis bien qu'ilz cōgneussent la verite, neátmoins ne se peurét depuis rassembler, mais aucús retirez en la cité & autres en leurs fors resisterent vigoureuement cōtre ceulx qui les assailloyent, & ne furent occis que premieremét ne fussent doutez: & les autres qui se reduirét en la cité garderét les murailles longuement & tát qu'elles ne furét prinsez que premieremét ne fussent tous destruietz es escarmouches faictes chascú iour, & si grand destruction de Romáis fut faicte tant de l'une que de l'autre partie, que doubtás cōment ilz deussent fermer la cité à ce que nul s'en peust fuyr y assemblerét to<sup>9</sup> les corps de ceulx mesmes qui auoyent esté occis. Cesar doncques ayát obtenu la victoie incōtinent print Cordube, car Sext. Poinpée s'accorda avec luy ensemble tout le cōmun peuple de ceste cōtrée, nonobstát que les serfz qui vne fois auoyent esté affranchiz leur feissent resistáce: & ainli Cesar feit mourir tous ceulx qui estoient encores en armes, mais des autres receut deniers: & le mesme fait cōtre les habitans de Hispalence lesquelz ayans au cōmencement receu le presidét de luy & depuis occis les souldardz à eulx enuoyez, vindrent à la bataille: dōt Cesar aduertí, prepara son exercite cōtre eulx & tenoit la cité assiegée nó avec grád garde, quoy faisát leur dōnoit esperáce de fuyr: & faignát ne prédre garde de ceulx qui sortoyét hors la cité depuis les mectoít entre le guet & les faisoit occir, au moyé dequoy en bref

Les Pompeiens en fuyte.

Les Pompeiens vaincuz.

Hispalence assiegée.

temps

temps la cité deserte d'hommes fut par luy prinse comme pareillement fut Mûde, & plusieurs autres lieux & forteresses, partie par composition & partie par force avec grand effusion de sang, & si exigea sur eulx tant & si grosses sommes de deniers qu'il ne pardonna aux offrandes d'Hercules estans en Gades, & à aucuns particuliers osta toutes leurs facultez, & à autres augmenta les tributz. Il doncques feit les choses susdictes contre ceulx qui auoyent prins les armes contre luy: mais à ceulx qui luy auoyent monstré quelque beniuolence donna le pays, les declara exemptz, aucuns feit citadins Romains & aucuns autres furent estimez collonnes Romaines, neâtmoins leur furēt telles graces cōcedées par deniers. ces telles choses faisoit Cesar. Mais Pompée s'estant mis en fuyte en la route de son camp, vint iusques pres la mer comme qu'il voulust vser de l'armée qui estoit en Boece, toutefois ayant trouuez les hommes retournez selon la fortune monta sur vne barquette pour se sauluer en laquelle nauré par ennemys & pour la douleur qu'il sentoit de rechef descendit en terre & illec ayant receu quelque nôbre des siens s'achemina comme s'il eust voulu aller en la partie Mediterranée: mais rencontré par Celenius Lentonus fut vaincu, & depuis s'estant retiré en vne forest occis, dont Dedius inaduerty & allant errant pour le trouuer rencontra quelque autre nombre qui le occirent: & Cesar auroit voulu plus tost en ce lieu alors de ceulx qui luy faisoient resistance en la gloire de la bataille auoir esté occis que soustenir telle mort qui luy debuoit aduenir peu apres dans le senat de ses principaulx amys: car ceste fut sa derniere bataille qu'il obtint: & ne fut oncques chose si grâde qu'il n'esperast cōduire à chief tant pour autres signes cōme pource que vne plante de Date nasquit incontinent au mesme lieu ou auoit esté la bataille: & ie ne dictz que ceste plante ne signifiait quelque chose, toutefois quant à luy, rien, mais plus tost à Octauien filz de sa sœur, pour lors estat avec luy en l'exercite, qui deuoit croistre en estat par ses trauaulx & perilz. Cesar doncques n'entendant cela, & ayant en soy maintes & grandz esperances, n'en faisoit aucune estime, ains comme qu'il fust immortel estoit deuenu moult superbe, car bié qu'il n'eust vaincu aucun ennemy estranger, ains pl<sup>9</sup> tost destruit si grand multitude de citadins nō seulement triūpha ayāt cōuoqué tout le peuple cōme en vng bié public mais cōceda à Fabius & Quint. (pose qu'ilz feussent ses preteurs & n'eussent de par soy obtenu aucune victoire) qu'ilz feissent feste, dōt il estoit fort mocqué de toute la commune oppinion, mesinement pource qu'ilz vserent de certains ymaiges de boys & non d'yuoire esquelles se representoyent aucuns faitz ensemble de telles autres semblables pompes, neantmoins furent faitz les triūphes tresmanifestes de Rome être eulx mesmes: d'auantaige les supplications furent faictes par l'espace de cinquāte iours, car la feste nommée Parilie & les courses de cheuaulx faictes pour les dieux immortelz ne furent celebrées pour le respect de la cité qui fut edificée en iceulx, ains pour la victoire de Cesar, considéré que sa victoire fut publiée

Les offerres de Hercules pilées par Cesar.

Boece.

La mort de Pöpee.

La feste Parilie.

publyée le iour precedant enuiron l'heure de soleil couchant. Cela donna à Rome: Mais il portoit la robe triumphale en toutes les congregations suyuant le decret de ce fait, & tousiours & en tous lieux alloit acorné de l'auerrier, & demostroït le faire pource qu'il estoit chaulue. Mais pour ceste mesme donnoit cause au peuple de parler. Et encores alors (bien qu'il fust sorty de l'age de ieunesse) s'efforçoit de sembler beau, car en toutes choses il y soit de vestemens moult delicatz, & pareillement de souliers & aucunesfois de blancs & de rouges selon la coustume des roys qui ia furent en Albe comme chose pour lors à luy condescende pour le respect d'estre appellé Iulius, & vniuersellement tous ses faitz estoient luxurieux, & vouloit persuader à chascun qu'il auoit vne certaine fleur de beaulté de Venus, & pour ceste occasion portoit son ymaige sculpée en ses armes & l'enuoyoit pour enseigne en plusieurs & grás affaires. De la remission de son corps, Silla eut suspection, lequel le voulut faire mourir, & dist à ceulx qui le luy demanderent, le le vous concede, mais donnez vous garde de luy qui va si mal ceinct: touteffois Cicero ne s'en apperceut. au moyen dequoy estât luy mesmes deceu, dist, le n'eusse iamais pensé que vng si mal ceinct eust vaincu Pópee. I'ay escript ces choses à la fin de mon propos, à ce que nulle chose des faitz de Cesar fust incongneue. Mais en sa victoire le Senat determina ce que i'ay cy deuant escript, & d'auantaige l'appella liberateur, l'escripuât ainsi en leurs lettres, & si edifierent par decret le temple de la Liberté, & luy donnerent le tiltre d'Empereur, non celluy qu'ilz auoyent acoustumé donner & comme il & les autres l'auoyent reputé pour aucunes victoires, ne comme celluy qui denotoit entiere seigneurie ou aucune autre licence, ains seulement ce qui se concede aux empereurs de nostre temps. Il fut le premier qui le receut comme vne chose propre & singuliere, & vserent en son endroit de si grande adulation qu'ilz determinerent par decret que ses enfans & nepueux feussent ainsi nommez & appelez, il n'ayant aucun filz & estant ia ancien: au moyen dequoy ce tiltre depuis paruint à tous les autres empereurs comme propre de ceste préeminence, & d'auantaige le nom de Cesar. Touteffois ne fut pour cela l'ancienne maniere adnichilée, ains l'une & l'autre estoit obseruée, & pour ceste cause leur fut attribué la seconde fois quand ilz obtindrent quelque victoire de tel merite. Et sont au commencement appelez empereurs & ont ce tiltre le premier comme es victoires, mais ceulx qui ont commis aucun noble fait alors recoiuent le nom de empereur vsité anciennement, & pource aucuns la seconde & la tierce fois & tant de fois qu'il leur est octroyé sont nommez empereurs. Les préeminences susdictes furent doncques concedées par le Senat à Cesar, & d'auantaige qu'il habitast en vne maison publique, & que quand se obtiendroit aucune victoire se feist quelque supposition supreme & aucun sacrifice en icelle, & que nul feust son compaignon en l'exercite, ne participast en toutes les choses faictes es batailles, & bien que telles concessions semblaissent estre

Silla voulut faire mourir Cesar.

Le temple de la Liberté edifié.

Cesar nommé empereur.

Que tous empereurs se appellent Cesar.

estre grandes & superflues; neantmoins n'estoyent contre la liberte populaire, mais determinerent certaines autres telles choses par lesquelles le designerent qu'il fust pour estre seigneur, car ilz meirent en sa puissance la liberte du peuple & le feirent consul pour dix ans comme premierement l'auoyent esleu empereur, & si comanderent qu'il seul tint les souldardz avec les deniers publicqz, en maniere que nul autre peust faire ces deux choses sans son congé: signamment feirent vng decret que es courtes des cheualx fust porté vne ymaige de luy faicte d'iuoire avec les statues des autres dieux, & si en poserent vne autre dans le temple de Quirinus en laquelle estoient escriptz ces motz, Au dieu inuincible, & encores en vng autre mise dans le Capitolle aupres des antiques Romains. Et ne me puis esmerueller du cas qui depuis suruint, pource que estans dans le Capitolle sept statues de roys & celle de Brutus qui dechassa les Tarquins, la huitiesme, aupres d'icelle fut mise la statue de Cesar, au moyen dequoy Marc Brutus especiallement esmeu, luy dressa insidiations.

Le temple  
Quirinus.

Comment furent designez les cōsulz premierement, & esleuz,  
non pas pour toute l'année. Chapitre XLVIII.

**E**s choses dōcques furent aīsi cōfirmées en la victoire non en vne fois, mais ainsi qu'il arriuoit de iour en iour: & n'ay faict mentiō de toutes, ains de celles qui me sembloient dignes d'estime. Desquelles concessions ou aucunes d'elles commença Cesar à vser, Et des autres estoit pour en vser, bien qu'il en delaiassat aucunes; neantmoins print la dignité consulaire incontinent & auant qu'il entrast en la cité: toutesfois ne la tint iusques à la fin, ains arriué en Rome la renonça & la donna à Quintus Fabius & Gaius Trebonius, & pource que Fabius detēda le dernier iour de son consulat, en esleut vng autre nommé Gaius Caninus pour le reste du iour, & alors premierement fut cela faict contre l'anciēne coustume, cest assauoir que vng tint la dignité consulaire, ne par vng an entier, ne par le reste de l'an, mais viuant encores, & ne estant contrainct par la coustume du pays, ne par accusation, neantmoins s'en ostast, que vng autre fust mis en son lieu. Et la seconde chose inusitée fut, que vng autre fut designé consul avec luy tint le consulat & puis le laissa: laquelle chose voulant picquer Cicero dist que le consul auoit vſé de si grand force & diligence en ce magistrat qu'il ne dormit seulement vng athome pendant qu'il le possēda. Depuis ce temps doncques ne furent aucūs sinon bien peu qui demourassent consulz durāt toute l'année, mais ainsi qu'il arriuoit aucūs par plus longue; & autres par moindre espace ou de iours ou de mois, car encores en ce tēps nul demeure au consulat le plus souuent par plus long tēps que de deux mois, & ce encores avecques la subgection d'auoir vng autre compaignon avec soy: & quant aux autres choses, nous n'en faisons difference. Mais les premiers

Consul  
ordonnez  
non pour  
toute l'an -  
nee.

premiers qui sont mis au consulat, selon eulx, sont comptez les ans: & ie entre les autres nommeray ceulx qui sont necessaires aux affaires, & de quant appartient pour demonstrier ce que se faisoit chascun an, feray mention des premiers, bien que d'iceulx ne procedast aucun effect. Quant au regard des consulz doncques les choses succederent en ceste maniere, mais les autres magistratz en parolles furent esleuz par le peuple & les plebeiés selon l'ancienne vſance, car Cesar faisoit la designation d'iceulx, touteſſois en effect furent ordonnez par luy mesmes & estoient enuoyez es natiós sans en faire sort, & en autres magistratz fut obserué le nombre premier: neantmoins furent designez quatorze preteurs, & quarante questeurs, par ce que ayant Cesar vſé enuers plusieurs de pmesſes ne les scauoit satisfaire par autre voye. D'auantaige en meit plusieurs entre les senateurs ne faisant estime ne s'ilz fussent simples souldardz ou nez en liberté, en maniere que le nombre fut de neuf cens: & encores en meit plusieurs entre les gentilz hommes & les hommes cōsulaires ou autres ordres, lesquelz eussent eu aucune dignité: pareillement aucuns qui auoient esté accusez ou condamnez par dons receuz furent par luy absoulz, en maniere qu'il estoit encoulpé d'auoir encores receu des dons, & fut la cause de ceste renommée, pource qu'il vendit tous les lieux publiques tant sacrez que non sacrez, les mettât en la plus grand partie à lenquant. Touteſſois donna à aucuns plusieurs grosses sommes de deniers procedans de la vente des possesiós, & entre les autres à vng nommé Lucius Basilius ne donna aucune préeminéce de dignité (bien qu'il fust preteur) mais en lieu de ce, luy donna grosse quantite de deniers. Telles choses plaisoyent à ceulx qui receuoient ou auoyent esperance de receuoir, ne faisant aucune du bien public, pourueu que leurs exercites fussent satisfaitz. Mais les autres en auoyent grand angoisse & disoyent plusieurs choses entre eulx en parlant liberément, especialement ceulx qui auoyent quelque asseurance ou exposans en public certaines lettres sans y mettre le nom. En cest an aduint, ce que dessus, & au gouuernemét furent deux prefectz de la cité n'ayant esté esleu aucun Questeur, car sicomme au parauant alors en l'absence de Cesar les prefectz auoyét tous les affaires de la cité entre leurs mains avecq Lepidus maistre des cheualiers. Et ayans esté accusez qu'ilz vſoyent de licteurs, de robes & de charrettes imperialles, ainsi que faisoit le maistre des cheualiers, furent deliberez ayant demōstré vne loy par laquelle estoit concedé à tous ceulx qui receuroient aucun magistrat du dictateur d'en vſer comme le propre maistre des cheualiers. Et ainsi le gouuernemét depuis ce temps commis à autres (cōme iay dit) ne fut plus donné aux Questeurs, mais finalement fut commis à ceulx qui auoyét esté preteurs. Alors doncques deux preteurs de la cité eurent l'administration entre leurs mains des tresors publiques, & l'ung d'eulx feist les festes d'Appollo en habit de Cesar. Aussi les Edilles plebeyens feirent les festes appellées Megalaïses suuant le decret, & des Prefectz de la cité ayant esté constitué es dilatiōs depuis

Neuf cens  
senateurs.

Lucius  
Basilius.

Feste de  
Appollo.

Festes ap-  
pellees  
Megalaïses

puis le iour en suyuant en esleut vng autre & cestuy la vng autre, chose parauant non iamais faicte : mais l'an en suyuant auquel Cesar fut dictateur la cinquiesme fois, ayant esleu Anhoine pour son compaignon, y auoit seize preteurs, chose depuis obseruée par l'espace de plusieurs ans : aussi le tribunal estant posé en la place alors fut porté en ce lieu ou il se veoit maintenant & y fut remise l'ymaige de Sylla & de Pompée dont Cesar fut grandement loué : & d'auantaige pource qu'il conceda partie de la gloire de cest ceuvre à Pompée, & que illec il feit inscrire son nom : & voulant edifier vng theatre semblable à celluy de Pompée le commença, toutesfois ne le paracheua, ains Auguste l'ayât depuis acheué y meist le nom de Marc Marcel son nepueu (bien fut Cesar pour auoir destruit les maisons & les temples estât en ce lieu encoulpé : car il feit brusler aucunes statues de boys & retint pour luy les tresors trouuez en ceste demolition.) Il doncques faisoit ces telles choses & introduisoit aucunes loix, & d'auantaige estendoit le circuit des murailles de la cité en grand largeur. Quoy faisant comme en aucunes autres choses sembloit en faire de pareilles à Sylla, mais il pardonant à ses ennemys qui festoyent trouuez en la bataille & leur donnant seurté esgalle & semblable aux autres & à leurs enfans partie de leurs biens, en cela reprouoit grandement la cruaulté de Sylla, & estoit loué non seulement de sa force, mais encores pour sa bôté, posé que fust moult difficile, que vng, se portast bien tant en la guerre qu'en la paix.

Theatre  
de Cesar.

Sylla

La difference  
de Cesar &  
de Sylla.

Comment Carthaige & Corinthe furent faictes colonnes des Romains. Chapitre XLIX.

**P**our ces causes d'ocques estoit magnifié & oultre pource qu'il feit renoueller Carthaige & Corinthe, & reffaire maintes citez en Italie, & en ediffia plusieurs de nouuel : toutesfois le semblable fut encores faict par autres. Mais quât à Carthage & Corinthe citez antiques, magnifiques & fameuses, leur enuoya collónes ainsi qu'il estima cōuenables à collónes Romaines : neantmoins encores entant qu'il leur rendit leur premier nom & les restitua à la memoire de ceulx qui ia les habiterent n'ayant reserué aucune yre contre les lieux qui n'auoyent faict aucun mal pour le regard de leur inimytié : & comme ces citez furent premierement en vng mesme temps destruites ainsi en mesme temps furent reffaites, & vne autre fois estoient pour s'augmenter : & il ayant faict ces telles choses, semblable & esgal desir vint à tous les Romains de se vouloir venger de Crassus & de ceulx qui auoyent esté occis avec luy, & esperoiét, si iamais, pouoir alors destruire les Parthes, si que tous d'une mesme volonté commirent ceste guerre à Cesar & feirent pour icelle grand appareil : car oultre toutes les autres choses qu'ilz ordonnerent, à ce qu'il peust auoir plus de ministres, & que la cité en son abséce ne fust sans magistrat ne encores en eslisant quelque vng

Decret sur  
la vengeance  
de Cesar.

de foy ne feist sedition, delibererent de les eslire pour trois ans auant, comme que tel temps leur sembloit necessaire pour ceste guerre: neantmoins ne les designerent tous, car Cesar en esliuoit la moytie faisant cela avec vne certaine raison, mais en effect il les faisoit tous.

Comment les Ceriaux furent faitz Ediles.

Chapitre

L.



**E**T pour le premier an alors furent esleuz deux des gentilz hommes & quatre du peuple, deux lesquelz sont nommez par la deesse Ceres (chose laquelle estant pour lors commencée se obserue encôres) & si furent bié designez seize preteurs. Mais ie n'escriptz cela pour chose nouvelle, p ce que encôres au parauant en furent designez autât & ainsi autres côme Publius Vendidius furent esleuz entre eulx, car il (comme iay dit) anciennement estoit de Picene, mais ayant esté à la guerre des confederes contre les Romains fut prins par Pópée Strabon & conduict lyé en ses triumphes: toutes fois depuis auoir esté deslié le téps enfuyuant fut inscript entre les Senateurs, & alors fait preteur par Cesar, & augmenta tant qu'il vainquit les Parthes & triompha d'eulx. Ceulx doncques qui debuoyent estre constituez es magistratz le premier an enfuyuant, apres le present furent tous au parauant designez, mais pour le fuyuant les consulz & les tribuns seulement, & ne fut esleu aucun pour le troisieme an, & si deuoit estre dictateur tant en l'ung qu'en l'autre, & pour maistre des cheualiers en esleut vng autre avec Octouien, posé que pour l'heure il fust bié ieune enfant & au temps present pour consul en son lieu Dollobella, combien que Anthoine deust demourer en ce magistrat pour toute l'année: & ayant commis à Lepidus le gouvernement de la Gaulle qui est pres Narbonne & de l'Espaigne voyline fait en son lieu maistre des cheualiers Anthoine & Octouie, & chascun d'eulx separément: car ainsi que ia auons dict, estant obligé à plusieurs les remeritoit avec telz magistratz & dignitez sacerdotales, en maniere que à ceulx qui sont appelez les quinze en adiousta encôres vng, & trois à ceulx appelez les sept.

La deesse  
Ceres.

Publius  
Vendidius.


Octouien  
maistre  
des che-  
ualiers.

Dollobella  
consul.


# Le Quarantequatriesme liure

DE DYON, HISTORIEN GREC,  
Traduict d'Italien en Francois.

Au present liure est fait mention des decretz faitz par Iules Cesar, des machinations faittes contre luy, comment il fut occis, du decret fait que toutes offences soublyassent, de la sepulture de Cesar, & de l'oraison faitte sur jcelluy.



Des decretz faitz par Iules Cesar.  
Chapitre LI.



Cesar doncques feit les choses predictes comme qu'il vou-  
lust aller avec l'exercite contre les Parthes, mais vng cer-  
tain pestifereux stimule entré au couraige d'aucuns par en-  
uie contre ce qui estoit condescent, & pour la hayne de cel-  
luy qui estoit prépose en honneur, leur feit occir Cesar in-  
iustement, soubz couleur, & non vain, d'une gloire inicque,  
& incontinent dissippa tous les decretz, & de rechef en lieu de cōcorde vint  
à introduire aux Romains batailles ciuiles, car ilz se disoyēt destructeurs de  
Cesar & libérateurs du peuple, mais en verité le trahyrent inicquement, &

Difference  
de la mo-  
narchie  
à l'estat du  
peuple,

misrent en discord la cité laquelle estoit soubz bon & iuste gouuernement, par ce que l'estat du peuple à nom moult honneste, & semble qu'il departe à chascun fort esgal & loy esgalle: toute fois en effect se veoit qu'il ne s'accorde en riens avec le nom: au contraire la monarchie est difficile à ouyr, mais son gouuernement est tresvtile, car plus facilement se treuve vng homme bon que plusieurs: & si aucuns reputent encores que soit difficile d'ung, est nécessaire que en tout soit impossible de plusieurs: aussi ne conuient à plusieurs suyure la vertu, & si encore vng empereur se trouuoit vicieux moïdre mal feroit que plusieurs telz comme assez le demonstrent les faictz des barbares, des Grecz & des Romains mesmes, par ce que plus & plus grandz biens aduindrent aux homes priuez & citez du gouuernemēt des roys que des cōmunitez: aussi plus griez accidens arriuent en l'estat populaire que es monarchies, pource que si encores aucun estat populaire à esté inferieur, neantmoïs en brief temps est paruenü à son pl<sup>9</sup> hault degré iusques à tant qlz ont perdu la puissance, & en lieu de bien introduict des iniures: & estant Rome si grand cité qui dominoit la plus belle & plus grand partie du monde & laquelle auoit en soy maintes & differētes coustumes d'hōmes, & plusieurs & grans richesses, y soit de factions & de diuerses fortunes tant en priué qu'en public, estoit impossible la surprēdre en l'estat populaire & plus impossible estoit que ne la pouant refrener demourast en concorde, en maniere que si Marc Brutus & Gayus Cassius eussent pensē sur ce faict, iamais n'eussent occis le prince & leur procureur, & si n'eussent esté occasion à eulx & autres de maulx infiniz. Mais les choses passerent ainsi, & la mort de Cesar fut pour telle cause: ioinct que l'enuie meue contre luy ne fut en tout defraisonnable, excepté entant que les senateurs l'ayant esleué & enflé avec honneurs & dignitez nouvelles & excellentes, apres en icelles mesmes le trahissoyent & calumnioyent, l'accusant comme celluy qui les eust acceptées avec trop grand plaisir, & pour icelles menast vie plus superbe. Il est bien vray que Cesar aucunes fois erroit acceptant aucunes choses à luy determinées & croyant vrayement estre reputé digne de les obtenir: mais grandement pechoyent ceulx lesquelz l'ayans commencé d'honorer comme digne l'encoulpoient pour les choses mesmes qu'ilz luy concedoyent par decret: car il n'osoit recuser toutes ces telles préeminēces de paour d'estre reputé trop superbe, ne encores les recepuant pouoit estre asseuré, par ce que la superhabondance des louenges & honneurs faict que les hommes modestes encores deuiennent vains & legiers, si qu'ilz pensent meritément les auoir obtenues: & les choses concedées à Cesar depuis les premieres furent telles & si grandes que nous les dirons minutément & l'une apres l'autre (bien que toutes ne furent introduictes ne confirmées en vne fois) par ce que premieremēt luy fut concedé qu'il fust porté vestu de robes triumpantes, voire parmy la cité & se peust asseoir en la chaize imperialle en tous lieux, excepté tant seulement es congregations publiques, Qu'il peust estre present aux spectacles

Nouvelles  
premi-  
nences o-  
ctroyees à  
Cesar.

en la chaize tribunice & avec ceulx qui seroyent tribuns, qu'il peust mettre aucües despouilles Oppimes au temple de Iupiter pheretrie, cõme qu'il eust occis de sa propre main quelque capitaine d'ennemys: qu'il peust vser de litteurs portans ordinairement le laurier, & oultre les dilations appellées latines peust venir en charrette du mont Albane: d'auantaige l'appellerent pere de la patrie l'insculpant en leurs monnoyes, & determinerent que le iour de sa natiuité se feist sacrifice publicque, & que es citez & temples publicques estäs dans la cité de Rome fussent mises statues de luy & dans le tribunal en misrent deux l'une comme de celluy qui eust conserué la republicque & l'autre comme celluy qui l'eust deliurée de lassiegement, lesdictes statues aornées des courõnes acoustumées: en oultre delibererent vng temple estre ediffié de la nouvelle cõcorde cõme que par luy fussét en paix & que ceste feste feust vne fois l'an seuleinét celebrée: aussi luy cõmirét de faire aterrer les paludes pontines & que il feist cauer le Isthme du Peloponnesse, qu'il feist vng nouveau senat: & apres que Hostillie, bien qu'il eust esté réediffié vne autrefois fust destruiët soubz couleur qu'en son lieu se deust ediffier le temple de Felicité qui ia auoit esté fait par Lepid<sup>9</sup> estat maistre des cheualiers, mais en verité affin que le nom de Sylla ne se obseruast & vng autre fait de nouuel fust nommé Iullius comme encores ilz nommerent le moys auquel estoit ney Iullius, & vne tribu à laquelle toucha par sort appellerent Iullie: d'auantaige qu'il seul durant sa vie fust censeur & participast des faitz concedez aux tribuns, à ce que si aucun luy faisoit iniure de fait ou de parolle fust reputé sacrilege & maudit: aussi determinerent que son filz fust legitime ou adopté peult la dignité põtificalle: & voyans qu'il s'eslouysoit de telles choses à luy concedées, qu'il eust vne autre chaize dorée & vne robe telle que anciennement vsoyent les roys, & feist vng parlement de cheualiers & de senateurs, & en oultre que veux publicquement fussent faitz chascun an pour luy, qu'il se iurast par sa fortune, & que tous ses faitz fussent affermez, & encores depuis luy cõcederét vne feste de cìq en cìq ans cõme à vng Herõe prestre es festes nues du dieu Pan, en nãmant vne certaine tierce cõpaignie Iullie: & vng iour deputerét pour les ieux des gladiateurs, tât en Rome qu'en tout le reste de Italie: & voyans encores qu'il se contentoit de semblables oõtroyz, alors determinerent que sa chaize dorée & sa couronne aornée de pierres precieuses fust portée esgallement avec celles des dieux, & que es cours des cheualx fust porté en la multitude: & finalement le nommerent apertement Iupiter Iulius, voulans vng temple estre consacré pour son equité, ayans esleu Anthoyne pour son prestre comme vng Dialion, à scaoir prestre de Iupiter, & ce enquoy ilz declairerent grãdement leur volunté ce pendant qu'ilz faisoient telz decretz fut qu'ilz luy concederét que sa sepulture se feist dans les murailles de la cité.

Téple de  
felicite e-  
diffie.

Cesar nõ-  
me Iu-  
piter.

Iupiter  
capitolin.



Esquelz decretz ainsi faitz furent insculpez en lettres d'or sur colonnes d'argent & les poserét soubz les piedz de Iupiter Capitolin, demonstrent à luy moult clairement qu'il estoit vng homme, car premierement commencerent à l'honorer comme homme moderé, mais procedans plus oultre depuis qu'ilz le veirét s'esjouyr pour les decretz faitz en sa faueur les acceptant tous ou bien peu s'en faillit, tousiours luy en conferoyent de meilleurs vng iour l'ung & l'autre vng autre, aucuns pour le flatter, autres pour le blasmer & encores s'en trouuerent d'autres qui eurent hardyesse luy conceder qu'il v'fist de tát de femmes que bon luy sembleroit, pource que iusques à ceste heure combien qu'il fust en laage de cinquante ans en v'foit de plusieurs: mais aucuns autres le voulans induire à enuie & en hayne, moult subitement faisoient telz octroiz assin principalement que plustost fust occis, laquelle chose ainsi aduint ayant Cesar en cela prins assurance de n'estre iamais trahy, mesmemét de ceulx qui luy octroyoyét telles préeminéces, ne d'aucun autre, & ne v'fant plus de gardes pour sa personne se disant estre gardé des senateurs & cheualiers, deffist l'ordonnance que parauant auoit tenue: mais depuis que vng certain iour tous les autres excepté Cassius & aucuns autres qui furent fameux en ceste emprinse & si ne soustindrét aucun mal, pourquoy plus apparut la clemence de Cesar, luy eurent confirmé par decret la plusgrand partie de ces honneurs, s'en allerent ensemblément deuers luy estant assiz dans le temple de Venus comme que tous concordablement luy voulsissent denoncer les decretz faitz en sa faueur, car en son absence traicterét ces telles choses non pour sembler le faire à ce contrainctz, mais volontairement les receut estât assis, ou qu'il le feist par vne certaine reuerence de la déesse ou par vne grádlyesse ne s'en scauroit rendre raison: toutefois pour ceste cause si grand indignation concita non seulement aux senateurs, mais encores à tous les autres que principalement il donna occasion d'estre inuahy, combien que aucuns le voulans excuser disoyét que pour le flux de sang duquel pour lors il estoit vexé ne se pouoit contenir debout, & que pour ne s'esmouuoir estoit demouré assis, neantmoins ne le pouoyent persuader à plusieurs, parce que peu apres leué s'en alla de son pied iusques à son palays, ains le suspectoyent qu'il ne fust trop superbe, & pour ce l'auoiét en hayne bien qu'ilz mesmes en feussent cause pour les préeminences par eulx concedées. Estans dōcques les choses en telz termes, la suspicion augmenta par ce que depuis legierement endura d'estre fait dictateur perpetuel, & pource taſcheoyent de semer zizanie contre luy, & à ce qu'il vint en hayne à plusieurs ses amys faisoient quelque chose en sa vergongne, & finablement le nommerent roy & ce nom diuulguoyent entre eulx: mais pource qu'il le reffusa & aucunesfois reprenoit ceulx qui le nommoient en ceste maniere, neantmoins voyás qu'il ne faisoit chose aucune par laquelle il demonstrest vrayement tel nom luy desplaire, sur son ymaige posée au tribunal, misrent occultemét la cou-

Orgueil  
de Cesar.

Cesar di-  
ctateur  
perpetuel,

Cesar  
appelle  
roy.

ronne

ronne, laquelle estant geñée par terre par Gaius Epidius, & Lucius Cefitius Flavius tribuns, s'en lamenta griefuement (bien qu'ilz ne deissent aucune parole contre luy, ains l'eussent par le contraire loué enuers le peuple, comme celluy qui n'eult besoing de semblable tiltre, & pour lors bien que doullant n'en fait autre semblant, touteffois depuis qu'il entrant à chéual avec Albanne, aucuns l'appellerent roy & il respondit n'estre nommé roy mais Cefar, & que les tribuns imposèrent peine à celluy qui premierement proferast tel nom. Alors ne peut contenir son yre, ains comme premierement d'eulx perturbé l'eut moult à mal, neantmoins pour lors ne leur en fait démonstrance aucune, mais apres ce le mettans en escript publicquement comme qu'ilz n'eussent libere ne seure licence de parler pour la Republicque, s'en doullant amerement si que les ayans produictz dans le senat premierement les accusa & les cōdemna, touteffois ne les feist mourir (bien que aucuns les eussent iugez dignes de mort) ains premierement les auoir priuez du tribunal par le moyen de Eluius Cinna les dechassa du consul dont ilz se resiouyrent ou bien faignoient de s'en resiouyr, comme ceulx lesquelz n'auoyent aucune necessité de tomber en peril parlans liberement, & estans hors le gouuernement des affaires veoyent tout ce qui se faisoit comme par vne certaine vmbre: touteffois fut Cefar encoulpé par ce qu'il au lieu d'auoir en hayne ceulx qui luy attribuoient le tiltre de roy les laissoit en paix encoulpant en leur lieu les tribuns. D'auantaige vne autre chose qui non trop apres arriua donna assez plus à congnoistre comme en paroles il reffusoit le nom de roy, mais en effect le desiroit pour autant que es festes appellées Lupercales il estant entré en la court royale & au tribunal aorné de ses habitz royaulx & illustré de la couronne d'or se assist en la chaize dorée, & Anthoine avec plusieurs autres prestres l'appella roy mettât sur son chef le diadesme, disât le peuple te donne cecy pour mō moyen: luy respondit, que vng seul estoit roy des Romains. & enuoya ce diadesme au capitolle: neantmoins pour cela ne se courrouca, ains fait escrire en ses commentaires commēt il n'auoit voulu accepter le royaulme à luy offert du peuple par le moyen du consul, au moyé dequoy vint à suspect qu'il mesme eust traicté avec Anthoine telle chose, ayât desir de tel nom, & neantmoins voulust estre cōtrainct l'accepter. & pour ce fut moult hay: parquoy allant separément deuers les autres qui auoyent quelque esprit leur persuadoient & en publicq les concitoient & misrent en lumiere plusieurs escripteaulx esquelz estoit contenu comme Brutus facilement croyoyt estre descendu de cest antique Brutus qui dechassa les Tarquins cōbien qu'il eust faict mourir deux de ses filz qui encores estoient ieunes enfans & ne laissa aucuns nepueux: touteffois plusieurs faignoient qu'il fust de son sang à ce qu'il, pour le regard de sa lignée, se cōmeust à telz effectz: & souuenteffois le nōmoient crians, ô Brutus, Brutus nous auons bien besoing de Brutus, & finalement feirent vng escripteau

Les festes  
Lupercales.

Diadesme  
royal  
présente a  
Cefar.

Portia femme  
de  
Brutus,

sur l'anticque ymaige de Brutus contenant ces motz : Dieu voullist que tu feusses vif : & si gectèrent sur ce tribunal de ce Brutus qui pour lors estoit preteur vng autre billet, disant, Tu dors, ô Brutus, n'es Butus. Ces choses doncques ne estant Brutus pour autres respectz beniuolle à Cesar le conciterent à l'insidier (bien qu'il eust depuis receu plusieurs benefices de luy) & pour ce que écores cōme ia à este dit estoit nepueu & gēdre de Caton Vticē ce, & se dit seulement sa femme nommée Portia auoir congneue la coniuuration, par ce qu'elle estant en la presence de son mary pour lors pensant en ce faict luy demanda pour quelle cause il fust en pensément, & voyant qu'il ne luy respōdoit aucune chose suspecta que son mary ne se fiait en elle pour la debilité du corps par laquelle à force de tourmens elle contre sa volunté ne confessast quelque chose, & ainsi eut couraige & hardyessē de faire vne grand preuue, car occultēment elle se naura en la cuysse à ce qu'elle expérimentait si elle pourroit endurer les tourmens: touteffois apperceuant qu'elle ne sentoit vne exterminée douleur despri sa le coup, & festāt retirée deuers Brutus. luy dist, Toy ô mon mary bien que soys à mon aduis assure que ne dye aucune chose, neantmoins te es deffié du corps (& en ce cas obserue l'humaine coustume) mais i'ay experimenté que encores ce corps se peut taire; & ce disant luy monstra la cuysse, & luy ayant declaré le faict cōme il estoit luy dist: Ouures doncques auec fiance tout ce que tu tiens seellé, car ne feu, ne tourmens, ne poinctures me contraindront à en declarer vne seule parolle: ie ne suis née si femme que si ne me estimes dorefenauant veritable ne vucille plustost mourir que viure, ou vrayement nul soit qui pense apres, ie soye fille de Cathon ou ta femme. Brutus oyant telles parolles s'esmerueilla moult grandement, si que depuis ne luy tint aucune chose secreete, ains se confirma en son esperit & luy racompta tout le faict & si print en sa compagnie Gaius Cassius, lequel encores fut sauué par Cesar: & outre ce honoré de la dignité de preteur & auoit espouse sa sœur: d'auantai-ge congregeoyent tous les autres de vouloir à eulx semblables, qui se trouuerent en grand nombre: mais ie n'ay besoing de racompter leurs noms afin que ne soys enuieux, touteffois ne puis celer Treboni<sup>9</sup> & Decius qu'ilz encores appellent par nom Iunius Albius, pource qu'ilz ayās receu plusieurs benefices de Cesar, & estant Decius designé consul pour l'année ensuyuant & préposé en la Gaule voyfine luy traifnerent mutineries, & quasi qu'ilz ne furent descouuertz pour la multitude de ceulx qui le scauoyēt (bien que Cesar ne se doubtaist telle chose luy arriuer) ains feist griesues pugnitions de ceulx qui luy faisoient telz rapportz, & pour ce tarderent beaucoup: ioinct qu'en partie pour reuerence de luy & partie de paour d'estre mis à mort par les autres qui se trouueroient pres de Cesar (cōbien que pour lors il ne v'fast d'aucune garde) demourerent quelque espace en suspens, en maniere qu'ilz furent en danger d'estre deffaictz: ce qui leur seroit adueni s'ilz n'eussent esté

esté contrainctz contre leur volunté de acclerer la trahison, car estant mise en lumiere vne renommée ou faulce ou que fussent les prebstres du nombre des quinze qui la diuulgoient comme la Sibille auoit predict qu'il n'estoit possible suppediter les Parthes par autre que par vng roy, & pensans que pour ceste raison se deuoit introduyre tel tiltre à Cesar croyans les insidiateurs telles choses estre vrayes & existimās qu'en vne si grāde deliberation les suffrages se commectoyent aux principaulx, du nombre desquelz estoient Brutus & Cassius, & n'ayans hardiesse de contredire ne pouans se tenir de parler, hastèrent les insidiations auant que se traictast d'autre chose semblable, & sembla bō de l'affaillir dās le mesme senat, par ce que Cesar en ce lieu ou il se doubtoit le moins de soustenir telz inconueniens, mieulx se pourroit prendre, & ilz auoyent plus seure commodité de porter cousteaulx en petites gibecieres comme que feussent quelques papiers escriptz: & si quelqu' vng vouloit faire resistance esperoyent auoir secours des gladiateurs preparez pour ceste fin au theatre Pompeyen en grand nombre, comme qu'ilz deussent combattre avec les armes entre eulx.

Conspiration  
contre  
Cesar.

Comment Cesar fut occis & meurtry par les insidiateurs.

Chapitre

LIII.

**D**oncques le iour venu ainsi qu'auoit esté ordonné incontinent se congregèrent ensemble dans le senat & demanderent Cesar, auquel auoit esté predictē la trahison par les diuinateurs: & ses songes mesmes le menassoient, car la nuit en laquelle il fut occis sembla à sa femme que sa maison fust tombée & que son mary eust esté nauré d'aucuns & rapporté en son giron, & Cesar sembla auoir esté transporté entre les nues, & qu'il touchast la main de Iupiter. D'auātaige que les armes de Mars, lesquelles encores estoient reposeses pres le grand pontiffe selon leur coustume feirent vng grād bruyt ceste nuit: aussi les portes de la chambre ou dormoit Cesar se ouvrirent d'elles mesmes: & si les sacrifices sur ce faictz ne signifioient aucune chose prospere: & les oyseaulx par lesquels il deuinot ne luy concedoyent le departir de son hostel: & aucuns apres sa mort se recorderent de sa chaize dorée, laquelle (tardant Cesar de venir) vng seruiteur porta hors le senat, comme qu'il ne fust plus besoing d'icelle. Cesar doncques demourant pour telz respectz, & craignans les conspirateurs que l'emprinsē differée (car desia estoit le bruyt que Cesar ne se partiroit de l'hostel) ne feust leur deliberation vaine, & apres feussent destruietz, enuoyerent Decius Brutus, à ce qu'il (comme celluy qui estoit son amy) le feist venir: lequel blasfant les excuses de Cesar, & disant que le Senat auoit moult grand desir de le veoit finalement luy persuada de venir avecques luy au Senat, & tout incontinent vne sienne ymaige posée

Songe de  
la fēme de  
Cesar.

Songe de  
Cesar.

Signes ad-  
uenuz.

fur le portail de son hostel tumba & se brisa en pieces, mais pource qu'il estoit besoig que a l'heure il mourust n'en fait estime ne encores voulut ouyr vng qui luy denonceoit toute la cōspiration, & ayant de luy receue vne lettre cōtenāt toute la trahison ne la leut pēfant autre chose de non grād importance y estre escripte, & en tout se confioit, tant qu'il dist au deuinateur qui ia l'auoit aduise qu'en ce iour il se donnast garde, Ou sont tes deuinations, ne vois tu le iour que tu craignois, estre present, & toutefois ie suis vif? & il (comme aucuns disent) seulement luy respondit, Le iour est present, mais encores n'est passē. Apres doncques il fut conduict dans le Senat. Trebonius retint Anthoine à parler en vng certain lieu dehors iceluy par ce qu'ilz auoyent deliberē de le tuer ensemble Lepidus. Mais craignans qu'ilz ne fussent blasmez pour la multitude des mortz comme qu'ilz eussent cela fait pour enuie de dominer & non pour la delurance de la citē laquelle ilz pretendoyent en la mort de Cesar, ne voulurent que Anthoine y feust present, pour autant que Lepidus estoit dehors & au bourg auecques l'exercite. Trebonius doncques parloit auecques Anthoine, & les autres ce pendant ayans mis entre eulx Cesar (car pource qu'il estoit homme moult affable aucuns deuisoyent auec luy, autres luy faisoient quelque supplication affin qu'il ne se doubtaſt de riens) toutefois l'heure arriuee l'ung d'entre eulx vint à luy, comme pour demander quelque grace, & luy deschira la robbe de dessus les espaulles. (lequel signe auoit estē ainsi ordonnē par les autres coniuerez) lesquelz apres ce assaillans Cesar de tous costez le naurerent, en maniere que pour la multitude d'eulx il ne peut dire ne faire aucune chose, ains s'estant couuert fut occis auec plusieurs playes, & arriua ainsi la chose veritablement (bien qu'aucuns ayent fait mention de ce qu'il dist à Brutus lequel le poursuiuoit estroitement, Et toy mon filz poursuis ma mort) s'estant leuē vng grand bruyt tant des autres comme de ceulx qui estoient dans le Senat: & ceulx qui ce faisoient estans dehors pour le subit accident & pour ce qu'ilz ne congnoissoient les percurseurs & la multitude, leurs esperitz tous conturboient comme qu'ilz deussent estre en peril, & si agrauentoyent tous ceulx qu'ilz rencontroyent, ne disans aucune chose claire, ains seulement cryans farre, farre: & le reste acceptans ces parolles l'ung de l'autre tous cryoyent & remplissoient toute la citē de lamentations, & entrans dans les boutiqueſ & leurs maisons, se mussoyēt, biē que les percurseurs ainsi cōme ilz se trouuerēt se retirerent courans en la place, & faisans signe aux autres tant auec l'habit qu'auec leurs crys qu'ilz n'eussent crainte aucune: & pource que incessammēt appelloyent Cicero & le tiers estat autremēt ne se adiouſtoit foy à leur dire, ne facilement se pouoit le bruyt appaiser. Finablement voyans que nul fut occis ne prins, se appaiserent, & s'estans congregez ensemble au conseil les percurseurs alleguerēt plusieurs choses contre Cesar & maintes pour l'estat populaire, & commā-

Treboni.  
Anthoine.

Mort de  
Cesar.

Emotion.

Remōstrā  
ces faictes  
par les  
percur-  
seurs.

doient

doient qu'ilz eussent bõ couraige & qu'ilz n'eussent paour de soustenir aucun mal, car ilz disoyent ne l'auoir occis ny pour auoir dominatiõ ny pour aucune autre superhabondance mais affin que estans liberaes soubz les propres loix fussent iustement gouuernez. Pour lesquelles remonstrances en appaisèrent plusieurs especiallement pource qu'ilz ne cõmeçtoient aucune iniure: toute sfois les conspirateurs craignãs d'estre par aucuns inuahiz, de rechef se retirerent dans le capitolle cõme qu'ilz voulsissent faire veux aux dieux, ou ilz demourerent toute la nuit ensemble tout le iour: & le soir aucuns autres non qu'ilz eussent esté participãs de telle coniuratiõ mais pour acquerir la gloire & remunerations que esperoyent obtenir les percurseurs depuis qu'ilz les veirent estre moult cõmandez: & meritẽment leur aduint le contraire, par ce qu'ilz n'curẽt le nõ d'estre aucteurs de tel faict cõme ceulx qui n'en auoyent esté aucunemẽt participans & furent au mesme peril cõme s'ilz eussent eu part en tel traictẽ: mais ce voyant Dollobella ne luy sembla bon demourer oyisif ains entra en la dignitẽ consulaire bien qu'elle ne luy appartenist en riens, & ayant faict vne oraison iouxtẽ les affaires presentes monta au capitolẽ & estans les negoces reduictes en telz termes, Lepidus aduertuy de ce qui auoit esté faict la nuit print la place avec ses gens d'armes & le iour venu pla cõtre les pcurseurs & Anthoine biẽ que incõtinẽt apres la mort de cesar se fust mis en fuyte & eust gectẽ la robe cõsulaire pour estre occultẽ, ainsi qu'il fut toute la nuit: toute sfois depuis qu'il entendit les pcurseurs estre dedans le capitolẽ & Lepidus auoir prinse la place, congregea le Senat dedans le temple de la dẽesse Telluris, ou il proposa le party de faire deliberation sur les affaires presentes, sur quoy chascun dist son oppinion: mais Cicero auquel fut obey parla en ceste maniere: l'ay tousiours pẽsẽ estre chose conuenable que nul parle ne par grace d'autruy ne par malvueillance mais ce que chascun pense estre tres bon doibue monstrer aux autres, considerẽ que seroit chose indigne penser estre necessaire aux capitaines & cõsulz de faire toute chose ou bon conseil & s'ilz cõmeçtent quelques erreurs debuoir estre soubz mis au iugement & à la peine encores des cas fortuitz: mais au conseiller auquel no<sup>9</sup> auõs lesperit en nostre dominatiõ nous postposiõs l'utilitẽ publicque au biẽ priuẽ. A ceste cause, ô Senateurs, tousiours ay estimẽ estre moult condescẽt vous donner simples & iustes conseilz, & especiallement au temps present, auquel si sommes cõcordans ensemble, ne faisans menẽes, serons fauluez, & si aurõs les autres encores contre leur voluntẽ en nostre puiffance, & ie crains que non malement: mais au commencement de mon oraison ne veulx dire aucune chose moleste, par ce que peu de temps y a que ceulx qui auoyẽt les armes es mains le plus souuent estoỹẽt seigneurs de la republicque, en maniere qu'ilz vous commandoyent deliberer ce qui estoit necessaire, toute sfois vous ne determiniez ce qu'ilz debuoyent faire. Mais maintenant toutes les choses reduictes à tel party, que vous l'auẽz en vostre arbitre, & pouẽz deliberer tout ce qu'il vous plaira, &

est

Dollobella.

Lepidus  
capitaine  
des cheualiers.Oraison  
de Cicero.

est en vostre puissance d'essire ou la cōcorde ensemble avec la liberté, ou seditions & batailles ciuiles par lesquelles apres ferez soubzmis à vng tyrāt, & à ce que au iourd'uy determinerez, assentirōt tous les autres. Estans dōcques (comme ie croy) les affaires en telle maniere disposées, ie dy qu'il vous est moult necessaire delaisser tous les discordz & inimytiēz que par cy deuant ont esté entre vous, & que retournez à ceste anticque paix, amytie & cōcorde, vo<sup>9</sup> recordās (si d'aucune autre chose, au mois de ceste) que ce pēdāt que gouuerniōs en telle maniere nous acquismes gloire, richesses, terres & allyances: mais depuis que veinmes en discord l'ung cōtre l'autre non seulement ne deuinsmes plus puissans ains beaucoup plus debiles, & tāt estime ne se pouoir par aucun autre moyen garder la cité que si au iourd'uy incontinent ne prenons bon cōseil, ne la pourrons apres releuer. Et cōsiderez cōme ie dy la verité regardant les affaires presens, & examinant les passées. Et ne voyez vous ce qui se fait, & que le peuple vne autrefois se diuise & destrōpt, & que ceulx la suyuant vng party & ces autres vng autre sont diuisez en deux & se sont faitz deux exercites & vne partie à prins le capitolle cōme qu'ilz ayēt paour des Gauloys, & l'autre en la place s'appareille pour les assieger comme qu'ilz foyent Carthaginiēs & non Romains. N'avez vous iamais ouy que souuentefois fut discord en ceste cité voire si grande que aucuns occuperent le mont Auentin & le capitolle, aucuns autres le mont Sacré. Quantefois ilz se accorderent avec esgalle condition, ou cedant en quelque chose vne partie à l'autre, & incontinent delaisserent les haynes & persevererent le reste de leur tēps en si grand paix & concorde qu'ilz obtindrent cōmunēment moult de victoires & tresgrandes: mais quād ilz se reuolterent à eulx tailler en pieces & se occir l'ung l'autre, l'une partie se pensant véger de ceulx qui eussent cōmencé, & l'autre ne voulāt sembler d'estre aucunement moindre, alors ne fait aucū bien: par quoy quest il besoing cōsumer tāt de parolles apres vous qui scauez assez, faisant mētion de Valere, de Horace, de Saturnin, de Glauci<sup>9</sup> & de Grachus. Nous dōcques ayās telz exēples vous deuez efforcer ptie imiter & ptie fuyr, & cōme ayans cōpris auant par experience la fin qui s'ensuyura des choses desquelles deliberez n'ayez esgard à mō sermon cōme à parolles seulement, mais tāt differāt des autres cōme que maintenāt vous voyez en effect. Ainsi nō par aucune incertaine pēsee suyurez esperāce douteuse, ains prouuerrez l'instabilité de mes raisons p vne tresasseurée foy de ce que ie vo<sup>9</sup> ay dit. Ne pouez vous faire bōne deliberatiō prenant l'exemple de voz maieurs, & pour ceste cause n'ay voulu vser d'exemples estranges, bien qu'en peusse alleguer infinies: neantmoins i'en reciteray vng de ceste tresbonne & tresanticque cité de laquelle noz maieurs prindrent anciennemēt aucunes loix, par ce que seroit chose vituperable si nous estans tant de puissance que intelligence moult superieurs aux Atheniens, faisions pire deliberation que eulx. Les Atheniens doncques estans ensemblément en discord & diuision par laquelle ilz auoyent

Mōt auēti.

Valere.  
Orace.  
Saturnin.  
Glaucius.  
Gracus.Exēple de  
Athenes.

uoient esté vaincuz des Lacedemoniens & estoient tyrânisez des citadins plus puissans ne peurent estre deliurez de telz maulx auant qu'ilz s'accordassent ensemble & feissent vng decret, que bien que fussent aduenues entre eulx maintes choses griesues, touteffois se deussent mettre en oubly, & aucunement vng ne deust chercher vengeance de l'autre: & depuis qu'ilz eurent ce fait, par leur modestie, non seulement se deliurerent de la sedition & tyrannie, ains corrigerent tous les autres, recouurerent la cité, cōquirent l'empire de Grece & finablement eurent en leur puissance de sauuer & destruire souuenteffois les Lacedemoniens & ceulx de Thebes. Mais si ceulx qui auoyēt opprimé Philes eussent voulu se véger de ceulx qui combatoyēt des citez pour les iniures receues (peult estre qu'ilz sembleroiēt auoir fait chose iuste & ingenieuse) touteffois eussēt esté cause de plusieurs maulx, par ce que posé qu'ilz eussent vaincu les aduerfaires au commencement, neantmoins peult estre qu'apres se fussent trouuez inferieurs, consideré que en telles choses ne se treuve stabilité aucune ne encores quand la fortune est prospere, & plusieurs qui se sont confiez en icelle depuis sont trebuschez, & plusieurs qui se sont voulu véger sont mōrs avec leurs ennemys: car l'hō me bien que luy aye esté fait iniure, pour ce n'est deffoubz, ne celluy qui est superieur en puissance tousiours est vaicqueur ains l'ung & l'autre sont subgeztz à l'instabilité humaine & à l'incertitude de fortune, & souuēteffois la fin succede non selō l'esperance des hōmes mais contre leur propre pēsee, au moyē dequoy & pour semblables choses & pour les seditiōs les hōmes prennent audace, par ce que l'hōme iniurié, ou qui se repute iniurié, est vne chose terrible, & moult souuēteffois oultré sa force se met au peril avec ce courage ou qu'il sera vaicqueur, ou ne pdra, sans effusiō du sang de l'ēnemy: & telles gens aucunesfois estans victeurs, aucunesfois vaincuz, maintenant esgaulx de puissance & apres inferieurs aduiēt qu'ilz meurent tous enfeble: & aucuns obtiennēt la victoire de Cadmus & en poursuite de temps quād le mal succede ne se peult emander, se congnoissent auoir prins mauuais cōseil. Vous auez appris par experience ce que ie dy estre veritable, & maintenant cōsiderez le par exemple des nostres. Marius autreffois fut puissant en telles seditions, mais depuis estant trebusché & ayant congregé vne autre puissance quel mal il fait vous le scauez. Semblablement Sylla (à ce que ie ne face mention de Cinna & de Strabo & des autres qui furent de temps moyé) ayāt esté puissant, depuis fut inferieur: & de rechef retourné en puissance, ne laissa aucune cruaulté qu'il ne feist: & pour ce quest il besoig parler de Marius le second & de Cinna mesmes & de Carbon? Apres ceulx la Lepidus cōme suiuaūt leurs vestiges à fuiuy vne nouvelle seditiō & si à pturbé quasi toute Italie. Et depuis que feusmes deliurez de cestuy, ne scauez vous quātz & quelz maulx no<sup>9</sup> ayōs soustenuz de Sertorius & des autres q le suiuirēt? Et que dirōs no<sup>9</sup> de Pōpée & de ce Cesar mesme, delaisiāt à pt Catilina & Claudi<sup>9</sup> ne vidrēt ces deux batailler l'ūg cōtre l'autre biē qu'ilz fussent

Lépire de  
Grece cō-  
quisse par  
les Athe-  
niens.

Cadmus.

Marius.

Sylla.

Cinna  
Strabo.

Catilina.

Claudius.

respe-

respectiuellement puiffans & apres remplirent de infinies miseres non seulement nostre cité & le reste de Italie, ais quasi tout le monde: mais si vng disoit apres la mort de Pompée & si grand occision de citadins s'est ensuiuy vne certaine tranquillité, en quelle maniere moult auons esté loing de la paix, Affricque & Espagne scauent quantz & quelz soyent mortz de l'une & l'autre partie, mais depuis ces occisions nous sommes pacifiz: & comment depuis que Cesar gist ainsi occis & que le capitolle à esté occupé & la place est plaine d'armes & que quasi toute la cité tremble; & ainsy aduient que quand les discordz commencent entre aucuns & cherchent tousiours resister à la violence avec la violence propre, & ne scauent la vengeance n'estre avec aucune equité & humanité, ains selon leur appetit & la licence qu'ilz ont pour les armes est necessaire que se face vng cercle de maulx sans fin & arriue vne retribution de cruaulté faicte successiuelement, par ce que celluy lequel est vainqueur superhabonde de iniures & n'a aucun terme de faire mal, & par le contraire celluy qui est subiugué, par l'indignation de sa misere, si du commencement il n'est du tour destruit, demeure en continuel desir de se venger de celluy qui l'a iniurié iusques qu'il aye faoullé son couraige: & vne autrefois le reste de la multitude, bien qu'elle n'aye participé en aucune de ces telles choses, neantmoins pour la misericorde qu'ilz ont enuers le vaincu, & pour l'enuie qu'ilz portent au vainqueur, ensemble craignans de endurer telles afflictions, & esperans de pouoir faire à luy mesme le semblable, la moytié des citadins s'esmeuent à faire seditions, & l'ung apres l'autre succedent au mal: lequel est comme vne chose circulaire & legitime ayant ceste occasion de vouloir véger ceulx qui ont esté opprimez: & bien que priuément ilz se deliurent de peril, neantmoins destruyent la Republicque. Ne voyez vous quant de temps ayons consumé combatár l'ung avec l'autre, & quantz & quelz maulx en icelle ayons soustenuz & faitz à autres. Et quelle chose pourroit estre plus grieve de ceste? Et qui pourroit nombrer la multitude de deniers desquelz nous auons despouillé noz compagnons & desrobez les temples sacrez, & oultre ce auons conferez ou ne le deuions, & despédu l'ung contre l'autre? Et qui pourroit nombrer la multitude de ceulx qui sont morrz? Je ne dy des autres, par ce que cela ne se pourroit trouuer, Mais des chevaliers & senateurs chascun desquelz viuât & mourant auroit peu sauluer ceste cité es batailles estragieres: & qu'il soit vray, quantz Curtiens, combien de Deciens, combien de Fabiens, combien de Grachis, combien de Marcellins, combien de Scipions ont esté occis, non contre les Sánites, ou Latins, ou Espaignolz, mais contre ceulx de son propre pays: & de ceulx qui sont mors es armes, bien qu'en puiffiós faire lamentation, touteffois non tant côme des autres, pour autát que ceulx cy volontairement sont venuz à la bataille (si volontairement se peult dire de ceulx qui ont esté cōtrainctz par craincte) & bien qu'ilz endurassent la mort iniustement, neantmoins sont mors virilement & ou peril esgal, & sont

trebuschez qu'ilz ne l'ont senty, estans en esperance de vaincre ou d'estre vaincuz. Mais qui pourroit meritiément faire lamentations de ceulx qui si miserablement ont esté occis par les chemins, en la place, au senat & dans le capitolle, non seulement hommes mais femmes, non seulement ieunes mais vieilles & petis enfans, & ayant fait tant & si grans maulx entre nous que jamais ayôs soustenuz de noz ennemys, & nous n'auôs encores riens fait contre eulx ne seulement ne moins en attristons ne nous voulons virillement d'eulx deliurer, ains plustost nous en glorifions & faisons feste, & appellons bien facteurs ceulx qui en ont esté cause. Quant est de moy ie pense que semblable vtilité ne soit d'hommes mais plustost de bestes qui s'entre-tuent l'une l'autre. Toutefois quest il besoing se lamenter des choses passées, considéré que maintenant ne scaurions empescher qu'elles ne demeurent faictes? Plus tost seroit necessaire pourueoir aux choses futures, ioinct que i'ay fait inétion des passées, pour le respect des presentes, & non pour connumerer les miseres communes, lesquelles voultissent les dieux que ne fussent aduenues. Mais à ce que par leur exemple vous peusse persuader, que à tout le moins peusse cōseruer ce peu qui en reste, considéré que ce seul fruit, se peult tirer des aduersitez, que l'homme se garde d'une autrefois tōber en tel dangier. Et nous pouons bien faire ce que ie dy maintenāt ce pendant que le mal commence & ne sont plusieurs congregez ensemble. D'auātaige ceulx qui se sont esmeuz avec esperance de vaincre aucūs pour le desdaing de n'estre soubzmis demurēt en peril de ne venir sans consideratiō aucune à ce qui ne leur fera vtile. Et vous tiendrez toutes ces choses à bonne fin sans peine aucune, sans peril, sans despēce, sans occision d'hommes, mais seulement faisans vng decret que se delaissent toutes les offenses: car combien qu'aucuns soyent ayant failly, neātmoins maintenant n'est le tēps oportun de vouloir vser de végeance & examiner semblables erreurs pour en faire pugnition, ioinct qu'à present vous n'avez deliberé de iuger & de inuestiguer diligemment la iustice, ains plustost de regarder en quelle maniere les affaires se puissent reduire à bonne seurcté, Ce que ne pourrez aucunement faire si ne croyez en quelque partie, faisans comme ont acoustumé faire les peres enuers leurs enfans, desquelz ilz ne chastient tous les delictz, mais est necessaire que leur en pardonnent aucūs, car pour les erreurs mediocres n'est besoing faire pugnition incurable, ains plustost moderément les corriger. Maintenant doncques que vrayement sommes en effect & non seulement par nous, cōmuns, peres de tout le peuple, ne cherchons toutes les choses si exquisement de paour que ne soyons destruitz ensemble, pour ce qu'ilz pourroyent imputer quelque fait à Cesar, par lequel sembleroit auoir esté iustement occis, & en plusieurs autres faitz se pourroyēt encoulper ceulx qui l'ont occis, en maniere qu'ilz seroyent dignes de pugnition, mais ceste seroit vne œuure d'hommes ayans de rechief volūté de venir aux armes, & de faire & leuer seditions. Il est doncques necessaire  
à ceulx

à ceulx qui veulent prendre bon conseil, qu'ilz ne nuyent a eulx mesmes, chercheans trop estroictement la iustice, mais plustost avec vne bõne equité s'efforcent à en sauuer.

Comment on fait vng decret à Rome pour oublyer les offenses passées de Cesar. . . . Chapitre LIII.



Arquoy (ô Senateurs) mettez en oubly les choses passées comme que soyent aduenues en sorte d'une tempeste & d'ung deluge, & soyez concordans entre vous comme tresprochains citadins & parens: & affin que nul pense me vouloir gratifier à ceulx qui ont occis Cesar, qu'ilz ne soyent pugnis, consideré par ce que i'ay suiuy le party de Pompee, voulez vous que ie vous dye vne seule chose, ioinct que ie vous peusse manifestement tous estre persuadez de moy, que ie n'euz oncques hayne ne amour enuers aucun par mon respect, ains seulement le vostre & pour la cõmune concorde & liberte. A ces causes doncques ne diray autre chose finõ que ie suis tant aliene que ie dresse mon parler à autre fin, que au salut commun, que ie dy vous deuoir aux autres amys de Cesar, non seulement impartir pardon de toutes les choses qui furent cõtre la coustume soubz l'ombre de Cesar, ains encores leur conseruer les honneurs dons & magistratz receuz de luy. Et ne vous conseillerois que feissiez ordõnance de telles choses, mais puis qu'elles sont arriuees me semble estre le meilleur que ne vueillez estre trop seueres iuges d'icelles, par ce que le dommaige que recepurez de cestuy cy & de cestuy la, lesquelz ont plus que le debuoir & que leurs merites ne requierent, ne sera si grand, que l'utilite qui s'ensuyura pour la concorde si vous ne mettez craincte ne confusion entre ceulx qui ia furent puissans. Cecy me suffit pour ceste heure dire quant à la necessite du temps present, mais quãd les choses serõt appaisées, alors aisemēt pourrõs faire deliberation du reste. Cicero en ceste maniere ayãt parlẽ psuada au Senat que decret se fist par lequel toutes offenses fussent assoupies: & ce pẽdant que se traittoit telle determination ceulx qui auoyent occis Cesar promectoyent instamment qu'ilz ne mueroyent aucune chose faicte par Cesar: car depuis qu'ilz les congneurent estre mal contents de la mort de Cesar, se doubans que ce qu'ilz auoyent receu de luy ne leur fust ostẽ par les persecuteurs, s'efforceroient auant que aucune chose fust faicte par le senat, de les surprendre: au moyen dequoy ceulx qui estoýẽt soubz le capitolle les appellerent de tãt pres qu'ilz pouoyent ouyr, & leur dirẽt ce qui leur sembloit condescẽt: & si encores enuoyerẽt lettres en la place leur denõceant que à nul d'entre eulx seroit ostẽ aucune chose ne faicte iniure aucune, ains confirmeroyent tout ce qui auroit estẽ donnẽ par Cesar. Pour lesquelles promesses les confortoiẽt à la concorde, leur faisant ferme foy des promesses par eulx faictes avec sermens tresgrans, en maniere que depuis encores qu'ilz furent veritablement ad-

Decret  
que les of-  
fenses se  
deussent  
oublier.

Promesses  
des per-  
secuteurs.

aduertis du decret fait par le senat ilz ne adhererent plus à Lepidus, ne pareillement ceulx qui auoyent occupé le capitolle n'auoyent plus de paour, ains par le moyen de Anthoine se reconcilierent avec les gens d'armes contre l'oppinion de Lepidus, lequel desiroit de faire nouvelle esmotion soubz couleur de vouloir venger la mort de Cesar, & comme celluy qui auoit les exercites entre ses maïs esperoit succeder à la puissance de l'autre: mais Anthoine voyât ces menées ainsi disposées & n'ayant pres de luy aucune puissance à ce que Lepidus ne se feist plus grád luy persuada qu'il voulust ceder à la plusgrand partie. Les accordz doncques furent faitz selon le decret du senat, neantmoins ceulx qui estoient au capitolle ne voulurent descendre que preallablement n'eussent les deux filz de Lepidus & de Anthoine pour ostages, & pour plus grand seurté Brut<sup>s</sup> s'en alla en l'hostel de Lepid<sup>s</sup> pour ce qu'il estoit son parent, & Cassius en l'hostel de Anthoine: & estâs à table vne fois tous deux ésemble & deuisans de plusieurs choses comme est bien raisonnable en telz affaires, Anthoine demâda à Cassius s'il auoit pris vne dague soubz sa robe: & Cassius luy respôdit, certainement si tu veulx estre tyrant i'en auray encores vne pour toy. En ce temps estoient les affaires publicques aïsi disposez & ne se faisoit aucun mal, ne pareillemét s'esperoit de faire, ains plusieurs s'esiouissoient d'estre deliurez de la puissance de Cesar & si aucuns pensoient de geçter son corps sans sepulture: d'auantaige ceulx qui l'auoyent occis s'esiouissoient pour n'auoir eu autre empeschement, & estoient appelez liberateurs de la liberté, & tyrannicides: mais depuis estât leu son testament, & ayant le peuple entendu qu'il auoit fait Octouien son filz adoptif & delaisé pour ses tuteurs Anthoine & Deti<sup>s</sup> en sèble aucûs de ceulx qui l'occirent, & que si Octouien ne succedoit vouloit qu'ilz fussent heritiers de tous ses biens, en oultre qu'il faisoit plusieurs particulieres donations à maintz autres, qu'il delaisoit à la cité les iardins assiz pres le fleuue du Tibre, & d'auantaige auoit ordonné que à chascun d'eulx fussent distribuées les trente dragmes (ainsi que escript Octouien, mais comme dient aucuns soixante cinq) alors tous se troublèrent & encores Anthoine les cõcita plus portant solement le corps mort sur la place & le mettant à la veue de chascun ainsi sanglant qu'il estoit, & demonstrent toutes les playes, & de ce eut vne oraison aornée & moult eloquente, neantmoins nuyfible & dommageable a la condition de ce temps, car il parla en ceste maniere: Si cestuy cy fust mort homme priué & ie encores fusse sans dignité ne seroit besoing (ô Romains) que ie cõsumasse plusieurs parolles, & ne m'efforcerois de narrer tous ses faitz, ains seulesmét par le rois de la lignée de laquelle il est yssu, de ses coustumes & institution de sa vie, & seroys content faire mention seulement de ce qu'il a fait pour la Republicque nostre: mais puis qu'il est mort estant en la plusgrand dignité qui soit entre nous, & que ie suis entré en la seconde, m'est besoing duplicquer mon oraison & parler partie comme heritier d'escript, partie comme constitué en magistrat, & ne laisser au-

Testamēt  
de Cesar.

Oraïso de  
Anihoine  
sur le corps  
de Cesar.

cune chose que ie doibue narrer , ains plustost exposer tout ce que le peuple d'une mesme voix crierait s'il estoit possible qu'il eust vne mesme langue, pour autant que ie congnois bien estre moult difficile de satisfaire à voz couraiges oultre que ne seroit facile pouoir adiouster en parlant à si grandz faitz , ioinct que nul sermon se pourroit paragonner aux tresgrandes ceuures , & vous qui auez les voluntez insatiables pour les choses qui ne vous sont incongneues ne ferez iuges opportuns de luy : car si ie parloys entre hommes ignorans de ce, plus facile seroit que ie les comptasse les rédans esmerueillez pour sa grádeur. Mais vo<sup>9</sup> pour ce que les auez familiares tout ce que ie reciteray vous semblera beaucoup moindre que le mesme effect, toutefois les estrangiers encores que par enuye les oyans raconter n'y adioustassent creance, neantmoins penseroient quant à l'orateur de luy suffisamment auoir ouy . Vous par la grand beniuolence necessairement estes insatiables d'ouyr , ioinct que vous ayans receu grand fruit de la vertu de Cesar requerez ses louenges non avec enuie comme à vous appartenans en riens, ains avec beniuolence comme les vostres propres : & pour ce m'efforcay en tant que plus me sera possible accomplir vostre volonté, estant certainement asseuré que vous ne iugerez mon esprit selon la faculté du parler ains plustost par ma próptitude excuserez le deffait de la lague. Je dócques premierement parleray de son sang, non qu'il soit tresnoble & tresillustre, bien que encores cela se confere à la nature de vertu que vng soit bon, & vaillant plustost par vne certaine preparation de ancienne lignée , que fortuement , considéré que ceulx qui ne sont de genereuse stirpe pourroyent simulémét estre preux & vaillás, & encores par coustumes naturelles estre reprocuez iustes: mais ceulx qui sont descenduz d'une ancienne semence de vaillans hommes est necessaire qu'ilz ayent vne vertu naturelle & perpetuelle: neantmoins mon propos n'est de louer Cesar par ce que nouuellement soit ney de plusieurs hommes vertueulx, & anticquement, & descendu des roys & des dieux, ains plustost qu'il premierement est conioinct de sang & affinité avec toute nostre cité, car ceulx desquelz il est descendu ont esté edificateurs de nostre cité. En apres estans ses antecessors reputez estre deuenuz dieux par leurs vertus , il n'a seulement diminué ceste renommée mais plustost augmentée, parquoy si lon doubtoit par cy deuant que Enee ne fust filz de Venus, maintenát se peult croire, ioinct que aucuns ont esté reuerrez comme enfans des dieux (pose qu'ilz en fussent indignes) mais nul vouldroit nyer les antecessors de ceulx cy auoir esté dieux , par ce que Enee & aucuns de ses descendans ont esté roys: mais cestuy en tant leur à este superieur de quant qu'ilz n'eurent que la seigneurie de Lauinius & de Albe, & il bien que fust en sa puissance n'a voulu estre roy de Rome : & feirent ceulx la les premiers fondeimés de nostre cité, mais cestuy la esleuée si hault que d'icelle ont esté faictes citez plus grádes que celles dominees par les autres , & de quant appartient à la noblesse de son sang me semble en auoir par

Les pre-  
decesseurs  
de Cesar  
ont edificie  
Rome.

Cesar  
descendu  
des dieux.

parlé à suffire, mais qu'il fust informé & endoctriné conuenablement à la noblesse de son sang ou le pourroit on mieulx. comprendre que au tesmoignaigne de ses œures, pour autât que celluy lequel eut le courage & le corps tressuffisant & tressdurant tant en temps de guerre que de paix: comment pourroit il estre nourry autremét que avec tresbonnes instructions? Difficile est encores que vng homme robuste de corps soit tresscauant, & moult difficile sur toutes choses est que vng mesme homme soit entier & parfait tant en fait qu'en parolles, toutefois en cestuy se trouuoiet toutes ces choses conuenables, & ie le diz entre ceulx qui le scauent assez, en maniere que du commencement ne pourroys mentir que ne fuisse compris, & pourroys encores faire les choses plusgrandes que la verité, par ce que ne sensuyuroyt fin contraire à mon intention, ioinct que si ie faisoys ce meritément seroys suspecté de superbe, & sembleroit que feisse sa vertu estre estimée beaucoup moindre de vostre oppinion, car tout sermon fait en telles matieres se cōpréd encores en foy quelque petite faulceté, non seulement ne excuse aucune louenge, ains plustost est repprouué depuis que la conscience des auditeurs ne cōsentât aux fictiōs à recours à la verité: de laquelle estat cōtete apprend quel debuoit estre vng homme, & comparant l'une & l'autre partie comprennent ce qui luy deffault. Je doncques suyuant la verité, ditz que ce Cesar estoit aorné suffisamment des biens de l'ame & du corps, ioinct qu'il auoit vne admirable force de nature & estoit exercité avec grand diligence en plusieurs & diuerses doctrines, au moyé dequoy non sans raison pouoit entendre moult subtillement toute chose & persuaader aux autres facilement & avec grand prudence gouuerner autruy, & ne fut oncques preoccupé subitement d'aucune occasion de temps non preueue, ne à luy estoient occultes les affaires bien que depuis long temps futures, il congnoissoit auant l'effect des choses auât qu'elles fussēt paracheuées, & estoit tousiours préparé à tout ce qui pourroit arriuer à vng hōme, scauoit inuestiguer les choses occultes, faindre n'entēdre ce q estoit notoire de cōgnoistre ce qui estoit secret, celer ce q estoit p luy cōgneu adapter les tēps, & rēdre raisons de telles sēblables choses. D'auantage il scauoit reduire à fin tout ce qu'il vouloit, & en signe de ce estoit bon gouuerneur de sa famille & despendoit largement, diligent à conseruer les biens estables & permanans, toutefois sumptueux es despences condescētes: pareillement estoit moult affectionné à to<sup>9</sup> ses parens, excepté à ceulx qui estoiet iniustes, par ce que nul deulx lequel fust trebusché en misere fut oncques de luy desprise, ne encores eut oncques enuye à aucuns d'eulx qu'il veist riche, ains plustost s'efforçoit d'augmenter leur prosperité & de supplier à leurs necessitez, donnant à aucuns deniers, à autres terres & possessions, à aucuns magistratz & à autres dignitez sacerdotales: en oultre conuersoit admirablement avec ses amys & familiers, car il ne estoit orgueilleux & iniurieux contre aucun d'eulx, mais affable à tout homme, & ceulx qui luy faisoient quelque seruire remeritoit grandement, & se

Amour de  
Cesar en-  
uers ses  
parens.

obligeoit les autres avec benefices, & si n'eut ôc enuie cõtre aucũ q̄ fust trop liberal; ne pourcẽ qu'il fust trop augmentẽ le voulut abaisser, ains plustost s'eslouysoit que plusieurs fussẽt esgaulx à luy comme que par eulx il fust magnifiẽ & receust plus grãd puissance & aornemẽt. Tel estoit-il enuers ses amys & familiers: mais ne encores cõtre ses enemys à estẽ inexorable & cruel; aincoys à plusieurs qui luy ont estẽ tresenemys priuẽment à pardonner, & maintz à laissez aller de ceulx qui luy furent aduersaires en la bataille, & si d'auantaige à aucuns d'eulx à donnẽ offices & magistratz. De tant estoit naturellement inclinẽ à la vertu qu'il pensoit non seulement estre en soy vice, mais ne pouoir ecores estre es autres. Et puis que s'õmes puenuz à ce ppos, ie commenceray à parler de son gouuernemẽt en la Republicque, par ce que sil eust vaincu en repos par aduenture que sa vertu ne pourroit estre iugẽe d'aucun, mais neantmoins estant moult creu & deuenu tresgrand hõme, nõ seulement de son aage, ains encores de tous les hommes qui furent oncques puissans à demonstẽ sa vertu plus manifeste & illustre pour autãt que quãtous les autres ont estẽ reprouuez es magistratz; mais cestuy cy deuint beaucoup plus illustre, & ayant prins en luy le faix des affaires esgaulx à sa vertu en fin fut congneu tresuffisant pour les cõduire, & il seul estoit entre tous les autres hommes ayant acquis si grãd fortune par sa vertu que ne luy à iamais impose calumnie aucune. Ie ne m'estraindray à reciter ses splendides faictz en la gẽdarmerie & sa magnanimitẽ es autres actes, bien que soiẽt tant & telz qu'ilz seroyent suffisans assez en commendation d'ung autre; mais se ie les recitoys exquisement sembleroyz d'estre trop curieux tant est la gloire & la splendeur d'iceulx, parquoy seulement feray mẽtion de ceulx qui ont estẽ faictz il estãt nostre capitaine, & si encores ne les racõpteray toũcõputẽment vng apres autre, car ie n'en viendroyz iamais à fin, & seroyz oultre ce moleste & ennuyeux vous en ayãs entiere congnoissance. Cest hõme estant premierement cappitaine en Espagne & l'ayant trouuẽ moult superbe & orgueilleuse & rebelle, ne fait petit compte de vous qui soubz le nom de la paix n'estiez preparez à la guerre, ne esleit luy mesme viure en repos en sa prefecteure plustost que pourueoir aux affaires communes, mais voyant que les enemys ne se repentoient volontairement les chastia contre leur voluntẽ, en maniere qu'il surpassa tant les autres capitaines, lesquelz furent approuuez es guerres contre les nations de quant est plus difficile chose conseruer que conqũster & de quant est plus vtile de faire que on ne puisse vne autrefois se reuolter & s'esinouoir que au commencement les subiuguer demourant leur puissance entiere: & pour ceste cause vous incontinent luy donnastes par decret le consulat chose qui le fait perdre, non par cupiditẽ, mais par sa gloire ppre feist ceste guerre & se prepara aux autres. Ayant doncques desprisẽ les accusateurs des remunerations de la victoire, par ce que les choses estoient de moult grand importance & vous ayant rẽduz graces pour l'hõneur concedẽ de vous, & cõtẽt de icelluy seul, demou-

ra au consulat glorieusement si que ie pourroys dire choses infinies & dignes de memoire q̄ feist estat en la cité: mais pource q̄ sortit assez tost & fut enuoyé à la guerre de Gaule, confidez quantz & quelz faiçtz dignes de louenge il feit en ceste prouince, par ce que non seulement ne fut graue aux alliez & confederez de nostre communauté, ains oultre ce leur donna secours depuis qu'il ne les eut à suspectz & les veit estre iniuriez: mais les ennemis non seulement voyfins ains tous les autres habitans la Gaule tous soubzmiss & conquist tresgrandz pays & citez innumerables, des noms desquelles n'auions au parauant congnoissance, & le tout fait n'ayant receu grand puissance de vous ne deniers suffisans & avec si grand celerité que auant que nul de vous entendist que Cesar faisoit guerre il obtint la victoire & reduist les choses en si grand seureté qu'il feit que lon pouoit aller par toute la Gaule & Bretagne, & maintenant est subiuguée la Gaule qui iadis enuoya les Gauloys cōtre nous & toute est labourée cōme Italie: & non seulement se nauigua le Rosne & le fleue de Sosne, ains encores le fleue de Meuse, Loyre, & le Rhin & L'occeane mesmes: car les autres encores desquelz nous n'auons entendu les noms, Cesar vous les a faiçtz communs & accessibles & n'estans au parauant inuestiguez sont nauigables par la magnificence & magnanimité de luy: & si aucuns qui luy portoiēt enuie n'eussent esmeu sedition entre vous & contrainct cestuy cy à retourner auant le temps ordonné il eust prins toute la Bretagne avec toutes les autres isles adiacentes ensemble toute la Gaule iusques à la mer septentrionale, en maniere que maintenant n'eussiez pour les termes de vostre empire peuples ou terres, mais le ciel & la mer Occeane. A ceste cause nous considerant sa magnanimité & tresgrandz faiçtz & sa fortune voulustes que par long temps feust capitaine (voire par tel qui ne fut iamais concedé à nul autre, au moins ce pendant qu'ayons esté par communauté gouuernez) ie diz l'espace de huit ans entiers esquelz luy concedastes la prefecture de l'exercite comme gens qui l'estimiez pouoir cōquester tout le mode pour vous, ne oncques eustes sa puissance suspecte qu'elle fust augmentée sur nous & desirastes qu'il par long temps demourast en ces lieux: neantmoins ceulx qui pensoyent la Republique ne debuoit estre commune, ains propres, ne consentirent qu'il subiuguast tous les pays qui restoyēt & que vous fussiez seigneurs du tout, mais estoient contens qu'il demourast oisif & si eurēt audace de faire maintes choses iniustes, en maniere que fustes cōtrainctz auoir recours à son ayde, pour laquelle cause il delaisant les affaires qu'il auoit entre les mains vous vint subitement secourir. Quoy faisant deliura toute Italie d'ementz perilz, & d'auantaige restitua l'Espaigne qui f'estoit alienée de vous, & depuis voyant Pompée auoir habandonné le pays, & cōstitué vng nouveau regne en Macedoine, transporter toutes voz facultez en ce lieu & armer voz mesmes subiectz contre vous, au commencement s'efforca luy persuader par messaigers priuez, & par ambassadeurs publiques, à ce

Sosne.  
Rosne.  
Meuse.  
Loyre.  
Rhin.

qu'il voulust cesser telle emprinse, luy faisant ferme foy de luy estre amy en tant qu'il voulust consentir que tous deux feussent esgaulx, mais puis qu'en nulle maniere ce pouoit venir à effect, & Pompée desprisant toutes choses, ensemble l'affinité qu'il auoit avec Cesar, esleut la guerre contre vous, cestuy fut contrainct descendre à la bataille ciuille. E qu'est il besoing dire avec quelle audace il nauigua contre son aduerfaire bien que feust en yuer & avec quelle force de couraige vint à la bataille contre luy, posé que son enemy eust entre ses mains toutes ses regions, & avec quelle virilité il le vainquit en bataille (côbien qu'il fust moult superieur de gés d'armes, car si lon vouloit examiner toutes ces choses particulieremēt se môstreroit ce Pópée par auant tant admirable auoir esté vng enfant, de tant fut en toutes choses inferieur de vertu militaire) touteffois ie lairray ce propos, considéré que Cesar mesmes ne sen voulut oncques gloriffier, ayant en hayne la necessité de la guerre: mais depuis que dieu determina la fin de la bataille trefuistemēt quel prisonnier fut par luy occis? à qui ne fait il tresgrandz honneurs? ie ne diz point à cheualiers, senateurs & citadins Romains seulement, ains encores aux côpaignons confederez & subiectz nostres, car encores nul de ceulx la fut occis par violence, ne condemné, fust roy ou homme priué, ou cité, ou peuple: mais aucuns se adhererent à luy & aucuns autres eurent congé honorable, en maniere que tous se côtristoyent de ceulx qui auoyent esté occis en bataille, & fut son humanité si superhabondante qu'il approuua les amys de Pompée leur conseruant tout ce qu'ilz auoyent receu de luy, & si eut en hayne Pharnaces & Herodes, lesquelz pource qu'ilz n'auoyent secouru Pópée veu que au parauant auoyent esté ses amys. Pour lequel seul respect non long temps apres contre l'ung d'eulx fait guerre, & contre l'autre debuoit aller avec l'exercite: & pour nulle riens n'eust fait occir Pompée: & qu'il soit vray, ne le pour suyuit hastiuement, ains le laissa fuyr à son aise & si ouyt en grand angoisse sa mort, ne louant ceulx qui l'auoyent occis, mais plus tost non long temps apres les fait mourir: & ruyna Ptolomé, pource que luy estant ieune enfant auoit ainsi laissé mourir son biéfaicteur. En apres en quelle sorte il disposa des affaires de Egypte, & les deniers qu'il en apporta seroit superfluz le vous racompter, & menant l'exercite contre Pharnaces, lequel tenoit non petis lieux du Pont, & de Armenie, fut denôcé cōme il alloit contre luy, parquoy suruint le premier, & en ce mesme iour combatit & vainquit. Pour lesquelz faitz amplement demonstra n'auoir esté faitz pire en Alexandria ne estre denoncé long temps en icelle pour ses delices, parce que comme pourroit il auoir fait telles choses si facilement s'il n'eust vsé de grand forcé de couraige & de corps? car voyant que Pharnaces se toutna en fuyte, alors se meit en ordre pour aller contre les Parthes: mais estant de rechief esleué vne sedition en ceste terre, fut contrainct retourner en arriere, & de nouueau disposa & ordonna les affaires en telle sorte que nul auroit pensé parauant auoir esté aucunement troublée, pour autant que

Pont.

Armenie.

Parthes.

ce faisant, n'y fut fait occision aucune, & nul receut aucune honte, non que aucuns ne peussent iustement estre pugniz, ains pource qu'il pensoit estre chose moult digne de occir les ennemys sans aucune mercy: mais les citadins encores qu'ilz feussent mauuais pensoit se deuoir sauuer, & pour ceste raison il superoit les exercites avec force: mais les citadins seditieux (bien qu'ilz feussent souuentefois indignes de misericorde) sauuoit avecq humanité. Pareillement en vsa en Affricque & en Espagne. Tous ceulx qui n'auoyent esté parauant prins de luy, & laissez aller par misericorde, furent sauuez: ioinct qu'il estimoit estre plustost folie que humanité, de conseruer ceulx qui tousiours luy estoient ennemys, & pensoit estre beaucoup plus honnette & de plus vaillant homme, pardonner aucuns pour leurs premieres offences sans garder vne yre defraisonnable; & d'auantaige leur attribuer honneurs & dignitez selon leurs qualitez, mais s'ilz perseueroyent tousiours en vne mesme meschâceté, reputoit estre moult cōdescent se deliurer de telles gēs: & bien que ie dye cecy, neâtmoins sauua encores plusieurs d'entre eulx ayant donné liberté à chascun de ses compagnons, & de ceulx qui auoyent obtenu avec luy la victoire, de pouoir sauuer vng prisonnier: & qu'il ait ce fait par vne bonté naturelle & non par dissimulation ne par esperance d'acquérir plusgrandz richesses, nous auons ce tressolennel tesmoignaige qu'il fut tousiours semblable à soy mesmes, ne par yre fut cruel, ne par fœlicité superbe, ne par la puissance diuers, ne par la licence mua de coustumes: & certes fut chose trefdifficile, qu'il ayant versé en tant & telles factions, en aucunes d'icelles obtenir son intention & les aucunes tenant encores soubz son arbitre, & des autres ayant souspecon, tousiours perseueraist en bonté esgallement & ne feist aucune crudelité sinon par végeance des choses passées, à tout le moins pour la seurté du temps futur. Ce que i'ay dit est suffisant à demonstrer sa singuliere bonté, car veritablement estoit si bien né des dieux, que seulemēt scauoit ceste chose, à scauoir cōseruer ceulx qui se pourroyent sauuer. En oultre auoit ordonné que nul de ceulx qui luy auoyent esté cōtraires peussent estre pugniz d'autres, & ceulx qui parauant estoient trebuschez redressa sur leurs piedz, par ce qu'il asseura & mit en liberté tous ceulx qui auoyent suuy Lepide & Sertorie: & pour ce fait que tous ceulx qui restoyent de la proscription de Sylla furent reuocquez, depuis les remist en la cité, & aux enfans de ceulx qui auoyent esté occis par Sylla donna offices & magistratz: & ne fut chose moult grande quand il feist brusler les lettres trouuées en la puissance de Pópée, & de Scipion, & ne les voulut lire, ne sauua aucunes d'icelles, à ce que nul autre peust vser d'aucune malignité pour les auoir veues: & qu'il nō seulemēt dist en parolles telles choses, ains les mit en effect, se le demōstre par ses œures. Nul dōcques pour ces lettres, non seulement ne soustint aucune molestation, mais encores ne la doubta. Nul eut cōgnoissance de ses affaires excepté eulx mesmes, car ceste fut vne chose trefadmirable, & supreme, qu'ilz furent plus tost

laissez que accusez & deliurez plustost qu'auoir esté en peril, & il mesme liberateur ne voulut congnoistre ceulx enuers lesquelz vsoit de misericorde: mais certes pour ce & autres decretz bien faitz, lesquelz de soy sont grandz (mais petis en comparaison de ceulx que maintenant ne pouos reciter) vous l'auiez en reuerence comme pere, & l'auiez comme bienfacteur, & luy donnaistes autant d'honneurs que à nul autre, & desiraistes l'auoir pour seigneur computencier de la cité, ensemble de tous les magistratz, ne faisant differencé aucune en ses noms, luy concedant tous les honneurs come qu'ilz fussent inferieurs à ses merites, à ce que entant qu'en chascun d'iceulx par l'usage deffailloit de dignité & de puissance fust supplié par l'adiocion des autres: car pour ce respect il fut crée premierement pontiffe pour les dieux, & consul pour nous, capitaine pour les homes d'armes, & dictateur contre les ennemis. Et qu'est il besoing connumerer toutes ces dignitez quand vous l'auiez appelle pere de vostre Republicque? Cestuy cy qui estoit pere pontiffe inuolé, & dieu, est mort. Helas, mais comment? non par violence de infirmité, non consume par vieillesse, & non par coups & playes receues en bataille estrangiere, non rauy d'aucun dieu, ains icy en ce lieu, innahy au dedans de la cité: celluy lequel fait fait d'armes seurement en Bretagne a esté trahy en la cité (les murailles de laquelle il auoit augmentées) & occis & meurtry dans le senat: celluy lequel en auoit fait vng autre, desarmé, celluy lequel estoit si vaillant en bataille: au lieu des iuges celluy qui estoit iuge deuant les magistratz: le president des magistratz de ses citadins: celluy qui oncques ses ennemis estrangers ne peurent occir, mesmement quand il tomba en la mer: de ses compaignons, celluy lequel souuentefois les auoit pardonnez. Ou est maintenant ta clemence, ô Cesar? ou est ta misericorde? ou est ta sacrée magesté? ou sont tes loix? tu feiz par cy deuant decret que nul peust estre occiz par ennemis, & tes amys t'ont meurtry si miserablement: & maintenant es mis & estendu en la place lugule, par laquelle souuentefois couronné & en grand triumphe es passé: & es getté nauré dans le tribunal, duquel tu feiz souuentefois oraison au peuple: helas les cheueulx chenuz ensanglantez, helas la robe deschirée laquelle comme il semble ne prins à autre fin sinon à ce qu'en icelle fusses occis.

De la sepulture de Cesar, & de l'oraison faite sur luy.  
Chapitre LV.

Emotion.



Isant Anthoine telles parolles le peuple au commencement se concitoit à yre, & finalement estoit si indigné que premierement cherchoit les percurseurs de Cesar & accusoyent les autres senateurs, par ce que aucuns l'auoyent occis, aucuns auoyent esté à veoir la mort d'ung homme pour lequel auoyent déterminé faire veux chascun an, & pour le salut & fortune duquel auoyent iuré, & lequel auoyent fait inuio-

inviolablement égal aux tribuns. & apres ce desirát son corps aucús le vouloyét porter ou il auoit esté occis & autres au capitolle pour illec le brusler, mais ayans esté empeschez par les souldardz, de paour que le theatre & les temples ne fussent bruslez, le misrent en vng certain lieu en la place sur la pyre (côme à esté dit) & maintes autres habitations eussent esté destruíctes. sinon que les gens de guerre les empescherent, & les consulz gectèrent aucuns des plus audacieux des pierres du capitolle: toute sfois les autres pour ce ne cessèrent le bruit estans ainsi troublez, ains s'en allerét impetueusement aux maisons des percurseurs & en ce conflict occirent entre les autres Eluius Cinna tribun, sans cause, lequel non seulement n'auoit inuahy Cesar ains l'aymoit singulierement, mais ilz prindrent erreur de son nom par ce que vng Cornelien Cinna preteur auoit esté participant en la conspiration: & depuis faisans les consulz vng edict que nul portast les armes reserué les souldardz ilz s'abstindrent de faire occision, mais ayas ediffié vng autel au lieu ou estoit la pyre (car les reliques auoyent esté portées deuant par les afranchiz & mises en la sepulture paternelle) alors tenterent de sacrifier à Cesar côme à vng dieu: ce que voyas les cōsulz dechasserét celluy q faisoit le sacrifice, & punirent aucuns qui s'en lamentoyent, & si feirent vng decret que nul doreseuauát fust plus esleu dictateur, dōnant significatiō de mort à quicōques apres mist en termes telles choses ou les voulust soustenir, & depuis leur imposát taille de deniers. Dōcques ayas fait telz edictz pour l'aduenir comme que l'enormité des faitz consistast es noms & ne teussent cōmis par puissance d'armes & par coustumes de chascun, & ne reproouassent plus tost la puissance des autres soubz quelconque autre tiltre qu'ilz se souuinssent quant à present, firent telle prouision, car ilz enuoyerent les collōnez esleuz par Cesar incontínét à leurs gouuernemens à ce qu'ilz ne feissent aucune nouuelleté, & des percurseurs a ceulx ausquelz estoit touché par sort quelque prouince les y enuoyerent l'ung d'ung costé & l'autre d'ung autre soubz quelque couleur & occasion, & plusieurs les honorerent côme leurs bien facteurs. En ceste maniere mourut Cesar. Et pource qu'il fut occiz en l'edifice de Pōpée & pres sa statue dressée en ce lieu, sembla que fust vne certaine vengeance especiallemét pource qu'en cest instát suruindrét tōnoirres avec vne moult ipetueuse pluye: en ce tumulte encores arriua vne chose digne de memoire, par ce que vng nommé Gay Casca tribú entédát côme Cina auoit esté occis pour la similitude du nom, se doubta grandement de n'estre encores inuahy par semblable erreur, pource que Publius Seruius Casca estoit tribú & l'ug des percurseurs, a ceste cause mit & fema par la cité plusieurs breuetz contenans la similitude de son nom avec l'autre tribun, & si l'ung ne l'autre soustint aucú ennuy, car Seruius se gardoit songneusement, mais Gay eut quelque raison que se feist mention de luy. alors furent faictes les choses predictes tant des autres comme des consulz. Et Anthoine bien qu'il ne craignist parauant que Dollobella ne luy ostast le consulat comme

Sacrifices  
faictz à  
Cesar cō-  
me dieu.

Cesar oc-  
ciz en le-  
difice de  
Pompee.

dignité qui encores ne luy appartenoit , neantmoins le soustint craignant qu'il ne feist sedition. Mais depuis que le bruyt fut appaisé, & qu'il fut commis à Anthoine examiner les choses disposées par Cesar & faire tout ce qu'il auoit ordonné , alors n'obserua plus moderation aucune , ains si tost qu'il eut les lettres entre les mains , plusieurs raya, y en mettant d'autres, tant de loix, que autres choses : & oultre des deniers & magistratz en priua aucuns & en donna á d'autres comme qu'il le feist suyuant l'ordonnance de Cesar: au moyen dequoy plusieurs en desfroba & plusieurs recouura de personnes particulieres & de peuples & de roys, aux vngs védant pays, aux autres liberté, aux autres la republicque, & aux autres inmytié, & le tout fait non obstant le decret du Senat , par lequel auoit esté ordonné que aucune collonne ne fust mise en public cōme que Cesar n'en eust rien escript, par ce que telles choses estoient escriptes en collonnes de cuyure . En apres Anthoine faisant instance & disant que Cesar auoit pourueu plusieurs & choses necessaires, le senat commáda que les principaulx les deussent ensemble examiner , mais il n'eut aucune charge de ce , & en tout ayant Octouien (qui encore estoit ieune enfát. & inexpert es affaires) refuse l'heredité de son pere comme difficile de traicter, le desprisa, & il comme heritier non seulement des biens mais encores de la puissance, gouernoit tout: car oultre les autres choses il reduist aucuns bányz: & voyant que Lepide auoit grand puissance & luy faisoit grand paour , donna pour femme vne sienne fille au filz de Lepide, lequel Lepide il encores feist eslire grand pontiffe, á ce qu'il ne print garde á ce qu'il faisoit, & pour le faire plus facilement pontiffe remist de rechef l'election du peuple aux prestres, & par ainsi consacra Lepide ayát fait sinon quelques petites choses selon la coustume & se pouát consacrer soy mesmes s'il eust voulu.


Octouien.

Lepide  
grand pō-  
tiffe.

# Le Quarantecinquieme liure

DE DYON, HISTORIEN GREC,  
Traduict d'Italien en Francois.

Le present liure fait mention des faitz de Gay Octouien, qui depuis fut nommé Auguste: des faitz de Sexte, filz de Pompée: du discord commencé entre Cesar, & Anthoine: & de l'oraïson que feit Cicero a l'encontre de Anthoine.



De Gay Octouien, qui depuis fut nommé Auguste.

Chapitre LVI.

**A**nthoine faisoit en Rome soubz couleur de executer le testament & ordonnance de Cesar les choses predictes: mais Gay Octouien Cepte, par ce que ainsi se nomoit le filz de Attie seur de Cesar, & estoit du velittre des Volques, lequel delaisse orphelin de Octauien son pere, fut nourry pres de sa mere, & son frere Lucien Philippes, & depuis parueniu en l'aage de quinze ans demouroit avecq Cesar: lequel estant sans enfans, & ayant en ce ieune filz grande esperance, l'aymoit moult, & l'embrassoit souuent, comme celluy qu'il vouloit laisser son successeur, tant du

Attie.  
seur de  
Cesar.  
Velittre

Lucien  
Philippes.

Songe de  
Attie.

du nom, de la puissance que de la monarchie, & especiallement pour ce que Attie affermoit auoir esté engrossie de cest enfant par le dieu Appollo, ioint que vne fois elle dormant dans son temple luy sembla d'auoir affaire avec vng Dragon & pour ce au temps q succeda enfanta Octouien, & auant qu'il vint en lumiere luy sembla en songe que ses interieures fussent portées au ciel & se estandissent par toute la terre & ceste mesme nuyt Octouien pensa que le soleil se leuast de son testicule & peu auant estoit l'enfant né quand Negide Fibule senateur luy deuina l'empire, car il entendoit moult bien la disposition du ciel ensemble la difference des estoilles, qu'elles font quant sont apart elles, & quant se meslent l'une avec l'autre es conionctiōs & leurs distances: pour laquelle science il estoit encoulpé d'auoir aucuns autres actes secretz. Cestuy cy donc ayant récontré Octouien qui venoit tard au Senat pour la naissance de l'enfant luy demáda la cause de sa demeure laquelle par luy entendue dist à haulte voix tu as engendré vng seigneur, & retint Octouien pour lors grandemét troublé & qui vouloit occir l'enfant disant estre impossible qu'il peust pour l'heure mourir. alors furent dictes ces parolles. Mais il festant mis à table pour disner au mylieu d'ung champ, vng aigle luy osta le pain de la main & sen volla en hault, & puis de rechef descédu le luy rendit. D'auantaige estant encores ieune enfant & demourant en Rome sembla en songe à Cicero de le veoir enuoyer du ciel ca bas dans le capitolle avec chaines d'or, que illec il fut flagellé par Iuppiter: & ne congnoissant qui ce fust, le iour ensuyuant le rencontra dans le capitolle, ou l'ayant recongneu, narra sa vision à tous les assistans. Aussi à Catulle qui encores n'auoit iamais veu Octouien sembla veoir tous les enfans des gentilz hōmes dans le capitolle estre allez deuers Iupiter, & en ceste rencontre Iupiter auoir getté vne certaine ymage de Romme au giron de Octouien, dont esmerueillé, s'en alla au capitolle pour faire vœux aux dieux, auquel ayant rencótré Octouien y monté pour autres affaires, remit en memoire sa face à ce qu'il auoit veu en songe, & confirma la verité de son songe. Depuis estant Octouien parueni en l'aage de adolescence, & ascript entre les adolescens, & vestu de la robe virile sa giornée se rompit dessus ses espaulles d'ung costé & d'autre, & descédit iusques aux piedz: laquelle chose cōsiderée en luy nó qu'elle feist coniecture aucune de bō signe encores. dona tristesse à ceulx qui estoiet presés pour estre adüenu la premiere fois ql auoit vestu la robe virile. Mais ce q vît en memoire à Octouie de dire, luy succeda, assauoir ql auoit toute la dignite cōsulaire soubz ses piedz. Pour ces signes ayát dócques Cesar grad esperance en luy le mist entre les patrices, & l'exercitoit à l'empire, & luy faisoit tout ce qu'il pensoit estre conuenable à vng lequel doie bien & dignement gouverner vng si grand empire, car il le faisoit exerciter es oraisons non seulement Latines, mais encores Grecques: & touchant le fait de la gédarmerie le travailloit moult estroitemét, & si luy enseignoit les choses appartenás a la Republicque & a l'empire. Cest Octouie se trouua lors que

Songe de  
Cicero.

Songe de  
Catulle.

Cesar

Cesar fut inuahy en Apollonie près le Sené Ionye pour apprédre doctrine p ce que Cesar deliberat aller auéc l'exercite cõtre les Parthes l'euoya en ce lieu, & ayat entendue ce qui estoit arriue en la cite se cõtrista grademét cõme bien estoit raisonnable, neantmoins n'eut hardiesse de faire si tost esmotiõ pour n'auoir encores esté aduertý qu'il eust esté adopté ny delaisse héritier: en oultre luy auoit esté denocé cõme au cõmencemét le peuple festoit accordé sur ce q auoit esté fait, toute fois estant passé a Brandis & ayat entédu le contenu au testamét de Cesar, & de la voluté secõde du peuple, alors ne fist aucune demeure ne plus long sejour especiallemét pource ql auoit plusieurs souldardz & grosses sõmes de deniers q parauát luy auoiét esté enuoyez & ainsi incõtinét recouura le nõ de Cesar & la successiõ & s'etremist du gouuernemét (chose q sebla à plusieurs estre faicte auát le teps ordõné & trop audacieusemét) mais depuis pour la félicité ql eut fut réputé viril & magnanime pour autát que plusieurs lesquelz sans raison font quelque emprise quat elle vient à effect sont estimez auoir esté saiges, & aucuns autres lesquelz avec tresuistes raisons se sont esmeuz depuis qu'ilz n'õt peu obtenir leur intetiõ sont reputez folz: & il se met en vng grand doubte & peril p ce ql estat peu auant forty de laage pueril (car il n'auoit encore que dixhuyt ans) & voyát la successiõ du bien & de la stirpe de Cesar estre odieuse & coupable, neantmoins se fineut à telz faictz pour lesquelz Cesar auoit esté occis, duquel n'auoit esté faicte aucune vengeance, n'ayant craincte ny des pèrcurseurs, ny de Lepide, ny de Anthoine. Toute fois ne semble auoir vse de mauuais cõseil pour luy auoir esté prouffitabile. Mais le ciel magnifestement feit demõstration de tous les troubles & inconueniens qui deuoyent arriuer, car il entra en Rome vng arc celeste grand & de diuerses couleurs environnant le soleil se demonstra, & en ce celluy qui estoit appellé premierement Octouien, (alors Cesar, & depuis Auguste) s'entremist es affaires de l'estat & les acomplist plus virilement que nul autre hõme & plus saigemét que nul vieillard: car du commencement il entra en Rome en son habit priué auéc petite cõpaignie sans orgueil cõme que seulemét vint pour succeder à l'heredité. Ce faict ne vsoit contre aucun de menasses, ne faisoit demõstration qu'il feust dolent ne marry des choses passées, ne qu'il eust volenté en faire vengeance. Et non seulement ne demandoit à Anthoine les deniers qu'il luy auoit defrobez, ains plus tost le honnoroit, bien qu'il eust esté iniurié & calumnié de luy, par ce qu'il s'efforca bié de pduire la loy Tribulle p laquelle Octouié deuoit estre adopté aux biés de Cesar. Neátmoins la feist differer p le moyé des tribús, à ce que cõme celluy q encores n'estoit son filz selõ la loy ne feist grad pratique pour recouurer les biés, & oultre ce demourait plus debile: dequoy estoit Octouié grademét courroucé: toute fois ne pouát liberemét dire aucune chose enduroit, & iusques à tát qu'il attira à luy la multitude de laquelle il scauoit son pere estre exalté, car les voyant auoir prins desdaing pour sa mort, & esperát qu'ilz le suiuroiét cõme sõ filz & sachát Anthoine estre

estre hay pource qu'il estoit tribun des cheualiers & n'auoit fait vengeance contre les percussieurs: il tenta de se faire tribun des plebeyens pour pouoir guider le peuple & succeder en la puissance de son ayde, & pour ce faire print la place de Cinna lors vacant. Mais estât prohibé & empesché par les amys de Anthoine n'eut patience, mais persuadé qu'il dit Tybere Cannée lequel estoit tribun, fut de luy introduict entre le peuple soubz couleur de vouloir mettre à execution le don fait par Cesar: & ayant dit entre les multitudes ce qui estoit condescant luy promist de donner incontinent ce don, & leur donna maintes autres bones esperances, & depuis ce la congregation solennelle laquelle estant statuée & ordonnée sur l'edification du temple de Venus, & aucuns l'ayans prinse sur eulx viuât encores Cesar, toutes fois en faisoient peu d'estime cōme encores de la feste du cours des cheualx nommée Pharile. Il pour complaire au peuple comme chose conuenable pour sa famille la fait à ses despens, & en icelle ne porta selon qu'auoit esté déterminé par decret la chaize dorée de Cesar ne la couronne aornée de pierres precieuses dans le theatre pour doubte de Anthoine, ains pource que durant tous ces iours vne certaine estoille de Septentrion deuers Occident apparroissoit, & la nommant aucuns comette & disans qu'elle signifioit ce qui estoit acoustumé plusieurs n'en creurent riens, mais l'attribuoient à Cesar cōme fait immortal & connumere au nombre des estoilles, & se confiant en cela en fait faire vne ymaige de cuyure laquelle fut posée au temple de Venus avec vne couronne sur son chief & voyant que aucun empeschement ne luy estoit pour ce donné pour doubte du peuple. En ceste maniere furent faites plusieurs autres choses & encores déterminées en l'hōneur de Cesar, car ilz nōmerent semblablement vng moys Iulle, & es iours des triumphes vng iour déterminé sacrifierēt en sō nom, Parquoy les souldardz & moyenant quelque pecune à eulx distribuee facilement se retirerēt deuers Cesar. Il se leua doncques vng bruyt parmy la cite & sembloit que se d'eussent faire nouvelles mutineries especialement pour ce que Anthoine voulāt Octouie d'ung autre siege au lieu des iuges dire quelque chose ainsi qu'il auoit accoustumé son pere viuât ne l'édura ains le tira par force hors le siege & si le fait mettre dehors p les liteurs, pour lequel acte plusieurs se courroucerēt & encores pl<sup>9</sup> pource que Cesar en haine de Anthoine & pour acquerir la faueur du peuple ne vit plus en la place: & Anthoine craignāt aussi de sō costé vne fois eut tel deuyz avec ceulx qui estoient presens, assauoir, qu'il ne portoit aucune enuie contre Cesar ains plus tost amytié, & estoit appareillé oster toute suspicion: lesquelles parolles rapportées à Cesar, vindrent a parler ensemble, si qu'il sembla à aucuns qu'ilz se feussent reconciliez, par ce que s'entrecongnoissans l'ung & l'autre, & voyans le temps n'estre oportun à demonstrier leur volonté, s'accorderent s'entrecedans aucunes choses les vngs aux autres, & demurerent en paix par quelques iours: depuis vne autre fois estans venuz en suspicion l'ung de l'autre ou pour espies ou faulce

La feste  
des che-  
ualx.

Cesar  
estime im-  
mortel.

Temerite  
de An-  
thoine.

calumnié comme souuent aduiét en telz affaires, vindrent de rechef en discord, car quand deux ennemys apres vne longue inimytié sont reconciliez, encores ont suspicion de maintes choses legieres, & de maintes qu'ilz comprennent pour leur cōuersation, par ce qu'ilz acceptent toutes choses avecq vne intention comme qu'elles soyent faictes avec art & à mauuaise fin, ayât esgard à l'amytié passée : & en ce encores ceulx qui sont entre deux attisent l'inimytié, par ce que rapportans quelques parolles soubz espece de beniuolence les conduisent iusques au combat, ioinct que plusieurs sont qui voudroyent tous ceulx qui ont puissance estre discordans ensemble, & pource qu'ilz sont plusieurs qui se resiouyssent de leur inimitié, leur semét querelles, & pource qu'il est moult facile celluy qui aura esté calumnié auant deceuoir avec parolles ordonnées d'une inimitié non suspecte. Depuis ce temps dōcques ceulx cy qui ne se confioyent auçunement l'ung de l'autre se discorderent encores d'auantaige, parquoy voyant Anthoine, Cesar estre moult exalté, tenta d'apaster le peuple si en aucune maniere le pourroit distraire de Cesar, & se l'adioindre, & pour ce faire traicta par le moyen de Lucien Anthoine son frere, pour lors tribū, que autre grand territoire & especialemēt celluy des Palludes Pontines, qui autrefois estoient aterrées & lors se pouoyét labourer, fust distribué p fort. Et en ce mesme tēps trois freres appelez Anthoniés étreret en magistratz, car Marc estoit cōsul, Lucié tribū, & Gay preteur, au moyé dequoy pouoyét remouuoir plusieurs preffectz des subiectz & des allyez, & en leur lieu en substituer d'autres, excepté des percurseurs & de ceulx qu'ilz reputoyent leur estre fideles, & pouoyét encores conceder à aucuns de prolonguer leur magistrat par plus long tēps que n'auoit esté déterminé par Cesar : & Macedoine qui auoit esté assignée par fort à Marc, Gay son frere la print pour luy. Mais la Gaule qui est dans les Alpes à laquelle estoient preuostz Brute & Decie Marc luy mesmes la print pour soy avec toute la puissance des exercites parauant enuoyez en Poullaine cōme prouince treforte de deniers & de gens d'armes.

Les trois  
freres  
Anthoniés  
constituez  
en magi-  
stratz.

De Sexte Pompée, filz du grand Pompée.

Chapitre

LVII.



Es choses dōcques furent ainsi determinées par decret, & à Sexte Pōpée lequel desia auoit vne grad puissance la seurté à luy donnée (comme à plusieurs autres) par Cesar, fut cōfirmée, & tous les deniers receuz en public du bien de son pere, determinerent que luy fussent réduz, car de ses possessions desquelles Anthoine possedoit vne grad partie ne luy fait restitutiō aucune. Ceulx la faisoyét ce que dessus ay escript. Mais ie narreray ce qui appartient à Sexte par ce qu'il s'estât mis en fuyte de Cordube & au commencement retiré en Lucitaine (maintenant appellée Portugal) y demoura occulté, par ce qu'il estoit fuiuy de ses ennemys. Toutefois ne fut rencontré, à cause que le peuple de ce pays luy portoit amytié pour

Lucitaine,  
maintenāt  
Portugal.

pour la beniuolence de son pere. Mais depuis Cesar venu en Italie & n'ayât delaiissé grand exercite en Beticque, ceulx la mesmes, ensemble ceulx qui estoient demourez de la bataille, se r'alyerent avecques luy, parquoy Sext. avecques son ayde de rechef s'en alla en Beticque comme plus apte, & en ceste prouince, especiallement depuis la mort de Cesar, se estant fortifié de souldardz, & ayant occupé maintes citez partie par amytié & partie par force, pource que le preffect de ceste contrée nommé Gay Asine Polion n'estoit aucunemét fort de gens, dressa ses voilles pour aller en Carthage d'Espaigne. Mais luy courant sus par le chemin Polyon & dampnifiant aucuns lieux en son absence Sext. s'en retourna avec grand exercite, & venu à la bataille mit le camp de Polion en rotte ensemble to<sup>9</sup> les autres qui combatoyent depuis estóna & obtint la victoire en terre par telle fortune, pour autant que Polyon à ce que plus seurement s'en peust fuyr getta sa robe militaire & vng autre cheualier nommé Polyon fut occis, lequel gisoit en terre, & la robbe de l'autre Polyon fut prinse: au moyen dequoy les souldardz ayans entendu la mort de vng nommé Polyon & voyans la robe de l'autre, facilement creurent que leur cappitaine fust mort, & ainsi deceuz se misrent en fuyte, parquoy Sext. demouré vainqueur, obtint quasi toute la prouince: & il estant desia puissant de souldardz, Lepide vint pour estre preffect de l'Espaigne voisine, & luy persuada s'accorder pourueu qu'il recourast ses biens paternelz, & si feit Anthoine sur ce faire le decret pour deux causes, l'une pour l'amytié de Lepide & pour l'inimytié de Cesar: & ainsi Sexte se departit d'Espaigne. Mais Cesar & Anthoine faisoient l'ung cōtre l'autre tout ce qu'ilz pouoyent, touteffois n'estoient en tout descouuertz, combien qu'en effect feussent ennemys, neant moins en apparence se occultoyent. Et pour ce respect tous les affaires de la cité estoient en grand trouble & trauail comme estans en paix & en guerre tout ensemble, & retenoyent figure & ymaige de liberté, mais faisoient comme seigneurs. Et en secret Anthoine comme celluy qui estoit consul pouoit beaucoup plus, Mais la faueur de tous les hommes s'éclinoit plus enuers Cesar (partie pour le regard de son pere, & partie pour les esperâces qu'il leur donnoit) & especiallement pource qu'ilz se lamétoient de Anthoine qui estoit trop puissant, & fauorisoyét à Cesar pource qu'il estoit le plus foible. Vray est qu'ilz n'aymoýt ne l'ung ne l'autre, mais desirans tousiours choses nouvelles, & estans naturellement aptes a destruire le plus puissant, & secourir le plus debile, vfoýent de ces deux pour acomplir leur cupidité. Ayans doncques humilié Anthoine par le moyen de Cesar, depuis tempterent de le destruire luy mesmes, car estans tousiours aggrauéz de ceulx qui estoient trop puissans ilz adheroyent aux plus debiles par le moyen desquelz ruinoýt les autres & apres demeueroiét encores ennemys, par ainsi aymoýent & hayoyent mesmes personnes: & estans ainsi disposez enuers Cesar & Anthoine la guerre eut tel commencement comme vous orrez.

Cesar fauorise pour estre debile en puissance.

Nature les Romains.

Comment

Comment Cesar & Anthoine commencerent à auoir discord  
ensemble. Chapitre LVIII.

**C**esar si tost que Anthoine fut allé deuers les gens d'armes qui passoyent en Macedoyne, enuoya deuant en ces lieux aucuns autres cheualiers de son party avec deniers, à ce qu'il se les attirast: mais il pueni iusques en chápaigne assëbla vne moult grande multitude de souldardz, & especiallemēt de Capoue mesmemēt de ceulx q̄ auoyēt receu tāt la cité que le territoire de sō pere, leur dōnāt à entēdre q̄ uouloit faire vègeāce de sa mort & leur faisant maintes grosses promesses, & si encores en la mesme heure leur dōna pour hōme enuir on cinq cēs dragmes. De telz hōmes se souloit faire la compaignie des souldarz appelez aduocat̄z lesquelz ayans delaissē vne foys la gendarmerie depuis vne autre estoient appelez. Lequel nombre de gens d'armes assemblē Cesar s'achemina vers Rome auant que Anthoine retournast en arriere, & estant parueni entre le peuple illec assemblē par Canutius Tribun, luy reduist en memoire maintes choses de son pere, deduyfant tous ses nobles fait̄z, & encores parla moderēmēt de ce qu'il mesmes auoit fait̄, accusa Anthoine & loua les souldardz qui l'auoyent suiuy, comme ceulx qui volontairement feussent pour secourir la cité, & qu'ilz l'eussent préposé pour telle fin, & par son moyen le voulussent démonstrer à chascun. Pour lesquelles remonstrances ayant Cesar obtenu louenge ainsi pour les autres appareilz p̄ luy fait̄z cōme pour la multitude q̄ auoit avec luy tira en Tuscanie pour y augmenter sa puissance. Mais au regard de Anthoine au commencement il fut receu humainement par les gens d'armes dans la cité de Brandis, lesquelz s'attēdoient de recepuoir plus de luy que ne leur auoit esté offert par Cesar comme de celluy qu'ilz pensoyent estre plus riche: mais depuis qu'il promit de donner à chascun cent dragmes & ilz estans pour ceste cause mutinez, Anthoine commanda que aucuns centurions entre les autres fussent mis à mort en sa presēce & de sa femme: tout estois se mettāt en voye pour aller en Gaule depuis qu'ilz furēt pres la cité cōmencerēt de faire nouuelles esmotiōs & desprisans les soubzpreteurs cōmis sur eulx plusieurs d'ung coup se retirerēt deuers Cesar, & tout la quarte legion appellée Martie adhera à luy. Ayant doncques Cesar receu ceulx cy moult allaiement & leur auoir donné deniers en tira encores à luy beaucoup d'auantaige & print tous les elephans de Anthoine les récontrant par le chemin, & depuis que Anthoine eust disposē de quelques affaires en Rome & astrainēt par serment solemnel ainsi les autres souldardz demourans en la cité, comme les senateurs qui estoient avec luy, se departit avec son exercite pour tirer en la Gaule, craignant que ceste prouince ne fist encores quelque reuolte. Cesar encores ne fait aucune demeure, ains le plus tost qu'il peut se meit à suyure Anthoine, lequel auoit grād esperance en Decie brute pour lors prefect de ceste region comme l'ung des pereurs de Cesar:

Cāpaigne.  
maintenāt le  
royaulme  
de Naples.

Cōpaignie  
de souldardz  
appelez  
aduocat̄z.

mais les choses ne succederent ainsi qu'il pensoit, ains en ceste maniere Decie n'ayant aucune suspicion de Cesar, par ce qu'il n'auoit aucunement menasse les percurseurs, & voyant Anthoine par vne certaine auarice naturelle n'estre tant ennemy de Cesar que de luy & des autres qui auoyent quelque puissance, ne luy voulut ceder. Ce que ayant entendu Cesar demourant assez bonne espace en doute de ce qu'il d'eust faire pour les auoir tous deux en hayne: neantmoins ne scauoit en quelle maniere prendre la guerre contre tous deux, par ce qu'il n'estoit seulement esgal à l'ung d'eulx, d'auantage il craignoit que sil les assailloit tous deux cela ne fust cause de les faire conioindre ensemble, & ainsi eust affaire contre l'ung & l'autre. Considerant doncques en soy mesmes que la guerre prinse cõtre Anthoine estoit desia presente & se acceleroit chascun iour: mais que encores n'estoit venu le temps de la vengeance de son pere, l'accompagna avec Decie sachant que si par son moyen il obtenoit la victoire contre Anthoine apres luy seroit tres facile se soubzmettre l'autre: mais de Anthoine scauoit que tousiours luy donneroit de l'affaire, tant de difference y auoit entre l'ung & l'autre. A ceste cause Cesar enuoya deuers Decie & luy presenta son amytié & compaignie sil ne acceptoit Anthoine, pour laquelle cause Cesar se fit beniuolles tous ceulx de la cité. Durant ce temps estant quasi finy l'an, n'y auoit aucun consul dans la cité, par ce que Dolobelle parauant auoit esté enuoyé en Syrie par Anthoine, & les louenges furent données à ceulx cy dans le senat, & tous ceulx qui habandonnassent Anthoine par decret des tribuns: & à ce que seulement (faisant desia instance l'an ensuyuant) peussent deliberer des affaires presentes, leur sebla bon vser d'ung preside de fouldardz dans le palais: car telles choses plaisoyent moult à plusieurs, estans pour lors en Rome, ioinct qu'ilz auoyent Anthoine en hayne, & especiallement Cicero: lequel pour la grand inimytié qu'il auoit contre Anthoine fauorisoit Cesar si que en ce qu'il pouoit fust en fait ou en parolles l'aydoit, & pour ce seul respect & bien qu'il fust forty hors la cité comme qu'il voulust conduire son filz à Athenes pour estudier, toutesfois retourna si tost qu'il entendit ces deux estre declarez ennemys. En c'est an doncques furent faictes les choses predites, & Sulpice Spaurie mourut en aage decrepité, duquel i'ay faict mention pour vous declairer comme les Romains de ce temps auoyent en grand reuerence les hommes dignes & hayoyét les temeraires encores en choses de petite importace. Ce Sulpice dõcques allant vne fois à pied rencontra vng homme estant à cheual lequel non seulement ne se descedit pour luy faire honneur, mais d'auantaige fortement hasta le trot de son cheual, & depuis Sulpice l'ayant trouué deuant les iuges pour vne sienne cause, leur narra le fait, au moyen dequoy ne peurent plus endurer aucune chose estre dicte, ains incontinent le condamnerent: & estant consul Aulle Hircé avec Gay son filz par cestuy bien que son pere eust esté proscript en la table de Sylla, alors fut designé consul, le senat fut prouocqué, & furent prolongées les deliberatiõs

Decret cõ-  
tre An-  
thoine,

Mort de  
Sulpice  
spaurie.

par

par trois iours consecutifz commenceant le premier iour du moys, par ce que estans troublez pour la guerre presente & pour certains monstres terribles qui chascun iour s'apparoissoyent ne cesserent qu'ilz ne deliberassent de ce qui leur estoit profitable encores au iour prohibé, car maintes saiettes tomberent du ciel, les aucunes desquelles frapperent le temple consacré à Iupiter Capitolin qui est posé & assis au Nic: d'auantaige vng vent moult impetueux qui suruint rompit & dissipa toutes les collomnes estans pres le temple de Saturne & de la foy: aussi la statue de Pallas appellée Saluatrice que Cicero auant son exil auoit posée dans le capitoile fut ruée par terre & rompue, lequel signe prenonca la mort du mesme Cicero: mais les autres furent grandement troublez de ces signes, especiallement pour vng tremblement de terre tresimpetueux, & pour vng thoreau lequel estat sacrifié dás le temple de la déesse Vesta fait vng fault en arriere apres le sacrifice: & oultre ces telz & si grandz signes vne lampe couroit en l'aer d'orient en occident: aussi vne estoille non acoustumée fut veue par plusieurs iours, & sembla que la splendeur du soleil se diminueoit & se obfusquoit, & sembloit encores que en icelluy fussent trois cercles & vng d'iceulx fust circodé despics de froment. L'effect duquel signe comme des autres leur aduint, par ce que trois hommes estoient puissans, cest à scauoir Cesar, Lepide, & Anthoine, & par eulx Cesar depuis fut superieur. Alors arriuerent les choses predictes: & diuers oracles se referoyent à la destruction de l'estat populaire: & les corbeaulx vollez dans le temple de Castor & Pollux raserent avec leurs becqs les noms de Anthoine & de Dollobelle consulz, lesquelz estoient inscriptz en vne certaine table: & plusieurs chiens (si en autres lieux de la cité côme aupres la maison de Lepide grand pōtiffe) aboyoyent toute la nuit: d'auátage le fleue du Pau des bordé & espars moult auant oultre ses chantiers acoustumez subitement retourna en arriere, laissant plusieurs serpens à sec: & infiniz poissons pres les bouches du Tibre tomberent en terre ferme: en oultre suruint vne pestilence vniuerselle quasi en toute l'Italie, au moyé dequoy fut determiné que le senat appellé Hostilien fust réediffié, & que le lieu ou auoit esté fait la bataille avec les nauires fust atterré: neátmois ne sembloit que le mal deust finir en ce, especiallement par ce que sacrifiant Iulles au commencement du moys à la déesse Vesta vng certain litteur tōba incontinent tout mort. Pour celles choses & pour ce doncques feirent conseil en telz iours, auquel plusieurs autres oppinerent pour l'une & l'autre partie, mais Cicero parla en ceste maniere.

Signes.

Tremblement de terre.

♣ L'oraison de Cicero contre Anthoine



Es causes pour lesquelles i'ay esté hors la cité avec volûté d'estre absent par long temps, & depuis suis retourné en haste comme celluy qui vous pouoit estre moult vtile, vous (ô senateurs) l'avez entendu par cy deuant, quád en voz presences de ces mesmes choses parlay, ioinct que ie ne pourroye viure soubz la puissance & tyrannie d'aultruy, en laquelle ne me seroit possible, ne gouverner la republicque, ne parler seurement, ne mourir honnestement pour vous, ne encores pouant faire aucune chose condescende demoureroye à le faire (bien qu'en ce me peust arriuer quelque peril) pour autant que ie pése cela estre office d'homme de bien qu'il se conserue aux benefices de la republicque & se garde de mourir sans quelque fruiet, & ne doit laisser aucun dict ou fait opportun pour le salut de la liberté si encores ne se pouoit autrement que par son sang cōseruer. Estât doncques les affaires disposées en ceste maniere, ie & vous auons grand seurté pour l'amytie de Cesar de pouoir prendre bon conseil en plain senat, mais puis que avez determiné que nous nous rassemblissions ensemble en preside, & garde, nous est besoing au iourd'hui dire & faire, de sorte, que donnions ordre es choses presentes & pouruoyons pour l'aduenir, à ce que ne soyons cōtrainctz encores vne autrefois faire deliberation sur icelles. Que noz affaires soyent graues & difficiles, & ayons grand besoing de diligence & sollicitude vous mesmes l'avez demonstré, non par aucun autre moyen, à tout le moins en ce que vous n'eussiez iamais determiné de trouuer la garde pour le senat si il vous eust esté licite conseiller & deliberer selon l'ordre acoustumé, sans aucune suspicion: & est besoing que fassions quelque digne chose pour le respect des gens d'armes cy presens, à ce que n'encourions quelque honte les ayans demandez cōme que tenions aucuns & ne faisant estime aucune de l'affaire presente comme que à nous ne puisse nuire, & nous voyons que en parolles nous ne les auons appelez pour la deffence de la cité contre Anthoine: mais en effect depuis les luy dôna mesmes contre nous comme que soit chose condescende que oultre les autres exercites qu'il rassemble contre nostre liberté & pays, il cōioigne encores ceulx cy: & neantmoins en y à aucuns si impudés & temeraires qu'ilz ont hardiesse dire qu'il ne combat contre la liberté nostre: & ces telz sont ceulx qui vous reputent si folz qu'ilz pensent vous plus tost debuoir attendre à leurs parolles que à ses faitz. Et qui seroit celluy lequel ne considerast les faitz de Anthoine & l'exercite qu'il meine contre noz compagnons, sans commandement, ny du senat, ny du peuple, & les raisons qu'il allegue, & les citez qu'il assiege, & les menasses qu'il fait à nous tous, & les esperances pour lesquelles il entre en telles emprises, & qui voudroit estre cause de la destruction adioustant foy à la fiction de ces complices avec laquelle ilz nous delayment? Ie certainement suis si long que croye cestuy cy faire chose aucune legitime & bonne, que beaucoup cy deuant l'ay iugé vostre ennemy, pour les mesmes choses que maintenant voyons. Premièrement pource qu'il à habandonné

habandonné Macedoine, laquelle luy auoit esté commise par sort : en apres pource qu'il à v'surpé la Gaule, laquelle ne luy appartenoit en riens : & pource qu'il à retiré les exercites que Cesar auoit premierement enuoyez contre les Parthes, le tout ne se voyant aucun éminet peril en Italie : & encores que au temps de son consulat à habandonné la cité & va circonuant & pillant les pays circonuoisins : & combien que au commencement ne vous en aperceussiez, & vne seule meschanceté par luy faicte ne vous despleust, tant plus honneste occasion auiez de luy vouloir mal, Car vous estans telz, neantmoins vous à esté mauuais & iniuste, & encores ne cesse de faire mal : & bien qu'il eüst peu meriter pardon des premieres fautes, toutesfois par sa continuelle malice à procedé si auant que encores de ceulx merite pugnition. Mais vous deuez auoir tresgrand cure & sollicitude, iouxte les affaires presens, voyant & considerant qu'il seroit impossible que celluy qui à faict petite estime de vous en si grandz emprinses volontairement se corrigeast par vne semblable equité & humanité vostre : ains est necessaire que cōtre sa volonté (sinō par cy deuāt) maintenant soit reffrené avec les armes : & si ne le debuez penser moins iniuste, & meriter moindre pugnition, parce qu'en partie vous persuada d'obtenir de vous quelque chose par decret & partie vous contraignit à les conceder : car par le cōtraire plustost il doit plus griefuement estre pugny, pource que voulant faire plusieurs choses iniustes & desraisonnables aucunes d'icelles fait par voz mains mesmes & adopera contre vous la commodité que luy concedastes par force, estans de luy deceuz, par ce que comme se pourroit il croire que vous lesquelz auez osté toutes les seigneuries concedées à Cesar par sort eussiez volontairement concedé à cestuy cy qu'il feist plusieurs donations à ses compaignons & amys, & enuoyast en Macedoine Gay son frere & print de luy mesmes la Gaule avec les exercites lesquelz ne pouoit aucunement adoperer à nostre benefice ? Ne vous souuient il comme il vous ayant trouué en la mort de Cesar tous troublez fait tout ce qu'il luy pleut, partie commençant avec vous superbement & importunément & partie par luy mesme, faisant assez de mal, & le tout par violence. Il doncques v'sa de gens d'armes barbares contre vous. Et qu'est il besoing s'esmerueiller si alors quelque chose fut determinée contre la raison puis que maintenant nous n'auons licence & liberté de faire ou dire aucune chose condescende si nous n'auōs la garde pres de nous ? laquelle si en ce téps eüst esté autour de nous Anthoine n'eüst obtenu aucunes des choses à luy cōcedées, ne depuis estant par icelles augmenté n'eüst faict ce qu'il à. Ne soit doncques aucun qui dye ce estre faict iustement & legitimemēt que luy semblames conceder en pleurant & estās de luy efforcez, pour autant que non es faictz publicques, mais priuez, ce que vng faict, cōtrainct d'autre, ne se dit estre son faict : & neantmoins vous trouuez les choses par vous concedées n'auoir esté grandement hors les termes de raison & de la commune v'sance, par ce que ne faictes chose intol-

lerable, si vng deuoit estre president en Macedoine ou en Gaulle en lieu  
 d'ung autre, & ne feroit trop grief si vng estant consul assemblast les gens  
 d'armes. Mais ces choses sont importables, lesquelles nous maintenant  
 voyons, cest à scauoir que la raison est damnifiée, que les citez de noz con-  
 federez sont assiegées, que noz souldardz sont armez contre nous mes-  
 mes, & que noz deniers soyent despendus contre nous. ce qui n'a esté  
 de vous déterminé, ny les debuez déterminer. Ne permettez doncques  
 pour luy auoir concedé quelque chose qu'il fasse ce que ne luy auez per-  
 mis, ne pensez estre condescant qu'il prenne plus grand licéce que celle que  
 luy auez donnée, ains plus tost la debuez auoir en plus grand hayne & luy  
 imposer plus griefue peine, par ce que ayât en cestes & autres choses receu  
 honneur & humanité de vous, il a vſé voz benefices contre vous mesmes.  
 & le considerez bien maintenât: vous de moy persuadez determinastes que  
 paix & concorde se traictast entre les citadins, & estant commandé à cest  
 Anthoine qu'il fust à telle chose ententif soubz couleur & pretexte de vou-  
 loir ensepulturer Cesar la reduist à telle fin que quasi toute la cité fut brus-  
 lée & plusieurs furent occis. Vous confirmastes tout ce que Cesar auoit  
 donné & ordonné par loy non comme choses qui fussent bien faictes, mais  
 pource qu'il vous sembloit n'estre vtile de faire mutations, affin que eussions  
 à viure sans suspicion ne aucun scrupule. Cestuy cy ayant esté faict inuesti-  
 gateur de telles choses, en deffist plusieurs qui n'auoyent esté ordonnées  
 par Cesar, & assez, en changea, car il osta les pays, les republicques & exem-  
 ptions & autres honneurs à ceulx qui les possedoyent, cest à scauoir à roys,  
 à peuples & à citez & les conceda à qui ne les auoyent receues parauant, le  
 tout contrefaisant les escriptures & ordonnances de Cesar: & ceulx qui ne  
 luy vouloyent donner ce qu'il demandoit, prenoit de ce qui leur auoit  
 esté donné: mais à ceulx desquelz il recepuoit, le leur vendoit: & les choses  
 premieres & maintes autres, & vous ce preuoyans, determinastes apres la  
 mort de Cesar que ne se laissast aucune colonne droicte ou fust escript cho-  
 se aucune donnée par Cesar. Neatmoins depuis vostre decret furent dres-  
 sees plusieurs semblables collomnes pource qu'il disoit estre necessaire que  
 maintes choses trouuées par Cesar fussent diuulgüées & mises à execution.  
 Vous doncques luy cōmandastes cōferer ces telles choses avec les hommes  
 principaulx, mais il ne faifant estime aucune de vous fait tout seul ce que  
 bon luy sembla, tant des loix que des bannis, & des autres choses cy de-  
 uant recitées est tout prest de executer ce que luy commandez, Mais nous  
 dirons qu'en ce seulement il sest porté en ceste maniere. Mais es autres s'il  
 si est porté iustement, ou sont les deniers publicques delaissez par Cesar,  
 lesquelz estoient commis à la cure de cestuy cy: ne furent ilz dissipéz &  
 partie renduz aux vsuriers & partie consomméz en lasciuité & delices,  
 de sorte que de ces deniers n'en scauroit monstrer aucune chose: & nous  
 ayans en hayne le nom de la dictature pour la puissance de ceste dignité, &

Le nom de  
 la dictature  
 hay par les  
 Romains.

pour

pour ce respect l'ayans en tout exclusé de nostre Republicque, cestuy cy ne se la il pas vsurpée, comme celluy qui de foy estoit iniuste, neantmoins soubz le nom de consulat il exerce les œuures & les préeminences du dictateur. Et bien que vous le esleussiez mediateur & gouverneur de la paix, toutefois de son auctorité priuée à suscitè si grand guerre qu'il ne conuenoit ne à esté de vous determinée contre Cesar & Decie, lesquels vous auez approuuez: & pourroys dire choses infinies se ie vouloys racompter vne apres autre toutes celles lesquelles luy commistes à son gouvernement comme à vng consul, & il ne fait riens de ce qui estoit condescant, ains plus tost par vostre licence concedée fait là tout cōtre vous: Recepuez donc sur vous les choses mal faictes par luy, & direz vous auoir esté cause dicelles, comme ceulx qui luy en auez commis l'execution & le gouvernement entre les mains: mais cela seroit vng inconuenient, par ce que si vng esleu cappitaine ou legat ne faisoit aucune chose condescante, neantmoins vous qui les auez enuoyez ne deburiez pourtant estre encoulpez, ioinct que seroit chose indigne que tous ceulx lesquels fussent esleuz à faire quelque acte deussent recepuoir & les honneurs & les vtilitez des biens faictz, mais des meffaietz vous en portiez la peine. A ceste cause n'est besoing que nous attendions à cest Anthoyne, lequel dict, Vous me commistes la Gaule entre les mains, vous me commandastes que ie gouernasse les finances publiques, vous me octroyastes les exercites de Macedoine: & véritablement toutes ces choses luy furent concedées par decret si decret se peult appeller: neantmoins est necessaire que pour ceste cause mesme il soit pugny, car vous fustes par luy contrainctz à faire tel decret: mais vous ne determinastes toutefois la reduction des bannis, ne que les loix fussent transformées, ny que les republicques & exéptions fussent vendues, ne que les biens publics fussent desfrobez, ne que les confederes nostres fussent spoliez, ny que les citez fussent endommaigées, ny onc luy concedastes qu'il s'efforcast de tyranniser nostre pays: ioinct que bien qu'ayez fait plusieurs decretz, iamais toutefois n'en feistes vng semblable: mais par le contraire si quelqu'ung s'est trouué qui ait tempté de se faire tyrant vous l'auiez pugny le plus estroitement qu'il vous à esté possible, comme encores vous pugnirez cestuy cy si voudrez croire, consideré que non seulement il à esté tel en ces choses concedées, mais vniuersellement en toutes celles qu'il à administrées au nom de la Republicque: & pource volontairement me deporteray racompter sa vie priuée & les incōtinées & les auarices priuées, non que ie n'en peusse reciter vne bonne quantité, mais certes pource que i'ay hôte d'en parler, especiallement deuant vous qui les scauez comme moy. En quelle maniere il disposa son enfance & comme il fit publique son adolescence, les concubines ocultes, & les putains manifestes, ce qu'il estoit patient ainsi qu'il arriuoit, ce qu'il faisoit comme il pouoit, les conuiz & les autres choses qui sensuyent apres les predictes, pour autant qu'il est impossible que vng homme nourry

en si grand turpitude & impudence n'aye maculée toute sa vie, par quoy des choses priuées à transférer de la luxure & l'auarice aux publicques. le doncques ne m'estaindray à reciter telles choses ineptes, son allée en Egypte avec Gabin & sa fuyté d'avec Cesar en Gaule, à ce que aucú ne dye ie inuestiguer ces telles choses trop diligemment: d'auantaige i'ay honte de vous mesmes, lesquels congnoissans cestuy cy auoir esté tel homme, neantmoins l'avez fait tribun & capitaine & encores depuis consul: mais ce qu'il à fait incontinet & iniurieusement en ces magistratz, ie maintenant le reciteray. Cestuy cy estant tribun du tiers estat, premieremét vous empescha que disposissiez par bon moyen l'estat alors present, criant & seul resistát à la paix cõmune de la cité: depuis vous l'ayás eu à mal & pour son respect déterminé ce que déterminastes il delaisant le magistrat s'en fuyt hors la cité auquel n'estoit licite selon les loix par vne nuict demourer hors icelle, & ayant recours aux armes de Cesar le reduist en ceste cité & nous dechassa de Romme & de toute l'Italie, si que en peu de temps il fut cause de toutes les batailles ciuiles, ensemble de tout ce qui s'en ensuyuit depuis, ioinct que s'il n'eust esté alors cõtraire à noz voluntez, ce Cesar n'eust iamais eu occasion de prendre les armes contre nous: & si encores sans vergongne il eust assemblé quelque noble puissance contre noz decretz nous avec les armes ou volontairemét ou contre sa volunté l'eussions pacifié, mais il fut celluy qui dõna à Cesar l'occasion de la guerre & qui deslia la dignité du senat & augmenta l'audace des gens d'armes: cest celluy qui espendit la semence de tous les maux qui depuis arriuerent: cestuy cy est le commun dampnificateur, non seulement de nous, mais de tout le monde comme les dieux mesmes en demonstrent les signes, pour autant que quand il exposoit ses si admirables loix tout l'air estoit plain de tonnoirres & de fouldre, desquelles choses ne faisoit aucun compte, combien qu'il fust dit estre mauuais augures comme i'ay dit non seulement à la cité, mais à toute Italie de maux infinis. En apres qu'est il besoing que ie dye comme il fut preffect des cheualliers par tout l'an entier (chose non iamais aduenue?) Et pourquoy diray ie comme il entre vous viuoit intemperément & en la conuocation du peuple au tribunal mesme, duquel il faisoit les oraisons vomissoit la crapule? Et pourquoy diray ie comme cestuy cy menant avec luy des putains, concubines, bastelleurs non hommes seulement, mais encores femmes, avec des litteurs qui portoyent le l'aurier enuironnoit toute Italie? & pourquoy diray ie, que cestuy cy seul eut la hardiesse de achepter le bien de Pompée n'ayant aucun esgard ne à sa dignité ne à la memoire de l'autre, ains avec delectation dissipant ses biens pour lesquels iusques à present nous lamentions, parce qu'il tant contre les biens de Pompée que contre plusieurs autres fut insulté comme qu'il ne feust pour debuoir rendre raison d'iceulx, toutefois fut contrainct par force à la rédre tant fut desprisé par Cesar mesmes:

&amp;

& toutes les choses qu'il acquist q furent plusieurs & diuerses, & ce qu'il peut recouurer par diuers moyés tout cōsomma en ieux & en paillardes, & furent deuorez par luy cōme par vng autre Carybde. Et cōment pourroit lō taire les iniures faictes à la republicque, & les homicides cōmis par toute la cité? Ne vous souuient il plus comment il estoit graue & terrible en son aspect seulement, & plus moleste encores en ses faictz? Lequel (ô dieux terrestes & celestes) eut hardyeffe en ce lieu au dedás des murailles en la place au Senat & au capitolle se vestir de robe de pourpre, & de se ceindre l'espée, & de mener avecq luy licteurs & hommes d'armes pour massiers. Depuis il pouant ceder & pacifier les tumultes des autres, non seulement ne le fait, ains meit discord entre vous qui estiez en concorde, partie par luy & partie par le moyen d'autres atiltrez, & ceulx la mesmes adioinctz avecq luy: & s'estant leué avec eulx fut cause que maintz d'entre eulx eussent esté mis à mort. Et fut encores cause que ne feussent prins tous les lieux de Pont & de Parthe alors ayant esté vaincu Pharnaces, par ce que Cesar depuis qu'il fut contrainct incontinct retourner icy, ne acheua aucune des choses qu'il eust peu mettre à fin: & pour ce cestuy cy ne deuint de riens plus moleste, Mais estât consul (ô Senateurs) il s'en vint en la place nud & frotté d'unguentz soubz couleur des festes appellées Licées, & illec avecques des litteurs s'en alla au tribunal & du bas fait vne oraison au peuple (chose que depuis la construction de Romme iamais n'auoit esté veue faire, ie ne dys à vng consul, mais encores ne à vng Preffect, ne à vng Tribun, ny à Edille) cestoyent les festes Licées qui auoyent esté ordonnées es ieux socialx de Iuillet, esquelz auoyent esté ordonnez par Sexte Claude deux mil ingeres à luy donnez en la terre des Leontins. Mais toy (ô bon homme) estoys consul (à ce que ie parle à toy comme present) ne te estoit licite en la place pres le Tribunal, nous presens, parler en telle maniere, affin que peussions veoir ton admirable corps charnu, à ce que ouyssions ton inicque voix & meschante, laquelle proferoit choses si ennuyeuses, par ce que de ta bouche plus tost veulx en ceste maniere que autrement parler, Et les festes Licées ne furent celebrées avec deue religion, & tu feiz honte à toute la cité. A ce que ie ne fasse aucune mention de ce qui alors fut dit, & qui ne congnoist que la dignité de consulat est publicque à tout le peuple, & quest besoing garder en tous lieux la grauité à icelle condescende, & en nulle partie se desnuer & recepuoir aucune vergongne. Mais peult estre que cestuy cy à imité cest anticque Horace, & ceste anticque Clelie, laquelle ayant vestuz tous ses habillemens noua oultre le fleue, & Horace avecq toutes ses armes se gecta dans le fleue. Certainement seroit chose condigne de dresser encores vne statue en la louenge de cestuy cy, lequel fut veu nud en la place comme se veid Orace armé dedans le Tybre: & ceulx la avecques leurs oeuvres se fauluerent & se feirent liberaes, mais cestuy cy à l'opposite tant que luy fut possible nous osta la liberté, & ruyna tout l'estat

populaire, & pour vng Consul nous donna vng seigneur, & en lieu de Dictateur nous feit vng tyrant: ioinct qu'il vous souuient assez de ce qu'il dist pres le tribunal, & de ce qu'il feit apres estre monté sur icelluy, & ayant eu hardyelle luy qui estoit cōsul & Romain de appeller vng autre roy des Romains, & ce dans le tribunal present tout le peuple & le Senat, & d'auantage luy mettre le diademe sur le chef, & mentir cōtre vous tous qui estiez presens, disant que nous luy auions cōmis qu'il feist & dist toutes ces telles choses qu'il n'auroit audace de faire. Quelle chose est si graue de laquelle il s'abstint? Nous Anrhoine nous te auons commadé telles choses: nous dist, que dechassions les Tarquins, que aymasmes Brute, que precipitasmes Capitolin, que occismes Spurie. Te cōmismes no<sup>9</sup> que tu saluasses aucū pour roy lesquelz auons en horreur seulement le nom, & pour ce regard auons encores blasphemée & mauidicte la dictature? Te commandasmes nous que tu esleusses aucū pour tyrāt. nous (dy ie) qui dechassasmes Pirthus de Italie, & poursuiuasmes Anthiocus outre le mont Thaurès, & deliurasmes Macedoine de tyrannie: non par les fasses de Valere, non par la loy de Portian: non par la iambe de Orace, non par la main de Mutie, non par l'haſte de Detie & par l'espée de Brutus: mais toy (ô tresmauuais) prioys & suppliois que tu fusses serf comme Posthume à ce que fuisse donné aux Sannites cōme reguliers, affin que fuisse rédu aux Carthaginiēs cōme Curtien, & à ce que tu fusses englouty de la terre. Et ou as tu trouué cela en escript comme encores que les Cadiotz fussent liberes depuis le magistrat de Brutus lesquelz nous ordōnasmes que fussent subiectz depuis la mort de Cesar? Vous doncques (ô senateurs) ayans congneu en telz & si grans faictz le tresmauuais courage de cestuy cy ne le pugnerez vous? mais voulez vous attendre de prouuer en effect ce qu'il fera armé cōtre vous, lequel vous nuyt tout nud? Et pensez vous qu'il ne desire de se faire tyrant pour ce qu'il n'espere d'y pouoir paruenir & qu'il soit iamais pour deuoir laisser l'esperāce de la monarchie par laquelle ayāt dict & faict tāt de choses ne fut onc pugny? Et q est celluy ayāt seulement la langue en sa puissance & avec icelle aydant vng autre qui ne se aydast plus tost soy mesme s'il pouoit? Et qui est celluy lequel ayāt encores audace de vouloir cōstruire vng tyrant sur luy & son pays, ne voulust plus tost se le faire soy mesmes? Parquoy encores que alors luy ayez pardonné, maintenant le deuez auoir en plus grand haine: & ne demourer vainement pour vouloir entēdre ce qu'il voudra faire si les aduētures luy sont prosperes, ains plus tost pouruoyez que ne sousteniez aucū ennuy pour les choses qu'il a ose faire. Et veritablemēt lon diroit que Cesar feit droictemēt quand il ne voulut accepter le nom & la courōne royale. Nous ne dirons dōcques que cestuy cy luy offrit iniustemēt ce qui ne pleut encores à Cesar, mais en ce pecha Cesar, lequel au commēcemēt il supporta oyant & voyant ces telles choses. Si dōcques cestuy la pour telles factiōs fut occis, comme ne merite cestuy d'estre pugny lequel demōstre de se vouloir faire tyrāt? & se est manifesté

manifeste, partie pour les choses ia dictes, & partie se comprennent tresclerement par ce qu'il fait depuis, car que par quelle autre cause pouant seurement viure en paix s'efforça il de conturber & mettre confusion en tous les affaires? Et pourquoy pouant demourer en son hostel sans aucun peril à il esleu d'estre capitaine des exercites & des batailles? & se trouuant plusieurs lesquels ne veulēt sortir hors des magistratz qui leur ont esté cōmis pour ceste cause que cestuy non seulement se attribue la Gaule qui ne luy appartient en rien, mais encores par force se l'approprie. Et ayāt Decius Brutus restituez & les exercites & les citez & soy mesme, par quelle occasion cestuy cy non seulement ne l'a voulu imiter, mais en oultre l'assiege il l'ayant ferré de tous costez? Ne se peut nyer que ces & autres choses ne soyēt appareillées & ordonnées contre nous. Et n'est ce vng vitupere que noz antecessours lesquels estoient nez en seruitude desirerent de se faire liberaes, mais nous qui sommes nourris en equalite de loy, maintenant volontairement vueillions seruir, & que moult volontiers soyons deliurez de la monarchie de Cesar? cōbien que de luy eussions receu maintz benefices, & vueillons de nostre libre volonté eslire Anthoine pour seigneur, lequel est de tant pire que Cesar de quant bien qu'il fust tousiours vainqueur es batailles neantmoins pardōna à plusieurs: mais cestuy cy auant qu'il eust aucun pouoir occist trois cens hommes d'armes, & entre eulx aucuns Centurions qui n'auoyent aucunement failly: & ce feist en sa propre maison & en la presence de sa femme cōme qu'il la desirast encores rassasier de sang humain. Et depuis qu'il a esté si cruel contre ceulx ausquelz pour lors se deuoit montrer beniuole, pensez de quelle cruaulté il vsfera en nostre endroit si d'adventure il obtient la victoire. Et celluy lequel iusques à present à vescu en si grand turpitude, depuis qu'il aura prins plus grand puissance pour les armes, quelle insolence est pour arriuer, pensez le. N'attendez doncques que depuis qu'aurez soustenu telz ennuyes vous ayez à repentir, ains plus tost donnez vous garde deuant, car c'est chose non honneste que vng pouant preoccuper les inconueniens futurs, apres qu'ilz sont venuz, alors les penser. Et vous donnez garde que par negligence & mespris des choses presentes vous n'ayez besoing d'ung autre Brute, & Cassie, ioinct que seroit chose digne de derision que vous pouans vous mesmes secourir, apres recherchiez qui vous remette en liberte: lesquels encores peult estre ne pourrons trouuer, espécialement si en ce temps gouuernons ainsi que faisons. Car qui seroit celluy lequel particulierement se voulust mettre à peril pour l'estat populaire vous voyant publicquement estre disposez & appareillez à seruitude? Et desia a chascun est manifeste que Anthoine ne fera iamais fin a ces choses, mais peu a peu es affaires petitz & remotz il se fait grand contre nous, Pour autant que non par nulle autre occasion ne fait guerre contre Brute & assiege Modenne, sinon à ce que depuis qu'il l'aura vaincu & prins la cité il appareille la guerre contre nous, Ioinct que icelluy n'a esté offense, & qu'il

Trois cens  
hommes cru  
ellemēt mis  
a mort.

qu'il n'a receu aucune iniure de ceulx la de laquelle il puisse dire se vouloir venger. Nous ne deuous croire qu'il desire de conquerir leurs biens, & que volontairement il s'abstiendra des nostres qui sont beaucoup plus grás. Attendons dōcques qu'il, ayant prins ces biens & autres, se face puissant & inuincible, & adioustons foy à luy, qui est vng trompeur, & lequel dit ne faire guerre à la cité. Et qui est celluy si fol qui considere plus tost par les parolles que par les faictz cestuy la qui nous faict guerre ou non? adueni que non de cest heure premierement l'ay iugé ennemy, car il s'en est fuy de la cité, & est allé avec l'exercite contre noz compagnons, & à assailly Brute, & assiegé la cité. Mais beaucoup parauant le cōgnoissez auoir mauuaise volonté enuers nous quand viuant Cesar & depuis sa mort il feit maintz actes iniustes & inicques, par lesquelz ie le cōprins estre ényemy & insidiateur de la republicque & nostre liberté: car qui auroit esté celluy qui aymast la republicque & le pays, ou eust en haine la tyránie, qui eust faict vng de telz actes seulement, desquelz, diuers & plusieurs il a faictz? pour lesquelz long temps au parauant & pour plusieurs causes cestuy cy fut repproué comme ennemy de la Republicque. Mais le faict gist en ce, que si nous faisons hastiuement végeance de luy, nous recouurons tout ce que nous auons perdu: si desprisans de ce faire voulons attendre qu'il apertement confesse de nous mettre les insidiations, serons comment que soit deceuz, par ce que encores quand il s'approchera de la cité ne se demōstrera ne fera comme feit Marius Cinna, & Silla: & depuis qu'il aura la puissance entre les mains ne delaissera à faire aucune cruauté de celles que ceulx la firét: ou quil sera encores plus cruel, par ce que ceulx qui desirét mettre à fin quelque chose ont acoustumé d'estre diuers en leurs parolles & en leurs faictz, consideré qu'ilz faignent toutes choses pour paruenir à leurs intentions: mais depuis qu'ilz y sont paruenuz, ne s'abstiennét aucunement de acomplir leur desir. Et d'auatage ceulx qui sont posterieurs tousiours s'efforcent de suraduancer l'audace de leurs antecessors, pensans que le semblable soit peu de chose pour au parauant auoir esté commis: & eslisans ce qui est inuité comme soit digne d'eulx, pour estre oultre l'attente & opinion des hōmes. Ce voyans (ô Senateurs) ne tardons plus, ny ne nous laissons plus deceuoir par ceste presente paresse, ains plus tost pouruoyons pour nostre seurte future. Et comment n'est ce nostre vitupere que Cesar lequel peu auat estoit vng ieune enfant, & peu de temps y à qu'il fut ascript entre les adolescens, aye si grand cure & prouidence de la Republicque, en maniere qu'il despende ses facultez & deniers pour le salut d'icelle, & assemble gens d'armes, mais nous ne faisons aucune chose oportune, & ne determinions de luy vouloir donner secours? combien que nous ayons par experience congneu sa beniuolence enuere nous. Car qui est si grossier d'entendement qui ne congnoisse que si Cesar ne feust icy venu avecques les gens d'armes de Champagne, Anthoine eust couru avecques tout l'exercite plus impetueusement que vng torrent contre la cité. & certai

nement est chose indigne que ceulx lesquelz antiquement ont esté es batailles de leur volonté se offrent maintenant pour nostre salut, n'ayans esgard ny à l'aage ny aux playes que desia ont receuz par nous, & que seulement ne vueillons confirmer ceste guerre, laquelle desia de leur propre volonté ont esleue: mais sommes de tant pires que eulx, de quant nous louons les souldardz lesquelz ont mesprisé la gendarmerie de Anthoine & se sont partis d'auec luy, cōbien qu'il soit consul, se adhérâtz à Cesar, cest assauoir à nous, soubz luy. Et ce que nous disons il auoir fait iustemēt, neantmoins ne voulons approuer par decret: & toutefois auōs remercyé Brutus, pource que au commencement il ne voulut recevoir Anthoine en Gaule, & maintenant qu'il luy est venu courir sus avec l'exercite & le repoulse en arriere pourquoy ne faisons nous encor le semblable? Pourquoy ne imitōs nous les autres lesquelz nous louons qu'ilz facent iustement? Et certainement est necessaire de deux choses, l'une assauoir que tous ceulx cy (i'entendz Cesar, Brutus & les anciens souldardz) soyent de vous iugez auoir inenez les exercites iniustement, & pour ce deuoir estre pugniz, consideré que sans aucū vostre decret les hommes d'armes ont eu hardyesse, aucuns de habandonner leur cappitaine qui estoit consul, & aucuns de s'assembler & mouoir guerre contre luy: ou que Anthoine soit cōfiriné estre nostre ennemy, & ce par ses œuures & par iugement nostre, & se deuoir pugnir par commune sentence de nous tous. Et que ceste deliberation non seulement soit plus iuste, mais encores plus vtile à nous, nul est icy qui ne le congnoisse, Pour autant que Anthoine mesmes ne se scet gouverner ne vser des choses presentes: & ne seroit possible autremēt: car il estant homme viuāt en ieux & delices, & n'a pres de luy aucun homme digne d'estime, par ce que seulement il ayne ceulx qu'il congnoist ses semblables, & les tient pour participans & communicateurs des choses secretes & non secretes. Et cestuy cy mesmes es grans perilz & dangiers est trescraintif & tres infidele à ceulx encores qui luy sont tresamys, nulle desquelles deux choses ayde à vng capitaine de gens d'armes. Et qui est celluy qui ne faiche comme cestuy cy (bien qu'il aye suscitē toutes les batailles ciuiles) demoura par long tēps de paour dedans Brandis: en maniere que peu s'en faillut que Cesar habádonné ne fust deffaict, & depuis se eslongna de toutes les batailles qui s'ensuyuirent cōtre les Egyptiēs, cōtre Pharnaces, en Affricque & en Espagne. Et qui ne scet cōment cestuy cy s'estant fait amy Claudius, & ayāt son tribunal en tous ses propres affaires, depuis l'eust occis si ie luy eusse voulu assentir: & ayāt esté Questeur de Cesar en Espagne & p luy mis au tribunal cōtre l'opiniō de chascū, & depuis ayāt receu de luy infinies sōmes de deniers, & hōneurs supremes, chercha de luy mettre en volonté qu'il se feist tyrāt, à ce que pour ceste occasion il fust destruit. Et ia il me meit sus que i'auoys persuadé les persecuteurs de Cesar de faire ce quilz firent, tant est fol qu'il ne se doubte me imposer si grād louenge: mais ie dy bien qu'il n'a occis avec ses ppres mains Cesar, nō qu'il ne le voulust,

Anthoine  
accute de  
la mort de  
Cesar. m

mais pource q̄l n'eut la hardyesse, neátmoin̄s avec ses oeuvres à esté cause de sa mort, par ce qu'il à esté celluy qui à fait̄ que Cesar soit estimé meritéemēt auoir esté occis. Il à esté celluy qui l'appella par nom, roy, & qui luy donna la couronne: celluy qui le calumnia enuers ceulx qui parauant eltoyent ses amys: & me resiouyffois de la mort de Cesar par laquelle n'ay receu autre chose que liberté, Mais Anthoine non: lequel à dissipé tout son bien & fait̄ plusieurs maulx soubz couleur des escriptures & ordonnâces de Cesar, & finalement lequel s'attéd succeder en sa puissance. Mais ie retourne à ce que ie disoys parauát, assauoir qu'il n'a en soy aucune chose digne de capitaine victorieux, & est priué des elephans, ny ne possede grád exercite, ioinct̄ que la plus grand partie & des meilleurs hōmes l'ont habádonné, & que ceulx qui luy sont demourez sont plus acoustumez à piller & desrober leurs compaignons que à faire batailles: & le tesinoignage des coustumes, auós ce, que encores adherent à cestuy cy, Mais le signe de sa foiblesse est cestuy, que ayant tenu le siege si long temps deuant Modenne, ne l'ont peu prendre. Anthoine dōcques & ses cōpaignons sont telz. Mais Cesar, & Brutus, ensemble leurs souldardz sont trescruelz, ioinct̄ encores que Cesar à retiré a luy plusieurs gens d'armes de cest Anthoine: & Brutus, le prohibe de la Gaule. Si dōcques vous les secourez premieremēt les louans de ce qu'ilz ont ia fait̄ se cōcordans ensemble, & en oultre cōfirmát & approuuant tous leurs fait̄z & leur donnát pour l'aduenir vne licéce par voz decretz, & apres en enuoyát tous les deux consulz a la bataille, croyez moy hardyement, qu'il ne sera aucū de ceulx qui sont avec Anthoine qui luy dōnent secours: & bien qu'ilz perferent avec luy, touteffois ne pourrót resister cōtre tous les autres, & il volontairement depuis qu'aura entédu vous auoir fait̄ tel decret se desmettra des armes & se mettra entre voz mains: ou bien cōtre sa volonté en la premiere bataille sera prins. Je ô Senateurs, vous donne tel conseil, si i'estois consul ie ferois ce que feiz cōtre Catilina & Lentulus, lequel estoit parent de cestuy cy quand ilz prindrent les armes contre vous. Et s'il y auoit aucun d'entre vous qui pése ie auoir bien dit, touteffois que parauát soyent enuoyez ambassadeurs à Anthoine & apres qu'aurót cōgneu sō courage si volútairemēt se voudra desister des armes & se mettre entre noz mains, que nous le laissons en paix: mais si d'aduéture il perseuere en sa premiere opinion, que luy denōcions la bataille. Tel party semble estre condescant & hōneste & sont plusieurs ausquelz moult plairoit, mais en effect si vous le eslisez, la cité sera en tresgrand peril. Et cōment ne seroit ce chose moult vituperable que vō eussiez volúté vser de messaigers & ambassadeurs avecq̄ voz citadins? A estrágers est necessaire premieremēt vser de telle ceremonie, mais les citadins q̄ ont cōmis delict̄ cōtre leur republicque & leur pays se doiúēt pugnir ou par iugemēt s'ilz se soubzmettent aux batailles, ou p̄ les armes s'ilz veulent combatre, ioinct̄ que tous ceulx cy sont voz serfz & du peuple & des loix vueillét ou non, & n'est besoing les flater ne traicter cōme hōmes libe-

res ains plus tost comme serfiz fugitifs des deuoins pour suyure & pugnir. Et comme n'est ce chose indigne qu'il n'a aucun esgard à nous faire iniure, & demourions en paix sans en faire vengeance? & qu'il ayant desia par si long temps les armes entre les mains, face & exerce toutes les necessitez de bataille, & que nous consumons temps à luy enuoyer messaigers & ambassadeurs, & qu'ayons affaire avec syllabes & parolles seulement avec celluy lequel l'og temps au parauant ayôs compris en fait nous estre calumiateur & iniurieux? & comment pourroit ce estre puis qu'il est procedé si auant que de resenauant ne pourroit viure avec nous ciuilement en liberté consideré que si du commencement ce eust esté son intention de viure esgallemēt, il n'eust tenté telles choses: & si par ignorance ou temerité toute fois: auoit failly, incontinent de soy mesmes s'en fust retiré, mais maintenant que vne fois il s'est osté de la Republicque & des loix & par ce à acquis puissance & licence ne seroit possible que volontairement s'en desistast & feist estime aucune de voz decretz. Doncques est necessaire qu'avec les armes propres avec lesquelles il a osé nous iniurier il soit pugny, & maintenant vous souuienne de ce que ia luy mesmes à vng propos dist, qu'il ne seroit possible que fussiez fauluez si n'obtenez la victoire. Ceulx la d'ocques qui veulent que enuoyez ambassadeurs ne cherchént autre chose sinon à vous retarder & pour ce noz compaignons soyent plus paresseux & negligens & qu'il ce pendant face ce qu'il vouldra à son aise, & dechasse Decius prenant Modenne par assiegement & occupe toute la Gauld, en sorte qu'apres ne saichons ce que deuoins determiner, ains soyons contrainctz nous soubzmettre & luy faire la reuerence. Et au regard de luy enuoyer ambassadeurs ne diray autre chose sinon ceste, que Anthoine mesme de ce qui s'entend faire ne nous en a fait à scauoir aucune chose, au moyé de quoy deuez faire le semblable: & de rechief vo<sup>9</sup> conseille que ne tardiez à luy inuouir guerre, considerant que la plus grand partie des affaires se reduisent à bonne fin plus par l'oportunité du temps que par la puissance, & debuez penser que iamais ne vous persuaderoy la guerre & dissuaderoy la paix en laquelle i'ay acquis gloire & richesses (bien que veritablement pour ceste heure ne se peut appeller paix) si ie ne connoissois cela estre vostre salut & proffit: & à toy Caléne & à tous les autres qui te sont semblables en courage vo<sup>9</sup> cōseille que laissez au Senat sans aucun trouble determiner ce qui est necessaire, & que ne vueillez pour particuliere amytié qu'ayez avec Anthoine trahyr l'utilité publique, & ie (ô Senateurs) suis de tel couraige que si vous me voulez croire ie recepuray avecq vous le fruit de la liberté publique: mais si vous faictes autre decret, ie esli-ray plus tost la mort que la vie, pour autāt que nul temps ay esté pour crainte de la mort que n'aye tousiours parlé liberéement, dont par plusieurs fois ay esté moult loué: & en tesmoing de ce vous determinastes par decret publique, que se feissent festes & sacrifices aux dieux, pource que ie feiz pendant le temps de mon consulat chose non iamais concedée à aucun  
autre

autre qu'il n'eust obtenu quelque noble fait en bataille. Mais maintenant beaucoup moins craindroys de parler, car la mort ne me viendrait auant le temps estans desia passez tous les ans depuis mon consulat: & croy qu'encores à present soyez records de ce que ie vous dictz au consulat que vous attendissiez en moy en toutes choses cōme à celluy qui desprifast entieremēt la mort. Mais tresgriefue chose me seroit que ie feusse contrainct craindre quelqu'ung vostre ennemy & seruir vng autre, ensemble vous, parquoy ie reciteray ceste estre vne calamité & destructiō non seulemēt du corps mais de l'amē & de la gloire p laquelle seule nō<sup>9</sup> puissios deuenir imortelz: mais mourir faisant ou disant quelque chose pour vous, ie repute estre vne autre immortalité: Et si Anthoine auoit telle intelligence, ne fust procedé à si grād erreur, ains plus tost auroit voulu mourir comme fait son ayeul, que imiter Cinna, le quel le fait occir, ioinct que il mesme Cinna, ensemble plusieurs autres bien tost apres fut taillé en pieces, tāt pour ce, que autres meffaitz par luy commis. A ceste cause ie m'esmerueille assez de Anthoine, que entendāt les œures de Cinna, il ne crainct de tomber en semblable ruine: & bien que son ayeul luy aye laissē quelque reputation, neantmoins cestuy cy ne merite d'estre sauué pour respect de ses parēs, n'ayāt imité ne l'ayeul, ne son pere, des biens duquel il a esté heritier. Et qui est celluy qui ne saiche commēt cestuy au temps de Cesar & depuis sa mort r'appella & reduist plusieurs banniz, & ne voulut secourir son oncle: mais Lentulus son compaignō de ieu restitua en la cité, & ayme Bambalion qui par le nom seul est fameux: ses parens estroictz il traicte ainsi que vous scauez cōme qu'il soit courroucé cōtre eulx pource qu'ilz l'ont engendré de telle nature. Des biens dōcques de ses predecesseurs il n'a esté heritier, mais vsurpe ceulx des autres lesquelz il ne veit ne congneut oncques, & aucuns qui encores viuēt à desrobez & spoliez, en telle maniere qu'ilz ne sont differentz aux hommes mortz.

Bambaliō.

# Le Quarantefixiesme liure

DE DYON, HISTORIEN GREC,

Traduict d'Italien en Francois.

Au present liure est traicté comment Calenne contredist à Cicero pour Anthoine, & comment Anthoine fût vaincu par Cesar & les consulz, pres Modenne, & comment Cesar vint à Rome & fut crée consul.



Comment Calenne contredist à Cicero pour Anthoine.  
Chapitre L X.

**A**

Yant Cicero paracheué son dire, Calenne Ruffe se leua en piedz, & parla en ceste maniere: Le n'auoys determiné de deffendre Anthoine, ny autrement contredire à Cicero, ioinct que ie n'estime estre conuenable faire aucune de ces deux choses en semblable congregation comme est la presente, ains plustost que l'homme doieue demonstrier ce qui luy semble, par ce que le defendre & le cõtredire se cõuient moult es causes iudicialles, mais declairer l'oppinion propre & cõdescente ou se cõsulte & delibere: toute ssois puis que cestuy cy pour l'inimytie qu'il à cõtore Anthoine, l'a calunié de parolles (bien qu'il eust deu plustost s'il cõgnoissoit quelque p i meffaict

Calenne  
Ruffe cõtore  
Cicero.

meffait d'icelluy le vous denoncer : & oultre ce m'a nommé avec calumnie comme qu'il ne peult autrement demonstrier son eloquence sinon blasfant autruy, reputé estre mo' office qu'en partie ie respôde à ses obiectz & ptie luy oppose au contraire, à ce que la propre audace n'ayant qui luy responde, & mon taire, comme que ie me sente coupable, ne luy soit vtile. & encores à ce que vous deceuptz par ses parolles ne preniez entre vous mauuais conseil voulans eslire son yre contre Anthoine au lieu de l'utilité de la Republicque, ioinct que cestuy cy n'entend faire autre chose sinon que nous delaisans la cure de la Republicque prenions discord entre nous: pour autant que ceste n'est la premiere fois, ains des le commencement qu'il se mesla du fait public, incontinent commença à reuolter toutes choses. Et n'est ce pas cestuy cy celluy qui meit Cesar aux armes cõtre Pompée, & empescha que depuis ne se reconciliaissent ensemble? & vous persuada faire determination de ce cõtre Anthoine dont Cesar se cõmeut: & n'est ce cestuy cy celluy qui persuada à Põpée d'habádonner Italie & se retira en Macedoyne? (chose qui fut occasion de tout ce qui depuis arriua) n'est cestuy cy celluy lequel occist Claudius par les mains de Milon? & Cesar par celles de Brutus? & qui fut cause de la destruction de Catiline? & fait mourir Lentulus sans iugemét? parquoy ie m'esmeruilleroyz grádemt de vous si vous estans desia repentis de telles choses, & l'ayans pour icelles pugny, maintenant assentiez aux dictz & faitz de cestuy cy? & voyez vous que depuis la mort de Cesar quand les choses furét appaisées par le moyen de Anthoine, cõme il encores ne peult nyer, il s'en partit de la cité comme quasi que la concorde vostre luy fust contraire & ennemye? mais depuis qu'il entedit vne autrefois les affaires estre troublez, il delaisa Athenes & son filz & s'en retourna à Rome & maintenant dit vilennie & fait iniure à Anthoine auquel parauant simuloit d'estre beniuole, & fauorise à Cesar le pere duquel il fait occir, & s'il peult ne sera long teps qu'il encores ne luy dresse mutinerie, ioinct que naturellement est seditieux & infidele, n'a aucune stabilité en son couraige, & tousiours cõfirme & reuolte toutes choses, & au destroiect ou il se treuve, tousiours à plusieurs voyes de se sauluer, au moyé dequoy est nommé fugitif, & pése estre chose iuridicque que vous iugiez tous les amys & ennemys qu'il vo' cõmande. A ceste cause dócques gardez vous de cest hõme, car cest vng encháteur & vng magicien & qui augmente ses richesses des biens d'altruy accusant & deseirant ceulx qui encores ne luy font iniure ainsi que fait vng chien: mais en la commune concorde il s'aprouist & se consume, par ce que la beniuolence & concorde nostre ne peult nourrir vng si grand orateur. Doncques ne pensez qu'il soit autrement deuenu riche que par les discordz, consideré que son pere lequel estoit folon & tousiours besongnoit es vignes & es oliuiers ne luy a laissé ne gentillesse ne richesse auquel suffise viure de telz misereres: & chascú iour & nuict fait emprises de tresvilaines choses esquelles estant cestuy cy nourry, n'est merueilles s'il bat & laue le chief avec vilanies

lennies à meilleurs que luy comme qu'il perseuere en l'exercite de son pere. Toy estant donc tel & releué nud entre les nudz, & vité à recueillir les imundices des brebis & des pourceaulx & les estroncz, as eu hardiesse (ô homme tresmeschant) premierement d'encoulper la beaulté de Anthoine, lequel eut en son ieune aage maîtres & pedagogues ainsi que requeroit sa stirpe: d'auantaige de l'accuser qu'il faisant les festes Licées selon nostre vsance s'en vint nud en la place: mais dis moy toy homme que pour l'art que vsoit ton pere tousiours as vestu les vestemés des autres, & tousiours as esté despouillé de ceulx lesquelz te rencontrans les reconnoissoyent. que debuoit faire vng homme lequel non seulement estoit prestre, ains prince des prestres: ne debuoit il enuoyer la pompe & celebrer la feste sacrifiant selon l'usance & coustume nostre & se mettre nud & se ceindre? Mais cestuy cy dira ie ne reprens ces cerimonies, ains seulement ce que luy estant nud en la place il osa faire. Certes en la fosse à folon de son pere cestuy cy à apprins toutes les bones coustumes par lesquelles il congnoist quel soit le vray peché ou non, & le faiche respandre iustement: & ie pour telz & semblables faitz respondray apres ce qui sera besoing: mais pour maintenant luy veulx demander aucunes choses. N'es tu pas nourry es maulx d'aultruy? n'es tu enseigné es miseres des autres? & pour ceste occasion en toy n'est aucune discipline d'homme libere: & te faisant en ce lieu autour de toy vne congregation tousiours attendant quelqu'ung qui te ayde & ayant tousiours vng tas deputez messaigers, vas inuostiguant qui a fait iniure ou a semblé faire iniure, qui hayse ou qui soit hay, & qui appareille seditions: desquelles telles choses te fais grand & te nourris voyant tousiours les esperances fortuites & caufalles, & corrompant les sentences des iuges, & pensant celluy te estre plus amy qui plus te donne, & ayant pour ennemys ceulx qui ne font questions & querelles ou prennent autres aduocatz, & demonstrent ne congnoistre ceulx qui desia sont entre tes mains, ains ceulx qui viennent nouvellement riant & leur faisant chere en la maniere d'ung hoste: & de quant il eust esté meilleur que tu fusses esté vng autre Bambalió qu'auoir esleu telle vie, en laquelle est necessaire ou vendre la deffence de iustice. ou maintenir la iustice, & encores ne scez bien faire cest exercice (bien que ayés demouré trois ans en Athenes) car tousiours tu viens tremblant en iugement comme que tu deusses combatre avec les armes, & depuis que tu as dit quelque chose basse & morte t'en voys, par ce qu'il ne te souuient plus de ce que premierement as premedité en ton hostel, & encores ne scez dire aucune chose à l'impourueu, & de parler le premier, & de promettre tu passes tous les hommes du monde d'audace, mais au fait & en la contention mesme tu es tresdebile & trescrainctif sur tous les autres. Et penfes tu que aucun soit qui ne faiche que ces tiennes admirables oraisons ne furent oncques de toy recitées en telle maniere comme sont données par escript, ains plustost furent depuis escriptes faisant come ceulx qui forinét de terre les ca-

pitaines & preffectz des gens d'armes: & si ne le croys souuiene toy en quelle sorte tu feis l'accusation contre Verres (bien que ie dis luy eusse donné quelque chose de l'art de ton pere quand tu oriuoys) Mais ie ne doute que voulant parler selon les merites, ie ne dye aucune chose indigne de moy, & pour ceste cause laisseray ce propos, & encores ne parleray de Gabinius cõtre lequel furent les accusations par toy preparez & depuis fuz son aduocat, & le deffendis si qu'en la fin il fut condemné: & encores tairay les escriptures que tu escriptz cõtre tes amys esquelles ta cõscience te remord tant que n'as hardiesse les publier: & neantmoins est chose tresmiserable que tu ne puisses nyer ce qui seroit tresvituperable cõfesser, mais pour ceste heure me deporteray de ce deuis & parleray des autres choses. Tu dis que bien que ayons donné deux mil ingeres à nostre precepteur, neantmoins n'auons appris aucune chose digne de louenge: mais tes disciplines qu'elles sont admirables & qu'elles sont celles cy tu as tousiours enuyé à meilleurs que toy & tousiours accuses tes esgaulx & calumnie celluy qui à esté honoré auant toy & celluy qui à esté puissant, & as en hayne par semblable moyen tous les bons, & fainctz d'aymer seulement ceulx par le moyen desquelz tu esperes faire quelque mal, & pour ceste occasion tu incites tousiours les plus ieunes cõtre les pl<sup>9</sup> vieulx: & ceulx q adioustent foy en toy apres que les as cõduitz au peril les habandonnes meschammét: & en signe de ce tu ne feiz oncques acte de vaillant homme en temps de paix n'y en temps de guerre: car quelle bataille auons nous gaignée ou fustes capitaine? quel pays auõs nous cõquis toy estant consul? mais tu decepuant tousiours aucuns des principaulx & te les faisant amys, priuément, tu gouernes soubz leur vmbre, & ordonnes ce qui te plaist, & en public tu parles & proferes avec grand cry ces meschãtes & malheureuses parolles, Je seul vous porte amyrié, mais tous les autres vous ont en hayne: & ie seul vous suis amy, mais tous les autres vous trahyssent. & autres semblables parolles par lesquelles tu esleuant & faisant enfler aucuns apres les trahis, & aucuns autres par craincte & frayeur les faitz amys. Et si quelque bonne œuure est faicte par aucun tu te l'attribues: disant ie l'aduisay parauant, ie luy en escripuiz, & pour l'amour de moy les choses ont eu telle fin: mais si le cõtraire arriue tu t'en descharges & encoulpes to<sup>9</sup> les autres disãt, ie n'estoys capitaine, ie n'estoys le legat, ie n'estoys le consul & ainsi chascun est de toy vitupere faisant estime de pouoir parler temerairement comme chose condescende. Et de toy ne se voit aucune œuure de orateur, car quelle affaire publicque à esté faulcée ou corrigée par toy? quel homme qui eust faict iniure à la cite à esté denoncè par toy? qui nous à esté demonstré par toy, lequel veritablement nous femast seditions? Et à ce que ie laisse le parler des autres, ces choses que maintenant tu opposes à Anthoine sont telles & si grandes que nul pourroit pour par icelles estre pugny? Pourquoy donc des le commencement te voyant comme de nous estre offensez de luy ne le poursuiuis tu incõtinent & n'en feis tu accusation

sation ? mais maintenant tu recites les delictz commis au tribunal & en la prefecture des hommes d'armes, & les malefices commis au consulat, ioinct que pouoys en ce mesme temps qu'il viuoit iniustement luy imposer peine, à ce que tu semblasses veritablement estre amateur de la cité & nous peussions sans dommaige & seurement le pugnir pour telz delictz: & certainement vne des deux choses est necessaire à scauoir que en ce temps il pensast ces choses qu'il appose maintenant à Anthoine estre vrayes, & ne voulust prendre aucune contention pour nous, ou qu'il ne peust prouuer aucune d'icelles: & pource à differé iusques à ceste heure à en parler vainement. Et qu'il soit vray ie, ô senateurs, les recourât vne apres autre le vous monstreray. Anthoine en son tribunal disoit aucunes choses pour Cesar par Cicero, & aucuns autres parloyent pour Pompée. Pourquoi doncques accuse cestuy cy Anthoine, pource qu'il préessleut l'amitié de Cesar, & ne dist aucune chose de luy ny des autres qui maintenoyent le party contraire? Cestuy la obuia qu'aucuns decretz ne fussent faictz contre Cesar, mais cestuy empescheoit ce qui se determinoit en faueur de Cesar. Par le côtraire dira, Anthoine perturba la commune sentence du senat. Mais premierement comment seroit il possible que vng homme seul eust si grád puissance? D'auantaige s'il fut cõdemné par le senat (comme il dit) pourquoi ne fut il pigny? mais il se retira fuyant deuers Cesar. Mais tu (ô Cicero) ne t'en estoys nagueres party de Rome, ains estoys fuy comme feiz au parauant, & ne vueilles doreseuuant si imprudemmet nous apposer tes opprobres, car ce que tu feiz se peult veritablement attribuer a fuyte quand euz paour du iugement toy ayant premierement congneu ta pugnition, & touteffois tu fuz encores reduit en la cité par decret. En quelle forte & par le moyen de qui ie ne le diz: mais neantmoins tu feuz reuocqué & n'entras en Italie que premierement ne le te fust concedé. Mais Anthoine se departit & s'en alla vers Cesar pour luy denoncer ce qui auoit esté faict, & s'en retourna sans aucun decret, & finablement il disposa la paix & l'amitié entre Cesar & tous ceulx qui alors se trouuoient en Italie, de laquelle eussent encores esté participas les autres s'ilz ne s'en fussent fuiz par ton conseil: & depuis estans les affaires en telle forme as hardieffe de dire qu'il reduist Cesar en ce pays & comment la bataille ciuile, & fut cause des grandz maulx qui depuis sensuyuirét (chose non veritable) ains plus tost feuz celluy lequel as donné à Pompée tant les exercites des autres que la principaulté, & vouluz trouuer moyé de oster à Cesar ceulx qui luy auoyent esté cõcedez. Et qui à conseillé à Pompée & aux consulz de n'accepter les offres de Cesar, & que plus tost laissassent la cité & toute l'Italie? & qui ne veiz Cesar quand il retourna a Rome & t'en fuis deuers Pompée estant en Macedoyne auquel ne feiz aucune ayde, ains considerant ce qui succeda depuis que fortune luy commença estre contraire n'euz honte d'habandonner. Parquoy se pourroit croire que du commencement ne luy adheroys aucunement cõme celluy qui auoit la cau-

se plus iuste, mais depuis que euz esmeu la sedition & le tout troublé apres  
 du feuere les as insidiez ; & de Pompée qui auoit esté vaincu te partis cōme  
 de celluy qui eust commis quelque iniustice, & si n'euz vergongne de decli-  
 ner à la partie de celluy qui auoit obtenu la victoire comme au plus iuste : &  
 oultre tes autres vices tu es si ingrat que n'es content d'estre par luy faulué,  
 mais encores as à mal que tu feuz crée prefect des cheualiers: & depuis sa-  
 chant telles choses de toy as hardiesse de dire qu'il n'estoit conuenable que  
 Anthoine fust prefect des cheualiers pour vng an, cōsideré que Cesar ne de-  
 uoit estre dictateur par vng an: mais ou que ces choses fussēt iustes ou non,  
 toutesfois furent confirmées par decret & pleurent à vous & au peuple. Tu  
 doncques (ô Cicero) encolpes ceulx cy s'ilz feirent tel decret iniustement  
 & non ceulx qui furent par eulx honnorez, car ilz se offrirent comme di-  
 gnes de tel honneur: & si encores vous feustes contrainctz pour les choses  
 qui se treuuet en ce temps faire ce qui n'estoit conuenable, pour quelle cau-  
 se l'oppoies tu maintenant à Anthoine & ne luy feiz cōtradiction lors que  
 se faisoient si d'auanture tu en auoys le pouoir? Tu diras, pource que ie crai-  
 gnois: si que donc pour ta paour tu seras excusé de ton taire: & cestuy cy se-  
 ra pugny pour te auoir esté préposé en honneur pour sa vertu. Et ou as tu  
 appris ceste iustice? & ou as tu estudié ces loix? Mais il ne se porta bien  
 en ceste dignité. Pourquoi? pource qu'il achepta les biens de Pompée. Et  
 quantes & quelles choses plus grandes furent supportées de plusieurs au-  
 tres pour aucune desquelles nul à esté encolpé, & pour ce ia aucuns biens  
 ont esté publiez & exposez en vête en Lécāt par la trōpette publicque, à ce  
 qu'aucun les acheptast, mais les biens de Pompée ne se deuoyent achepter.  
 Nous doncques pechons & faisons mal qui les publions: ou bien, à ce que  
 toy & nous soyōs excusiez, la coulpe fut de Cesar qui cōmanda ce estre ainsi  
 fait: auquel toutesfois n'en as imputé aucune chose: & quand à ce, cestuy cy  
 est réputé manifestemēt vng fol: & encores il accuse Anthoine de deux cho-  
 ses trescontraires, l'une qu'il ayant fait plusieurs actes avec Cesar & receu  
 plusieurs deniers de luy apres fut contrainct par force en rendre compte:  
 l'autre que n'ayant esté heritier de son pere & ayāt consummé tout ce qu'il  
 vouloit cōme vne autre Caride, par ce que tousiours allegue & met en auant  
 quelque exemple de Sicille, comme qu'ayons oublyé qu'il sen soit autrefois  
 fuy en Sicille, qu'il rende raison de tout ce qu'il à achepté. En telles & sem-  
 blables choses donc ce tresadmirable orateur fut réputé se contrarier en  
 soy mesmes, & en ce encores quand aucunesfois il dit que Anthoine fut  
 coadiuteur de Cesar en tous ses faitz, & pource afferme il auoir esté occa-  
 sion de toutes les batailles ciuiles: mais aucunesfois luy oppose la craincte  
 qu'il ne fut iamais en aucune bataille sinō celle de Thessallie: en oultre il l'ac-  
 cuse pource qu'il à reduit quelques bannis & ne voulut restituer son oncle,  
 cōme que lon puisse croire que Anthoine ne l'eust plustost restitué en ceste  
 cité qu'aucū autre s'il eust peu ne l'ayant encolpé en chose aucune n'ayant  
 esté

esté de luy encouppé, comme scait le mesme Cicero. Et certes estât cestuy cy coustumier de souuent estoit mentir il mesmes n'eut seulement hardiesse de dire telle chose. Ainsi donc ce Cicero ne fait difference de mettre hors come vent tout ce que premierement luy vient à la bouche. Mais qu'est il besoing demourer plus sur ce propos? & puis qu'il va criant & encores maintenant à dit que cestuy tousiours demonstra l'ymage de sa prefecture terrible & tousiours portoit l'espée & la robe de pourpre, & menoit souldardz & litteurs ordinairement avec luy, me die manifestemēt quelle iniure no<sup>9</sup> re ceusmes ceulx cy: mais il nē pourra dire aucune, p ce que s'il en eust peu dire nulle, autre chose eust allegué auāt ceste, ais tout le cōtraire est de ce ql à dit: consideré que Trebellius & Dolobel estoient ceulx qui faisoÿēt tout le mal, mais Anthoine ne nous fait aucune iniure, ains tout ce qu'il peut fait pour nous, en maniere que la garde de la cité luy fut commise cōtre les autres ny contredisant cest tant admirable orateur, mais le cōseillant instammēt. Or dictes que cestuy cy nous monstre qu'il dist oncques aucune chose quād il veoit ce meschāt hōme, lequel oultre qu'il ne feist oncques chose condescēte se print encores si grād licēce de vous, mais il ne le scauroit mōstrer. En ceste maniere cest orateur amateur de la republicque, lequel en tous lieux & tousiours dit & crie, Le seul parle liberēment pour l'estat populaire, ie ne differe ny pour grace d'amys, ny pour craincte d'ennemys que ne vous cōseille ce que ie voy vous estre vtile, Je encores s'il m'est besoig mourir parlant pour vostre bien mourray moult voluntiers. Cestuy cy qui se vante en telles parolles en ce temps n'eut audace de dire vng seul mot, & moult raisonnablement, consideré qu'il luy venoit en memoire que Anthoine auoit les liteurs & la robe de pourpre selon l'usance de nostre communauté qui se obserue en telle dignité: mais l'espée & les souldardz ysoit contre les seditions: car quelle chose eust esté si ennuyeuse que ceulx la n'eussent fait si Anthoine n'eust esté fort en son gouvernement, veu que encores estant en ceste sorte, neantmoins estoit desprisé d'aucuns: & que ces & toutes les autres choses furent faictes grandement selon l'intētion de Cesar, assez se demonstre par les mesmes œuures, par ce que la sedition ne proceda plus oultre, & Anthoine non seulement n'en fut pugny, ains encores depuis fut designé cōsul. Et regardez en quelle maniere il se gouerna en ce magistrat, car si vous considererez diligemment vous trouuerez qu'il s'est porté dignement en ceste cité, ce que congnoissant cestuy cy n'a crainct vous encourir hayne, ais à eu audace de calūnier Anthoine en ces mesmes choses qu'il desireroit auoir faictes, & pource il s'est esmeu à dire comme Anthoine s'en vint nud & oingt & ces anticques fables, non pource qu'il fust necessaire en parler, mais à ce qu'il cōiurast & obscurast l'artifice de Anthoine & son bō entēdemēt par parolles: lequel Anthoine (ô dieux celestes & terrestes, car ie crieray plus que toy & plus iustemēt inuocquay les dieux) voyāt ia la cité estre tirānifée & oyant tous les exercites estre de Cesar & le peuple en sēble

le feroit luy concéder toutes choses, en maniere que oultre les autres choses luy cōcedoit écores ceste cy, à scauoir ql fust dictateur durât sa vie & v fust de l'habit royal, le reueist tresprudément & le refrena tresseuremēt, si que p craincte & par vergōgne il ne prit la courōne, laquelle il mesme luy pouoit attribuer nous encores ne le voulans: & vng autre auroit peu dire que ce luy eust esté cōmandé par Cesar & se fust excusé pour la necessité & auroit obtenu pardon: & comment nous n'ayant fait telz decretz, & ayans les gens d'armes si grand puissance? mais Anthoine comme celluy qui auoit appris le desir de Cesar & entendant tout ce qu'il machinoit, icelluy avec grād prudence retira de son propos: & en tesmoing de ce Cesar alors ne fait aucune chose cōme homme puissant, ains conuer soit avec nous familierement sans aucune garde, parquoy fut chose facile qu'il endurast ce qui luy aduint. Ces choses (ô Cicero, ô Cicerule, ô Ciceriq, ô Cicerit, ô Greculle, ô par quel nom tu ayes plaisir d'estre appellé) furent faictes de cest hōme imprudēt, nud & oigt, nulle desquelles feiz tu homme graue, saige & qui as cōsumé beaucoup plus d'huile que de vin & q portes la robe lōgue iusques aux talōs nō pour tevisiter cōme les faulteurs (lesquelz te ont éseigné la diuersité des argumēs avec leurs habitz: mais à ce que tu couures la turpitude de tes iābes) & non pour sēbler plus modeste (bien que tu ayes extraparlé plusieurs choses de la vie de Anthoine) car qui est celluy lequel voyāt tes vestemēs si subtilz qui n'adore tes cheueulx chēnuz si bien peignez & q ne cōgnoisse que ta premiere fēme fut p toy dechassée hors tō hostel, laquelle t'éfata deux éfas & en pris vne autre ieune vierge roy estāt vieil & decrepit, à ce qu'avec le biē de la secōde tu payasses tes debtes, & ne retis toutesfois écores cestuy affin que peusses posseder plus seuremēt Cereale avec laquelle tu cōmis adultere elle estāt de tāt pl<sup>9</sup> vieille que toy de quāt ta fēme estoit pl<sup>9</sup> ieune: à laquelle Cereale tu soulois escrire telles epistres que vng badin & vng mocqueur à acoustumé à vne fēme de soixāte ans. Je, ô senateurs me suis mis à dire telles choses affin ql ne se deprest d'icy à sō auātage: & tu as eu hardiesse d'opposer les cōmutz à Anthoine: tu ie dis, lequel cōme tu dis boy l'eau à ce que escripuēs la nuict l'oraison cōtre no<sup>9</sup>: mais neātmoīs nourris tō filz en si grād ebriété ql ne de iour ne de nuit obserue modestie, & oultre ce à eu audace de blasmer la bouche de Anthoine, cestuy cy lequel à v sē si grād turpitude en sa vie ql ne s'est abstenu des tresestroictes & tresproches parentes ayāt ruffienné sa fēme & constupré sa ppre fille. Mais delaisāt ceppos retourneray au premier, pour autāt que cest Anthoine, lequel cestuy cy à calūnié voyāt Cesar s'estre esleué sur la vostre Republicque fut cause ql ne reduist aucune de ses pensées à effect avec les mesmes choses ou lesquelles sembloit luy voulut gratifier: car nulle chose retire tant aucun hōme de faire ce qu'il desire iniustement cōme quād ceulx qui craignēt d'icelles mesmes luy offrēt volontairement, par ce que l'hōme qui est cōpaignon à luy mesme de son iniustice ne croyt qu'ilz le facent de bon couraige, mais plus tost crainct d'estre trahy, & les paroles qui luy sont dictes repūte estre vne adulation ensemble avec reputation,

Cicero  
accusé d'auoir  
constupré sa  
fille.

& ce qui s'en ensuiura p icelles souspecōne luy deuoit estre peril & hôte. Ce que biē considerāt Anthoine premieremēt esleut le tēps quāt se faisoit la pōpe des festes Licées à ce que Cesar se corrigeast & se fist modeste seuremēt estāt oisif de courage posē entre ieux & esbatement. En apres esleut pour place le tribunal affin que Cesar se vergōgnast des polles fictes q seroiēt dictes p le peuple, & à ce que icelles oyant cōsiderast & examinast nō ce que disoit Anthoine ais ce que auroit le peuple cōmandē que fust dit à quelcū. Car d'ou auroit il peu croyre que le peuple eut cōmāde telles choses à Anthoine? ioiēt q l scauoit biē tel decret n'auoir este faict ne le peuple l'auoit cyē mais estoit necessaire cesar estre reqs & en la place romaine, en laquelle auōs souuēt fait plusieurs deliberatiōs pour la liberté: & pres du tribunal duquel ont esté fait infinies oraisōs sur diuers affaires pour l'estat populaire: & es festes Licées à ce ql eust memoire de Romul: & du cōsul affin quil se recordast des faictz des cōsulz ātiques: & sur le nō du peuple est besoig ql oyst telles choses à ce ql eust souuenāce que ne des Affricās ny des Gaulois ny des Egyptiēs se deuoit faire tyrāt ains d'eulxmesmes Romāis. Ces polles dōcques retirerēt Cesar de sō ppos ensēble l'abaisserēt & humilierēt: & s'il eust pris la courōne de quelque autre peult estre que pour icelle apres eust esté ēpeschē & estōnē. & sōt les œures de Anthoine telles, lequel ne se rōpit aucūemēt la iābe à ce ql sen fust ne brusta sa main pour occir Porfēna ais avec prudēce & art no<sup>9</sup> deliura de la tyrānie de Cesar plus que ne fit l'hašte de Decius, ne l'espēe de Brutus. Mais toy ô Cicero quelle chose (ie ne dictz faige ne bōne) feiz tu en tō cōsulat & qui ne meritaist tresgrād pugnitiō? ne feiz tu pas mutiner toute nostte cité laquelle estoit en paix & cōcorde mectāt seditiō en la place & replissāt la place d'autres personnes & de serfz aduocat? Ne fuz tu pas cause de la malheureuse destructiō de Catilina? lequel seulemēt pretēdoit aux magistratz & n'auoit faict aucune chose mauuaise? ne occiz tu pas miserablemēt Lētulus & ses cōpaignons lesquelz n'auoyent faict aucū mal, sās iugement? Tu (dy ie) lequel tousiours en chascū lieu estudies cōsumer assez par ol les pour la cōseruatiō des loix & des iuges, lesquelles parolles si sont tirées hors de tes sermōs, le reste est froid, vain & de petit mouuemēt. Tu reprins Pōpée pource qu'il feist le iugemēt de Milō oultre les coustumes Romaines mais as tu gardē aucū ordre ny peu ny assez au fait de Lentulus? lequel sans parler & sans iugement tu meis en prison luy qui estoit vieil homme & mansuet & lequel auoit pour le respect de ses antecesseurs plusieurs & grans arres d'amytiē enuers nous, & ne pouoyt faire aucune nouuelletē, pour son aage, ne pour ses coustumes, considerē que quel mal estoit en luy qui se peult guarir pour la mutation de l'estat? & quel bien luy deffailloit? & ayant faict toutes les nouuelletez qu'on scauroit imaginer l'auoit mis en peril? Et quelz compaignons auoit il faict cōspirer cōtre nous? pour lequel de la cest homme cōsulaire, preteur, ne pouant ne ouyr ne parler meritaist d'estre mis en prison & illec estre occis cōme s'il eust esté hōme meschant: car cela seulemēt estoit ce que desiroit le vaillāt hōme de Tulli? assauoir qu'il feist occir

en la prison appellée par son nom Tullienne, le nepueu de ce Lentulus qui ia fut capitaine de tout le Senat. Et voyez ce qu'il eust fait si d'auéture il eust eu puissance d'armes veu qu'il ouura & fait de telz & si grans maux avec ses parolles feulemēt, car c'estoyēt tes notables & splendides faitcz. Cestes sōt tes gēs darmes pour lesquelles nō feulemēt fuz cōdāné p sentēce des autres mais encores par toy mesmes qui te mis en fuite auāt que venir en iugemēt. Et quelle pourroit estre plus grand demōstration de ta cruaulté que ceste cy que tu fuz en pil de n'estre occis de ceulx la mesmes pour lesquelz faignois auoir fait ces telles choses, & euz paour de ceulx la mesme lesquelz tu disois auoir aydez en seblable faitcz, & ne peuz ouyr ne endurer chose aucune qu'ilz te dissēt ne de pler à eulx toy hōme eloquēt habondāt en parolles & q en donne secours aux autres, ains te mettant en fuyte comme hors d'une bataille vouluz chercher ton salut: & es si imprudent que as eu hardyesse d'escripre ces choses qui furent telles, combien que plus tost deusses desirer que nul autre n'en feist memoire, à ce que si ny gaignois autre chose a tout le moins cecy que tes faitcz puissent perir avec toy, & qu'aucū record n'en demourast. Et affin que puissiez rire entendez vng peu la sapience de cestuy cy. Sachez qu'il ayant determiné d'escripre tous les faitcz de Romme, estant sophilte, poete, philosophe, orateur & historien (comme il fainct) ne cōmenca comme les autres au commencement de la creation & edificacion de Rome, ains à son consulat, affin qu'en procedant à l'enuers il feist son commencement en son temps, & sa fin au regne de Romule. Tu doncques escripuāt ces telles choses parles ainsi que doit parler & mettre en effect tout homme de bien, car tu es meilleur pour conforter toutes choses à autruy que le faire toymesmes. Et de quant estoit beaucoup meilleur que en lieu de imposer à Anthoine la timidité, tu plustost delaislasses les flaqueffes de tō courage & de ton corps: & en lieu de luy imposer mauuaise ié tu ne feisses choses aucunes mauuaises ne deuisses fugitif: ne au lieu de accuser l'autre de ingratitude, tu n'eusses fait iniure à tes bienfaicteurs, ioinct que en luy se treuve ce deffaict par nature qu'il à en hayne sur tous les autres ceulx qui luy ont fait quelque biē, & tousiours fait chere à quelqu'un des autres pour les insidier. Et affin que ie laisse le fait des autres, ayant eu Cesar de ce malheureux miseticorde, & icelluy saulué, & mis au nombre des Senateurs, apres l'occist non avecques ses propres mains, il estant ainsi timide & fœminin, persuadant & instigant autruy à le faire. Et que ce que ie dy ne soit vray, les mesmes percurseurs le demonstrent manifestement quand ilz s'en coururent en la place tenās leurs espées nues en leurs poings, & appellerēt cōtinuellement cestuy cy par son nom, disans, O Cicero. comme vous tous ouystes. Il doncques occist Cesar son bien faicteur: & ayant obtenu de Anthoine les dignitez sacerdotales & le salut en Brandis quand il fut en peril qu'il ne feust occis des souldardz, maintenant luy rend telles graces ainsi que vous voyez, l'accusant de tel fait duquel ne luy mesmes ne quelconque  
autre

autre iamais l'accusa par auât, & trespassant les choses esquelles cestuy loua les autres. Luy doncques voyant ce Cesar n'auoir l'aage habile à estre capitaine, ne à traicter aucun negoce pour la Republicque, ne encores auoir esté dit par vous; & neantmoins auoir assemblé puissance & soubzleué vne guerre sans decret & nostre commandement, non seulement ne l'accuse, ains au contraire le loue, en maniere qu'il ne cherche ne la iustice des loix ne l'utilité de la republicque, mais le tout vniuersellement gouverne selon sa seule volonté. Et es choses esquelles il magnifie aucuns, apres blasme les autres, & mettant contre nous & vous calumniant vous mesmes, considéré que tout ce qui à esté fait par Anthoine depuis la mort de Cesar vous trouueriez auoir esté par nous déterminé. Et au regard de l'administration des deniers de Cesar, & à l'inquisition de ses escriptures ie repute estre chose superflue en parler, par ce qu'il est plus conuenable à ses heritiers en demâder raison. Et si encores cestuy cy pechoit en quelque chose, estoit necessaire des lors y obuier, ioinct que riens (ô Cicero) ne fut fait couuertement. Mais comme toy encores de toutes choses fut escripte es collomnes. Et si Anthoine si manifestement & imprudemment eust failly comme tu dis, & eust desrobé toute Candie comme celle qui estoit delaissee libere par les escriptures & ordonnances de Cesar depuis le magistrat de Brutus, laquelle luy fut commise par nostre decret, comment tu te feusses teu? comment quelque autre feust peu soustenir? Mais cômè i'ay dit me deporteray de alleguer ces telles choses par ce que maintes d'icelles ont esté spécifiées par nom: ny Anthoine n'est cy present, lequel nous pourroit particulierement certifier du tout. Mais de Macedoyne & de Gaule, des autres nations & de tous les exercites (ô Senateurs) ont esté voz decretz par lesquels vous distribuastes particulierement les prouinces, & ce faisant à Anthoine donastes la Gaule avec les gens d'armes ainsi que bien le scet Cicero cômè celluy qui estoit present: & estoient semblablemēt les choses cy dessus deduites, de vous déterminées: & de quant eust esté meilleur qu'il à l'heure eust contredit si aucunes d'icelles ne se faisoient oportunément, & vous eust admonestez de ce que maintenant il propose, plus tost que vous laisser faillir & maintenant en parolles accuser Anthoine, mais en fait reprendre le senat, ioinct que nul homme prudent pourroit dire que Anthoine vous contraignit par force à faire telz decretz, veu qu'il n'auoit aucune puissance de gens d'armes par laquelle il vous peust efforcer de faire aucune chose contre vostre volonté: & fut faite l'utilité de la republicque, car vo<sup>9</sup> voyas les ges d'armes estre venuz auât tous raliez ensemble, & estoit dangier que oyas la mort de Cesar ne feissent sedition & ne esleussent quelque perners cappitaine lequel nous eust esmeu guerre, vo<sup>9</sup> pleut faisant bien & droittemēt de preposer Anthoine à ce negoce, lequel estoit cōsul, mediateur & dispositeur de la cōcorde, & auoit en tout extirpé la ditature hors la republicque, & pource en lieu de Macedoine luy concedastes Gaule a ce que estant payé ne feist en Italie aucun mal, &

incon-

incontinent obeyst à vostre commandement. le donc ay fait telles remonstrances à vous à ce que congnoissez vous auoir iustement cōseillez . Mais quant a Cicero, me suffit dire qu'il encores estoit present lors que furent faites telles determinatiōs & ensemble vo<sup>9</sup> les cōfirma n'ayant Anthoine aucun souldard ny pouāt faire aucune frayeur par laquelle fussions cōtrainctz posposer nostre vtilité; & bien que alors te teusses que debuions nous faire estans les affaires ainsi disposées? debuions nous laisser les exercites sans cappitaine? & comment n'eussent ilz emply l'Italie de maux infiniz ensemble la Macedoyne, mais les debuions commettre à vng autre. Et qui eussios nous peu trouuer plus apte & plus necessaire que Anthoine qui estoit consul & gouvernoit tous les affaires de la cité, lequel faisoit garde si songneuse pour nostre concorde & duquel auis signs infiniz de sa beniuolēce? Aucū des percurseurs deuiōs eslire, mais ilz ne pouoyēt seuremēt demourer en la cité. Aucū de ceulx q̄ estoiet contraires aux pcurseurs, mais ceulx cy estoiet suspectz à chascū. Et q̄ estoit outre cestuy cy excellēt de dignité & de préeminēce? Mais tu as à mal que ne fuz esleu. Et quelle dignité auois tu? Et si les armes te eussent esté mises entre les mains quelle chose n'eusses tu fait, veu que durant ton consulat tu feiz tant & si grandes choses seulement avecq tes parolles oratoires, desquelles seulement es seigneur. Mais retournant à mon premier propos ie dy que tu estois present quand furent faites les determinations que maintenant tu t'efforces taxer, ausquelles ne feiz contradiction aucune, ains assentiz à icelles comme tres bonnes & necessaires, car la temerité du parler ne te deffailloit, lequel as acoustumé en maintes choses vaines employer: & si n'auoyz paour d'aucun, par ce que comment auroys tu craincte d'ung homme nud lequel tu n'as doubté armé? & comment l'eusses tu crainct seul qui ne le craignis quand il auoit tant de gens d'armes? & d'auantaige tu as acoustumé te glorifier par ce que fais peu d'estime de la mort. Estans doncques les affaires disposées en ceste sorte, lequel te semble il estre le plus iuste: ou que Anthoine gouerne les exercites que luy auons baillez, ou Cesar qui à si grand puissance propre pres de luy, estant enuoyé à la prouince à luy cōmise avec Brutus qui le desuye entrer es Gaules? Et qui est plus iniuste ou Anthoine qui veult contraindre voz cōpaignons obeyr à voz decretz, ou bien ceulx qui n'ont voulu accepter le cappitaine de vous enuoyé & se sont adhez a ce qui a esté refuse? Et qui est plus iniuste ou Anthoine lequel contient voz gens d'armes qui ont laissé leur capitaine, & Anthoine lequel n'a amené aucun souldard en la cité que vous luy auez donné: ou Cesar, lequel a persuade avec deniers aux anciēs souldardz de venir icy? Et certainement i'estime n'estre necessaire consumer aucune parolle pour Anthoine, qu'il ne fasse & accomplisse tous voz commandemens: & que ceulx cy ne doibuent porter peine pour ce qu'ilz ont fait prenans licence d'eulx mesmes, pour autant que a ce moyen vous auez voulu auoir garde autour de vous, non pour doubte de Anthoine, lequel certes n'a

fait

fait aucune chose particulièrement cōtre vous, & ne vous craint en aucun  
 fait ains plus tost pour doute de Cesar lequel à assemblé vne puissance  
 contre Anthoine & souuentefois tient plusieurs souldardz en la cité. Ce-  
 cy i'ay dit contre Cicero pour ce qu'il à commencé de iniurier par pa-  
 rolles car autrement me fusses teu, ioinct que ie ne suis si contencieux que  
 luy, ne suis trop desirant de examiner les affaires d'aultruy comme de touf-  
 iours cestuy cy s'est glorifié de faire: mais ce que ie conseillerois que feissiez  
 ne voulant gratifier Anthoine ne calumpnier Cesar & Brutus, ains  
 plus tost parlant pour l'utilité commune maintenant le vous diray, par  
 ce que ie pense estre moult conuenable que ne nous fassions aucun de ces  
 deux à ennemys lesquelz ont les armes, ne examinions trop exquisement  
 ce que chascun d'eulx aye fait, veu que le temps present n'est apte à ce  
 faire: & semblablement ilz estans noz citadins si aucun d'eulx perist &  
 si la fortune luy est prospere se fera puissant contre nous: à ceste cause  
 ie pense estre moult conuenable qu'ilz soyent de vous traictez ciuilement  
 & amyablement & que neantmoins vous enuoyez à chascun d'eulx vne  
 iniunction qu'ilz deposent les armes & qu'ilz ensemble leurs exercites  
 se mettent entre voz mains & ne faictes guerre à aucun d'eulx, ains selon  
 que vous sera respondu louez ceulx qui vous voudront obeyr: & à qui ne  
 voudra, denoncez la guerre, ioinct que c'est chose iuste & vtile à vous  
 que ne vous soubzmettiez ne encores faictes aucune chose temeraire-  
 ment, ains que vous conteniez vng peu, concedant aux cappitaines &  
 aux souldardz temps de eulx repétir: & voyans le temps necessaire pour  
 batailler, en mettre le sex aux consulz. & à toy Cicero conseille que ne  
 vueilles vser d'une audace fœminine & imiter Bambalion, ne susciter  
 guerre, nē pour le respect de la propre inimitié que as contre Anthoine  
 vueilles mettre en peril toute la cité, & feras bien se te reconcilies avecq luy  
 avecques lequel souuentefois feiz plusieurs choses amyables: & si toutef-  
 fois tu ne te peulx reconcilier avec luy à tout le moins vueilles nous pardon-  
 ner. Et toy qui as esté l'introducteur de la commune concorde; maintenant  
 ne la vueilles dissouldre, ains te recordant & du iour & des parolles que tu  
 deiz au temple de la déesse Telluris foyes content encor de ceste concorde,  
 de laquelle maintenant deliberons à ce qu'il ne semble faisant autremēt que  
 ceste autre plus tost feust persuadée de toy que par intention de bonne fin.  
 Considere que ce que ie te dy est moult vtile à la cité, & te rēdra grand gloi-  
 re par ce que tu ne doibs penser que estre temeraire soit seureté & gloire. Et  
 encores dire que tu ne fasses estime de la mort, ne penſes pour ce debuoir  
 estre loué, ioinct que telz hommes sont tousiours suspectz & odieux à chaf-  
 cun, comme qu'ilz ayent audace de faire quelque bonne œuure par ignoran-  
 ce: mais par le contraire louent ceulx qui font estime de leur propre salut cō-  
 me hommes qui ne commettroyent volontairement aucun delict digne de  
 mort. Doncques si veulx vrayement que nostre liberté & communauté soit  
 sauuée,

faulcée, diz & faiz telles choses par lesquelles toy mesmes soys faulué, & non celles par lesquelles tu, ensemble nous, periras.



Yant Calenne finy son dire, Cicero ne le peut endurer, car de tousiours auoit acoustumé vser d'une certaine yre irrefrenable & temeraire cõtre tout homme, & luy sembloit n'estre licite qu'ilz en v fassent pareillement contre luy, si que alors ayant delaisé de considerer l'utilité publicque se dressa à dire vilennies & iniures à Calenne, en maniere que tout ce iour especialement pour ceste occasion fut consommé en vain. Mais le iour ensuyuant furent superieurs ceulx qui tenoyent le party de Cesar, auquel incontinent luy concederent par decret vne statue, & qu'il peust estre dans le Senat avec ceulx qui auoiét esté Questeurs, & de pouoir demander les autres magistratz plus tost que de coustume, qu'il receust les deniers du publicq lesquelz il auoit donnez aux souldardz des siens propres: & si concederent encores à ses souldardz & aux autres qui auoyent laissé Anthoine qu'ilz ne feussent obligez a aucune autre guerre, & que incontinent leur feust assigné vng territoire. Et enuoyerent vng ambassade à Anthoine laquelle luy fait commandement de delaisser ses gens d'armes ensemble la Gaule & s'en retournaist en Macedoyne: & à ceulx qui estoient avec luy manderent denoncer que iusques à vng certain iour déterminé fussent retournez en leurs hostelz, ou bien qu'ilz entendissent d'estre reputez entre les ennemys: & oultre ce, ayans prins les senateurs ceulx qui auoyét receu les Prefectures des prouinces de Anthoine, en leurs lieux en enuoyerent d'autres. Alors doncques furent faictes telles determinations. Mais non moult apres auant qu'ilz entendissent la volonté de Anthoine commanderent que vne certaine tristesse feust demonstrée par toute la cité, & delaisserent les robes senatorialles, commettans aux consulz la guerre contre Anthoine. & à Cesar ayans donné la préeminence d'ung Preteur, commanderent que Lepidus & Lucius Munatius Planque, lequel estoit en partie Prefect de la Gaule transalpine, luy donnassent secours. Et ainsi donnerent occasion à Anthoine de faire guerre: lequel encores de sa part la desiroit. Car ayant entendu moult voluntiers les decretz du Senat, incontinent reprint les ambassadeurs qu'ilz ne l'auoyent traicté ne iustement ne meritéement, en comparaison d'ung garson: & auoir enuoyé à Roinne autres senateurs pour leur imputer la cause de la guerre, leur proferoit aucunes parolles lesquelles sembloient traicter honnesteté pour sa part, Mais estoit impossible que feussent acceptées de Cesar & de ses fauteurs, par ce que sa volonté estoit ne faire chose qu'ilz luy commandassent: mais saichant qu'ilz ne feroient aucune chose de luy proposée, leur promist de vouloir obseruer tous leurs decretz à ce qu'il se peust excuser d'auoir voulu obeyr, & imputer l'occasion de la guerre à ses aduersaires, lesquelz eussent reffusé ce qu'il auroit proposé, Car il disoit vouloir laisser la Gaule et pareillement

& les exercites filz cōcedoyent a ses souldardz ces mesmes graces qu'ilz auoyent concedées à ceulx de Cesar. Et filz eslisoyent Brutus ou Cassius pour consulz, pour autant qu'il demanda ceste partie pour se les faire beniuoles, affin qu'ilz ne luy portassent hayne aucune pour les choses faictes cōtre Decius son compaignon en la coniuration passée. Anthoine doncques proposoit telles choses sachant manifestemēt qu'il ne s'en feroit riens, par ce que Cesar n'auoit iamais souffert que les percurseurs de son pere fussēt consulz, ny que les souldardz de Anthoine receuant les mesmes graces que auoyent receu les siens se feissent à luy plus beniuoles : au moyen dequoy ne fut confirmée aucune de ses demandes. Mais alors encores plus estroitement determinerent la guerre contre Anthoine, & à ceulx qui estoient avec luy mirēt vng autre terme dans lequel ilz le deussent laisser & encores tous ceulx qui n'allèrent dehors se vestirent de robes militaires & commisrent la garde de la cité aux consulz, n'ayans prescript au decret faict ce qui estoit acoustumé faire es grandz perilz, cest assauoir qu'ilz fussent attentifz que la republicque ne receust aucun dommaige. Et voyans qu'ilz auoyēt grand be soing de deniers pour ceste guerre, tous mirent en public la vingt cinqiesme partie de leur bié, & les Senateurs mirēt quatre oboles sur chascū chief des hostelz & maisons qu'ilz possedoyent en la cité, ou que estans d'autruy les habitoyent, & ceulx qui estoient riches & opulenz en biens chascun à part soy, confererent plusieurs autres commoditez, & maintes citez & plusieurs hōmes particuliers labourerent pour faire les armes & les autres choses requises & necessaires pour la guerre sans en receuoir aucun payement, car pour lors ou publyé estoit si grand disette de deniers que les festes & cōgregations solempnelles qui se deuoyent faire en ce tēps ne se peurent paracheuer, bien que l'eussent peu faire avec peu de despée par sanctité. Ces choses estoient ainsi faictes par ceulx qui gratifioyent à Cesar & auoyēt en haine Anthoine. Mais la plus grand partie cōme greuez & oppressez tāt pour les gens d'armes que pour les exactions qui se faisoient, n'en estoient contents, & especialement pource qu'ilz estoient en doubte lequel des deux obtiendrait la victoire: toute fois scauoyent certainement que quicōques des deux vainquist, à icelluy seroyent soubz mis. D'auantage plusieurs suiuaus le party de Anthoine aucuns manifestement se retirerent deuers luy, & entre autres aucuns Tribuns & Preteurs, & aucuns demourerent en Romme, du nombre desquelz fut vng nommé Calenne, & faisoient tout ce qu'ilz pouoyent en la faueur de Anthoine, partiē ocultement, & partiē iustificiant son faict apertement: parquoy ne muerent incontinent la robe, ains persuaderent vne autre fois au Senat à ce qu'ilz enuoyassent ambassadeurs & entre les autres Cicero à Anthoine, soubz pretexte & couleur quil luy persuadast la concorde. (Mais en effect pour s'en deffaire, & le oster de Romme.) Dont Cicero aduertiy fut en grand doubte, & ne se voulut mettre entre les armes & puissance de Anthoine, au moyen dequoy nul des aultres am-

Guerre  
determinee  
contre  
Anthoine.

Calene en  
fuyte de-  
uers An-  
thoine.

Cōiuratiō  
contre Ci-  
cero.

bassa-

Signes ad-  
uenuz en  
Rome.

La statue  
de la mere  
des dieux.

bassadeurs se departit. Et ce pendant que telles menées se trainoyent, plu-  
 sieurs monstres arriuerent tant en la cité comme au consul Bibie, car en la  
 derniere congregation apres laquelle il s'en alla a la guerre vng homme qui  
 auoit le mal caducque, appellé Brute, tomba faisant le sermon, & sa statue  
 de cuyure posée au deuant de son hostel se tourna d'elle mesme en ce iour  
 en l'heure mesme en laquelle il departit pour aller à la guerre: & les ani-  
 maux qu'on sacriffoit auant la bataille ne se pouoyent discerner du deui-  
 nateur pour la multitude du sang, & en cest instant vng sien seruiteur luy  
 mettant vne robbe de pourpre sur ses espaulles la merchea toute de sang.  
 Telz signes arriuerent à Bibie: & s'il eust esté homme priué seulement, luy  
 eussent seulement appartenu: mais pource qu'il estoit cōsul, les significations  
 appartenoyent a tout le peuple, comme encores la statue de la mere des  
 dieux, laquelle estoit en la salle du palais, regardant premierement deuers  
 Orient, se tourna d'elle mesme deuers Occident. Et la statue de Palas, la-  
 quelle estoit moult bien aornée en Modenne, ou fut exercitée la guerre  
 par long temps, gecta par la bouche grand effusion de sang & puis du lait: &  
 oultre ce signifia grand mal que les consulz yssirent hors la cité auant les  
 ferries latines car iamais ne leur succeda bié faisans telle yssue, & ainsi alors  
 tous les deux consulz & grand multitude du peuple partie presentement  
 & partie apres & encores plusieurs chevaliers & senateurs furent occis & es-  
 pecialement les principaulx: car ainsi en bataille comme en leurs hostelz  
 l'occision faite selon l'usance de Sylla ruynèrent toute la fleur de ceulx qui  
 estoient demourez excepte ceulx qui en furent auteurs: & la cause de tant  
 & tous ces maux furent les senateurs mesmes par ce qu'ilz se debuans esli-  
 re vng superieur qui fust meilleur que tous les autres & le fauoriser en tou-  
 tes choses ne le feirent ainsi, ains recepuans aucuns & les faisans grandz &  
 puissans cōtre les autres apres s'efforcoiēt de les deffaire eulx mesmes: quoy  
 faisans n'auoyent aucun amy, mais plusieurs ennemys: car aucuns hommes  
 ne sont esgallement disposez contre ceulx qui leur font bien & ceulx qui  
 leur font iniure, ains de l'yre se souuiennent encores contre leur volonté.  
 Mais de la grace volontairement ont acoustumé s'oublier, se desdaignans  
 par vng certain moyen d'auoir receu quelque benefice d'aucun, cōme qu'en  
 ce soyent inferieurs à celluy de qui ilz l'ont receu: & ne veulēt encores sem-  
 bler auoir receu iniure d'aucun, à ce qu'ilz ne soyent estimez pusillanimes.  
 Ces senateurs doncques n'acceptans aucun singulierement, ains fauorisans  
 tantost cestuy cy puis cestuy la, & tantost faisans decretz & determinatiōs  
 pour eulx & puis cōtre eulx, soustenoyēt pour ce plusieurs & infiniz maux.  
 car l'occasion de la guerre estoit vne mesme & semblable à chascun d'eulx,  
 cest assauoir de vouloir destruire le peuple, & que se feist vne principauté,  
 Et ceulx cy combatans pour qui ilz deussent auoir à seigneur, & ceulx pour  
 qui d'entre eulx deust seigneuriser, destruisoyent esgallement leurs biens:  
 mais selon la fortune enqueroyent diuerses opinions de foy, par ce que a  
 qui

qui succedoyent les choses prosperes estoient reputez saiges & amateurs de la Republicque, & par le contraire ceulx qui perdoyét, reputez ennemys de la liberté & mauuais hommes. A tel poinct estoient reduictes les affaires des Romains & en feray mention particulièrement: car il me semble que de telles choses se puisse prendre grande doctrine quád vng homme comptant les faitz avec raison les reprouue avec cestes, & comprét cestes cy par coniecture & par la concurrance des autres.

Comment Cesar vainquit Anthoine, & les consulz, pres Modenne.  
 Chapitre L.XI.



R pour retourner à nostre premier propos, Anthoine tenoit Decius assiegé (si voulons dire la verité) pource qu'il ne luy voulut delaisser la Gaule: mais comme il faignoit pource qu'il auoit esté l'ung des persecuteurs de Cesar, pour autant que ne luy estant honneste publier la vraye cause de la guerre, & qu'il veoit le peuple s'encliner à Cesar pour faire la vengeance de son pere, il print ceste couleur à faire guerre: laquelle il mesme demonstra estre ficté & simulée pour auoir demandé que Brutus & Cassius fussent esleuz consulz, par ce que pour son vtilité se vouloit consilier l'ung & l'autre (bien qu'ilz fussent ses tres ennemys.) Mais Cesar estoit allé contre luy avec l'exercite auant que ceste guerre luy eust esté commise par decret, neantmoins n'auoit fait aucune chose digne d'estime: toutes fois depuis qu'il eut esté aduertý des decretz du senat, il accepta les honneurs & préeminences à luy concedées & s'en resiouist grandement, & especiallement pource qu'il sacrifiant quand il receut les ornemens & la puissance de preteur furent trouuez deux legatz es bestes qui se sacrifioyét & estoient douze: mais luy desplaisoit moult que fussent enuoyez ambassadeurs & parolles de creance à Anthoine & que ne luy fust denoncé la guerre incontinent, & especiallement pource qu'il auoit pretendu que les consulz chascun à part soy luy auoyent escript pour faire paix: & que Anthoine auoit enuoyé lettres à aucuns senateurs, lesquelles ayans esté prinsees luy furent données & à luy tenues occultes: & pource qu'ilz ne sollicitoyent la guerre ne tost ne avec diligéce soubz couleur de l'yuer qui suruenoit, neantmoins ne sachant en quelle maniere descouurer ces choses, pource qu'il ne se les vouloit faire ennemys & ne les pouoit persuader ne efforcer, Il encores demouroit en paix en Imolle, & iusques à ce que Deci<sup>9</sup> eut paour, lequel premierement moult vaillamment se deffendit de Anthoine: & vne autre fois ayant sousspecon que icelluy Anthoine n'eust enuoyé aucuns des siens en la ville pour corrompre & suborner ses souldardz conuoqua ensemble tous ceulx qui estoient presens & ayant superadiousté aucunes parolles briefues fait faire la crye que tous ceulx qui estoient en armes se trouuassent en vng certain lieu assigné & les autres priuez en vng autre endroit, & ainsi

Decius assiege a Modenne.

Sacrifice de Cesar.

trouua les messaigers de Anthoine habandonnez qui ne scauoient en quelle part eulx tourner, lesquelz il print & depuis se ferra en tout. Craignant dôcques Cesar que Decius ne fust prins par force ou ne s'accordast pour le defaite des choses necessaires, contraignit Hirce d'aller contre Anthoine avec luy tout l'exercite, car Bibie faisoit encores congregation de gens en Rome, & destruisoit les loix de Anthoine. Ces deux doncques meuz ensemble prindrent Bollongne laquelle estoit deserte des presides, sans batailler, & feirent reuolter les cheualiers qui depuis s'affronterent à eulx: mais pour le fleuve q est pres de Modène & la garde mise pres icelluy ne peurent proceder plus oultre: & doubtans que Decius n'anticipast l'accord au commencement allumerent brádons de paille qu'ilz mirent sur les plus haultz arbres qui fussent illec autour, & voyans que pour ce n'estoyent entenduz escripirent certaines lettres en vne lame de plomb, laquelle rotulée en forme de roolle en papier la donnerent à vng homme qui la presenta par desfoubz eue en la cité, au moyen dequoy ayant Decius entendu la presence & les pinesses de ceulx cy leur feit respõse par escript en la mesme forme, & depuis tousiours se aduertissoyent l'ung l'autre par ceste voye: & Anthoine voyant que Decius ne luy vouloit ceder, laissa en ce lieu Lucius son frere & tira contre Cesar & Hirce, & ayant posé son camp vis à vis de celluy des ennemys par espace de quelques iours se feirent escarmouches esgalles de l'une & l'autre partie, & iusques à tant que les cheualiers Gauloys que Cesar auoit raliez avec luy ensemble les elephás de rechef declinerent à la part de Anthoine, & estans ysluz hors les limites du camp s'acheminèrent cõme s'ilz eussent voulu combatre de par eulx contre les ennemys, & subitement retournerent en arriere à l'impourueu ne se doubtans du faict ceulx qui les suiuyoyent & les ayans assailliz en occirent plusieurs, & pour ce commencement venans de l'une & l'autre partie secourir leurs gens se feit vne grande bataille en laquelle Anthoine fut superieur: lequel enorgueillly par ceste victoire & sachant que Bibie s'approchoit, assaillit le fort & rampart des ennemys, esperant si d'aenture il pouoit entrer dedans auant l'arriuee de Bibie apres plus facilement pouoir deffaite le reste. Et voyant qu'ilz faisoient songneuse garde tât pour leur rotte que pour l'esperance de Bibie, & ne vouloyent sortir dehors, laissa illec vne partie de son exercite & leur cõmanda de combatre à ce que les ennemys pensassent qu'il y fust present & qu'ilz se dõnassent garde qu'il ne fust assailly par derriere. Lesquelles choses par luy ainsi ordonnées, la nuit subsequente se departit occultement & tira droict deuers Bibie qui encores venoit de Boilongne & l'ayant surprins par espies le blessa & occist tous ses souldardz & en ferra les aucuns dás les fosses du cãp, lesquelz il eust tiré dehors s'il fust demouré à l'assiegement quelque espace de temps: mais il voyant que du premier assault ne luy estoit venu à effect eut paour de trop tarder & en ce ne fut préoccupé par Cesar & les autres, au moyen dequoy de rechef s'achemina contre les ennemys

Cheualiers  
Gauloys re-  
uoltez.

Victoire  
contre  
Cesar.

Bibie des-  
faict & ses  
gens occis.

mys & ayant rencontré Hirce & estant laz pour l'ung & l'autre chemin, & pour la precedente bataille le vainquit de assez, car incontinent que fut entendu ce qu'auoit fait Anthoine, Cesar demoura à la garde du cap, & Hirce s'en alla contre Anthoine, lequel vaincu; non seulement Hirce mais encor Bibie (bié qu'il se fust faulü en grand perte) & Cesar (bié qu'il n'eust esté present à la bataille) furent nommez & appelez empereurs tant des gens d'armes comme du senat: & à ceulx qui auoyent esté mortz fut donné par decret sepulture publique, & fut determiné que les enfans & leurs peres receussent les salaires & recompenses qu'eussent peu recepuoir les autres s'ilz eussent vesçu. Ce pendant donc que ces choses se faisoient, Ponce Acyla, lequel estoit l'ung des percurseurs & soubzpreteur de Decius vainquit en bataille Titus Minutius Plancus qui luy estoit venu au deuant. Et Decius s'estant vng senateur mis en fuyte de son camp en celluy de Anthoine, non seulement ne s'en courrouca, ains luy enuoya son cariage & tout ce qu'il auoit laissé en Modenne: au moyen dequoy les souldardz de Anthoine commencerent à eulx reuolter, & aucuns du peuple qui tenoyent son party commencerent à faire seditiõs. Cesar & Hirce se glorifioiét moult pour ces telles choses & allans deuant le fort de Anthoine le prouocquoyét à la bataille, mais ce pendant il se tenoit coy & timide: toute fois luy estant venu Lepidus à secours commanda de reprendre audace, car Lepidus ne declaira à qui il enuoya ses gés d'armes, pource qu'il ay moit moult Anthoine, lequel estoit son parent & auoit esté appellé par le senat contre luy. Et pour ceste cause se reseruât vne excuse enuers l'une partie & l'autre ne commanda rien apertement à Marc Syllane capitaine de ses gens d'armes, mais il entendät bien le vouloir de Lepide s'en alla de propre mouuement deuers Anthoine lequel depuis que luy fut suruenü ce secours print audace & fit vne subite course. Quoy faisant y eut gräd occision de l'une & l'autre partie, mais en la fin fut mis en fuite. Iusques alors donc Cesar estoit acréütät du peuple que du senat, p'quoy esperoit entre les autres d'estre crée & désigné consul, car il arriua que Hirce fut occis en la prinse du cap & que Bibie non gueres apres mourut pour les playes parauät receues, au moyen dequoy la coulpe de leur mort fut ascripte à Cesar, p' ce qu'il succéda au cõsulat: mais däs le senat au cõmécemét ce pédät qu'il y auoit doubte lequel des deux vainqst adullerét to<sup>o</sup> les decretz faiz pour augméter la puissâce d'aucü plus que ne requeroiét les coustumes, faisans ces determinatiõs estre contre l'ung cõme cõtrè l'autre pour preuenir parauant celluy qui obtiendrait la finale victoire & tráf ferer la cause à l'autre qui seroit perdant, car ilz firent vng edict que nul peust tenir magistrat plus d'ung an & que nul fust esleu procureur sur le fait des grains & viures, & depuis qu'ilz entendirét la verité des choses faictes en Gaule se resiouysoyent de la rotte de Anthoine & se reuestirét de leurs premiers habitz faisans festes & sacrifices par l'espace de soixante iours, & tous ceulx qui auoyent esté en l'exercite avec Anthoine furent reputéz pour

Hirce,  
Bibie, Ce-  
sar nômez  
eperceurs.

Lepide  
venu au  
secours de  
Anthoine.

ennemys, & leur fut osté leur bié cōme écores celluy de Anthoine: dauátage sefforcerent de abaisser Cesar au lieu d'augmenter sa puissance: & à Decius dōnerent tout ce qu'il auoit esperé & esperoit receuoir: car non seulement sa crifices, ains encores luy concederent le triumphe & mirent entre ses maïs toutes les relicques de la guerre, ensemble les gens d'armes de Bibie: & si determinerent que tous les souldardz qui auoyent esté assiegez avec luy fussent louez, & leur concederent toutes les choses qui premierement auoyét appartenu aux Cesariciens cōbien que les souldardz de Decius n'eussent aucune part à la victoire, ains seulement l'auoyent veue des murailles: & dresserent vne statue en l'hōneur de Acile, lequel estoit mort en la bataille: & redirent à ses heritiers les deniers qu'ilz auoyent despenduz pour les souldardz de Decius de leur propre: & generally tout ce que premierement auoit esté decreté & déterminé en faueur de Cesar cōtre Anthoine, maintenant vainement fut ordonné contre cestuy cy mesmes: & à ce qu'il encores pose que ne voulust ne peust auoir aucune puissance, car ilz furent tous les plus ennemys grandz, par ce que à Sexte Pompée donnerét l'armée entre ses mains, à Marc Brute Macedoine, à Cassius Syrie luy commettant la guerre contre Dolobelle. D'auantaige luy eussent donné les gens d'armes qu'auoit Cesar. s'ilz neussent crainct de faire le decret manifeste congnoissans les souldardz luy estre moult beniuolles: neantmoins tempterent de mettre discord entre Cesar & eulx & entre eulx mesmes, car ilz ne voudrét louer ne honorer tous ceulx cy pour ne les esleuer en plus grand orgueil ne les despriser & les laisser tous sans hōneur pour ne se les faire plus alienes & ennemys, au moyen dequoy s'accordassent apres ensemble. Ilz esleurent dōcques la voye moyenne, pour autant que à aucuns concederent que es congregations sollempnelles portassent la courōne d'oliue, à aucuns non: en oultre ayans par decret assigné à aucuns deux mil cinq cens dragmes, & à aucuns non seulement vng denier de fer, espererét qu'ilz auoyét à faire combat ensemble pour ce regard, & ainsi se feroient plus debiles & enuoyerent ceulx qui leur feissent l'ambassade de ces determinations (non à Cesar) ains à ses souldardz mesmes: dont Cesar estōné conceda en parolles aux ambassadeurs qu'ilz peussent estre avec l'exercite, ayant premierement cōmandé que aucune respōce ne fust faicte sans luy, & ainsi il vint en l'exercite & ayant ce qui auoit esté escript moult plus pour les choses escriptes se feist beniuolles les gens d'armes, par ce que ceulx qui estoient honorez sur tous les autres ne s'esioysoyent point tant de leur prerogatiue qu'ilz auoyent à suspect ce qui auoit esté faict leur induisant encores Cesar en plus grand souspeçon: & ceulx qui auoyent esté desprizez n'estoyent aucunement courroucez contre leurs compagnons, ains encoulpans la volūté des senateurs ayans faict telz decretz induisoiet leur vergōgne sur tous les autres & commencerent leur ire avec luy. Ce que craignant ceulx qui estoiet en la cité, touteffois pour ce ne designerent Cesar consul, cōbien que moult

Ambassadeurs de Rome a l'exercite de Cesar.

le desirast, mais l'honorèrent de dignité consulaire, entant qu'il pouoit dire sa sentence entre les hommes consulaires : & voyans que de ce il faisoit peu d'estime, determinerent qu'il fust preteur entre les principaulx & apres consul. & ainsi leur sembloit auoir bien traicté Cesar: lequel estoit en adolescence & vng garson (comme ilz disoyent) Mais il ayant moult à mal, tant les autres choses comme ceste, ne voulut plus tarder, ains se retourna aux armes, & à la puissance d'icelles, & enuoya secrettemēt ambassadeurs deuers Anthoine recueillant pendant ceulx qui s'en retournoyent de la bataille vaincuz par luy & lesquelz auoyent esté reputez ennemys de la Republicque par le senat accusant à leur endroit grandement le senat & le peuple. Dóc ceulx de la cité aduertiz au commencement s'en mocquoyēt, mais depuis qu'ilz entendirent Anthoine & Lepide s'entendre ensemble, commencerent à dechasser Cesar vne autrefois ne sachans quelz propos eussent esté tenuz entre luy & Anthoine & le firent capitaine cōtre ces deux, laquelle charge Cesar accepta moult volontiers, esperant par ceste voye obtenir le consulat, car il se traueilloit grandement par le moyen d'autruy, & especiallement par Cicero qu'il fust esleu consul, en sorte qu'il luy auoit promis de le faire son compaignon au consulat, & voyāt qu'en ceste maniere il ne fut esleu se preparoit d'aller à la guerre ainsi qu'auoit esté determiné: & pendant ordonnoit ses souldardz & les induisoit à iurer à part eulx qu'ilz ne feroiēt guerre à aucuns des exercites qui auoyēt este de Cesar chose qui se referroit à Anthoine & Lepide, par ce que la plus grand partie de leurs gens d'armes estoient d'iceulx, & sur ceste chose enuoya quatre cens de ces mesmes hommes d'armes au senat. Ce estoit la couleur de l'ambassade: toutesfois en effect ilz demandoient les deniers à eulx assignez par decret, & vouloyent que Cesar fust esleu consul: mais les senateurs differans la responce comme celle sur laquelle se debuoit penser & pourueoir de bon conseil demanderent par commandement de Cesar vne certaine licence & seurté pour ceulx qui suiuyēt le party de Anthoine, nō qu'ilz la voulussent obtenir pour veoir s'ilz la leur voudroiēt cōceder, ou s'ilz auoyēt cause d'eulx courroucer pour tel reffuz. N'ayās dōcques obtenue ceste requeste, bien que nul y contredist, mais se trouuans plusieurs faisans pareille demāde pour autres, hōnestement fut refusee encores celle des premiers: au moyen dequoy tous se courroucerent si que l'ung d'entre eulx sortit hors le senat: & pource qu'ilz estoiyēt entrez sans armes, prit son espée en sa main: disant, Si vous ne donnez le consulat à Cesar ceste espée le luy dōnera: & alors Cicero respondit, s'il en fait requeste par ceste voye se le prédra soy mesmes. Lesquelles parolles furent encores cause de sa mort: mais Cesar ne vitupera le fait de cest hōme d'armes, ains reprenoit ce que ses gens auoyent esté cōtraintz laisser leurs armes dehors: & vng senateur leur demāda s'ilz estoiyēt euoyez des exercites ou de Cesar, & Cesar manda hastiuement pour Anthoine & Lepide: car il auoit reconcilié cestuy cy pour l'amytie qu'il auoit avec An-

Mutinerie  
au senat en  
faueur de  
Cesar.

thoine, & il contrainct avec tous ses gens d'armes se meit en chemin pour aller à Rome & occirer vng certain cheualier & autres qu'ilz auoyent à supect d'estre espies: & si endommaigerent grandement les terres & possessions de tous leurs aduersaires: & soubz ceste mesme couleur ruynoient plusieurs autres lieux, desquelz excès & violences les senateurs aduertis leur enuoyerent deniers auat que plus se fussent approchez de la cité, pour veoir si iceulx receuz par quelque moyen se vouldroyét departir. Mais voyas que pour ce ne laissoyent de venir alors designer Cesar cōsul (chose qui peu leur proffita) par ce que des choses qu'ilz eussent fait par force & non de propre volonté les gens d'armes ne leur scauoient gré, ains estoient encores plus audacieux voyans les senateurs en crainte. Quoy voyas les senateurs se changerent & leur firent interdictiō de s'approcher de la cité: mais demourassent loing d'icelle par l'espace de sept cens cinquante stades & si vne autrefois changerent leurs robes commettans la garde de la cité aux preteurs selon leur ancienne vsance. D'auantaige establirent le preside es autres lieux, & occuperent le ianiculle avec des souldardz estans en la cité, & autres y suruenans encores de la guerre d'Affricque.

Comment Cesar vint à Rome & fut crée consul.  
 Chapitre LXII.

**E** pendant doncques que Cesar estoit en voye fut fait & déterminé ce que dit est, & vniuersellement tous ceulx qui estoient en Rome l'approuoyent cōme souuent à acoustumé faire la multitude, laquelle prend audace deuant la presence & spectacle des aduersitez: mais Cesar arriué dans le bourg cōmencerent deslors à gradement craindre si que premierement aucuns senateurs, & après plusieurs du peuple, se retirerent deuers luy, au moyen dequoy les preteurs descendans du ianiculle avec tous les souldardz y estans se mirent entre les mains de Cesar, lequel en ceste maniere obtint la cité sans batailler & fut designé cōsul de tout le peuple estans esleuz deux preconfulz par election des magistratz, par ce qu'il estoit impossible faire vng Entreroy par eulx en si peu de temps selon leur vsance: consideré que plusieurs constituez en la dignité de gentilz hommes estoient absens: parquoy voulurent plus tost que ceste chose de eslire deux hommes fust déterminée par le preteur de la cité que si deux cōsulz estoient de luy esleuz, car ilz ne deuoient auoir autre chose à faire finon de faire l'election, & pource ne deuoient sembler auoir plus grand puissance que eulx. Lesquelles choses furent faictes par armes: toutesfois Cesar ne se trouua en la congregation ou se faisoient les elections, pour ne sembler qu'à ce faire les eust efforcez, cōme qu'aucuns fussent que se doubtaissent de sa puissance: & ainsi fut Cesar esleu cōsul & son compaignon si nous voulons plus tost son vicaire fut Pedius Quintus: & se glorifioit Cesar grandement pour se  
 veoir

Change-  
ment des  
robes.

veoir cōsul en tel aage, auquel iamais nul autre l'auoit esté & que au premier iour de l'election estant entré au chāp de Mars il veit six aultours & depuis faisant vne oraison aux gēs d'armes en veit douze: car refferant ceste chose à Romule & à l'augure qu'il eut s'attendoit de obtenir & posseder la monarchie. Cestuy cy se fait digne par consul la seconde fois, pour autant que au parauant auoit esté aorné de honneurs cōsulaires, chose depuis obseruée en tous & semblables cas iusques à nostre tēps: car Seuere empereur ayant honoré Plantian d'honneurs cōsulaires, & depuis icelluy introduict au senat le designāt cōsul le prononca comme pour cōsul, la seconde fois. ce qui depuis fut de tousiours obseruē en autres. Depuis Cesar en partie ordonna & disposa des affaires de la cité, ainsi que luy sembloit, & donna argent à ses souldardz & a certains autres: & ou en auoit esté determiné par decret, en parolles en dōna des siēs, mais en effect ilz estōyent du public. Quoy voyās aucuns pēserent que fult necessaire toutesfois & quantes qu'aucūs exercites entraissent en Rome leur donner deux mil cinq cens dragmes. Et pour ceste cause les souldardz de Seuere entrez en la cité pour destruire Iulien furent moult terribles aux habitās d'icelle, & encores à nous mesmes quand ilz les demāderent: mais Seuere ne sachans les autres ce qu'ilz demādoyent les cōtenta avec deux cēs cinquante dragmes. Cesar dōcques distribua deniers à ses souldardz leur rendant grans graces: & certainement pource qu'il n'osoit entrer dans le senat sans leur preside; semblablement remercia le senat, mais simulément par ce que ce qu'il auoit cōquis par force faignoit le repouter luy auoir esté volontairement concedé. Donc les senateurs encores s'en glorifioiēt cōme qu'ilz l'eussent faict volontairement, & d'auantage à celluy lequel premierement n'auoyent seulement voulu eslire cōsul concederēt que apres qu'il seroit fort du magistrat toutesfois qu'il se trouueroit en exercite fult hōnoré par dessus les consulz, & à celluy qu'ilz auoiēt menassé de cōdemner pour auoir assemblé des gēs d'armes sans aucun decret, concederēt qu'il en raliaist d'autres, & en la hôte duquel auoyent commis à Decius cōbatre cōtre Anthoine à cestuy cy adioignirent l'exercite de l'autre: & finalement il print sur sa charge la garde de la cité, entāt que par vigueur de la loy il peust faire ce qu'il vouloit & fut adopté en la famille de Cesar selō les coustumes vsées. Parquoy depōsa son premier nom, car ainsi qu'aucūs croyent il mesmes des le cōmencement se nōmoit Cesar depuis que ce nom luy fut laissé avec la succession, neantmoins ne l'auoit certainement ne pour tel estoit de chascun estimé auant que ainsi fust confirmé selon la coustume du pays, pquoy de la en auant fut nōmé Gay, Iulles Cesar, Octouie: car ceste est la coustume quād quelqu'un est adopté de prédre vng autre nom du pere adoptateur, & de retenir vng des premiers noms trāsformé en quelque sorte cōme de Octaue fut transferé en Octauien. La chose demoura doncques en ceste maniere, mais ie ne le nommeray Octouie, ains Cesar par ce que à tous ceulx qui ont obtenu l'empire Romain se attribue ce nom: d'auantage ce-

Seuere em  
pereur  
grec.

Preminē  
ce otroyee  
à Cesar.

Tous em-  
pereurs  
nommez  
augustes.

Ituy cy obtit encores vng autre nō, cest à scauoir Auguste pour lequel tous les empereurs suiua's furent appellez Auguste: mais quād ie seray au propre lieu i'en feray mention plus ample, & ce pendant le nom de Cesar sera suffisant pour denotter Octouien. Ce Cesar donc depuis qu'il se fut cōsilié les souldardz & se soubmit le senat s'efforça faire la vengeance de la mort de son pere, & craignant de troubler le peuple ne demonstra sa volenté auant qu'il feist l'assignation des biens à eulx delaissez, mais depuis qu'ilz furent priuez de deniers (bien qu'ilz fussēt du public, & amassez pour occasion de la guerre) alors commença de poursuiure les persecuteurs: & à ce qu'il ne semblast le faire avec violence, ains avec iustice il produist vne loy du iugement d'iceulx, & veoyent qu'ilz fussent iugez (bien que pour lors fussent absens) car la plusgrand partie d'entre eulx estoient hors la cité, & encores aucuns estoient preffectz de la nation, & les presens ne cōparurent de paour, mais habandonnerent la cite occultement, au moyen dequoy furent condēnez sans estre ouys en leurs deffēces, non seulement ceulx qui avec leurs propres mains occirent Cesar & ceulx qui furent participans de la coniuration ains encores maintz autres lesquelz à l'heure ne se trouuerēt en Rome (non qu'ilz eussent dressē trahisons à Cesar) & fut telle chose determinée pour Sexte Pompée, car n'ayant esté aucunement participant de la coniuration, neantmoins fut condēné pour ennemy & à ces telz fut interdit le feu & l'eau, & si leurs hostelz furent publiez, & les nations non seulement celles aufquelles ilz estoient presidens, mais encores toutes les autres, furent comises aux amys de Cesar: & être les écoupez en fut vng Casca Publius Seruilius tribū lequel pource que Cesar l'auoit en suspitiō sortit hors auāt que Cesar entraist en la cité & fut priué du magistrat selō la coustume du pays cōme celluy q' estoit absentē. Et fut ce faict estāt le peuple assēblé p Publie Titie son cōpaignon: & depuis que Titie non gueres apres mourut se cōfirma en effect ce q' auoit esté obserué par lōg tēps ia passé, p ce que nul lequel eust deffaict son cōpaignō au magistrat, vesquit onc depuis vng an entier: Mais Brute mourut incōtinēt apres q' eut desmis Collatin & Grachus écores depuis la destructiō de Octouie fut occis. D'auātaige Cina lequel priua Mari<sup>9</sup> Flauus incōtinēt fut mis en pieces. Aisi furēt depuis ces choses obseruées. Mais les pcurseurs de Cesar estoient accusez de plusieurs que ce faisoient pour seulement cōplaire à son filz cōme par persuasions d'autres, pour autāt que les accusateurs receuoiet pour salaire deniers sur le biē de l'accusē, & l'hōneur & le magistrat d'icelluy sil se trouuoit auoir aucun magistrat, & qu'apres il & ses enfans fussēt exēptz de suiure la gédarmerie: & la plusgrāt part des iuges cōdemnerēt les accusez pour la grace & paour de Cesar, demonstans par vng certain moyen ce faire iniustement: & si furēt aucūs qui dōnerent leur voix pour le respect de la loy faicte sur la pugnition des persecuteurs, & aucūs pour les armes & puiffāce de Cesar: & p vng Silice courōné senateur apremēt fut absolz Marc brute, lequel pour ce fait se glorifioit

Condēna-  
tion cōtre  
les pcur-  
seurs de  
Cesar.

moult

moult & ocultement eſtoit loué des autres dōt Cefar acqueroit renommée de clemence,& pource q̄l ne l'auoit incōtinēt faiēt mourir,mais depuis il mourut pour auoir eſté proſcript.Ces choſes ainſi diſpoſees Cefar avec ſon exercite ſ'en alla deuers Anthoine & Lepide,car Anthoine depuis qu'il ſ'en eſtoit fuy de la bataille ne fut pourſuiuy par Cefar, par ce que deſia eſtoit la guerre commiſe à Decius,ny pareillement Decius le voulut pourſuyre, à ce qu'il demouraft cōme vng aduerſaire de Cefar,& aſſembla tous les ſouldardz qu'il peut demourez de la bataille & ſe retira deuers Lepide qui ſemblablement ſ'eſtoit mis en ordre pour venir en Italie ſelon le decret du Senat : mais depnis auoit receu commandement de demouurer , car depuis que les ſenateurs entendirent Sillane ſuyre le party de Anthoine, eurent paour que Lepidus Plancus & Lucius ne ſe adheraſſēt encores à luy,& leur enuoyerent denoncer qu'ilz n'auoyent plus beſoing de luy. Et affin qu'ilz n'euffent quelque ſuſpicion & ne feiſſent à ce moyen aucun mal, leur commirent de faire vne habitation à ceulx qui auoyent eſte dechassez par les Allobroges hors de Vienne Narbonnoife, & eſtoient logez entre le fleue du Roſne & celluy de Soſne, auquel lieu ilz conuerſent enſemble. Et ainſi ces trois ſuyuant ceſte ordonnance demouurerent & ediffierent la cité qui main tenant eſt appellée Lyon,non qu'ilz n'euffent peu ſ'ilz euffent voulu venir en Italie avec les armes,par ce que les decretz du Senat pour lors eſtoyent moult debiles contre ceulx qui auoyent les gens d'armes en gouuernement: Mais pource qu'ilz attēdans la fin de la guerre de Anthoine vouloyent enſemble demonſtrer d'obeyr au Senat & cōfirmer ſa puissance,& pource Lepidus reprint Sillene pour ſ'eſtre adioinct avec Anthoine, auquel Sillene eſtant venu en perſonne deuers luy ne parla ſi toſt, ains en eſcripuit au ſenat le reprenāt de ſorte que de ce receut louenge & fut faiēt capitaine de la guerre contre luy. Pour ces cauſes doncques au temps qui ſ'enſuyuit ne receut Anthoine ny le dechaffoyt auſſi, mais le laiſſoit pres de luy & communiquer avec ſes gens d'armes, neantmoins ne parloit aucunement à luy. Touſteſſois auoit entendu qu'il ſ'eſtoit accordé avecq Cefar alors il meſme ſ'accorda avecques tous deux. Ce que congnoiſſant Marc Bibence ſon ſoubzpreteur au commencement taſchea le remouuoir de tel propos, mais voyāt qu'il ne le pouoit faire luy meſmes ſe tua en la preſence de tous les ſouldardz,pour lequel faiēt le Senat luy conceda vne ſepulture & vne ſtatue publique: & oſtans l'ymaige de Lepide poſée ſur le tribunal, le feirent cryer pour ennemy,& determinerent certain iour à ceulx qui eſtoyent avecques luy dans lequel ilz le deuffent laiſſer,les menaſſans de leur faire guerre ſe au dedans le terme ne l'auoyent laiſſé: & pour ce de rechief inuerent & changerent leurs robes:car au conſulat de Cefar ilz auoyent reprins la togue, & ſi enuoyerent querir Brutus, Marc Caſſius, & Sexte Pompée pour aller en faiēt de guerre contre eulx. Et pource qu'il ſembloit les ſuſnommez tarder de venir, commiſſerent tout incontinent la guerre à Cefar, eulx ignorans

Lepide,  
Plaque, &  
Lucie, edi-  
ficateurs  
de Lyon.

Lediffica-  
tion de  
Lyon.

norans qu'il fust de la coniuration faicte entre eulx, laquelle il accepta en parolles, biē qu'il eust faict iurer ses gēs d'armes ce que cy dessus à esté dit: mais ne fait touteffois chose appartenant au faict de guerre non pource qu'il se fust accordé avec Anthoine, & par son moyen avec Lepide (car de ce faisoit peu d'estime) ains pource qu'il les veoit estre fors & concordans entre eulx pour leur affinité & ne leur pouoit faire violēce, ioinct qu'il esperoit par leur moyen destruire Brute & Cassie, lesquelz desia estoient puissans, & apres de les soubzmettre encorēs eulx mesmes l'ung par le moyē de l'autre. A ces causes contre sa volunté obseruoit les pactz & conuentions faictes avec eulx, & traictoit de les cōcorder avec le senat & le peuple, ne introduisant luy mesme ce party pour ne venir en souspecon ne s'estāt encorēs departy avec l'exercite cōme qu'il voulust faire guerre aux aultres. Mais Quintus leur conseilloit cōme à ce esmeu de soy mesmes de permettre qu'ilz retournaissent a Rome secrettemēt, neātmoins ne le peut impetrer auant que le senat en eust cōferé avec Cesar cōme qu'il n'en eult rien sceu, & fust cōtre sa volunté cōtrainct par les gens d'armes de leur assentir. Et ce pendant que ces choses se traictoient Decius au cōmencement se meut pour leur vouloir faire guerre, prenāt pour ses cōpaignons Lucius & Plancus puis qu'il leur auoit esté designe cōpaignon au cōsulat en l'an ensuyuāt. Mais ayāt entendu il auoir esté cōdāné & ilz estre absoulz, voulut aller avec sō exercite cōtre Cesar, & touteffois depuis estāt habandonné de Plancus qui se retira au pty de Anthoine & Lepide, determina de habandonner Gaule & de se retirer en Macedoine deuers Brutus, à pied par Esclauōnie, & enuoya deuāt aucuns gēs d'armes, ce pendant qu'il dispoit des negoces & affaires qu'il auoit entre mains, lesquelz encorēs esleurēt le party de Cesar, Lepidus & Anthoine ayās enuoyé aucuns apres l'exercite le desnierent, parquoy estant Decius habandonné fut prins par vng ennemy, lequel se doubtant de mourir soustenoit moult grād angouisse & se lamentoit griefuement, iusques a ce qu'ung nōmé Elbe Blaise qui estoit son amy pour auoir esté à la guerre avec luy volūtairēmēt se occist le voyāt Decius & ainsi luy encorē il depuis mourut dessus. Mais Anthoine & Lepide laisserent leurs soubzpreteurs en Gaule & s'en vindrent en Italie pour trouuer Cesar & amenerent avec eulx la plus grād & plus robuste partie de leur exercite par ce qu'ilz ne leur prestoyent foy entierēmēt & ne vouloyent encorēs leur estre obligez comme qu'ilz par eulx & par leur puissance & non par le moyen de Cesar eussent obtenu de retourner seurement. Et oultre ce esperoyent que Cesar & tous les autres de la cité feroient tout ce qu'ilz vouldroyent ayans illec presens leurs exercites. Dōcques avec tel courage & volunté ilz passoyent comme amys par le pays, lequel neantmoins pour la multitude & licence des souldardz estoit endominaigē comme se eust esté la guerre presente. Au deuant desquelz vint Cesar iusques pres de Bollongne moult bien acompaigné & en bel arroy si d'aenture ilz luy eussent voulu faire quelque insulte: neantmoins il n'eut besoing d'armes contre

Diffimula  
tion de Ce  
sar.

Brute de-  
laisse par  
les gens.

Desespoir  
de Elbe  
Blaise.

tre eulx, car ilz se auoyent en hayne l'ung l'autre, mais pource qu'ilz estoient en puissance esgalle & qu'ilz se vouloyent venger de leurs autres ennemys l'ung avec l'ayde & faueur de l'autre, pour ceste cause feirent vng accord simulé, & parlerent ensemble, non seulz, ains ayans chascun autant de soul-dardz l'ung que l'autre, en vne certaine isle faicte par le fleuve courant pres Bollongne, en maniere que nul autre s'approchoit d'eulx. Et ainsi estans que chascun d'eulx (respectiuelement moult esloignez de leurs gens) se tasterent l'ung l'autre pour veoir se ilz auoyent aucunes armes dessoubz leurs robes: & apres auoir parlé quelque espace ensemble vniuersellement se acorderet de se faire puissans contre leurs ennemys: & à ce qu'ilz ne semblassent manifestement pretendre à la monarchie, & pour ce, ou autre cause ne les eussent en hayne, ou ne deuissent leurs ennemys, conuindrent ensemble que tous trois fussent esleuz gouverneurs & dispésateurs de la republicque, seulement par l'espace de cinq ans, en maniere qu'ilz peussent ordóner & disposer des affaires sans en faire scauoir aucune chose au senat ny au peuple, & donnaissent les offices & magistratz à qui bon leur semblast & separément, affin qu'ilz ne semblassent se vouloir approprier toute l'empire: à ceste cause Cesar eut en gouuernemét de l'une & l'autre Lybie, Sardaigne & Sicille: mais Lepide, toute Espaigne, Gaule de Narbonne: & Anthoine print le reste de Gaule, cest assauoir celle qui est oultre & dans les Alpes, laquelle estoit côme i'ay dit nomée Gaule tognée, pource que ceste prouince sembloit estre plus pacifique que les autres & qu'ilz vsoyēt en leurs habitz de robes Romaines & ciuiles: mais l'autre estoit appelée Gaule cōmée, par ce que les habitás d'icelle portans leurs perrucques longues en ce estoient plus notables que les autres. Ces trois doncques se diuiserent ces trois prouinces en ceste maniere, affin qu'ilz prinssent les plussfortes qui fussent, & semblassent desirer le tout, & accorderet de faire mourir tous leurs ennemys, & que Lepide estât designé consul au lieu de Decius eust le gouuernement de la cité avec tout le reste de Italie, & que ce pédant eulx deux s'en allassent avec tout l'exercite cōtre Brutus & Cassius. Lesquelles conuentions furent par eulx confirmées moyennant sermens. & ce faict ayans cōuocquez les gés d'armes à ce qu'ilz entendissent & fussent tesmoings de leurs accordz leur dirent tout ce qui se faisoit pour l'honneur & leur seureté: & en ce les hōmes d'armes de Anthoine furēt mediateurs de copuler par mariage la fille de Fulnie femme de Anthoine qu'elle auoit eue de Claude: & ce feirent, Cesar en ayant vne autre: ne Cesar fut reffusant acomplir l'œuure ne pensant es nopces luy deuoir estre aucū ostacle aux choses qu'il auoit en volūtē de faire cōtre Anthoine, par ce qu'il scauoit entre les autres son pere Cesar n'auoir faict aucune chose moindre contre Pompée bien qu'il fust pere de sa femme.

Monopole.

Cesar  
gouuerneur de Lybie  
Sardaigne & Sicille

# Le Quaranteseptiesme liure

DE DYON, HISTORIEN GREC,  
Traduict d'Italien en Francois.

¶ Audit liure est traicté comment Cesar, Anthoine, & Lepide vindrent à Rome, ou ilz feirent plusieurs occisions: apres y est traicté de Brute, & Cassie, & de ce qu'ilz feirét auant la bataille es champs Philippiens: puis apres comment Brute, & Cassie, furent vaincuz par Cesar, & depuis se tuerent.



¶ Comment Cesar, Anthoine, & Lepide, venuz en la cité de Rome, feirent plusieurs occisions. Chapitre LXIII.



Yans Cesar, Anthoine, & Lepide, fait telle coniuration ensemble, prindrent leur chemin, faisans semer & espandre telle renommée qu'ilz vouloyent chascun d'eulx gouverner esgallement: mais en leurs entendemens chascun d'eulx pretendoit, & estoit ententif, à conquerir l'empire, combien qu'à ce parauât, & à l'heure, manifestement peussent pourueoir aux grands discordz & occisions qui apres se debuoyent

en-

enfuyure, par ce que a Lepide vng serpent entortillé entour de l'espée de son Centurion, & aussi vng loup estant entré en l'exercite & dans le paillon il se trouuant à table pour soupper, & ayant gettée la table par terre luy sembloit signifier au commencement puissance, & la difficulté qu'il deuoit auoir en icelle. Mais à Anthoine le laict qui couroit à l'entour de son tauldis & rampart, & vne certaine desconuenâce de sons qui resonnoit autour luy denotoit les delices & sa destruction qui luy debuoit arriuer pour icelles. Et à Cesar incótinent apres la coniuuration vne aigle laquelle se meit sur son paillon & occist deux cerfz qui luy vouloient oster ses plumes, luy prononca la victoire qu'il deuoit obtenir contre Anthoine & Lepide. Et ainsi ceulx cy premierement Cesar & apres ce les autres avecques tous leurs gens d'armes s'en vindrent à Romme ou incótinent par le moyen des tribuns confirmerent par loy tout ce que bon leur sembloit, car ce qu'ilz faisoýét encor avec violence estoit repute pour loy: & oultre en rapportoyent supplication, car il estoit necessaire qu'ilz fussent moult priez pour faire ces telles choses, & pour ce regard estoýent faictz quelques sacrifices comme que fussent moult prouffitables & prosperes, changeans leurs robes comme que tous feussent heureux, combien qu'ilz eussent vne grand paour, partie pour le passé, & partie pour les horribles signes que chascun iour apparoyoyent, Car les enseignes de l'exercite lequel gardoit la cité furent rempliz d'araignes, & furent veues armeures mótons au ciel & faisans grand bruyt, & es festes de Esculapius plusieurs mouches à miel estoýent moult violentes pres la sommité, d'auantage plusieurs aultours se poserent sur le temple du dieu Genius du peuple & de la déesse Concorde. Et ilz estans encores en Romme furent faictes ces occisions qui furent commises au temps de Silla, si que toute la cité fut plaine de corps mortz: car plusieurs estoýent occis en leurs propres hostelz; plusieurs par les rues & places & pres les temples, les chiefz desquelz estoýent posez sur le tribunal, & le reste du corps, ou il estoit laissé en ceste place & estoit mangé des chiens & des oiseaulx, ou il estoit getté dans le fleue, si que toutes les cruaultez qui ia furent faictes au temps de Silla se veoyent alors, excepté que furent exposées en public seulement deux tables, l'une ou estoýent proscripctz seulement les Senateurs à part eulx, & les autres en l'autre. Et ne puis entendre la cause pourquoy fut ce faict par ce que celle qu'aucuns pourroyent penser, assauoir que feussent proscripctz moins d'hommes, n'est vraye, car il en fut proscripct beaucoup plus comme des plus grans proscripcteurs, si que cela ne fut varié pour le respect des occisions faictes au parauant, ioinct que encore n'estans meslez les noms des principaulx avecq ceulx du peuple, moindre bruyt se fait de ceulx qui deuoýent estre mis à mort pour cause esgalle. En change de ce arriuerent maintes choses & griefues, combien que comme il apparoysoit, les premieres contenissent excès, Car au temps de Sylla ceulx qui faisoýent mal estoýent mandez sans premeditation aucune, à aucuns soubz couleur de  
tenter

Occision  
faicte en  
Rome.

tenter alors pareilles choses, & pource faisoient plusieurs actes en moindre malignité comme ceulx qui ne le faisoient avec prouidence, ains plus tost à l'adventure, & ceulx qui enduroyent encourans en calamitez subites & inaudites prenoyent quelque repos n'esperans deuoir soustenir telles passios. Mais maintenant estans toutes ces choses appareillées parauât d'aucuns, & d'aucuns véues & des autres ouyes avec les oreilles attentiuës deffoubz terre en oultre au temps du mylieu pensées d'aucuns coniment les deussent faire d'aucuns parauant doubtees comme qu'ilz les deussent endurer, arriuoit qu'ilz faisoient maintes cruaultez & inhumanitez pour imiter les choses passées, & pour ce qu'ilz imaginoyent d'en faire encores de nouvelles & inuitées. Et les autres regardans en leur entendement ce qu'ilz pouoyent endurer destruisoyent moult leur esperit deuant qu'ilz endurassent aucun ennuy. Et quant à ce furent pirement traictez que les premiers. Et encores au temps de Sylla seulement ses ennemys & ceulx qui estoient puiffans aupres d'eulx furent occis, mais de ses amys ny des autres nul fut mis à mort p son commandement, en maniere que exceptans ceulx qui estoient moult opulenz en richesses par ce que telz hommes ne peuent auoir paix avec plus riches que eulx, tous les autres auoyent bonne esperance. Mais en ces secôdes proscriptions non les ennemys & hommes riches, ains encores leurs tresqu'ennemys estoient occis contre leur opinion, car autrement peu ou nul pour cause priuée estoit venu en inimitié avec eulx, au moins si grâde qu'ilz en fussent inuahiz: mais plus tost les choses publicques, & la permutatiô des estatz les auoyent faitz grans amys & ennemys, par ce que tous ceulx qui aidoyent & fauorisoient en quelque chose vng sien amy estoient des aduerfaires reputez ennemys. Au moyen dequoy aduenoit que mesmes hommes estoient amys & ennemys à aucun d'eulx trois, de sorte que ce pendât que l'ung d'entre eulx se vouloit venger de quelqu'ung son ennemy ensemble estoit cause de la mort de ses tresamys, Car par les affaires qu'ilz traictoyent ensemble mettâs leurs amys & ennemys en egale sorte nul se pouoit venger d'ung sien ennemy qui fust amy de l'autre s'il ne luy en donnoit vng autre pour recompense, & pour le regard de lyre par eulx prinse. pour les choses passées & pour le souspecon des futures ne faisant plus estime du salut de l'amy que de la vengeance de l'ennemy, facilement vsoyent de telles permutatiôs, quoy faisans trahissoient malheureusement leurs tresqu'amys pour auoir en leur puiffance leurs tresennemys: laquelle chose faisoient aucunesfois en concedant tant pour tant, aucunesfois pour vng plus ou pour vng moins selon la dignité des personnes. Et generalement faisoient telle permutation côme vne certaine marchadise, car si l'ung estoit esgal à l'autre la permutatiô se faisoit simple: mais ceulx qui ou par vertu, ou par affinité, ou par dignité estoient excellentz en contre eschange de plusieurs autres, estoient mis à mort, & comme à acoustumé arriue souuent es batailles ciuiles, lesquelles furent faictes par longue espace de temps, & pour diuers affai-

affaires plusieurs festoyent faitz ennemys de leurs propres parens comme Anthoine festoit faitz ennemy son oncle Lucie Anthoine Cesar & Lepide son frere, toute fois ces telz furent sauluez. Mais des autres plusieurs d'iceulx furent mis à mort es propres hostelz de leurs amys & parens desquelz ilz esperoient estre sauluez & honnorez, car à ce que nul craignist de perdre les remunerations qu'il eust receues pour la mort d'aucun (côme fait Marc Cathon, lequel estant Questeur cōmanda que fussent renduz tous les biens qui auoyent esté concedez au temps de Silla) feirent denoncer qu'aucū tel ne seroit escript es liures publicques: au moyé de quoy plus tost tailloyēt en pieces les autres & especiallement les riches, posē qu'ilz n'eussent iniuriē cōtre aucun d'eulx: mais pource qlz auoyēt besoing de plusieurs deniers, & ne pouans p autre voye rassasier le desir des souldardz, esleurēt de poursuivre les hōmes riches: & oultre les autres choses qu'ilz feirēt inicquemēt, pour ce respect mirēt vng certain petit enfant entre les adolescēs, à ce qu'il fust mis à mort cōme qu'il fust ia en aage viril. Et estoiet ces telles cruaultez faictes, au moins la plus grand partie, par Anthoine & Lepide, pource qu'ilz ayans esté par longue espace honnorez par Cesar, & estans demourez par long temps en dignité & magistrat, auoyent plusieurs ennemys. Neātmoins sembloient pareillement estre faictes du consentement de Cesar pour la cōionctiō de la puissance. Mais il n'eut besoing d'en faire trop occir, car il n'estoit autrement cruel de sa nature & auoit esté nourry es coustumes de son pere. D'auantage il estant ieune & peu auant venu au gouuernemēt de l'estat public, n'auoit besoing de porter haine à plusieurs autres, ains plus tost vouloit estre aymé. Et que sa nature fust telle, assez se demōstre, car depuis qu'il se fut deslié de la compagnie des autres deux & eut la puissance de l'empire luy seul, ne fait oncques chose semblable ne si cruelle: & si encores durant ce temps en saulua plusieurs, non qu'il les feist mourir: car il fut moult cōtraire aux serfz qui auoyent trahy leurs maistres & aux autres, de paour qu'ilz ne feissent le semblable à ses amys: mais à ceulx qui leur donnoyent quelque secours se monstra moult fauorable. Et vng exemple de ce fut. Thamise femme illustre laquelle au commencement mussa son mary Tite Viue, lequel estoit proscript en vne queffe & le mit pres Philopomenes son affranchy, en maniere qu'elle fait acroyre qu'il feust mort, alors ayant obseruē vne feste publique que deuoit faire vng sien parent, obtint par le moyen de Octaue sœur de Cesar que luy seul des Triumuires entraist dans le theatre, auquel elle encores entrée manifesta à Cesar ce qu'elle auoit fait: & ayant reduict la queffe en ce lieu, tira dehors son mary, en sorte que Cesar s'esmerueillant de ce, les deliura tous, combien qu'eust esté fait cry à peine de mort à quiconques tiendroit aucun occultē, Et si d'auantaige meit Philopomenes homme affranchy au nombre des cheualiers. Cesar doncques en saulua plusieurs, voire tant qu'il luy fut possible. Et Lepide conceda à Paule son frere qu'il se meist en fuytte deuers Milet, & encores enuers les aultres n'estoit en

Beniuolēce  
de Cesar.

tout

Cruaulte  
de An-  
thoine.

Ordónâce  
de An-  
thoine cõ-  
tre le chief  
de Cicero.

Inhuma-  
nite de  
Fulnie cõ-  
tre le chief  
de Cicero.

tout inexorable. Mais Anthoine cruel & sans misericorde faisoit occir & mettre en pieces les proscriptz & encores tous les autres qui luy prestoient quelque ayde : et quand il estoit assiz à table pour disner ou soupper faisoit mettre deuant luy leurs chiefz s'esjouyssant grandement de ce trescruel & tresadmirable spectacle. Aussi Fulnie en fait mourir plusieurs tât par inimitié que par deniers & de ceulx encores qui n'estoyent notoires à son mary : parquoy il ayant vne fois veu le chief d'ung, dist, *Je ne congnois cestuy cy :* mais luy estant porté le chief de Cicero (lequel fuyât fut prins & occis apres luy auoir fait plusieurs iniures & vilanies) commanda qu'il fust mis en lieu pl<sup>9</sup> illustre que les autres sur le tribunal, à ce que au lieu mesme ou il souloit actioner cõtre luy il fust veu avec sa main dextre illec attachée. Mais Fulnie auât que le chief de Cicero fust emporté le print entre ses mains & apres l'auoir honny & de crachatz, le meit sur son giron, & luy ayant ouuert la bouche tira sa langue dehors laquelle elle picqua de plusieurs esguilles ou espingles qu'elle vsoit pour aornement de son chief, luy disant encores plusieurs opprobres & iniures. Et neantmoins ceulx cy encores en fauluerent aucuns desquelz ilz tirerent plus grosses sommes de deniers qu'ilz n'esperoient en trouuer, les faisans mourir. Et à ce que ne demourast le lieu vacque es tables en change de ceulx la en bannissoyent d'autres, Et ne fait Anthoine aucun autre bien sinon qu'il faulua son oncle paternel par les prieres de sa mere Iulie. Pour ces causes doncques furent faites diuerses occisions & plusieurs mis à mort d'hommes leurs tresgrâs amys. Et par le contraire plusieurs fauuez de leurs tresennemys. autres s'occirent eulx mesmes, autres furent delaissez par les inquisiteurs comme qu'ilz les eussent fait mourir, & aucuns pour auoir trahy leurs maistres ou leurs amys furent pugniz, & autres pour ceste mesme cause honnozez, & ceulx qui en fauluerent d'autres aucuns furent pugniz, & aucuns en receurent remuneration, par ce que estans trois hõmes gouvernâs & faisans le tout selon leur cupidité, & pour leur propre bien, & n'ayans tous trois mesmes amys & ennemys s'efforcoyent aucunesfois d'y fauluer vng lequel vouloit que son compaignon mourust. & ainsi au cõtraire : parquoy n'est de merueilles si plusieurs & diuers cas arriuoient, sicomme ilz se trouuoient amys ou beniuoles à quelqu'ung. Je doncques ne m'estendray vous raconter particulièrement toutes les choses lors faites, par ce que seroit vne grande œuure & si ne resulteroit gueres à la presente histoire, ains seulement exposeray les cas qui me semblent moult dignes de memoire. Vng seruiteur ayât mussé son maistre en vne cauerne & apres sachât qu'il deuoit estre prins & mis à mort par iugement des autres, print la robe de son maistre luy dõnant la siene, & ce fait s'achemina droit à l'écõtte de ceulx q chercheoyét son maistre, & ainsi fut mis à mort, & le maistre faulé. Vng autre encores ayant changé son habit avec celluy de son maistre entra en vne litiere couuerte & fait que le maistre la portoit, & ainsi estâs trouuez fut le seruiteur occis & cause que le maistre se faulua. Et vng esclau Bulle

Nature  
d'ung ser-  
uiteur.

non seulement ne voulut trahir son maistre qui l'auoit fait buller, mais outre ce fut cause de son salut, car il fut veu portât son maistre en vng certain lieu, & pource estoit pour suiuy parquoy il en occist vng qu'il rencôtra fortuitement & vestit la robbe du mort à son maistre & meit le corps sur vne pierre, en apres prit sa robe propre & deux anneaulx de son maistre, & d'illec s'en alla deuers les persecuteurs, ausquelz il donna à entendre qu'il auoit occis son maistre, dôt il fut creu rât pour les bulles côme pour la despouille qu'il monstroit. Quoy faisant ensemble luy sauua son maistre & fut honoré. & sont ces exemples narrées sans aucune memoire des noms: mais Osie Bete fut sauué par son filz qui le fait porter au sepulchre comme mort: pareillemēt le filz de Q. Ciceron frere de Marc Ciceron mussa son pere, & entant qu'il luy fut possible le sauua: car estant mis entre tous les tourmens qu'on scauroit estimer iamais ne voulut reueller ou estoit son pere. Ce que oyant le pere & s'esmerueillant de la cōstance & fermeté de son enfant fut esmeu à telle compassion que volontairemēt se meit entre les mains des persecuteurs. Telles furent les œuures de cruaulté & pitié, mais Publie Leue occist Marc Ciceron, bien qu'il fust son bien facteur, & vne fois l'eust defendu: & à ce que non seulement par ouyr dire, ains par auoit veu il fust cōgneu pour l'occiseur de Cicerōm eist son ymage courōnée aupres du chef de l'autre qui auoit son nom escript & le fait, au moyen dequoy tant fut agreable à Anthoine qu'il receut plus grosse somme de deniers qu'on ne luy en auoit pour ce faire promis: & quāt au regard de Marc Terence Varron, il ne fait iniure à aucū, ains ayant le nom en tout semblable (excepté que vng furnom, à vng autre proscrip) & craignant que pour ce ne luy arriuaist tel scandalle que adueni estoit à Cinna, gecta en Rome des billetz contenantz la difference de son nom estant pour lors tribun (chose qui comement chacun à rire & se mocquer de luy) touteffois l'incertitude de la vie humaine se peut comprendre de Lucius Filucius, lequel ayant esté proscrip auant Sil-la, & puis deliuré, vne autreffois fut prins & occis: mais Marc Valere Messalla ayant esté condemné à mort par Anthoine, non seulement fut assure ains depuis designé consul. Tant, aucū, des choses perilleuses & douteuses se scauent ayder, & aucuns autres posez en bonne confiance & esperance, perissent: parquoy l'homme ne doit pour la presente calamité se desesperer & perdre: ne en tout ne encores pour la ioye & prosperité presente demourer sans pensēe & regard: mais demourant au mylieu de l'une partie & l'autre esperance des choses futures en ceste maniere ordonner ses pensēes. Alors doncques furent les choses predictes ainsi executées, & plusieurs qui n'auoyent esté proscrip furent occis tant par deniers que par inimytez, & par le contraire plusieurs proscrip non seulement se sauuerent, mais retournerent vne autre fois, & aucuns d'eulx furent posez en dignité, lesquelz proscrip se retirerent deuers Brute Cassie, touteffois la plus grand se reduist deuers Sexte Pompée: lequel ayant esleu par-

Osie Bete  
sauue par  
son filz.

auant d'estre capitaine des nauires, & pour cè puissant en la mer assembla vne certaine puissance, combien que depuis eust esté priué par Cesar de ceste dignité, & apres auoir obtenu la Sicille & ayant esté proscript lors que les occisions se faisoient en Rome donnoit grand secours aux affligez du mesme cas qu'il estoit, car nauiguant le long de la coste de Italie enuoyoit à Rome & es autres citez dire & proclamer le double salaire à quiconques sauuaist ceulx qui auoyent esté promis aux percurseurs, ausquelz mesmes promettoit deniers & honneurs, au moyen dequoy plusieurs se retirerent deuers luy: car pour ceste heure ie n'escriptz le nombre de ceulx qui furent parauant proscriptz ny de ceulx qui furent occis ny deliurez, par ce que plusieurs qui du commencement furent inscriptz es tables, depuis furent razez & plusieurs autres mis en leur lieu, desquelz encores non petit nombre fut sauué & maintz autres furent mis à mort: & de ceulx cy mesmes, aucuns ne pouoyent faire plaincte ne gemissemens, ains plusieurs par ceste mesme cause furent mis à mort ensemble, si que finalement les miseres & calamitez surmontoyét leurs fictionis, pour autant que nul encores de ceulx qui estoient moult virilles pouoient facilement endurer: mais ainsi en toutes les autres choses comme en faitz & en parolles demonstroyent angoyffe. Et au commencement de l'an auquel ilz deuoyent faire feste selon l'ancienne coustume leur fut commandé qu'ilz demenassent ioye sur peine de la mort: s'ilz n'obeyssoyent, en maniere qu'ilz estoient contrainctz eulx resiouyr es maulx commis cōme que fussent propres biens. En oultre à ces trois hōmes ordonnerent par decret couronnes ciuiles comme qu'ilz eussent esté cōseruateurs de la cité, car ilz n'estoyent estimez debuoir estre encoulpez pour auoir occis aucuns hommes, ains plus tost les vouloyét louer, pourcè qu'ilz n'en auoyent occis d'auantage: & desia ces trois dirent au peuple qu'ilz n'auoyent imité la cruaulté de Marius ne de Sylla, par laquelle ilz meritassent d'estre hays, ne la clemēce de Cesar pour laquelle ilz fussent desprisez & se peussent trouuer en peril d'estre trahis. Telles choses furent faictes, de quant appartient aux occisions: & plusieurs autres inconueniens arriuerent iouxté l'auoir & bien d'aultruy: touteffois promirent comme hommes iustes & humains de rendre les dotz & douaires des femmes des proscriptz occis & aux enfans masles la dixiesme partie, mais aux filles la vingtiesme du bien de chascun d'iceulx: neantmoins telles promesses ne furent obseruées sinon en bien peu, & les biens des autres estoient vsurpez sans aucun respect, car ilz leuerent tous les louages des maisons conduictes à pris de deniers, & des propres des possesseurs exigèrent la moitié de ce quelles estoient estimées se pouoir admodier & partie à ceulx qui tenoyent les possessions osterent la moitié de leur reuenu. D'auantaige voulurēt que leurs souldardz fussent nourriz sans recepuoir deniers par la cité en laquelle ilz estoient en garnison les enuoyans par le pays comme en lieux publiez & habandonnez, & encores ceulx qui leur feissent resistance, car ilz les reputoyent ennemys

Promesses  
aux fēmes  
& enfans  
des pro-  
scriptz.

neinys veu qu'ilz ne festoyent reuoltez dans le temps à eulx ordonné. Quoy faisant desfroboyent & pilloyent tout & estoit ce concedé aux souldardz, à ce que ayans receu leur salaire & remuneracion auant les faitz fussent tousiours prest & appareillez de les seruir: en oultre leur promirét donner citez & pays, les consignans pour habitateurs & possesseurs de ce territoire. En ceste maniere doncques se obligeoyent les gens d'armes & des principaulx, aucuns appastoyent des possessions de ceulx qui auoyent esté occis, partie les gaignans & partie les donnans & à aucuns donnerent les honneurs & les prestises des mortz: car affin qu'ilz eussent à prédre pour eulx les plus beaux edifices qui fussent & donnaissent aux autres ce que bon leur semblaist, commanderent que nul autre lequel n'auoit volonté d'achepter vint au lieu ou elles se vendoyent sur peine de la vie: & ainsi ceulx qui veoyent faire les ventes acheptoyent à si hault pris que depuis n'auoyent plus volonté d'achepter. Quant à ce qui appartient aux possessions, ces choses furent faittes & les magistratz & les prestises de ceulx qui auoyent esté mis à mort ne furent donnez selon l'usage des loix ains selon qu'il leur sembloit: & ayant Cesar refusé le consulat, laquelle dignité il auoit autrefois tant desirée qu'il en print la guerre, depuis volontairement la laissa & encores estant mort son compaignon en esleurét vng autre: & Publie Vautide (bien qu'il fust preteur) en son lieu de preture mirent vng Edille, & depuis ayans osté des magistratz tous les autres preteurs cinq iours deuant le terme les enuoyerent aux prefectures des nations & en leur lieu cōstituerent autres preteurs, pareillement des loix partie en osterent & partie en y mirent d'autres, & vniuersellement feirent & disposerent du tout ainsi que bon leur sembloit, car non seulement vsurperét les tiltres à ceulz lesquelz auoyent pour ce esté desmis, mais encores toutes choses faisoiet selon leur volonté & desir, en maniere que la monarchie de Cesar sembloit auoir esté dor. En cest an doncques ilz feirent les choses predictes & ordōnerent par decret vng temple à Serapides & à la déesse Isis, & estans consulz Marc Lepid<sup>9</sup> & Lucius Plancus vne fois furét mises les tables dehors, lesquelles ne denoncoyent la mort à aucun, ains spolioyent les vifz de leurs biens & richesses, car ilz ayans besoing de deniers comme ceulx qui debuoyent beaucoup, mesmement aux souldardz & encores en auoyent despendu plusieurs en leurs propres affaires, & esperoyent en despendre beaucoup plus es batailles qu'ilz attendoyent chascun iour, estoient moult ententifz à recouurer deniers: neantmoins les exactions des tributz qu'ilz faisoient partie de ces tributz, lesquelz ayans esté vne fois adnullez estoient de rechief introduitz & partie estoient trouuez nouvellement & se trouuoient encores plusieurs inuentions sur les seruans, lesquelles comme sur les possesiōs estoient moult griefues à supporter à aucuns, mais ce estoit encores plus ennuyeux à chascun que non seulement les senateurs & cheualiers & femmes qui possedoyent quelques richesses, ains encores les affranchis estoient

Decret sur  
la vête des  
possesiōs.

proscriptz: estables & leur estoit imposée vne decime nouvelle, par ce que en parolles estoit seulement prins la dixiesme partie des biens d'aucun, mais en effect n'estoit laissée à aucun la dixiesme partie de son bien, car depuis qu'il ne fut commandé payer vne certaine somme selon l'estimation de leur bien, mais les laissoyent à leur iugement estimer leurs facultez, & apres quand estoient trouuez ne les auoir iustement estimées pour ceste calumnie perdoyēt tout le reste: & si aucuns euitoyent ce dangier, neâtmoins estans reduictz au besoing, pour les grandz impositions, & ayans grand necessite de deniers, par vng certain moyé encores estoient priuez de tout. D'auantage vne autre chose griefue à ouyr, & encores plus griefue à faire fut lors ordonnée, car ilz concederent à chascun qui voulust delaisser tout son bien demâder apres la tierce ptie, chose q̄ estoit autant cōme de perdre le tout & auoir empeschement, considéré pour autant que depuis que les deux pars leur estoiet pillées cōment eussent ilz peu recouurer la tierce partie, especiallement estans vendues ces possessions pour petit pris, lequel pris leur estoit diminué, estans plusieurs les proscriptz & la plus grand partie des hommes sans finance, & n'ayans les autres hardiesse de achepter aucune chose pour ne sembler d'auoir deniers, & ainsi demourer en peril de encores les perdre. En oultre les souldardz acheptoient toutes choses pour moindre pris qu'elles ne valloyent, en maniere que nul homme priué faulua chose aucune digne d'estime, car oultre les autres despenses furent contrainctz leur donner des seruiteurs pour l'armée & s'ilz n'en auoient estoit besoing qu'ilz les acheptassent: & les senateurs feirent les chemins à leurs propres despens si que seulement ceulx qui auoyent les armes entre les mains s'enrichirēt, car leur soule ne leur suffisoit, biē qu'elle fust grâde, ny les butins qu'ilz faisoiet sur les chāps ne les salaires avec les occisiōs qu'ilz receuoiet tresgrâdes ne les possessiōs qu'ilz tenoyent quasi en don: mais d'auantage les aucuns demandoient & receuoient tout le bien de ceulx qui mouroyent, les autres entroyent par force en ceulx des vieulx & decrepites, & des petis enfans qui encores viuoient, car ilz vindrent en si grande temerité & insatiabilité que l'ung d'eulx alors eut hardiesse de demander le bien de Attie mere de Cesar laquelle auoit esté honorée de sepulture publique. Toutes ces choses estoiet ainsi faictes & disposées par trois homes: & oultre ce glorifioient en tant qu'ilz pouoient Cesar, pour autant que comme ceulx qui estoient couuoiteux de la monarchie & se hastoyent de paruenir à icelle poursuiuoient en hayne tous les autres percurseurs, à ce qu'en ceste maniere rendissent leur estat plus seur & se preparassent pour l'aduenir plus grand seurté. Ilz faisoient doncques promptement tout ce qu'ilz veoyent conferer à l'honneur de Cesar s'attendants de encores vne fois recepuoir semblable honneur, & pource l'honoroyent de ce qui parauant luy auoit esté déterminé, encores luy adioingnient autres honneurs: car le premier iour de l'an ilz iurerent & feirent iurer les autres qu'ilz tenoyent toutes les

Les senateurs contrainctz de faire les chemins a leurs despens.

Temerite dung siple souldard.

cho-

ses ordonnées par Cesar pour fermes & estables: ce qui s'obserue encores de present par tous ceulx qui possèdent l'épire ou qui l'ont possédé, & n'ont esté blasmez. D'auantage feirent en l'honneur de Cesar vng temple heroicque en la place au lieu ou il auoit esté bruslé & enuoyerent vne sienne statue avec celle de Venus au temps du cours des cheualx, & si aucune victoire leur estoit denoncée estoient faictes les supplications à part elles pour Cesar, & autres pour celluy qui auoit esté victeur, & si contraignoient tout homme à celebrer le iour natal de Cesar portans laurier & demenans ioye, ayas faict vne loy que tous les autres lesquelz desprisassent ce iour fussent mauditiz de Iupiter & de luy, & que les senateurs & leurs enfans fussent condempnez en deux cens cinquante mille, pour ce que chascun en ce mesme iour les festes Appollines determinerent & que le iour precedant fust celebré sa natiuité: & fut ce faict par ce qu'ung certain oracle de la Sibille empeschoit que ne fust faicte feste en ce iour à aucun autre dieu que à Appollo. Telz honneurs furent dediez à Cesar, & le iour qu'il fut occis auquel souloit cōuocquer le senat mirent entre les iours Nephastes esquelz ne se pouoit traicter des affaires publicques: & pareillement la maison en laquelle il fut occis incontinent fut fermée, & le palais ou se assembloit le senat appellé Iule en son nom pres le lieu appellé Cornice, incontinent fut ediffié ainsi qu'auoit esté déterminé par decret: en oultre empescherent que aucunes de ses statues fussent portées es obseques de ses parens comme autrefois auoit esté faict, & encores se faisoit le tout comme s'il eust esté vng dieu: aussi commanderent que nul lequel pour estre en seurté sen fuyst au temple heroic de Cesar feust banny ne despouillé: chose non iamais parauant cōcedée à aucun dieu sinon au temps de Romule: touteffois ce lieu fut nommé Asille sans effect, depuis la congregation des hommes, car il fut fermé de telle sorte que nul y pouoit entrer: aux vierges Vestalles fut concedé que chascune d'icelle peust vser d'ung licteur, pour ce que vne d'entre elles vng iour retournat de souper en son hostel ne fut congneue, ains fut violée: & les magistratz estans dās la cité furent prolōgnez par plus lōg tēps qu'on n'auoit acoustumé: chose seulement faicte pour honorer ceulx qui estoient propres à eulx seulz & pour confirmer & fortifier plus longuement leurs entreprises avec la succession des hommes constituez es magistratz. Les affaires & autres choses ainsi ordonnées, Lepide demoura en la cité pour le gouvernement d'icelle & du reste de Italie: mais Cesar & Anthoine sortirent dehors avec les exercites, par ce que Brutus & Cassius au commencement depuis la coniuuration faicte entre Anthoine, Cesar & les autres, entrerent en la place & exercoyent l'office de la preture selon la premiere vsance: touteffois depuis que aucuns se commencerent à douloir de la mort de Cesar, ilz sortirēt dehors la cité comme qu'ilz se hastassent d'aller aux prefectures, combien que Cassius comme prefect de la cité n'eust encores celebré les festes Appollines: mais neantmoins en son absence les fait celebrer tresmagnifiquement par

Edificatiō  
du palais  
de Iules.

Tēple de  
Cesar nommé  
Asille.

Anthoine lequel estoit son compaignon en la preteure, & ne nauigua si tost hors Italie, ains estant en la compaignie de Brutus demouroit coy pour veoir & scauoir tout ce qui se faisoit, & enuoyoiét cōme preteurs quelques lettres dans Rome au peuple & iusques à ce que Cesar Octouien commença d'usurper l'estat & se consilier le peuple : car commençant à l'heure à eulx desesperer de la liberté populaire & craignans Cesar, se departirent de Italie & furent tous deux sumptueusement receuz par les Atheniens, car ilz estoient encores honnorez de tous les autres peuples pour ce qu'ilz auoyét fait : mais les Atheniens entre les autres leur dresserent des statues de cuyure aupres de celles de Arinode & de Aystogioton cōme qu'ilz fussent imitateurs de la vertu des autres. Et en ces entrefaictes entendans comme Cesar croissoit moult eurent petite cure des Candiotz & des Bithiniens, auquelz ilz estoient enuoyez ne voulans en eulx aucune vtilité d'en faire cōpte, ains tirerēt deuers Sirie de Macedoine (bié qu'ilz ny eussent que veoir) mais pource que c'estoyent prouinces puissantes & d'opportunité soit de deniers & de gens d'armes.

Statues  
dressees  
par les A-  
theniés en  
l'honneur  
de Brutus  
& de Cas-  
sius.

De Brutus & de Cassius, & de ce qu'ilz feirent deuant la bataille des champs Philipiques. Chapitre LXIII.

**A**insi Cassius s'achemina pour aller deuers les Siriens comme amys & ses familiers en la guerre faicte contre les Parthes : & au regard de Brutus il print pour luy Grece & Macedoine, car aussi bien se adheroyent ilz voluntiers à luy pour la gloire de ce qu'il auoit fait, & pour l'esperance d'obtenir semblables salaires, & pour ce qu'il encores auoit plusieurs souldardz rassemblez de la bataille faicte en Pharsalie, lesquels erroient encores en ces lieux, & de ceulx encores qui estoient fortiz avec Dolobel, mais auoyent esté illec delaissez ou par infirmité, ou par quelque autre desordre fait, & si auoit receu deniers à luy euoyez par Trebon. Il doncques sans peine print & vsurpa Grece comme celle qui n'auoit aucune puissance digne d'estime & s'en vint en Macedoine en ce temps auquel peu auant Gay Anthoine y estoit arriué, & Quintus Hortésis finy le tēps de son magistrat s'en debuoit partir : neantmoins n'eut aucun empeschement par ce que Quintus incontinent luy conceda & Anthoine estant empesché par Cesar, lequel estoit puissant en Rome qu'il ne feist aucune chose appartenāt à la prefecture en ce estoit moult debile. Mais Vatinien estoit presidēt aux Illiriens qui sont voisins, lequel ayāt de ce pays assailly Duras l'occupa auāt que Cassius y fust arriué, duquel il estoit mortel ennemy pour les seditions passées : tout effois ne luy peut faire aucun empeschement, pour autant que les souldardz estans mal contens de luy & le tenās en peu d'estime pour son infirmité se retournerēt au party de Cassius, lequel ayāt accepté ces souldardz se meut contre Anthoine estant en Appollonie, lequel venu contre luy

luy Cassius se reconsiia & tira à soy ses souldardz: parquoy s'estant Anthoine mis en fuite & retiré en vne fortresse, Cassie lassiegea & le print vif par trahison: touteffois ne luy feist aucun ennuy, ( bien escripuit aux senateurs apres ce qu'il eust pris Macedoine & Epire, tout ce ql auoit faict se soubzmettât ensemble ses souldardz à leur plaisir & voluté. Quoy oyás les senateurs lesquelz auoyent César moult à suspect le louerent grandemét, & si luy cōmāderēt prendre tous les autres lieux circouoisins: lequel mādemét par luy entēdu & cōgnoissant sa principaulté estre cōfirmée par decret, deuit beaucoup plus prōpt & sans aucū ostacle eut les subiectz fauorables. Et ce pēdāt entēdant cōme Cesar s'estoit faict ennemy de Anthoine il le cōfortoit par lettres ql se mist cōtré l'autre & s'accordast avec luy, & ia se mettoit en ordre pour nauiguer en Italie, de ce requis p le senat: mais depuis que Cesar eut mis ordre en toutes choses dás Rome & manifestemét pugny les pcurseurs de só pere, Cassius demoura tout coy, & cōsideroit cōmēt il pourroit resister à l'insulte & impetuosité de Cesar: & pource oultre toutes choses moult biē disposa des affaires de Macedoine, & appaisa les exercites mis en cāpaigne par Anthoine pour faire seditions cōtré luy (bien ql fust priué de l'ornemēt militaire) neātmoís ne peut garder repos en seurté & hōneur, mais traictoit de faire rebeller les souldardz de Brutus: & ayant esté descouuert auant que auoir grand mal, & luy auoir esté ostées les enseignes de capitaine, & il emprisonné, à ce quil ne feist aucune nouuelleté, non seulemēt demoura en paix ains feist encores plus grand nouuelleté que au parauāt, en maniere que aucūs souldardz vindrent au combat les vngs contre les autres, & aucuns se mirent en chemin pour venir en Appolline le deliurer de prison. Ce qu'ilz ne peurent faire, car Brutus de ce aduertty par lettres le tira dehors de prison & le mit en vne litiere couuerte cōmme que ce fust vng autre malade, & l'enuoya: parquoy les souldardz de Anthoine se doubtiens de Brute occuperēt vng petit thureau assis au dessus de la cité: mais Brute les ayant faict descēdre par composition, & apres auoir faict mourir les plus audacieux & cassé le reste, ordonna les choses en telle sorte qu'ilz occirēt & prindrent tous ceulx qui auoyent esté enuoyez, & cōme principaulx auteurs de la sedition demanderent le questeur & le soubzpreteur de Anthoine: touteffois Brute ne leur voulut deliurer aucū d'iceulx, ains les ayás mis en aucunes nauires cōme qu'il les voulust faire submerger les enuoya en lieu de seurté: & craignant que les souldardz ayans les affaires de Rome lesquelles estoient demourées moult terribles ne se changēassent vne autreffois laissa Anthoine en Appollonie en la garde d'ūg nōmé Gay Claude: & il ayāt prins avec luy la plusgrad & seine pte de l'exercite sē alla en la Macedoine superieure, & d'illec nauiga de rechef en Asie pour les cōduire ne plusloíg de Italie, & les substāter aux despens des subiectz, lesquelz il se feist en peu de temps beniuolles (bien se trouua vng nōmé Deotaire homme ia vieulx & decrepit qui desina secours à Cassius) & demourant en ce lieu furent dressées trahisons

Mutienrie  
de An-  
thoine.

Occi'on  
des gens  
de An-  
thoine.

## Le Quarante septiesme liure

Anthoine  
occis.

Pertinaci-  
te de Gel-  
lie.

par vng Gellie Public: aussi Marc Anthoine tépta apres auoir enuoyé quel-  
que nombre de gens d'armes en Macedoine de deliurer Anthoine son frere:  
mais Claude voyant qu'il ne le pouoit garder vif le feist occir, ne scay si  
de sa propre volonté ou par cōmandement de Brutus: car on dit que au cō-  
mēcement il sur toutes autres choses s'efforçoit de sauuer Anthoine, mais  
que depuis ayant entendu la mort de Decius n'en fait plus estime. Et Gellie  
(bien qu'il eust esté descouuert) neantmoins ne soustint aucun ennuy, par  
ce que Brutus l'ayant tousiours reputé pour son tresgrand amy, & cōgnois-  
sant son frere Marc Messalla bien amy de Cassius, le laissa aller: toutefois  
encores de rechef il s'efforça dresser trahisō à Cassie, & écores alors fut sau-  
ué par sa mere Pallas, laquelle premieremēt aduertie de telles trahisons, &  
craignant que Cassie lequel elle ayimoit grandement fust trahy, ou que son  
filz ne fust descouuert auant qu'auoir mis l'emprinsē à execution, volu-  
tairerement le feist scauoir à Cassie, demādant en recompensē de ce le salut de  
son filz: neantmoins pour cela ne le fait meilleur, car il delaisa ses biens fai-  
cteurs & se retira à la part de Cesar & Anthoine. Depuis doncques que Bru-  
tus entendit l'effort qu'auoit fait Marc Anthoine, & la mort de son frere  
il eut paour que nouuelletē ne se dressast en Macedoine pour son absence,  
parquoy prenāt son chemin vers Europe, incontinent occupa la region de  
Attalle, lequel decedē sans enfans l'auoit delaisē aux Romains: & estant en-  
tré en la region des Besses pour les venger des maux qu'ilz auoyent fait, &  
pour accepter le nom de empereur avec lequel plus facilement peust prédre la  
guerre contre Anthoine & Cesar, feist l'ung & l'autre ayant eu grand se-  
cours d'ung nommé Castiperides: & tirant deuers la Macedoine, & l'ayant  
en tout fortifiée de rechef s'en retourna en Asie. Ces choses furent faites  
par Brutus lequel es monnoyes qu'il feist forger fait insculper d'ung costē  
son ymage & de l'autre Pileus & deux dagues, voulāt denōcer pour ce cōme  
eulx deux, cest à scauoir Brutus & Cassius auoyēt restituē la liberté au pays.  
En ce mesme temps Cassius ayāt prins Dollobelle s'en passa en Asie deuers  
Trebon, duquel auoir receu deniers & plusieurs hōmes d'armes que Dollo-  
belle auoit deuāt éuoyez en Sirie, se aioignit écores plusieurs autres Asiēs &  
Ciliciēs, & pour ceste cause se fit cōpaignō écores cōtre leur volūtē de Tar-  
cōdemōt & des thratiēs q̄ portoiet signāt amour au premier Cesar que pour  
l'hōneur de luy au secōd denommerēt leur cité de Iulles Iulliopolis. Apres  
dōcques que Cassi<sup>9</sup> eut fait les choses cy dessus escriptes, il s'en vit en Sirie  
ou sās batailler cōqst to<sup>9</sup> les peuples & to<sup>9</sup> les exercites. mais l'estat de Sirie  
pour lors estoit tel: Cecilien Bas qui auoit esté en l'exercite de Pōpée & s'e-  
stait retiré en Thir demouroit en ce lieu ocultemēt en Epore: mais Sexte e-  
stait prefēt des Siriēs, car Cesar luy ayāt cōcedē cōme questeur & sō parēt  
toutes choses au tēps q̄ dechassa Pharnaces d'Egipte, Bas au cōmēcemēt de-  
mouroit coy luy suffisāt de viure: toutefois depuis qu'aucūs à luy se blables  
s'assēblerēt & q̄ se les appropriā, é sēble aucūs des souldars de Sext. q̄ vīdrēt  
pour

Cecilien,  
Bas,

pour la garde de la cité & plusieurs choses griefues & pilleuses estoient données chascun iour de Cesar & son éprinse de Affrique, alors ne fut cōtēt des choses presētes ains faisoit nouvelles esmeutes avec volūtē & courage de se conioindre avec Scipion, ou avec Caton, ou avec les enfans de Pōpée, ou biē de se faire soy mesme puiffāt de exercites: mais ayāt esté descouuert p Sexte auāt q̄l eüst fait tout sō appareil, s'excusa disāt q̄l assēbloit telle gēdarmerie pour éuoyer secourir Mithridates Pergamenō cōtre le Bosphore, laquelle excuse adioüstāt Sexte. facilement foy, fut Bas absoult: lequel depuis fagnāt aucunes lettres luy auoir esté enuoyées par Scipiō fema le bruit cōme Cesar auoit esté vaincu & deffait en Affrique, disant la presidēce de Syrie luy auoir esté designée, & aisi print Thir: & depuis ayāt pcedē iusques au deuāt du cāp de Sexte dōna la bataille à Sexte laquelle touteffois il pdit & fut griefuemēt nauré, parquoy depuis ne se ingera faire chose aucune par forcē, ains ayant enuoyé ambassadeurs aux souldardz de son aduersaire plusieurs d'iceulx se cōsilia & appropria, en maniere qu'ilz mesmes occirēt Sexte, apres la mort duquel il se adioignit tout l'exercite, excepté quelque petit nombre de souldardz, par ce que ceulx qui auoyent leurs statiōs en Apamée pour suyuit ilz estans auant conduitz en Cilice: neantmoins ne se les peut approprier: & retourné que fut en Sirie fut nōmé & appellé Preteur, & fortiffia Apamée à ce que luy fust receptacle au temps de guerre: & si assembla grosses troupes de gens d'armes non seulement de ieunes liberes ains encores de serfz, & accumula grand quantité de deniers faisant appareil de armes. Mais ce pendant qu'il faisoit telz preparatifz vng nōmé Gay Autiste l'assiegea, & ce faict to<sup>9</sup> deux venuz à la bataille de pres & ne pouans ne l'ung ne l'autre auoir grand auātage feirēt treues pour certain tēps en volūtē de chercher secours vers leurs cōpaignōs: au moyē dequoy avec Autiste se acōpaignerēt des peuples circōuoisins ceulx qui suiuoiet le pty de Cesar, lesquelz auoiet esté enuoyez de Rome p Cesar mesme. Et à Bas dōnoiet secours Alcādome Arabe lequel cōme à esté dit cy deuāt, s'estāt premier acordé avec Lucul<sup>9</sup> & depuis adherē aux Parthes cōtre Crass<sup>9</sup>, alors fut appellé en secours p l'ūg & l'autre, mais il venu entre la cité & les exercites de to<sup>9</sup> deux auāt que leur feist aucune respōse mist à lencāt son subsīde, & par ce que Bas estoit plus puiffant de deniers luy donna secours & en la bataille fait grād effort avec ses archiers: Pareillement y vindrēt les Parthes appellez en secours par Bas, touteffois pour l'yuer suruenāt ne peurēt gueres demourer avec luy & pource ne feirēt aucune chose digne d'estime. Et Bas ayant par certain tēps esté puiffant depuis vne autre fois fut assiege & en serré par Marc crispe & par Lucie Stace Muny: Mais estās les choses reduictes à telz termes, Cassi<sup>9</sup> suruenu s'appropria toutes les citez tāt pour la renōmée des choses p luy faictes en Tamique cōme pour l'autre bōne renōmée de soy: & dauātage sās peine se adioignit les exercites de Bas & des autres, & il estāt avec eulx es statiōs, vne subite pluye tomba du ciel, & en cest instāt certains pourceaulx fauluaiges entrez au cāp par

Mithridates  
Pergamen-  
non.

Bas vaincu.

Mort de  
Sexte.Signe ad-  
uenu au  
camp de  
Cassie.

toutes les portes d'icelluy les pertubèrent tous, en maniere que pour ce signe, aucuns comprindrent la puissance que Cassius auoit si tost cōquise & la ruine qui depuis s'en suyoit. Il doncques ayant prins toute Syrie, & ordonné les necessitez d'icelle se partit pour aller en Iudée, aduertiy que les souldardz delaissez par Cesar en Egypte venoyét, lesquelz facilement & les Iuifz semblablement tira à son party, & ce fait donna congé à Bas, Crispe, & autres qui ne vouloyét demourer en l'exercite avec luy ne leur ayât fait aucune iniure. Mais à Stace garda la dignité avec laquelle il estoit venu, & oultre luy commist l'administratiō & gouuernemēt de l'armée. Ainsi se fait Cassius moult puissant en briefue espace, & escripuit à Cesar pour l'accorder avecq luy & au senat pareillemēt. (cōme auoit fait Brute de l'estat ou il se trouuoit pour lors) au moyen dequoy le senat luy cōfirma la prefecture de Syrie & la guerre contre Dolobel auquel auoit esté assignée la presidence de Syrie, & estat cōsul desia estoit sur la fin du magistrat. Mais pour estre venu trop tard par Macedoyne, & par Thrace, & la nation nommée Asiaticque, demoura encores en ce lieu, & depuis que illec sejourant luy fut denoncé le decret du senat ne procéda plus oultre en Syrie ains demourant en ce lieu se porta avec Trebon en telle maniere qu'il luy fait croire qu'il luy fust tresbō amy, & recut de luy viures pour son exercite passant l'uer seurement avec luy: & voyāt que pour ce il estoit sans suspitiō ne tenāt garde's pres de luy le print au despourueu en la cité de Smirne en laquelle ilz estoient pour lors, & apres l'auoir occis gēta son chef deuat l'imaige de Cesar; & ce fait occupa toute Asie dōt les Romais aduertis, assauoir ceulx qui estoient en Rome, luy denocerent la guerre: car Cesar n'auoit encores vaincu Anthoine, ny ne tenoit encores tout l'estat de la cité entre ses maīs: & prefirēt vng certain terme à ceulx qui estoient avec luy dans lequel ilz le deussent laisser à ce qu'ilz encores ne fussent reputez ennemys de la Republicque: & generallement cōmiserent aux cōsulz la guerre cōtre luy apres qu'ilz auoyēt ordōné des affaires presens: car ilz ne scauyēt encores que Cassius occupast toute Syrie: mais affin que ce pendant telle guerre ne se feist plus grande, la cōmiserent aux Prefectz des natiōs plus prochaines: & depuis auoir entendu les faitz de Cassie feirent le decret predict auāt que la guerre se cōmençast. Dolobel dōcques ayant ainsi occupé Asie vint en Cilicie estat Cassius en Palestine: & auoir attiré à luy les Thratiés volontairement vainquit aucuns presides de Cassius qui estoient en Egre, & feirent course impetueuse en Syrie, & fut saccaigé par ceulx qui gardoyent Anthioche: mais les Laodiciens se rendirent à luy volontairement pour l'amytie qu'ilz auoyent avec le premier Cesar: & se trouuant fort par vng certain temps par le secours à luy arriué (car subitement luy vint secours de Asie) passa en Arde pour receuoir des habitās de ceste region deniers & nauires: mais estat en ce lieu avec petit nōbre de souldardz se trouua en peril si grāt qu'il fut cōtraint se mettre en fuite en laquelle récontra Cassi<sup>9</sup> qui encores nauiguoit en ce lieu, & venās l'ung

Stace.

Trebon  
trahy &  
occis par  
Dolobel.

Dolobel  
vaincu.

l'ung & l'autre au combat, fut Dolobel vaincu, lequel se retira dans Laodice ou Cassius le pourfuyant l'assiegea, si qu'il estoit en tout exclus de terre ferme, par ce que oultre les autres aucuns Parthes donnerent secours à Cassius. Toutefois estoit Dolobel puissant pour les nauires Asialiques & Egyptiennes que luy enuoya Cleopatra, & d'auantage pour les deniers qu'il auoit receuz d'elle, iusques à ce que Stace congregea l'armée, & estant entré dans le port des Laodiciens vainquit ceulx qui luy estoient opposez, & leur ferma la mer. Par ainsi estés entreprinſes toutes les voyes de Dolobel pour recepuoit & conduire les choses à luy necessaires, fit vne course pour recouurer viures, mais ayant esté repoulſé dans vne forteresse & voyant que illecq se debuoit rédre craignit qu'il ne fust prins vif & par ce s'occist soy-mesmes. ce que fit encores Marc Octauien son soubz preteur, & furét honorez de la sepulture de Cassius bien qu'ilz eussent gecté Trebon sans l'ensepuelir: & ses souldardz qui demourerét de la bataille furét fauluez & mis en seureté, posé qu'au parauant fussent iugez par les Rommains comme ennemys du pays. Et quant aux Laodiciens ilz ne receurent aucune peine sinon pecuniaire, ny pareillement aucun autre de plusieurs qui depuis insidierent à Cassius fut pugny. Durant ce temps les Thraciens s'efforcerent d'empescher le passaige du mont Thauré à Attilie Cimbre, lequel fut l'ung des percurseurs de Cesar, & pour lors estoit prefect des Bithiniens & venoit hastiuement pour donner secours à Cassius: mais delaisſans incontinent leur emprinſe de paour s'accorderent avecq luy pensans qu'il feust puissant. toutefois apres auoir veu le petit nombre de ses souldardz ne le vouldrent recepuoir dans la cité, ne luy administrer les choses necessaires. Et depuis qu'il ayant fait vne forteresse sur eulx se departit faisant plus d'estime de secourir Cassie que de destruire la cité de Thrace ses ennemys prindrent la forteresse par luy edificée & s'en vindrent en Adane lequel lieu leur estoit voisin, & de tout temps contraire, soubz couleur de vouloir fuyure le party de Cassius: parquoy de ce aduertiy Attilie Cimbre au commencement ce pédant que Dolobel viuoit enuoya Lucius Ruffus contre eulx, mais depuis y vint en personne. Et estans ia acordez avecques Ruffe ne leur fit autre ennuy sinon qu'il leur osta tous leurs deniers tant priuez que publicz, & pour ce furent les Thraciens louez des Triumuires qui desia auoyent tout l'estat de la cité entre leurs mains, & eurent esperance de recepuoir quelque chose en lieu de ce qu'ilz auoyent perdu. Et Cleopatra pour le secours qu'elle donna à Dolobel trouua le filz qu'elle disoit auoir conceu de Cesar, & pour ce le nomma Cesarion, & l'appelloit roy de Egypte. Mais Cassius apres auoir donné ordre aux affaires de Syrie & Cilicie se retira en Asie deuers Brutus, par ce que depuis qu'ilz furent aduertis de la coniuuration des Triumuires & ce qu'ilz auoyent fait contre eulx, conuindrent ensemble en ce lieu, & alors commencerent beaucoup plus à eulx entendre, ensemble, car ilz ayans vne mesme occasion de guerre & attendans vng mesme peril, & n'ayans

Desespoir  
de Dolo-  
bel & de  
M. octauié.

Capitula-  
tion entre  
Brute &  
Cassie.

iamais

iamais perdu la volonté de maintenir la liberté du peuple, & desirans de destruire ceulx qui estoient trois, & faisoient telles choses, plus promptement traictoyent tous leurs negoces de commú conseil. Et en somme determinerent de venir en Macedoyne, & de empescher que leurs ennemys ne passassent en ceste regiõ, ou bien de passer eulx mesmes auant en Italie. Tou tesfois depuis qu'ilz furent certainement aduertiz toutes choses s'appaiser en Rome & esperoyent que les Triúires eussent assez affaire contre Sexte lequel chascú iour les insidioit de pres, ne se soulcierét plus de faire ce voya ge si tost, ains tournoyans par le pays & enuoyans autres souldardz es regions circouoïnes acquirèrent pour amys ceulx qui premieremét. ne s'en tendoyent avec eulx & ce faisant accumulerent deniers & souldardz, neát moins Ariobarfanes & les Rhodiens & les Liciens ne leur faisoient autrement resistance toutesfois ne se voulurent accompagner avec eulx à la guerre, au moyen dequoy Brutus & Cassius suspectans qu'ilz ne suyussent le party de leurs ennemys par ce qu'ilz estoient moult affectionnez au premier Cesar, & craignans qu'apres leur departement ne feissent nouvelle es motion & prouocassent les autres de eulx rebeller, determinerent premiere ment se retourner contre eulx, esperans ou avec la puissance des armes par lesquelles ilz estoient superieurs les efforcer, ou avec benefices les persua der de prendre leur amytié. Suyuans laquelle determination Cassius avecq la multitude de ses nauires vainquit l'experience que les Rhodiens auoient en mer estant à la bataille cõtre eulx pres Minde, bien que depuis pres Rhodes mesme & ou stade se confians tant en leur armée sortirent auant avecq leurs nauires contre luy en terre ferme, & luy monstrent les ceps comme ceulx qui esperoyent prendre plusieurs des siens viz: & Cassie passé en l'isle ne leur fait autre mal, car ilz ne festoyent meuz especiallement contre luy, ains encores gardoyent la beniuolence qu'il auoit prinse à Rhodes ou sta de, toutesfois leur print & rait leurs nauires & leurs deniers ensemble toutes leurs choses sacrées; excepté le chariot du soleil tant seulemét: & ce fait ayant prins Ariobarfanes le fait mourir. Mais Brutus vainquit en bataille le commun exercite des Liciens venu contre luy sur les limites de leurs ter res, & d'auantage vne partie de la cité. Ce fait mit le siege deuant Xante, neantmoins estans les habitans & souldards sortis hastiuement & gestans feu es machines & leurs instrumentz de guerre avec dardz & sayettes incessã ment, Brutus fut en grand peril, & eust esté du tout deffaiçt sinon que les hó mes d'armes passez par le trauers du feu se ioignirét avec les enemys au des pourueu, lesquelz est oyent sans harnois, & ainsi les repoulserét au dedás de la cité & si entrerent en icelle avecques eulx & misrent le feu en aucunes mai sons. Quoy faisans, aux autres qui ce veoyent ne misrent petite frayeur: & aux autres plus esquartez donnerét a croyre qu'ilz eussent tout prins, Pour lequel bruyt les payfans du pays furent si estonnez qu'ilz bruslerent en cores tous les aultres lieux volontairement; & se tuerent cruellemét l'ung

avec

Ariobar-  
fanes.  
Rhodiens.  
Liciens.

Bataille  
contre les  
Rhodiens.

Victoire  
contre les  
Liciens.

avec l'autre. D'illec s'en alla Brutus à Patare ou il prouocqua les habitâs à son amytié, mais voyant qu'ilz n'en feirent compte par ce que les serfs & libres qui estoient pures ayans obtenu les vngs liberté & les autres l'abolitió des vsures empeschoyent l'accord, premierement leur enuoya les prisonniers de Xante, car plusieurs d'iceulx estoient conioinctz avec eulx par mariage, esperant par ceste voye se les pouoir faire amys. Toutefois cõgnoissant leur pertinacité (bien qu'il leur pmist rendre leurs parens & affins sans rancon) feit faire vng marché en vng certain endroiçt leur, pres les murailles, & ayât fait amener les principaulx les feit mettre à lencât pour veoir si p ceste voye il pourroit cõduire les Pathariés à l'accord: toutefois cõgnoissant leur obstination apres en auoir vendu quelque petit nombre, renuoya le reste. Neantmoins ilz considerans depuis entre eulx le mal qu'ilz estoient pour soustenir perseuerans en leur obstination, d'illec en ores ne luy feirent aucune resistance, ains comme à homme vertueux se colliguerent en amytié, parquoy n'eurent autre ennuy sinon qu'ilz payerent quelque somme de deniers. Ce que pareillement feirent les Miresiens, pource qu'il ayant prins leur preteur dedans le port le leur renuoya. Brutus & Cassius doncques auoir fait ce que dessus de rechef passerent en Asie, & ou s'estans reuelez l'ung à l'autre toutes les cauilations qui leur auoyent respectiuelement esté rapportées (comme arriue souuét en telz affaires) & excusez l'ung avecques l'autre vne autre fois passerét en Macedoine. Mais Gaius Norban & Deullius Sesse qui auoyent passé la mer Ionie auant que Stace vinst, & ayans préoccupé tout le pays iusques à Pongran le preuindrent & mirét le camp pres Philippe cité assise pres Pangie, & du mont appellé Simbole, cest assauoir coniuñction, par ce qu'en cest endroiçt ce mont se conioinct avec vng autre lequel s'estend deuers la terre ferme: & est posé entre Naples & Philippe, car ceste cité est située pres la mer & à l'endroiçt de Thasse: mais l'autre est ediffiée en la plaine entre les montaignes & Norban: & de Sesse arriuerent à passer par la voye plus courte. Mais Brutus & Cassius ne tenterent de passer par icelle, ains ayans fait vng circuyt par voye plus longue pres certain lieu nommé Chrenides trouuerent vng preside de gens d'armes lequel ilz receurent passans entre les inurailles & procedans en lieux plus haultz pres la cité mistrent en apparence l'ung & l'autre leurs camps separez. Toutefois en effect logerent ensemble, car les champs furent diuisez en deux parties à ce que les exercites demourassent en meilleur ordre & feussent plus obeyssans: & en somme combien qu'ilz fussent separez par vng fossé & rimpart posé entre eulx, neantmoins estoient en mesme circuyt & auoyent la seurte & forteresse commune, & si estoient de multitude plus que leurs ennemys pour lors presens: & pour ceste cause les ayans dechassez prindrent le mont Simbole. Et ainsi conduisoient ce qui leur estoit necessaire par voye plus briefue, car Norban & Sesse n'eurent aucunemét hardyesse de venir au combat avecq tout l'exercite, ains ayans enuoyé des gens de

Mont de  
Simbole.

Chrenide  
ville.

cheual

Céſar &  
Anthoine  
en Mace-  
doine.

cheual pour faire courſes ne faiſoient choſe valant le parler, mais plus toſt gardoyent que leur camp ne ſe miſt en peril, & enuoyerent haſtiuement deuers Céſar & Anthoine, leſquelz auoyent parauant entendu Brutus & Caſſius eſtre occupez iouſte les Rhodiens & Liciens, péſerent que deuſſent demourer plus longuement en ceſte guerre, & pource ne ſe haſtoyent, ains ſeulement enuoyerent deuât Seſſe & Narbon en Macedoine: mais ſi toſt qu'ilz entendirent ilz auoir eſté prins, commanderent aux Liciens & Rhodiens, & leur promiſrent certaines ſommes de deniers, & ilz incontinent ſe partirent de Rome. Et eſtans demourez, aſſauoir Anthoine, pres Brandis, pour l'empêcheſement qui luy eſtoit faiſt par Stace, & Céſar pres Rege: car auant ſe meut contre Sexte qui occupoit la Sicile, & ſ'efforçoit de venir en Italie. Depuis qu'ilz comprindrent qu'il n'eſtoit facile à deſtruire, & que les affaires de Brutus & de Caſſius les ſtimuloient, d'auantaige delibererent laſſer vne partie de l'exercite pour la garde de Italie, & avecq la plusgrand partie d'icelluy paſſerent la mer Ionye. tout eſſois demoura Céſar malade à Duras: mais Anthoine tira droit à Philippe ou incontinent fortifia ſes adherétz, & ce faiſt ayant dreſſé les inſidies à aucuns de ſes ennemys qui portoyét des viures & ne luy eſtant ſuccedé l'emprinſe, depuis n'eut ſi grand hardyeſſe: dont Céſar aduertiy & craignant de deux choſes, l'une que Anthoine n'obtint ſeu la victoire, ou qu'il ne la pdiſt, car pour l'une d'icelles doubtoit que Brutus & Caſſius ne ſe feiſſét trop fortz cōtre luy: & pour l'autre craignoit que Anthoine ne deuiſt trop puiffant, ſ'efforca de venir à Phelippe cōbien qu'il fuſt griefuement malade, ou il arriué les Anthoniens prindrent courage, mais preſumans n'eſtre le plus ſeur tenir leurs cāps ſeparez aſſemblerent trois exercites en vne meſme fortereſſe, à l'opposite de laquelle eſtans cāpez les ennemys iè faiſoyent quelques courſes d'une part & d'autre, neátmoins nulle bataille ordinaire fut faiſte, bien que Anthoine & Céſar euſſent grand volenté de ce faire, car ilz eſtoyent de gens d'armes plus fortz que leurs ennemys & n'auoyent ſi grand copie de viures cōme ceulx qui eſtoient foibles en mer eſtant leur armée occupée contre Sexte. Ilz doncques ſe haſtoient de venir à l'effect de la bataille tant pour les cauſes ſuſdictes que pource qu'ilz craignoyent que demourans en ce lieu ſans cōbatre, Sexte lequel tenoit deſia Sicile & ſ'efforçoit de venir en Italie ne la prinſt & apres ne vint en Macedoine. Et Brutus & Caſſie de leur part n'eſtoient autrement pareſſeux d'entreprendre la bataille par ce que de quāt ilz eſtoient inferieurs de ſouldardz à leurs ennemys de tāt les ſuperoiét de multitude: mais cōſiderans leur faiſt & de leurs aduerſaires par ce que chaſcun iour receuoyent ſecours de leurs confederez & auoyent grand habōdance de viures par le moyé de leurs nauires, pour ceſte cauſe demouroiét pour veoir ſi d'auéture ſans peril & occiſion d'hōmes ilz pourroyent eſtre victeurs: car cōme amateurs du peuple ſe voyans combatre contre leurs citadins n'auoyent moindre cure d'eulx que d'eulx meſmes, & deſiroyent en leur couraige de donner la liberté & le ſalut

à l'ung

à l'ung & à l'autre. A ces causes demourerent par quelque temps sur leurs gardes, ne voulans venir au combat contre eulx. Mais depuis que les gens d'armes lesquelz estoient la plus grand partie des subgectz estans agrauez pour le long defaïse, & desprisans encorès leurs ennemys pource qu'ilz auoyent faict l'expugnation qu'on à acoustume de faire auant la bataille en leur fort comme s'ilz eussent eu paour, alors les incitoient à vouloir prendre la bataille & les menassoient que s'ilz estoient longuement tenuz ainsi ilz s'en iroyent l'ung d'ung costé & l'autre d'ung aultre: pourquoy furent Cassius & Brutus contrainctz encorès contre leur volonté de venir à la bataille. Et l'on estimeroit non sans grand raison ceste auoir esté l'une des plus grandes guerres ciuiles non pour la multitude & force des combatans combien que autres plus fortz qu'eulx en maintz lieux combattirent, ains pource que de rechef comme au parauant contendoient pour la liberté & pour l'estat populaire. Mais les premieres batailles feirent scauoir à qui ilz deussent obeyr: toutefois pour lors aucuns se vouloyent acquerir puissance & autres la liberté, par laquelle le peuple ne declina plus à la liberté du parler, bien qu'il ne fust vaincu d'aucun, consideré que les confederez & allyez estoient comme partie adioincte aux exercites ciuilz: mais le peuple mesmes estant superieur & inferieur a soy mesmes se deceut soy mesmes & fut deceu, & pource consuma la liberté du peuple & augmenta la monarchie. Et ne diz que ne leur fust vtile alors estre vaincu. Car qui pourroit dire autre chose sinon que les Rommains furent vaincu, & Cesar vainquit quand ilz ne pouoyent en cest estat estre concordans: car il n'est possible qu'ung gouvernement populaire estant procedé à si grand enuie d'empire eust peu longuement durer en tranquillité, ains estoit necessaire que depuis venans en plusieurs semblables dissentions feussent faictz serfz ou du tout destruitz. & pouons comprendre par signes lesquelz apparurent alors comme la presente guerre fut tres grande: car comme souuēt arriue en toutes telles & semblables choses nouvelles & inusitées les dieux leur denoncerent par signes ce qui leur debuoit aduenir tant en Romme comme en Macedoyne, pource qu'en Romme le soleil par aucunes fois se diminua & deuint tres petit, & aucunes fois deuint grand & triplicque, & si aucunes fois luy soit la nuit. D'auantaige maintes sayettes celestes tomboyent tant en aultres lieux comme au temple de Iupiter victeur, & sallumoyent lampes en diuerses partz du ciel. Aussi certains sons de trompettes & clameurs de exercites avecq bruyt d'armes estoient ouyz des iardins de Anthoine qui estoient voyfins l'ung de l'autre pres le Tibre. En oultre vng chien ayant tiré le corps d'ung autre chien dans le temple de la déesse Ceres fouilla la terre avec les piedz & illec le soubzterra, & si naquit vng enfant ayant six doigtz en chascune main, & vne nulle pollina vng moult horrible monstre ayant icelluy deux natures, car des parties anterieures ressembloit vng cheual, & des posterieures il ressembloit à vng mullet. Aussi pareillement il aduint que la charrette

Signes aduenus en Romme.

re de Minerue retournât du cours des cheuaults au cappitolle se rompit, & la statue de Iupiter qui estoit en Albe au temps des series gecta sang de l'espaule dextre. & ainsi leur furent ces choses parauât signifiées par les dieux: & les fleues partie diminuerét du tout & partie retournerét en leurs cours: & sembla que tout ce qui par les hommes à l'auéture fut fait se rapportast a ce, car au temps des series le prefect de la cité fait les festes appellées latinianes lesquelles aucunement ne luy appartenoyent n'y estoient accoustumées estre celebrées. En ce temps aussi les Edilles des plebeyens firent faire les ieux gladiateurs en l'honneur de la deesse Ceres en lieu du cours des cheuaults bien que ne fust l'usage de les celebrer. En ce téps d'ocques en Rome aduindrét les choses predictes, & encores se y veoyét maintes autres signifiens l'entiere destructiõ de l'estat populaire. Mais en Macedoyne à laquelle appartient Pangre & tout le territoire d'autour, plusieurs troupes de mouches à miel enuironnerent le camp de Cassius, en la purgation de son exercite vng luy meit la courõne au rebours sur le chief: & vng ieune garson lequel en vne certaine pompe portoit l'ymaige de la victoire tomba. & ce qui demonstroit grandement la destruction de Cassie & Brute voire que encores estoit manifeste aux ennemys, fut que plusieurs vautours & autres oyseaulx qui mangent les corps mortz volloyent seulement sur leur camp & regardoyent deuers eulx faisans vng bruyt ennuyeux & horrible. A ceulx la telz signes demonstroyent leur mal futur. Mais aux autres n'apparut aucun monstre, au moins que i'aye entendu. bien leur apparurent en songe telles visions, Vng homme de Theffallie veit le premier Cesar, lequel luy commandoit qu'il deust referer à Cesar qu'il se trouuast en la bataille avec Anthoine & portast sur soy aucune des choses qu'il portoit lors qu'il estoit dictateur, au moyen dequoy print son anneau & souuenteffois de la en auant le portoit. D'auantaige sembla au medecin de Cesar veoir la deesse Minerue qui luy commandoit conduire Cesar hors le pauillon (combien qu'il fust grieffuement malade) & le mist entre les gens d'armes: chose qui fut cause de son salut, par ce que ou souuét aduient aux autres que demourás dans le fort du camp se saulent, & quand vont en bataille, se perissent, Le contraire de ce arriua à Cesar, car yssu hors le rampart & tauldis, & mis entre ceulx qui cõbatoient, pose qu'il fust desarmé pour la debilité de sa personne, neátinmoins se conserua avec sa tresgrad gloire, & succeda le fait en ceste sorte. Ilz n'accorderent aucunement du iour qu'ilz deuoient combattre, mais cõme qu'ilz se fussent entenduz ensemble vne partie & l'autre entour l'heure du point du iour sortirent aornez & prestz de cõbatre en champ, & les exercites rengez à l'opposite l'ung de l'autre les Preteurs & Soubz preteurs & les autres de inferieure dignité cõfortoyent à la bataille les gens d'armes tant en vniuersel comme en particulier, leur disans plusieurs choses necessaires au present peril, & maintes autres pertinentes pour l'aduenir, telles que diroyent aucuns se trouuans au peril instant & fussent pour souffrir quelque aduersite

Signes aduenus en Macedoyne.

Cesar malade mis entre les souldardz le iour de la bataille.

té à l'aduenir, & maintes autres parolles furent en l'ung & l'autre exercite semblables. comme entre ceulx qui estoient tous Romains & auoyent adjoinctz leurs compaignons: touteffois y estoit ceste difference, car Brute & ses conducteurs proposerent à leurs gens la liberté, l'estat populaire, & la destruction de la tyrannie des seigneurs, leur demonstrent les biens prouenás de l'equalité laquelle se obserue par la loy, & les maulx & inconueniens de la monarchie qu'ilz auoyent desia endurez ou ouys des autres: & faisoient comparaison de toutes ces choses l'une avec l'autre, les prians de vouloir suiure la meilleur & laisser la pire, & de prendre en amour les vnes & se dōner garde de rencontrer les autres. Mais en l'autre exercite estoient les gens de guerre exhortez cōtre les percurseurs de Cesar qu'ilz voulsiffēt appeter la domination de tous leurs compatrians, & ce pour lequel plus s'eschauffoyent estoit qu'ilz leur promissent quinze mil dragmes. Ce fait furent enuoyées enseignes autour du camp par lesquelles se peussent congnoistre desquelz ilz estoient: à celles Brutus estoit depaincte la liberté, & aux autres quelque autre deuise qui leur fut donnée. En apres vne trompette sonna d'une part & d'autre, & ainsi tous les autres sonnerent l'alarme, & premierement ceulx qui en vng lieu rond avec le son des trompettes prouocquoyent les hōmes d'armes à demourer fermes & se mettre en ordre, puis ceulx qui incitent les courages des souldardz à demourer fermes & les enflamber en la bataille, & depuis se fait vne grand silence en laquelle auoir demouré quelque téps cōmencerent d'une part & d'autre à faire vng grand cry. Et en cest instát les hōmes d'armes mettans leurs lances en l'arrest d'une part & d'autre tenans leurs escus chocquerent moult fierement, aussi les fonditeurs & archiers faisoient bien leur debuoir gectans pierres & sayettes incessamment: touteffois tant d'ung costé que d'autre regardoiet au cōmencement en quelle sorte ilz peussent naurer & occir leur ennemy sans receuoir aucune playe voulans tout à vng coup occir leurs ennemys & eulx sauluer.

Remōstrā  
ce de Bru-  
tus a ses  
souldardz.

Bataille.

Comment Brutus & Cassius furent vaincus par Cesar & se tuerent depuis. Chapitre LXV.



Pres ceste premiere impetuosité l'yre s'augmenta si que s'approchans l'ung de l'autre sans aucun respect de leur salut, ains pour le desir d'offencer leur ennemy se mettans eulx mesmes en peril, aucuns gettoient leurs escuz & prenoient leurs aduersaires, aucuns par le heaulme les suffocquoyēt & les frappoyent sur les espaulles, aucuns les desarmoient, & ce fait leur donnoient grans coups de dague dans le sein, & autres ostans à leurs ennemys les espées du poing les pour suiuyēt comme desarmez, autres exposans partie de leurs corps aux coups plus promptement deffendoient l'autre, & aucuns estās embrassez ensemble ne mouroyēt pour coups qu'ilz se donnassent, ains pour la mixtion des espées & des ar-

mes qu'ilz auoyent sur eulx, aucuns mouroyent pour les enormes playès qu'ilz auoyent receues & autres pour petites & ne sentoient douleur aucune ne faisoient encores aucune lamentation de leur destruction, car ilz paruenoyent à chose triste, mais vng qui eust occis son ennemy pour la grand ioye ne le pensoit estre mort, & tousiours celluy qui se rendoit demouroit sans sentiment ne congnoissant partie aucune de sa passion, & si demoura l'une & l'autre partie en leur propre lieu sans aller plus auant poufuyuant ne retourner en arriere fuyât, ains en ceste mesme place ou du commencement se trouuerent se frappoyent detrenchoyent & detailloyent l'ung l'autre, & dura la bataille grand partie du iour: & si tous ceulx de l'une part fust venue au combat. contre tous ceulx de l'autre côme est acoustumé de faire, & Brutus se fust rangé contre Anthoine & Cassius contre Cesar, la bataille eust esté esgalle: mais Brute pour lors oultragea Cesar, au moyen de son aduersité & Anthoine facilement obtint la victoire contre Cassius, lequel n'estoit semblable à luy en faitz d'armes, & encores arriua que l'une des parties ne fut alors du tout vaincue, ains toutes les deux & vainquirent, car vne part & l'autre chasserent leurs ennemys, & aduint que d'une part & d'autre s'en trouuoient maintz qui fuyoient & qui pour suiuoiet, & si furent les camp de toutes les deux parties prins, ioinct qlz estant vne grād multitude auoiet occupé vne grand espace, en maniere que ne se peut discerner l'une partie de l'autre, & en la bataille nul congnoissoit sinon sa part, & depuis que respectiuellement ilz commencerent eulx mettre en fuite chascun fuyoit en son camp, lesquels estoient moult distans l'ung de l'autre sans iamais tourner la face, au moyen dequoy & encores pour la pouldre lors tresgrande, n'entendirent la fin de la bataille, car la partie qui vainquit pensoit auoir obtenu la victoire entierement, & celle qui perdit pensa tout l'exercite auoir esté rompu, & ceulx qui auoyent esté victeurs se retirerent chascun en leurs tentes. De quant appartient à la bataille ie dis qu'ilz vainquirent & furent vaincus, car ne encores pour lors vindrent plus au combat n'ayant plus audace en l'une ne l'autre partie, mais depuis que se voyans l'une partie & l'autre au retour de la bataille congneurent ce qui estoit succedé, sortirent de rechief, ne toutesfois n'eurent hardiesse de combattre en l'ung n'en l'autre exercite: & fut en ceste bataille entre eulx aduantaige & desaduantaige, car le camp de Cesar & de Anthoine fut tout saccaigé, parquoy sembla que le songe du medecin fust salutaire, par ce que si Cesar y fust demouré eust esté occis avec les autres, & pource que Cassius se sauua de la bataille & estat priué de son fort s'en fuyt en vng autre certain lieu, & pensant encores que Brutus eust esté rompu & aucuns des victeurs le poursuiuisent se hastia de se tuer luy mesmes, car il enuoya vng centurion lequel inuestiguast & luy rapportast ou estoit Brutus: & ce qui se faisoit, & pource que ce centurion estant rencontré par aucuns cheualiers enuoyez par Brute demoura avecq eulx trop tard à retourner comme que toutes choses fussent feures, Cassius le voyant

Cruelle oc  
asion.

de loing soupçonna que ne fussent ennemis : parquoy commanda à vng nommé Pindare son affranchy qu'il luy ostast la vie, & voyant le centurion tel inconuenient estre arriué pour sa trop longue demeure s'occist encores luy mesmes. Brute doncques enuoya secrettemēt le corps de Cassie à Athos & ne le voulut faire ensepuelir en ce lieu, à ce que pour la representation de ses obseques dueil & regret ne s'engendrast en l'exercite, ains ayant rassemblé les souldardz qui estoient demourez & les auoir consolez avec deniers & recompenses des pertes receues fait les logis en son fort comme celluy qui estoit plus apte: & faisant les assaulx de ce lieu oultre les autres dommages qu'il faisoit à ses ennemis, de nuict encores assailloit leur camp, car il auoit volonté de reuenir vne autre fois à la bataille entiere: mais esperant en pour suite de temps les pouoir destruire sans son peril tascheoit de les troubler & mettre question entre eulx. Et vne fois ayant fait retourner le cours du fleuve par vne certaine voye refferma vne grand partie de son fort: mais Cesar & Anthoine auoyent tresgrād besoing tāt de deniers que de viures: au moyen dequoy ne donnerent aucune chose aux souldardz en recompense de ce qu'ilz auoyent fait, & si d'auantaige perdirēt le secours qui leur venoit de Brandis en des nauires de charge par les gens de Statie: neātmoins ne pouās seurement passer en aucun autre lieu, ne s'en retourner en Italie, ains ayans encores leur seule esperance es armes s'efforcèrent d'eulx mettre en peril auant que leurs gēs & leurs ennemis entédissent la rotte qu'ilz auoyēt eue sus mer, & ne voulāt Brute venir au cōbat fut getté en son fort ne scay quelles lettres, ny comment, lesquelles admōnestoyēt ses souldardz de suivre le party de Cesar & Anthoine, & pour ce faire leur estoient promises quelques recompenses, ou bien de descendre à la bataille s'ilz auoyent aucune puissance: toutteffois ce pēdant que telles choses se traictoyēt, certain nōbre de Celtes se departirent d'eulx & se retirerent deuers Brutus, & pareillement aucuns de ceulx de Brutus s'en fuyrent deuers eulx, entre lesquelz fut Amynte capitaine de Derotate & Thrasiposis, lequel comme aucuns dient incontinent se retira en son pays. Quoy voyant Brutus & craignant que ne se feissent plus grandz nouuelletez, delibera de venir au combat, & pour ce qu'il trouuoit plusieurs prisonniers en son exercite & ne scauoit commēt les garder durant la bataille, ne se pouant encor fier en eulx qu'ilz ne feissent quelque dommage en occist plusieurs s'uyuāt plustost la necessitē que la propre voluntē, especiallement par ce que ses ennemis auoyent occis les prisonniers par eulx pris vifz. Ce fait Brute s'appareilla & renga ses batailles: pareillement Anthoine & Cesar ordonnerent leurs gens: & les deux exercites regez & à l'opposite l'ung de l'autre deux aigles vollās sur iceulx se combattirent ensemble, & ce faisant demonstrenterent comme la fin de la guerre deuoit succeder: car comme l'aigle du costē de Brute fut vaincu, ainsi son exercite ciuil ayant cōbatu par longue espace fut rōpu, parquoy grosse occision faicte d'une part & d'autre, les gens de cheual se retirerent ēcores cōme

Amynte  
Thrasiposis  
fis.

Brute vaincu.

filz eussent combatu virilement, mais les victeurs les pour suyirent hasti-  
 uement de tous costez: toutes fois ne prindrent ne occirēt aucun d'eulx, ains  
 leur ayans la nuit en suyuant dressé les embusches, empescherēt que depuis  
 ne se peurēt ralyer en fēble. Brutus tafcha de rechef d'ētrer en son cāp (car il  
 s'en estoit fuy en vng certain lieu moult fort) mais entendant qu'aucuns de  
 ses souldardz s'estoyent retirez deuers ses ennemys n'eut plus aucune es-  
 perance, ains se desesperant de son propre salut, & se doubrant d'estre pris  
 vif eut refuge à se occir soymesme. Et ayant proferé ce dit de Hercules (O  
 miserable vertu, tu seulement cryes parolles, mais ie te exercitoys comme  
 encores feusses les faitz, neantmoins tu encores sers à la fortune) appella  
 vng de ses familiers illec present & luy pria luy oster la vie: & ainsi le reste  
 de son corps fut ensepulturé par Anthoine & son chef enuoyé à Rome: tou-  
 tessois nauiguant sur la mer estant suruenue vne tempeste merueilleuse fut  
 getté en l'eau. Apres laquelle mort de Brutus tout le reste de son exercite  
 preallablement assure se rendit. Mais au regard de sa femme appelée Portie  
 si tost qu'elle entendit la mort de son mary, ayant engloury certaine quan-  
 tité de charbons ardentz incontinent passa de ceste vie. Des hommes prin-  
 cipaulx ceulx qui auoyent quelque magistrat, ou pource qu'ilz auoyent esté  
 du nombre des percurseurs estoyent bannis, la plus grand partie f'occirent  
 eulx mesmes ou furent mis à mort apres auoir esté prins, comme Fauone,  
 mais les autres montez en mer se retirerent deuers Sexte.


Mort de  
Portie.

# Le Quarantehuytielme liure

DE DYON, HISTORIEN GREC,

Traduict d'Italien en Francois.

En ce liure est traicté du combat de Cesar contre Fulvie, comment Sexte Pompée occupa Strabe, comment les Parthes occuperent tous les pays iusques à l'Hellespont, comment Cesar & Anthoine s'accorderent avec Sexte, comment Publie Ventidie vainquit les Parthes & conquist Asie, & comment Cesar commença la guerre contre Sexte.



Comment Cesar combat contre Fulvie, & de Lucie Anthoine.

Chapitre

LXVI.

**B**

Rutus & Cassius doncques furent destruitz avec les mesmes armes qu'ilz occirent Cesar au senat : & les autres qui furent participans de la coniuration, aucuns alors, aucuns depuis, & autres au parauant, excepté quelque petit nombre furent mis à mort ainsi que le vouloit iustice, & les dieux mesmes sentencioyent, qu'ilz, lesquelz auoyent vng tel &

si grand personnage occis, qui estoit leur bien facteur, perissent en telle maniere: au moyen de laquelle victoire Cesar & Anthoine estoient plus puis-

Diuisiō de  
Syrie fai-  
te entre  
Cesar &  
Anrhoine.

sans que Lepidus comme celluy qui n'auoit esté p̄cipāt d'icelle: toutesfois non long tēps apres deuoiet deuenir ēnemys l'ūg de l'autre, car estoit moult difficile que trois hommes de esgalle dignité qu'ilz auoyēt occupée en tant de entreprinſes apres la victoire se accordassent ensemble. Et par ce toutes les choses qu'ilz auoyēt faictes ensemble pour destruire leurs ennemys, alors estoient remunerations préposées à l'ābitiō de l'ūg & de l'autre, pour autant que incontinent ilz diuiserent la seigneurie. Quoy faisant à Cesar aduit Espagne & Numidie, mais à Anrhoine Gaille & Affricque accordās entre eulx de dechasser Lepidus s'il s'en courroucoit: & se diuiserent seulement ces pays, pource q̄ tenoit la Sicile & Sardaigne & que les autres lieux de Italie estoient encores en confusion: parquoy n'est besoing que d'icelle ie parle, consideré qu'en telle seditiō Italie demouroit extenuée, & tousiours disoyent combatre pour sa deffence & non pour la conquerir. Ayans donc laissē ces lieux en public, Anrhoine print en luy la charge de pacifier ses aduersaires & recouurer les deniers promis aux gēs d'armes, mais Cesar de resister à Lepide s'il faisoit nouvelle esmeute & de combatre contre Sexte, & en oultre de diuiser à ceulx qui ia estoient hors l'aage militaire les possessions qu'ilz auoyent promises à leurs gēs d'armes (chose bien tost executée.) D'auātage Cesar enuoya deux de ses legiōs à Anrhoine lequel luy promist luy en rendre autāt des siēnes estans encores en Italie. Ayans faict entre eulx telle cōpositiō & icelle escripte & seellée se dōnerēt l'ung à l'autre obligation signée respectiūemēt de leurs mains, à ce que nul d'eulx peust cōtreuenir aux pactz & se peust cōvaincre. Ce faict s'en allerēt, a scauoir Anrhoine en Asie, & Cesar en Italie, lequel p̄ le chemin & au passer de la mer deuint griēuēment malade, en maniere que aux Romains fut aduis q̄ luy fust mort & ne pēsētent que la cause de sa demeure ne fust tāt pour le respect de son infirmité cōme pour leur ordonner quelque grād mal, au moyen dequoy se doubtoyēt que ne leur arriuaſſent tous les maulx & ennuis que leur pouoyēt aduenir. A ceste cause luy auoyēt ordōné p̄ decret pour la victoire obtenue plusieurs préeminēces, à scauoir toutes celles q̄z eussent octroyées à l'autre partie se d'auēture elle eust obtenu la victoire: d'auātage determinerēt (toutesfois cōtre leur volūtē) que chascū an fussēt faictes supplicatiōs pour eulx, car Cesar leur cōmāda ce faire pour la vègeāce faictē cōtre les p̄curseurs de Cesar: lequel demourāt ainsi par le chemin se diuulguyēt plusieurs propos & diuerses passiōs vexoyēt leurs entēdēmēs, car oultre les autres choses ilz diuulguyent que Cesar estoit mort. Quoy faisant en resiouyſſoyent plusieurs, autres disoyent qu'il estoit pour leur faire quelque ennuy, & ainsi effrayoyēt les autres, au moyen dequoy les aucūs occultoyēt leurs richesses & estoiet moult entētifz à garder leurs mesmes personnes, & autres pensoyēt en quel lieu se pourroyēt retirer, autres (lesquelz estoiet la plus grād partie ne pouans seulement excogiter aucune chose pour la grand paour) se preparoyent à la mort trescertaine, & bien peu se trouuoient qui eussent autre esperance

esperance, car pour la grande & inestimable destruction tant des hommes que des deniers ne se trouuoit chose des passées qu'ilz n'attendissent, & encores de pires: parquoy craignant Cesar qu'ilz ne feissent quelque nouuelleté spectallement pour la presence de Lepide enuoya lettres au senat les confortans de bien esperer leur promettant de vouloir vser de toute mansuetude & humanité selon le temps present. Et pour lors furent ces choses faictes: mais en l'an suyuât furent créez consulz en parolles, Publius Seruilius & Lucius Anthoine, mais cestuy cy avec Fulvie furent consulz: car elle estant mere de la femme à Cesar & femme de Anthoine pour la vilité de Lepide ne l'estimoit en rien, & auoit tout le gouuernement entre ses mains si que ne le senat ne le peuple traitoit aucune chose sans son cōsentemēt: & qu'il soit vray, voulant Lucius triumphier d'aucuns qui habitent les Alpes, ce pendant que Fulvie luy fut contraire nul le luy voulut conceder: mais depuis qu'elle suppliée le luy conceda, le decret sur ce faict confirmé à chascun en maniere qu'en parolles Anthoine triumpha d'iceulx lesquelz il disoit auoir vaincuz (bien qu'il ne eust faict aucune chose digne de triumphe) toutesfois en effect Fulvie receut cest honneur. Elle dōc beaucoup plus comme que plus vrayement pour auoir donné licence à vng autre de triumpher estoit plus grand chose que l'auoir receue d'ung autre, excepté que Lucius se meit l'habit triumphal, monta sur la charrete, & fit les autres choses acoustumées en semblable pompe: mais Fulvie sembla d'auoir faict le triumphe & Lucius auoir esté son ministre, lequel triumphe fut conduit le premier iour de l'an, & Lucius se vatoit auoir obtenu egalle gloire avec Marius pour auoir accompli ce triumphe au cōmencement du mois auquel il commenca d'estre consul: & d'auantaige se preferoit à luy se disant auoir volontairement depose les aornemens consulaires & auoir rassemblé le senat en habit: mais Marius auoit faict ces choses contre sa volūtē: & adioignoit pour sa gloire que à l'autre fut donnée vne certaine ou nulle couronne, mais il en auoit receu oultre les autres aucunes du peuple vne par chascune tribu (chose non iamais aduenue à nul autre) & ce obtint par le moyen de Fulvie, & pour les deniers qu'il donna secrettement à aucun en cest an. Alors Cesar sen vint à Rome & auoir faict ce qui est necessaire pour la victoire, apres se tourna au gouuernement & administration de la Republicque, par ce que Lepidus tant pour la paour qu'il eut de Cesar comme pour sa pusillanimité ne fit aucune esmotion, & Lucius & Fulvie comme ceulx qui estoient ses allies & cōioinctz en affinité au commencement ne luy obsterent, toutesfois en poursuite de temps vindrent en dissention se lamentans qu'ilz n'auoyēt la part de la diuision des possessions aduenuz à Anthoine: mais Cesar se deuoit pource qu'il n'auoit receu les legiōs promises par Anthoine, & ainsi leur affinité laquelle estoit pour le regard du mariage fut desliée & procederent à vne inimytiē manifeste, car Cesar ne pouant endurer la cruaulté & aspreté de Fulvie avec laquelle vouloit sembler estre plus tost en differant que cō-

Discord entre Cesar  
Lucius &  
Fulvie.

Cesar re-  
pudia sa  
ferme  
fille de  
Anthoine.

Lucius  
surnōme  
le pitoya-  
ble.

tre Anthoine renonça sa fille pour vierge: ce qu'il confirma par serment, ne ayant aucun respect si les autres creussent qu'elle fust demourée vierge par si long temps au pres de luy, ne si les autres pèssent s'il faisoit cela pour estre libre es batailles qui deuoyèt succeder entre luy & Anthoine. Et ce adueni ne fai soyèt aucune chose amiable: mais Lucius avec Fuluie prenoit en soy le gouuernement comme qu'il le feist au nom de Marc Anthoine, & n'en laissoit aucune chose, car pour la reuerence qu'il portoit à son frere s'estoit sur nommè le pitoyable: mais Cesar n'en incolpoit aucunement Marc Anthoine, à ce qu'il ne se feist son ennemy il estant president en Asie, ains accu- soit ces deux & leur resistoit comme à ceulx qui feissent telles choses contre la volunté de Anthoine & desiroyent s'acquerir vne puissance à part eulx, & l'une & l'autre ptie eut grande esperâce en la diuision des possessiōs, & pour ce au commencement se discorderèt pour icelle, car Cesar vouloit luy mesmes faire ceste diuision à tous les souldardz qui auoyent esté tant avec luy à la guèrre que avec Anthoine le tout selon les pactz & conuentions entre eulx faictes apres la victoire, & pour ce les faire beniuolles: & pareillement Lucius & Fuluie vouloyent distribuer les possessions aux leurs, & enuoyer collomnes aux citez pour ce les faire beniuolles, ioinct que sembloit chose moult prompte a l'une & l'autre partie de donner les biens des desarmez à ceulx qui auoyèt esté avec eulx à la guèrre: Depuis dōcques que grand trouble & cōfusiōn suruint cōtre leur opinion, & desia le fait estoit reduit pour venir à la bataille, car Cesar auoit prins au commencement les possessions à tous les pays de Italie avec les serfz, excepté d'auenture se aucū d'eulx n'auoit esté en l'exercite avec luy, & donnoit ces biens aux souldardz, dōt ceulx qui estoient priuez des possessions se lamentoyent grandement de luy & se reuoltoyent à l'autre part. Et Fuluie & le consul ayans esperance de conquer plus grand puissance entre ceulx qui estoyet iniuriez laisserent ceulx qui debuoyent recepuoir les possessions & s'adioignirent aux autres comme à la plus grand partie & à ceulx qui meritément estoient adyrez, & pour ce les acceptans en leur compaignie, les aydoient & maintenoient, en maniere que ceulx qui au commencement doubtoyent Cesar, alors prindrent audace ayans trouuè cappitaine & ne laisserent plus aucuns de leurs biens pensans ceste estre la volunté de Marc Anthoine. Lucius donc & Anthoine at tiroyent à eulx ceulx cy & ne molestoyent aucunement ceulx de Cesar: es- pécialement pour ce qu'ilz ne pretédoyent qu'ilz deussent obtenir aucū biés, mais disoyent que leur debuoyent suffire ceulx de leurs ennemys, lesquelz auoyent esté contre eulx à la bataille: mesmement par ce qu'ilz leur demon- strerent & les possessions & vtensilles lesquelles estoient alors acheptées, aucune desquelles disoyent leur debuoir estre données & d'aucū le pris d'i celles & s'elles ne leur suffisoient leur donnoyent esperance de les conten- ter avec les richesses d'Asie, en maniere que pour ce arriua que Cesar com- me celluy lequel auoit priuè par force les possesseurs de leurs biens, & met-  
toit

toit en peine & peril tout homme pour icelles se fait ennemy tant l'une que l'autre partie: & par le contraire Lucius & Fulvius se les concilioient toutes deux comme ceulx qui prenoyent aucuns de leurs biens & demostroyent de vouloir accomplir sans bataille les promesses faites aux souldardz avec leurs facultez propres. Pour lequel differend & pour la famine laquelle estoit la mer entreprinse du costé devers Sicile par Sextus & de l'autre devers le signe Ionien par Gnaeus Domitius Enobarbus) agrouoit grandement les Romains. Cesar se trouvoit en grand peine par ce que Domitius estoit l'ung des persecuteurs: mais se prestât faulx de la bataille faite pres Philippes rallia vne certaine armee & tint en sa puissance le signe de la mer, quoy fait fist plusieurs souldardz de la part contraire. Ces choses doncques molestoient grandement Cesar, & pour ce que ayas les souldardz tresgrands differendz avec les maistres des possessions il ne pouoit adherer à l'une ne à l'autre partie sans grand peril, & estoit impossible les gratifier par ce que les vngs vouloyent faire iniure & les autres ne vouloient estre iniuriez, les vngs vouloient prendre les biens des autres, & les autres vouloyent retenir leurs biens propres, & quelzcoques fois Cesar favorisast l'une partie plus que l'autre se faisoit ennemy de la partie contraire, & n'auoit si grand gloire de la faueur qu'il prestoit à aucuns, que hayne pour aucunes choses qu'il ne permettoit: car ceulx cy prenans toutes choses comme à eulx deues ne reputoient receuoir aucun benefice: Mais les autres se lamendoient comme ceulx ausquelz auoient esté leurs propres biens. A ceste cause s'il sefforçoit de suyure tantost l'une tantost l'autre partie & maintenât estoit appellé aucteur du peuple & tantost ennemy des souldardz, au moyen dequoy voyant qu'il ne faisoit rien en ceste maniere, & oultre cognoissant par experience que les armes ne seroient suffisantes a luy conquerir l'amour de ceulx qui receuoient l'iniure, mais bien pourroient destruire ceulx qui ne voudroyent obeyr, toutesfois que seroit impossible qu'ilz ayassent aucun contre leur volunté, Ainsi luy, bien que non voluntiers declina son couraige & ne print plus aucuns biens des senateurs, car au parauant il reputoit chose cōdigne que encores tous leurs biens fussent distribuez, il demandât: Ou dōcques prendrons nous les salaires promis aux souldardz sinon de telz biens? & disoit ce comme que eust esté aucun lequel luy eust concedé entreprendre ceste guerre, ou qu'il promist telles remunerations aux souldardz. Et encores laissa franchement les dotz des femmes & tous ceulx qui ne possedoyent si grand territoire qu'il estoit cōcedé à chascū homme d'armes. Lesquelles choses ainsi par luy faites le senat & les autres qui ne perdroient aucune chose luy deuidrēt beniuoles, Mais par le contraire les souldards estimas la temerité de Cesar, l'honneur fait aux senateurs, & leur domage & hōte, pensans n'auoir receu egallement selon les promesses, se mutinerent & occirent plusieurs cēturions & autres qui sefforcoyent les reconcilier avec Cesar, & quasi qu'ilz ne mirēt à mort Cesar mesmes, accepté toute petite cause en sa faueur: & ne s'appaiserent que premierement ne fust donné à leurs parés & aux peres & enfans de ceulx qui a-

Emotion  
entre le  
peuple &  
les soul-  
dardz de  
Cesar.

uoient esté occis en la bataille autant de territoire que l'ung d'eulx en auoit reçu, & à ce moyen il de rechief se feit les gés d'armes plus beniuoles. Mais le peuple pour ceste mesme chose vne autre fois se troubla & de rechief vint à contention contre les soulardz, si que plusieurs batailles furent faictes entre eulx, ou plusieurs d'une part & d'autre furent naurez & occis, car les soulardz pour le respect des armes qu'ilz auoyent promptes, & pour l'expérience de la guerre: mais le peuple de multitude estoit superieur. Et pour ce qu'ilz frappoiēt leurs aduersaires du festz de leurs maisons en maniere que plusieurs d'elles furent bruslées, & la demolition & deperissement des maisons à ceulx qui habitoyent dedans la cité fut remise iusques au nombre de cinquante dragmes, mais à ceulx qui habitoyent au reste de Italie leur fut relaschée la quatre partie, par ce que semblablement es autres citez ou se trouuoient les gens d'armes, estoient commises telles batailles. Ces choses faictes & que les soulardz deuant enuoyez par Cesar en Espagne firent vne esmeutē en Plaisance, de laquelle ne se voulurent appaiser que premierement n'eussent reçu certaine somme de deniers des habitās du pays: & oultre ilz furent par Vautide & Calpurne (qui tenoyent la Gaule) empeschez de passer les Alpes. Cesar commença à soy doubter & tascha de soy reconcilier avec Fulvie & le consul, & voyant que par son moyen seul ne pouoit obtenir aucune chose, alors se retourna aux soulardz, & par leur moyen fut faicte telle recōsiliation: lesquelz pour ce enorgueillis & attirans à eulx ceulx à qui auoyent esté ostées les possessiōs, Lucius les assembloit ou bon luy sembloit & tentoit de les diuertir de l'amour de Cesar: mais Fulvie occupa la cité de Preneste & se la feit beniuole ayant les senateurs & cheualiers pour amys avec lesquelz elle estoit en tous les conseilz, & enuoyoit les mandemens en tous les lieux qu'il estoit besoing. Et quest il besoing s'en esmerueiller veu qu'elle portoit vne espée ceinte & donnoit aux soulardz chascun iour le mot du guet? & souuentefois faisoit entre eulx oraison, en maniere que ceste chose greuoit moult a Cesar, il ne voyant moyen aucun de les deffaire, car non seulement de puissance, ains encores de beniuolence des hommes il estoit beaucoup a eulx inferieur, cōsideré qu'il auoit endōmagé plusieurs: & par le contraire que les autres auoyent donné esperance a chascun souuentefois chercher par le moyen de ses amys se reconcilier: & voyant que son intention ne venoit a effect leur enuoya aucuns de ses soulardz en ambassade, car il auoit grand volenté de paruenir a cest accord, & soubz couleur d'icelluy ordonner les affaires en telle sorte qu'il scauroit de la en auāt leur pouoir resister: & si touteffois ne pouoit d'eulx obtenir la paix, il pensoit que au mois la cause du discord leur seroit imputée. ce qui aduint, car voyāt qu'il ne pouoit obtenir aucune chose ne encores par le moyen des soulards, leur enuoya des senateurs leur demōstrāt les cōuentiōs par luy faictes avec Anthoine & les faisāt eulx mesmes iuges de to<sup>r</sup> leurs differētz: mais cōgnoissant que Lucius & Fulvie demādoiet tout ce qu'ilz scauoiet que Cesar pour

Mutinerie  
en Plai-  
sance.

pour nulle rié ne vouldroit faire, & se disoient faire le tout du consentemēt de Anthoine. Alors Cesar de rechef declina à la part des souldars, & depuis ceulx cy vīdrēt en Rome cōme qu'ilz voulussēt cōferer de quelques choses tāt au peuple que au senat, & ne faisans aucūe estime des autres se assēblerēt dās le capitolle & la commāderēt que fussent leues les cōuētiōs faictes entre Cesar & Anthoine, lesquelles ilz cōfirmerēt & des differēces depuis surue- nues être eulx se ordōnerēt eulx mesmes iuges: & ayās fait registre de ce, & seellé la determinatiō, le tout mirēt soubz la garde des vierges Vestalles cō- mādās à Cesar illec present, & aux autres, p̄ ambassade, que vng certain iour determiné se trouuassent avec Gay pour estre ou iugemēt: & vōyans que Ce- sar estoit appareillé se soubmettre au iugement, mais que les autres p̄mirent de cōparoir, toutesfois n'en feirent riens, ou de paour, ou bien qu'ilz ne dai- gnoyēt, ioinct qu'ilz eschauffoyent les iuges & les appelloyent le senat Cal- ligue, pour l'ufance que ont les souldardz de porter telz souliers, appelez calligues, alors Lucius & Fulvie furent condānez cōme iniustes, & iustificie- rent le faict de Cesar. Et depuis souuentefois faisans conseil, de rechief es- leurent la bataille, préparās manifestement les choses requises pōur icelle, par ce que oultre les autres choses accumulerent grosse quantite de deniers, tant en Italie (laquelle estoit en sa domination) cōme en Rome, car ilz prin- drent toutes les offrandes d'argent qui se faisoient en ces lieux, & leur vin- drent en secours deniers & gēs d'armes de la Gaule Tognée, laquelle main- tenant est ascripte à Italie, à ce que nul soubz couleur de Prefecture eust oc- casion de y tenir gens d'armes. Cesar doncques se preparoit. Et semblable- ment Lucius & Fulvie recueilloyent ce qui leur estoit propice pōur la guer- re, & assembloyent respectiuiement leur puissance, s'entr'enuoyans ambassa- deurs d'une part & d'autre, & en chascun lieu dressoyent souldardz & con- ducteurs, aucunes places & fortereffes prenoyent & des autres estoient de- chassez, (& ay deliberé passer oultre sans faire mētion de telles semblables choses & especiallement de celles qui ne sont grandes ne dignes d'estime: mais celles qui se peuent reputer, reciteray briefuement.) Cesar estant avec l'exercite allé à Mirsie, des Sabins, meit en rotte les gens d'armes mis au de- uant la cité pour la deffēse d'icelle, toutesfois fut repoulsē en arriere par Gal- lus Tisiennus capitaine de la cité, au moyen dequoy il parueni deuers Um- brie meit le siege aux Santinat. Neantmoins ne les peut prendre par ce que ce pendant ayant Lucius enuoyé gens d'armes à ses amys, en Rome, à diuer- ses fois, & soubz diuerses raisons, & depuis y estant encore il mesme allé à l'impourueu, & auoir rompu les gens de cheual qui luy vindrent à l'encōtre, & dechassē les souldardz de pied, dans les murailles, depuis print la cité a- uecques la faueur de ceulx qui parauant y auoyent esté par luy enuoyez: car Lepidus auquel estoit commise la garde d'icelle, par vne sienne vilité na- turelle, ne fait aucune résistance. D'auantaige, Seruille, consul estoit en- cores homme pacifique. Ce que oyant Cesar laissa à l'assiegement des San- tinat

Guerre or-  
donnée con-  
tre Lucius  
& Fulvie.

Rome pri-  
se par Lu-  
cius & Ful-  
vie.

tinatz Quintus Saluidemus Ruffus, & s'achemina pour venir à Rome, d'or Lucius aduertiy sortit incontinent hors la cité pour venir rencontrer Cesar ayant préablement fait faire decret qu'il peust aller avec l'exercite en vne certaine guerre, sans dire quelle, & fait vne oraison au peuple en habit militaire, chose iamais non faicte par aucun autre, & par ainsi Cesar fut accepté en la cité sans resistance aucune: lequel voyant que pour la poursuyte qu'il feist ne peut prendre Lucius s'en retourna en arriere & fait plus songneusement garder la cité. Et ce pendant que Cesar se departit du siege des Santinatz & que Gayus Furuius cappitaine de la cité se meit à le poursuyure Ruffus à l'impourueu assaillit la cité laquelle apres quelque resistance il print & meit à sac & depuis la brussa. Mais les Nursins s'accorderent sans endurer aucun ennuy. Neantmoins pource qu'ilz auoyent escript sur les sepultures de ceulx qui auoyent esté occis en la bataille faicte contre Cesar, qu'ilz auoyent esté occis combatans pour la liberté, furent condamnés en tresgrosses sommes de deniers, en maniere qu'ilz habandonnerent la cité, ensemble tout le pays circonuoisin. Mais Lucius se departit de Rome & se meit en voye pour aller en Gaule, toutefois empesché par le chemin se retira à Perouse, cité de Tuscanie, ou il fut assiegé par les conducteurs de Cesar, & depuis par Cesar mesmes: lequel demourant en cest assiegement par long temps, par ce que le lieu naturellement estoit fort, & auoit ce qui estoit necessaire habondamment, & aussi que les gens d'armes par Lucius enuoyez hors la cité auant qu'elle feust de tous costez assiegée, auoyent fait assez de mal à ceulx de Cesar, & d'auantaige que de toutes pars leur estoit enuoyé secours, furent faictes maintes batailles contre les assiegez, voire iusques aupres de la cité, & iusques à ce que les Luciens (encores qu'ilz fussent le plus souuent victueurs) finalement furent prins par famine, & fut Lucius avec aucuns autres saulué, mais la plus grand partie des senateurs & cheualiers furent mis à mort. Aussi estoit moult raisonnable qu'ilz ne fussent occis si simplement, mais estans premierement cōduictz à l'autel consacré au premier Cesar & trois cēs cheualiers & autres senateurs, entre lesquels fut Titus Canutius, lequel autrefois estant Tribun congregea ensemble le peuple à Cesar Octouien, furent sacrifiez: & au regard des Perosins, tous ceulx qui se rendirent furent taillez en pieces, & la cité arse & brullée, excepté le temple de Vulcan & la statue de Iuno, laquelle par vng certain moyen fut saulüée; & depuis portée à Rome pour vng songe que veit Cesar: & cōceda à chascun de habiter ceste cité, pourueu qu'ilz ne possederoyent plus long pays que de sept stades & demye. Perouse doncques prinse ainsi que dessus, la deuxiesme fois, durant le consulat de Gnee Caluin, & Asinius Polion, les autres lieux de Italie partie par composition & partie par force se rendirent à Cesar. Au moyen dequoy Fuluie avecques ses enfans se retira deuers son mary, & plusieurs des principaulx aucuns se retirèrent deuers Anthoine, & les autres se retirèrent par deuers Sexte pour lors occupant la Sicille. Pareillement

Lucius feist oraison en habit militaire contre la coustume.

Perouse assiegée.

Trois cens cheualiers deüat l'autel du premier Cesar, sacrifiez.

reillement Iullie mere de Anthoïue fuyant au commencement arriua en ceste isle, en laquelle fut honorablement receue par Sexte & depuis enuoyée deuers son filz . Et Marc Anthoine avecq ambassades & instructions traictoit de mettre paix entre luy & Cesar: mais entre ceulx qui delaiſſans Italie se retiroient deuers Anthoine y fut Claude Thibere Neron, qui tenoit vng preſide en Champaigne, lequel voyant que la part de Cesar auoit obtenu, se departit avec sa femme Liuie Drufille & son filz Thibere Claude Neron, parquoy ceste fut vne des choses admirables qu'on scauroit imaginer, que vne qui alors ſen fuyt de Cesar depuis feust conioincte par mariage avecq luy, & que Thibere lequel se meit en fuyte avecq son pere & sa mere, depuis succeda à l'empire. Ces choses furent depuis faictes, & alors les Romains reprindrent la robe pacifique, laquelle ilz auoyent long temps au parauant delaiſſée pour la necessité du peuple. D'auantage s'efforcerent de faire feste, & porterent Cesar en habit triumphal en Rome & le honorerent d'une couronne de Laurier en maniere que tous ceulx d'entre eulx qui triumphoyent & la fouloyent porter la porterent à l'heure. Mais Cesar auoir ordonné des affaires de Rome & que le ſigne Ionie fut deliuré au moyen de ce que Domitian ne se confiant le pouoir de ſoy meſmes maintenir, se meit en fuyte, Et Anthoine se mettoit en ordre comme qu'il vouluſt venir contre luy: toutesſois entendant la puissance de Sexte, & ayant esté aduertiy comme il par ambassadeurs & par le moyen de sa mere auoit practiqué avecq Anthoine, eut paour qu'il ne feust contrainct combatre contre tous deux, & préférant Sexte comme celluy qui estoit plus puissant & plus fidele que Anthoine, luy enuoya Matie sa mere & print pour sa femme la sœur de Lucius Scribo Libo pere de la femme de Sexte, tentant par le moyen du benefice & de l'allyance ſ'il le peult faire beniuole: car Sexte depuis qu'il se departit de Espaigne ſelon l'accord faict avecq Lepide & non beaucoup apres deuint capitaine des nauires, mais fut depose de la capitainerie par Cesar, & toutesſois ne demoura qu'avec l'armée ne nauiguast en Italie: laquelle estant ſoubz la puissance de Cesar, & entendant qu'il estoit condemné entre les percurſeurs du pere de Cesar, ne descendit en terre ferme, ains nauiguant autour des isles attendoit ce que deſuoit succeder, & trouuoit moyen de recouurer viures ſans deſrober, par ce que comme celluy lequel n'auoit esté participant de ceste mort il eſperoit d'estre reduict en Rome par Cesar meſmes. Neâtmoins depuis qu'il entendit auoir esté proſcript, & son nom mis es tables, commença deſeſperer de iamais retourner par le moyen de Cesar, au moyen de quoy ſ'appareilloit à la guerre: car il feit edifier des galleres & acceptoit tous ceulx qui se retiroient deuers luy, conſillioit pour ſes amys les courſaires, & recepuoit ceulx qui estoient dechassez, ſi que par leur moyen il deuint moult puissant, & tant qu'il dominoit en la mer de Italie, es portz de laquelle il descendoit & prenoit nauires & faisoit maintes pilleries & ranconnementz ſans nul eſpargner.

Iulie mere de Anthoine en fuyte,

Claude Thibere Neron

Liue Drufille.



T luy succedant fortune en maniere qu'il conquestoit puissance, deniers & souldardz, nauigua en Sicile ou il print Mile & Thirrenide sans batailler, toutefois fut repoulse de ceulx de Messine par Pópée Bithinique lequel estoit pour lors prefect de Sicile: neantmoins ne se recula du tout d'icelle, ains suyuant tout le pays d'entour, empeschant que viures ne fussent portez en la cité, & cōquestât ceulx qui leur eussent donné secours partie de paour de n'estre eulx mesmes assiegez, & partie les endommaigeant par certaines courses & embusches, tira à son party le Questeur avec somme de deniers, si que finablement eut en sa puissance la cité de Messine, ensemble Bithinique, auquel il promist luy laisser aussi grád auctorité & presidēce qu'il en auroit, & par ainsi à cestuy ne fait aucun ennuy: mais aux Messiniens osta tant les armes que leurs richesses: & depuis se soubzmit la cité de Sarragosse & autres citez de Sicile desquelles il assemble plusieurs souldardz & vne tresforte armée. D'auátaige Quintus Cornifice luy enuoya vng certain subside de Affricque & ainsi se fait Sexte puissant par ceste voye. Toutefois Cesar iusques à ceste heure ne fait cōpte de luy tant pour ce qu'il l'estimoit peu apres cōme pour les autres occupations quil eut mais depuis que vne grád famine suruint en la cité & que Sexte commença à molester Italie alors eut volenté mettre sus vne armée & deuant enuoya Ruffe Saluidié à Rege en Calabre lequel dechassa Sexte hors Italie, pquoy Sexte estant retourné en Sicile Cesar tenta de faire des nauires de cuir selon l'usage de ceulx qui nauignent en la mer Occéane, & par dedans mettoit quelzques berges legeres & p le dehors des peaulx de beuf crues en forme d'ung escu rond, en maniere que tous ceulx qui ceste chose veoyent s'en mocquoyēt: & se doubtât encores de en tōber en peril si il se mettoit en icelles pour nauiguer au destroiēt les laissa & print courage de vouloir passer le far avecq les nauires qu'il auoit fait faire, & luy estoient suruenues. Neantmoins fut priué de son intention, car elles estoeyēt beaucoup plus inferieures tant de grandeur, de experience que d'audace à celles des ennemys. Ayant doncques Cesar cité mesmes present à ceste bataille de mer, faite lors qu'il alloit en Macedoine, moult s'en contrista, car ceste fut la premiere fois qu'il fut vaincu en combatant. Et pour ceste cause combié que la plus grand partie de l'armée se fauluaist, toutefois ne tenta de plus passer ocultement en ayant esperance d'estre plus puissant avecques les gens de pied, & de prendre en ceste sorte toute l'isle. Mais depuis ne pouant faire chose aucune pour la songneuse garde mise en chascun lieu, commanda à aucuns autres de assaillir Sicile, & s'en alla à Brandis vers Anthoine, & de la avecques l'ayde des nauires passa le signe Ionié. En ceste facon & maniere Sexte occupa toute ceste isle, & occist Bithinie l'ayant souspeonné vouloir vser

Messine  
rendue a  
Sexte.

Sarragosse  
rendue.

Nauires  
de cuir.

Cesar vaincu  
par mer  
par Sexte.

de trahison, & fait aucuns spectacles de triumphes & vne bataille nauale de prisoniers au destroit mesme pres de Regé, en maniere que les propres ennemys la pouoyent veoir, & se faisoit entre petites nauires de boys & autres de cuyr en derision de Ruffe. En oultre fit Sexte fabriquer plusieurs vaisseaulx de mer comme nauires, gallaires & autres, parquoy eut en sa puissance toute ceste mer, & attribua vne renomée qu'il estoit filz de Neptune, par ce que ia son pere fut capitaine de toute la mer. Telles choses furent faictes par Sexte ce pendant que Brute & Cassie estoient encores en force. Mais depuis leur mort plusieurs de leurs souldardz se retirerent deuers luy, & entre les autres Lucius Stace: lequel Sexte accepta au commencement moult gracieusement pour auoir amené avec luy tous les gés d'armes desquelz il estoit capitaine. Mais depuis le voyat homme actif & audacieux le fait mourir: & depuis ayat prins l'armée de Lucinius avec grand multitude de serfz lesquelz de Italie se retiroient deuers luy augmenta grandement sa puissance, car si grant nombre de serfz s'en fuyoyent que les vierges vestales es temples faisoient veux prieres & oraisons que telles fuytes ne procedassent plus oultre. A ces causes donc & pour ce qu'il recueilloit ceulx qui s'en fuyoyent & tascheoit de s'accorder avec Anthoine gasta plusieurs lieux de Italie Cesar desira de se recosillier avec luy & ne luy estant ce succedé commist la guerre contre luy à Marc Ripfan Agrippe, & il s'en alla en Gaule: dequoy Sexte aduertit, & d'auantaige que Agrippe estoit occupé à faire les festes de Apollo, par ce qu'il estoit preteur, & comme homme moult amy de Cesar en plusieurs autres choses se magnifioit, & fait aucuns cours de cheuaulx par deux iours entiers, & celebra la feste appellée Troye avec les enfans des gentils hommes, Sexte passa en Italie & illec demoura faisat quelques pilleries iusques à ce que Agrippe y suruint, car alors ayant laisse aucuns presidés en aucuns lieux, s'en retourna en arriere. Mais Cesar ainsi que par cy deuant a esté dit tenta de prendre la Gaule par le moyen d'autres, touteffois frustré de son intention pour respect de Caléne & des autres mainctenás la part de Anthoine, s'en deporta. Touteffois depuis ayant trouué Calerne decedé par vne certaine infirmité, & se auoir adioinct son exercite sans peine aucune, & voyant que Lepide s'estoit fâché de ce que partie de la seigneurie qui luy appartenoit luy auoit esté ostée avecques cest exercite l'enuoya en Affricque à ce que comme luy lequel l'eust receue de luy seul & nō de Anthoine se le feist plus beniuole. Deux nations ainsi qu'a esté dit cy deuant auoyent les Romains es parties de Libye, & auant la coniuatio des Triumvires des Nomades estoit preffect Tite Sexte. Mais en l'autre costé en y auoit deux, cest assauoir Cornifce & Decimus Lelius qui suyuoit le party de Anthoine, & Sexte celluy de Cesar. Lequel Sexte estoit atredant que les autres comme plus puissans que luy assaillissent la prouince à luy ordonnée, & se mettoit en ordre pour se deffendre en leurs pays: & ayant encores audace pour vne vache laquelle comme aucuns ont voulu dire parloit en voix humaine, & luy commanda icelle vache suyure les

Bataille nauale de prisoniers

Sexte appelle filz de Neptune.

Merucilles d'une vache.

les affaires presentes par vng certain songe auquel luy apparut vng thoreau qui l'exhortoit d'armer son chief & le faire porter sur vne haulte, & ainsi obtiendrois la victoire. A ceste cause ne voulut plus tarder especialemēt pour ce qu'il trouua le thoreau au mesme lieu ou le luy auoit mōstré le songe, ains entra en Affricque, & au commencement estāt suruenu à l'impourueu print la cité de Adrimette & certains aultres lieux circonuoisins : routeffois depuis demourāt pour ce fait auec moindre garde fut insidié par le Questeur si que auoir perdu grand partie de l'exercite s'en retourna en Numidye : & pour ce que n'ayant la teste du thoreau luy estoit aduenu telle defadventure, en iputa la cause à ceste mesme faulte & se mettoit de rechief en ordre pour y retourner auec tout l'exercite. Ce pendant les ennemys l'ayās preueu en sa mesme prouince assiegerent Cirte, mais le Questeur se meit contre Sexte auec ses gens de cheual, & ayant esté victeur en aucunes batailles de cheual cōquist l'autre Questeur son compaignon. Et Sexte secouru de nouuel, se meit de rechef en peril, en maniere qu'il obtint la victoire contre le Questeur, & réferma Lelie en vne forteresse, lequel tenoit la champaigne pillant tout ce qu'il rencontroit. Et depuis Sexte se trouuant contre Cornifce qui venoit pour secourir Lelie, le meit en craincte comme que Lelie fust prisonnier, & ainsi le vainquit encores & l'occit en la bataille, & semblablement Lelius, lequel estoit sorty pour l'assaillir par derriere. Ce fait il occupa Affricque, & eut seurement en sa puissance toutes les deux nations iusques à ce que Cesar par la force de la cōposition faicte entre luy, Anthoine & Lepide, ayāt prins pour luy ces deux nations leur proposa Gay Suffice Faugon, car alors volūtairément Sexte sortit hors ceste prouince. Mais estant suruenu la bataille en laquelle Brutus & Cassius furent vaincuz, & ayans Cesar & Anthoine diuisé entre eulx les prouinces de Libie Cesar print pour luy Numidie & Anthoine Affricque, car Lepidus seulement en nom cōmandoit & encores souuentessois n'estoit inscript es expeditions qui chascun iour se faisoient. Apres doncques que les choses predictes succederent, & que Fulvie pour lors estoit en Affricque faignant de y demourer pour la fortune de mer (mais en verité esperant que si feroit quelque nouuelleté) ne peut persuader à Faugon qu'il sortist hors de la region, ains s'efforça de se faire beniuoles les habitās du pays, lesquelz vouloyent mal à Faugon pour ce qu'il auoit esté vng des souldardz mercenaires, & que si plusieurs semblables à luy, comme i'ay dit, estoient ascriptz dans le Senat, & auoit vſé de mauuais gouvernement entre eulx, parquoy Faugon s'en alla en Numidie, traicta tresmal les habitans de Cirte, qui feirent petit estime de luy pour lors, & dechassa de sa seigneurie vng certain gentilhomme entre les barbares ses voyſins appellé Arabion, lequel premierement fauorisoit Lelius & depuis s'estoit retiré deuers Sexte & ce à cause qu'il ne s'estoit voulu acompaigner auec luy : & ayant demandé cestuy cy qui s'estoit retiré deuers Sexte, & ne le pouant auoir, se courrouca si que entré en Affricque endommaigea vne autre partie de la region. Contre lequel

Victoire  
obtenue  
par Sexte.

Cornifce  
occis en la  
bataille par  
Sexte.

lequel venu Sexte avec l'exercite, finalement en plusieurs batailles (bien que petites) fut vaincu, parquoy de rechef s'en retourna en Affricque: mais tousiours pour suiuy par Sexte, lequel auoit grand esperance de le suppediter du tout, avec les gens de cheual de Arabion: toutesfois depuis luy estant Arabion venu en souspeçon; & pour ce l'ayant fait mettre à mort par trahison depuis ne peut faire chose digne d'estime, pour ce que les gés de cheual dolens de la mort de Arabion le habandonnerent, & la plus grand partie d'iceulx se retira au seruice de Faugon, & feirent deslors la paix côme que leur eust esté osté la cause de la guerre. Et depuis Faugon aduertuy que Sexte demouroit seurement soubz esperance des conuenances de la paix entra avec son exercite en Affricque ou venuz à la bataille ensemble, au cômencement l'une & l'autre partie vainquit & perdit, car l'ung vainquit pour les gens de cheual de Numidie, & l'autre pour les citadis garnis de pauoys & escus, en maniere qu'ilz saccagerent les tentes & pauillôs l'ung à l'autre, ne sachâs riens de leurs compaignôs: toutesfois si tost qu'ilz entédirent le fait estâs retournez en arriere, de rechief vindrent au combat estans les Nomades tournez en fuite. Faugon alors se met en fuyte vers les montaignes, mais la nuit ensuiuant courant certains animaux pēsa que fussent les gens de cheual des ennemys & de paour se occit soy mesmes, au moyen dequoy Sexte print les autres lieux sans peine: neantmoins Sone qui luy fait resistance fut par luy ruinée luy ostant la commodité de recouurer viures, & par ainsi eut en sa domination toutes les deux natiôs de Libye iusques à ce que Lepide y fut enuoyé, car il ne luy feir aucune resistâce, ou pour ce qu'il pensast ce estre du consentement de Anthoine, ou qu'il se veoit beaucoup moins puissant de gens d'armes, & ainsi pour auoir grace de ce que la necessité le contraignoit demoura en paix. Ces choses aduindrēt en ceste maniere. Mais en ce mesme temps apres la bataille faicte à Phillippe, Marc Anthoine s'en vint en ceste partie de terre ferme appelée Asie, ou partie allant suyuant tout le pays & partie y enuoyant de ses familliers recouuroit certains tributz des citez & vendoit les seigneuries. Pendant lequel temps il ayant veu Cleopatra en Sicille & estant espris de son amour, commença à non auoir cure d'honesteté, ains seruoit à vne femme Egyptienne si que pour son amour demoura oyfif & pour elle fait plusieurs inconueniens, & entre autres auoir tiré ses freres hors le temple de Dyane Ephese, les fait mourir; & finalement ayant laissé Planque gouverneur de la natiô appelée Asie, & Sesse en Syrie, s'en alla en Egypte: au moyen dequoy suruindrent plusieurs inconueniens, car les Arades insulans ne voulurent obeyr aux executeurs de deniers par luy enuoyez, & si d'auantage en tuerent plusieurs: aussi les Parthes lesquelz premierement estoient esmeuz, alors plus s'esmeurent contre les Romains, & ceulx qui les conduisoient estoient Labienne & Pacore filz du roy Orodes & l'autre filz de Tite Labienne, lequel Labienne en ceste maniere vint en Parthe & traicta ceste esmotiô avec Pacore lequel se trou-

Arabion  
occis par  
trahison.

Mort de  
Faugon.

Anthoine  
espris de la  
mour de  
Cleopatra.

ua auoir esté avec Cassie & Brute au temps de la guerre, mais ayant esté enuoyé à Orodés auât la bataille, à ce qu'il admenast quelque secours demoura long temps avec luy, qui tousiours d'esloignoit & ne se osoit accorder, & encores craignoit de le desnyer: Mais Labienne aduertie de la deffaicte de Brute & qu'il luy sembla que les ennemys ne pardonneroyent à aucun de leurs ennemys demoura avec les barbares eslisant plustost la vie aupres d'eulx que la mort entre les siens.

Comment les Parthes occuperent tout le pays iusques à Hellésponte.  
 Chapitre LXVIII.



**C**E Labienne doncques depuis qu'il entendit la vie dissolue de Anthoine, son amour & son allée en Egypte, persuada à Pacore d'esmouuoir guerre contre les Romains, luy donnant à entendre que de leurs exercites partie estoient destruietz du tout & partie grandement endommaigez: d'auantaige que ceulx qui estoient demourez se discordoyent entre eulx, & de rechef sentrebatoyent, & pource l'exhorta de destruire Syrie avec tous les lieux circonuoisins ce pendant que Cesar estoit en Italie & se trouuoit occupé contre Sexte Pompée, & Anthoine estoit comme fol d'amour en Egypte, luy promettant de vouloir luy mesmes estre cappitaine de la guerre & de faire reuolter plusieurs nations lesquelz pour les cōtinuelles oppressions leur estoient ennemyes. Il donc ayant pour ces causes persuadé Orodés de esmouuoir guerre, Pacore luy promist soubz sa main grosse multitude de gens d'armes, ensemble son propre filz nommé Pacore avec lesquelz il passa en Phenice: touteffois approché de Apamée fut vigoureulement repoulsé par eulx qui estoient commis à la garde des murailles de la cité: mais depuis attira à luy les presides du pays de leur consentement comme ceulx qui estoient des souldardz de Brute & Cassie, & depuis leur decés auoyent par Anthoine esté inscriptz en ses exercites, & alors leur commanda qu'ilz gardassent la Syrie comme ceulx qui en auoyent grād experience. Labienne (ainsi que i'ay dit) facilement se les fait beniuolles comme ceulx qui auoyent esté ses familiers, excepté Sesse pour lors capitaine de Anthoine: car cestuy la seul estant questeur du cappitaine de l'exercite ne se voulut retirer à Labienne, ains fut vaincu par luy à cause de la multitude & vertu de ses gens de cheual: & depuis il fuyant hors du camp le poursuivit, par ce que Sesse craignant que ses souldardz ne sentendissent avec Labienne par quelques lettres gettées en son camp se mit en fuyte, mais Labienne l'affaillant pendant icelle tailla en pieces la plus grand partie de ses gens. En apres Sesse s'estant retiré deuers Anthoine, Labienne print Apamée qui ne luy fit aucune resistāce cōme que Sesse fust mort: pareillemēt print Antioche si tost qu'il fut pty, & finablemēt l'ayāt pour suiuy iusques en Silicie & icelluy pris le fit mourir. Apres la mort duquel, Pacore obtit toute Syrie & la

Apamée  
cité assiégée.

Sesse vaincu  
en bataille.

Apamée  
prise.

Antioche  
prise.

Sesse occis.

la feit destruire, excepté Thir tant seulement pour autant que les Romains y demourez & les hommes du pays concordez ensemble la préoccupent avant si que Pacore ne la peut auoir ny par persuasion ne par force, ioinct qu'il n'auoit aucune armée de mer: mais Pacore ayant prins tous les autres lieux assaillit Palestine & priua Hircanus auquel auoit esté commise la principaulté de ceste prouince par les Romains, & pour le respect d'eulx meit son frere en la seigneurie: & au regard de Labienne ce pendant occupa toute Cilicie & les citez de terre ferme posées en Asie; car Planque le doubtât se mit en fuyte es isles desquelles maintes en conquist, excepté Stratonique: toutefois ayant prins Millasse, & Alaband, avec peril, par ce qu'ilz accepterent bien les presides au dedans des murailles, mais depuis les ayans mis à mort en vne feste se rebellerent: & pource il ayant prins les Albandiens les en pugnist & ruina Millasse iusques au fondement: & quant aux Stratoniens, il tint par longue espace le siege, neantmoins ne peut prendre la cité en aucune maniere: bien recouroit ce pendant grosses sommes de deniers, desroboit & pilloit les temples se nommant empereur Particq selon la coutume trescontraire aux Romains, par ce que de ceulx lesquelz il conduisoit contre eulx il se mit le nom comme s'il eust vaincu les Parthes & non les citadins. Mais Anthoine auoit de ce assez esté aduertie comme encores des affaires de Italie, neantmoins ne d'ung costé ny d'autre pouruoyoit à temps, ains obfusqué de folle amour n'auoit pensement de ses compagnons ne de ses ennemys: car ce pendant qu'il estoit foible & appetoit la principaulté estoit moult prompt & diligēt à faire faictz d'armes, mais depuis qu'il creut en grand estat, alors ne se souloyoit de chose aucune, ains consumoit le temps en delices avec Cleopatra & les autres Egyptiens, en maniere qu'il du tout fut deffaict, & finablement efforcé de s'en aller, nauigua à Thir, comme qu'il les voulust secourir: toutefois voyant les autres lieux circonuoisins préoccupez, se departit de l'emprinse, s'excusant sur la guerre de Sexte, & de sa demeure disoit la guerre des Parthes en auoir esté cause. Et ainsi pour ce respect ne secourut Italie, ne ses compagnons pour le respect de Sexte, mais estant allé par terre ferme iusques en Asie, passa en Grece: & ayāt parlé à sa femme & avecques sa mere, esleut l'inimytie de Cesar, & s'accorda avecques Sexte, & depuis parueni en Italie print Sciphont & assiegea Brandis, laquelle cité ne le vouloit accepter: toutefois Cesar en ces entrefaictes assembla ses gés d'armes, car desia estoit venu en Gaule, & enuoya Publie Seruille Rulle à Brandis, mais Agrippe l'enuoya à Sciphont laquelle il print par force.

Palestine.  
Hircanus.

Millasse  
ruinee.

Comment Cesar & Anthoine s'accorderent avecques  
Sexte Pompée.

Chapitre

LXIX.

t ii

Toutefois



Outefois Anthoine ayant assailly à l'impouruëu Seruile, occist plusieurs de ses gens & plusieurs attira à son party. La guerre d'oc attifée entre eulx & enuoyant chascun d'eulx à la cité aux souldardz ou qu'ilz pensassent recepuoir vtilité, tout le reste de Italie incontinent estoit en tumulte, Rome especiallement, si qu'aucüs subitement se adheroyent les vngs aux vngs & les autres aux autres, & ilz & leurs amys estäs en suspens Fuluie mourut en Scythion & de sa mort fut enculpé Anthoine pour l'amour deshonneste qu'il portoit à Cleopatra: laquelle mort entendue de l'une & l'autre partie furent les armes respectiuelement de-laissées & s'accorderent ensemble, ou qu'ilz le feissent pource que veritablement s'estoyent faictz ennemys à la suscitation de Fuluie, ou fussent contents d'auoir ceste couleur de la mort de Fuluie, mais certainement ilz s'accorderent de la paour qu'ilz auoyent l'ung de l'autre cõme ceulx qui estoyét esgaulx de puissance & esperance. Par lequel accord Cesar eut Sardaigne, Dalmacie, Espagne & Gaule, mais Anthoine eut oultre la mer Ionic to<sup>9</sup> les pays tāt de Asie que de Europe, car Lepide tenoit la nation de Affricque, & Sexte tenoit Sicile: & especialemēt entreprendrēt faifāt leur diuision, de faire guerre à Sexte, nonobstāt que Anthoine eust cõfirmé avec serinēt les accordz faictz cõtre Cesar par voye de ambassadeurs. Et pour ce respect Cesar se offrit de recueillir sans pugnition tous ceulx qui auoyent tenu le party de Lucius frere de Anthoine en la guerre deuāt recitée, & encores aucüs des percurseurs du nombre desquelz fut Domitius, & tous ceulx qui auoyent esté proscriptz ou bien qui aucunement auoyent esté avec Brutus & Cassius en la bataille & depuis s'estoyent retirez deuers Anthoine: tāt sont leurs choses qui arriuerent defraisonnables tant pour cause des seditions que des batailles, ioinct que ceulx lesquelz sont constituez en estat ne considerēt rien en iustice, ains se font amys & ennemys tousiours selon leur besoing: & ainsi que les hommes font ce qu'ilz proposent maintenant les tiennent pour leurs amys & tantost pour ennemys. Cesar & Anthoine ayans doncques entre eulx faict ceste composition se feirent plusieurs festins l'ung à l'autre en leurs camps posez pres Brandis, lesquelz conuis furent, a scauoir celluy de Cesar selon l'usage Romaine & militaire, celluy de Anthoine selon l'Asienne & Egyptienne: & estans ainsi reconciliez sicomme ilz le demonstroyent, les souldardz qui pour lors estoyent avec Cesar se adreserent à Anthoine & luy demanderent les deniers qu'il leur auoit promis en la bataille faicte à Phillippe, pour le recouurement desquelz auoit esté enuoyé en Asie, & peult estre que ce disant luy eussent faict ennuy, il ne voulant satisfaire à leur demande, n'eust esté Cesar qui les appaisa avec esperance, & depuis ilz enuoyerent aux Collonnes tous les souldardz plus ieunes, à ce que ne feissent plus grand sedition: & desia entrerent en la guerre, car Sexte vint en Italie selon l'accord faict entre luy & Anthoine comme qu'il se voulust acompaigner avec luy à la guerre contre Cesar, mais depuis

Accord entre Cesar & Anthoine.

Conuis de Anthoine & de Cesar.

depuis qu'il fut aduertý de leur accord s'en retourna en Sicille commandát à Mene son affranchy auquel se confioit grandement qu'avec partie de l'armée il nauiguast pillant & saccageant tout le pays des ennemys. Quoy faisant Mena ruyna plusieurs lieux de Tuscanne, & si print vif Marc Titie filz de Titie qui estoit l'ung des proscripitz & de ceulx qui alors estoient avec Sexte, lequel Marc Titie auoit faict faire des nauires de luy mesmes pour faire guerre à la nation Narbonnoyse: neantmoins estant ainsi prins ne soustint aucun mal tant pour l'honneur de son pere comme pource que ses soldardz portoyent le nom de Sexte escriptz sur leurs escuz: toutefois ne rendit tel benefice à son bien facteur, ains l'ayant depuis vaincu en bataille le feit mourir, parquoy cest exemple entre semblables actes est plus nommé que les autres. Or Mena auoir faict les choses prédites & estre paruenue en Sardaigne, vit à la bataille avec Marc Lucie préfect de ceste isle, ou du commencement fut rompu & mis en fuyte: toutefois depuis voyant que son ennemy le poufuiuoit, sans consul, s'arresta, & obtint la victoire contre luy, & si tost que Marc eut habandonné l'isle occuperent les autres lieux par composition, mais Arade par assiegement, par ce que plusieurs s'estoyent retirés de la bataille en icelle: & quant aux prisonniers, en laisserent aller aucuns, & entre autres l'affranchy de Cesar, lequel luy estoit moult agreable sans aucune taille se voulant préoccuper la beniuolence de Cesar beaucoup parauant pour ce benefice & s'appareillant vng refuge si d'auenture il auoit besoig d'icelluy à l'aduenir: mais les Romains tát pour la prinse de Sardaigne que saccagement des lieux de Tuscanne n'auoyent petite disette de viures, & la fin de plusieurs & les tributz & impositions mises sur ceulx qui auoyent des serfz les aggrauoyent d'auanraige, au moyen dequoy ne pouoyent demourer en paix, ains de quand pour la reconciliation de Cesar & Anthoine laquelle estoit leur paix & concorde des autres s'estoyent resiouys de tant se contristoyent, & encores plus pour la guerre qu'ilz maintenoient contre Sexte. En ce temps les Romains ayans introduictz Cesar & Anthoine en la cité comme en certains triumphes & habitz triumphans & à eulx concedé que es congregations solempnelles ilz fussent presens à veoir assis en chaizes imperialles, & outre ayans conioinct par lien de mariage Octauiæ sœur de Cesar (le mary de laquelle estoit mort & l'auoit laissée enceinte) depuis feirent si grand mutation que au cōmencement quand estoient assemblez ou congregez en quelque spectacle, les prioient qu'ilz voulussent demourer en paix & sur ce faisoient grandz cris: mais voyant qu'ilz ne les exaulcoyent, ilz se alierent d'eulx & tournerent leur vouloir à Sexte, & outre les autres choses qu'ilz diuulguoyent en faueur de Sexte au cours des cheualx en grand ioye, lyesse & beniuolence veoyent l'ymage de Neptune laquelle estoit portée avec les autres pompes: & pource que vne autrefois celle ne fut portée, ilz à coups de pierres chasserent hors de la place ceulx qui estoient constituez en magistratz & getterent par terre

Ingratitu-  
de de Marc  
Titie.

Bataille en  
Sardaigne,

Arade as-  
siegec.

Famine en  
Rome,

leurs ymaiges:& finalement congnoissans que par ce moyen ne pouoyent obtenir aucune chose s'esmeurent cōtre eulx cōme qu'ilz les voulussēt mettre à mort. Quoy voyant Cesar & d'auantaige que plusieurs de ses gens qui estoient auprès de luy auoyent esté naurez, deschira ses habillemētz & se meist à les supplier; mais Anthoine se portoit plus asprement avecq eulx, au moyen dequoy estans les Romains plus esmeuz, & pour faire quelque plus grand scandalle Cesar & Anthoie furent contrainctz (voire contre leur volonté) se accorder avec Sexte & en ce ayans depōsé les preteurs & cōsulz cōme estant quasi desia finy, en meirent d'autres en leur lieu peu se souleuans qu'ilz y demoureroyēt peu de temps:& de ceulx qui alors estoeyēt cōsulz fut vng nommé Cornelius Balba lequel estoit Gaditain & de si grand magnanimité & habondance de richesses qu'a sa mort il laissa aux Romains vingt cinq dragmes pour homme. Ilz feirent doncques alors ce que dessus. & le dernier iour de l'an estant decedé vng edille en esleurent vng autre pour les heures qui s'en suiuoient: aussi durant ce mesme temps l'eau nommée Iullie fut conduite par vng canal en la cité, & la fosse de laquelle auoit esté fait vng veu pour la bataille contre les percurseurs, alors fut acomplie par les consulz: aussi les pontiffes executerent l'office des sept hommes, puis que nul d'eulx alors se trouuoit present, chose qui depuis souuentefois se fait. En ce mesme temps Cesar feit ensepulturer publiquement Sphere son libere, lequel auoit esté son précepteur pendant son enfance, & feit mourir Ruffe Saluidien comme qu'il l'eust trahy, lequel Saluidien estoit homme tresvil & estant pasteur apparut vne flamme laquelle sembla sortir de son chef, au moyen dequoy depuis fut tant sublimé par Cesar qu'il le feit designer cōsul (bien qu'il ne feust senateur) & son frere qui mourut parauant, fut porté sur le Tibre par dessus vng pont non edifié à autre fin: & sicomme les choses humaines sont incertaines, depuis fut accusé dedans le senat par Cesar mesme & occis comme son ennemy & de tout le peuple: toutefois furent faitz aucuns sacrifices pour sa mort, & fut la garde de la cité commise à trois hommes avec les iniunctiōs acoustumées, a scauoir de donner si bon ordre que la cité n'endurast aucun dommaige. En l'an precedant cestuy, certains cheualiers occirent aucunes bestes es festes de Appollo lors que se faisoit le cours des cheualx, & la fut interposé vng iour à ce que le premier iour du moys ne se trouuast le marché qui estoit acoustumé se solemniser par l'espace de neuf iours: chose obseruée de toute ancienneté, il est certain que ce iour depuis fut retiré. Mais à ce que le temps procedast selon l'ordonnance du premier Cesar & la seigneurie de Attalus & Derotare qui moururent en Gaule fut donnée à vng nommé Castor: aussi la loy appellée Falcidia, laquelle encores de present à grand auctorité es successiōs hereditaires, (en maniere que par vigueur d'icelle se peult accepter la quarte partie des biens delaissez, sans soy entremettre au reste si d'adventure lon se trouuoit agraué) fut alors introduicte

Richesse  
de Corne-  
lius Balbe.

Mort de  
Ruffe Sal-  
uidien.

La loy Fal-  
cidia.

par

par Falcide tribun. Telles choses furent faictes en deux ans, mais en l'an ensuyuant auquel Lucius Martius & Gayus Sabinus furent consulz, lesquelz estoient Sabins, tout ce qui auoit esté faict par les Triuuires depuis qu'ilz furent en estat fut confirmé par le senat, & aucunes exactions auoyent esté au parauant par eulx ordonnées, pource que plus grandes despences se faisoient que ne souloyent estre faictes au temps du premier Cesar, car ilz mesmes despensans assez, & especiallement en gens d'armes, eulx seulz se faisoient fortz, & Cesar la premiere fois festant faict raire la barbe feist grand feste & donna à tous les autres vng cōuy public, & il encores depuis se polissoit la barbe, par ce que desia cōmençoit de aymer Liuie, au moyen dequoy en ce mesme iour fait diuorce avec Scribonne qui luy enfanta vne fille. Estans doncques les despences plus grandes que au parauant & ne se trouuans les reuenuz aucunement suffisans qui encores estoient en grand partie diminuez à cause des seditions, alors misrent sus nouueaulx tributz & furent inscriptz dedans le senat beaucoup plus qu'on n'auoit acoustumé, non seulement homes de leurs cōpaignōs souldardz & enfans d'affrāchiz, ains encores serfz: & pource aduint que vng nommé Maximus lequel deuoit estre Questeur fut congneu par son maistre, & par ce seulement chassé sans faire autre pugnition de luy qui auoit eu audace de demander le magistrat: mais vng autre lequel fut compris auoir esté entre les souldardz fut getté de dessus les murailles du cappitolle, estant premierement affranchy, à ce que la punition fust plus honorable: & la cause qu'ilz auoyent de ellire tant de senateurs estoit pource que Anthoine s'en alloit avec l'exercite contre les Parthes, au moyen dequoy le temps des magistratz fut prolongné, & la dignité du consulat determinée par huyt ans entiers & concecutifz & meirent es magistratz aucuns de ceulx qui auoyent esté leurs amys & aucuns autres en priuerent, & ne esleurent deux consulz par an selon la premiere vsance, ains alors commencerent premierement à faire l'election de d'auantaige, par ce que parauant aucuns auoyent esté esleuz apres les autres premiers (biē qu'ilz ne fussent mortz, ne priuez pour aucune faulte,) mais telz furent statuez selon la volonté de ceulx qui premieremēt estoient designez pour l'an entier: & maintenant ne en fut esleu aucun pour vng an seul, ains diuers furent esleuz pour diuers temps & eurent les premiers le nom du consulat par toute l'année, ainsi que encores de present se observe, touteffois les autres estoient aussi nommez consulz tant en Romme que autres lieux de Italie au temps de l'office de chascun: mais les autres qui n'estoient Rommains, ou Italiens, ne congnoissans aucuns d'eulx ou bien peu, & pource estoient appelez petitz cōsulz. En Romme se faisoient les choses predictes, mais avec Sexte du commencement tascherent faire accord, temptans les conditions d'icelluy par le moyen de ses compaignons, & depuis eulx mesmes parlerent ensemble avec luy pres Mes-

Conuy  
faict par  
Cesar  
pour la ra-  
ture de sa  
premiere  
barbe.

Erection  
de nouue-  
aulx con-  
sulz appel-  
lez petis.

finé, Cesar & Anthoine estans en terre ferme & Sexte sur vng tauldiz circon-  
 dé de mer, faict à ceste fin pour plusgrand seurté, & illec present toute  
 son armée & tous les gens de pied des autres, & estoient les vngs armez en  
 terre ferme & les autres sur les nauires, au moyen dequoy chascun pouoit  
 cōprendre comme pour la craincte de l'appareil de toutes les deux parties,  
 & pour la necessité imposée à Cesar & Anthoine & à Sexte par les compai-  
 gnons ilz s'accorderent ensemble: & fut la paix faicte avec ces conditions  
 que les serfz qui s'en estoient fuiz fussent faictz liberes, & que les banniz  
 retournaissent en leurs hostelz, excepté les percurseurs tant seulement, car  
 ilz expressement furent exceptez (bien que aucuns fussent pour debuoir re-  
 tourner) par ce que Sexte mesme sembloit estre l'ung d'iceulx, mais fut es-  
 cript que tout homme excepté les percurseurs retournaist seurement, & que  
 la quarte partie de leurs biens publiez & incantez leur fust rendue: d'avan-  
 taige que à aucuns d'eulx fussent données dignitez tribunices sacerdotales  
 & de preteure, & que Sexte mesme fust designé consul & augure, & receust  
 de son bien paternel sept cens cinquante miriades & dragmes, & qu'il fust  
 prestect de Sicile, Sardaigne & Achaye par l'espace de cinq ans, quil ne rece-  
 last plus aucū serf fugitif ne feist faire aucunes nauires & ne tint aucun pre-  
 sidente en Italie, ains la gardast & conseruast en paix par la voye de la mer &  
 enuoyast vne certaine quantité de froment aux Romains, & luy consignere-  
 rent ce terme de cinq ans, par ce qu'ilz encores disoyent vouloir tenir l'estat  
 en soy non tousiours, mais par vng certain temps déterminé. Ayans donc-  
 ques faictes & escriptes les determinations prédictees les baillerent en gar-  
 de aux vierges Vestalles & puis se tendirent les mains & s'entrebaiserent  
 l'ung l'autre. Ce faict vng grand cry se leua tant en terre que es nauires, par  
 ce que maintz souldardz & hommes priuez illec presens qui se deulloyent  
 de la guerre & desiroient la paix se mirent à crier à haulte voix, en maniere  
 que les montaignes en resonnerét. Pour lequel cry vne grand horreur leur  
 suruint & en mourut plusieurs d'entre eulx, car ceulx qui estoient es nauires  
 ne peurent attendre qu'elles fussent abordées de terre, ains faulterent dans  
 la mer & autres se gettoient au profond & s'entrembrassoient nouans en-  
 semble, en sorte que tel spectacle estoit estrange à veoir, & diuerses voix se  
 oyoyent encores, par ce que les aucuns voyás leurs amys & parens encores  
 viuans & qui estoient la presens prenoient vne delectation insatiable, &  
 autres qui pensoient que ceulx cy fussent mortz, maintenant les voyans à  
 l'impourueu, estoient plains de merueille, & ne pouoyent parler quasi ne  
 croyans veoir le vray & prians que ainsi fust, & ne les congnoissoient cer-  
 tainemēt auant qu'ilz les appellaissent par leurs noms & ouissent leurs voix,  
 & auoyent aussi grād ioye que s'ilz fussent resuscitez, & par force estoit ne-  
 cessaire qu'ilz pleurassent: & autres qui ne scauoiet riens d'aucūs leurs amys  
 qui estoiet mortz, ains pensoient que encores fussent viuás les cherchoiet  
 de

Paix fai-  
 cte entre  
 Sexte, Ce-  
 sar, & An-  
 thoine.

de lieu en autre s'enquerans de leur estat à quiconques rencontraissent. Et ce pendant qu'ilz n'en entendoient nouvelles, sembloient estre enchantez, & estoient douteux entre l'esperance de la vie de leurs amys, & la paour de la mort, & ne pouoyent en tout desesperer pour le desir qu'ilz auoyent, ne encores se lamenter du tout, pour leur esperance: mais depuis aduertiz de la verité se derompoient leurs cheueulx & desciroient leurs habillemens, les appellans par leurs noms, comme que leur voix peust estre d'eulx entendue, & faisoient pleurs & lamentations comme que en la mesme heure fussent decedez, & en ce propre lieu inhumez. Et combien que aucuns n'eussent telles congnoissances par eulx mesmes, neantmoins se contristoyent pour la passion des autres, ou pource que veissent vng ioyeux, s'en esioysoyent, ou que le veissent triste, s'en contristoyent. Quoy faisans posé que fussent liberes de la propre passion, toutesfois ne pouoyent estre de repos en leurs esperitz, pour la conuersation qu'ilz auoyent avecques les autres, & pource ne se pouoyent saouler, ny auoyent vergongne aucune, comme ceulx qui estoient d'ung mesme propos, mais consumerent tout le iour & grand partie de la nuit à faire telles lamentations. En apres les autres se inuitoyent & mangeoyent ensemble, mesmes les cappitaines, car premiere-ment Sexte feit vng conuy dans sa nauire, & apres Cesar & Anthoine en feirent pareillement, estans en terre ferme, par ce que Sexte estoit de tant plus puissant qu'il ne voulut descendre en terre que premierement ilz n'entraissent en sa nauire. Et combien qu'il gectast vng mot à Anthoine, assauoir qu'il luy vouloit donner le bancquet es Carines, (qui signifie en langue latine, le fond de la nauire, & ce pour autant que Anthoine tenoit vne des maisons de Pompée son pere, laquelle estoit assise en Romme & en vng endroit appellé Carinne) neantmoins ne luy feit chose aucune par laquelle il demonstraist se souuenir des offenses passées, ains les traicta & festoya moult habondamment & ioyeusement: & le iour ensuyuant il fut par eulx inuité pareillemēt, & donna ledit Sexte vne sienne sœur pour fême à Marc Marcel nepueu de Cesar. Ainsi fut ceste guerre differée. Mais les affaires de Labienne & des Parthes succederent en ceste maniere. Anthoine estant retourné de Italie en Grece y demoura assez long temps, mettant à execution ses cupiditez & endommaigeant grandement les citez à ce qu'elles fussent deliurées à Sexte fort debiles. Aussi maintes autres choses furent par luy faites contre la coustume du pays. Et il mesmes s'appelloit Denis le nouuel, & si vouloit estre ainsi des autres appellé, & encores des Atheniens: lesquels pour ce respect & autres luy offriront pour son espouse la déesse Pallas, auquelz il feit responce qu'il l'acceptoit, & pource eut en dot vng million de dragmes.

festin de  
Sexte en sa  
nauire.

mariage de  
Marc Mar-  
cel & de la  
sœur de  
Cesar.



L doncques confumoit le temps en telles choses, & enuoya Publie Vantide deuant en Asie, lequel y paruint auant que Labienne sceust son departement, si que l'ayant estonné pour son si subit aduenement & pour les gens d'armes qu'il auoit avec luy, incontinent le dechassa car il neut hardiesse de l'attendre se trouuant illec seul avec ses soulardz & sans les Parthes: & s'estant retiré en Sirie, Vantide le pourfuyuoit si viuement avec la partie plus legiere de son exercite qu'il l'accósuuyit pres le mont de Thauré, & depuis ne le laissa passer plus oultre, ains ayans tous deux rengez leurs camps en ce lieu illec temporiserent par quelque temps, car ce faisant Labienne attendoit les Parthes, & Vantide le reste de ses gens d'armes. Lesquelz d'une part & d'autre venuz, Vantide craignant les cheuaux des Parthes se logea en lieu hault & y demoura coy. Mais les Parthes confuz en leur multitude & desprisans leurs ennemys, pource que par auât les auoyét vne fois vaincuz, le point du iour apparu auât que s'estre ioinctz avecq Labienne, monterent sur vng thureau, puis voyans que nul les venoit assaillir commencerent à monter au hault de la montaigne: mais estans empeschez au monter furent par les Romains descendans impetueusement assaillis & rompuz, en maniere que oultre ceulx qui furent tuez par armes, la plusgrand partie d'entre eulx perirent au retourner que feirent les premiers se rencontrans avecques leurs gens mesmes, qui de leur part montoient impetueusement: & ceulx qui furent sauluez ne se retirerent deuers Labienne, ains s'en fuyrent en Cilicie. Vantide ayant obtenue ceste victoire & pourfuyuant sa fortune vint iusques au camp des ennemys, mais y trouuant Labienne, s'arresta. & ce pendant Labienne rengoit ses batailles: toutesfois congnoissant comme ses gens auoyent perdu couraige pour la fuyte des Barbares, n'eut audace pour l'heure de leur resister, ains tenta de la nuict ensuyuant se mettre en fuyte: dont Vantide aduertiy par aucuns fugitifz, mit embusches en certains endroictz, qui occirent plusieurs ennemys, & d'auantaige attirerent à eulx tous les autres habandonnez par Labienne: lequel ayant changé son habit, se tourna en fuyte: & auoir demouré par quelque téps occulté en Cilicie finalement fut prins par Demetrius, par ce qu'il ayant autrefois esté affranchy par le premier Cesar, & estat pour lors preuoist de l'isle de Chippre soubz Anthoine, aduertiy comment Labienne demouroit en Cilicie ainsi occulté, le feist chercher & prendre. Ce fait Vantide print facilement Cilicie, ou il feit demeure pour disposer de ce qui estoit necessaire: Toutesfois enuoya deuant avecques les gens de cheual Vpide Silon au mont Amain, pose sur les confins de Syrie & Cilicie: & lequel mont à en soy si grand stricture que anciennement y fut ediffiée vne porte

Labienne  
en fuyte.

Bataille.

Les Par-  
thes vain-  
cus.

Labienne  
pris.

Cilicie  
print.

porte avec vne forteresse, au moyen dequoy est maintenant appellée Porte. Toutefois Silon ne le peut prendre, ains fut en peril d'estre destruiect par Pharnapas conducteur de Pacore & commis à la garde de ce passaige. chose qui luy feust aduenue, sinon que Vantide illec, suruenue par cas fortuit, ilz delia rengez en bataille, le secouut, par ce qu'il ayant assailly les Barbares à l'impourueu, estans en petit nombre, occist Pharnapas, & maintz autres: & ce fait, subiugua toute Sirie sans coup d'espée, laquelle estoit habandonnée des Parthes, excepté des Arades tant seulement. Pareillement print & subiugua toute la region de Palestine, Antigonne roy d'icelle, premieremēt par craincte subiugué, en laquelle, & autres, accumula grosses quantitez de deniers tant d'autres particuliers comme de Antigonne mesmes, de Anthiochus, & de Malconabatheos, pource qu'ilz auoyent fauorisé Pacore & Vantide, comme celluy qui n'estoit le capitaine principal, ains soubzmis à vng autre n'obtint pour telz faitz aucune chose du senat, mais Anthoine, louéges & supplications faictes en son nom. Les Arades doncques craignans d'estre pugnis pour ce qu'ilz auoyent osé entreprendre contre Anthoine, combien qu'ilz fussent par luy assiegez, ne se voulurent rendre: toutefois à grand difficulté furent prins par autres. Et en ce mesme tēps les Maures Parthins feirent vng mouuement lequel fut appaisé par Polion en aucunes batailles. Aussi en Espagne les Cefariens se esmeurent & furent defaictz par Caluain, lequel au commencement fut fortuné, mais depuis infortuné par le moyen d'ung sien conducteur qui fut inuahy par les Barbares & habandonné des douldardz, & premierement n'assailit les ennemys qu'il n'eust pugny les souldardz: car les ayant conuoquez ensemble comme qu'il voulsist faire autre chose, apres les enuironna avecq l'autre partie de son exercite & punist par dixaines deux esquadres de cent hommes pour chascun ensemble plusieurs centurions tant autres comme vng qui estoit en l'ordre appellée Primepille. Et ayant ce fait en sorte qu'il pour ceste pugnition faict contre l'exercite print le nom comme Marc Crassus, se meut contre les ennemys, & non avec grand difficulté les deffit: & auoir obtenu à Rome le triumphe, combien que Espagne fust soubzmise à Cesar, pource que selon la volonté des capitaines principaulx les honneurs estoient deputez à leurs conducteurs, receut l'or accoustumé d'estre conferé par les citez seulement pour ce fait par les gés de Espagne: duquel vne partie despedit en sa feste mais la plus grand pour le palais royal qui estoit brullé, & lequel il feit réedifier, & depuis consacra, l'ayant fait aorner de maintes choses magnifiques, & entre autres d'aucunes statues qu'il emprunta de Cesar: lequel quand Cesar les demanda ne les luy rendit pour auoir vſe de ceste facetie de luy dire, Je nay seruiteurs suffisās, enuoyes y toy mesmes les prédre, pquoy Cesar craignant de commettre sacrilege, les laissa. Telles choses furent faictes en ce temps. Mais en celluy de Appie, Claude, & Gay Norban, soubz lesquels premierement furent deux Questeurs, pour l'occasion d'ung chascun d'eulx

Pharnapas

Pugnition  
faicte par  
Caluain.

d'eulx le peuple cōmençoit à faire sedition cōtre les leueurs des cueillettes, qui les oppressoient grieuement, & vindrent iusques à s'entrebatre tant auecques eulx qu'auecques les souldardz & ministres qui recepuoyent ces deniers, & alors soixante sept preteurs furent faictz apres aucuns autres. D'auantage vng qui estoit encores ieune enfant fut esleu Questeur, & depuis le iour ensuyuant ascript entre les adolescens. Aussi vng autre inscript au Senat voulut exercer l'art gladiatoire, toute sfois fut de ce faire de suyé, & fut faict decret que nul senateur peult estre gladiateur, ne aucun serf litteur, ne corps mortz se brullassent quinze stades loing de la cité. Cussi plusieurs miracles arriuerent en ce temps, & plusieurs alors, car vne oliue ressortit pres le Tybre, & le tabernacle de Romule se brusta pour vng certain sacrifice que feirent les Pontiffes en icelluy. Pareillement la statue de la vertu, posée au deuant de certaines portes, tomba sur sa face, & aucuns inspirez par la mere des dieux, disoyent ceste déesse estre despitée contre les Romains. Surquoy furent leuz les liures de la Sibille, esquelz trouuans ceste mesme chose estre contenue qu'ilz commandoyent que se deust prendre sa statue & la porter en la mer & illec la purger auecques ceste eau, la déesse s'enfonca moult au fond & finalement auecques difficulté se peut rapporter : au moyen dequoy vne grand frayeur surprint les Romains, & ne se rassereurent iusques à ce que quatre dattiers nasquirent pres de son temple, & en la place. En ce mesme temps Cesar print pour sa femme Liuie fille de Liuius Drusus, qui fut l'ung des proscriptz, & se occist soy mesmes apres la route de Macedoine, & estoit femme de Neron, auecques lequel elle sen fuyt comme à ia esté dit deuant, & si estoit enceinte de ses ceures six moys y auoit. Se doubtant doncques Cesar & ayant demandé aux Pontiffes s'il luy seroit licite la prendre pour sa femme elle estant ainsi enceinte, luy respondirent que si l'enfantement estoit douteux estoit besoing differer le mariage: mais estant certain, se pouoit faire. Et peult estre que telle opinion veritablement trouuerent es coustumes du pays. Et quant ores ne l'eussent trouuée, neantmoins ainsi luy respondirent, & le mary mesmes la luy renōca comme qu'il feust son pere. Et le iour des nopces arriua ce cas icy en ceste maniere. Vng petit enfant de ces plaisans que les femmes relieuent pour donner plaisir au peuple, voyant Liuie & Cesar ensemble, & Neró son premier mary en vng autre costé, se retira deuers elle & luy dist: Que faictz tu la, ô ma dame? car ton mary, le demonstrent auecq le doigt, est assis en ce costé. Les nopces furent ainsi faictes, & estant Liuie desia conioincte auecques Cesar, enfanta Claude Druse Neron, lequel fut par Cesar enuoyé à son pere, & feist escrire es commentaires comme Cesar auoit rédu à Neron pere, son filz, né de Liuie: lequel Neron decedant long temps apres, laissa Cesar tuteur de cest enfant & de Tibere, dont le peuple detractoit grandement, & oultre toutes autres choses disoyent que aux hommes puissans & bien heureux naissent les enfans en trois moys. cela fut tant detracté & gaudy, que depuis

Le tabernacle de Romule bruste.

Liuié femme de Cesar.

Neron.

Nota.

ce dict fut tenu pour vng proverbe. Ce pendant que se traictoyent en la cité telz affaires Bougue Maure ayant nauigué en Espagne ou qu'il le feist par commandement de Anthoine ou de son propre mouuement, endommaigea grandement les autres, & aussi de son costé soustint assez d'ennuys : car au mylieu de só pays festás reuoltez les habitás de Ithis cõtre luy fortit hors Espagne & ne peut recouurer sa propre region par ce que ceulx qui tenoiét le gouuernemét pour Cesar en Espagne Boccus ioinct avec eulx se trouuerent plus puiffans que eulx, & si occupa Boccus incontinent le royaulme de Bogue lequel depuis luy fut cõfirmé par Cesar & furét les Tingitains faitz citadins de Rome. Aussi en ce temps & au parauant Sexte & Cesar feirent guerre ensemble pour autant que comme ceulx lesquelz par election ne volontairement, ains cõtrainctz festoyent accordez, peu de temps obseruerent la paix, car oultre que ne leur fut de ce faire offert aucune occasion, neantmoins en trouuerent encores vne telle, pource que Menas lequel estoit en Sardaigne comme preteur vint en suspect à Sexte pour auoir laissé aller Hellenus & enuoyé aucunes ambassades à Cesar, & oultre il fut calumnié de ses esgaulx.

Trahison  
de Menas.

Comment Cesar commença la guerre contre  
Sexte Pompée. Chapitre LXXI.

**A** Ceste cause Sexte ayát enuoyé vers luy soubz couleur de luy vouloir faire rendre compte tant du froment que des deniers qu'il auoit gouuerné en ceste isle, n'y voulut venir, ains plus tost print ceulx qui pour ce auoyent esté enuoyez & les occist, & ayant au parauant eu intelligence avec Cesar, meit entre ses mains l'isle avecq toute son armée & exercite. ce que Cesar accepta moult volontiers & le receut gracieusement. Et pource qu'il donna encores à entendre à Cesar que Sexte retiroit les serfz fugitifz, & faisoit de nouuel faire & construire plusieurs gallaires & autres vaisseaulx, & tenoit des prehdes en Italie, ne le rendit, combien qu'il luy feust demandé, mais par le contraire le tenoit en grand honneur, & luy donna les anneaulx d'or, l'inscripuant en l'ordre des cheualiers. Et est le fait des anneaulx tel. Il n'estoit loisible à aucun des antiques Romains non seulement aux serfz, mais ne encores aux liberes porter anneaulx d'or silz n'estoyent senateurs ou cheualiers, au moyen dequoy selon la volonté de l'empereur, aux affranchis, lesquelz par autre moyen ne portent de l'or, sont aucunesfois donnez telz anneaulx comme à ceulx qui sont plus honorables que les autres affranchis. Telle estoit anciennement la coustume des antiques Rommains. Mais Sexte encoulpant Cesar de ce qu'il auoit endommaigé tout le pays de Achaye & semblablement qu'il n'auoit obserué les pactz & conuentions ne à luy ne à ceulx qui estoient retournez, enuoya Meneciates mener guerre en Italie qui estoit pareillement vng affranchy,

l'anneau d'or  
estoit l'ordre  
des  
cheualiers  
Romains.

Vulirin  
saccage.

chy par le moyen duquel meit à sac plusieurs lieux de ceste contrée, & entre autres Vulirin. Dont Cesar aduertiy incontinent osta les articles de la conuention faicte avecq Sexte d'entre les mains des vierges Vestalles, & enuoya deuers Anthoine & Lepide. Lepide ne luy obeyt si soudain, mais Anthoine vint à Brandis, car il estoit pour lors encores en Grece: toutefois auant qu'il conferast avecques Cesar eut paour d'ung loup qui entra en son paillon & occist aucuns de ses souldardz, si que pour ceste cause de rechief s'en retourna en Grece, faignant se departir pour chose de grande importance contre les Parthes: dont Cesar ne se courrouca manifestement, combien qu'il pensast auoir esté delaisié par Anthoine à ce que seul combatist contre Sexte. Mais Sexte faisoit bruyct que Anthoine ne iustificoit le fait de Cesar, parquoy plus promptement s'appareilloit à la guerre, & nauigna en Italie ou descendant en terre fit plusieurs pilleries, aussi soustenoit maintz dommaiges. Et ce pendant fut faicte la bataille naualle entre Meneciates & Caluise Sabin, en laquelle furent destruietes plusieurs nauires de Cesar comme celles qui combatoyent contre hommes expertz es armes. Mais Meneciates venu au combat avecques Mena pour la haine qu'ilz auoyent ensemble, & ayant esté destruiet, fait que le dommaige de Sexte fut esgal, & pource ne se reputa victeur: bien se consola Cesar de la rotte receue & s'en retourna alors à Rege. Toutefois les Sestiens craignans qu'il ne passast en Sicile, & ayant prins couraige pour la mort de Meneciates, se departirent de Cuyne: & Sabin pour suyuant ses ennemys vint iusques à Scilée, promonhoire de Italie, & tournoyant à l'entour de cest promontoire vng grand & impetueux vent illec suruenant fait rompre plusieurs nauires dans le promontoire, & celles qui estoient loing de terre submergea, & les autres esquarta allans à l'adventure. Ce que oyant Sexte, enuoya contre icelles ayant commis l'armée es mains de Apollophanes: lequel s'estre rencontré en l'armée de Cesar, illec nauignant pour passer en Sicile, avecques Sabin fait incontinent voile contre luy, parquoy Cesar estant entré en port & ayant ralyé ses gens d'armes contre eulx du commencement & de plaine arriuée dechassa Sabin moult vigoureulement, car par ses nauires comme celles qui auoyent les prouées opposées ne leur laissoit faire aucune impetuosité qui leur feust seure, mais comme celles qui estoient plus grosses & plus haultes faisoient grand dommaige aux autres qui s'approchoyent d'elles, Et les souldardz armez, qui combatoyent, estoient beaucoup plus puissans. Depuis ayant Apollophanes les blesez & ceulx qui estoient lassez pour le traual qu'ilz auoyent soustenu par longue espace de temps, transformez en autres nauires. pour ce appareillées, & recueillly gens d'armes fraiz, faisant plusieurs & continuelz assaulx contre la nef de Cesar, & vsant d'aucunes sagettes portans feu finalement fut contrainct se destourner & prendre port pres de terre. Et luy estant en cest estat & voyant que encores les ennemys luy couroient sus aucuns subitement coupperent les cordes tenás

Bataille naualle.

les ancrs , & se leuerent du port vne autre fois à l'impourueu contre eulx, (chose qui fut cause que Apollophanes ne brussa & ne print les nauires de Cesar, ioinct que la nuit suruenant au faict l'empescha:) mais le iour ensuyuant vng vent tempestueux suruint à la nauire de Cesar, & de Sabin , qui estoient ensemble dans le port, & fait que le premier dommaige sembla peril & que l'armée de Sabin soubstint moindre peril, car sitost que Menas comme celluy qui de lóg temps estoit exercité en mer preueit la fortune qui debuoit arriuer & que vne autrefois subitement retira en mer les nauires hors le port ayant préallablement arresté les ancrs avec cordes mouillées, à ce que si par fortune elles estoient tirées, le vent ne les feist submerger, se soustenoit vigoureusement avec les rames & auirons contre le vent. Quoy faisant ne tenoit aucune corde fort tirée, & neantmoins demouroit tousiours ferme en chascun lieu, se retirant à force de rames tant que le vent le dechaffoit. Mais les autres comme ceulx qui le iour précédant auoyent esté moult trauailléz, & qui encores n'estoyent fort expertz au faict de mer, heurterent en terre illec voisine, & ainsi perdirent plusieurs nauires. D'auantaige comme la nuit de deuant ne leur fait petit ayde, ainsi lors les endommaigea grandement, car le vent y suruenant rompit les ancrs des nauires, & les dechassa entre les rochiers, & pource furent peries. Et les nautonniers & autres qui estoient sur les nauires ne pouans veoir pour les tenebres, ne ouyr pour le grand bruyt & resonnement qui se rebatoit par les montaignes, finalement perillerét : au moyen dequoy Cesar vint en desespoir de pouoir subiuguer Sicile, luy semblant faire assez de garder ceste partie de terre ferme qui est voisine à la mer, dont Sexte ne deuint moins superbe, ains s'estimoit estre filz de Neptune, & se vestit d'une robe taincte en couleur marine, & ainsi qu'aucuns dyent il getta hommes & cheuaulx viz dedans le destroit, & s'en alloit en Italie, toutesfois enuoyoit Apollophanes en Affricque, lequel fut pourfuiuy par Menas & par luy grandement endommaigé. Ce faict les Siciliens tourne au party de Sexte, Cesar préoccupa les Lipariens, lesquelz tira dehors ceste isle & les mena en Champaigne, & les contraignit faire leur habitation en Naples tant que durerait la guerre. Et ce pendant estoient nauires & aultres vaisseaulx marinaulx edificées par toute Italie, & recueilloit Cesar des mariniers premierement de ses amys, en apres des autres senateurs, cheualiers & riches populaires, prenoit des serfz assembloit souldardz & accumuloit deniers tant des citadins que des compagnons & subgetz estans en Italie & hors icelle, & consuma cest an, & le suyuant, à edifier nauires, leuer gens d'armes, & les exerciter, & pareillement à ordonner les choses necessaires tant pour Italie que la Gaullé, car illec fut faicte vne esmeute: Mais entre les mains de Agrippe commist toute l'armée, car il enuoya deuers Agrippe, lequel pour lors auoit mis fin à la guerre des Gaullois, qui auoyent faict nouvelle rebellion, & le second des Rommains lequel auoit passé le fleuve du Rhin. Au moyen dequoy Cesar luy

Agrippe se  
cond Ro-  
main qui  
passa le  
Rhin.

luy conceda le triumphe, & luy commanda de exercer les gens d'armes: mais Agrippe qui estoit consul avecq Lucius Gallus ne triumpha, pensant estre chose del'honneste que ayant receu Cesar infortune il feist feste, ains leua diligemment l'armée, car en tous les lieux de Italie voisins de la mer se faisoient nauires, & voyât qu'il ne trouuoit quelque riuage auquel luy semblaist pouoir demeurer seurement, comme en port (par ce que iusques en ce temps ceste partie de terre ferme le plus communement estoit sans port) se pensa de faire vne œuure magnifique. ce qu'il feit, & laquelle ie exposant en long propos demonstreray ensemble autres circôstances de ce lieu lesquelles encores de present se voyêt en Cume de champaigne. Il y a entre Messine & Pufflotz vng certain lieu en forme d'une l'üne, pource qu'il est environné de petites montaignes desnuez darbres: & à vne mer triplicquée, car vne partie est dehors vers la cité, l'autre est separée d'icelle par vng petit rameau, & vng autre en maniere de palluz se veoit en la partie pl<sup>9</sup> intime, & est ceste nommée Auernis, mais celle du mylieu Lucrine, par ce que celle qui est hors Thircenique, recoit le nom d'icelluy. En ceste mer posée dans l'üne & l'autre partie ayant Agrippe fait cheuer ceste part en laquelle est l'arene de la mer de tous les deux costez de terre ferme en ceste maniere fait des portz tresasseurez pour nauires, & ce pendant que lon faisoit telz ouurages vne image (ou qu'elle feust de Calisse à laquelle fut ce lieu ascript, ou lon dit autrefois Vlixes estre abordé avec ses nauires, ou de quelque autre nymphe) se remplit de sueur comme que ce eust esté vng corps humain: & cōme telle chose arriuaist n'en scay riens, toute fois reciteray les autres en la maniere que les reputeday dignes de racópter. Les môtz assez près la mer interieure ont plusieurs fontaines d'eau & de feu meslées ensemble, & ne se trouue l'ung elemēt sans l'autre en aucū lieu de ces môtz, & ne sēble que soit feu ne eau froide, mais par la cōmixtion qu'ilz ont ensemble l'eau s'eschauffe & le feu deuient humide, laquelle eau tire deuers la mer en certaines tables par piedz droictz & conduisent les vapeurs d'icelle par canons en des habitatiōs faites en lieux haulx ou chascun se estuue & baigne par telle vapeur, laquelle de quant plus viēt loing de terre de tant plus est decicatiue. En cest endroit sont doncques edifiées habitations d'une part & d'autre moult sumptueuses & oportunes à la vie & santé de l'homme, & est ce môt & la nature de la terre en telle maniere disposée, ne pouant le feu brusler, car par la cōmixtion de l'eau pert toute vigueur du feu, mais pouant diuiser, separer & liquifier les choses de luy approchées aduient que la partie humide & molle de la terre se subillie & nō l'aspre & ossueuse. Illec se font pieces de terre chaudes, lesquelles quād sont mises en lieu sec se dissoluēt en pouldre, toute fois meslées avecq de l'eau & des cendres se colligent & deuiennent pierres: & la cause de ce est, par ce que la partie seiche de soy s'augmente & se rompt par le feu qui est de semblable nature, mais par la mixture de l'humidité, se refroidist, & pource par tout le dedans se conioinct ensemble & se

soulde.

Pufflotz.

Calisse.

soulde. Tel est comme auons descript le lieu appellé comunement Baye, ou Agrippe voulant nauiguer assembla ses nauires & gens de mer, les aucuns desquelz il exercitoit à ouurer des rames sur les bancqs. Mais les Romains estoient grandement troublez d'aucuns signes, pour autant que outre les autres qui leur auoyent esté denoncez fut dit que plusieurs combati-  
 rēt pres Aspide cité de Affricque & l'occirēt ésēble, & que en ce mesme lieu pres la cité les oyseaulx apportoyent du sang qui tomboit du ciel: d'auant-  
 taige voyans que en la congregation solemnelle des Romains nul senateur fait conuy dans le capitolle le tindrent comme pour vng monstre: aussi ce  
 qui arriua à Liuie femme de Auguste ainsi comme à elle fut agreable, ainsi  
 fait aux autres paour inestimable, car vng aigle luy gecta au sein vng oyseau  
 portāt vng rameau de laurier (chose qui ne sembloit estre petit signe) & fut  
 l'oyseau par Liuie gardé en grand diligence & le rameau planté lequel se  
 estant enraciné deuint si grand que depuis à tous ceulx qui triumphoyent e-  
 stoit suffisant, & debuoit Liuie embrasser la puissance de Cesar, & en tous  
 les faitz d'icelluy se preualloir: mais les autres se contristoyent tant pour  
 ces causes comme pour la reconciliation de leurs princes, par ce que non  
 seulement les cōsulz & preteurs, ains les questeurs, estoient encores en dis-  
 cord l'ung contre l'autre qui dura par quelque temps, & estoit la cause pour-  
 ce que la plusgrād partie ne s'efforçoit tant d'auoir dignité par long temps  
 en Rome comme ilz desiroyent d'estre nommez au nombre des autres qui  
 estoient en magistrat & qu'ilz temptoyent apres de obtenir honneur &  
 puissance hors la cité. Les aucuns donc n'estoyent esleuz par certain temps  
 déterminé, mais acceptoyent le nom de la dignité en condition qu'ilz le  
 lairroyent quand bon sembleroit à ceulx qui gouernoient l'estat, si que  
 plusieurs se trouuerent qui en vng mesme iour feirent l'ung & l'autre: d'a-  
 uantage aucuns autres furent qui de poureté laisserent les magistratz, car  
 ie ne faitz mention de ceulx qui pour lors estoient avec Sexte, & furēt pri-  
 uez de leur honneur comme par vne certaine forme de condemnation. Se  
 delibérant encores Marc Oppie de laisser la dignité edilice pour se trouuer  
 alors moult indigent ayant esté l'ung des pscriptz avecq son pere, le peuple  
 ne le laissa faire, ains luy donna argent tant pour les autres choses neceslai-  
 res à sa vie comme pour la despence de son office: aussi ay ouy dire que  
 aucuns entrez dans le theatre masquez & desguisez comme s'ilz eussent  
 voulu faire quelque representation gecterent p la place plusieurs especes de  
 deniers, & ains ce Marc Oppie en sa vie & en sa mort fut tāt aymé du peuple  
 qu'il estant decedé peu apres le porterent au champ de Mars ou il fut brulé  
 selon leur coustume & ce fait en sepulturé: mais le senat se contristant de si  
 grand estude que le peuple mettoit iouxte cestuy cy, fait recueillir les oz cō-  
 me ceulx qui estoient indecemment posez en lieu sacré, ainsi que leur per-  
 suaderent les pontifes, combien que plusieurs autres au parauant & depuis  
 eussent esté inhumez par auctorité du senat en ce mesme lieu. Anthoine en

Signes ad-  
 uenez en  
 Rome.

Marc oppie.

ce meſme temps vint en Italie, de Syrie, ſoubz couleur de vouloir eſtre participant & compaignon en la guerre contre Sexte, pour les pertes qu'auoit eues Ceſar, neantmoins ne demoura ferme, ains comme qu'il fuſt venu plus toſt pour entendre que pour faire aucune choſe donna quelques nauires à Ceſar promettant de luy en enuoyer d'autres pour lesquelles il receut certain nombre de gens d'armes, & ce fait ſe achemina comme ſ'il fuſt voulu aller contre les Parthes : touteſſois auant qu'ilz ſe departiſſent ſe lamentèrent l'ung de l'autre par voye de leurs amys, & depuis ilz meſmes deuiferent & parlerent enſemble, & pource qu'il ne leur ſembloit encores le temps eſtre opportun pour ſe faire guerre ſe conſilierent aucunement, eſpeciallement par le moyen de Octauié : & à ce qu'ilz fuſſent colliguez par plus grandz lyens de affinité, Ceſar donna ſa fille pour femme au filz de Anthoine appellé Atille & Anthoine donna la ſiène qui eſtoit née de Octauié à Domicé, bié qu'il euſt eſté l'ung des percuſſeurs de Ceſar & mis entre les autres proſcriptz. Telles choſes d'ocques furent entre eulx fainctes & ſimulées, car apres n'eſtoiet pour obſeruer aucunes dicelles, aïs ſeulement diſſimulerent ſelon le beſoing que pour lors ilz en auoyent : & Anthoine incōtinent renuoya Octauié de Corſou en Italie, à ce qu'elle ne fuſt avec luy au peril contre les Parthes : neantmoins en ce temps feirent les choſes predictes & priuerent Sexte tant du pontificat que du conſulat, eſquelles dignitez il auoit eſté deſſeigné : auſſi prindrent pour eulx la principaulté pour autres cinq ans les premiers eſtans expirez. Ce fait Anthoine ſ'en alla en Syrie, mais Ceſar demoura faiſant la guerre de Sexte, ou toutes choſes luy ſuccederent ſinon que Menas eſtant de nature perfide & ſuyuant toujours la partie plus puiſſante, deſdaigné encores, pource qu'il n'auoit aucune dignite & eſtoit ſoubmis à Sabin, de rechef ſe retira deuers Sexte.

Mariage  
de Atille  
filz de An  
thoine &  
de la fille  
de Ceſar.

Trahiſon  
de Menas

# Le Quaranteneufiesme liure

DE DYON, HISTORIEN GREC,

Traduit d'Italien en Francois.


Au present liure est traicté comment Cesar vainquit Sexte, & subiugua Lepide, comment Vantide dechassa les Parthes oultre le fleuve d'Euphrates, comment Anthoine fut vaincu des Parthes, comment Cesar subiugua les Pannonniens, & comment Mauritanie fut subiuguée par les Romains, & autres matieres.



Comment Cesar vainquit Sexte, & subiugua Lepide.

Chapitre

LXXII



N'est uer doncques auquel Lucius Gellius & Coccius estoyét consulz, les choses prédictees furent faictes en ceste maniere: mais Cesar son armée apprestée & suruenat le pri temps se partit de Baye & s'approcha de Italie, ayant non petite esperance de embrasser toute la Sicile, ioinct qu'il auoit mené avec luy plusieurs nauires & que desja celles de Anthoine estoyét encores au destroit de Sicile: & Lepidus (bié que mal vo

luntiers, neât moins autressois audit promis luy enuoyer secours, & sur tout Cesar se confioit en la haulteur de ses nauires & espaisseur du boys, pource qu'elles estoient construites tresgrandes & tresgrosses, en maniere qu'elles pouoyent porter grosse multitude d'hommes; & en icelles estoiet plusieurs tours desquelles pouoyent combattre comme des murailles d'une cite, & si estoiet suffisantes à resister à l'assault & impetuositè des ennemys & retourner en arriere les becZ des nauires qui leur viendroyent courir sus en grand fureur. A ceste cause se hastoit Cesar de aller en Sicile & passant pres le promonchoire appellé Palimere suruint vne tempeste si merueilleuse qu'elle ruina & submergea plusieurs nauires, & lors suruenant Menas pres de celles qui estoient encores troublées & cōfuses partie les brusla & partie les prit, & si cestuy n'eust si tost mué de party, & apres auoir receues quelques nauires fugitiues n'eust trahy l'armée de laquelle il estoit capitaine toute la navigation de Cesar eust esté vaine: mais Menas habandōna Sexte pource qu'il ne luy commist la bataille contre Lepide, & que en toutes autres choses auoit esté soubzmis: & Cesar le receut volontiers, toutes fois ne se fia depuis du tout en luy, ains si tost qu'il eust fait reparer les nauires concassées, fait liberaes les serfz & gallaires, & tous ceulx qui se trouuoient superhabondans es nauires mis en l'armée de Anthoine qui pour lors estoit foible, s'en alla à Lipare, & illec ayant laissé Agrippe ensemble ses nauires tira en terre ferme, à ce que quand seroit temps il peust faire passer les gens de pied en Sicile. Mais Sexte de ce aduertiy demoura au port de Messine gardât le passage de Cesar & commanda à Denocare aller cōtre Agrippe estant pres de Mile. Ilz doncques respectiuelement ayans tasché de se surprendre l'ung l'autre, & n'ayans toutes fois eu audace ne mettre toute l'armée en peril, cōsommerent assez de temps, car ilz ne congnoissoyent la puissance l'ung de l'autre, & tousiours estoient rapportées à l'une partie & l'autre choses plus terribles & estranges qu'elles n'estoient en verité: finalement Agrippa aduertiy qu'il ne luy estoit vtile seiourner, consideré que ceulx de Sexte qui estoient en leurs maisons ne se soulcioyēt de haster la bataille, print toutes les meilleures nauires qu'il eust & s'en alla à Mile pour veoir la multitude des nauires ennemyes, mais depuis qu'il ne les peut veoir & que nulle d'icelle voulut sortir dehors, alors desprisa les enemys & estat retourné en arriere se mettoit en ordre comme que le iour ensuyuāt voulust nauiguer à Mile avec toute l'armée. Le semblable arriua à Denocare, pour autant qu'il pēsant Agrippe n'auoir autres nauires que celles qui estoient illec venues, & les voyant estre moult pesantes au nauiguer pour leur grandeur, appella Sexte la nuit ensuyuant & se mit en ordre cōme s'il eust voulu combattre pres Lipare & le iour venu l'une partie se renga contre l'autre pensans qu'ilz feussent beaucoup moins: mais depuis qu'ilz s'approcherent, & que tous les deux exercites congneurent leurs ennemys estre en plus grand nombre qu'ilz ne pensoyent au commencement tant d'ung costé que d'autre se espoueterēt

Promon-  
choire Pa-  
limere.

Trahison  
de Menas.

& aucuns tournerent la proure: touteffois depuis craignans plus le fuyr que la bataille & esperans en icelle pouoir estre victeurs & s'ilz se mettoient en fuite d'estre du tout deffaitz, se régerét d'ue pt & d'autre pour venir à la bataille, & estoÿét ceulx de Cesar supieurs pour la multitude des nauires, mais les autres estoÿét plus expertz es factions de mer. Ceulx de Cesar se aydoiét de la haulteur de leurs nauires, & espeffeur du boys mis en l'une & l'autre partie de la proure, mais les autres eutoÿét les perilz passans par le mylieu: d'auantaige à la force des Cesarïens resistoient les Sestiens avec leur audace, ioinct que la plus grand partie estoÿent fugitifz de Italie, & se trouuoÿent pour lors hors de toute esperance, parquoy auoyent tous deux puissance esgalle estans par vne voye inferieurs & par l'autre superieurs, au moyen dequoy combattirent longuement de pres. Quoy faisans les Sestiens avec l'impetuosité & promptitude de leurs nauires espouentoÿent leurs aduerfaires & pouloÿent aucunes de leurs nauires les allans choquer & rompoÿent les pties anterieures d'icelles, & estâs pris avec des maïs ferrées ne soustenoïét moindre mal que celluy qu'ilz faisoient, & les Cesarïens de leur part combataient contre eulx & descendans en leurs nauires en ce estoÿent superieurs: mais ce voyant les Sestiens faultoÿent en la mer quand estoit besoing, & pour ce qu'ilz scauoÿent bien nouer & estoÿent armez legierement montoÿent sur autres nauires & en ce auoyent auantaige: & estoit l'experience marinalle des Sestiens equialéte à l'estabilité des ennemys & la pesanteur des nauires Cesarïennes estoit equialant à la subtilité des Sestiens. A la fin suruenant la nuict ceulx de Cesar eurent le meilleur, neantmoins ne se mirent à poursuiure aucun, & selon mon iugement & comme il semble encores estre raisonnable, cela feirent pource qu'ilz se veoyent insuffisans de les pouoir attaindre & craignoÿent de eulx mettre à sec n'estans expertz en ceste mer: & ainsi que dient aucuns, Agrippe lequel ne combattoit pour foy, ains pour Cesar estimoit luy suffire s'il pouoit dechasser les ennemys, car il auoit acoustumé de dire à ses principaulx amys que la plus grand partie des hommes puissans ne vouloÿent aucun superieur ne plus prestât que eulx, ains que pour le plus souuent prennent en eulx le fex des batailles faciles à vaincre, mais celles qui sont plus difficiles commettent à autres: & si touteffois aduient qu'ilz soÿent contrainctz de cōmettre à autres de celles q sont plus glorieuses ont douleur de la gloire aliene, ioict qu'ilz ne desirét les autres estre vaincuz ne mal faire leurs besongnes & ne veulét neâtmoïs que cōprenâs toutes choses se vsurpét toute la gloire. Il disoit dōc estre necessaire que celluy q desirast estre saulué se deliurast des difficultez des charges à luy cōmises & cōseruast l'acheuemét & bonne fin d'icelluy à ceulx qui les luy auoyent commises: mais ie congnoys ce estre vray que Agrippe en auoit cure, touteffois ie ne croy que alors ceste fust la cause qu'il ne poursuiust ses ennemys, car encores qu'il l'eust voulu faire ne les eust peu poursuyure longuement. Et ce pendant qu'il combattoit avec l'armée en la mer,

Sexte vain  
cu.

Cesar si tost qu'il entendit Sexte estre departy de Messine, & le port se trouuer desert, ne laissa l'opportunité de la guerre, ains incontinent monté sur les nauires de Anthoine passa à Tauremeine, duquel lieu il ne ysa subitemét, par ce que quand il nauiguoit ne quand descendoit fut par aucun prohibé, mais à son ayse feist tât toutes les autres choses opportunes côme son fort. Et la bataille de mer finie, Sexte subtilement vint à Messine ou auoir esté auerty de la présence de Cesar alors mit gendarmerie fresche en ses nauires avec lesquelles & ses homes de mer p terre vint cõtre Cesar: lequel ne sortit cõtre luy en terre ferme, ains avec son armée p mer, car il desprisoit la petite quantité des nauires Sextiennes, & pource que encores peu au parauant elles auoyent esté vaincues il perdit la plus grand partie de son armée, & quasi qu'il ne fut occis & si ne sen peut fuyr à ses gens qui pour lors se trouuoient en Sicile, ains luy suffist de se pouoir sauuer fuyant en terre ferme ou sa personne fust seure: mais voyát l'exercite estre entrepris dans l'isle se contristoit grandement & ne reprint couraige iusques à ce que vng poisson saultant sur la mer tomba deuant ses piedz, pour autát que par ce signe ainsi que luy rapporterent les Magiciens eut esperance de conquerter l'isle. Et Cesar manda Agrippe lequel vint secourir l'exercite, mais il estoit desia assiégré, & pource que estoient deffailies les choses necessaires & ne veoyét encores aucun secours Cornifice qui estoit cappitaine commença à craindre que demourant long temps en ce lieu ne fust assiégré par famine, & pensant aussi que y demourant de nul ennemy seroit assailly comme celluy qui estoit plus puissant de gens d'armes, mais s'il se mouuoit pour s'en aller vne des deux choses luy aduiendroit, à scauoir que venant au combat contre les ennemys seroit victeur, ou ilz reffusás la bataille s'en yroit en lieu de seurté auquel auroit habondance de toutes choses necessaires & opportunes, & pourroit estre secouru tât de Cesar que de agrippe. A ceste cause brusla toutes les nauires demourées du reste de la bataille & q estoient arrivées pres le fort, & ayát leué son cãp prit sõ chemin côme s'il eust voulu aller à Mile: ou assailly tant des gens de cheual que de pied d'assez loing, par ce qu'ilz ne se osoyent approcher estoit en grand traual, ioinct qu'ilz l'assailloyent à l'heure opportune, & puis quand estoit besoing sen retournoient arriere, & que les siens pour estre armez ne les pouoyent suyure: mais ceulx qui estoient sans armes sauluez de la bataille nauale furent mis au mylieu de l'exercite, au moyen dequoy enduroyent plusieurs oppressions des ennemys & ne sen pouoyent aucunement venger, par ce que encores qu'ilz courussent impetueusement contre leurs ennemys ne les pouans apres pour suiure plus outre auoyent plus grand difficulté au retourner comme ceulx qui estoient habandonnez pour estre couruz deuant. Dócques par tout le chemin (mais especiallement au passer des fleues) soustenoyent plusieurs miseres, par ce que rencontrez par les ennemys esquartez & sans ordre (ainsi que souuent aduiét en telle hastiueté) estoyé assaillis & naurez es lieux ou ilz les veoyét

descouuertz de playes mortelles. Et ce faict estoient gettez en lieux palludueux ou torrens come les pouoyét retenir: lesquelles psecutiōs feirét ceulx de Sexte par l'espace de six iours & le dernier leur donnerent grand affliction, especialement y estant suruenu Sexte avec ses gens armez, en maniere qu'ilz ne faisoient aucun compte de ceulx qui estoient mortz, ains leur sembloit assez qu'ilz se peussent eulx mesmes deffendre, & aucuns par desespoir desiroyent d'auoir esté occis au parauant, mais ceulx qui estoient blesez trouuans en bien grand nombre, & encores plus grad les occis comme ceulx qui auoyent esté frappez de pierres & dardz de loing, & n'auoyent aucune playe faicte de main, & pource moins mortelle, estoient en grand misere, & contristoyent d'auantaige leurs compagnons sauluez que les ennemys, par ce que s'ilz estoient portez ceulx qui les portoyent estoient occis avec eulx, & s'ilz estoient habandonnez leurs pleurs & gemissemens redoyent tout l'exercite triste: & finalement eussent tous esté destruitz sinon que les ennemys furent contrainctz contre leur volunté departir, par ce que Agrippe en ce temps ayant obtenu victoire en la bataille naualle, nauagua à Lipare, ou ayant entendu Sexte festre retiré à Messine & que Denocare estoit allé en autre lieu, passa en Sicile, & ayant prins Mile & Tindarides leur enuoya des bledz & des souldardz, & Sexte craignant que Agrippe mesme ne vint, se departit hastiuement si qu'il laissa quelques carriages & viures au lieu ou estoit le camp, par lesquelles l'exercite de Cornifice saulé paruint ou estoit Agrippe & receurent ses gens d'armes louenges infinies & presens de Cesar, bien qu'il les v'fast non sans suspicion en la victoire de Agrippe come de celluy qui auoit paracheué la guerre: & encores Cornifice estoit tāt esleué & ioyeux pour le salut de ses souldardz sauluez par luy que en Rome quād il souppoit hors son hostel se faisoit porter par vng elephant. Ces choses faictes Cesar retourné en Sicille Sexte le vint rencontrer avec son exercite pres Artemise ou ne feirent grand bataille du commencement, ains seulement les gens de cheual faisoient quelques petites courses, & estans cāpez vis à vis l'ung de l'autre, à Sexte se adioignit Gal Thisenne & à Cesar Lepide avec tous ses exercites, par ce qu'il f'estant rencontré en vne tempeste & orage de mer; de laquelle i'ay faict mention ruina plusieurs nauires de Denocares, & toutefois ne vint incontinent deuers Cesar, ains ou qu'il le feist de douleur, ou qu'il voulust que Cesar seul feust en peine, ou qu'il le voulust separer de Sexte tira deuers Lilibéc ou Gal y enuoyé par Sexte cōbatoit cōtre luy, & ne pouans l'ung ne l'autre faire aucune chose se despartirent de ce lieu, & arriuerent à Artemyse. Quoy faisoit Gal renforca grademēt l'exercite de Sexte, mais Lepide vit en discord avecques Cesar, par ce qu'il vouloit come compagnon esgallement tout gouverner. chose que Cesar ne vouloit endurer, ains le tenoit comme soubz cappitaine, au moyen dequoy Lepidus declina son couraige à Sexte, & secrettement se entendoit avecques luy: dequoy Cesar ayant souf-

Discord  
entre Ce-  
sar & Le-  
pide.

pecon & ne l'osant demonstrier de paour qu'il ne se feist manifestement son ennemy, ne encores le pouant seurement tenir occulte, par ce qu'il le reputoit suspect s'il ne luy en communicquoit quelque chose, & aussi y auoit dangier s'il luy manifestoit, le tout delibera se mettre viftement au peril auant que Lepide feist aucune nouuelleté, bien que pour autres respectz ne eust grand haste de venir au combat, consideré que Sexte ne auoit viures ne deniers ou pouoit auoir esperance de le destruire sans bataille. Ayant doncq fait en soy ceste deliberation il estandit son exercite hors le fort, & Agrippe par mer ce pendant suruenu avec l'armée, Sexte estant moult inferieur de puissance, n'osoit sortir à l'encontre par terre ne par mer: mais finalement craignant que pour ce ne fust desprié de ses compagnons commanda que les nauires sortissent hors le port, par ce qu'en sa puissance de mer estoit sa principale esperance. Or incontinent que le signe fut donné, & que la trōpette sonnans l'alarme fut ouye, toutes ces nauires vindrent à la bataille pres de terre, & les souldardz d'une part & d'autre estoient estanduz sur vne mesme plaine (chose bié digne de veoir, ioinct que tout la mer illec voisine estoit plaine de nauires) quoy que ce soit se trouuans en gros nombre en occupoyent vne grand estandue, & la region aboutissant estoit occupée par l'exercite armé, mais les lieux circonuoiilins estoient plains du reste de la turbe tant de l'une que de l'autre partie, au moyen dequoy sembla que la bataille fust seulement entre les nauires: mais certes les autres en eurent encores leur part, car ceulx qui estoient es nauires combatoyent plus promptement en la presence de ceulx qui se amusoient à le veoir, & ceulx cy bien qu'ilz fussent moult distans l'ung de l'autre, neantmoins encores par vng certain moyen combatoyent selon les faitz qu'ilz veoyent en la mer, ioinct que estant le combat par long temps esgal pour l'une & l'autre partie comme encores fut le precedant, ceulx qui ne combatoyent auoyent semblable constance en leurs couraiges, par ce qu'ilz esperoyent respectiement toute la guerre se debuoir dissouldre par ceste bataille mesmes: les Cefariens, que s'ilz demouroient victeurs que apres n'auroyent grand peine: mais les Sestiens se confioyent, que se ilz obtenoyent la victoire, que apres ne seroyent vaincuz. Et pour ceste cause se demonstroyent taciturnes, à ce que ilz peussent mieulx comprendre & regarder ce qui se faisoit & n'empeschassent ceulx qui combatoyent, & vsoyent de vne voix basse en confortans les combatans, inuocquans les dieux & louans leurs compagnons ceulx qui estoient victeurs en blasinás les vaincuz & les confortans à faire plusieurs ruses contre les ennemys, & souuentefois crians l'ung contre l'autre, affin que ceulx de leur party peussent plus facilement ouyr ce qu'ilz disoient & les aduersaires mois les choses necessaires. Iusques icy dōc la bataille estoit egalle & estoit faite d'une mesme forme d'ung costé & d'autre, & se mōstroiet l'ung avec l'autre cōme ceulx q se pouoiet veoir & cōgnoistre: mais depuis que les Sestiés se furēt reuoltez, alors tous ensemble en vng mesme

Bataille.

stant

instant s'esmeurent partie à chanter & partie à lamenter, & ilz comme s'ilz eussent esté vaincuz. Incontinent se misrent en fuyte vers Messine. Mais Cesar se rencontrant avecq ceulx lesquelz ayans esté vaincuz arriuerent à terre, & montant sur mer, brusloit toutes les nautres qu'il trouuoit à terre en maniere que ceulx qui vouloyent nauiguer n'estoyent en seurté estans tous destruietz par Agrippa, ne encores ceulx qui vouloyét arriuer en quelque lieu, car ilz estoyent tous taillez en pieces excepté quelque petit nombre qui se retira à Messine, & en ce traual Denocares prins prisonnier, se occist de sa propre main. Mais Apolophanes ayant sa nauire en terre, & se pouant mettre en fuyte, se conféra à Cesar. ce que firent encores maintz autres, comme Gallus & tous les gens de cheual qui estoyent avecques luy. Et encores depuis certain nombre de gens de pied. Apres laquelle deffaiete Sexte n'estant en petit desespoir, delibera de se mettre en fuyte, & ayant prins sa fille & autres avecques luy, ensemble ses deniers & autres plus precieuses richesses & icelles chargées préallablement sur les nauires qui festoyent faulées de la bataille, la nuict ensuyuant sembarqua, & ne fut suiuy des ennemys, par ce qu'il departit ocultement. Mais Cesar incontinent se trouua en tresgrande perturbation, par ce que Lepide s'approuchant de Messine & icelle receue & mise en sa puissance, mettoit le feu en aucuns lieux & les autres pilloit & saccageoit, mettant le peuple en grand desolation: touteffois voyant que Cesar, de ce aduert, suruenoit pour l'empescher, de paour qu'il eut s'en fuyt hors la cité, & ayant mis son camp sur vng thureau, mury & fermé au mieulx qu'il luy fut possible, blasinoit & encoulopoit Cesar cónnumerant tous les tortz qui luy auoyent esté faietz demádoit ce qui luy auoit esté concedé par le premier accord, & requeroit partie de Sicile comme celluy qui avec luy l'auoit subiuguée. Telles choses impositoit Lepidus á Cesar luy ayant enuoyé aucuns de ses cheualiers, & l'appellant au iugemét de telles personnes qu'il voudroit. Touteffois auoit avec luy les gés d'armes venuz avec luy de Affricque, ensemble tous ceulx qui auoyent esté en Messine, pource qu'il y estoit entré le premier, & leur auoit donné vne certaine esperance de faire nouuelleté. Mais Cesar oyant telle demande ne luy feit responce aucune, ains estimant toute la iustice estre aupres de luy comme celluy qui fust plus puissant que Lepide, incontinent se mit en voye avecques petit nombre de ses gens á ce qu'il l'espouentast il n'ayant aucune force de efficace, ou bien luy fortrayast ses souldardz. Ainsi entra Cesar au camp des ennemys, ilz estimans pour le peu de gens qu'ilz veoyent avecques luy estre venu pour traicter quelque accord: mais voyans qu'il ne leur disoit chose agreable, alors comme despittez & remplis de fureur commencerent à l'assaillir & furent aucuns des siens occis, touteffois fut saulué hastiuelement suruenu le secours: neantmoins depuis avecq tout son exercite vint contre Lepide, lequel enclos en son fort le tenoit assiegé. Quoy voyans les gens de Lepidus & craignans d'estre prins, pour reueréce de leur cappitai-

Sexte vaincu.

Mort de Denocare.

Euyte de Sexte.

ne ne feirent aucune nouuelleté ains secrettement peu à peu l'habandonnās se retiroyent deuers Cesar, au moyen dequoy il mesme vestu de robe de feurté fut contrainct venir supplier Cesar & pour ce depuis de ce temps fut Lepidus priué de toute puissance & le reste de sa vie fina en Italie non toutefois sans garde. Mais quāt aux partisans de Sexte, les senateurs & cheualiers furent pugnis, excepté aucuns. Des autres ordinaires ceulx qui estoient liberes furent ascriptz à l'exercite de Cesar, & quant aux serfz ilz furent renduz à leurs maistres pour estre pugnis, & les autres desquelz ne se trouuoient les maistres estoient affichez sur vng pal. Et au regard des citez qui volontairement se rendoyent elles estoient pardonnées, mais celles qui feirent resistance furent pugnies. Ces choses faisant Cesar, les gens d'armes esmeurent vne sedition, pource que estās en grand nombre prenoient courage pour la multitude qu'ilz veoyent, & comptās les perilz & leurs esperances estoient insatiables à demander recompenses & salaires, & se ralyans en semble chascun requeroit ce qu'il desiroit: & congnoissans que en vain consummoient leurs parolles pour autant que Cesar comme celluy qui n'auoit aucun ennemy faisoit pour lors petit estime d'eulx, alors suscitoient tumultes & luy improperoyent tous les maulx par eulx soustenuz suyans son party, & si d'auenture quelque chose leur auoit promise la luy inectoyent en auant v sans de menasses, pensans le soubzmettre contre sa volenté mais voyans que pour ce ne faisoiet riens demandoyēt que à tout le moins fussent deliurez de la gendarmerie comme ceulx qui estoiet trauallez. D'auantaige ysoyent d'une yre & bruit insatiable non pource qu'ilz voulussent estre cassez, consideré que la plus grande partie d'entre eulx estoient robustes, ains pource qu'ilz se doubtoyent de la guerre future de Cesar contre Anthoine, & pour ceste cause se prisoyēt tant, car ce qu'ilz ne pouoyent obtenir par requeste esperoyent leur estre octroyé le menassant de l'habandonner. Neantmoins pource encores feirent moins, pour autant que Cesar bien que assez preueist la guerre future & congneust manifestement leurs intentions, toutefois ne les en voulut croire, estimant n'estre condescant que le cappitaine fasse aucune chose, contre sa volenté, contrainct par les gens d'armes, car vne autre fois vouldroyent auoir l'audace en cas semblable, ains faignāt qu'ilz demādassent choses raisonnables premierement donna conge à ceulx qui auoient esté avecq luy au siege de Modene contre Anthoine. En apres les autres faisans instance laissa d'entre eulx tous ceulx qui auoyent esté par l'espace de dix ans en l'exercite. Et affin qu'il refrenast le reste, dist telles parolles, que encores qu'ilz eussent volenté de le seruir. ne se seruiroit iamais d'aucun d'eulx. Ce qu'ilz oyans ne feirent respōce aucune, mais cōmencerent tous à le suyure & especialement pour ce que aux cassez, nō to<sup>9</sup> excepté les premiers mais aux pl<sup>9</sup> dignes pmist dōner ptie les autres choses pauāt pmises, & ptie territoire pour habiter: encores à to<sup>9</sup> dōna cīq cēs dragmes & a ceulx q auoiēt obtenu la bataille en mer corōnes de

Lepidus ré-  
du.

Pugnation  
des par-  
tisans de  
Sexte.

Mutinerie.

Astuce de  
Cesar

de oliuier: quoy faisant donna bonne esperance à tous les autres, & especiallement aux Centurions qu'il promit entre les fenateurs de leur pays, & aux conducteurs conceda autres choses. Mais à Agrippe donna la courone ourée d'or avec Roftz, ce que parauant ne depuis fut attribuée à aucun. Aussi fut confirmé par decret que toute fois & quantes qu'aucun triumpant porteroit corone de laurier portast encores ceste enseigne de la victoire nauale. En ceste maniere alors composa Cesar le fait des ges d'armes & leur dona l'argent incontinent & le territoire peu apres, par ce que n'estant pour lors suffisant celluy qui estoit du comun en acheta de l'autre, mesmes des Champenoys demourans à Capoue, ioinct que ceste cité auoit grand necessité de habitans, aufquelz il donna l'eau appelée Iullie, de laquelle sur toutes autres choses ilz se contenterent, avecq la region appelée Gnosie, laquelle encores à present ilz labourét. Ce fait auoir disposé les affaires de Sicile par le moyen de Statile Thaire, Cesar occupa l'une & l'autre Libie sans combattre, & renuoya à Anthoine autant de nauires qu'en auoit esté perdu. Et en ce temps les seditions de Tuscan furent appaisées incontinent la victoire entendue: aussi ceulx de la cité tous d'ung commun consentement luy concederét les louenges, les statues & la presidence avec vng chariot triumpal lequel il pourroit faire mener par des cheualx, qu'il vst tousiours de la couronne de laurier, que le iour auquel il auoit obtenue la victoire fust consacré à perpetuel & qu'il feist conuiz avec sa femme & enfans au temple de Iuppiter Capitolin. Telles préeminences furent alors ordonnées par decret pres la victoire, qui premierement fut nommée par vng souldard se trouuant en la cité, lequel ce mesme iour deuint comme inspiré, & apres qu'il eut dict & fait plusieurs choses finalement courut dans le cappitolle, & mit son espee deuât les piedz de Iupiter come que desormais ne fust plus besoing d'icelle. Depuis certains autres qui auoyent esté presidens en la bataille & estans enuoyez par Cesar à Rome, le denoncerent: mais quand il en personne vint, & ayant assemblé les Romains hors les murailles de la cité, selon leur coustume, narra tout ce qu'il auoit fait, & n'accepta aucunes des choses qui luy auoyent esté concedees par decret, & si remist le tribun de la proscription, & tout autre deu au fait public auant le temps des batailles ciuiles, & osta aucunes fermes & impositions, & reffusa le pontificat de Lepide qui luy auoit esté offert, congnoissant qu'il n'estoit licite l'en priuer auant sa mort. Maintes autres choses luy estoient concedées par decret, & se trouuerent aucuns lesquelz disoyent que Cesar auoit ce fait au vitupere tant de Anthoine que de Lepide, à ce que en eulx seulz demourast la coulpe des choses parauant faites iniustement. Mais autres dyent que ce fut pour autre respect, cest assauoir à ce que ne pouât aucunemét recouurer les debtes, se acquist grace de leur puissance perdue. Ainsi estoient ces telles choses diuulgées en diuerses manieres. D'auantaige fut déterminé qu'il eust vng autel public pource qu'il auoit achepté vng lieu pour en edifier vng. Touthois

Riuere appelée Iullie.

Louenges concedees a Cesar.

fois depuis qu'il agit  par vne t peste qui tomba dedans le fait publi  & sacr    Apollo: & vng autre hostel luy auoit est  assign  par decret, fut d termin  que   luy ne fust faicte aucune iniure en parolles ny autrement. Et d'auantaige que les contredisans fussent pugnis comme filz auoy t viol  vng tribun, ioinct que encores luy fut conced  se asseoir es mesmes sieges . A Cesar furent telles choses conced es par le senat, mais il en ce temps adiousta oultre le nombre des augures Valere Messalla lequel il auoit parauant proscrip t   la mort & fait les Vticiens citadins: en oultre commanda que autres que les senateurs estans en magistrat vsassent de robes de pourpre voyant que encores les hommes vulgaires les portoy t. En ce mesme an ne fut faict aucun edile pour n'auoir trouu  homme qui eust voulu estre esleu , mais les preteurs & tribuns feirent leurs offices : pareillement ne fut design  aucun prefect de la cit , touteffois aucuns autres preteurs executoy t ce qui estoit necessaire   tel office ensemble toutes les autres choses appartenans   la cit . Aussi tout le reste de l'Italie estoit gouuern  par vng cheualier nomm  Mecenates. Mais Sexte departy de Messine & craignant qu'il ne fust poursuyuy & encores se doubtant d'estre trahy d'aucuns estans en sa c paignie, leur dist premierement qu'il s'en vouloit aller par mer, puis fait estaindre la lumiere qu'on   acoustum  tenir la nuit es nauires des capitaines pour eclairer aux autres qui la suyuent, & nauigua suyuant la coste de Italie, & pass    Corfou, tira en Cephalonnye: auquel lieu ses compaignons arriuez par fortune se adhererent   luy, & les auoir rallyez ensemble depposa l'habit militaire, & leur ayant declar  & remonstr  plusieurs choses, & entre autres qu'ilz demourans ensemble ne se pourroyent donner secours suffisant l'ung   l'autre, mais se separans & dispergeans d'ung cost  & d'autre plus facilement pourroyent fuyr, leur persuadant que chascun de sa part procuraist pour son salut, au moyen dequoy la plus grand partie, obtemperant, se departit, & autres tirans en autre lieu fait voile pour aller en Asie en ayant volent  de se retirer au plus tost deuers Anthoine . Touteffois depuis qu'il fut en Les bos & entendit Anthoine estre pass  contre les Medes & Lepide auoir est  vaincu par Cesar, delibera de passer l'yuer en ceste contr e: mais retenu & receu par les Lesbians en tresgrande beneuolence pour l'honneur de la memoire de son pere, & auoir entendu Anthoine s'estre trouu  infortun  contre les Medes, & que Gaius Furnus qui pour lors estoit president en Asie n'estoit guieres son amy, ne demoura en ce lieu, ains esperant succeder en la puissance de Anthoine, par ce que chascun iour gens venoyent   luy de Sicille, & que encores autres les aucuns pour la renomm e du pere, & autres pour la necessite du viure se retiroyent deuers luy: alors reprint l'habit de capitaine, & se mettoit en ordre pour passer en la region vlterieure. Et ce pendant festant gard  Anthoine en son amyti  & aduertiy de son faict luy promectant la paix s'il depposoit & ostoit les armes, Sexte luy enuoya lettres esquelles estoit escript quil estoit prest de faire tout

Valere  
Messalla  
augure.

Vticiens  
creez citadins.

Remon-  
strance de  
Sexte.

ce qu'il voudroit, touteſſois n'en fait riens, ains eſtimât peu Anthoine pour ſes calamitez, & pour ce qu'il ſ'en alla incontinent en Egypte, perſeueroit à tenir ce qu'il auoit, & enuoyoit meſſagers deuers les Parthes: dôt Anthoine aduertiy ne retourna en arriere, mais enuoya l'exercite contre luy avec Titius Marcus eſtant pour lors avec luy & qui autreſſois feſtoit rebelle contre Sexte. ce que oyant Sexte & croyant pour ce que encores n'eſtoit en ordre, ſe departit & ſe retira ou luy ſembloit le meilleur à fuyr, qui fut en Nicomedie: ou acconſuiuy, enuoya ambassadeurs deuers Anthoine comme celluy qui auoit en luy eſperâce pour vng benefice que autreſſois luy auoit fait: mais voyant que Anthoine ne vouloit accepter aucû accord ſi premierement n'auoit entre ſes mains les nauires & le reſte de ſa puiffance, alors vint en deſeſpoir de ſe pouoir ſauluer par mer, & ayant chargé en ſes nauires les choſes de plus grâd priz après les bruſla: ce fait print ſon chemin vers la part Mediterranée, mais Titie Furtine l'ayant pourſuyuy le rencôtra à Midaye de Phrigie ou après auoir eſté enſerre de tous coſtez fut prins viſ, dont Anthoine aduertiy de courroux luy manda incontinent mettre à mort Sexte, touteſſois peu après repenty enuoya haſtiuement deuers Titie à ce qu'il fuſt ſaulué: mais aduint que les premieres lettres furent préſentées deuant les dernieres & ainſi Titie ayant receu les premieres lettres qui commandoyent qu'il fuſt mis à mort, & penſant certainement que c'eſtoient les dernieres eſcriptes: ou congnoiſſant la verité, mais n'y voulât adiouſter foy, n'obſerua le contenu des dernieres lettres, ains fut Sexte occis eſtans cōſulz Cornificius de Lucius & vng autre nommé Sexte Pompée. Pour l'amour duquel Sexte Ceſar feſt vne feſte de cours des cheualx, & mit vne charrette deuant le tribunal de Anthoine, en ſemble aucunes ſtatues dans le temple de la concorde, & fait qu'il euſt liberté de faire conuis en ce lieu avec ſa femme & enfans comme ia luy auoit eſté concedé par decret, car il faignoit eſtre grandement ſon amy, & le conſoloit de telles choſes en la calamité qu'il auoit receue contre les Parthes, & diminuoit l'enuie de ſa victoire & des choſes à luy decretées pour icelle. Il faiſoit doncques ce que deſſus eſt recité. Mais pour reuenir au propos de Anthoine, le fait d'icelluy & des barbares ſucceda en ceſte diſpoſition.

Mort de  
Sexte Pô-  
pce.

Comment Publius Vantidie ayant vaincu Pacorus, le fait mourir, & dechassa les Parthes oultre le fleue d'Euphrates.

Chapitre

LXXIII.

**P**ublius Vantidius ayant entendu que Pacorus aſſembloit grand exercite pour paſſer en Syrie, fut en non petite crainte, conſideré meſinement que les citez n'eſtoient encores bien appaiſées, & que les exercites eſtoient eſquartez en leurs ſtations & garniſons ou ilz feſtoient reduictz pour paſſer l'yuer. Touteſſois penſa en ſoy meſmes telle aſtuce,

astuce, c'est que pour le faire demourer & retarder son exercite, cōgnoissant que vng cheualier nommé Cannée estoit son amy (mais neâtmoins fauorisoit aux Parthes) en son entēdement l'honoroit en tout cōme hōme trefidele, & se cōseilloit à luy aucunesfois de choses qui ne luy eussent peu nuire, sefforcant de luy faire entendre qu'il se fioit en luy de tous ses secretz. Et luy auoir ce persuadé, faignit de craindre que les barbares laissant le passage acoustumé de Euphrates, au lieu ou est assise la cité de Zeugme ne vpassent d'une aultre voye au dessoubz du fleuue, car il disoit par ceste voye se trouuer des plaines aptes aux ennemys, mais par l'autre des montaignes à son exercite: & ainsi Cannée adioustant foy à ce que luy auoit dict, par son moyen fut Pacore deceu, pour autant qu'il se tourna deuers la plaine laquelle Vátide faignoit craindre que par icelle ne s'acheminassent les ennemys (laquelle voye estoit beaucoup plus longue que l'autre.) Au moyen dequoy Vantide eut temps suffisant pour mettre en ordre son exercite: & ce faict, venu à la bataille en Syrie Sirestique, & obtint la victoire par ce que les ennemys voyans qu'il ne leur auoit faict resistance au passer, & encores que estans passez ne leur estoit faict aucun insulte, despriserent la debilité des Romains, & pource assaillirent leur camp, combien qu'il fust plus hault, cōme qu'ilz le deussent vaincre seulement pour cryer. Mais leur estans les Romains couruz à l'encontre, furent repoulsez facilement comme ceulx qui estoient à cheual, & illec se deffendans virilement (par ce qu'ilz pour la plus grand partie & leurs cheualx estoient armez) toutesfois à la fin eulx controublans & se deffendans pour l'impetueux assault l'ung avec l'autre furent vaincuz des hommes d'armes & especiallement des fonditeurs, lesquelz avec les autres de loing leur faisoient grand dommaige: & en ceste bataille ayāt esté occis Pacore mesme leur fust moult desplaisant d'entēdre la mort de leur cappitaine, par ce que bien peu combattirent pour son corps courageusement: lesquelz encores occiz tous les autres se rendirent, & les aucuns tascheans d'eulx sauuer par la voye du pont ne peurent ce faire, ains surprins au passage furent pareillemēt occis: bien se retirerēt aucūs deuers Antiochus en Comaigne. Et Vátide auoir enuoyé le chef de Pacore p toutes les citez circonuoisines appaisa facilement les autres peuples de Syrie, qui demourans suspens attendans l'ysue de ceste guerre, pour autant que Pacore estoit grandement aymé tant pour sa mansuetude que bonne iustice avec lesquelles vertuz il surmōtoit tous les autres roys. Ce faict Vátide leua son camp & dressa son exercite contre Anthiochus, soubz couleur qu'il ne luy auoit voulu rendre les supplices (toutesfois la vraye cause de la guerre estoit pour ce qu'il estoit oppulant en deniers.) Mais il estant desia en ces affaires, suruenant Anthoine, non seulement n'en eut ioye, ains plus tost enuie, pour ce que luy sembloit auoir ce faict vaillamment, de sa teste le deposa de la dignité, si que alors ne depuis ne l'employoit en aucune emprise, bien que pour son respect luy eussēt esté les supplicatíons cōcedées &

Zeugme  
cité de Si-  
rie.

Syrie Sire-  
stique.

Les Par-  
thes vain-  
cuz.

Pacore  
occis.

Antiochus

le triumphe en tous ces deux faictz. Les Romains doncques selon l'usage du pays donnerent par decret ces honneurs à Anthoine, pour ce qu'il estoit principal capitaine, & à Vantide vng autre par decret, pour ce qu'il les auoit suffisamment vengez de la destruction de Crassus par la mort de Pacore, & especiallement estans aduenues les deux rottes en vng mesme iour de l'an: mais arriua que comme Vantide seul eut la victoire, ainsi luy seul triumpha, considéré que Anthoine passa de ceste vie auant, & pour ce receut plus grád gloire & admiration pour inestabilité de fortune, pour autant que cestuy lequel auoit esté entre les autres prisonniers au triumphe de Pompée Strabon, depuis premier fut veu triumpher en Rome, des Parthes. Toutefois ces telles choses furent apres. Neantmoins Anthoine alla contre Antiochus lequel assiegé en la Samosate perseueroit en l'assiegement, mais voyant que ce peu luy prouffitoit & perdoit son temps, & suspectoit que ses gens d'armes ne fussent troublez pour la honte faicte à Vantide, se entendit secrettement avec Antiochus & fit accordz fainctz & simulez à ce qu'il se peust honestement departir de l'assiegement, & ce faisant ne print que deux ostages qui encores n'estoyent hommes de compte, ny receut les deniers par luy requis: bien luy rendit Antiochus vng certain cheualier appellé Alexadre, lequel se estoit retiré deuers luy habadonnant l'exercite des Romains. Ce faict se departit Anthoine pour venir en Italie, mais Gaye Sossie qui auoit reccu de luy la presidence de Syrie & de Cilicie print les Arades, lesquelz iusques alors auoyent esté assiegez & affligez, & si occist Antigonne qui auoit meschamment mis à mort le preside des Romains estably aupres de luy, & craignant qu'il s'en fuyt en Hierusalem, le ruyna par assiegement. toutefois les Iuifz feirent maintes griefues choses contre les Romains, par ce que quand ceste nation est yrée, se trouue moult cruelle, neantmoins ilz en souffrirent beaucoup plus pour auoir esté à la fin prins & vaincuz. Premierement ceulx qui combatoyent pour le temple de dieu, & apres les autres au iour du fame dy dedyé à Saturne, & allerent tous en féble & firent les sacrifices acoustumez, & fut ceste nation comise par Anthoine soubz l'empire d'ung certain cheualier appellé Herodes: mais commanda que Anthigone lyé à vne croix fust flagellé (laquelle peine nul autre roy parauant auoit endurée des Romains) & apres le fit mourir. Durant le cōsulat donc de Claude & de Norban furent faictes les choses prédictees. mais en l'an ensuyuant les Romains ne feirent en Syrie chose digne d'estime, par ce que Anthoine estant venu en Italie & retourné en Syrie vne autre fois, consuma tout cestuy an. Aussi Sossius cōme celluy qui augmentoit le bien & auctorité de Anthoine & nō le sien propre, & pour ce craignāt l'enuie d'icelluy, perseuera ayāt en memoire de ne se faire ennemy de Anthoine pour faictz préclares, ains plus tost de luy estre agreable, demourant en repos. Toutefois les affaires des Parthes d'elles mesmes eurent nouuelleté en ceste forme & maniere. Herode leur roy estant moult debile tant à cause de son aage que semblablement

Nota.

Anthoine  
accorde a-  
uec An-  
tiochus.Les Iuifz  
vaincuz.Antigone  
crucifié &  
flagellé.

pour

Cruaulte  
de Phraat  
roy des  
Parthes.

Pharnabas  
roy des  
Hiberiens  
vaincu.

Tybere  
roy des  
Albanes  
vaincu.

pour la mort de Pacore met son empire entre les mains de Phraat le plus ancien de ses enfans, il encores viuant : lequel l'ayant accepté deuint tres-cruel sur tous les autres hommes, car par trahison il feit occir ses freres en la presence de la fille de Antigonne, pource qu'ilz estoient plus nobles que luy quant au sang maternel, pareillement Anthiochus pource que telle cruaulté luy desplai soit, & depuis encores deffit tous les autres qu'il pensoit estre plus nobles de sang que luy: & maintes autres choses indignes feit, en maniere que plusieurs autres l'ayans habandonné partie s'en retirerent deuers autres, & partie deuers Anthoine, Entre lesquelz y vint vng nommé Monefes. Lesquelles insolences & cruaultez furent commises durant le consulat de Gallus & Agrippe. Mais au reste de l'uyer estans prefectz de la cité Gellius & Nerua, Public Canidie Crassus party avec l'exercite cõtre les Hiberiens, qui sont en ceste region, vainquit en bataille Pharnabas leur roy & apres les feist compagnons & aliez des Romains. Et depuis estant avec ce roy entré en Albanide, & ayant subiuguez les habitans de ceste region avec leur roy Tybere semblablement se les lya en confederation. Au moyen dequoy se departant Anthoine & se confiant grandement en Monefes, pource qu'il luy auoit promis vouloir estre gouuerneur de l'exercite & appaiser plusieurs lieux de Parthie sans batailler, commist entre ses mains la presente guerre. D'auantage luy permit d'habiter entre les citez des Romains iusques à tant que fust finie la guerre, luy promectant encores le royaume de Parthie: dont Phraat aduertie commença à sestonner mesinement pource que les Parthes estoient mal contents de la fuyte de Monefes. Parquoy luy enuoya ambassadeurs ne laissant aucune chose à luy promettre, & finalement luy persuada de s'en retourner. Ce que oyant Anthoine, fut moult courroucé, cõme estoit bié raisonnable, toutefois ne feit occir Monefes, posé que pour lors il fust en sa puissance, estimât en soy mesmes que s'il faisoit tel acte iamais ne se pouoir acquerir pour amy aucun autre barbare: bié imagina en soy de le deceuoir, car il enuoya Monefes comme celluy qui auoit puissance de consilier avecq luy les Parthes, ensemble enuoya deuers Phraates luy requerir la paix, avecq ces conditions que les enseignes & tous les prisonniers prins en la deffaicte de Crassus luy feussent renduz. Et cela faisoit affin qu'il trouuast le roy despourueu, pour l'esperance de la paix: mais en faict, appareilloit tout ce qu'il pensoit necessaire pour la bataille. Et s'en vint iusques au fleuve d'Euphrates cuydant quil feust sans aucun preside, toutefois trouuant tous les lieux estre songneusement gardez se departit le plus secretement qu'il peut, & estant persuadé par le roy de la grand Arménie de aller avecq tout l'exercite contre Artanases roy des Medes son ennemy, & appellé par vng mesme nom, incontinent ainsi comme il se trouuoit lors print son chemin en Arménie, & illec ayant entendu grosse multitude de Medes estre en la compagnie de Parte, alors laissa tous ses carriages & partie de l'exercite à Oppie Stace auquel il commanda le suiure: mais

il print les hommes d'armes avec la fleur de ses gens de pied & se meit en voye comme que par sa seule voix il peust prendre tous les lieux des ennemis, & auoir assiegé Phraaste, siege royal des Medes, faisoit plusieurs assaulx. Ce que entendans Parthe & Mede l'estimerent se trauailler en vain, par ce que les murailles estoient moult fortes, & dedans la cité y auoit bonne defence: & suruenuz à l'impourueu sur le camp de Statianne, qui estoit las & trauaillé, les mirent tous à mort, excepté Polemones pour lors roy du Pont estant avec cest exercite, lequel seul fut prins vif, & depuis deliuré par rançon: & peurent aisément obtenir ceste victoire, pource que Armenie ne fut en la bataille, mais pouant (comme aucuns dient) donner secours aux Romains, ne le fait, ne encores alla deuers Anthoine, ains se retira en son pays: mais Anthoine aduertuy du faict de Statian se meut pour luy dōner secours, & en vain, pour estre venu à tard, car il ne trouua que des corps mortz (chose qui l'effraya grandement) toutefois depuis voyant qu'il ne rencontroit aucun barbare suspecta, pource qu'ilz se fussent mis en fuyte, & de ce print hardement, au moyen dequoy peu apres estans venuz contre luy à la bataille est vray qu'il les mit en fuite, pour autant que les fonditeurs en gros nombre & combatans de plus loing que les archiers feirent grand ennuy encores contre les hommes armez, neantmoins ne feirent occision de multitude d'estime, par ce que les bârbares cheualchoient legierement.

Victoire  
contre Sta  
tian.

Comment Anthoine fut vaincu par les Parthes.

Chapitre

LXXIII.

**N** apres Anthoine vne autrefois mit son camp deuant la cité de Priaspe & l'assiegeoit, mais pour estre bien gardée par les souldardz d'icelle qui vigoureusement repoulerent les ennemys, ne fait grand dommaige, ioinct aussi que ceulx qui estoient dehors ne venoyēt facilement au combat contre eulx, & si perdoit Anthoine plusieurs des siens lors qu'ilz alloient en fourraige & conduisoient les viures, & il mesme en pugnissoit plusieurs d'entre eulx: car au commencement quand ilz prenoyēt des viures es lieux circonuoisins ilz estoient suffisans à deux choses, cest à scauoir à maintenir le siege & trouuer leur viure seurement: mais depuis que les lieux voisins & circonstants furent vagues, & que les hommes d'armes estoient contrainctz aller au loing en fourraige, alors leur arriuoit que s'ilz y alloient en petit nombre que non seulement n'apportoient aucune chose, ains en oultre estoeyēt mis à mort, & si en grand nombre estoit necessaïre habandonner la muraille assiegée: & pource sortans dehors les barbares, les Romains perdoient plusieurs de leurs souldardz & plusieurs de leurs instrumens militaires, au moyen dequoy Anthoine donna à tous ses gens de l'orge en lieu de froment, & aucuns d'eulx pugnist par decime, & vniuersellement bié qu'il semblaist assieger les autres, toutefois plustost endu-

Priaspe as  
siegec.

roit les necessitez de ceulx qui sont assiegez, par ce que ceulx qui estoient sur les murailles de la cité obseruoient diligemment le temps opportun de sortir aux chāps, & ceulx de dehors en peu de temps assailloyent & retournoient en arriere quand ilz veoyent ceulx qui estoient logez par la campagne estre diuisez en deux parties, & à ceulx qui apportoyent les bledz quand ilz alloient es villaiges ne faisoient aucun empeschement, mais quand estoient esquartez & retournoient les assailloyēt à l'impourueu. Demourant encores en ceste maniere Anthoine pres la cité de Phraaste craignant qu'en pour suite de temps ne luy feist quelque ennuy ou par soy mesme en quelque maniere, ou par secours d'aucun autre, persuada par aucuns messaigers enuoyez deuers Anthoine qu'il luy enuoyast ambassadeurs & que facilement pourroit venir à la paix: mais depuis il respondit à ceulx qui pource auoyent esté enuoyez seant sur vng chariot d'or & frappant la corde de son arc, & leur ayant dit plusieurs vilennies que s'ilz incontinent leuoient leur camp volontiers concederoit la paix. Alors Anthoine auoir ouy telle responce, & craignant sa magnanimité & estimant que s'il leuoit son camp & se retiroit en quelque lieu l'accord se feroit, se departit ne defaisant aucun appareil necessaire à l'assiegement: mais depuis qu'il eut ce fait & attendoit l'accord, les Medes bruslerēt toutes ses machines & dissipèrent les archiers & ne porterent les Parthes aucunes parolles d'accord avec luy, ains l'ayans assailly à l'impourueu luy feirent plusieurs & grandz maux: en oultre se voyant auoir esté ainsi malheureusement deceu ne eut hardyessē de plus leur enuoyer ambassadeurs, ioinct qu'il estoit priué de esperance de se pouoir accorder avecques aucune condition esgalle ne voulut encores donner occasion de tristesse à ses gens d'armes par desesperatiō de la paix, ains delibera puis qu'il auoit leué le siege de s'en aller en Armēnie & retourner par vne autre voye, pource qu'ilz entendans la premiere par laquelle ilz estoient premierement venuz auoir esté close soustint avec tout son exercite plusieurs necessitez & grosses calamitez, car se trouuans en lieux incongneuz erroient: & d'auantaige les barbares ayans préoccupé les lieux estroictz partie y faisoient des fosses & partie les fermoient avec des croix, & par tout leur ostoyent les eaues & deffaisoyent les passaiges, & si par fortune ilz debuoyent aller par autres lieux les remouuoient de ce propos par le moyen de faulx messaigers qui leur disoyent telz lieux estre préoccupez & les faisoient aller par autres voyes esquelles au parauant auoyent esté mises certaines embusches. A ceste cause & de la fain que ilz enduroient plusieurs estoient destruitz, parquoy commencerent les aucuns à fuyr, & s'en fussent tous fuys, si les barbares ne eussent de leurs sayettes oppressé ceulx qui s'en fuioient en la presence des autres. Ilz sabstindrent doncques pour tel respect de la fuyte & leur fut par fortune offert tel ayde que estans vne fois paruenuz entre les embusches & assaillez à coups de flesches incontinent adioignans leurs escuz l'ung à l'autre feirent vne

couverture

couverture appelée testitude & fichèrent les genoulx en terre. Quoy voyans les barbares chose que oncques plus n'auoyent veue, & pensans qu'ilz fussent tombez monterent à cheual & desguainans leurs espées persiques & en cest instant les Romains se leuans ouurirent tous leurs bataillons & retournez face à face contre les ennemys en occirent plusieurs cōme ceulx qui estoient armez contre gens desarmez, & appareillez contre gens despourueuz, ayans escuz cōtre les archiers, & pource tous les autres se tournerent en fuyte, & depuis ne se aduancerent de les poursuiure. mais la prédicte testitude se faict en ceste maniere. Les cariages, les desarmez, & ceulx de cheual sont mis au mylieu de l'exercite, & les hommes ayans les escuz longs & concauez sont rengez pres l'extremité, & environnent tous les autres estans ainsi armez & regardans de tous costez, les autres ayans les escuz larges se mettent au mylieu & leuent en hault leurs escuz tant pour leur deffence que des autres, en maniere que par tout le bataillon ne se voit autre chose que escuz & sont deffenduz des sayettes par l'espeffeur de cest ordre, lequel est si fort que aucuns vont par dessus & y font passer & les cheualx & les cariages quand sont en lieu estroict & vague. Telle est la figure de ceste ordre, & pource à esté nommé testitude pour la force & aptitude de pouoir couourir: & ont acoustumé en vser pour deux causes, à scauoir quand ilz assaillent quelque forteresse & s'en vont deuant, & souuentefois enleuent de leurs gens iusques au dessus des murailles, ou bien estans environnez de tous costez de archiers pour eulx preseruer tous ensemble se prosternent en terre, ioinct que les cheualx sont encores faictz à eulx incliner à terre & se agenouiller, & ce faisant donnent à entendre que se soyét couchez en terre comme traueillez, toutestfois depuis que leurs ennemys sont pres d'eulx se leuent subitement & les estonnent. La testitude en ceste sorte est acoustumée de faire. Mais Anthoine ne soustint aucun ennuy des ennemys, bien fut pour cause du froid en tresgrand necessité, cōsideré que l'yuer les surprenoit & l'Armenie qui est entre les montaignes, par lesquelles seul s'en alloit moult volontiers, est plaine de glaces & en ces lieux estoient moult molestez de leurs playes, lesquelles non peu auoyent receues, pquoy aduenāt que chascun iour en mouroyēt plusieurs, & maintz deuenoyent inutiles à la bataille ne peut souffrir de ouyr ces telles choses particulièrement, ains obuioit que aucun luy rapportast telles ambassades: & bien que il eust l'Armonien en hayne pour auoir esté de luy habandonné & eust desir de le pugnir, neantmoins alla deuers luy & luy feist hōneur, à ce qu'il receust tant deniers que autres choses necessaires de luy, & finablement voyant que ses gens ne pouoyent plus endurer long chemin, au moyen de l'iuier & encores se deuoyent trauailler en vain, par ce que non guieres apres estoit pour retourner en Armenie, le commença à flatter, & oultre ce luy feist plusieurs grosses promesses, a ce qu'il luy laissast passer l'yuer en son pays, luy promettant en oultre que le prin temps venu il re-

Testitude  
est couer  
ture descuz  
rengez.

tourneroit contre les Parthes . En ces entrefaictes luy furent enuoyez deniers par Cleopatra , en maniere qu'il donna à chascun des hommes d'armes trente cinq dragmes & aux autres ce qui leur estoit deu , & pour ce que ilz ne suffisoient à faire son payement le paracheua des siens propres , & faisant les despenses du sien , mais en rendant la gloire , honneur & grace à Cleopatra , par ce qu'il en accumulla assez de ses ennemys , & encores recouura plusieurs tributz de ses compaignons . Et ce faict se retira en Egypte : mais aux Romains n'estoit aucune de ces choses incongneues , non qu'il leur en eust escript la verité , consideré ioinct que plustost auoit inuées toutes les calamitez , & aucunesfois auoit escript le contraire comme que le tout luy succedast en bien . Mais pource que la renommée auoit rapporté la verité de ce qui estoit aduenü , & Cesar , & les autres estans avec luy les recherchoyent diligemment & les diuulguoyent , toutesfois ne les reprenoyēt en publicq , ains plustost sacrifioyent & en faisoient feste , pour autant que ayant esté encores Cesar infortuné contre Sexte la reprehension de telles choses alors ne sembloit cōdescende ne opportune : neantmoins Anthoine distribua les prouinces comme s'ensuyt , cest à scauoir à Aminta donna Gallatie , bien que il eust esté chancelier de Derotare : & si luy adiousta encores de aucuns lieux Licaonie & de Pamphile , & à Archilaus la Capadoce ayant dechassé Ariarathes , lequel Archilaus estoit descendu du costé du pere de ces Archilaiens qui combattirent contre les Romains , mais sa mere fut paillarde appellée Glaphire : toutesfois pour telles choses Anthoine estoit peu blasiné à Romme comme celluy qui vfast de audace , es biens d'autruy : mais pour le faict de Cleopatra estoit grandement calumnié pource qu'elle auoit eu des enfans de luy desquelz les plus grandz estoient Alexandre , & Cleopatra , qui estoient tous d'une mesme portée , & le plus ieune estoit Ptolomée appellé Philadelphie , & especiallement pource qu'il leur auoit donné plusieurs lieux en Arabie & de Malcque & de la region des Illiriques , car il feit mourir Lisanes seigneur de ces pays comme que il eust suiuy le party de Pacore : pareillement leur donna plusieurs lieux tant de Phenice que de Palestine , & encores aucuns de Candie , Cirrenne & de Chipre , & en l'an ensuyuant auquel Pópée & Cornifices estoient consulz , Anthoine tascha avec son exercite de aller cōtre Armeniē n'ayāt petite esperāce au Mede , lequel pource qu'il estoit courroucé cōtre Phraaste qui luy auoit retenu grand partie de la proye qui luy estoit deue & ne luy auoit faict autres honneurs conuenables & voulant pugnir Armenien qui auoit excité les Romains cōtre luy , enuoya Polemones vers luy requerir ainytiē & compaignie dont Anthoine fut si ioyeux que volontiers si accorda , & dōna en present à Polemones la petite Armenie . Ce faict Anthoine appella premierement Armenien en Egypte cōme amy , à ce que facilement par ceste raison le peust destruire : mais depuis que se doubtant ne luy voulut obeyr delibera de le decepuoir par autre moyen , car manifestement ne demon-

Alexandre,  
Cleopatra,  
Ptolomée, autre  
ment Philadelphie,  
enfans de  
Cleopatra  
& de Anthoine.

estroit le courroux qu'il auoit contre luy de paour qu'il ne s'en apperceust & ne se feist son ennemy, & pource partit de Egypte comme qu'il voulust aller avec l'exercite contre les Parthes, affin qu'il le trouuast despourueu: mais aduertiy en chemin que Octaue estoit partye de Rome pour le venir trouver ne proceda plus oultre, ains incontinent retourné en arriere, bien qu'il luy eust mandé qu'elle s'en retournaist à l'hostel, & depuis eust receu les presens par elle à luy enuoyez tant autres choses comme les hommes d'armes qu'elle auoit receuz de son frere pour luy donner: ainsi Anthoine plus seruoit à l'enchantement de Cleopatra que à l'amour de son espouse. Mais Cesar ce pédât voyât Sexte decedé & q̄l estoit necessaire que les affaires de Africque fussent ordonnées s'en vint en Sicile comme pour vouloir apres nauiguer celle part: toutefois estant au moyen de l'yuer illec demouré depuis n'y alla, car les Salasiens, les Taurisciens, les Liburniens & les Iapigiens n'auoyent fait ny du commencement, ny encores alors aucune chose conuenable enuers les Romains, ains auoyent delaiissé de leur payer les tributz & aucunefois entroyent es lieux confins ou ilz faisoient assez de mal: mais alors manifestement se declarerent, estant Cesar absent: au moyen dequoy retourné en partie ordonna les autres choses contre eulx: & voyant que aucuns qui parauant auoyent esté cassez susciterent seditions, & pource qu'ilz n'auoyent rien receu, de rechef vouloyét guerroyer, alors se meit en vng exercite à part, à ce que se trouuans separez & à part eulx ne peussent corrompre les autres, & si d'auenture ilz vouloyent faire quelque nouuelleté, incontinent feussent manifestez: mais congnoissant que pour ce ne deuenoyent plus modestes, enuoya aucuns d'entre eulx qui estoient les plus aagez en France comme en sort de possession, pensant pour ce deuoir donner esperance aux autres d'eulx pacifier: toutefois les voyans tousiours pertinax & temeraires, alors fait pugnition des aucuns d'eulx, dont les autres commeuz les conuocqua ensemble comme pour autre fait, & les auoir encloz & environnez de tout l'exercite leur osta les armes & les cassa, & par ainsi ayas congneu leur debilité & la magnanimité de Cesar, se repentirent grandement, & par continuelles prieres furent restituez en l'exercite, car Cesar ayant necessairement affaire de gens d'armes, & craignant grandement que Anthoine ne se les appropriast, dist qu'il les pardonnoit, & depuis les eut obeyssans & vtiles en toute chose. Cela fut depuis. Mais alors il commanda à aucuns autres de destruyre quelques gens & s'en alla avec son exercite contre les Iapigiens, & à peu de peine conquist ceulx qui habitoient entre les montaignes non gueres loing de la mer, mais ceulx qui habitoient es extremitez de l'une & l'autre partie d'icelles non sans trauail les peut prendre, car ilz ayans fortifié Metrie, tresgrand cité entre eulx, repoulsent en arriere plusieurs assaulx des Romains, bruslans plusieurs de leurs machines & instrumens, & si fut Cesar mesme nauré voulant monter sur le ballay d'une tour: toutefois voyans que pour ce ne habandon-

Guerre  
contre les  
Iapigiens.

Metrie as-  
siegee.

Trahison  
des Me-  
trons.

noit la tour, ains faisoit venir des gens d'armes, faignirent de se vouloir accorder & receurent le preside, à scauoir les gardés, en la roche, lesquels la nuit ensuyuant ilz taillerent en pieces, & bruslerent les maisons & si aucuns se occirent eulx mesmes, ensemble leurs femmes & enfans, à ce que aucune chose ne restast à la venue de Cesar, & non seulement ceulx cy, mais encbres ceulx qui depuis furent prins vizz, depuis volontairement voulurent mourir.

Comment Cesar subingua les Pannonniens qui sont maintenant les Hongres.

Chapitre

LXXV.



Pres que Cesar les eut faict mourir & destruiet les autres, n'ayant encores faict chose d'estime, dressa son exercite contre les Hongres, non pource qu'il les accusast d'aucun delict, ioinct qu'il n'auoit receu aucune iniure d'eulx, ains pour tenir les gens d'armes en exercice & les nourrir aux despens d'aultruy, il faisant estre iuste tout ce que les plus fortz en armes commettent contre les plus debiles: mais les Pannonniens habitent pres Dalmatie ioignat Histrie de Noricque iusques en Misie de Europe, & ayans difficile & aspre maniere de viure sur tous hommes par ce qu'en leur pays n'y a bon air, ne territoire, ne cueillent huyle ne vin que bien peu ne soit, lequel encores est tresmauuais, comme ceulx qui pour la plus grand part viuent en l'uyer tresaspre, ains mangeussent de l'orge & du meil, & si encores le boient, touteffois sont reputez hommes tresvirilz sur tous autres, car ilz sont de leur nature tresfurieux & grans meurtriers comme ceulx qui n'ont chose aucune pour laquelle doiuent estimer la vie. Et ay ce que ie dy congneu d'eulx, non seulement par ouyr dire & lire, mais de faict ie estant autreffois leur president: car apres la preffecture de Affricque ie feuz preuost de Dalmatie, de laquelle ia mon pere fut president vng temps & de Hongrie nommée superieure, parquoy ie congnoissant diligemment toutes leurs coustumes en escriptz maintenant: & sont nommez Pannonniens, pource qu'ilz taillent leurs chemises avecq les manches de quelzques habillemens & apres qu'ilz les ont cousuz ensemble les appellent panne. A ceste cause ilz (ou pour autre raison) ont esté ainsi appelez: mais aucuns Grecz qui ne congnoissent la verité les ont appellez Perus, estant ce nom ancien, touteffois nō attribué à ces peuples, ains à ceulx qui habitent en Rhodope, & pres la Macedoyne mesmes laquelle se estend à present iusques à la mer, & pource ie les nomme Perus, mais ceulx cy Pannonniens, selon qu'ilz mesmes & les Romains ont acoustumé les nommer. Estant doncq Cesar allé contre les Pannonniens, l'exercite au commencement ne faisoit aucun dommaige ne violence à aucun, bien qu'ilz eussent habandonné leurs villaiges & maisons assises par les chāps,

Maniere  
de viure  
des Pannō  
niens.

L'auſteur a  
este pre-  
uost de Pā  
nonnic.

es-

esperant les pouoir attirer à foy volontairement : mais depuis qu'ilz l'offencerent il voulant aller à Tuscie alors fut moult courroucé & leur denonca qu'il brusleroit tout le pays mettant à sac tout ce qu'il trouuoit : toutefois approchant de la cité les habitans du pays puissans, se accorderent avec luy, & pour seurté luy baillerent ostaiges. Ce fait il assura les portes & estoient assiegées pource qu'ilz auoyent des amys treffortz, & en tout se confioyent en deux fleuues nauiguables, car le fleuue appellé Golops passant aupres du circuit entre dans le fleuue Sauye non gueres distant de foy, & maintenant enuironne toute la cité par le moyen de Tibere qui l'a illec fait conduire par vne fosse par laquelle encores s'en retourne de rechef à son cours ancien: mais alors vne partie estoit vague du fleuue, & sortant le fleuue Golops pres les murailles, & courant le fleuue Sauye peu loing d'icelles, ceste partie de terre ferme estoit trefforte avec rampartz & paulx fichez en croix. Cesar doncques ayant prins des nauires faittes par les compagnons des Romains & les ayans conduictes de Hystre dans le fleuue de Sauye, & par icelluy dans le fleuue de Golops, les assaillit avec ses gens de pied & illec avec les nauires fait quelques batailles naualles, car les barbares auoir fait cōstruire aucunes nauires de boys entier se mirent au peril, & occirent maintz hommes dedás le fleuue, & entre autres Menas affranchy de Sexte, & par terre resisterent moult vaillamment iusques à ce qu'ilz entendirent aucuns de leurs compagnons auoir esté occiz en l'eau, car alors ayans perdu le couraige se rendirent, & par ainsi ilz ainsi prins conquist Cesar le reste de Pennonnie par accord : & auoir laissé en ceste region Phuphius Geminus avec vne certaine puissance s'en retourna à Rome, & prolongua le triumphe qui luy auoit esté concedé par decret : mais à Octaue Liue il conceda statues & qu'elle peust gouverner tous ses affaires sans aucun superieur, & voulut qu'elle eust aussi grand seurté que les tribuns, & depuis estant meü pour aller en Angleterre pour vne certaine emulation des faitz de son pere, & paruenü en Gaule apres l'yuer, & en l'an que Anthone la seconde fois, & Lucie Libon, estoient consulz : aucuns de ceulx qui auoyent esté subiuguez peu auant, & aucuns Dalmatiens ensemblement se rebellerent, & Gemine bien qu'il eust esté dechassé de Tuscie, toutefois la recouura par batailles. Pareillement Valere Messalla print les Alaffiens, & les autres qui auoyent avec eulx fait nouvelle esmotion, mais contre les Dalmatyens alla premierement avec l'exercite Agrippe, & depuis Cesar & en destruyrent plusieurs, neantmoins ilz mesmes enduroyēt plusieurs maulx, en maniere que Cesar fut blessé, & à aucuns soul dardz fut deliuré de l'orge en lieu de froment, & aucuns qui auoyent habandonné leurs lieux furent pugniz par decime. Contre les autres combatit Thaurus Statilicus, toutefois en cest an & ce mesme iour deposa Anthoine le magistrat ayant mis en son lieu Lucius Sempronius Attracin,

Golops  
fleuue.

Les Alaffiens  
vaincuz  
par Messalla.

parquoy aucuns se treuent lesquelz mettent cestuy cy & non l'autre au nombre des consulz.

Comment Anthoine print Artabastes roy des Armeniens.

Chapitre

LXXVI.



Anthoine doncques desirant se venger de Armenien avecq la moindre peine qu'il pouoit, demanda sa fille pour Alexandre son filz, à laquelle fin enuoya Quintus Delius deuers luy lequel autrefois auoit esté son cōcubin & luy promist faire plusieurs beaulx presens, & finalement suruenant le printemps s'en alla incontinent à Nicopolis cité ediffiée par Pompée. Ou arriué, enuoya de rechef deuers Armenien, comme qu'il se voulust conseiller à luy pour faire quelque emprise contre les Parthes: & voyant qu'il ne venoit se doubtant de la trahyson encōres luy renuoya Delius & il non en moindre diligence s'en alla à Artasare; & ainsi finalement partie luy persuadant par ses compaignons partie luy faisant paour avec les gens d'armes & luy escripant comme amy, le prouocqua de venir en son camp: ou l'ayant prins, premieremēt le tēnoit d'esslyé & le menoit au tour des fortereſſes ou estoient les tresors si d'auenture les pouoit obtenir sans batailler, faignant de n'auoir prins Armenien pour aucune cause sinon à ce que pour son salut il receust tribut des Armeniens: mais voyant que les gardes des tresors ne luy prestoyent l'oreille; & ceulx qui auoyent les armes entre mains auoyent esleu Artases qui estoit l'aisné de ses enfans, alors le feit lyer avec chesnes d'argent, pource qu'il luy sembla n'estre conuenable que luy qui auoit esté roy fust lyé de chesnes de fer, & pource prenāt les aucūs par force & les autres par composition obtint quasi toute l'Armenye, pour autant que Artases se voyant inferieur à Anthoine se retira deuers le roy Parthe: & ayant Anthoine fait les choses prédictees, & conioinct par mariaige la fille de Mede avec son filz pour se le faire plus beniuolle, se retira en Egypte; menānt avecques luy moult autre gros butin, ensemble Armyn avecques sa femme & enfans: lesquelz deuant enuoyez avecques les autres prisonniers, en maniere de triumphe, apres les suyuit, monté sur vng chariot, & donna tout le butin qu'il auoit conquis à Cleopatra, à laquelle estāt pour lors assise au mylieu de la multitude, sur vng tribunal d'argent, & en vne charrette dorée, Anthoine presenta Armyn sa femme & enfans & tous les autres prisonniers: & pource que les Barbares ne voulurent nullement supplier ne faire reuerence aucune à Cleopatra, (combien que à ce faire feussent en partie contrainctz, & partie pour

Nicopolis  
ediffice  
par Pom-  
pee.

Trahison  
de An-  
thoine.

pour esperance qu'ilz pouoyent auoir ce faisant) & ne l'appellerent seulement par son nom, endurerent plusieurs molestations; mais toutesfois ilz furent pour ceste cause estimez & reputez hommes viriles. En apres toutes ces choses ainsi faictes & paracheuées comme dit est, Anthoine feit vng grand & sumptueux conuy aux Alexandrins, ou il feit asseoir Cleopatra avecques ses enfans au mylieu de toute la congregation, & auoir dit certaines autres parolles commanda qu'elle feust nommée royne des roys, & que Ptolomé, filz d'elle, quilz appelloyent Cesarion, fust de la en auant appelé roy des roys, & leur donna Egypte & Chipre; ayant faict vne aultre diuision, car il disoit Cleopatra auoir esté femme du premier Cesar & Ptholomé auoir esté son filz: & faignoit faire en grace d'icelluy ces telles choses pour calumpnier Cesar Octouien, qui estoit son filz adoptif & non vray. A Cleopatra & Ptholomé doncques Anthoine distribua ce que dessus, Mais à ses enfans de luy & de Cleopatra, cest assauoir à Ptholomé, donna la Syrie & tout ce qui estoit situé entre le fleue d'Euphrates iusques à l'Hellespont, mais à Cleopatra donna la Libye pres Cirene, & à Alexandre son filz promist de donuer Armenie & les aultres lieux qui sont oultre le fleue de Euphrates iusques en Iudée: car il donnoit ces regions & prouinces comme s'il les eust desia entre ses mains. chose qui monstrois & manifestoit grandement à tous sa folie & oultrecedance.) Et non seulement dist ce en Alexandrie, ains encores le manda au Senat, affin que ainsi feust confirmé par decret. Neantmoins nulle de ces choses fut leue en public, par ce que Domicien & Sosien, qui pour lors estoient consuls & maintz autres ains de Anthoine ne l'endurerent, congnoissans que le peuple en seroit mal content, toutesfois Cesar les en molestoit grandement: & ayans en ce esté superieurs, Cesar obtint au contraire que aucune chose ne feust pulyée de ce qui auoit esté escript de Armin, par ce qu'il auoit compassion de luy, comme de celluy avecques lequel occultement festoit entendu contre Anthoine: & auoit Cesar enuie contre Anthoine & luy faisoit empeschement de tout son pouoir à ce qu'il ne triumphast. Lequel Anthoine, ayant paracheué les choses prédites, eut eudace de demander au Senat qu'il vouloit delaisser la principaulté & faire tout ce que vouldroit le peuple: non toutesfois qu'il eust en son courage & volenté de ce mettre en effect, mais il faignoit telles parolles affin que par ses promesses les Rommains contraignissent Cesar à deposer les armes; ou pour le moins l'eussent en hayne.

obstinati-  
on des Ar  
meniens.

Cleopatra  
nommée  
royne des  
roys.

Ptolomé,  
nomme roy  
des roys,

Sossius &  
Domitius  
consulz.

Comment le Poetique de Paule fut consacré, & Mauritanie subiuuguée par les Rommains.

Chapitre LXXVII.

x v. Alors



Lors fut la feste de Venus genitrice, par les consulz celebrée, & en la dilation les enfans des cheualiers, & non des senateurs, esleuz preffectz de la cité, par Cesar, furent presidens. Pareillement Emillie Lepide ediffia à ses propres coustz & despens le portail appellé de Paule, & en son consulat le fait consacrer, car en vne partie de cest an il fut consul: & Agrippe restora à ses despens l'eaue appellée Martie, qui commençoit à deffaillir par la faulte des conduictz & la fait aller par plusieurs endroitz de la cité: & bien qu'en faisant les prédictees reparations à leurs despens ilz acquissent honneur, neantmoins gardoyent cōtinence: mais autres qui auoyent vne petite presidence faisoient que leur fussent concedez triumphes par decret, les aucuns par le moyen de Anthoine & autres par l'intercession de Cesar, & soubz ceste couleur recouuroyent grosses sommes de deniers des peuples pour faire leurs coronnes. En l'an ensuyuant Agrippe de sa propre volunté fut crée Edille & renouuella tous les edifices publicques eusemble toutes les rues n'ayant receu aucune chose du public, & fait purger les cloaques & conduictz en maniere que par icelles se nauiguoit au Tibre: voyant & que les hōmes erroient en Lipodrome par nombre fait edifier les daulphins & les œuures en forme de œufz par lesquelles se demonstroyent les circutions des voyes. En oultre distribua à chascun du sel & de l'huyle, & conceda que chascun an les hommes & femmes se peussent lauer es baings sans en payer aucune chose, & mena les ieunes hommes es congregations festinales, qu'il fait souuent, & diuerses, en maniere que les enfans des Senateurs cheualchoyent en la feste appellée Troye, à ce que nul despensist du sien: & finalement gecta au theatre sur le chef qu'ilz portoyent à l'ung de l'or, à l'autre de l'argent, & à l'autre du drap. Agrippe doncques faisoit ces choses, & dechassa les astrologues & enchanteurs hors la cité. Semblablement en ce mesme temps fut fait vng decret que nul de ceulx qui alloient au senat peust estre iugé pour larcin, au moyen dequoy ceulx qui pour lors en estoient encoulpez, furent sauluez, & de la en auant fut donné congé de faire mal. Mais Cesar fut fait la seconde fois cōsul avecques Lucius Allus, & le premier iour ainsi qu'auoit fait Anthoine laissa le consulat & y introduist aucuns du peuple au nombre des patrices, & le tout avecq decret du Senat. Et pource que vng nommé Lucius Asillius, preteur, voulut laisser le magistrat pour vne longue infirmité, meit son filz en son lieu, & estant mort vng autre preteur le dernier iour de son magistrat en esleut vng autre pour les heures qui restoyent. Pareillement Boccus decedé ne donna son royaulme à aucun, ains le inscripuit entre les autres nations soubz misés aux Rommains. Aussi depuis que les Dalmatiens furent subiuguez, de leurs despouilles fait edifices poeticques & librairies appellées Octauiennes, du nom de sa sœur. En ce mesme temps Anthoine sen alla iusques au fleuve Arasses, comme qu'il voulust passer

Edifficatio  
du portail  
de Paule.

Cesar consul  
pour la  
la seconde  
fois.

contre

contre les Parthes, mais bien luy suffist de s'accorder avecques le Mede, car ilz feirent paction & accord de se ayder l'ung l'autre, assaouir le Mede contre Cesar, & Anthoine contre les Parthes, & en ce se donnerent aucuns hommes d'armes, & receut le Mede quelzques lieux de l'Armenie appellée Nertette: mais Anthoine eut sa fille appellée Iotape, pour la donner à Alexandre, ensemble les estandardz prins en la deffaicte de Statian. Et pource ayant donné Anthoine la petite Armenie à Palemon (ainsi que i'ay dit) & fait consul & osté du consulat Lucius Clanuius pour estre avecques luy partie pour aller en Ionye, & en Grece à la bataille de Cesar, le Mede au commencement ayant vŕe des Rommains pour compagnons vainquit les Parthes, & Artases, qui estoient suruenuz: mais depuis pource que Anthoine enuoya querir ses gens d'armes, & oultre qu'il retira ceulx de Mede, fut le Mede vaincu & prins, ensemble toute Medec & Armenie.

Armenie  
Nertette,

# Le Cingquantiesme liure

DE DYON, HISTORIEN GREC,  
Traduict d'Italien en Francois.

En ce liure est fait mention du discord de Cesar, & Anthoine,  
& du commencement de leur combat, puis comment Cesar  
vainquit Anthoine pres le promonthoire Attie.



Comment Cesar & Anthoine commencerent à combatre  
ensemble. Chapitre LXXVIII.



N ce temps le peuple Romain fut priué de l'estat populaire,  
neátmoins n'estoit encores reduict soubz vne monarchie,  
ains Cesar & Anthoine auoyent le tout egallement, & plu-  
sieurs choses s'estoyét departies entre eulx, & les autres pen-  
soyent que feussent communs, mais en effect de quant l'ung  
& l'autre se les pouoyent plus attribuer, le faisoýét. Depuis  
ce temps que Sexte fut deffaiét, Armentie fut prins, & que les ennemys  
de Cesar demour oyent en paix, & aussi que le roy Parthe ne faisoit aucun  
mouement

mouuement, alors Cesar & Anthoine s'esmeurent l'ung contre l'autre. Au  
 moyen dequoy fut le peuple manifestement reduict en seruitute, & furent  
 les occasions de la bataille, cestes. Anthoine en couloit Cesar qu'il eust pri-  
 ué Lepidus de sa dignité & se estoit approprié la region & puissance tât de  
 luy que de Sexte, laquelle deuoit estre à eux deux commune, & en demandoit  
 la moytié, se lamentant que Cesar auoit assemblé la gédarmerie de Italie, la-  
 quelle appartenoit à tous deux. Mais Cesar luy oppoisoit partie autres cho-  
 ses, & partie qu'il tenoit l'Egypte ne l'ayant obtenue par fort, & auoit occis  
 Sexte, car il disoit luy auoir pardonné de propre volonté. Et d'auantaige  
 pource qu'il auoit prins Armenié par trahison, qu'il tenoit encores lyé, &  
 en ce auoit fait grand honte au peuple Romain, & il encores demandoit la  
 moytié de la proye & sur tout luy oppoisoit Cleopatra ensemble les enfans  
 qu'il auoit euz d'elle & ce qu'il leur auoit donné, especialemēt pource qu'il en auoit  
 nommé l'ung Cefariō, le reduisant à la stirpe de Cesar. & ainsi se en couloyēt  
 l'ung l'autre, & encores s'excusoient l'ung l'autre par lettres & par publicque  
 mēt, Anthoine escripuāt au senat, & Cesar plāt en presēce: & pource souuē-  
 tefois furent enuoyez ambassadeurs d'ung costé & d'autre à ce qu'ilz se blāssēt  
 faire leurs querelles tres iustemēt, & encores pour pouoir s'entēdre les affai-  
 res l'ung de l'autre. Toutefois ce pēdant accumuloyent deniers cōme pour  
 autre respect, & faisoient respectiuelement appareil de guerre comme qu'ilz  
 voulussent combatre cōtre autres, iusques à ce que Gnee Domicien & Gaye  
 Sossien lesquelz tous deux estoient du party de Anthoine, furent consulz,  
 car alors ne firent aucune chose occulte, ains manifestement deuidrent  
 ennemys: & succeda le tout en ceste maniere. Domicien comme celluy qui  
 auoit experimenté plusieurs calamitez, ne fit aucune chose manifeste,  
 mais Sossien comme inexpert es aduersitez incontinent au commencement  
 du moys loua grandement Anthoine, reprenant moult estoictement Cesar,  
 si que subitement eust dressé quelque sedition contre luy, si Nonius Balba  
 tribun du tiers estat ne l'eust empesché, par ce que Cesar suspectant ce que  
 deuoit faire cestuy cy, & n'en voulant faire petit estime, & craignant qu'il ne  
 semblast donner commencement à la guerre s'il luy vouloit resister, en ce  
 temps n'entroit au Senat ne du tout demouroit en la cité, aïs ayāt fait vne  
 certaine occasiō demouroit hors icelle, & pour les causes prédictees, à ce que  
 delibérant de ce qui luy estoit denoncé peult avec plus longue deliberation  
 prendre meilleur conseil. Et depuis estant retourné, assembla le Senat, ayant  
 autour de luy certain nombre de fouldardz, avecq ses amys, portans armes  
 secrettement: & s'estre assis entre les consulz en vng siege principal, com-  
 menca modestement à dire plusieurs choses de foy, & voyant que aucun au-  
 tre ne nul des consulz eut hardyessē de parler, commanda que vne autre  
 fois au iour déterminé se assemblassent, comme qu'il voulust prouuer par  
 quelques lettres Anthoine auoir esté iniuste. Les consulz doncques oyans  
 Cesar ainsi parler & n'ayans audace de luy contredire, & ne pouans encores  
 eulx

Les occa-  
 sions de la  
 guerre en-  
 tre Cesar  
 & Anthoi-  
 ne.

eulx taire, secrettement se osterent de la, & se retirerent deuers Anthoine & auecques autres senateurs s'en allerent plusieurs autres: dont Cesar aduertiy diloit que de sa volunté auoiet esté enuoyez dehors à ce qu'il ne semblaist auoir esté pour ses iniustices habandonné: & se disoit donner congé à quiconques se voulust retirer deuers Anthoine, & ce faict de ceulx la fut supplyé; d'autres qui se departirent de Anthoine & s'en vindrent deuers Cesar, entre lesquelz furent Titie & Planque, bien qu'ilz eussent esté en son endroit les premiers & ceulx qui scauoient tous ses secretz, car depuis que ces telles choses furent ainsi faictes par les consulz & oultre ce ilz estans absens Cesar assembla de rechief le Senat ou il leut & dist ce qu'il voulut. Anthoine du tout aduertiy assembla vng autre senat de ces senateurs qui estoient auec luy auquel ayant esté dictes & remonstrées plusieurs choses en pro & contra, finalement esleut la guerre, & encores fait diuorce de Octaue. Ceulx cy ou pource qu'ilz luy eussent faict resistance ou eussent quelque inimytié contre Cleopatra, se mistrent en fuyte: lesquelz receuz par Cesar moult voluntiers, fut aduertiy en partie de ce que Anthoine faisoit, ou auoit intention de faire, mesmement de son testament & de celluy qu'il auoit entre ses mains comme ceulx qui l'auoyét scellé. Au moyen dequoy Cesar n'estant en petit yre ne fut paresseux à le faire chercher prendre & apporter en plain senat, & depuis en la congregation & en public le faire lire, par ce que en icelluy estoit contenu telles choses que pour le respect d'icelles combien qu'il eust faict & commis toute iniquité, iamais n'eust esté enculpé, ioinct que Anthoine confermoit & testifioit, en icelluy, Cesar ion estre filz de Cesar, & à ses enfans que luy auoit nourris la femme Egyptienne concedoit aucuns honneurs supremes, & commandoit son corps estre ensepulturé en Alexandrie auecques Cleopatra. Pour ces causes doncques les Rommains esmeuz croyoyent les aultres choses qui leur estoient diuulgées, pour vraves, cest assauoir que sil estoit victeur donneroit la cité à Cleopatra & transfereroit l'empire en Egypte: & en ce prindrent si grand regret que tous non seulement ceulx qui estoient discordans auecques luy, ou estoient neutres, mais encores ceulx qui luy estoient grandement amys l'encoulpoient: car estans estonnez pour les choses ouyes, & voulans diminuer le soupçon de Cesar, disoyent comme les autres: & luy osterent le consulat qu'ilz luy auoyent donné, ensemble toute l'autre puissance, & ne le demonstrentent ennemy de la Republicque en parolles apertement, ains plus tost auecques effect, considéré qu'ilz confirmerent par decret à ceulx qui le laisseroyent, feurté & honneurs, & denoncerent manifestement la guerre à Cleopatra, & si changerent toutes leurs robes comme que desia la bataille feust presente. D'auantage venuz dans le temple de Bellone, deesse de la guerre, feirent toutes les cerimonies qu'on à acoustumé de faire auant que de commencer la guerre, & vferent de Cesar pour ferial. Lesquelles parolles se deriuoyent contre Cleopatra, mais en effect & à la verité contre Anthoine,

Titie &  
Plaque en  
fuyte de  
uers Cesar.

Teneur du  
testament  
de Anthoi  
ne.

Bellone,  
deesse de  
la guerre.

lequel

lequel estoit si fort à elle soubzmis qu'il fut persuadé à estre principal entre les gymnasiens, assavoir exercites publiques aux Alexandrins, & elle estoit appellée dame & royne & de luy, & auoit hommes d'armes Romains pour ses massiers, qui portoient son nom escript en leurs escutz. D'auantage tous deux ensemblement s'en alloient à la place ou avecq luy elle dispoit la congregation & proferoit les sentencés iudiciaires. Elle alloit à cheual avec luy & en la cité estoit portée sur vne charrette, mais Anthoine-la suivoit à pied avecques les autres eunuches, & nommoit son habitation habitation royale, & quelzquefois il se ceindoit l'espée Persienne & vsoit d'une robe contre l'usage Romaine, & estoit veu en public en vne litiere dorée, & sur vne charrette semblable. Aussi souuent avecques elle estoit de painct ou formé l'ung en figure de Oresides & de Denys, & l'autre en forme de la lune ou de Isis, au moyen dequoy estoit par commune opinion estimé estre deuenu fol par l'enchantement d'elle, pour autant qu'elle non seulement luy, mais tous les autres qui pouoyent quelque chose enuers Anthoine, auoit si bien enchantez & lyez, que desia auoit prins esperance de dominer les Romains: & le veu qu'elle faisoit quand iuroit, estoit cestuy, Ainsi puisse iuger dans le cappitoll. a ceste cause fut determinée la guerre contre Cleopatra, toutesfois contre Anthoine ne feirent aucune denociation telle comme ceulx qui scauoient bien que pour autres respectz deuiendroient ennemy, considéré qu'il ne l'auroit iamais laissée pour s'adioindre avecques Cesar. Et si vouloyent encores auoir ceste occasion de luy opposer qu'il eust luy mesme esleu la guerre contre eulx, ne luy ayant esté par eulx faite aucune iniure de l'une ny de l'autre partie, se assembloyent hommes de fait, & deniers, & toutes choses necessaires à la guerre estoient préparées. Lequel appareil fut beaucoup plus grand que nul autre fait au parauant, car tant de nations furent assemblées en ceste guerre d'ung costé & d'autre: avecques Cesar estoit Italie, car il s'adioignit encores ceulx qui auoyent esté enuoyez par Anthoine pour collomnes partie de paour se trouuans en petit nombre, & partie pour benefices receuz, & il de rechief constitua la collonnye de Boulongne, à ce qu'il semblaist il en auoir esté aucteur. Ainsi estoient en son exercite Italiés, Gaullois, Espaignolz, Illyriciens & Affricquains, assavoir ceulx qui au parauant appartenoyent au peuple Romain: excepté ceulx qui habitoient pres le Cirene & ceulx qui auoyent esté soubz Bogue & Bocque, ensemble Sicile & Sardaigne & autres isles voyfines aux prédictees terres fermes. En la compagnie de Anthoine estoient ces Asiaticz qui seruoient & obeyfoient au peuple Rommain, les peuples de Thrace, Macedoine, Egypte, les Cirreniens avecques leurs circonoifins ensemble les insulans illec pres habitans & tous les autres & puissans hommes voyfins à l'empire Rommain, partie en personne & partie par le moyen d'autres. L'ung & l'autre vserent de telle habilité qu'ilz astrindrent tous leurs compagnons & coliguez par serment. Ilz doncques en grand diligence se fortifierent en ceste

Mondante de Cleopatra.

Serment de Cleopatra.

Guerre de terminée contre Cleopatra.

maniere. D'auantage Anthoine en partie conféra en serment avec les gens d'armes qu'il viendroit à la bataille sans ambassades, & en partie leur promist que dedans deux moys apres la victoire il delaisseroit la principaulté & rendroit toute la puissance au senat & au peuple, & à peine aucuns luy persuaderent qu'il voulust ce faire en six moix apres la victoire, à ce qu'il peult donner ordre aux affaires à son aise. Et bien toutesfois qu'il ne l'eust fait, neantmoins promettoit de le faire cōme s'il eust esté asseuré d'obtenir la victoire, par ce qu'il se veoit estre beaucoup plus fort de multitude, & esperoit avec presens debilter ses ennemys : car enuoyant deniers tant à Rome que autres lieux il commouuoit vng chascun & sefforçoit de se les attirer. chose qui prouocqua Cesar à grand diligence. Et estant tel le mouuement & ap-  
 pareil de Cesar, & Anthoine, plusieurs & diuerses choses estoient diuulgüées par les hommes, & encores plusieurs signes se demonstroyent par les dieux au parauant, pour autant que vne cingesse en vng certain sacrifice entrée dans le temple de la déesse Ceres, troubla toute la cerimonie. Pareillement vng oison s'en volla au temple de la déesse Concorde & apres en tous les autres qui estoient tressacrez, & finalement dechassé de tous costez, se arresta sur le temple de Ianus dieu de la nature du peuple, ou ne fut prins ny s'en alla sinon bien tard. Aussi la charrette de Iupiter se rompit au cours des cheualx de Rome, & vne läpe de feu leuée sur la mer grecque par plusieurs iours, s'en volla depuis au ciel, plusieurs choses furent lacerées, dissipées & rôpues par la tempeste, en maniere que vng trophée posé sur le mont Auentin & la statue de la déesse victoire tomba du fex du theatre: semblablement vng pont fait de boys se rompit en diuers lieux, plusieurs choses furent destruites par le feu, & du mont Ethna descendit grand feu qui fit tresgrand dommage tant aux citez circonuoisines que à toute la region. Voyans doncques les Romains telles choses, & partie les oyant reciter, se souuenoyent du dragon lequel auoit autrefois à eulx esté signe des affaires lors presens, pour autant que en Tuscane estoit apparu vng dragon à deux testes & de telle grandeur qu'il s'estandoit iusques à octante cinq piedz, lequel apres auoir fait plusieurs maux fut fulminé. Telz signes se dressioient contre tous; considéré que d'ung costé & d'autre estoient Rommains, & plusieurs d'entre eulx deuoient mourir d'une part & d'autre, & ceulx qui demourroyent debuoyent estre soubzmis au victeur. Et fut la destruction de Anthoine parauant signifiée à Rome par des petis enfans lesquelz sans commandement aucun se diuiserent en deux parties & combatirent deux iours: ceulx qui se appelloyēt Anthoniens furent vaincuz. Pareillemēt fut sa mort pronostiquée par vne statue posée au mont Alban & dans le temple de Iuppiter, laquelle estant de pierre rendit grand effusion de sang. Pour ces causes se trouuant tout hōme espouēté durāt cest an ne fut faite autre chose d'auantage, car Cesar estat demouré pour ordōner les affaires de Italie & mesmemēt pource qu'il scauoit Anthoine auoir enuoyé deniers, ne luy peut courir sus auant l'yuer. Or  
 doncques

Signes ad-  
 uenus en  
 Rome.

Dragon  
 apparu en  
 Tuscane.  
 ayāt octa-  
 te & cinq  
 piedz de  
 long.

doncques Anthoine se meit en volonté de faire guerre en Italie & suruenir à l'impourueu, & estant arriué à Corfou fut aduertie les nauires de l'auantgarde illec enuoyées pour tenir en poste son aduenement estoient encores pres les môtz Cerauniens, parquoy se doubta que Cesar n'y fust venu avec toute l'armée & n'eut hardyessse de passer oultre, ains ayant nauigué en Peloponnesse en la fin d'Autonne, passa l'yuer à Patras, & diuisa sa gendarmerie en plusieurs lieux, à ce qu'ilz peussent garder la region & plus facilement eussent coppie de viures. Durant lequel temps plusieurs se habádonnerent l'ung & l'autre & se changerent tant senateurs comme les autres, & si prit Cesar vng Lucius Misius espie de Anthoine, lequel bié qu'il fust l'üg de ceulx qui premierement auoyent esté condemnez dans le senat, toutefois le laissa aller, luy ayant monstré toute sa puissance, & escripuant à Anthoine qu'il se esloignast de la mer d'autant que pourroit courir vng cheual en vng iour, luy disant qu'il le combatroit auant que fussent six iours passez, ou bien passast en Italie avec condition esgalle. Cesar luy escripuoit cela non pource qu'il pensast que aucune chose s'en deust faire, ains pource qu'il esperoit donner (ce disant) couraige à ses gens & estonner ses ennemis: à quoy Anthoine en riant feist responce, & qui sera nostre iuge si nous faisons quelque chose contre les conuentions? Depuis ces choses, debuoyét estre consulz en l'an ensuyuant Cesar & Anthoine ayans esté esleuz au temps qu'ilz constituerent vne fois les magistratz iusques à huyt ans & estoit cest an le dernier, mais estant Anthoine deslyé (comme i'ay dit) Valere Messalla lequel autrefois auoit par eulx esté proscript fut crée consul avec Cesar. Durant en ce mesme temps vng homme deuenu furieux en vne congregation estant faulté dans le theatre print la couronne du premier Cesar & la mit sur son chief dont il fut moult batu & nauré par les circonstantans: aussi vng loup entré dans le temple de Fortune fut prins & occis, pareillement vng chien dans l'Hipodrome lors que les cheuaulx couroyent tua vng autre chien, le feu ruyna plusieurs lieux comme vne grand partie de l'Hipodrome, & le temple de la déesse Ceres, & vng autre temple de Esperance, & sembla que les affranchiz en eussent esté aucteurs, car à tous ceulx qui se trouuoient en Italie & possedoyent quinze mil, ou plus, fut commande d'en contribuer la huytiesme partie, au moyen dequoy furent faictes plusieurs esmotions & homicides & ne peurent estre appaisez que avec les armes, parquoy encores les affranchiz qui auoyent aucunes possessions en Italie furent appaisez de craincte, ausquelz fut commandé payer la ciquiesme partie de leur reuenu d'une année: & ayát differé de sur ce dóner ordre eurent depuis hardyessse de faire nouuelleté, mais à la fin mal volontiers & sans resistance octroyerent ce tribut. Pour ces causes doncques apparut le feu auoir esté par le moyen des affranchiz, neantmoins pour la multitude des maisons brullées fut ascript entre les autres monstres & signes admirables: & bien que parauant illec apparussent telz monstres, toutefois

Lucius Misius espie.

Responce de Anthoine.

Signes aduenus en Rome.

ne les craignirent ne combatirent rien moins, ains persevererent durant tout l'uyver vsant de espies & se courans sus l'ung à l'autre: car Cesar delaisant Brandis nauigua à Corfou, comme qu'il voulust à l'impourueu assailir ceulx qui festoyent arrestez pres Attie: mais estant suruenue vne tempeste de laquelle il fut grandement agité s'en departit: touteffois suruenant desia le printemps, Anthoine ne se bougea, par ce que les galliotz comme hommes meslez de diuerses natiōs auoient esté tout l'uyver loing de luy n'auoyent faict aucun exercice & estoient diminuez tant pour la fuyte que infirmité des aucuns: & Agrippa ayant prins Mothon d'affault, & en icelle occis Bogue tenant en sa puissance les nauires de charge qui se leuoyent & descendoient à terre en plusieurs lieux de Grece, le troubloit moult: dont Cesar aduertit & voulant tresvivement vsfer de la promptitude de l'exercite qu'il veoit tresbien en ordre, desirant aussi plustost faire la guerre en Grece & entré les amys de Anthoine qu'en Italie & pres de Rome, assembla à Brandis tous ceulx qui auoyent quelque puissance tant cheualiers que senateurs, les aucuns d'eulx à ce qu'ilz luy aydassent & feissent quelque chose avec luy, & les autres affin qu'ilz estans ia à part eulx ne feissent quelque esmotion, mais fut tout à ce qu'il monstraist aux hommes qu'il eust la plusgrand & meilleure part des Romains concordans avec luy: & pour ce ayant commandé à chascū d'eulx de mener vng certain & déterminé nombre de serfz qui portassent leurs viures, excepté les hommes d'armes, passa la mer Ionie avec tout l'appareil & les mena non ou Peloponnesse ne contre Anthoine, mais au promontoire Attie ou il auoit la plusgrand partie de l'armée avec esperance de subiuguer les ennemys de leur volunré ou en leur despit, pquoy ses gens de pied conduitz soubz les montz Cerauniens, les enuoya en ce lieu, & il ayant prins Corfou qui auoit esté habandonné par le preside se arresta dans le port appelé Doulx, auquel à esté imposé ce nom, pource que l'eaue y deuiét douce par le moyen d'ung fleueue qui estoit en icelluy: & illec fait vng lieu apte pour construire des nauires: & depuis se leuât du port, nauigua à Attie, ou voyant que nul l'empescha ne vint parler à luy (combien qu'il eust prouocqué ses ennemys à l'une des deux choses, à scauoir ou à paix ou à guerre l'une desquelles ilz n'acceptoyent pour leur petite fidelité & l'autre de paour,) alors print ce lieu ou à present est ediffiée Nicopolis, & se arresta en ce lieu hault par ou se pouoit veoir en toutes les parties de la mer qui est deuers Paxe & de la mer Abras interieure & de celle qui est entre deux, en laquelle sont les portz regardans deuers Nicopolis, & fortiffia ce lieu & estandit d'icelluy les murailles iusques au port exterieur appelé Comare d'ou il insidioit & faisoit assaulx au promontoire Attie tant par mer que par terre: car autreffois ouys dire qu'il transporta de la mer exterieure, ou feing, aucunes galleres par la force du mur ayant vsé d'aucunes peaulx nouvellement escorchées & oingtes d'huylle en lieu de nauires, mais ie n'entendz qu'il feust besoing de ces nauires ou feing, & pource n'adiouste foy

Port a Cor  
fou appel  
le Doulx,

à ceste fiction, par ce que n'estoit petite emprinse transporter des galleres sur des peaulx. par vng lieu si petit & inefgal. Cela doncques se dict auoir esté fait en ceste maniere. Mais Attie est vng temple de Apollo situé au deuant de la bouche de l'estroict du seing Abras à l'opposite des portz regardans Nicopolis, & s'estend l'estroict egallement en moult de logueur & en icelluy & toutes ses parties se peut arriuer & s'arrester cōme en vng port. Les Anthoniens ayans donc préoccupé ces lieux edifierēt certaines tours sur la bouche d'ung costé. & d'autre, & occuperent le mylieu avec leurs nauires si qu'ilz pouoyent seurement sortir & y rentrer quand bon leur sembloit, & ilz estoient en l'autre estroict pres le temple en vng lieu, bien qu'il fust esgal & large, neâtmoins beaucoup plus apte à combatre que à camper. parquoy tant en yuer qu'en esté furent moult oppressez de infirmité. Et Anthoine depuis qu'il fut aduertý de la venue Cesar ne seiourna aucunement, ains se halta de venir à Attie avec toute sa troupe: & vray est qu'il arriua non gueres apres, neantmoins ne vint incontinent à la bataille, bien que Cesar ordonnast continuellement les gens de pied contre son camp, & souuent estoit luy courust sus avec ses nauires & bien souuent print des siennes de charge, à ce que auant que Anthoine assemblast toute sa puissance le vinst combatre avec celle qu'il auoit pour lors. Et pour ceste cause Anthoine ne se voulut si tost mouuoir contre luy, ains demoura plusieurs iours tenant & faisant quelques escarmouches iusques à tant que tous les gens furent ralliez ensemble avec lesquelz n'estant si empesché par Cesar qu'au parauant passa le destroict & se campa non loing de luy, & pource ayant enuoyé les gens de cheual autour du seing, luy faisoit insidies: mais Cesar alors demouroit coy & ne se mettoit volontairement en aucun peril, ains enuoya aucuns des siens en Grece & en Macedoine, à ce qu'il feist departir Anthoine pour leur dōner secours, & ce pendant Agrippe estant couru hastiuement avec l'armée, en Leucade, la print, ensemble toutes les nauires y estās, semblablement Patras, Quintus Assidius premier vaincu p bataille de mer, & encores depuis cōquist Corinthe. Apres lesquelles victoires & que Titie Marc & Thaurus Statilius ayans fait course cōtre les gens de cheual de Anthoine furent victeurs & cōquirēt Philadelphie roy de Paphlagōnie, & ce pēdant Gnee Domitien opprésé par Cleopatra s'envint deuers Cesar, auquel, bien que par la soubdaine mort qui luy aduint ne fust gueres vtile, neâtmoins sembla auoir habandonné Anthoine cōme celluy qui condamnoit son party: & plusieurs feirēt le semblable: alors Anthoine prit l'audace premierement & auoit tout hōme à suspect, au moyen de quoy occist entre autres Iamblicus roy d'aucuns Arabes apres qu'il l'eut tourmēté, & si cōmanda à aucuns de tailler en pieces Quintus Posthumus senateur, & finalement craignant que Delius Quintus, Amintus Gallates, qui auoyēt esté éuoyez en Macedoine & Thrace aux hōmes d'armes necessaires, ne esleussent la part de ceulx cy, se meit en voye pour aller vers eulx cōme qu'il leur voulust donner secours s'ilz estoient

Leucade  
printe.

Quintus  
Assidius  
vaincu.

Iamblicus roy  
des Arabes  
occis  
par Anthoine.

assailiz d'aucun ennemy, & fut ce pendant fait vne bataille par mer, pour ce que Sosius luy estant illec pres suruenu Lucius Terresius avec peu de nauires vint en esperance de faire quelque chose notable s'il le combattoit auant que Agrippe arriuaſt auquel estoit commise en charge toute l'armee. A ceste cause vng matin leua les ancrs & feit voile à l'aube du iour luy aydāt vne bruyne assez obscure, à ce que Lucius ne se meist en fuyte preuoyāt la multitude de sa gent, & subitement des le premier assault l'ayant rompu le pourfuyuit diligemment, touteſſois ne le print pour autant que d'auenture luy estant venu à l'encontre Agrippe non seulement ne fut victorieux, ains oultre ce fut destruit avec Tarcondinot & maintz autres: au moyen de quoy Anthoine & pource encores qu'il estant suruenu fut vaincu en vne bataille faicte à cheual par l'auātgarde de Cesar, delibera de ne plus demourer en ce lieu avec son exercite, mais la nuict enfuyuant ayāt laiffé son fort pres des ennemys tira droict en l'une & l'autre part du destroit ou estoit logé la plus grand partie de son exercite. Et voyant depuis que les choses necessaires luy commencoyent a faillir comme celluy qui ne pouoit recouurer des bledz demoura en doute s'il deust perseuerant de illec demourer se mettre au peril, ou si permutant le lieu prolonguer le temps de la bataille, & sur ce disant tantost vne chose & puis vng autre, Cleopatra, finalement obtint laquelle conseilloit que presides fussent mis es lieux plus opportuns pour la guerre, & que tous les autres allassent apres en Egypte, car elle vint en ceste oppinion depuis qu'elle fut troublée par plusieurs signes, car premierement les arondelles feirent leurs nidz pres son paullō & en la nef en laquelle elle nauigoit, aussi sortoit de la cire, du ſāg & du laiēt de ses statues, lesquelles faictes en forme de dieux estoict posées p les Atheniēs en la roche, furent gettes par terre dans le theatre par des sayettes celestes. Pour telz signes donc & pour la paour & debilité qui estoit en tout l'exercite par iceulx Cleopatra commença à craindre, & si encores mit Anthoine en doute, touteſſois ne s'en voulurent fuyr occultement ne appertement pour n'effrayer leurs compaignons, ains se appareillerent comme s'ilz eussent deu venir au combat, à ce que si aucun obstacle leur estoit faict peussent sortir hors le destroit par force, & pource les meilleures nauires choisies voyans qu'ilz auoyent peu de mariniers desquelz partie estoient mortz & partie l'estoyent mis en fuyte bruslerent tout le reste. Et ce faict la nuict mirent dehors secretement toutes leurs plus precieuses besongnes, & ce faict Anthoine feit appeler tous ses gens d'armes & parla en ceste maniere.

Signes ad-  
uenuz a  
Cleopatra.

Oraison  
de Anthoi-  
ne a ses  
gens d'ar-  
mes.

¶ Toutes les choses qui estoient necessaires à la bataille ont esté par nous préparées (ō gens d'armes) car nous sommes en grand multitude, & auons la fleur des hommes esleue de noz subiectz & compaignons, & tout ce qui est necessaire pour la guerre est aupres de nous, & auōs tant de maîtres que chascun d'eulx feroit suffisant mettre les ennemys en craicte. Vous mesmes voyez quelle armee nous auons, quantz & quelz hommes armez, sagittai-

res

res, escutiers & fonditeurs, desquelz noz ennemys au commencement auoyent grand besoing, mais ceulx qu'ilz ont depuis leuez font beaucoup inferieurs & plus debiles que les nostres. D'auantaige ilz ont peu de finance, & si celle qu'ilz ont à esté retirée par tributz violens, & ne pourront guieres durer: aussi ceulx qui la leur ont payée font plus noz amys que à eulx, parquoy est vray semblable qu'ilz n'ont guieres d'hommes beniuolles, & manifestement font entre eulx discordantz: mais à nous font toutes choses préparées habondamment sans estre moleste à aucun, ains vtile à chascun: outre ces tant & telles choses, ie n'oseroys dire aucune chose autrement de nous, touteffois estant ce vne des principales en la bataille & qui soit estimée de grand pris par tous hommes, cest à scauoir que ceulx qui doiuent cōbatre vigoureulement ayent vng capitaine vaillant. La necessité me contrainct dire quelque parole de nous, à ce que congnoissez vous estre telz que encores sans vaillant capitaine pourriez obtenir la victoire, & ie encores estre tel qu'avec mauuais gens d'armes pourroyz estre superieur à mes ennemys. Ie, si vous considerez bien, suis en cest aage auquel les hommes font moult vigoureux soit de corps, ou d'entendement, & ne sont dānifiez pour la temerité de ieunesse ne par la timidité de vieillesse, mais mis au mylieu font moult vaillans: d'auantaige ie suis de telle nature & experience que ie puis congnoistre & facilement exposer toutes les choses à nous conuenables, & ceste experience, laquelle faict que encores les folz & ydiotz semblent estre de quelque estime, ay prinse au gouvernement de la Republicque & de plusieurs exercites, pour autant que depuis tousiours me suis exercé en telz affaires, & souuent estois ay esté superieur & souuent vaincu, au moyen dequoy i'ay apprins quāt & quelles choses soyent conuenables cōmander à autres, & celles esquelles est besoing obeyr. Ie en aucunes choses ay esté timide & en aucuns audacieux par lesquelles me suis assueffiaict de ne craindre facilement ny de estre trop hardy: i'ay esté heureux & souuēt estois m'est aduenue le cōtraire, parquoy ne me puis moult desesperer ne encores moins me asseurer. Et ie dy telz propos entre ceulx qui le scauēt faisant vous auditeurs mesmes tesmoingz, non pour me glorifier autrement (ioinct que vostre cōscience me semble suffisante à ma gloire) mais à ce que cōgnoissez de quāt nous sōmes mieulx en ordre que noz ennemys, lesquelz estās à nous inferieurs tāt de multitude que de gēs d'armes deniers & autres appareilz, neātmoins en nulle autre chose de tant vous cedēt de quant pour l'aage & experience de leur capitaine duquel n'est besoing parler particulièrement, ains sommairement ie ditz cecy que encores scauez assez qu'il est tresdebile de corps & n'eut oncques aucūe victoire fameuse fust en terre ou en mer, & en la bataille faicte es champs Philipiques il fut vaincu, mais ie victeur, tāt y à differēce entre l'ung & l'autre: & le plus souuēt les victoires sōt de ceulx qui font les mieulx en ordre: & si bien ilz ont aucune puiffāce, seroit aux hōmes d'armes en terre ferme: mais es nauires, ne se pourroiet acōparer à nous: car

vo<sup>9</sup> mesmes voyez la grádeur & veloxité de noz nauires, en inaniere écores  
 que si les leurs fussent egalles de nóbre aux nostres, neátmoins ne pourroyét  
 receuoir aucun detrimet d'icelles, ioinct qu'en partie la veloxité des vais-  
 seaulx & partie la haulteur des nauires encores que nul fust dedás leur pour-  
 roit resister. Et qui sera celluy qui s'en puisse approcher y estant si grand nó-  
 bre d'archiers & fóditeurs q nauigerót & encores viédront dessus les tours  
 contre eulx? Et bien que aucun s'en approchast, cōment ne sera il submergé  
 pour la multitude des rames, & repoulsé de ceulx qui sont sur les bancz &  
 dás les tours? Ne pésez pource que Agrippe fut victeur en la bataille de met  
 pres Sicile qu'ilz ayent grande experience en mer, car ilz ne combattirent  
 contre Sexte, ains contre ses serfz: ne contre vne semblable armée, mais be-  
 aucoup differente à la nostre. Et si vng reputoit grand chose ceste victoire,  
 doit encóres recompenser la perte de Cesar avecq ce mesme Sexte, & ainsi  
 se trouueront noz choses non esgalles, ains de beaucoup superieures à icel-  
 les. Et vniuersellement la Sicille, quelle petite partie estoit ce à l'esgard  
 de l'autre Sirie? & la puissance de Sexte quel appareil auoit elle aupres de  
 la nostre? si que vng raisonnablement considerant les faictz de Cesar qui ne  
 furét ne plus ne plus grádz. plustost craindroit pour ses infortunes qu'il ne  
 confieroit pour sa prosperité. Au moyen dequoy ie encores ce considerant  
 n'ay voulu me mettre au peril par terre ou ilz semblent en quelque forte e-  
 stre puissans, affin que nul d'entre vous perdíst le couraige si quelque infor-  
 tune fust arriué, mais ay voulu cōbatre par mer, pource que sōmes en plus  
 grand nóbre & plus puissans de nauires, à ce que apres si sommes victeurs  
 en ce puissions despriser ses gens de pied. Aussi vous congnoissez tresbien  
 que toute la fin de la bataille de pied á l'üg & l'autre de ceste armée, & si nous  
 sōmes victeurs en ceste cy nous ne endurerōs des autres aucú mal, ains estát  
 á l'entour tous noz gens nous nous serrerōs cōme en vne petite isle: & sinó  
 par aucune autre voye, au moins sans aucune peine les prédrōs par famine:  
 & ne pése qu'il soit besoing vous racópter cōme si vous estes vaillás hōmes  
 aurez tresgrandz recompenses, & si estes mauuais & negligés paruiendrez  
 en tresgrandz miseres: car s'ilz estoyét victeurs que feroiyét ilz cōtre nous,  
 puis qu'ilz ont occis tous les hōmes illustres qui estoyent avec Sexte, & en-  
 cores ont destruict plusieurs de ceulx de Lepide qui toute sfois estoyét leurs  
 cōpaignōs. Mais qu'est il besoig vo<sup>9</sup> dire cecy puis que Lepide mesme q ne  
 luy á faict iniure, ains plus tost fut son compaignon en la guerre, á esté par  
 eulx priué de toute la seigneurie & le tiennent soubz garde cōme vng pri-  
 sonnier, & ont recueilly si grosses sommes de deniers des affranchiz estans  
 en Italie, & encores des autres ayans possessions, qu'ilz les ont contrainctz  
 venir aux armes, dont depuis plusieurs en sont decedez. Et croyōs nous que  
 ceulx cy nous pardonneront qui n'ont pardonné á leurs compaignons? &  
 qu'ilz s'abstiédront de noz richesses quand ilz ont troublé leurs domestic-  
 ques? & seront humains apres la victoire ceulx qui feirent plusieurs cruault-  
 tez

tez auant qu'ilz fussent victeurs. Or affin que ie ne consume le temps faisant mention de ce que à esté fait aux autres desdiray ce qu'ilz ont fait cōtre nous. Qui est celluy lequel ne saiche & congnoisse que ie estant esleu cōpaignon de la puissance de Cesar, & mis en esgalle présidence avec luy des choses cōmunes & des hōneurs & des magistratz, & estant demouré si long temps en icelles, maintenant de quan à esté en luy suis priué du tout & deuenu de prince hōme priué, & de consul sans dignité, non par auctorité du peuple ny du senat, pour autāt que ce ne pourroit estre, s'estans mis en fuyte manifestemēt hors la cité tāt les cōsulz que maĩtz autres pour ne faire tel decret, mais de luy mesme & de ceulx qui sont autour de luy, & ne congnoissēt qu'ilz mesmes les premiers constituerent vng tyrant contre eulx, car celluy qui ose demander mon testament ie estant vif, & ayant si grand puissance, vaincu les Armeniens, & hardiesse de le prédre p force, l'ouuir & le lire publicquement, cōment nous pardonneroit il ou à aucun autre? Et puis qu'il à esté tel contre moy son cōpaignon amy & parent, cōment pourroit il vser d'aucune humanité contre les estrangers? & si nous voulons prendre coniecture par ses decretz il nous menasse manifestement. Quoy faisant s'est dressé plusieurs ennemys, mais à moy n'a esté imputé aucune chose féblable. Et bien qu'il ait guerre avec nous, toutefois il fait tout ce que bon luy semble, non cōme victeur, ains comme qu'il me ait occis: parquoy il ayant fait telz actes cōtre moy, lequel n'a encores appellé son ennemy, beaucoup mois se abstiendra de nous, ausquelz il confesse manifestement estre ennemy. Et que veult il faire lequel vniuersellement porte les armes contre nous tous? mais en ses decretz à aucuns denonce la guerre & autres non: ne cela fait certainement, a ce qu'il face aucune difference en vous: ne à ce que s'il obtient la victoire a aucuns face bien & aux autres mal, ains affin qu'il mette discord entre vous par lequel deueniez plus debiles. Et vous scauez qu'estās concordans ensemble il ne sera iamais victeur, mais discordans & faisans l'ung vne chose & l'autre vng autre, peult estre qu'il seroit superieur, cause qu'il le fait vser de tel art contre vous. Comme donc ie & les Romains qui sont avec moy preuoyons au peril, bien que ayons seurté par les decretz qui ont esté faitz, & congnoissons les insidies, & ne vueillons en tout habandonner, ne encores auoir esgard aux biens priuez, ainsi a vous encores, lesquels il ne nye auoir pour ennemys, ains pour tresennemys, est conuenable qu'en faisant les perilz & esperances communes, conioignez voz diligēces avec la nostre, pensans entre vous les dommaiges que nous receurons si d'auenture sommes vaincuz, & les biens & honneurs que aurons se obtenons la victoire: car seroit grand chose si nous estans inferieurs n'enduriōs quelque iniure, mais tresgrand cas seroit se par la victoire auions tout ce que vng homme scauroit desirer: & nous seroit vitupere que estans tant & telz, & aiās armes, deniers, cheuaults & nauires, eslisissió le pire pour le meilleur, & pouans conceder la liberté à ceulx qui voulussent plustost avec eulx estre

ferfz, par ce que tât sommes differentz l'ung de l'autre qu'il desire de dominer a tous & ie veulx encores deliurer les siens ainsi que suis obligé par serment. Comme donc ceulz lesquelz deuous combattre communement pour l'une & l'autre partie, & qui sommes pour debuoir acquerir biés communs a tout homme, nous efforcrons (ô gens d'armes) presentement d'estre victeurs & au futur bien heureux. Ayant Anthoine finy son dire, fait entrer dás les nauires les prícipaulx de ceulz q'estoyét avec luy, à ce qu'ilz ne feíffét aucune nouuelleté côme fait Delius & autres qui l'auoyent habandonné, encores y mit grand multitude d'archiers, fonditeurs & hommes armez: car ayant esté Sexte vaincu principalement pour la grandeur des nauires Cesar & pour la multirude de ses gés, Anthoine en fait faire beaucoup de plus grandes que celles des ennemys, par ce que peu de tryrennes, ains quadrirennes & dixerennes assez, & toutes les autres au mylieu de cestes, & sur icelles mesmes fait cōstruire des tours moult haultes esquelles il mit grand multitude d'hommes, en maniere qu'ilz pouoyent combattre d'icelles côme s'ilz eussent esté sur les murailles d'une cité. Mais Cesar voyant leur appareil se mettoit en ordre, & finablement estant aduertý de la volunté des ennemys tant par autres que par Delius assembla tous ses gens d'armes & parla en ceste maniere:

Oraison  
de Cesar a  
ses gés dar  
mes,

Le voyant (ô gens d'armes) & tant par ce que i'ay ouy que ce qu'ay prouué par experience, maintes & tresgrandes batailles ou bien plustost toutes choses humaines mieulx succeder à ceulz qui sont les plus iustes & honnestes, Cela mesmē considere en vous & vous conforte le considerer encores, par ce que nous auons vne grand puissance par laquelle vng moins iuste espereroit d'obtenir la victoire: neantmoins ie me confie plus en la iuste cause de la guerre qu'en ce, ioinct que ie repute chose tresindigne que nous estans Romains, & seigneurs d'une tresgrand & optime partie du monde, soyons desprisez & calumniez d'une femme Egyptienne. Certes choses tresindignes de noz maieurs, lesquelz subiuguerent & ruýnerent Pirrus, Anthiochus & les Perfes, & deffirent les Numantiens & Carthaginiens & taillerent en pieces les Cymbriens, Ambroniens, & encores est chose plus indigne à nous mesmes qui auons subiuguez & vaincuz les Francoys & les Hongres & sommes procedez iusques à Lhystre, & auons passé le Rhin, & entré es isles de Bretagne: & comme ne se lamenteroyent grieuement tous ceulz qui ont fait les choses prédites si aucunement ilz entendoient que fussions soubzmis à vne femme pestifere? & comment ne serions nous en vne tresgrand honte si estans en chascun lieu superieurs aux autres de vertu, apres soustenons les iniures de ceulz cy, lesquelz estans Alexandrins & Egyptiens, car ne leur pourrons attribuer plus vray ne plus vil nom, lesquelz adorent les serpens & les bestes comme dieux, & apres leur mort oignent leurs corps pour sembler immortelz, & sont trespromptz de audace, mais es faitz tresdebiles, & ser-

uent

uent à vne femme en lieu d'ung homme, ont eu hardieſſe de vouloir occuper noz biens & par les mains de nous meſmes les conquerir ſi comme volontairement nous leur deuôs ceder noſtre felicité. Et qui ſeroit celluy lequel iuſtement ne ſe lamentait voyant les hommes d'armes eſtre maſſiers de leur royne? Et qui eſt celluy qui ne pleuraſt voyant cheualiers & ſenateurs Rommains eſtre adulateurs de ceſte femme comme eunuches? Qui ne gemiroit voyant & oyant il meſme Anthoine lequel à eſté deux fois conſul & ſouuent empereur, auquel fut commiſe avecq moy la preſidence du faiçt commun: lequel à gouuerné tant de citez & tant d'exercites, maintenant auoir laiſſé toutes les couſtumes de noſtre pays? & imiter les eſtranges & barbares: ne faire eſtime aucune de noz loix, ne des dieux de noz anteceſſeurs, & adorer ceſte femme comme vne autre Iſis, & vne autre Lucie, & nommer les enfans de ceſte Egyptienne le Soleil, & la Lune, & finalement ſe appeller ſoy meſmes Oſerides, & Denys, pource comme qu'il feult ſeigneur de toute la terre & de la mer, auoir donné aucunes iſles & lieux de terre ferme. Je congnois bien, ô gens d'armes, que ce vous ſemble incredible & admirable, parquoy deuez eſtre plus courroucez: car ſi ces choſes ſont vrays, leſquelles vous oyans ne croyriez, & luy mis en delices faiçt telles choſes que les oyant n'eſt aucun qui n'en fuſt dolent, comment ne vous debuez vous iuſtement courroucer? Et ie meſmes au commencement eſtoys tant ſtudieux de ſon bien, que luy feiz part de ma ſeigneurie, & luy donnay ma ſœur pour femme, enſemble maintz exercites, & depuis luy feuz beniuole & amy, car tant qu'il ne deſpriſoit ma ſœur, ny ſes enfans, & ne luy auoit encores prépoſé vne Egyptienne, & donné à ſes enfans quaſi tous noz biens, ne vouluz oncques pour nulle autre occaſion prendre les armes contre luy, par ce que ie penſoys eſtre choſe conuenable ſe porter autrement avec Anthoine, & autrement avecques Cleopatra, conſideré qu'elle eſtant de nation barbare incontinent eſtoit ennemye pour les choſes par elle commiſes, mais ie penſoys que Anthoine ſe pourroit avecques le temps corriger comme celluy qui eſtoit noſtre citadin. En apres i'eſperoyſ qu'il, ſinon volontiers, à tout le moins contre ſa volonté pour les decretz faiçtz contre Cleopatra, ſe repentiroit. Pour ces cauſes ne luy denôcay aucune guerre: mais depuis qu'il deſpriſe toute choſe & n'en faiçt aucun eſtime, & nous le voulans laiſſer en paix n'y veult eſtre laiſſé; ny voulans auoir miſericorde de luy ne la veult accepter, ains comme homme fol & ſans raiſon (car i'ay ouy dire encores qu'il à eſté ſi enchanté de ceſte femme ſacrilege qu'il ne repute riens l'humanité & noz benefices) & eſtant ſerf d'une femme eſliſt volontairement la bataille & perilz prins pour elle contre nous & la republicque Romaine, que debuons nous faire ſinon nous venger de luy & de Cleopatra? Nul de vous dôcques ſera qui penſe Anthoine eſtre Romain, ains plus toſt vng Egyptien, ny le deuôs nommer Anthoine mais vng autre Serapiô, & ne péſons qu'il aye iamais eſté cōſul & cappi-

taine, ains plus tost president des exercites des ieunes gés, cōsideré qu'il mesme à laiffé ces tiltres pour les autres: & ayât degettez to<sup>9</sup> les aornemens du pays & deuenu vng cimbaliste de Egypte: & ne soit aucū lequel doubte que ceituy cy ne soit pour deuoir dōner grād cōtrepoix en ceste bataille, par ce que encores au parauāt n'estoit hōme digne d'estime cōme vo<sup>9</sup> autres le scauez qui le vaicquiltes pres Modēne: & si quelque fois pour estre nostre cōpaignō en la gendarmerie il à demonstré quelque vertu, vous scauez que en ceste permutation de vie l'a toute perdue, car il est impossible que vng hōme viuāt en delices royales, & qui est deuenu mol & fœminī puisse auoir cōseil ou faictz virilz, ioinct qu'il est necessaire que l'hōme se assimilie aux coustumes qu'il obserue au viure: & en signe de ce il en tout ce temps n'a cōbatu sinon vne seule fois, & ayant assemblé seulement vng exercite à perdu plusieurs citadins en la bataille & s'est departy vituperablement de Praafpe, & fuyant encores à perdu plusieurs des siens, parquoy si nous voulons dancier & saulter certes en cest exercite il nous seroit superieur, cōme celluy qui en ce s'est exercité, Mais puis que maintenant est necessaire de combattre & prendre les armes, quelle paour deuous nous auoir de luy par la vigueur de son corps: mais deormais il s'est enuieilly & effœminé, par la force de son courage: elle encores est mollifiée & faicte puerile, par la raison & sienne pitié enuers noz dieux: mais il cōbat contre eulx & son pays, pour la foy qu'il obserue à ses compaignons: Et qui est celluy qui ne sache en quelle maniere il est party ayant deceu Armenin: par la clemēce & humanité qu'il vse enuers ses amys: Et qui n'a veu ceulx qui ont esté p luy iniquement destruietz: par la gloire & renōmée qu'il à entre les hommes d'armes: Et qui est celluy qui ne l'aye en mespris, & en signe de ce chascun iour plusieurs des siens l'habandonnās se retirent deuers nous & ay esperāce que tous noz citadins feront comme ilz feirēt ia vne autre fois quād il se partit de Brādis & tira en Frāce, par ce que ce pēdāt qu'ilz esperoyēt estre riches sās peril moult volūtiers ont demouré avec luy, mais ne voudront cōbatre cōtre nous qui sōmes d'ūg mesme pays pour ceulx qui ne leur apptiēnēt en riēs, & especiallement ilz pouās estre sauluez & heureux avec nous sans aucū peril. Mais aucū dira qu'il a grosse quantité de deniers & maictz cōpaignōs. Plusieurs scauēt biē commēt ont acoustumé vaicre les hommes Asiaticques. Cela sceut Scipion. Celluy qui fut nommé Asiaticq le sceut. Sylla heureux, Luculle, Pompée Cesar mon pere & nous mesmes qui auons vaincūz ceulx qui estoient avec Brutus & Cassius. Et quant a ce qui appartient aux compaignons, estans les choses ainsi disposées, comme de leurs richesses, de quant vous pensez qu'elles soyent grandes, de tant vous debuez plus efforcer de les conquister, par ce que c'est chose moult digne de quant les remunerations sont plus grandes, de tant adoperer plus grandz faictz: bien qu'il semble nulle autre chose plus grand estre a vous proposée que conseruer la dignité de voz antecessurs, & maintenir vostre magnanimité, & se

venger

venger de ceulx qui se sont de nous rebellez & nous ont fait plusieurs iniures, & qui à la domination de tout le monde, laquelle obtiendrons par ceste victoire, & que ne vouloir endurer que vne femme soit egalle à vng homme. Vous auez souuentefois cōbatu contre les Thauriciés, Iapigiens, Dalmatiens & Pannóniens trespromptement pour aucunes petites forteresses & champs desertz, lesquelz vous auez tous subiuguez, posé que selon la cōmune opinion soyent nations moult belliqueuses: & encores contre Sexte, pour Sicille seule, & contre Anthoine pour Modenne seule, en maniere que de l'ung & l'autre fustes victeurs. Contre vne femme dōcques laquelle à mis les insidies à vous tous & contre son mary, lequel à distribué ce qui vous appartient aux enfans d'elle, serez vous moins hardis & promptz? Pourquoi? pour la multitude des hommes? mais nulle quantité de corps ne peult suppediter la vertu. Pour sa stirpe? mais plus tost sōt coustumiers porter charges que les armes. Pour l'experience? mais ilz sōt plus tost exercez à voguer que à combattre par mer. Quāt est à moy i'ay honte que deuions combattre contre telz hommes, lesquelz vaincuz par nous ne nous donneront aucune gloire, & par le contraire s'ilz obtiennent la victoire, à nous sera tresgrand vergongne. Et ne pensez que la grādeur de ses nauires & la grosseur de leur boys soit equiualāt à nostre vertu, car oncques nulle nauire des leurs de par soy frappa ne occist aucun, & de quāt leurs nauires sont plus haultes & plus grosses de tant seront guidées avec plus grand peine. Et quelle vtilité en auront ceulx qui combatrōt en icelles, consideré qu'ilz ne pourront nauiguer ne se mouuoir, ne passer par le mylieu ainsi qu'il est requis. es batailles maritaines, par ce que estans en la mer ne doiuent combattre à pied avec nous, ne encores doiuent estre assiegez par nous comme s'ilz fussent ferrez entre murailles: & ce diz, pource que si ainsi estoit, chose conuenable seroit qu'ilz cōbatissent dans des clostures de boys: & s'ilz veulent demeurer fermes en vng lieu avec leurs nauires front à front nous les pourrons desrompre avec des rācours & encores avec autres instrumēs deffaire, & d'auantaige brusler avec sayettes plaines de feu: & si d'auēture ilz ont hardiesse d'eulx mouuoir ou de pour suiure quelqu'ung, ne le pourront atteinre, que s'ilz se tournent en arriere ne pourrōt fuyr pource qu'elles sont pour leur pesanteur tres tardies & pour leur grādeur exposées & appareillées à estre offēsees. Et quest il besoing consumer plusieurs parolles parlant d'eulx & desquelz souuētefois auons prins experience, & pres de Leucade & peu au parauāt en ce lieu: & nō seulement auōs esté inferieurs à eulx ains plus tost tousiours superieurs. A ceste cause vous nō tāt inanimez p mes parolles que p vōz mesmes. faitz, efforcez vo<sup>s</sup> mettre fin à ceste fois à toutes les batailles, ioict que cōgnoissez bien si au iourd'hui sōmes victeurs qu'apres n'aurōs aucū obstacle. Et oultre ce tout hōme naturellemēt quant au cōmēcemēt de ses affaires il fault deuenir plus pusillanime, du reste & nō sans aucū doubte sōmes pl<sup>us</sup> puissans que eulx p terre en maniere que les pouōs sās dōmage soubmettre: ce qlz mesme

congnoissent tres bien: & ne vous veulx celer ce que i'ay ouy dire, cest assavoir que desia ilz se desesperét pour les choses passées, & ne se confiét demourás en terre de pouoir estre sauluez: au moyen dequoy ont fait ceste armée non pour combatre, ains pour fuyr, & en signe de ce ont mis en leurs nauires les plus precieuses richesses qu'ilz ayent, affin qu'en leur fuyte les puissent sauluer: & pource nous irons contre eulx, qui ia cōfessent estre plus debiles que nous, & portent les salaires de la victoire sur leurs nauires, lesquels nous devons efforcer de prendre en ce lieu auant qu'ilz soyent transportez en autre part.

Comment Cesar vainquit Anthoine pres le promontoire Attie.  
Chapitre LXXIX.

**C**esar apres auoir parlé en la maniere susdicte, se deliberoit laisser sortir hors les ennemys à ce qu'ilz fuyans les peust assaillir par derriere, car il esperoit par la veloxité de ses nauires les pouoir aconsfuyre en brief, & apres qu'ilz fussent congneuz auoir volenté de fuyr, s'attendoit de pouoir facilement subiuguer le reste. Mais ayant esté dissuadé par Agrippe, qui craignoit de ne les pouoir adioindre, les autres ayant commodité d'aller à voile: outre ce, se cōfiát de pouoir obtenir la victoire sans difficulté, car ce pendant vne grand pluye, & vne inundation de mer auoit agité l'armée de Anthoine, & icelle toute troublée alors laissa le premier cōseil & meit plusieurs souldardz de pied sur les nauires, & ayát apres mis to<sup>s</sup> ses cōpaignōs sur les nauires ministratoires à ce que naigeant hastiuement d'ung costé & d'autre guidassent ceulx qui cōbatoyent en ce qui estoit necessaire, & ainsi attédoit que les ennemys sortissent dehors. Lesquelz meuz au son de la trompette & mis en ordre avec plusieurs nauires peu loing des estroictz & ne procedans plus outre en aucune part, Cesar s'esmeut cōme s'il fust voulu venir à la bataille ilz demourás encores fermes o qu'il les fist fuyr, mais voyant qu'ilz ne faisoient compte de s'approcher ne encores de reculer, ains seulement demouroient fermes, & outre ce s'estoiét tirez moult pressez ensemble, alors fut en doute: & ayant cōmandé aux nautóniers de tenir leurs rames fermes en l'eau illec demoura coy par quelque téps, & depuis subitement ayant eslargy de vng pont enuironna les deux cornaulx esperant qu'il prédroit les ennemys au mylieu, ou pour le moins róproit leur ordre. Quoy voyant Anthoine & craignant l'incuruation de Cesar, & se doubtrát de n'estre prins au mylieu, sortit dehors à l'encôte le plus tost qu'il peut, & vint au cōbat avec Cesar cōtre sa volenté. Et ainsi se rencōtrant l'une armée avec l'autre fut la bataille commécée, se faisant entre eulx plusieurs adhortatiōs entát qu'il appartenoit à l'artifice & à la próptitude, & en oyans encores plusieurs de ceulx qui crioient estans en terre ferme, & cōbatoyent ceulx de Anthoine par semblable moyen: mais les Cefariens comme ceulx qui

qui auoyent plus petites nauires & subites vsoiét d'une impetueuse navigation, quoy faisant submergeoyent quelqu'un, ou bien s'en retournoyent en arriere. auant qu'ilz se appareillassent, puis de rechief les assailloyent ou bien les laissoyent & se dressoyent contre autres, & pource comme despeschant hastiuement s'en alloyent tantost contre les vngs & puis contre les autres pour les surprendre au despourueu le plus qu'ilz pouoyent, pour autant que côme qu'ilz doubtaissent la longue force des ennemys, & la bataille de pres, ne demouroyent guieres en l'assault, ains courans hastiuement en maniere qu'ilz préoccupassent le tirer des archiers, depuis qu'ilz auoyent nauré quel qu'ung, ou feulemēt perturbé, en forte qu'ilz obuiaissent de n'estre retenuz, se tiroyent hors le dāger des sayettes: mais les autres frappoyent ceulx qui leur couroyent sus à coups de pierres & de sayettes, & contre ceulx qui s'approchoyent leur gettoient des crochets de fer, & si par aduēture d'iceulx les pouoyent saisir, les subiuguoyent: mais s'ilz failloyent, estans leurs nauires choquées, incontinent se trouuoient submergez. Et quād ilz demouroient pour n'endurer ce trauail estoient apres plus subzmis à autres perilz, par ce que deux ou trois nauires ensemble assaillans vne mesme nauire aucunes faisoient ce qu'elles pouoyent, & les autres soustenoyent: au moyen dequoy estoient d'ung costé les gouuerneurs & nautonniers moult trauailleuz, & de l'autre les combatans: vne partie desquelz se assimilioit aux gens de cheual lesquelz maintenant assaillent & tout incontinent se mettent en fuyte, car le nauiguer a l'encontre & la retraicte leur estoit propre: & les autres estoiet semblables a hōmes armez qui attendent ceulx qui les veulent chocquer, & s'efforcent de les retenir, & pource estoient superieurs les vngs aux autres vne partie pource qu'ilz entroyent soubz les fondz des nauires & ce faict rōpyent les rames: & l'autre partie pource qu'avec pierres & autres instrumēs ilz submergeoiēt les ennemys: & encores estoiet inferieurs vne partie en ce qu'ilz ne pouoyent nuire aucunement à ceulx qui les assailloiet, & l'autre partie pource que s'ilz ne pouoiēt submerger au commencement quelque nauire qu'ilz eussent assaillie apres ne pouoyent cōbatre ensemble avec egal auantaige. Estāt doncques la bataille egalle par longue espace d'une part & d'autre, Cleopatra qui estoit entre les inundations de la mer, derriere ceulx qui cōbatoyent, ne peut attēdre le lōg & incertain succes de la bataille, ains estant lāguide & pusillanime tāt pour le sexe fēminin cōme pour estre Egyptienne, & pour l'anxieté douteuse, & pour la spectatiō craitiue, se mit hastiuemēt en fuyte & elleua le signe tāt aux autres cōme aux subiectz, lesquelz ayans subitemēt leuē les voiles & remis en mer, d'auātage estāt le vent prospere, Anthoine pēsa qu'ilz ne se departissent p le cōmandemēt de Cleopatra, ains de craicte cōme s'ilz fussēt vaincuz, p quoy se mit à les suiure: cause que fist perdre aux souldars le courage & les cōtrista grandemēt, & comme qu'ilz voulussent fuyr dresserent les aucuns encores les voiles, & les autres gettoient les tours en la mer, à ce que estans deschargées s'en peussent

Cleopatra  
en fuyte.

Anthoine  
en fuyte.

Bataille se  
con le uai-  
ualle.

fent fuyr: mais sur ce empeschez, les ennemys suruenans, lesquelz ne pour-  
fuyuoient ceulx qui fuyoiēt estans sans voiles & préparez seulement à la  
bataille plusieurs en chascune nauire combatirent tant de loing que corps à  
corps, en maniere que d'une part & d'autre fut attizée vne diuerse & aspre  
bataille, car les Cefariens destruisoyent toute la partie inferieure des nauire-  
s, rompans les rames & timontz, & montans sur les bancs prenoyent les  
aucuns & les tiroyent à eulx, les aucuns gettoyent en l'eau & avec autres cō-  
batoyent comme qu'ilz fussent esgaulx de multitude avec eulx. Mais les An-  
thoniens les repoulsoyent en arriere avec leurs lances, les tailloyent en pie-  
ces avec des coignées, leur gettoiet des pierres & autres poix préparez seu-  
lement pour tel office. En oultre repoulsoyent encores ceulx qui vouloyent  
monter sur leurs nauires & estoient mis avec ceulx qui venoyent au com-  
bat: & vng qui eust ce veu voulant faire comparaison des petites choses aux  
grandes, les auroit peu assimilier à quelzques murailles ou bien isles moult  
fortes assiegées par mer. Ainsi l'une part s'efforçoit de monter sur les nauire-  
s comme qu'ilz voulussent sauter en terre ferme, ou en quelque forte-  
resse, cherchans diligemment tout ce pour tel faict estre besoing. L'autre  
part les repoulsoit en arriere, machinant tout ce qui est acoustumé faire en  
tel ceuvre. A ceste cause estant la bataille egalle, Cesar doubta ce qu'il deust  
faire, feit venir du feu de son camp, par ce que du commencement n'en vou-  
lut vser à ce qu'il peust conquerir toutes les richesses: mais alors voyant  
qu'il luy seroit impossible autrement vaincre, se reduit à ce, comme dernier  
remede. Au moyē dequoy fut attizée vne autre espeece de bataille, par ce que  
les Cefariens souuentefois ensemble assaillans aucuns gettoyent des saiet-  
tes portans feu, & lampes ardantes: d'auantage avec certains instrumēs get-  
toyent des potz plains de charbons ardans & de poy: & les adueraires se  
deffendoyent le mieulx qu'ilz pouoyent repoulsans en arriere, neantmoins  
quand aucunesfois le feu tombant touchoit le boys des nauires incontīent  
se allumoit assez flāme, au commencement vsoyent d'eau douce pour l'a-  
mortir (chōse qui leur arriuoit,) mais depuis que ceste leur deffailloit, alors  
tiroyent de l'eau salée & en gettoiet en quātite sur le feu lequel ilz admor-  
tissoyent quasi par violēce: & ne pouans ce faire en tous les endroitz pour  
n'auoir plusieurs & grās instrumēs pour tirer eau, & cōme ceulx qui estoiet  
cōfuz & perturbēz, les tiroiet seulement à demy plains, non qu'ilz aydassent  
ains plus tost avec ceste eau plus allumoiet le feu, par ce que l'eau salée de  
la mer quād est gettée peu à peu sur le feu, le faict plus allumer: & voyans tel  
remede leur deffaillir, gettās leurs habillemēs plus gros, ensemble les corps  
mortz sur le feu & par ce fut p quelque tēps empesché, & sebla estre du tout  
estainct: mais depuis sefforcant le vēt cōmēca à plus s'enflāmer cōme aug-  
menté par eulx mesme: & ce pendant que se brusloit vne partie de la nauire  
aucūs s'approchoiet & saultoiet en l'eau partie en tailloiet & partie trāsferoiet  
en autre lieu, & aucūs en gettoiet en mer & les autres cōtre les ennemys à ce  
qu'ilz

qu'ilz les feissent participer du dommaige, & aucuns qui tousiours estoÿent en la partie saulue de derriere vsoÿent de crochets de fer & hastes ferrées affin que se tirans pres aucunes naures des ennemys, montassent en icelles: toutelfois voyans que nul l'approchoit d'eulx, estans seulement à ce ententifz & que le feu croissoit incessamment tout autour des naures & s'en alloit au fond alors leur suruindrent choses tresgriefues, car aucuns & especiallement les mariniers auant que la flamme l'approchast d'eulx estoÿent destruietz par le feu & aucuns estoÿent bruslez au mylieu d'icelle, comme en vne fournaise, aucuns se distilloÿent au moyen des armes qui estoÿent eschauffées, aucuns auant que venir à ce ou estans à demy bruslez geçtans leurs armes estoÿent naurez de loing par les ennemys, aucuns saultans en la mer estoÿent estouffez ou poulsez des ennemys mesmes ou bien estoÿent descirez par quelques animaux: & seulement ceulx la eurent vne fin tolerable selon le temps, lesquelz auant que venir à pis se occirét partie l'ung avecq l'autre & partie eulx mesmes & par ainsi n'endurerent aucune pugnition, & apres leur mort furent ars & bruslez dans les naures. Quoy voyans les Cefariens au commencement ce pendant que aucuns se pouoyent defendre ne s'approchoÿent d'eulx, mais depuis que le feu surprint toutes les naures, & que les hommes y estans ne se pouoyent ayder eulx mesmes, non qu'ilz peussent faire mal à autres, alors leur couroyent sus studieusement pour tenter si que par quelque moyen ilz peussent gagner le butin & taschoient de estaindre le feu qu'ilz mesmes auoyent allumé, au moyen dequoy plusieurs encores d'eulx mesmes tant par la flamme que par les rapi- nes avecq les naures furent destruietz.

Les Antho-  
niés vain-  
cu2.

# Le Cinquantevngiesme liure

DE DYON, HISTORIEN GREC,

Traduict d'Italien en Francois.

Le present liure faict mention cōment Cesar apres la victoire, dispoisoit des affaires lors presens: commēt Anthoine ayant esté vaincu, se gouvernoit avec Cleopatra, puis commēt il s'occist soy mesmes: comment Cesar subiugua Egypte, puis retourna à Rome, & y triompha: commēt le temple de Iulles fut consacré, & comment Misie fut prinse.



Comment Cesar ayant obtenu la victoire pres le promontoire Attie, dispoisa des affaires lors presens. Chap. LXXX.

**T** Elle bataille nauale fut faicte le deuxiesme iour de Septembre: & n'ay noté ce temps pour autre cause sinō pource que alors toute la puifface fut reduicte en Cesar seul, en maniere que les ans de sa monarchie commencent à compter de ce iour, & en ce mesme iour il offrit triremes & quadriremes & autres iusques aux dixremes des nauires qu'il auoit prinse, & ediffia vng temple maieur, constitua vne feste de musiciens & de exercitateurs, & le cours des cheualx qui se faict de cinq en cinq ans, laquel  
le

le feste s'appelle Attie & l'ayant partie r'assemblé & partie fait venir habiter des voyzins circonftans au lieu ou auoit esté fon camp ediffia vne cité appellée par nom Nicopolis, & au lieu ou estoit fa tête fait aorner de pierres quadrelatoires, & print des roftres des nauires ayant fait ediffier en icelluy vng temple de Appollo à descouuert. Ces choses furent depuis faictes: mais alors il enuoya vne partie de ses nauires pour pourfuyure Anthoine, lesquelles voyans ne le pouoir attaindre s'en retournerent avec le reste des nauires. Cesar print le fort des ennemys ilz ne luy faisant aucune resistance pour eulx trouuer en petit nombre, & depuis ayant prins sans batailler tout l'autre qui s'en alloit en Macedoyne se l'adioignit, & si encores aucuns des principaulx entre les Romains se retirerent deuers Anthoine, mais les cōpaignons se retirerent en leurs maisons: touteffois ilz ne feirent aucune bataille contre Cesar, ains eulx & tous les peuples qui paraient tenoyent contre les Romains, les aucuns incontinent & les autres depuis se accorderent. Et Cesar précouroit toutes les citez recourant sōmes de deniers & en leur ostant la puissance des citadins y demourans & priuât tous les hommes puiffans comme roys & autres des lieux par eulx receuz de Anthoine, excepté Amyntas & Archilaus. Semblablement osta la puissance à Philopates filz de Tarcondimont & Licomedes qui regnoit en la part du Pont de Capadoce, ensemble Alexandre frere de Iamblic, lequel pource qu'il auoit receu la seigneurie pour auoir accusé son frere & l'ayât mené avec luy au triūphe le fait mourir, & donna la seigneurie de Licomedes à vng Mede, pource qu'il fait rebeller les Misiens en Asie contre Anthoine auant la bataille de mer, avec lesquelz il cōbatit contre aucuns partisans de Anthoine & laissa liberes les Cidoniens & Lempeians, pource qu'ilz l'auoyēt aydé en quelque chose, & si fait edifier à ces Lempeians la cité qui estoit ruynée & destruicte & aux autres senateurs cheualiers & hommes principaulx qui auoyēt esté avec Anthoine, des aucuns print deniers, les aucuns fait mourir & aux autres pardonna, & entre eulx fut Sossien moult renommé, pour autant qu'il ayant souuenteffois combatu contre Cesar, & estant en fuyte & mussé & depuis finalement trouué, neâtmoins fut saulué & Marc Saurie & le frere de Sexte ney d'une mesme mere condemnez à mort furent sauluez pour le respect de sa mere nommée Mutie: mais de ceulx qui furent pugnis moult furent nommez les Aquilains, Floriens & Curion, cestuy cy pource qu'il estoit filz de ce Curion qui autreffois fait plusieurs choses dignes de memoire avec le premier Cesar: & quant aux Floriés ilz furent fameux, pource que ayât esté cōcedé que les sortz fussent tyrez, lequel deburoit mourir ou le pere ou le filz, tous deux moururent, par ce que le filz s'estât volontairemēt offert au bourreau auant le fort le pere apres de ce auoir esté aduertiy de dueil s'occist soy-mesme: mais la multitude des souldardz de Anthoine furent ascriptz à l'exercite de Cesar lequel depuis s'euoya les citadis ia vieulx & hors de laage robuste en Italie n'ayant à nul d'eulx donné aucune recompense, & le reste dis-

Edificatio  
de la cite  
de Nico-  
polis.

Marc saurie & le  
frere de  
Sexte saul  
uez.

perfa, car depuis que ceulx qui resteroient de la bataille luy furent mutins apres la victoire en Sicile, se doubta que vne autrefois ne feissent tumulte, au moyen dequoy auant que se feist aucun mouuement se hastia de oster aux aucuns les armes. du tout, & les aucuns departit, & ayant iusques à l'heure pour suspectz les affranchiz leur relaschea la quarte pension qu'ilz luy deuoient payer pour les deniers à eulx imposez. & ceulx la non seulement ne retindrent desdaing pour auoir esté priuez d'aucunes choses, ains se resiouiffoient comme s'ilz eussent receu tout ce qu'ilz n'eussent payé: & ceulx qui encores pour lors estoient en l'ordre acoustumé ne feirent aucune esmotion, partie pource qu'ilz en estoient retenuz par les Centurions & partie pour l'esperance qu'ilz auoyent du butin d'Egypte. Mais par le contraire ceulx qui auoyent obtenu la victoire avec luy & estoient deliurez de la gendarmerie se lamentoyent comme ceulx qui n'auoyent aucun salaire, & commencerent non guieres apres à esnouoir sedition: parquoy Cesar se doubtant d'eulx & craignant qu'ilz n'eussent en mespris Mecenas, auquel pour lors estoit comis le gouvernement de Rome & de tout le reste de l'Italie, pour estre cheualier, enuoya Agrippe en l'Italie comme pour autres affaires & donna telle puissance à luy & à Mecenas qu'ilz pouoyent lire auant tous autres les lettres qu'il enuoyoit au senat, & si auoyent puissance de muer & charger ce qu'ilz voudroyent. Et pour ceste cause eurent vng seel de luy à ce qu'ilz peussent sceller, car il feist faire deux seaulx de ceulx que pour lors il vsoit moult souuent, esquelz estoit insculpé vng semblable animal appellé Spinge: mais depuis y ayant fait insculper son ymaige en vsoit en toutes ses expeditions. ce que feirent depuis tous les emperours, excepté Galba, par ce qu'il vsa d'ung certain seel qui auoit esté de ses antecessours auquel estoit insculpé vng chien encliné avec le chief de la prore d'une nauire, & auoit Cesar acoustumé quand il vouloit notifier par lettres à Agrippe, Mecenas & autres ses amys aucune chose secrette, d'escrire tousiours la seconde lettre apres celle qu'il conuenoit escrire la premiere, voulant escrire apertement. Cestuy cy comme qu'il ne voulust suyure aucun trouble pour les soldardz disposa des affaires de Grece & fut participant des misteres de deux dieux, & estant passé en Asie mit ordre à ce qui estoit illec necessaire pour uoyant à son besoing contre Anthoine, car il n'auoit encores esté aduertuy du lieu ou il se fust certainemēt retiré, & se preparoit comme pour vouloir aller contre luy s'il faisoit quelque nouuel mouuement: mais en ces entrefaictes ayans les soldardz qui estoient en l'Italie manifestement meu sedition, pource qu'il estoit loing d'eulx, se doubta que prenans son preffect ilz ne luy feissent quelque ennuy, au moyen dequoy commist à autres chercher & pour suyure Anthoine, & estant l'uyer à demy passé s'en retourna en l'Italie. ∴ auquel il eut collegué au magistrat Marc Crassus la quatriesme fois, lequel biē qu'il eust esté de la pt de Sexte & de Anthoine, neātmoins alors ne ayant iamais esté preteur fut consul avec Cesar & estant arriué à Brandis ne

passa

Forme de  
escrire de  
Cesar, se-  
crettemēt.

La copie  
est telle.

∴

passa plus oultre, par ce que le senat aduertiy de sa venue, excepté les tribuns & deux preteurs qui demourerent en la cité selon les decretz de Rome, tout l'ordre Equestre & grand peuple vindrét au deuat de luy iusques en ce lieu, & autres, partie par ambassades & partie volontairement alors pour sa venue ne fut faicte aucune nouuelleté, le tout pour la faueur de la plus grád partie, pour autant que les plus grandz partie de paour & partie pour esperance aucuns q'furét appellez s'en vindrét à Brádis, & à aucús d'eulx Cesar donna deniers, & à ceulx q' de tousiours auoyent este en l'exercite avec luy distribua ptie du territoire, par ce que ayant dechassé les peuples qui auoyent suyuy le party de Anthoine donna aux souldardz leurs citez & possessions, & à aucuns donna habitation en Duras & Philippe, & aux autres deniers en lieu de territoire, & à autres en promist, par ce qu'il en auoit assez conquis par la victoire: mais encores en auoit assez plus despendu, & pource fait escrire au lieu public ou se tient le marché tant ses biens que ceulx de ses amys si aucuns les eussent voulu achepter ou faire permutation de quelque chose: mais nul osa faire l'une de ces deux offres, ains ayant receu pour ce honneste excuse de prológuer ses promesses les supplia depuis avec les despouilles d'Egypte. Or il auoit ordonné ce que dessus & concedé à ceulx qui auoyent prins congé de pouoir faire diete en Italie (chose non au parauant licite.) & ayát laissé le peuple qui estoit demouré en Rome pource ql n'estoit venu à luy, de rechef s'en retourna en Grece trente iours apres ql s'en estoit departy, & apres auoir fait passer les nauires par le Isthme de Pelopónesse pour le respect de la tempeste, depuis s'en alla en Asie.

De Anthoine & de Cleopatra & des choses qu'ilz feirent apres estre vaincuz. Chapitre LXXXI.

**A**ussi tost que Anthoine & Cleopatra entédirét en vng meisme instant qu'il estoit party & arriué, pource que depuis qu'ilz s'en fuirét de la bataille de mer ilz s'en vindrent enséble iusques au Pelopónesse & d'illec ayans réuoyé tous ceulx qu'ilz auoiét suspectz, plusieurs festans desia departis contre la volunté de Cleopatra, elle s'en alla en Egypte, à ce que ceulx la ne feissét quelque nouuelleté pour la rotte de son armée: & affin qu'elle peust entrer avec nauires seurement fait couronner les proues côme qu'elle eust obrenue la victoire & faisoit chäter des chantz triumpphantz des Tibicins: mais depuis qu'elle fut en lieu seur fait mourir plusieurs des principaulx comme ceulx qui de tousiours luy auoyent esté contraires, & alors festoyent reuoltez pour sa perte: & si accumuloyt grádz richesses de leurs possessions & d'autres biens sacrez & diuins elle ne s'absteinant des temples, voire moult secretz, & appareilloit exercites & compaignons de ses circonuoyens: & ayant occis le roy Armenien; enuoya son chief au roy Mede, esperát pour ce auoir de luy secours. Mais Anthoine na

Diffimula  
tion de  
Anthoine  
enuers les  
Egyptiés.

Mort du  
roy Arme  
nien.

uigua en Affricque deuers Pinaire Scarpe & l'exercite q̄ estoit avec luy ras-  
 féblé parauant en ce lieu pour la garde & deffence de Egypte: toutes fois de-  
 puis que Pinaire ne le voulut recepuoir occist les souldardz qu'il auoit en-  
 uoyez deuant & feist mourir aucuns des siens qui de ce estoient dolens. A-  
 lors s'en passa Anthoine en Alexandrie n'ayant fait aucune chose, ou avec  
 Cleopatra se préparoit à la bataille comme qu'elle deust en brief suruenir, &  
 entre les autres choses de ses enfans, Cleopatra ascripuit Cesarion au nô-  
 bre des Ephebiens, & Anthoine leur ascripuit Attilie qui luy estoit né de  
 Fuluie, à ce que les Egyptiens fussent plus promptz comme estans desia gou-  
 uernez par vng roy masse, & les autres (s'il leur arriuoit aucune chose sini-  
 stre) ayans les enfans pour cappitaines fussent plus puissans. Laquelle chose  
 fut occasion de la destruction de ces enfans, pour autant que Cesar ne par-  
 donna à aucun d'eulx comme que desia ilz fussent hômes & eussent vne cer-  
 taine ymaige de seigneurie. Ainsi Anthoine & Cleopatra se préparoyent  
 comme filz eussent deu combatre en Egypte tant par mer que par terre, à  
 laquelle guerre ilz exhortoyét les peuples voylins & les roys & leurs amys,  
 & neantmoins se préparoyent encores comme qu'ilz deussent nauiguer en  
 Espaigne s'ilz en auoyent aucunement besoing avec voluté de faire rebel-  
 ler ces nations, especiallement avec quantité de deniers: ou bien passer de-  
 uers la mer rouge: & affin que ce tel leur conseil fust plus longuement oc-  
 culté & deceussent Cesar, ou le feissent mourir par trahyson, enuoyerent  
 aucuns des leurs pour traicter la paix avec luy, mais à ceulx qui estoynet pres  
 de luy portoyent secrettement deniers: & manda alors Cleopatra à Cesar  
 au desceu de Anthoine vng sceptre royal, vne couronne d'or & vne char-  
 rette royalle comme qu'elle pour ces presens luy meist la seigneurie entre  
 ses mains. Et cela fait à ce que s'il auoit Anthoine en hayne, au moins d'elle  
 eust misericorde. Cesar accepta & receut les dons qu'il estima pour vne au-  
 gure: mais à Anthoine ne feist responce aucune, bien manda publicquement  
 à Cleopatra parolles de menasses luy denonceant que si elle delaissoit les ar-  
 mes & le royaulme que apres delibereroit ce qu'il debueroit faire d'elle, tou-  
 tefois secrettement luy enuoya dire que si elle faisoit mettre à mort An-  
 thoine il luy donneroit seurté & la seigneurie entiere. Durant ce temps les  
 Arabes persuadez par Quintus Didius preffect de Syrie bruslerent les na-  
 uires qui estoient au sein Arabic faictes pour nauiguer en la mer rouge, &  
 tous les peuples & hommes puissans desnierent luy donner secours. & me-  
 esmerueille comme plusieurs autrés qui auoyent esté par eulx grandement  
 beneficiez, neantmoins les habandonnerent: mais ceulx qui auoyent esté  
 nourriz vilement en lart gladiatoire par eulx vserent d'une grand prom-  
 ptitude & combatirent virilement, car ceulx cy exercitez en Cixicque aux  
 ieux des triumphes, lesquelz ilz esperoyét deuoit faire en la destruction de  
 Cesar, aduertiz de ce qui auoit esté fait en Egypte, incontinent se misrent  
 en voye comme pour leur donner secours & feirent plusieurs menées en  
 Galatie

Dans en-  
 uoyez par  
 Cleopatra  
 a Cesar.

clous 711

20

100

153

20

100

Galatie contre Amyntas, & maintes en Cilicie cõtre les enfans de Tarcondemont, qui estoient leurs amys: mais en ce temps estoient changez selon la fortune: & pareillement firent plusieurs emprinses cõtre Didius qui leur empeschoit le passaige, toute fois pour ce ne peurent passer en Egypte, mais depuis qu'ilz furent vuironnez de tous costez ne voulurent accepter aucun appointement. (bien que continuellement leurs fussent faictes promesses par Didius) ains ayas enuoyé querir Anthoine comme qu'ilz fussent pour mieulx cõbatre ensemble luy en Syrie, & voyans qu'il ne faisoit cõpte de venir & ne leur auoit enuoyé aucune ambassade, & pour ce pensans qu'il fust mort, contre leur volunté se accorderent avecq condition que iamais plus n'exercitassent l'art gladiatoire, & receurent de Didius pour leur habitation Daphne bourg des Anthiochiens iusques à tant que le tout seroit declairé à Cesar: mais ayans depuis esté deceuz par Messalla furét enuoyez les vngs d'ung costé & les autres d'ung autre comme qu'ilz eussent esté ascriptz es exercites: & ainsi par vng certain bon moyen furent destruitz. Et Anthoine & Cleopatra ayans entendu ce que mandoit Cesar, luy enuoyerét de rechief, assauoir Cleopatra luy pmettoit grosses sõmes de deniers, & Anthoine luy reduire en memoire l'anticque amytié, & oultre ce, faire l'excuse pour l'usance qu'il auoit faicte avec la femme Egyptienne, & luy connumereroit tout ce qu'ilz auoyent faict estans ieunes enfans l'ung avec l'autre: & finalement luy mit entre mains Publie Turolie senateur l'ung des persecuteurs de Cesar q se estoit allié avec luy pour amy: & d'auantaige promettoit de se occir soy mesme si pour ce Cleopatra debuoit estre sauuée: toute fois Cesar fait mourir Turolie, pour ce qu'il auoit faict couper du boys de la forest cõsacrée de Appollo en l'isle Coos pour construire des nauires, & depuis ayant esté pugny en ce mesme lieu sembla estre vengé par le dieu, & à Anthoine ne fait alors aucune responce. Quoy voyant Anthoine pour la troisieme fois enuoya ambassade deuers Cesar, & son filz Antille, avecq grosse quantité d'or: mais Cesar receut les deniers & renvoia Antille, incõtinement sans écores luy faire respõce, bien à Cleopatra cõme à la premiere fois ainsi la seconde & la tierce, & vfa de menasses & de promesses: neantmoins craignant qu'ilz encores ne demourassent fors, de desesperans de pouoir obtenir pardon de luy, ou passassent en Gaule, ou Espagne, ou qu'ilz ne perdissent les deniers qu'il auoit entendu ilz auoir en grand quantité: car Cleopatra les reduisoit tous en la sepulture qui estoit en la court royalle, & menassoit de les ardoir avec elle si elle ne pouoit obtenir seulement quelque petite chose. Alors Cesar enuoya Thirse son affrâchy pour luy dire plusieurs humaines parolles: & entre autres que Cesar l'aymoit: pour veoir si par aduerture elle comme celle qui pensoit estre digne de l'amour de tout homme, feroit mourir Anthoine, & se garderoit saine avec ses deniers. & ainsi aduint: Mais auant que telles choses arriuaissent ayât Anthoine entendu cõme Cornelius Gallus auoit prins l'exercite de Scarpe, avec lequel il auoit tout aussi

Mort de  
Publie Tu  
rolie sena  
teur.

Ambassa  
de de An  
thoine.

Parthoine  
prinç par  
Cornelius  
Gallus.

toſt occupé Parthoine ne ſ'en alla en Syrie (bien qu'il en euſt voluté pour la requeſte à luy faiſte par les gladiateurs) ains ſe meut pour aller contre luy cõme qu'il deũt conquerter les gës d'armes ſans peine, par ce que au moyen de la gendarmerie ſuyuie enſemble, auoyét vne certaine beniuolèce en ſon endroit, & ſinon par amour, les vouloit prendre par force, cõme celluy qui cõduiſoit grãd puissance tant par mer que par terre: neantmoins ne peut parler à eulx, cõbien qu'il allaſt iuſques aupres des murailles & criaſt à haulte voix, pource que Gallus ayant cõmandé à ſes trõpettes qu'ilz ſonnaſſent ne laiſſa entendre aucune parolle: & d'auãtaige en vne courſe qu'il feit ſubitemét fut rõpu, & depuis eut encores infortune en ſes nauires, par ce que Gallus auoir faiſt la nuit precedete eſtredre des cheſnes ſoubz eau en la bouche du port ne feit faire aucune garde manifeſte contre Anthoine, ains le laiſſa entrer dedans en grand audace, touteſſois depuis qu'ilz furent entrez, avecques quelques inſtrumens il tira en hault les cheſnes & ayãt enuironé de tous coſtez les nauires tant de deſſus le riuage des maiſons que du coſté de la mer, partie en bruſſa & partie en ſubmergea. Et ce pẽdant Ceſar print Pelofee (ainſi qu'on diſoit) par force: mais de vray p ce qu'il luy auoit eſté trahy p Cleopatra, par ce qu'elle voyãt que aucun ſecours ne luy venoit & cõgnoiſſant ne pouoir reſiſter à la puissance de Ceſar, & eſpeciallemét ce qu'elle eſtimoit le pl<sup>o</sup> oyãt les parolles de Thirſe creut certainemét eſtre aymée de Ceſar: premieremét pource qu'elle le deſiroit depuis que ſemblablemét ſ'eſtoit ſoubz-miſe à ſon pere & à Anthoine, & pource non ſeulement deuoit eſtre ſeure, & obtenir le royaulme de Egypte, ains ſ'attendoit encores d'auoir l'ẽpire des Romains, au moyen dequoy incõtinét luy trahyſt Pelofe, & depuis ſ'approchãt Ceſar de la citẽ elle occultemét empescha les Alexandris qu'ilz ne fortiſſent cõtre luy: mais quãt aux parolles appertemét leur cõmãdoit le ſortir: & Anthoine retournãt de Parthoine à la renõmée de Pelofe rẽcõtra Ceſar deũãt Alexandrie, & l'ayãt trouuẽ las & trauaillẽ pour le chemin obtint la victoire avec les gës de cheual, au moyen de laquelle victoire ayãt pris couraige, & pource encores qu'il auoit faiſt tirer dãs le cãp de Ceſar des lettres attachées à des ſayettes eſquelles eſtoit cõtenu qu'il leur promettoit mil cinq cẽs dragmes vint à la bataille avec ſes gës de pied & fut vaincu, pourautãt que Ceſar meſme volontairemét leut les lettres à ſes ſouldardz, à ce qu'il calumniaſt Anthoine, & feit aux gës d'armes honte de la trahyſon & les feiſt plus prõptz pour luy, en maniere que ſe lamentans d'eſtre tẽptez & voulans demonſtrer de ne ſembler volontairement faire mal, eſtoyent plus diligens.

Pelofe tra  
hie par  
Cleopatra

Anthoine  
vaincu.

Comment Anthoine ſe voyant vaincu ſe mit à mort luy meſme.

Chapitre

LXXXII.

SE voyant Anthoine doncques ainſi vaincu, contre ſon oppinion, ſe retira à ſon armée de mer cõme ſ'il euſt voulu combattre avec ſes nauires, ou bien du tout nauiguer en Eſpaigne: mais ce voyant Cleopatra feit tãt que  
les

les nauires se mirent en fuyte, & se retira dans le tēple de Iuno faignant avec parolles d'auoir paour de Cesar & se vouloir occir auāt en quelque maniere, touteſſois en effect elle vouloit que Anthoine vint dans le tēple, lequel se doubtoit mōlt d'estre trahy, neātmoīs l'amour ne le luy laiſſoit certainemēt croire, ains pluſtoſt auoit pitiē plus d'elle que de ſoymeſme: dont Cleopatra aduertie manifeſtemēt eut eſperance que ſ'il entendoit elle eſtre morte il ne deſireroit plus viure, ains incontinent mourroit: & pour ce entra ſubitemēt en vne ſepulture avec vng enucque & deux chāberieres, & de la feit denōcer à Anthoine cōme elle eſtoit morte, lequel ce oyant ne demoura gueres, mais voulut incontinent mourir apres elle, & illec premieremēt ſupplia l'ung des ſiens la preſent qu'il le vouluſt occir, mais luy depuis que ceſtuy la ayant deſguaiſné ſon eſpēe ſe tua ſoymeſme, Anthoine le voulut imiter, & ſe frappa ſoymeſme ſi qu'il tōba ſur la face de ceulx qui eſtoyent circonſtans, croyans il eſtre mort, & ſ'eſtant pour ce leuē vng grand bruit, Cleopatra l'entendit & mit ſa teſte hors la ſepulture, p ce que les portes d'icelle vne fois fermées ne ſe pouoyent ouuir avec aucun engin, mais la couerture n'eſtoit du tout cloſe, & aucuns à ſi haulte voix crierent que Anthoine ayant entendu qu'elle eſtoit ſauluēe ſe leua de terre comme qu'il peuſt encores viure, touteſſois luy eſtant ſortie grand eſfuſion de ſang ſe deſeſpera de ſon propre ſalut, & pria ceulx qui eſtoyent preſens de le porter à la ſepulture de Cleopatra & le tiraſ ſent en hault avec les cordes y eſtans pendues pour tenir les pierres. ce qui fut fait: & ainſi mourut Anthoine au giron de Cleopatra: mais elle mit audace à Cesar, & incontinent luy monſtra ce qu'elle auoit fait, neantmoins ne ſe confioit du tout de ne ſouſtenir quelque ennuy, au moyen dequoy ſe cōtenoit dās la ſepulture, affin que ſi pour autre reſpect elle ne pouoit eſtre ſauluēe, à tout le moins pour la paour de ſes deniers elle acheptaſt la ſeurtē & le royaulme, en maniere qu'elle encores eſtant en ſi grand calamité auoit ſouuenāce de la puissance, & pluſtoſt eſliſoit mourir au nom & habit royal que viure comme perſonne priuēe: & auoit avec elle deniers, feu, ſerpens & autres animaulx venimeux deſquelz elle auoit fait preuue en autres hōmes en quelle ſorte chaſcun d'eulx induiſoit la mort: mais Cesar deſiroit d'auoir en ſa puissance les treſors & de la prédre viue pour la mener au triumphe: neātmoīs ne voulut, luy donnant quelque foy, apres ſembler vng traître, à ce qu'il peuſt vſer d'elle cōme d'une meſchante fēme, & pource luy enuoya Gaye Porcilie cheualier, & Epaphrodite affranchy, leur ayant cōmandē ce qu'ilz deuoyēt dire ou faire: leſquelz arriuez deuers Cleopatra & luy auoir dit quelques polles modeſtes incōtinēt la prindrēt auāt qu'elle leur cōſētīſt aucune choſe. Et ce fait luy oſterent d'entre les manis tout ce qu'elle pouoit préparer pour ſa mort & la laiſſerent demourer par aucuns iours en la region iuſques à ce qu'elle euſt enſepuely le corps de Anthoine ſelon l'uſance Egyptienne. Apres la menerent es palais royaulx ne luy ayans oſté aucune choſe ny de ſes ſerfz ny de ſes habitz acouſtumez, à ce qu'elle prinſt plus

Trahiſon  
de Cleo-  
patra cō-  
tre Anthoi-  
ne,

Mort de  
Anthoine.

Cleopatra  
prinē.

grand esperance de ce qu'elle desiroit & ne se feist aucun ennuy: & elle ayant grand delir de veoir Cesar & parler à luy l'obtint facilement, & affin qu'elle fust plus deceue Cesar promit de aller deuers elle, au moyen dequoy elle ayant fait aorner vng palais moult splendide & vng liēt tressumptueux, & oultre s'estant parée moult negligemment, par ce qu'elle sembloit tresbelle en habit lugubre & triste, & ce fait se assist sur le liēt ayant mis sur icelluy plusieurs & diuerses ymaiges du pere de Cesar, & auoit en son giron toutes les lettres que autressois il luy auoit enuoyées, & depuis suruenant Cesar elle faulta en hault moult aprement luy disant: Dieu te faulue ô seigneur, car les dieux te ont donné ce nom & me l'ont osté, mais tu voys ton pere en ceste forme, en laquelle il auoit acoustumé souuentefois venir deuers moy, & tu scaiz en quelle sorte il me donna autres honneurs & me fait royne de Egypte, & à ce que tu entendes de luy quelque chose de moy prens & liz les lettres qu'il m'escripuit de sa main propre, & ce disant lisoit ensemble plusieurs parolles amyables de Cesar, & tantost pleuroit, & tantost bai-soit les lettres, tantost se gettoit sur ses ymaiges & les adoroit, tournoit ses yeulx deuers Cesar, faisoit grandz lamentations & disoit aucunes parolles molles & delicates comme cestes, Que me vallent ô Cesar tes lettres? aucune-fois disoit, Neâtmoïs tu me demoures vif en cestuy cy: & puis de rechef, Dieu voulust que ie fusse morte apres toy: & puis encores disoit, Mais toute-fois ie ayant cestuy, ie t'ay. Ainsi Cleopatra vsoit d'une certaine telle diuersité de gestes, & departit parlant & regardant doucement deuers luy. Alors Cesar voyant les choses dessusdictes congneut bien certainemēt qu'elle estoit passionnée, toute-fois ne faisoit demonstration de foy, ains tenans ses yeulx contre terre, dist seulement ce qui s'ensuyt: Ayes confiance ô femme & prendz bon couraige, car tu n'endureras aucun mal. Et Cleopatra s'estant cōtristée pource que Cesar ne l'auoit regardée, & ne luy auoit parlé du royaulme, ne demōstré aucun signe d'amour, se getta à ses genoulx & dist en pleurant: O Cesar, ie ne veulx, ny encores puis viure, & te demande ceste grace pour l'honneur de ton pere, que puis que la fortune apres sa mort m'a conioincte avecques Anthoine, ie meure avecq luy, & voulust dieu que ie fusse morte incōtinent apres Cesar, mais depuis que ma destinée vouloit que ie fusse conduicte à ce terme, enuoyes moy à Anthoine, & ne me vueilles desnier que ie ne soye ensepuelie avecques luy, affin que, sicomme ie meurs pour sa cause, ainsi ie puisse habiter avecq luy en enfer: & disoit ces parolles avecq esperance de receuoir misericorde: mais Cesar sur ce ne fait aucune responce, ains craignāt qu'elle ne s'occist d'elle mesme, de rechef luy dist qu'elle ne se foulciait & fust allegre: & ne luy osta ses officiers domestiques, toute-fois la tenoit soubz bonne garde qu'elle ne se desesperast, à ce que viue elle peust illustrer ses triumphes: dont elle se doubtant, & estimant ce plus grief à supporter que mille mortz, vrayement desiroit mourir, & supplyoit Cesar qu'elle peust mourir en quelque sorte, & en soy mesmes y-

Cleopatra  
parlant a  
Cesar.

maginoit plusieurs voyes: neantmoïs voyât que riens ne venoit à effect, fai-  
 gnit de s'estre repentie, comme qu'elle eust grand esperance tant en luy que  
 en Liuie, & disoit que volutairement vouloit nauiguer avecq luy, & prépa-  
 roit certains aornemens pour donner à Liuie, pour veoir si soubz couleur  
 de ces signes, faisant faincte de ne vouloir mourir, elle seroit gardée moins  
 diligemment, & ainsi se peust occir: chose qui luy succeda, pour autant que  
 depuis que Epaphrodite, & les autres commis à sa garde pensans elle ce fai-  
 re de bon couraige remirent la diligence de la garder: alors s'appareil-  
 loit de faire vne mort la moins moleste qu'elle peust, & ayant donné vne  
 lettre seellée à Epaphrodite pour porter à Cesar en laquelle le prioit qu'il  
 la feist ensepulturer avec Anthoine (& ce affin qu'en son absence il ne sa-  
 chant le contenu de la lettre elle se peust despeschier) commença venir au  
 faict parquoy se vestit d'une tresbelle robe & se aorna moult decentement,  
 & auoir prins l'habit royal, mourut: & ne se scait en quelle maniere, par ce  
 que seulemēt luy furent trouuées au bras aucunes pointures moult petites:  
 & dit on que vng aspic luy fut en vng vaisseau d'eau ou être certaiēs fleurs:  
 aucuns dient qu'elle auoit vng fillet duquel elle dresseoit ses cheueulx tainct  
 d'ung venin de telle efficace que autrement ne faisoit mal au corps mais s'il  
 touchoit seulement vng peu de sang induisoit vne mort moult soubdaine  
 & sans douleur, lequel elle porta en sa teste & alors se picqua le bras en ma-  
 niere que le fil toucha le sang. ainsi se dict: ou bien qu'elle mourut avec deux  
 de ses chábrieres pour ce que le enuque si tost qu'il sentit la royne estre per-  
 due soy mesme s'offrit à la morsure des serpens & apres qu'il fut mort se ge-  
 cta en vne pire qu'il auoit appareillée à ceste fin. Cesar aduertiy de sa mort,  
 fut moult esbahy & voulut veoir son corps auquel il apposa medecines  
 Pfilles qui sont tous males, & aucune femelle ne naist Pfille, & sont hōmes  
 de telle nature qu'ilz peuvent succer du corps humain tout venin de serpent  
 auant que l'homme meure, & ilz mortz ne reçoient dommaige d'aucune  
 espece de serpens & naissent l'ung de l'autre: & font ceste preuue des enfans  
 qui naissent, car incontinent qu'ilz sont nez les mectent entre des serpens,  
 ou bien gectent ses draps sur quelque serpent, & ne font aucun mal à l'en-  
 fant touchât sa robe, ains deüient endormy. Telz sont ces hommes. Mais  
 Cesar ne pouant aucunement faire retourner en soy Cleopatra, s'esmerueill-  
 la d'elle, en eut compassion, & en print grad douleur comme quil feust priué  
 de toute la gloire de la guerre. Anthoine & Cleopatra qui furent cause de  
 plusieurs maulx tant aux Egyptiens comme aux Romains combattirent &  
 moururent en ceste maniere & furent vaincuz en vne mesme forte & mis  
 en vne mesme sepulture, & eurent telle nature de couraige & fortune de leur  
 vie. Anthoine n'estoit a aucun inferieur quant a congnoistre ce qui es-  
 toit oportun, & faisoit maintes choses assez follement: & en aucunes pas-  
 soit tous les autres de virilité, en aucunes erra grandement par timidité,  
 & esgallement vsoit de magnificence & seruilité. Il desrobboit les biens

Diuersité  
 de la mort  
 de Cleopa-  
 tra.

Coustume  
 de Anthoi-  
 ne.

d'autruy, & despendoit prodigallement les siens, auoit misericorde de plusieurs sans raison, & pugniffoit plusieurs iustement, & pource estant deuenu de tresdebile trespuissant; & de trespoure tresriche; ne peut mettre en œuvre aucune de ces deux choses, ains esperant luy seul deuboir obtenir l'empire de Rome, depuis se occist soy mesmes. Mais Cleopatra ayant esté insatiable de lubricité, & insatiable de deniers, & vse d'une grád ambition, cupidité de gloire, d'une grand audace & temerité, conquist le royaume des Egyptiens par amour, & paruenue en esperance d'obtenir celluy des Romains par semblable voye, n'eut ce qu'elle desiroit & perdit l'autre. Elle eut en sa puissance deux tresgrandz personnaiges Romains qui furent de son temps, & se occist soy mesme pour le troisieme. Anthoine & Cleopatra furent telz, & eurent telle fin. Et quant aux deux enfans, Antille bien qu'il fust promis à la fille de Cesar, & sen feust fuy dans le temple de son pere lequel auoit ediffié Cleopatra, incontinent fut occis. Cesarion s'enfuyât en Ethio pie fut prins par le chemin & depuis mis à mort. Et Cleopatra fut mariée avec Iuba filz de Iuba, par ce qu'il estant nourry en Italie & exercité au fait de guerre avec Cesar, luy donna ceste fille avec le royaume paternel, & leur conceda encores Alexandre, Ptholomé & à ses nieces nées de Octauiue sa sœur & de Anthoine distribua deniers de la substance de leur pere, & à Iules filz de Anthoine & de Fulvie comanda que ses affranchiz luy donnassent tout ce qu'ilz estoiet obligez à luy laisser seló la loy apres leur mort: & de ceulx qui iusques alors auoyent maintenu la part de Anthoine les aucuns pugnift, les aucuns laissa aller franchemét, par sa grace, ou par intercession de ses amys. Et voyant que pres de luy furent trouuez plusieurs enfans tât de roys que homes puiffas, nourris ou pour ostages ou pour iniure, partie d'eulx renuoya en leurs maisons, & partie en copula par mariage ensemble, desquelz ie tairay le reste, & feray seulement mention de deux: car il rédit Iotapas au Mede, lequel incotinét s'accorda à luy depuis la rotte: touteffois á Artaxes (bien qu'il l'eust supplié) ne réuoya ses freres, pource qu'il auoit occis les Romains demourez en Armenie. Telles choses furent faictes contre les autres: mais à tous les Egyptiens & Alexandrins pardonna, en maniere que nul d'eulx fut mis a mort, & la vraye occasió fut pource qu'il ne vouloit faire aucun mal insatiable à eulx qui estoient tant & si utiles aux Romains, neantmoins il faignoit leur pardonner pour l'honneur du dieu Serapide, & de Alixandre son conditeur, & le tiers, de Arius son citadin, duquel il v soit pour só familier philosophe: & la raison pour laquelle il les pdonoit, disoit en parolles grecques, qui imputoient ce affin qu'ilz fussent avec luy. Ce faict il voulut veoir le corps de Alexádre, & le toucher, en maniere que (côme ló dit) il luy rompit quelque peu du nez; Mais les corps des roys Ptoloméans (bien que les Alexandrins avec grand estude chercheassent les moyens de les monstrier) ne les voulut veoir, disant en ceste maniere, le desir de veoir vng roy & non les corps mortz. Et pour ceste mesme cause il ne voulut

Vices de  
Cleopatra.

Antille occis.  
Cesarion occis.

aller

aller veoir les dieux Apides, se disât coustumier de adorer les dieux & non les bœufz. Depuis ce temps il feit l'Egypte tributaire, & la soubzmit à Cornelius Gallus, par ce que pour le respect de la multitude des homes de la regió & des citez, & pour la facilité de leurs coustumes, & pour la victoire des bledz, & pour les deniers, non seulement ne la voulut commettre soubz aucun senateur mais encores ne donna congé à aucū d'eulx de demourer en icelle s'il ne luy concedoit par nom: neantmoins ne conceda encores à ceulx cy qu'ilz eussent lieu au senat en Romme, bien à autres le fut concedé. Aux Alexandrins comanda qu'ilz se gouvernassent sans senateurs tāt se doubta d'eulx qu'ilz ne fissent nouuelleté: & ilz ayās esté ordōnez en ceste maniere, les autres choses furent obseruées moult diligēment: toutefois soubz Seuerus empereur les Alexandrins comēcerent d'auoir le senat, & soubz Anthoine son filz furēt ascriptz dans le senat Romain. Egypte fut en ceste maniere soubzmise, car tous ceulx qui tenoiēt avec eulx en vng certain tēps furent subiuguez; cōme les dieux encores apertemēt le demonstrent, par ce que ou iamais ne neigea, pleut, non eaue, ains du sang, & tōboyent des nues & se veoyent des armes, & aucūs sons de tabourins & ciballes estoiet ouys d'autres endroictz, & vng dragō qui subitement apparut feit à chascū grād frayeur. Aussi en ce tēps furēt veues encores les cometes, & aucuns ymages d'hōmes mortz, les statues sembloiet estre mēstes & tristes, & le dieu Apis pleura. Telles choses dōcques furent ainsi faictes. Mais grād quātité de deniers fut trouuée en la court royalle, pour autant que Cleopatra la réplist du tout ayant prins les offrādes mises es temples des dieux, & fait le butin aux Romains sans qu'ilz fussent sacrileges. Maintes autres choses furēt rassemblées de chascun qui fust encoulpé de quelque chose, & de par soy to<sup>9</sup> ceulx qui ne pouoyent estre accusez d'aucun peché furēt requis de payer les deux parties de leur bien, desquelz tributz tous les gens d'armes receurent ce qui leur estoit deu, & ceulx qui pour lors estoient avec Cesar eurent deux cēs cinquante dragmes à ce qu'ilz ne missent la cité à sac, & à ceulx qui eussent engagé de leurs biens le tout fut relasché. Aussi plusieurs choses furent données aux senateurs & cheualiers qui auoiet esté participans en quelque fait de la bataille, & vniuersellement l'empire des Romains deuint moult riche, & furent leurs temples tresricheement aornez. Apres que Cesar eut fait ce que dessus, & edificée vne cité au lieu de la bataille, & luy ayant doné le nom & la mesme feste qu'il donna à la premiere des fous du Nil, partiē en fait purger & partiē en fait chaner de nouuel, disposant de toutes les autres choses necessaires: & ce fait, passa par Syrie pour aller deuers la gent de Asie, ou il seiourna durant l'yuer. Et ayant donné ordre & appaisé les affaires des subgetz & des Parthes, par ce que estans premierement en dissiant & vng nommé Theridates s'estre leué contre Phraates au commencement ce pendant que Anthoine leur faisoit resistance, encores depuis la bataille naualle, non seulement aucun d'eulx en sa compagnie, bien que le

Signes ap-  
paruz en  
Egypte.

Phraates,  
Teridates.

deman-

demadassét mais ne leur dóna tát seulement autre respóse sino ql y péseroit prenát ceste excuse d'estre occupé iouxte les affaires d'Egypte, mais en verité ce faisoit il affin que ce pédát ilz se ruynassent l'ung l'autre. Alors dónques voyant Anthoine mort & que Teridates vaincu se retira en Syrie, & Phraates auoir obtenu la victoire, luy enuoya ambassadeurs, respódit à tous deux amyablement & à Teridates ne promist aucun secours (bien luy dóna congé de demourer en Syrie) & ayant receu vng filz de Phraates receu en lieu de benefice le mena avec luy à Romme. Mais en ce temps & encores au parauant la victoire nauale les Romains en la cité commirent plusieurs choses à Cesar par decret car ilz luy concederent qu'il peüst triompher de Cleopatra & luy donnerent vne charrette triumphale en la place Romaine & qu'il harnast le tēple de Iules des rostres des nauires prinſes, & que en fa louēge il feist vne feste de cinq en cinq ans, que le iour de sa natiuité & celuy auquel fut denoncée la victoire feussent sacrez. D'auantaige ordonnerēt que quand il entreroit en la cité la vierge Vestalle, le Senat, & le peuple avec leurs femmes & enfans allassent au deuant de luy, & seroit superfluz maintenant faire mention des veux, des statues, des préeminences & autres semblables choses à luy decretées. La premiere fois donques ilz luy concederent ce que dessus á esté dict. Au regard des aornemens de Anthoine, partie furent deschirez & partie donnez, & si determinerent que le iour auquel il estoit né fust abhominable, & voulurent que nul de ses parens retint le surnóm de Marc: mais depuis que fut sa mort denoncée étant consul Ciceró filz de Ciceron en vne partie de l'an aucuns penserent que ce ne feust fait sans diuin cōseil, par ce que son pere auoit esté mis à mort à la poursuite de Anthoine: & oultre ce confirmerent à Cesar par decret assauoir coronnes, & maintes autres festes, & si luy concederent encores autres triumphes cōme pour la victoire cōtre les Egyptiēs, car Anthoine ne les autres Romains qui estoient avec luy ne furent nommez comme qu'il ne feust licite faire feste pour eulx. Aussi determinerent que le iour de la prinſe de Alexandrie fust bon, & que es ans ensuyuans elle fust réputée le cōmencement d'iceulx, que Cesar eust durant sa vie la puissance des tribuns & peüst dōner secours à quiconques inuocquast son ayde au dedans des murailles & dehors iusques à la huytiesme partie de demy stade (chose non licite à nul autre tribú) & qu'il appellé peüst iuger, que en tous iugemens il eust vne voix comme la déesse Palas, que les prestres & prestresses es oraisons faictes pour le peuple & le senat priassent encores pour luy, pareillement commanderent que non es conuis publicques, ains encores priuez, tout homme luy cedast, & ayant esté designé consul la cinquiesme fois avecq Sexte Apulée, confirmerent par serment tout ce qu'il auoit fait au cōmencement du mois de Ianuier. Et veues que furent les lettres enuoyées par les Parthes, determinerent qu'il fust escript esgallement avec les dieux, en semble que la tribu feust nommée Iulie en son temps, & que en toutes les congregations du peuple il vſast de

coronnes

Ciceron  
filz de  
Marc Cice  
ron cōsul.

coronnes triumphalles, que les senateurs qui auoyēt esté en la victoire avec luy peussent mener pompe avecq luy vestuz de robes de pourpre, & que le iour auquel il entra en la cité fust celebré avec plusieurs sacrifices de tout le peuple, & de la en auāt comme sacré, & qu'il peust eslire oultre le nombre accoustumé tousiours tant de prestres que bō luy semblast : laquelle chose commencée de son temps depuis s'augmenta en nōbre infiny, en maniere qu'il n'est besoing racōpter leur nōbre. Cesar doncques, excepté quelques petites choses, accepta toutes les autres; toutefois apertement ne voulut que tous les habitans de la cité allassent au deuāt de luy: mais entre tous les autres decretz faitz en sa faueur, eut à tresgrād plaisir du temple de Ianus qui fut fermé comme que toutes les guerres fussent cessées, & firent l'auguration de la santé q'auoit esté differée pour les causes prédites: car les Triueriēs estoient encores en armes & auoyent conduictz les Gaullois, semblablement les Autabriens, les Vocceians, & les Assyriens, & furent les vngs destruitz par Taurus Statilius, & les autres par Nouius Gallus, & continuellement se faisoient maintes autres traffiques plaines de trouble: mais puis que pour icelles ne se differoit aucune emprinse de cōsequēce, & ne se estimoit que alors se fist guerre, ie encores ne puis escrire aucune chose illustre notable de ce temps. Mais Cesar cependant traittoit autres affaires, & commist que aucuns temples fussent faitz à la Force & à son pere, quil nomma Iules: aucuns comme herōiques en Ephese & en Nicée, par ce que ces citez estoient pour lors moult prises en Alie & en Bithinie, & cōmanda que les Romains y habitans honorassent ces temples, & aux autres qu'il appelloit Grecz cōmist qu'ilz consacraissent quelzques tēples en son nom. Aux Asiens en Pergame, mais aux Bithiniens en Nicomedie. Et ceste chose ayant prins de là son commencement soubz les autres empereurs depuis fut obseruée nō seulement entre les natiōs grecques ais écores entre les autres soubz mīes aux Romains: toutefois dās la cité de Rome nul de quelque cōditiō quil fust eut hardiesse de faire le seblable, neātmoins encores en Rome, aux épereurs qui festoient biē portez se dōnent autres hōneurs egaulx aux dieux & leur font cōsacrez tēples herōiques. Ces choses furent faittes durāt l'auer, & les Pergameniēs cōmēcerent à faire la feste appelée Sacro certamine en l'hōneur de sō tēple: mais l'esté venu Cesar passa en Grece & en Italie, & il entrāt en la cité autres feirent sacrifices cōme à esté dit, ensemble Valere Potice cōsul: car Cesar demoura au consulat tout cest an comme encores les deux premiers passez, & Potice qui succeda à Sexte sacrifia publicquement tant pour le peuple que pour le senat à l'aduenement de Cesar: chose, au parauant non iamais faite. Et depuis Cesar loua & honnora les conducteurs, selon la coustume, & gloriffia Agrippe, & entre autres choses d'une enseigne d'une victoire naualle de couleur marine: aux autres souldardz en donna d'autres, & au peuple distribua enuiron cent dragmes premierement à ceulx qui estoient en aagé viril, & apres aux petitz enfans: & ce feist il pour l'amour

Tēple de  
Ianus.Tēple de  
Iulēs & de  
la Force.

de Marcel filz de sa sœur. Pour laquelle liberalité, & d'auantage pource qu'il ne leua l'or qui estoit conuenable aux courónes des citez de Italie, ains paya toutes ses debtes, & ce que luy debuoyent tous les autres ne voulut receuoir comme ia à esté dit, les Rommains oublyerent toutes les occasions griefues qu'ilz auoyent & veirent volontiers ses triumphes comme que tous ceulx qui auoyent esté vaincuz fussent estrangiers, car si grád quantité de deniers fut dispersee esgallement par toute la cité que le pris des possessions augmenta & les viures qui au parauant estoient à vnè dragme furent remises à la tierce partie d'une dragme.

Comment Cesar retourna à Rome, & triumpha.

Chapitre LXXXIII.

Triumphes  
de Cesar.



T fut le premier iour celebré le triúphe des Pannoniens, des Dalmatiens, de Iapige, des Celtes, & des Gaulloys leurs voisins. Et pource que Gaius Corina print les Morins, qui maintenant sont les Therouennois & aucuns autres ralliez avec eulx, & dechassa les Sueuiés qui auoyent passé le Rhin pour faire guerre, à ceste cause il avec Cesar menoit le triúphe, bien que son pere eust esté occis par Silla, & eust esté empesché avec autres ses semblables d'entrer au magistrat. Cesar encores luy concedoit ce triúphe pource que ceste victoire le referoit à sa puissance comme d'empereur. Le deuxiesme iour fut representée la bataille naualle faicte pres le promotoire Attie. Et au troisiésme la prinse de Egypte, & furét les autres pompes illustres pour les despouilles portées en icelles qui estoiet si grádes qu'elles suffisoiet à toutes: mais celle d'Egypte estoit tresbelle & tresluptueuse sur toutes les autres, pour autát qu'entre autres choses fut portée Cleopatra representát la mort, en maniere que p vng certain moyé elle estoit iusteptie de la pöpe avec Alexandre appellé encores Soleil, & avec Cleopatra appellée par autre nom Lune, ses enfans. En apres Cesar entre eulx suiuiot, faisant ce qui estoit acoustumé par vsance ancienne, excepté qu'il endura que son collegué ou consulat, & les autres magistratz, allassent apres luy en la compagnie des autres senateurs qui auoyent esté participás de la victoire: mais la coustume estoit que aucuns allassent deuát & les autres apres: & acheué qu'il eut ce que dessus, cósacra le téple de Minerue. & celluy qui est appelé Calchidique, ensemble le senat, Iules, faict en l'honneur de son pere, auquel il reposa vne statue de la victoire: laquelle encóres de present se peut veoir: voulant (comme il appert) demonstrier, que par icelle il auoit acquis l'empire: laquelle statue estoit des Tarétins & auoit esté apportée en Rome, & fut colloquée au senat & aornée des despouilles Egyptiennes. Le seblable encores fut fait au téple heroicque de Iules alors cósacré, car maítes choses furét en icelluy reposées, & maítes autres furét cósacrées à Iupiter capitoli, à Iuno & Minerue ayát esté destruítes p decret toutes ces choses q auoit pa

Téples de  
Minerue  
& Calchidique,  
cósacrez.

uant

uât esté supposées, ou bien que encores luy restoyét cōme qu'elles fussent maculées. Et en ceste maniere Cleopatra bié qu'elle fust vaincue & prinse neât moins fut glorifiée, car ses ornemens sont posez en noz temples, & d'auantage son effigie fut veue toute d'or dās le tēple de la déesse Venus. En la cōsecratiō dōcques du tēple heroicque furēt faictes plusieurs festes, & les éfās des gētilz hōmes se exerciterent au ieu appellé Troye, & hōmes séblables à eulx cōbatirēt avec vng cheual & deux ioinctz enfēble & avec charrettes à quatre cheuaux. Aussi Quintus Vetellus senateur combatit corps à corps & plusieurs bestes, être lesquelles y fut vng rhinocerot & vng cheual fluuial furēt alors premieremēt veuz en Rome & mises à mort & ont plusieurs escript de quelle forme soit le cheual, & écores plusieurs l'ont veu mais le rhinocerot entre autres choses est semblable à vng elephant, & à vne corne pres le nez dont il à prins le nō de Rocerot. Pareillemēt plusieurs Daciens & Sueuiés cōbatirēt l'ung cōtre l'autre & sōt ceulx cy Gaulois, touteffois les autres p vng certai moyé sont Scitiés & voulāt pler exqsemēt ilz habitent oultre le Rhin, car écores plusieurs autres retiēnt le nō des Siéues: mais les autres habitēt en l'une & l'autre part de Listre, & vne ptie écores d'être eulx habitēt deuers la region Tubalicque, & finiffēt en la prefecture de Misie: & sont appelez Misiens, excepté que aupres d'eulx habitent moult auant en la region: mais ceulx qui habitēt delà le fleuue sont appelez Daciés, ou qu'ilz soyent Gethiens ou Thraciens de la gent Dacicque, laquelle iadis habita le mont Rhodope. Ces Daciés auant ce tēps enuoyerent ambassadeurs deuers Cesar, mais voyans qu'ilz ne obtindrent ce qu'ilz demādoient ilz declinerent à la part de Anthoine, & estās pour ceste cause entre eulx discordās ne luy dōnerent aucune ayde, au moyé dequoy les aucūs d'eulx prins furēt mis pour cōbatre les Sueuiés. Et to<sup>9</sup> ces telz spectacles, cōme est raisonnable, durerēt par plusieurs iours, & ne furēt oncques entrelaissez (bié que Cesar fust malade) jains encores en son absēce furēt faictz par autres, & en iceulx chascun des senateurs furēt commis au deuāt des portes de leurs maisons. Et ne scay d'ou pcede ceste coustume, pource qu'il n'en à esté aucune chose escripte. Ce faict ayant esté Cesar crée la quatriesme fois consul, Thaurus Statilius à ses despens fait faire vng theatre de pierre pour chasser au champ de Mars, & le consacra avec le combat des gladiateurs: au moyen dequoy eut permissiō du peuple qu'il peust eslire chascun an vng preteur. En ce mesme tēps auquel furēt faictes les choses prédictees, Crassus Marc éuoyé en Macedoine & en Grece cōbatit cōtre les Daciés & Bastarniés. & à esté dit quelz peuples ilz soyent, & pour quelle cause ilz esmeurent la guerre. Les Bastarniens certainement sont reputez Scithiés, lesquelz alors passez oultre le Istre prindrent Misie, laquelle est à eulx opposite. Et ce faict prindrēt les Triballiens leurs voisins, ensemble les Dardaniens habitans en leur region. Et est assauoir que ce pendant qu'ilz faisoient ce que dessus ilz n'auoyēt riens à faire avecques les Romains, mais depuis qu'ilz passerēt le mont Heme &

Bastarniés,  
Mout heme.

inua-

innahirent la trace de Dentheletes qui estoit cōfederé avec eulx. Alors Crassus partie voulant secourir Scithe, & le roy des Dentheletes, lequel estoit aueugle, & craignant grandement de Macedoine alla contre eulx : lesquelz espouventez seulement pour son entrée, les dechassa sans bataille hors la region, & ainsi les poursuyuant qui se retiroyent en leurs pays conquist la region appellée Sigetique, entra en Miside, & endommaigea leur region: & allant pres d'une muraille moult forte print les percurseurs, par ce que les Misiens pensans ceulx cy estre seulz sortirēt hors moult impetueusement: mais estāt allé pour les secourir, tailla en pieces les Misiens, & leur ayāt mis le siege les print: quoy voyant les Bastarniens, se abstindrent de fuyr, & demourerēt pres le fleuve Cedre pour veoir ce qui s'ensuyuroit de l'emprise: mais aduertis que les Misiens vaincuz, Crassus se préparoit contre eulx, luy enuoyerēt ambassadeurs pour le prier de ne les plus poursuiure, cōme ceulx qui n'auoyent faicte aucune iniure aux Romains.

Guerre cōtre les Misien & Bastarniens.

Comment Misie fut prinse. Chapitre LXXXIII.



**T** Crassus les ayant retenuz leur promettant donner responce le iour ensuyuant, entre les autres humanitez qu'il leur fait, ce fut qu'il les enyura, & ce faict entendit d'eulx tous les secretz: car ceste est la coustume de toutes les nations Scithices de s'emplir de vin & incontinent s'enyurer. Ce pendant s'estant Crassus retiré en vne forest, & ayant mis ses espies à l'entrée d'icelle, les Bastarniens pensans les espies estre seulz se mistrent à les poursuyure en lieux moult fortz & espes, parquoy il aduint que plusieurs furent occis en ce lieu fuyans, par ce qu'ilz furent empeschez des charrettes, qui estoient apres eulx: & oultre ce voulans sauuer leurs femmes & enfans, furent deffaictz, car Crassus de sa propre main occist leur roy appellé Delthones, & eust offert despouilles opprimées d'icelluy à Iuppiter Pheretrien s'il n'eust esté de cappitaine appellé empereur. Ainsi doncques furent les Bastarniens traictez & les autres enfuiz dans vng boys furent ars & bruslez, & autres mussiez dans vne muraille tirez dehors, autres chassez en Listre, & autres esquartez par le pays furent mis à mort: touteffois quelque nōbre d'entre eulx saulué & ayāt prins vne place moult forte Crassus par certains iours y mit ses embusches, & en vai, mais depuis avec l'ayde d'ug nommé Rolo & des Celtes, les en tira: lequel Rolo venu deuers Cesar fut pour ce benefice reputé amy & compaignon de Cesar & furent les prisonniers distribuez aux hommes d'armes. Ce faict Crassus se retourna cōtre les Misies, lesquelz partie avec persuasion, partie de paour & partie par force finablement avec peril & peine il subiugua, excepté quelque peu. Neantmoins alors suruenant l'yuer, se retourna à la paix & amitié, ayant endure plusieurs maulx du froid: & encores d'auantaige des Thraciens, par le pays desquelz il print son chemin comme amys, parquoy

Les Bastarniens vaincus.

Delthones roy des Bastarniens occis.

desia

desia auoit couraige de demourer content de ce qu'il auoit fait, par ce que sacrifices & triumphes, non seulement à Cesar, mais encores à luy auoyent esté ordonnez: neantmoins il ne receut le nom de empereur (ainsi qu'aucuns ont voulu dire) ains Cesar seulement se l'attribua: toutefois depuis que les Bastarniés greuez pour les calamitez receues entendirent il ne deuoit iamais aller avec l'exercite contre eulx, de rechef se reuolterēt cōtre Scithie & contre les Dandelez comme contre ceulx qui auoyent esté cause de tant de maux: parquoy Crassus cōtre sa volunté se leua & ayant picqué hastiue-ment les surprint à l'impourueu, & depuis accorda avecq eulx ainsi que bon luy sembla: mais voyant que autressois auoyent reprins leurs armes eut en- uie de se venger des Thraces qui luy auoyent esté mōlestes quand il retour- noit de Misie, pource que encores alors luy estoit denoncē qu'ilz faisoient fortresses de murailles, & se preparoyent à la guerre, & de ceulx cy ayant vaincuz les Medes & les Sardes en batailles, & fait coupper les mains aux prisonniers, non sans peine, neantmoins finablement les subiugua, & cou- rut les autres pays, excepté la terre des Odrisiens, car il leur pardonna, pource qu'ilz sont adiacens à Deius, & pource que a lors ilz allerent au de- uant de luy sans armes: & leur donna encores la terre ou ilz font feste à ce dieu, apres l'auoir ostée aux Besiens. Et fut ce pendant qu'il faisoit les cho- ses prédictees appellé en secours par Rholo, lequel tenoit la guerre contre Dapiges, aussi roy des Gethes, mais depuis qu'il estant suruenu eut rom- pu les gens de cheual des ennemys iusques aux souldardz de pied, & mis les autres en frayeur, ne fit aucune bataille, ains grande occision de ceulx qui s'en fuyoyent. Ce fait ayant dechassé Dapiges dans vne forteresse le tenoit assiegé, pendant lequel siege vng des ennemys salua de dessus la muraille Crassus en langue Grecque & vint parler & traicter vne trahyson avec luy. Les Barbares donc estans prins en ceste maniere se mutinerent les vngs cō- tre les autres si que Dapiges mesmes fut occis & maintz autres. Et Crassus ayant prins le frere du roy vif, non seulement ne luy fit aucun mal, mais encores le laissa aller, & puis avec tout son exercite tira à la Spelonque ap- pellée Cire qui est tresgrand & tresforte, en maniere que les fables faignent que les Titans apres auoir esté vaincuz des dieux se retirerent en ce lieu. A laquelle Spelonque estoient acouruz tous les habitans du pays en grand multitude, & y auoyent porté & conduit toutes leurs richesses, & especial- lement leur bestail. Crassus illec arriué & auoir cherché toutes les entrées qui estoient tortues & difficiles à trouuer, les ferra sans aucune excepter, au moyen dequoy feist mourir plusieurs barbares de faim: & bié que ceste guer- re luy fust bien succedée ne s'abstint des autres Gethes qui encores n'appar- tenoyēt en riés à Dapiges, ains s'en vint à Génelle forteresse tres bié munye en la seigneurie de Serases, par ce qu'il auoit entendu les estandardz que les Bastarniens auoyent osté à Anthoine de Gaye, estre en ce lieu: & pource estant allé par force avecq les gens de pied par le fleue Histre, pour autant

Dapiges  
mort.

Gennelle  
prinse.

que ceste forteresse estoit ediffiée sur l'eau la print en peu de temps, mais à grand peine, bien que Serafes fust absent, lequel si tost qu'il entendit la venue de Crassus se departit avecq deniers pour demander secours aux Scythiens & ne peut auant retourner. Ces choses furent faictes entre les Gethes. Et au regard des Misies, ceulx qui s'estoyent leuez, bien qu'ilz eussent esté prins vne autrefois, les recouura par le moyen d'autres: mais contre les Artaciens & aucuns autres qui n'auoyent iamais esté prins & ne se vouloyent encores retirer à luy, & pource moult audacieux & occasion aux autres de faire nouuelleté, il mesme y alla avec l'exercite, & les conquist, partie par violence ilz faisans non petite resistance, & partie de la paour de ceulx qui auoyent esté prins. I'escriptz les autres choses ainsi comme elles ont esté recitées & les noms propres des peuples, par ce que anciennement les Misies & les Gethes habitoient toute ceste contrée qui est entre le mont Heme, & le fleue de Hystre. Mais en poursuyte de temps aucuns muèrent les noms, & depuis les lieux, lesquelz, le fleue du Saige entrant en Hystre separe de Pannonnie au dessus la Thrace & Dalmatie & Macedoyne, tous furent appellez Misie, & entre eulx sont plusieurs autres nations & ceulx qui iadis estoient nommez Triballiens & Dardaniens, lesquelz maintenant ont ce nom.

# Le Cinquantedeuxiesme liure

DE DYON, HISTORIEN GREC,  
Traduict d'Italien en Francois.

Au present liure est traicté comment Cesar se conseilla de laisser la seigneurie, & comment il commença d'estre appellé empereur.



Comment Cesar se conseilla de laisser la seigneurie.  
Chapitre LXXXV.

**L**Elles choses feirent & endurerent les Romains au royaulme de la Democratie, & es puissances d'autruy, par l'espace de sept cens vingt cinq ans : mais depuis ce temps comencerét de entrer en la monarchie manifeste, bien que Cesar se conseillast de deposer les armes, & laisser le gouvernement entre les mains tant du senat que du peuple, & fait ce cõseil avec Agrippe & Mecenas avec lesquelz il cõmunicquoit tout son secret, & commença Agrippe à parler en ceste maniere:

Ne te esmerueille (ô Cesar) si ie te veulx dissuader la monarchie, bien que d'icelle i'aye receu (toy l'ayant) plusieurs grandz biens, car si elle deuoit estre vtile, mesmemét à toy, ie grãdemét l'auroys desirée: mais puis qu'il n'y a au-

cune similitude entre les seigneurs & leurs amys, par ce qu'ilz recoipuent le fruit de tout ce qu'ilz veulent sans enuie, toute fois leur suruiennent haynes & perilz, l'ay estimé cōme es autres choses, ainsi encores en ceste, deuoir entendre non au bien propre, ains plustost aux vtilitez cōmunes. Or considerōs vng peu à loysir tout ce qui se treuve en la monarchie, & tournōs nous à la part que nous conduira raison, pource qu'il n'y a aucun qui vouldust dire vous en aucune maniere la deuoir eslire, ne nous pouāt estre vtile autremēt sembler que fussions vaincuz de la prosperite & deuenuz superbes, pour les victoires, ou que beaucoup au parauant nous la desirōs, bien que nous en soyons excusēz soubz le prétexte de ton pere, & ta pitié enuers luy, & nous ayōs préposez le senat & le peuple, nō pour les deliurer de leurs insidiateurs, ains pour les mettre en seruitute, & l'une & l'autre de ces deux choses est vituperable: car qui est celluy qui ne se courroucast nous oyant dire quelques parolles & congnoissans auoir autres pensees en noz entendemens? & cōme ne nous auroyent ilz maintenant pl<sup>9</sup> en hayne que si au cōmēcement eussions descouuert nostre cupidité, & si manifestemēt eussēt attēdu à la monarchie, pour autant que auoir audace de faire quelque chose p violence, bien que sēble estre iniuste, neātmoins est estimē conuenable à la nature de l'hōme, car tout hōme qui se préfere & met auant en quelque chose, desire auoir plus que son inferieur: & depuis que tel fait luy succede, se attribue à la puissance de fortune: & si il récōtre l'opposite, se ascript à la mutation de fortune: mais celluy qui par trafficques & astuce fait vne telle chose, premierement est réputé cault & meschāt hōme, lesquelz vices ie suis certain que ne vouldrois aucū dire ou entēdre de toy encores que deusses cōquester tout le mōde. En apres s'il te succede, tu sēbleras auoir fait vng gaing iniuste, & si il ne te viēt à effect, les hōmes estimeront tout mal t'estre meritēment arriué. Estans dōcques les choses en telle maniere disposēes, neātmoins on nous imputeroit si encore no<sup>9</sup> n'ayās au cōmēcemēt eu aucune pēsee en la monarchie, que main tenāt en eussions desir, par ce que beaucoup plus vituperable est celluy qui se laisse vaincre par la fortune presēte, & ne se scait cōtenir, & ne v se determinēment des biens de fortune, que quand par les aduersitez il fait iniure à quelqu'ung: car les hōmes souuēt es fois p les calamitez sont cōtraictz pour suyure la ppre vtilité & peché, & ces autres volontairemēt sont incōtinens d'eulx mesmes & cōtre l'utilité propre: mais cōme penseroit aucun ces telz deuoir bien dominer autruy ou se bien porter es aduersitez, veu qu'ilz n'ont aucune simplicité en leur entēdemēt & ne peuent bien mesurer les dōs à eulx faitz? Nous doncques cōme n'ayans enduré aucune de ces choses & ne desirans en faire aucune, hors les termes de raison, ains cōme que soyōs pour eslire ce qui nous sēblera tresproffitable, ferōs deliberatiō sur ce, & ie parleray liberement, car autremēt ne te pourrois contredire, ioinct que ie te congnois tel que volontiers ne entendz dire mēs songes avec adulation. L'equite des loix à le nom tressainct, & les œuures tressiustes, car cōment n'est ce chose

iuste que ceulx qui sont d'une mesme nature & nation, & qui sont nourriz en mesmes coustumes & semblables loix, qui conferent vng vsaige cōmun des corps & entendemens, à la patrye, ayent encores toutes les autres choses cōmunes? & cōmēt n'est il tresconuenable que l'ung ne soit préférē à l'autre, sinon pour la vertu, veu que l'egalle natiuité appete egalle distribtion, & quand la obtenue s'en resiouist, & sinon en prent tristesse: & toute l'humaine generation cōme qu'elle soit descendue des dieux, & pour debuoir aller à eulx, regarde en hault, & ne veult tousiours estre dominée d'ung mesme hōme, ny peult auoir patiēce de participer es peines, traualx, perilz & fraiz' & estre priuée des choses meilleures: mais écores qu'elle soit cōtraite de ce supporter, à en hayne celluy qui luy fait violēce, & si elle peult prendre le tēps se venge de luy, car tous les hōmes veulent dominer, & pour ce enduret de estre en partie dominez & ne veulent estre gourmādez: & par ce ne sont cōtrainctz gourmāder les autres, ains sont cōtés des hōneurs à eulx attribuez par leurs egaulx, & louent les pugnitions qui se font selon les loix, & se gouernans en ceste manière, & pensans les biens & les mauix estre cōmuns, ne veulent que mal soit fait à aucun citadin, & priēt tousiours le meilleur pour chascun d'eulx, & si aucun à quelque vertu en soy ilz mesmes la demonstrēt volontiers, & l'exerce prōptement, & si il la voit en vng autre la fauorise hardiement, s'efforce de l'augmenter & l'honore magnifiquement: & si quelqu'ung se treuue vicieux tout hōme la en hayne, & à vng qui soit infortuné chascun à misericorde de luy, pensant le dōmmage & la honte que recoit la cité pour leur estre cōmune. telle est la cōstitution de l'estat populaire: mais es tyrannies arriue tout le contraire: & qu'est il besoing vser tant de paroles? En somme nul est qui vueille sembler quelque chose tres bonne en soy, pource que tous les seigneurs leur sont ennemys, en ce cōme contre la multitude, & chascun faisant les coustumes du seigneur, vne reigle de sa vie, ce qu'il luy pense pouoir surmonter sans peril, en cela se delecte, au moyen dequoy la plusgrand part alors s'estudient d'eulx mesmes iouxte le bien propre, & ont tous les autres en hayne, & pensent leur felicitē estre propres aduersitez, & les calamitez leurs fœlicitez. Parquoy ie ne voy par quelle cause te doives mouuoir à desirer la monarchie, pour autāt que oultre ce que elle est moult moleste aux peuples, encores à toy seroit beaucoup plus graue. Ne voys tu pas que la cité & ses affaires sont en confusion, & difficile seroit encores vouloir reduyre en seruitude noz compaignons & subiectz. Les aucuns desquelz anciennement ont esté faitz liberes, & mesmeinent nous ayans en tous endroictz tant d'ennemys. Et affin que ie commence à la premiere chose qui est la plus briefue, te sera necessaire par quelque voye trouuer deniers, car il est impossible que les reuenuz presens soyent suffisans tant pour autres choses cōme pour la substātation des gens d'armes: & se treuue encores ceste difficultē en l'estat populaire, par ce qu'il n'est possible aucune republique estre sās despēce: touteffois en ce gouuernemēt plusieurs

volontairement contribuent se faïsans par cupidité de plus grand hōneur, & receuans dignes remunerations: & si se recueillent tributz necessaires sur chascun, se persuadent à eulx mesmes, & le portent en paix comme ceulx qui payēt pour leur propre vtilité. Mais es seigneuries chascū pēse estre raisonnable que le seigneur cōme habōdant de richesses, face tous les fraiz, recourant promptement ses rentes & debuoirs sans compter, semblablemēt les despences, & ne contribuent volontairement aucune chose, priuēement ne encores consentent aux tributz cōmuns de propre volūtē, car aucun ce ne feroit pour ne sembler d'estre riche, & encores ne seroit vtile au seigneur si il le faisoit, pource que incontinent celluy par l'oppinion qu'il acquerroit d'estre amateur de la citē se leueroit en orgueil & chercheroit de faire nouuelletē: & l'autre, cest à scauoir le conferer cōmunement les tributz, est grief & ennuieux à plusieurs, & especiallement pource qu'ilz endurent le dommage, & autres prēnent le proffict, par ce que en l'estat populaire ceulx q payent les deniers la plus grand part suyuent les armes; au moyen dequoy par vng certain moyen leur retournent entre mains, mais es monarchies le plus souuent autres sont ceulx qui labourēt la terre, & nauigent & gouernent la Republicque desquelz se recueillent la plus grand partie des deniers, & autres ceulx qui portent les armes & recoiuet le proffict. Ceste est vne des choses qui te donneront affaires. l'autre est ceste que ie maintenant reciteray, Il est besoīg que celluy qui deffault soit pugny, par ce que la plus grand part des hommes ne se peuent chastier soit par admonnestemens ou exemples, ains en tout est necessaire que soyent pugnis ou par honte, ou exil, ou par mort, choses qui coustumierement arriuent en tel empire & si grand multitude de hōmes, & especiallemēt en la mutation de l'estat: mais à ces telz malfaicteurs si tu préposes autres iuges, seront absoulz, mesmemēt ceulx qu'on pēsera te estre en hayne, car les iuges alors font vne opinion d'eulx qu'ilz soyent puis sans quand ilz iugent contre la sentence du seigneur, & si aucuns sont condemnez, sembleroit par ta subornation auoir soustenu tel iugement: mais si toy mesmes es le iuge, te fera necessaire pugnier plusieurs de tes pareilz (chose n'appartenant à la felicitē d'ung homme) & en tout semblera que tu pugnisses aucuns plustost par yre que par iustice, car ceulx qui peuent faire violence ne sont d'aucuns estimez rendre iustes iugemens, ains tout hōme pense que prétendans vne figure & vmbre de Republicque, soubz tel prétexte de iugement legitime, accomplissent leurs deirs. Telles choses aduiennēt es monarchies. Mais en l'estat populaire si aucun est enculpē d'auoir commis aucun mal priuē, il est condennē par iuges priuez: & si encores luy sont préposez iuges publiques, le iugemēt se rend d'hommes egaulz à luy, parquoy tout ce qui aduient se supporte plus facilement estimant les hommes n'endurer chose aucune ny par la puissance du iuge ny par grace contraincte. En oultre, sans ceulx qui fōt iniure à autres, plusieurs esteuez ou par sang ou par richesses ou par quelqu'une autre chose, bien que en autres ne soyent

mauuais hommes, neantmoins sont contraires à l'estat monarchique : & nul qui laisse multiplier telz hommes peult seurement viure, ne encores l'en voulant corriger le peult faire iustement. Comment doncques les gouuerneras tu, & en quelle maniere les traicteras tu? car si tu veulx destruire leur stirpe; diminuer leurs richesses, & abaisser leur haultesse, ne acquerras pour ce l'amour de tes subiectz, ioinct que en quelle maniere pourroys tu estre aymé n'estant licite à aucun, ne bien naistre, ne iustement acquerir richesses, ne deuenir fort, ne viril, ne saige? Et si tu laisses ces telles choses pulluller, tu n'en pourras apres facilement disposer, par ce que si toy seul fusses suffisant au gouuernement de la republicque & des choses appartenans à la guerre, & n'eusses besoing d'aucun coadiuteur en icelles, seroit vng autre parler: mais maintenant est necessaire, comment que soit, que tu ayes plusieurs compaignons au gouuernement, & especiallement de si grand partie du monde; & est conuenable en tout que telz hōmes soyent sages & virilz: & si tu metz entre leurs mains les exercites & seigneuries, ne seras en peril de estre destruit, ensemble toute la Republicque: car il n'est possible que vng homme notable & de reputation soit sans audace: & encores que vng lequel soit en office seruille se treuve magnanime: & depuis que vng homme à prins audace n'est iamais qu'il ne soit cupide de la liberté, & n'aye en hayne tous les seigneurs: mais si tu ne commetz à ces telz aucune chose, ains plustost vueilles vser d'hommes vulgaires, incontinent seras hay de tous les autres, comme ceulx ausquelz tu n'adioustes foy, tost encores es choses d'importance fe roys faulte: car quel bien pourroit faire vng homme ignare & de vile condition, & de quel ennemy ne feroit il desprise? & quel homme d'armes ne se desdaigneroit d'estre subiect à tel hōme? tout esfois n'est necessaire que ie te racompte tous les maulx qui ont acoustumé de venir pour ce, estans à toy tresnotoires: bien necessairement te diray, que si tel homme ne faisoit aucune chose opportune, te seroit plus grand domage que aux ennemys: & s'il faisoit ce q est de besoing esleué en orgueil p son ignorāce apres te mettroit en craincte. Mais en l'estat populaire ne se treuent ces choses, ains de quāt sont plus riches & virilz, de tant desirent plus les honneurs & augmentent la cité, dont vient l'utilité & plaisir à eulx & à la cité, excepté si quelqu'ung ne desiroit la tyrannie, car tel homme est aspremet pigny: & qu'il soit ainsi, & que l'estat populaire soit beaucoup meilleur que les monarches, se demōstre par les exemples de Grece, par ce que ce pendant qu'ilz se gouuernoient en ceste maniere, ne firent chose digne de louége: mais depuis qu'ilz comēcerent à viure en l'autre, deuindrent trefameux: pareillement assez se demōstre par exemples d'autres, desquelz les aucuns viuans encores soubz les tyrans tousiours seruent & mettent zizanies à leurs seigneurs, & aucuns v sans de superieurs qui durēt vng an ou plus, perseuerēt en la liberté & gouuernement des propres loix: mais qu'est il besoing nous ayans les exemples domesticques vser des estrangiers? car nous mesmes Romains estans regiz

premierement par autre forme, apres auoir soustenu plusieurs calamitez euf  
 mes desir de la liberte, & l'ayans obtenue sommes procedez à si grand re-  
 nommée n'estans fortz & puiffans par autres biés sinon p ceulx de la Demo-  
 cratie, selon lesquelz le senat premieremét deliberoit, & apres le peuple cõ-  
 firmoit, & l'exercite estoit prompt, & les cappitaines cupides d'honneur,  
 nulle desquelles choses se trouueroit semblablement en la monarchie. Et cer-  
 tes pour ces causes les Romains anciens l'eurent en si grand hayne qu'ilz  
 ordonnerent qu'elle fust execrable & detestable, & mettant ces telles choses  
 à part si nous voulons parler de ce qui t'appartient, cõmèt pourras tu durer  
 gournât tât d'affaires nuit & iour? & toy estât mal sain, cõmèt y pourras  
 tu suffire? & quel bié cõuenable à l'hõme pourras tu vser? & priué d'iceulx cõ-  
 ment pourras tu estre heureux, & dequoy poutroys tu prédre plaisir? & quãd  
 seroys tu sans grand tristesse, veu qu'il est necessaire à vng qui ait si grand  
 empire auoir soing & craicte de plusieurs choses, & s'etir trespetitz plaisirs:  
 mais par le contraire tousiours en chascun lieu veoir, ouyr, faire & endurer  
 choses tresgrièues: au moyen dequoy ie pense que aucuns Grecz & barba-  
 res ne voulurét accepter les seigneuries à eulx offertes. Preuoyât doncques  
 ce que t'ay dit delibere toy auât que tu y entres, car vituperable chose est &  
 du tout impossible quãd quelqu'ung vne fois est submergé, apres lieue la te-  
 ste: & donne toy garde que ne te decoiues pour ta grãdeur, pour la superha-  
 bondance de tes possessions, pour la multitude des gardes de ta personne, &  
 pour la turbe de tes seruiteurs, car ceulx qui peuent beaucoup ont assez d'af-  
 faires, & ceulx qui possedét beaucoup fault qu'ilz despendét beaucoup, & la  
 multitude des massiers auoit esté trouuée pour la multitude des infidiateurs,  
 & seroiét les flateurs plus tost cause de la destruction d'ug hõme que de son  
 salut: pquoy pour ce regard nul qui fust saige desireroit de se faire seigneur,  
 & si aucun est lequel pense que l'empire se doie appeter, par ce qu'en icelluy  
 l'homme à coppie de richesses & peult garder aucuns, & faire plusieurs biens  
 & grandz maulx à autres se bon luy semble, ce tel est en grand erreur, par ce  
 que estre meschant & faire mal aux autres n'est besoing que te die de quant  
 soit en hayne enuers les dieux & les hommes, & de quant encores sont pe-  
 rilleux, car tu encores n'es tel & ne effirois la monarchie pour cõmettre tel-  
 les tyrannies & meschancetez, & n'est mon propos maintenant dire tout le  
 mal que feroit vng qui ne voulust iustement gournier, ains plustost ce qui  
 feroit necessaire de faire & soustenir à ceulx qui vlassent droictelement de  
 la seigneurie. Et quant à l'une partie, c'est à scauoir que se peult faire bien  
 habondamment à aultruy, Vray est que telle chose est à desirer: mais  
 quand elle se treuve en vng homme priué elle est honneste, louable, glo-  
 rieuse & seure: & es monarchies n'est equiuallant aux maulx qui y sont  
 conioinctz, en maniere que pour icelle vng homme les doybue effi-  
 re, especiallement les autres recepuans le fruiçt de ceste beneficence, &  
 la douleur des maulx arriuant sur luy: en oultre n'est si facile comme plu-  
 sieurs

seurs le pensent, car vng ne seroit suffisant subuenir à tous les affaires & necessitez, ioinct que ceulx qui reputent digne chose receuoir de luy, sont quasi tous les hommes, encores qu'ilz n'ayent meritè aucun benefice, car chascū naturellemēt se cōplait a soy mesme & veult receuoir quelque fruit de celluy qui le luy peut dōner: mais les choses qui luy peuent estre dōnées cōme honneurs & magistratz, & aucuneffois deniers, sont petitiz en cōparaison de si grand multitude d'hommes: & estant ainsi, s'en acquerroit plus grand haine de ceulx qui ne peussent paruenir à leur intention, que beniuolence de ceulx qui l'obtiennent. Pour autant que ceulx cy cōme qu'ilz recoiuent ce que leur soit deu ne pensent estre obligez à debuoir rendre autrement grand grace à leur bienfaicteur, comme encores qu'ilz n'ayent trouuè aucune chose hors de leur esperance: & oultre sont paresseux à remercier, à ce que par ce moyen ne se demonstrent indignes des benefices receuz: mais ceulx qui n'ont peu obtenir ce qu'ilz desiroyent, recoiuent douleur par deux raisons, premierement pour ce qu'ilz se reputent priuez d'une chose propre: consideré que l'homme pense desia estre sien ce qu'il desire, & partie pour ce que silz portent en paix les reffuz, semblent se condampner eulx mesmes de n'estre dignes de tel bien: ioict que celluy qui distribue telles choses iustement est manifeste que sur tout, cōsideré les merites de chascun, honnore les aucuns & desprise les autres: à ceste cause par son iugemēt à aucuns augmēte la superbe, à aucuns la douleur, par la cōscience d'eulx mesmes, parquoy si quelcun se doubta de ce, les vouloit distribuer sans reigle, en tout comme troit erreur: par ce que les mauuais estans honnorez oultre leurs merites, deuiendroiet pires, pèsans estre louez cōme silz fussent bōs, ou bien estre flatez comme crainctz: & les bons ne retrouuans aucune chose plus que eulx, ains traictez en esgalle maniere, plus se attristeroyent d'estre en pareil degré avecques ceulx qui se resiouyroyēt d'auoir obtenu quelque bien, & pour ceste occasion laisseroyēt l'exercite des choses meilleures, & plustost suyuroyent les pires, & par ainsi des honneurs, ne ceulx qui les conferassent n'en recepuoyent aucun fruit: & ceulx qui les receussent, deuiendroyent plus vicieux. Au moyen dequoy ce qui grandement plairoit à aucuns, es monarchies, à toy sera moult difficile à traicter. Te souuenant doncques de ce que t'ay dit presentement, & encores des autres choses peu auant, soys saige ce pendant qu'en as puissance, & rendz au peuple les armes, les nations, les magistratz & les deniers: car si maintenant tu le faictz volontairement, seras tres glorieux & tres seur sur tous les autres: mais si (par le contraire) tu attendz qu'il te soit faict violence, peult estre que soustiendras quelque mal, avecq la honte. Et tu peulx prendre exemple de Marius, de Silla, de Metellus, & de Pompée, lesquelz au commencement ayans la puissance des affaires entre les mains, ne voulurent regner, & aussi n'eurent aucun mal. Mais à l'opposite de ceulx cy Cinna, Strabo, & l'autre Marius Sertorius, & Pompée mesmes, depuis, venuz en cupidité

de seigneuriser & dominer, furent destruietz, pour autant qu'il est difficile que ceste cité laquelle par si long temps a esté en liberté & d'auantage à dominé tant de peuples, maintenant vueille estre soubz mise à aucun. Et tu as ouy dire comment ilz confirmerét Camille pour auoir vñe des cheuaulx blancz en son triumphe. As encores ouy dire comme ilz deffirent Scipion depuis qu'ilz le veirent estre moult augmenté. Et te souuienne en quelle maniere ilz traicterét ton pere par vng certain souspecō semé, entre eulx, qu'il ne se feist tyrant. Et certes iamais ne furent hommes plus notables qu'ilz estoyent. Neantmoins ie ne te conseille que si simplement tu delaiesses la seigneurie, mais que premierement tu pouruoyes à toutes les vtilitez du peuple, & que avec decretz & avec loix tu conclues ce qui est oportun, comme fait encores Silla, car bien que depuis ce temps plusieurs ayét esté rompues, toute sfois la plusgrād & meilleure partie demeure. Et ne me dis que vne autre fois ressusciteront les seditions, à ce que ie ne te responde que beaucoup plus tost se voyans tyrannisez, facent nouuelleté, parquoy si nous voulons considerer tout ce qui à aucune chose à acoustumé syyure, nous sans raison aucune craindrons plus, les noises qui s'en syyuét pour l'estat populaire, que celles qui arriuent, pour la monarchie: desquelles ne m'efforceray parler ne voulant blasmer si magnifiquement vne chose coupable, mais te demonstret qu'elle est de telle nature que encores les hommes iustes

En lexé-  
plaire Ita-  
lien y a tel  
Interuile  
en blac. Et  
cy comēce  
le cōseil de  
Mecenas.

Et ne peuvent facilement persuader ceulx qui ne sont semblables pour la liberté du parler, & es affaires leur succede comme qu'ilz ne soyent. Parquoy si tu as aucune affection pour la republicque pour laquelle tu as fait tant de batailles, & pour laquelle encores tu employrois ta vie, voy de l'adapter & reduire à meilleur estat, car de la licence de pouoir dire & faire tout ce que veult l'homme, si tu la consideres es hommes saiges, se ensuyt biē à tous les autres: & si es folz, en arriue misere à chascun: & pource celluy qui donne puissance à telz hommes, met vne espée entre les mains d'ung enfant, ou d'ung furieux: mais celluy qui la donne aux bons & saiges hommes, outre les autres biens qu'il fait, il saulue encores les mauuais contre leur volonté. A ceste cause ie estime estre cōuenable & raisonnable que tu regardes non à la magnificence des noms, ains entreuoyant ce qui à acoustumé aduenir d'iceulx, tu refrenes l'audace du peuple, & retiennes le gouuernement de l'estat pres de toy & des autres tresbons hommes, affin que ceulx qui sont tres saiges conseillent, & ceulx qui sont aptes a regir les gens d'armes soyent cappitaines, & ceulx qui sont tres robustes, & trespoures, facent les faitz d'armes & recoiuent la paye: car faisant ainsi chascun ce qui luy est conuenable promptement, & se retribuant l'utilité l'ung à l'autre, nul sentiroit les deffectz, & en ceste maniere obtiendront la vraye démocratie & la seure liberté des hommes: par ce que la liberté du menu peuple est vne tresaspre seruitude des homes vaillans, & occasion de la

de la destruction tant de l'ung que de l'autre. Mais celle que ie dy, préposant  
 tousiours en honneur la vertu, & distribuant egallemēt à chascun selon ses  
 merites, rend semblablement heureux tous ceulx qui vsent d'icelle. Et ne pé-  
 ses que ie te vueille cōseiller de tyrāiser le peuple, & ce Senat, car telle cho-  
 se ne pourroys iamais dire, ne tu la pourrois faire: bien te feroit vtile & à la  
 Republicque que disposasses les choses conuenables avec les hommes ver-  
 tueux, n'ayant aucun audace par la multitude, de les contredire & cōtrairier;  
 & ordonnasses les guerres selon noz conseilz, que tous les autres fussent in-  
 continent prestz de obeyr, que l'election des magistratz fust en nostre libe-  
 ral arbitre, que eussions la determination des salaires & peines, à ce que fust  
 vne loy qui ainsi te pleust en sēble tes esgaulx: que les guerres se feissent oc-  
 cultes & en temps oportun, & que ceulx qui deuroyent executer quelque em-  
 prinse feussent esleuz pour leur vertu, & non par sort, ne par ambition: &  
 que les bons fussent honnorez sans enuie, & les mauuais pugnis sans con-  
 gregation: car en ceste maniere les choses se pourroyent tres bien disposer  
 n'estans recitées en publicq & non deliberées apertement ne gettées contre  
 terre es adhortations & cōcitations des autres. Et si pourrons vser de noz  
 biens presens sans aucune molestation, ne faisans guerres perilleuses ne se-  
 ditiōs iniustes. Toutes lesquelles choses sont en l'estat populaire, par ce que  
 ceulx qui sont les plus puissans appetans la principaulté, cōduisent les plus  
 pures & confondent le tout: aussi plusieurs de ces telles choses ont esté fai-  
 ctes aupres de nous, & n'est possible que par autre voye les recouriōs: & en  
 signe de ce il y a grand temps que nous combatons & sommes discordans  
 l'ung avec l'autre à cause de la multitude des hommes, & de la grandeur des  
 affaires, par ce qu'ilz estā plusieurs & diuers, tāt de nature que de sang, ont  
 les appetitz & desirs differentz: & font ces telles choses procedées à tant  
 que avec grand difficulté se pourroyēt gouverner: Que ie dye verité, se de-  
 montre par les choses ia faictes, car ce pendant que nous estions peu, & n'e-  
 stions guieres augmentez sur noz voisins, nous nous gouvernions moult  
 bien, & subiuguasmes quasi toute Italie: mais depuis que fortifimes d'icelle,  
 & passasmes en plusieurs parties de terre ferme, & des isles, & emprismes  
 toute la mer & la terre du nom & puissance nostre, nous ne peusmes parti-  
 ciper d'aucun bien, ains premierement en noz maisons & entre les murail-  
 les de nostre cité feusmes discordans. En apres trāsferasmes ceste infirmité  
 entre les exercites, au moyen dequoy nostre cité estant comme vne nauire  
 grande, chargée de diuerse gent, & tournée en grand fortune long temps  
 sans gouverneur, maintenant est sur les vndes, & decline tantost icy & tant-  
 tost la comme celle qui est sans aucune chose qui la retienne. Ne la vueil-  
 les doncques despriser en ceste tempeste, la voyant & considerant ainsi  
 chargée, & n'endures qu'elle se rompe pource que desia est pourrie, & ne  
 pourra long temps durer: mais puis que les dieux, ayans misericorde d'elle,  
 par leur grace & bonté, te y ont préposé pour iuge & superieur, ne vueilles  
 haban-

habandonner le pays, affin que comme elle maintenant est vng peu respirée pour toy, ainsi encores au reste du temps demeure en seurté: que ie te donne bon conseil, voulant que prennes la monarchie, croy que beaucoup par cy deuant l'aye compris : estant doncques ainsi que ie t'ay dit, recoy ceste préeminéce, ou pour mieulx dire, ne la habandonne, car maintenât nous ne conseillons de prendre aucune chose, ains plustost de ne la perdre, & de n'entrer vne autre fois en peril: car qui sera celluy qui te pardonne si tu laisses la Republicque entre les mains du peuple, ou d'ung autre, si comme elle estoit estans plusieurs qui ont esté par toy molestez & quasi tous cupides de la monarchie, nul desquelz ne voudra demourer qu'il ne se venge pour ce que tu leur as fait; & qui ne cherche de te dresser aduersaires secrettement: & de ce peulx prendre exemple de Pompée, lequel forty de sa puissance fut mesprisé & trahy & depuis ne la pouant recouurer fut occis: pareillement Cesar ton pere pour vouloir faire le semblable fut mis à mort, & vniuersellement Sylla & Marius eussent enduré tel inconuenient s'ilz ne fussent mors auant, & neâtmoins aucús dient que Sylla se doubtrât de tel fait, préuint se mettant à mort soy mesmes, & desia luy viuant, plusieurs de ses decretz estoient commencez à deffaire. Et pour ce attendz de trouuer plusieurs Sertores, Brutes & Cassies. Voyant doncques les choses prédictees, & considerant par toy toutes les autres, ne te vueilles trahir toy mesmes, ensemble le pays, que tu ne sembles volontairement desirer la seigneurie: car auant que on suspectast cela de toy, tel desir n'est aliene de la nature humaine, & est honneste pour telle chose. D'auantaige qui est celluy qui ne congnoisse la necessité par laquelle tu as esté conduict à ce fait, si elle se pouoit en quelque chose blasmer, meritément se pourroit impetrer à ceulx qui occirent meschamment ton pere, Car s'ilz ne l'eussent occis si iniustement & miserablement tu n'eusses leué les armes, ne assemblé les exercites, & ne te feusses accordé avec Lepide & Anthoine, & encores ne te fusses depuis de eulx mesmes vengé. Et nul qui ne congnoisse que tu as ce fait iustement & droitement. Et si en quelque chose à esté commis erreur, nous le pouós encores reformer en meilleur. Au moyen dequoy, & nostre cause, & de la cité, suiuous la fortune, laquelle te à donné la monarchie, & luy rendós grans graces, pource qu'elle non seulement nous à emplys de mauix domestiques, ains oultre ce à remis en ton arbitre la constitution & dispositiõ de la Republicque, à ce que tu ayant cure d'icelle, comme est bien cõuenable, demostres à tous les hommes que les choses passées ont esté faittes & mal gouvernées des hommes mauuais, mais que tu es bon: & n'ayes paour de la grandeur de l'empire, par ce que de quant il est plus grád, de tant y à plus de bien pour le conseruer, & est beaucoup plus facile conseruer vne chose que à la conqvester, car pour conqvester les biens d'aultruy est besoing de endurer peines & perilz, mais à garder & conseruer les choses presentes, petit pensement y suffit. Et ne crainctz que tu ne puisses viure seurement

en icelle, & ne vſes de tous les biens humains & eſpeciallemēt ſi tu en voudras diſpoſer comme ie te aduiferay: & ne penſe que ie prológue mon parler pour la matiere preſente ſe ie parle diſuſement d'icelle, car ie ne feray ce pour eſtre grand parleur, mais affin que tu entendes qu'il eſt poſſible & facile à vng qui ſoit ſaige, ſeigneurifer bien & ſans peril. Premièrement ie eſtime qu'il ſoit beſoign que tu examines & diſcernes ceulx qui ſont au ſenat, par ce que aucuns qui ne le meritēt y ont eſté promeu: & ceulx qui ont quelque vertu en ſoy, les retient, mais les autres laiſſer aller, & ne donner pourtant licence à aucun homme iuſte pour ce qu'il ſoit poure, ains pluſtoſt luy conceder deniers & autres choſes neceſſaires. En lieu des autres enuoyez introduire ceulx qui ſont plus vertueux & plus iuſtes & plus riches, non ſeulement eſleuz de Italie, mais encores des confederez & ſubiectz, car ce faiſant tu auras pluſieurs coadiuteurs, & tu ſeras ſeur des hōmes vaillans qui ſeront en chaſcune nation, & auſſi icelles nations ne feront aucune nouuelleté ayans vng ſeigneur illuſtre, & ceulx qui ſeront principaulx en icelles te aymeront comme qu'ilz ſoyent participans avec toy en l'empire. Le ſemblable doibs faire es chevaliers, par ce que ceulx qui ſont ſecondz de ſang en chaſcū lieu & de vertuz & de richesses, anombre les en l'ordre Equeſtre, y en introduiſant tant que bō te ſemblera, & n'ayant eſgard à leur nombre, car de quant que tu auras plus de vaillans hommes aupres de toy, de tāt plus facilement gouuerneras toutes choſes: & perſuaderas aux ſubgectz que tu ne vſes d'eulx comme ſerfz, ne comme inferieurs à nous, ains que tu communicques avecq eulx tant les autres biens comme la ſeigneurie, à ce qu'ilz ayent cure d'icelle comme qu'elle ſoit commune: & tant eſtime ce eſtre bon cōſeil que ie cōforte que les faces tous participans en la Repub. affin qu'ilz ayans egalle part en icelle nous ſoyēt apres bons amys & cōpaignōs, cōme qu'ilz habitēt en vne meſme cité, ceſt aſſauoir la noſtre, eſtimant veritablement ceſte eſtre cité, mais les leurs, eſtre bourgz & villages, touteſſois d'icy en auant deliberōs ſur ce faiēt ce que verrons neceſſaire, à ce que ne leur concedons le tout en vne ſeule fois. Et me ſemble moult conuenable que tu eſliſes en l'ordre Equeſtre certains ieunes hommes de dixhuyt ans, cōſiderē que en ceſt aage moult ſe demonſtre tant l'aptitude du couraige que la bōne habitude du corps: mais au Senat, hōmes de vingt cinq ans, car ne ſeroit ce choſe dangereuſe & vituperable veu que auāt ceſt aage nous ne voulons cōmettre à aucū la cure des negocios domeſtiques, & que les Republicques ſe cōmiſſent encores à plus ieunes? Et que les Queſteurs, Edilles & Tribús ſoiēt Préteurs en l'aage de trente ans, car ie eſtime que tu doibues confirmer ces magiſtratz ſeulement avec le Conſulat pour memoire de la couſtume de noſtre pays: & affin que tu ne ſembles auoir changē toute la Republique & que tu doibues eſtre ſeul qui eſliſes ſans laiſſer l'election entre les mains de la multitude & du peuple, par ce qu'ilz ſerōt entre eulx diſcordās, ne encores en l'arbitre du ſenat, pour ce qu'ilz ſeront differētz d'opinion, touteſſois ne

gârdes pourtant les anciènes puiffances de ces magistratz de paour que vne autre fois ne encourôs en pareille contention, ains gardes feulemêt la dignité, & diminues tant de la puiffance que tu ne ostes riens de l'honneur, & que ceulx qui voullent faire nouuelleté, ne le puiffent : ce que facilement feras si oultre les autres prouifions tu les retournes dans les citez : & pendant le magistrat ne leur laiffes les armes entre leurs mains, ne incontinent, ains en pourfuyte de tēps de quât tu estimeras estre fuffifant à chascun, car en ceste maniere, ne écore les fupraftâs aux exercites ferôt nouuelletez, esleuez pour la haulteffe de leur nom, .: .: .: & demourans en vie priuée, se corrigeront d'eulx mefmes : & que ceulx qui font attenans à icelle facent les congregations, & tous puiffent iuger au temps du magistrat populaire toutes caufes excepté les capitalles, car i'entendz que doiuent estre constituez les iuges par les autres du iour, fenateurs, & cheualiers : touteffois que la fomme & le tout foit repose à eulx, & foit esleu pour preffect de la cité vng des plus prudens & vertueux & de ceulx qui ont gouverné au parauant tous les affaires de la Republicque, non pource qu'il foit president ce pendant que les Hiparques font hors la cité, mais à ce qu'il depofe partie tous les autres affaires de la cité, & partie les caufes fans appellation & qui font remifes aux autres magistratz, ainfi que i'ay dit, & que encores il iuge les caufes capitalles dans la cité, excepté d'aucuns, defquelz ie parleray, & dehors iufques à fept cens cinquante ftades à la ronde. Et vng autre foit esleu, de feimblable condition d'hômes, lequel ayt à acquerir & cōsiderer la ftirpe faculté & couftumes des fenateurs & cheualiers, & qu'il corrige les erreurs qui ne meritēt aucune pugnitiō, & estâs desprifez seroiēt caufe de plusieurs maulx, neâtmois des affaires plusgrandz t'en doie cōmunicquer, & doit cest office estre cōmis à vng fenateur, & pluftost à vng q foit tresbō apres le preffect de la cité que à aucū autre de l'ordre Equeftre, & luy foit ipofe le nô de tō cēfeur, car auffi biē est il cōuenable que tu fois presidēt des cēfures, p- quoy il fera nômé foubzcēfeur : & soyēt deux qui ayēt ces magistratz durât leurs vies, excepté si aucū d'eulx p quelque moyē ne deuenoit meschât ou ne deffailliſt p ifirmitē ou p aage decrepité, biē que ces magistratz durēt long tēps, touteffois pource ne seroit fait aucū mal, especialemēt estât l'üg defarmé, & l'autre ayât petit nôbre de fouldardz & la plusgrād part du temps se trouuâs deuât toy, & pour l'autre raifō se doubteroiēt de faire ifulte à aucū, voyâs leur debilité & la puiffance d'aucū d'eulx : & à ceulx cy doit estre taxé vng certain falaire pour leur dignité. Je te ſcay donner tel confeil, mais les preteurs auât qu'ilz recoiuēt la preture doiuent auoir tenu quelque magistrat entre les fubiectz que ie diray. Soyēt foubzpreteurs la premiere & fecōde fois, apres soyēt faiētz cōfultz, si premieremēt ilz se fōt biē portez, & apres prennēt plus grād dignité, & ainfi ie te confeille, que difpofes les affaires : mais l'Italie toute laquelle est oultre fept cens cinquante ftades loing de la cité & pareillemēt toutes les autres pars qui font es isles & terres fermes  
lesquelles

Cest inter  
uale est en  
la copie I-  
talique.

lesquelles sont en concorde avec nous, diuises les toutes par gens & nations, especiallemēt les citez qui peuent estre gouvernées d'ung homme suffisant, & illec ordonnes que soyent quelque nombre de gens d'armes en garnison, & leurs presidens en chascun lieu, & enuoyes y vng de ceulx qui ayent esté consulz, deux de ceulx qui ayent esté preteurs, & vng lequel peu auant soit forty de la cité, auquel soit imposé la cure des negociés priuées, & l'appareil de ce qui sera necessaire: semblablement vng autre de ceulx qui ont fait ceste charge, lequel aura cure des affaires cōmunes des citez, & sera president aux gens d'armes, excepté es causes criminelles & capitalles, car cestes seulement doibuent appartenir au preffect consulaire: exceptās encores en ceulx cy les Centurions & les hommes priuez, qui seront principaulx sur chascun d'eulx, car tu ne permettras que telz hommes soyent soubz mis au iugement de nul autre à ce qu'ilz ne craignent tant les autres qu'ilz facent iamais chose aucune cōtre toy. Et comme i'ay dit qu'est il besoing que tu preposes aux gens d'armes vng de ceulx qui aūront esté preteurs de ce telle occasion: s'il y a peu de souldardz es forteresses estrangieres ou en vne des citez bon fera de y donner ordre, mais si deux exercites de la cité sont ordōnez demourer l'yuer en garnison en vne mesme gent (car ie ne te voudrois cōseiller en mettre plus de deux entre les mains d'ūg capitaine) sera besoig que tu preposes ces deux qui aurōt esté preteurs separément l'ung à l'ung & l'autre à l'autre, ensemble aux choses ciuiles & priuées: toutefois que le capitaine consulaire aye à iuger. & ce que dessus aux causes qui se traicteront au conseil, & que se remetēt celles qui viennent de ses preteurs. Et ne te esmerueille que ie te conseille de diuiser l'Italie en ceste sorte, pource qu'elle estant grande, & tresque peuplée, est impossible que soit bien gouvernée des magistratz qui sont en la cité, car il fault necessairement que le presidēt soit toujours present en icelle, & qu'il commande aux autres magistratz les choses possibles. Et tous ceulx auquelz seront commis les magistratz hors la cité ayent salaire determiné, assauoir les plus grandz plus, moindre les inferieurs, & moyen les mediocres, par ce qu'il n'est possible que au territoire d'autruy vng viue de ses biens propres ne fasse vne despence indeterminée & sans mesure, cōme que maintenāt soyent en la dignité nō moins de trois ans, excepte s'ilz ne faisoient quelque iniustice, ne plus de cinq parties, car les magistratz annuelz & de brief temps designans à aucun ce qu'il doit faire apres le laissent auant qu'il en puisse faire demonstration aucune, partie pource que ceulx qui durent long temps esleuent plusieurs & les induisent à faire nouuelleté, au moyen dequoy ie n'estime estre conuenable, que soiēt les magistratz conferez l'ung apres l'autre, car il n'y a difference aucune si vng homme retienne le magistrat, ou en vne nation, ou en plus, l'ūne, apres l'autre plus long temps qu'il ne seroit besoing, ains deuiennent beaucoup meilleurs quand intermettent quelque temps, retournent en leurs maisons, & demeurent en vie priuée. Les Senateurs, ie pense que doib-

uent

uent disposer les affaires en telle maniere, mais des cheualiers les deux plus prestans doibuent estre les principaulx, iouxte la garde de ta personne, pour autant qu'il y auroit peril de la commettre à vng homme seul, & feroit vne confusion de la cōmettre à plusieurs. Deux doncques soyent en ce présidés, à ce que si aucun entendoit quelque traffique, contre toy, tu n'ayes besoing d'hommes qui te gardent: & soyent ces deux esleuz d'hommes qui ayent frequenté la guerre par lōgue espace & eu le gouuernemēt de plusieurs choses, & soyent presidens aux massiers & à tous les autres souldardz qui sont en Italie, en maniere qu'ilz puissent condamner à la mort ceulx qui feront chose digne de reprehension, excepté les Centurions & autres assignez aux superieurs de l'ordre senatoire, car ceulx mesmes se doiuent iuger, à ce qu'ilz puissent vser d'eulx en tous temps comme ceulx qui ont puissance de les pugnir & de les honorer: mais aux autres souldardz qui sont en Italie, comme i'ay dit, soyent presidés ces deux, & ayent autre gouuerneur soubz eulx: Aussi soyent presidens aux Cesariens qui sont tes seruiteurs, ensemble de tous les autres d'aucune reputation, par ce que telles choses sont suffisantes & conuenables soubz leur cure, affin que ne leur estant commis autres charges de ce qu'ilz pourront faire, n'ayent apres temps à faitz necessaires, ou qu'ilz ne soyēt apres insuffisans à suruenir à toutes ces choses: & demeurēt en ce magistrat durāt leurs vies cōme le Prefect & soubzcenseur. Aussi soit esleu vng autre seigneur de nuit, & vng superieur aux grains & autres choses qui chascū iour se vendēt en la place des cheualiers, lesquelz soyēt les premiers apres les dessusnōmez, & demeurēt au magistrat iusques a certain temps, comme ceulx qui sont esleuz de l'ordre senatoire. Puis ayēt les cheualiers le gouuernement des deniers du peuple & de l'empire, tant en Rome qu'en tous les autres lieux de Italie, & ceulx cy & les autres d'ung mesme ordre, qui ont quelque gouuernemēt, recoiuet l'ung plus & l'autre moins selō leur dignité & la grādeur de leurs affaires: & ce pour deux raisons, premierement pource qu'il n'est possible ceulx cy estans plus pources que les Senateurs encores demourans en Rome, despēdre du leur propre, partie pource qu'il est impossible mesmes hōmes estre présidés des facultez & deniers.

Comment Cesar commença d'estre appellé  
empereur.                      Chapitre LXXXVI.



N'oultre c'est bonne chose que tout ce qui appartient à l'empire soit gouuerné de plusieurs, à ce que plusieurs recoiuent vtilité & deuiennent expertz es affaires, car par ce moyen les subgetz seront plus beniuoles recepuans diuersité de faitz des biens communs. Et tu; tres habondamment vseras tousiours d'hommes tres bōs en toutes choses necessaires, & suffira qu'en la cité selon la qualité de chascune exactiō, mais hors la cité pour chascune nation, soit vng des cheualiers, ou de tes affran-

chiz

chiz, lequel aye tant d'hommes soubz luy que requerra la necessité, car il luy fault cōioindre encores telz hōmes, affin que tes serfz ayent quelque remuneration de vertu, & à toy ne deffaillet hoīmes desquelz tu puisses scauoir la verité, s'il se cōmettoit quelque faulte, encores cōtre leur volūtē. Et quicōque de l'ordre Equestre, eistāt exercitē en plusieurs choses, se fera vaillant, en sorte qu'il puisse estre senateur, ne luy doīue estre l'aage empeschement qu'il ne soit ascript au senat, ains soyent esleuz encores de ceulx cy, bien que aucun d'eulx fussent preffectz des turmes ss exercites ciuilz, exceptē ceulx qui sont ordonnez à quelque office, cōme ceulx qui portent vaisseaulx & autres sommes, car de telz seroit vergōgne que aucun fust ascript au senat, & riens n'empesche que eslisons dans le senat de ceulx qui ont du cōmēcement estē centurions. Quāt aux cheualiers & cōsulz ie te conseille ce que dessus, & encores, que ce pendant qu'ilz sont ieunes enfans, ilz frēquentent les lettres, & apres qu'ilz seront paruenuz en adolescence, se exercent à picquer cheuaulx & en faictz d'armes, ayans de ces deux choses maistres conduitz avec salaire public: car en ceste maniere apprenās & exercitans en leur ieune aage tout ce qui est besoing operer en l'aage viril, apres te seront plus vtiles en tout ce que les voudras employer, car il fault que vng bon de prime face non seulement ce qui est oportun, ains encores pouruoye que tous les autres deuiennēt vaillans hōmes. Et y paruiendras si tu leur prometz faire ce qu'ilz voudrōt & puis pugniras ceulx qui pecherōt, toutefois si auant qu'ilz ayent failly tu leur enseignes les choses lesquelles faisans pourroit te estre & à eulx mesmes vtiles, & ne leur donne aucunement occasion qu'ilz, ou par leurs richesses, ou par leur noblesse, ou pour quelconque autre cause adherente à vertu, se desdient à paresse, par ce que plusieurs craignās de n'estre enuiez, mesmēt pour telz œuures font maintz actes indignes d'eulx cōme qu'ilz doiuent viure plus seurement pour iceulx: & pour ceste cause à lon misericorde cōme qu'en ce ilz soyent iniuriez, que à eulx ne soit licite viure droitement: ains au seigneur arriue dōmaige, ensemble (il eistāt priuē de vaillans hōmes) honte de telle coulpe. Tu doncques ne feras petit cōpte de ce que ie te dy, & ne craindras que vng nourry selon ceste forme, aye pour ce audace de faire aucūe nouuelletē: car tout au cōtraire fault tenir à suspect les hōmes vicieux & ignares, p ce que telz hōmes sōt facilement induitz à faire choses ennuy-euses, premieremēt cōtre eulx mesmes, & apres contre les autres: mais ceulx qui sont bien nourris, ne s'efforcent faire iniure à aucun autre, & especiallemēt a celluy qui a eu cure de leur nourriture, & enseignemēt: & si encores aucun deuenoit mauuais, ou ingrat, ne luy cōmetz chose p laquelle il peust faire aucune meschancetē, & ou toutefois il feroit nouuelletē, tu le feras reprēdre & pugnir, & ne craindras d'estre reprins si faictz ce que ie te ditz, par ce que ne faudras aucunemēt faisant pugnitiō du malfaieteur, cōme ne encores le medecin, qui guarist le malade avec feu, & flāme: ais sera reputē de chascū estre iustemēt pigny celluy q t'ayt trahy ayāt estē participāt de ta nourriture

re & enseignemēt auec les autres. Quant aux senateurs & cheualiers soyent faictes les choses prédites, mais est besoing que soyēt maintenuz gēs d'armes ordinaires en chascune nation, en aucūs lieux plus, & en autres moins, ainsi que le requerra la necessité, lesquelz soyent esleuz tant des subiectz que noz alliez, & est necessaire qu'ilz soyent ordinairement es armes & tousiours se exercent es choses appartenās à la guerre, & ayēt leurs stations en lieux opportuns, & exercent la gēdarmerie ensemble en vng certain tēps, en maniere que auāt leur vieillesse leur demeure quelque partie de leur aage, car autrement nous estās remotz de l'extremité de nostre empire, ne pourrons vser en tēps opportun ayans encores de tous costez ennemys à nous adherēs, & si nous endurōs que tous ceulx en aage parfait exercent les armes aurōs tousiours discordz & batailles ciuiles: & si encores du tout les empeschōs d'eulx exercer en telles choses, apres leur demādans quelque secours, d'eulx serōs en peril voulans vser de souldardz inexpertz, & inexercicez à la bataille, à ceste cause i'estime que les autres doiuent viure sans armes & sans fortresses, & que soyent esleuz & exercicez ceulx qui se trouuerōt tresrobustes, car ilz cōbatront trop mieulx estās seulement occupez iouxte telle estude, & les autres plus facilement laboureront la terre, nauiguerōt & ferōt les autres choses cōuenables à la part, n'estās contrainctz à dōner secours, & ayans autres deffēseurs de leurs biēs: & ceulx q̄ sont en l'aage plus robuste & vigoureux, ausquelz seroit necessaire viure en proye, en ceste maniere serōt substātez, sans molestation, & tout le reste du tēps viurōt sans peril. Mais quelqu'ung dira, ou se trouuerōt les deniers lesquelz il sera necessaire despēdre tant en ceulx cy que autres: ie te l'ēseigneray apres que t'auray aduisē d'une seule chose, cest assauoir que écores que fussions gouuernez p̄ l'estat populaire, si aurōs nous besoing de deniers, car il n'est possible que nous puissions maintenir sans souldardz, & ilz ne se peuēt tenir sans deniers. Ne nous agrauons dōcques de la monarchie cōme que à elle seule soit necessaire l'accumulation de deniers, & ne la fuyōs pour ce respect, ais cōme qu'il nous soit necessaire en quelque maniere nous gouuerner de recourir deniers, ainsi nous deuōs cōseiller. A ces causes ie suis d'aduis que tu dois vēdre tous les biēs, qui sōt en public: & ie voy qu'ilz sont grādz au moyen des batailles, exceptē aucuns de petit valeur, qui te seroyēt peu vtils & necessaires, & metz tous les deniers en prouenās en vsures moyēnes, car p̄ ainsi les territoires serōt bien labourrez, estās donnez aux maistres mesmes lesquelz auront occasion de deuenir plus riches: & si aura le public vng reuenue suffisant, qui ne faudra iamais: apres fault compter ce reuenue, ensemble tous les autres qu'on recoit de certaines mines de metaulx, & ce faict tenir compte non seulement de la despence des gens d'armes, mais encores de toutes les autres, par lesquelles la cité se treuve bien, dauantaige ce qu'il te fault despēdre es exercices tumultuaires, & autres choses qui ont acoustumē chascun iour aduenir, & selon ce pour tout ce qui deffauldra, imposer tailles à tous les biens cōferans quelque vtilité

lité aux possesseurs d'iceulx & mettre tributz à toutes les nations à nous subiectes. Car moult iuste & cōuenable est que nulle d'icelles soit exēpte des tributz, non hōme priuē, non peuple, comme ceulx qui recoiuent vtilité d'iceulx egallement avec les autres: & est necessaire deputer cōmissaire pour les sūditz tributz leuer en chascun lieu, en maniere qu'ilz recourent en tēps de ce reuenu, qui appartiendra à leurs offices, par ce que cela sera cause; qu'ilz plus facilement ferōt leur recouremēt, & sera non petite vtilité à ceulx qui payeront, ie diz à mettre dehors peu à peu ce qu'ilz deurent ordinairement & n'estre contrainctz, apres si leur estoit faicte quelque intermission payer toute la somme en vne fois. Et suis certain que plusieurs de ces impositiōs & tributz, apres que seront mis sus, seront moult graues à supporter: mais ie congnois encores cela que s'ilz ne detestent ceste chose, & pensent que le tout doiuet cōferer pour le propre salut & pour la seurté de pouoir iouir de leurs autres biēs sans peril, que leurs presidēs, tuteurs, & gēs d'armes, en receurōt encores plus qu'ilz naurōt esté cōtisez, & te serōt moult obligez, rēdre le peu pour l'assez, & dont ilz receuront fruit l'ayans de toy sans aucune abhominatiō, & especiallement quand ilz te verront viure moderēment, & ne faire aucune despence superflue: & qui est celluy lequel te voyāt en ton propre hostel estre tresparcial, mais iouxte les affaires communes tresliberal, ne confere voluntiers, estimant tes richesses comme vne seurté, & leur propre habondance? Ainsi doncques trouueroyz & assembleroyz plusieurs deniers. Toutefois le reste ie te conseille que tu le disposes en ceste maniere. Ceste citē aorne la avec toute sumptuosité, & la fais illustre avec toute sorte de cōgragatiōs festines: car il est moult conuenable que nous q̄ sōmes seigneurs de plusieurs, soyōs suprieurs aux autres en toutes choses. Et telles choses induisēt reuerēce à noz cōpaignōs enuers noz; & aux ennemis imposēt crainte & frayeur: mais quāt aux autres negoces ordōne les cōme sensuit. Premieremāt les peuples ne soyēt seigneurs d'aucune chose, ne viennent aucunemēt au conseil, par ce que oultre qu'ilz n'aurōyēt aucun bon sentimēt, cōfonderoyēt souuētessois le tout: au moyen dequoy i'estime que encores le peuple nostre ne doie entrer en aucun iugement, ne es electiōs des magistratz, ne en aucune semblable congregatiō, en laquelle se doie traiter aucune chose: oultre ce ne peuent vser de multitude de edifices, ou grandeur plus que la necessitē le requiert, ne facēt despēce en diuers ieux, à ce qlz ne se cōsumēt iouxte vaines estudes & ne deuiēnt ennemis p̄ vne ambitiō de raisonnable: car ie veulx qu'ilz ayēt certaines cōgragatiōs & spectacles sans le cours des cheualx qui est en vsance entre nous: mais non tāt que le public & leurs maisons priuées en recoiuent dōmaige, & que aucun estrāger soit contrainct pour eulx faire despence, & dōner perpetuellemēt viāde aux victors d'aucune feste que ce soit, par ce qu'il est raisonnable que les riches hors leurs pays cōtrainctz, despēdēt quelque chose, & aux certateurs doiuet suffire les salaires ordōnez en chascū lieu, exceptē si aucun d'eulx ne est

li soit les Olimpiés, Pithiés ou quelque des autres cōbatz, qui illec se v sent: car seulement ceulx la doiuent estre nourris, à ce que les citez ne se exercēt en vain, & aucun digne de victoire ne se exerce dehors pouāt faire autre chose à luy & la republicque vtile. De ceulx cy, ay telle opinion: mais les festes des cheuaults qui se font sans les ieux, appelez Gimniciens, ie n'estime que doiues conceder la celebration par aucune autre cité, affin que ne se despendēt en vain plusieurs deniers, & les hommes ne deuiēnt malemēt à demy furieux, & sur tout à ce que les hōmes d'armes ayēt habōdāce de bōs cheuaults: par ceste telle raison i'ēpēche entieremēt que ne soyent faictes en nul autre lieu que icy: mais les autres, ie les ay voulu moderer, affin que les hōmes v sās moderēment de spectacles & armonies viuent en plus grand trāsquilité & sans discord: & nul aye de par soy les mōnoyes & mesures nostres, ais tous doiuent v ser des nostres: & nul t'enuoye aucune legation, excepté si ce ne fust pour affaire requerāt determinatiō, mais doiuent declarer à leur superieur ce qu'ilz prétēdent, & par luy te offrēt toutes leurs requestes qu'il aura approuuées, car ce faisāt ilz ne despēdrōt riens, ne feront mal leurs negoces, ais auront les responcez entieres, sans despence & sans peine: & me sēble que dispoſeras encores de toutes choses tresiustement, si tu introduitz au senat les ambassades qui te viēdrōt tāt des enneyns, colliguez, roys, que des peuples, pour autant que autrement encores est moult honneſte, & chose digne, qu'il semble, le senat estre gouuerneur de tous les affaires, & que noz cōtraries entendent, auoir plusieurs aduerſaires: en oultre ordōne toutes les loix & decretz par leur moyen, & ne statue aucune chose vniuerselle sur chascū, excepté les decretz, car aīsi plus s'establiroit la dignité de l'ēpire, & les iustificatiōs des loix seroyent plus certaines & manifestes à vng chascū: d'auātaige si aduient que les senateurs, leurs enfans, ou leurs femmes, cōmettent quelque delict grief, pour lequel cōuenus meritent hōte, exil, ou mort, reduitz les au iugemēt du senat sans aucune ta sentēce, & à icelluy cōmetz l'entiere determination & liberté, à ce que ceulx q̄ desfauldrōt soyent pugnis entre leurs egaulx, sans que en acquieres hayne, quoy voyans deuiendront meilleurs de paour d'estre publiez. Et ie maintenāt entendz de ces malefices sur lesquelz ont esté faictes les loix, & imposez les iuges separez, par ce que si vng t'auoit blasimé, ou dit quelque sotise de toy, ne étēdz l'accusateur, ne vueilles examiner telles factiōs: car grand folie seroit croire que aucun te aye calūnié avec parolles toy n'ayāt faict iniure à aucun, ais plustost benefice à chascū, & seulement les chetifz & mauuais seigneurs sont ceulx qui croient, par ce que leurs cōsciences pēsēt telles choses, qui sōt vrayes, auoir esté dictes d'eulx: aussi est moult ennuyeux se cōtrister pour telles factiōs q̄ sōt vrayes, & vault trop inieulx s'abstenir de les faire, & si elles sont faulces, n'en donner plus grand occasion, ainsi que plusieurs ont faict qui depuis ont esté dictes, beaucoup plus mauuaises cōtre eulx. De ceulx la dōcques qui serōt encoulpez de te auoir iniurié avec parolles i'entendz en ceste sorte, car il fault necessairē-

Ambassa-  
des doib-  
uēt estre  
introdui-  
ctes au se-  
nat.

ment que tu foyes superieur, & plus grand que toutes iniures, & que ne vienes iamais en opinion, ne encores iuges les autres, qu'aucun puisse faire chose deshoneste cōtre toy, à ce qu'ilz ayēt de toy telle opinion cōme des dieux mesmes, cest à scauoir que tu foyes, sainct, sacré & inuiolable. Et si quelqu'un est accusé q̄ te vueille trahir, ce que peult estre pourra aduenir, tu de ce fait ne iugeras ne feras aucune determination, car seroit contre raison, que vng mesme fust iuge & accusateur, ains le cōduisant en plain senat metz ordre q̄ puisse faire son excuse, & s'il est cōuaicu soit pugny, faisāt la pugnition plus moderée q̄ te sera possible, affin que ceste iniure soit estimée vraye: car difficilement peult on croire que aucun defarmé aye hardiesse de vouloir mettre infidies à vng qui soit armé: & seulesmet pourras ce obtenir par vne voye, si tu pugnis non selon l'ire ne si aspremet qu'il te seroit possible, i'ētens toutesfois exceptāt quelqu'un qui eust exercite soubz foy, par ce que tel ne merite estre iugé, ains doit incōtinēt estre pugny cōme enemy. Et pource ces telles choses, & autres tresgrādes qui apptiennēt au public remetiz au senat. Il est besoig que les faitz publicz foyēt gouvernez par le public, & ce est quasi naturel à tous les hōmes de se resiouyr, quād sont traittez cōme egaulx, de celluy q̄ leur est superieur, & de louer tout ce qu'il à determiné, avec eulx, cōme determination propre, & de l'embrasser cōme volontaire. Le dy estre cōuenable que telles choses soiēt introduictes au senat. Et des autres, to<sup>9</sup> ceulx qui seront presens puissent dōner leur sentence, mais quād aucun de leur ordre sera accusé, non tous, excepté si quelqu'un d'eulx n'a au parauāt esté senateur, ou bien encores soit reputé entre ceulx qui aurōt esté questeurs, car seroit chose absurde que vng qui iamais au parauant n'aurōt esté tribun, ou edile, eust puissance de dōner son opinion contre vng de telz hōmes, ou de quelqu'ung de ceulx cy, cōtre ceulx qui ont esté preteurs, ou aucūs de ceulx la qui ont esté cōsulz: mais ie veulx que ceulx cy ayēt puissance de faire determination sur tous les autres, & le reite aye puissance sur ses semblables & inferieurs: & toy mesme de par toy iuge les causes qui te serōt remises des superieurs maieurs, des procureurs, du preffect de la cité, du soubzcēseur, des eparques, du iuge des viures, & du seigneur de nuit, p̄ ce que nul doit auoir si entiere puissance es iugemens qu'on ne puisse de luy appeller. Cela mesme determine des cheualiers, des cēturiōs escriptz, & des hōmes priuez principaulx, quād il se traite de quelque hōte, ou de leur mort, car telles choses to<sup>9</sup> doiuent prédre de toy, & nul de par foy en puisse iuger par les raisons prédites, par ce que ensemble toy les plus honorables senateurs & cheualiers, & encores aucuns autres de ceulx qui ont esté cōsulz & preteurs doiuent iuger affin qu'en ce, congnoissant leurs facons & manieres, puisses apres mieulx vser d'eulx: & ainsi ilz assuefaictz à tes coustumes & cōseilz, foyent commis aux prefectures des prouinces, & leurs opinions qui requierēt vne consideration & admirable & plus que exquisite, ne vueilles demander apertement, à ce que selon qu'il leur est conuenable, ne se doubtent de parler à toy libere-

ment, ains fay qu'ilz t'escripuét leurs aduis en cedulles, qui paruiennét à toy seul, affin que nul autre les puisse veoir: & apres commande que incontinent soyent cancellées, car tenant ceste forme, pourras manifestement de chascū entendre, ilz pensans ne pouoir estre reprouuez des autres. Tu encores dois auoir es chābres, tant les lettres, que decretz de la cité, ensemble les demandes des hommes priuez, & en toutes les autres choses appartenans au gouuernemét de l'empire; aucuns coadiucteurs & ministres de l'ordre Equestre; car en ceste maniere plus facilement disposeras les affaires, & tu faisant de ta teste seule, ne faudras, ny te lasseras te exercitāt seul. Aussi dōne cōgé de pler liberemēt avec toy à quicōque te vueille conseiller en quelque fait, pour autant que si ses parolles te cōtentent en recepuras tresgrand vtilité, & si encores tu n'y adioustes foy, n'en receuras dompage: d'auantaige ceulx ausquelz succedent leurs cōseilz, dois louer, & hōnerer, mais ceulx ausquelz ilz defaillent, non blasmer ne encoulper, car il fault considerer leur volunté, & ne reprendre leur infelicité: cela mesme obserue es affaires de la bataille, par ce que tu ne te dois contrister avec aucun pour aduersité q te aduienne, ne encores auoir eūie cōtre eulx pour leurs prosperitez, à ce que tout hōme prōptemēt & voluntiers se mette en peril pour toy, pensant que si leurs desirs ne leur succedent, ne seront pour ce de toy pugnis, & par leur foelicité, ne seront encores enuiez: car plusieurs craignans l'enuie de ceulx qui sont en seigneurie, ont esleu de plus tost faillir, que de conduire à bonne fin aucunes emprinses & pour ceste cause sont demourez en seurté, toutefois le dompage est venu sur eulx: pour laquelle toy estant pour deuoir receuoir la plusgrād partie du fruct des bons, des meilleurs, & des moins bons ne vueilles iamais auoir enuie à autres en apparéce, aïs en effect à toy mesme. Et dy, & fay tout ce que tu veulx que saichēt les subiectz, car trop mieulx en ceste sorte enseigneras que si tu les gouernes par force de loix, cōsideré que d'ung costé tu leur imposeras emulatiō, & de l'autre les mettras en craincte, & vng plus facilement se meult à l'admiration, voyant faire bonnes œures, qu'il ne se garde de faire celles qui sont deffēdues par loy. Premieremēt tu dois faire toutes choses diligemment ne te donnāt aucun pardon cōme celluy qui scait certainemēt que ce que tu diras ou feras, incontinent sera à chascun notoire, par ce que viuras cōme en vng theatre de tout le monde, & ne te sera licite de occulter vng bien petit peché, ains tousiours feras acōpaigné, & to<sup>9</sup> les autres hōmes inuestiguēt voluntiers de scauoir les faitz des seigneurs, au moyen dequoy filz viennent vne fois à congnoistre, que autres choses tu leurs cōmandes, & autres soyent par toy faittes, apres ne feront compte de tes menasses, ains plus tost imiteront les œures. Aussi dois considerer la vie des autres, toutefois ne la recherche trop exquisemēt, mais iuge ce q te sera relaté par autrui, & ne t'effores de vouloir scauoir ce q n'a à aucū esté encoulpé, excepté les delictz qui se commettent contre la republicque, car moult est conuenable que telz soyent bien cherchez voire sans accusateur. Neantmoins quāt

aux autres appartenât au priué vueilles les scauoir affin que ne failles iamais vsât de quelque inepte ministre en aucune chose, toute sfois ne fais estime de les reprouer, pour autât que souuét sfois la nature induit plusieurs à pecher contre les loix, lesquelles li quelqu'ung les veult mettre pour raison, sera necessaire que aucú soit laissé impugny, ou nul, mais s'il vse d'úe certaine equité avec les loix peult estre que par ceste voye les reduira à meilleur estat, par ce que les loix bien que necessairement facent griefue punition, non pourtât peuent tousiours vaincre la nature. Et aucuns croyét que de estre occultes, & admonestez téperement, deuiennent meilleurs: les vngs se doubtais de n'estre cõuaincuz & les autres se vergoignans de ne faillir vne autre sfois, mais quand ilz sont manifestez, & deshõtez, ou bien oultre mesure pugniz, alors se confondent, & mettent soubz le pied toutes les loix, & seulement seruent les appetitz de nature. Au moyen dequoy, n'est facile de les pugnir tous, ne encores est honneste permettre que aucuns soyent publicquement vicieux. A ceste cause ie te conseille, que disposes les faultes & pechez des hommes en ceste maniere, excepté ceulx q sont grãdemét insupportables, mais les biés faitz que les vueilles remeriter voire plus qu'il n'est requis, car ainsi faisant les feras abstenir des vices avec humanité, & appeter vertu avec ta magnanimité: & n'aye paour, que deniers, ou autres choses, avec lesquelz tu remerites ceulx qui font quelque bien te deffaillet, par ce que ie croy que beaucoup moindres seront ceulx qui serót dignes de tes benefices, toy estant seigneur de si grãd ptie de terre & de mer. Et n'ayes encores craincte que aucuns ayans receu benefices de toy, ne te deuiennét ingratz, car nulle chose que se approprie soubzmet aucun encores qu'il fust aliené & ennemy aucunemét, quãd il n'est iniurié, ains plustost beneficié. Enuers les autres doncques ie te cõseille que tu te portes en ceste sorte. Toute sfois ayes bien esgard à tout ce qui t'est donné, lequel contiène en soy quelque excellence, & superbe, ou que soit le senat ou autres qui le te dõnent, tât en fait, cõme en parolles, pour autât que l'honneur par toy conferé aux autres, leur preste ornement, mais à toy ne se pourroit retribuer plus grandz choses que celles qui sont en toy. Et devray nul des autres semble que volontairement attribue par decret telles choses au plus puissant, & si vng de soy mesme prent tout non seulement n'est loué, ains oultre ce est mesprisé, & pource te acquerras autre gloire, & splendeur par le moyen des bonnes ceures. Semblablement ne permetz, que te soyét faittes ymaiges, soit d'or, ou d'argent, car non seulement sont de grosse despence, mais encores sont fragiles, & durent peu de téps, ains cherche de t'en faire faire d'autres avec benefice en l'entendement de chascun, qui soyent eternelles, & immortelles: aussi ne permetz que te soit fait aucun téple, par ce que iouxte telz faitz plusieurs deniers sont vainemét despédus: lesquelz seroiet mieulx consumez es affaires necessaires, ioinct que les grans richesses ne s'acquierent tant pour prendre plusieurs presens, que pour despandre peu, & de telz temples se acquiert petit louenge, car la verité est celle, qui à

faißt maintz hommes egaulx aux dieux:mais par decret d'autres, nul iamais deuint dieu, au moyen dequoy toy estant bon, & gournant iustement la terre te sera pour vng sacraire, toutes les citez te seront en lieux de temples & tous les hommes te seront en lieux de statues, par ce qu'en leurs couraiges tousiours seras fiché avec vraye gloire, & par le cōtraire ceulx qui regissent autrement, non qu'ilz soyét gloriffiez pour telles choses, bien que soyét esleuez en hault p toutes les citez, ains plustost blasmez. Encores sōt certains trophées & memoires de vices & leur iniustice, car de quant plus dureront de tant plus demourera leur infamie. Parquoy si tu desires d'estre vrayemēt immortel gournes toy ainsi que t'ay dit. Et oultre ce toy mesme sur toutes choses honnore les dieux selon la coustume du pays, contrainctz les autres faire le semblable, ayes en hayne, & pugnis ceulx qui induisent quelques coutumes estranges, non seulement pour le respect des dieux, desquelz aucun faisant petite estime, n'auoit en reuerence aucun autre: mais pource que encores ceulx qui introduisēt ces dieux nouueaulx, psuadēt à plusieurs q viuēt selon les loix estrāges, seditions & coniuations: chose qu'ilz ne font pour l'estat monarchique. A ceste cause ne permetz que aucun soit sās dieu ou en chanteur, par ce qu'il est vray que l'art de deuiner est necessaire: & comment que soit constitue aucuns aruspices & augures avec lesquelz serōt ceulx qui se voudrōt conseiller en quelque chose, mais ne cōment que illec soyēt magiciens, car telz hōmes difans aucune fois à plusieurs la verité, neantmoins le plus souuent mensonge, les incitent à faire nouuelleté. Le semblable font aucuns qui faignent de philosophier, parquoy ie te cōseille que tu te gardes encores d'eulx. Et bien que tu ayes prouuez Arie, Athenodore, estre bōs & honnestes hōmes, non toute fois tous les autres, qui se dient philosophier estre à eulx semblables, pour autāt que aucuns soubz le nom & prétexte de philosophie ont esté de plusieurs maulx au peuple & hommes priuez. Est besoing doncques que soyes trespacifique en ton entendemēt quāt à ne desirer aucune chose, pl<sup>9</sup> que celles que tu as: mais quāt aux appareilz, est besoing que soye tresbelliqueux, à ce que nul soit si hardy de te faire iniure, & si aucū sē treuue facilemēt & incōtinēt soit pugny. Et pource qu'il est necessaire tāt pour cestes, que autres causes que aucuns soyēt entētifz à veoir & ouyr tout ce qui est appartenant à ton empire, affin que ne soye ignorant de chose aucune requerāt garde & correction, te souuiēne qu'il n'est besoing que tu adioustes foy à toutes leurs parolles, ains que diligēment les consideres, car il y à plusieurs lesquelz ayās ptie en hayne aucūs, ptie desirās leurs biēs & possessiōs, autres voulās gratifier à aucūs, autres demādās deniers & ne les pouās auoir pour ces causes accusent ceulx qui veulēt faire nouuelleté, ou qui entēdēt ou difēt quelque chose deshōnelle cōtre l'épereur, pquoy n'est licite que si soubdain & facilemēt adioustes foy à leurs accusatiōs, ains que examines avec grād diligēce toutes choses, par ce que demourāt d'adiouster foy à aucū tu ne receuras ia aucū grāt dōmage, mais p le cōtraire te hastāt peult estre cōmettras

Arie & Athenodore philosophes approuuez.

Le prince ne doit croire facilement.

mettras tel erreur qu'après n'y pourras remedier. Aussi est necessaire que tu honores les bós, côme les affrâchis & autres qui sont à l'étour de toy, car ce te cõferera grád ornement & feurté, neátmoins ne pmetz qu'ilz ayét aucune puissance intollerable & superbe, ains fay que tous se portét modestemét, en maniere que pour leur respect tu ne soye p aucú calúnié, car tout le mal & le bié qlz ferót te sera íputé, & de chascú seras tel reputé, seló la licéce que leur pmettras. Pareillemét n'endures que aucú hõme puissant face iniure à aucú, ny le calúnie iniustement, & nul d'eulx te puisse estre accusé de trop pouoir, encores qu'il n'eust commis aucun erreur: ains efforce toy de faire raisons tresgrâdes à ceulx q aurót esté iniuriez, touteffois ne croy facilémét les accuseurs mais vueilles examiner les choses apart soy tresdiligémét, n'ayát en tout suspectz les plus puissans, ne encores croyát en tout ceulx qui sont inferieurs: & honores ceulx qui operent ou font quelque chose vtile, bien ayes en haine les oysifz, ou qui s'exercent à faire chose inutile & mauuaise, à ce que appetás les bõnes œuures pour l'utilité, & fuyás les mauuaises pour le regard de la peine deuiennét meilleurs en leurs propres affaires, & plus vtils aux publicz. Semblablement sera bon que toy faisant les controuerses des hõmes priuez les moïdres que pourras, tu cherches de les dissouldre le plustost qu'il te sera possible, & que phibes les impetuositéz du peuple. Et silz voulás faire quelque veuf pour tó salut, & pour l'épire, & ta fortune, ilz contraignent aucun à faire, ou despendre oultre leurs facultez, ne leur cõcedes, & tasche de mettre hors & extirper toutes emulatiõs q sont entre eulx: aussi n'endure qu'ilz se vsurpét quelques nós pour lesquelz facilement vien droient en discord avec les autres, & chascú te obeyra en ce, & autres choses, tant publicques que priuées, si tu n'en pmetz iamais aucunes. Oultre cestes, l'inequalité dissoult encores les fabriques qui sont bié confictees ensemble, & pource tu ne leur dois dõner cõgé encores du cõmencement de demáder ce que n'es pour leur deuoir cõceder: ains à ce premieremét cõtraictz les estroittemét qu'ilz ne demádet aucune chose phibée. Voyla ce que ie sentz de ces telles choses. Mais vniuersellemét ie te conseille que ne vueilles mal vser de ta puissance, & que ne pèses estre vne diminutiõ d'icelle pource que tu ne faitz en vne fois de ce que tu peulx: ains de quát plus auras liberté de faire ce que tu voudras, de tát plus t'efforceras de vouloir ce qui sera honeste: & tousiours examine toymesme si ce que tu fais est iuste ou non, affin que partie en faces, & ptie en euites, & ne pèses que alors tu faces iustemét, quád ne voudras ouyr aucú q te éconlpe, & ne pèse iamais que aucú soit si fol qu'il te vueille manifestemét blasmer, car nul ce feroit écores ql eust enduré grád iniure de toy, pour autát aduient le cõtraire, que plusieurs sont contrainctz, louer aptemét ceulx qui les ont iniuriez s'efforcás demóstrer qu'ilz ne soiét courónéz, touteffois est besoig qu'ung price cõsidere le couraige d'aucús nó p leurs parolles ains p les choses p lesquelles est vray sèblable ilz l'entédre en ceste sorte. Cestes & autres sèblables choses te cõseille que faces, car i'en

laisse maintes autres pour ce qu'il n'est possible comprenant le tout, les dire toutes à vne fois: mais repeteray sommairement ce que à esté dit, & ce qui reste, cest assauoir que tu voudrois qu'ung autre superior feist en tó endroit. Si cela faictz, tu spontanément ne faudras en rien, ains conduiras toute chose à bonne fin, & pour ce regard viuras en grand delict & sans peril, car comme ne regardera chascun enuers toy comme son pere & sauueur? & tous te aymeront quand ilz te verrót moderé, de bonne vie, pacifique, quád tu ne feras aucune iniure, ne rauras le bien d'aultruy, & quand te porteras egallement avecq eulx, & ne feras celluy qui se face riche & recouure deniers d'aultruy, & ne feras tel que viues en delices, & cōtraignes les autres à se pener, & ne viuras lasciuement & chastieras apres les autres, ains obserueras en tout esgalles coustumes avec eulx: pour laquelle chose toy ayant pres de toy mesmes vne grand guide de n'auoir iamais faict iniure à aucun, confies toy, & me croy que te le dis, que iamais ne feras hay, ne insidié. Et estant ainsi fera necessaire que viues en grand plaisir, pour autant que, *Quelle pourroit estre plus grand delectation & foelicite, que receuant le fruiet de tous les biés humains avec la vertu les pouoir encores communiquer aux autres?* A ceste cause pēsant à tout ce que i'ay dit, croy moy, & ne laisse la fortune qui t'a esleu & préposé à tous les autres. Parquoy si en effect tu veulx eslire la monarchie, & que tu craignēs le nom du royaulme comme abhominable, ne l'acceptes, ains vsant d'estre appellé Cesar, retiēs la puissance en toy: & si encores tu as besoing des autres dominations, les Rommains te donneront le tiltre d'empereur comme ilz le donnerent à ton pere, & te honoreront avecques autres noms, en maniere que possederas en effect tous les fruietz du royaulme sans aucun surnom de hayne ou enuie. Ayant dit Mecenas les choses prédictees, fait fin à son parler. Et Cesar les loua grandement tous deux tant pour l'intelligence, leur eloquence que liberté de parler, mais touteffois esleut plus tost la part de Mecenas: neátmoins ne fit toute chose ainsi que luy auoit esté préposé, craignant de faillir s'il s'efforçoit de transformer le gouuernement des hommes tout à vng coup: bien changea l'ordre d'aucunes choses incontinent, & d'aucunes autres en laissa la cure aux empereurs ensuyuans, comme qu'elles se fussent peu faire oportunément selon le temps. Et combien que Agrippe luy eust donné conseil contraire, touteffois se demōstra estre tresprompt pour luy, comme qu'il eust esté celluy qui à ce l'eust induict. Et fait Cesar tout ce que à esté par moy dit au commencement de l'oraison en cest an auquel il fut la cinquiesme fois consul, & accepta le nom d'empereur. Et ne entendz ce nom lequel iadis fut donné à aucuns selon l'ancienne coustume pour le respect des victoires, car souuenteffois receut tel nom pour ses ceures auant, & encores depuis: parquoy es statues se treuve escript le nom de empereur: ains est autre, qui signifie la puissance de l'empire, ainsi qu'il fut assigné par decret à Cesar son pere, & à tous ses descendans: & depuis ce temps estant censeur avecques Agrippe il conceda

aucunes autres choses, ensemble péfa de inuestiguer le senat, par ce que plusieurs chevaliers & gens de pied oultre leur condition auoiet esté esleuz senateurs à cause des batailles ciuiles, en maniere que le nôbre des senateurs se estendoit iusques à mille: au moyen dequoy il les voulant discerner n'en laissa ancū à part soy ains les ayant confortez que par la conscience de leur sang & de leurs vies voulussēt estre iuges à eulx mesmes, premierement persuada iusques à cinquāte que volūtairement se départissent du senat; & apres cent cinquāte furent par luy contrainctz de imiter les premiers, & ne feist à aucū d'eulx hôte, sinon qu'il exposa en public les noms des secondz, car aux premiers remist de ce faire pource qu'ilz ne contredirēt aucunement ains tout incontinent luy obeyrēt, & par ce ne furent publiez. Ceulx cy dōcques esleurēt volūtairement la vie priuée: mais il empeschāt cōtre sa volūté que Quintus Statilius n'entraist au tribunal, laquelle dignité luy auoit esté designée, & mit aucūs autres en l'ordre senatoire, & entre les hōmes cōsulaires deux senateurs, cestassauoir Cluius & Furnius Gayes, pource qu'ilz ayans esté designez au parauāt cōsulz, ne peurēt exercer le cōsulat, au moyen de l'épescement de certains autres qui auoiet préoccupé leurs magistratz. En apres acōplit le nombre des gētilz hommes par cōmission à luy ia dressée par le senat, considéré que plusieurs estoient decedez: car es batailles ciuiles de nulle autre generation d'hommes n'en moururent tant que des gentilz hommes: lesquelz de tousiours ont esté reputez necessaires pour les affaires de la Republicque. Ce fait, inhiba à tous les senateurs que sans commandement ou son congé ne se partissent hors de Italie: chose qui s'obserue encores iusques à ce temps: excepté qu'il est licite à vng senateur peregriner iusques en Sicile, & en la Gaule Narbōnoise, & non oultre: par ce qu'en ces lieux (au moyen qu'ilz sont pacifiques & desarmez) est concedé à ceulx qui illec ont possessions aucunes, de y aller tant de fois que bon leur semblera, sans coulpe. Et pource qu'il congnoissoit plusieurs des Senateurs qui auoyent fauorisé Anthoine, l'auoir à suspect, au moyen se donbtoit qu'ilz ne feissēt nouuelleté, fait diuulguer qu'il auoit brullé toutes les lettres trouuées es coffres & armoires de Anthoine: & en verité en auoit gasté les aucunes, toutesfois plusieurs d'icelles auoit retenues pour en pouoir vser quand besoing seroit. Aussi fait de nouuel habiter Carthaige, car Lepidus auoit destruiēt vne partie d'icelle, & pour ceste iniure sembloit leur auoir rompu les raisons de leur colonne. Et enuoya querir Anthiochus Comagenus, lequel auoit occis vng ambassadeur de son frere par deception, qui estoit en discord avec luy & auoit enuoyé à Rome: lequel venu le mena dans le Senat, ou condamné, le fait mourir, & print en change Caprée des Neapolitains desquelz il estoit anciennement, leur ayant donné autre territoire, & est posée non loing de la terre ferme de Sutrente, laquelle Caprée maintenant n'a riés de bon, sinon qu'elle est nommée pour la résidence de Thibere en ce lieu.

Deux cens  
senateurs  
priuez par  
Cesar de  
leurs di-  
gnitez.

Mort de  
Anthocus

Le

# Le Cinquantetroisieme liure

DE DYON, HISTORIEN GREC,

Traduict d'Italien en Francois.

Ce present liure traite de la cōsecration du temple de Apollo, de l'oraison que fait Cesar au senat, de la monarchie prinse par Cesar & diuisiō des nations, de la constitution des presidens enuoyez aux nations, du nom Auguste donnē à Cesar, des noms que prennent les empereurs, du port de Auguste avecq les Assyriens & Cantabriens, de Galice soubz mise aux Rommains, de la liberte octroyee à Auguste, & de l'exercite dressē contre Arabie Fœlice.



Comment le temple de Apollo fut consacré au palais.

Chapitre

LXXXVII.



Lors furent faictes les choses prédites. Mais en l'an ensuyuāt Cesar tint la principaulté la sixiesme fois, & fit le reste selon l'ancienne coustume, dōna les fesseaulx des verges à Agrippe selon l'ordre, & en v'sa d'autres, & auoir finy le magistrat y soubzadiousta le serment suivant la coustume du pays. Neātmoins ne scay s'il fit ces choses vne autre fois, considéré qu'il ay moit suprément Agrippe, luy auoit donē pour espouse

espouse vne sienne niepce:& quand estoient au camp ensemble, luy fait present d'ung paillon semblable au sien: aussi l'ung & l'autre donnoiet le signe de la bataille. Durât ce temps il fina les descriptions esquelles il fut nommé Prime du senat, selô la coustume du vray estat populaire:& si écores pacheua le temple de Appollo dans le palais, ensemble le sacraire y adioignât fait la librairie, & la confacra. Pareillement avec Agrippe celebra la solénité decretée & ordonnée pour la victoire obtenue pres le promontoire Attiaque, auquel fut fait la feste du cours des cheuaultx par ieunes enfans & gentilz hommes:& ceste tousiours tous les cinq ans iusques à tât qu'elle fut celebrée estoit commise à la cure des quatre ordres sacerdotaulx en circuit, i'entédz, des Pontifes & des Augures, de ceulx qui sont appelez les sept & quinze hommes: & le combat appellé Gimnicque fut fait ayant esté ordonné au champ de Mars vng stade fait de boys ou les prisonniers furent mis pour combatre ensemble, & durerent ces telles cerimonies par l'espace de plusieurs iours sans intermission aucune, bien que Cesar deuint malade, Mais alors encores Agrippe supplioit en son lieu. Pour lesquelz spectacles Cesar despendit plusieurs de ses biens propres, mesmement pour ce que le public auoit besoing de deniers en print aucuns à v sure, & les leur donna, commandant pour l'administration d'iceulx que chascun an fussent esleuz deux hommes qui eussent esté preteurs, & si distribua au peuple quatre fois plus de froment qu'on n'auoit accoustumé, & à aucuns senateurs donna des deniers pour autant que plusieurs d'entre eulx deuindrent si poures que pour la multitude des despences nul vouloit estre Edille, ains les autres negoces ensemble les iugemens appartenans aux Edilles estoient selon la coustume commises aux Preteurs, les plus grandz à celluy de la cité, & les autres à celluy qui estoit dehors. En oultre, il meisme designa & esleut celluy de la cité (chose qu'il fait souuent esfois depuis) & toutes les seurtez qui estoient obligées au peuple auant la bataille faite pres le promontoire Attiaque toutes relascha, excepté celles qui estoient faites pour les edifices:& brussa les liures des debtes, anciés deubz au peuple, & ne voulut que les sacrifices Egyptiés fussent receuz dans l'enclostore des murailles de la cité: bien fit vne grâd provision aux téples, car il comanda que ceulx qui auoyent esté faitz par aucuns hommes priuez fussent aornez par leurs enfans & nepueux s'ilz en auoyent aucuns:& quât aux autres, il meisme les fait tous reffaire: neâtmoins ne se voulut approprier la renomée de les auoir ediffiez, ains les rendit à ceulx qui les auoyent ordonnées. Et pource que plusieurs choses tât es seditiôs que batailles & especiallemét en la cōiunction de Anthoine & Lepide auoyent esté iniquemét & iniustemét ordonnées, les deslia toutes avec vng rescript, ayât assigné pour terme son sixiesme consulat. Dequoy se voyant grandemét loué & renomé, eut. vouloir de mōstrer vne certaine tresgrâd magnanimité, à ce que pour telle chose receust plusgrâd hōneur & cōfirmast d'auantage la monarchie par la volonté des hommes, ne semblât qu'ilz eussent esté efforcez.

Téple de  
Appollo  
confacré.

Provision  
sur la re-  
paration  
des rem-  
ples.

Et

Et pource ayant ordonné dans le senat ces senateurs qui luy sembloient moult aptes pour son fait, entra dans le senat, estant la septiesme fois consul, & parla en ceste maniere:

Comment Cesar fait vne oraison dans le senat.

Chapitre

LXXXVIII.

Oraiso de  
Auguste ce  
sar au Se-  
nat.



**E** suis certai(ô senateurs) que à aucū de vous sembleray dire choses incroyables, pource que ce que les auditeurs ne feroient volontairement ne le peuvent croire, encores es autres qui le dient & especialement estant ce la nature des hommes que chascun ayant enuie à plusgrad que luy ne adioute foy à ce qui est dict tant qu'il ne feroit: d'auantage ie congnois que ceulx qui dyent choses incroyables non seulement ne persuadēt aux autres, mais encores semblēt estre hommes legiers, neantmoins si ie promettois telle chose laquelle ne feusse appareillé de mettre incontinent à execution, i'auroys pense assez longuement deuant que en parler de paour qu'en lieu de recepuoir grace plustost ne fuisse encoulpé: toutefois puis qu'en ce mesme iour l'effect de mō dire s'enfuiura, ie me cōfie grademēt que non seulemēt ne seray repproué, ains plustost en acquerray plus grad gloire. Vous mesmes voyez que ie vous puis perpetuellemēt dominer depuis que tous les hommes sedicieux ont esté pugniz par iustice, ou bien chastiez avec misericorde, & puis que ceulx q ont maintenu mon party ont esté remunerez & maintenāt sont puissans comme participans de ma prosperité, au moyē dequoy nul desire faire nouuelleté, & si touteffois quelque mouuement se faisoit, sont appareillez ceulx qui me donneroyent secours, & suis trespuissant par la beniuolence & force des gens d'armes: outre ce i'ay deniers & compagnons, & sur tout vous & le peuple estes en telle sorte enuers moy disposez, qu'estes contens estre de moy gouvernez. Neantmoins ie ne veulx plus estre vostre president, ne aucun pourra dire que les choses passées ayēt de moy esté faictes pour vous seigneuriser & dominer. Voyez ie laisse toute la seigneurie & vous rendz vniuersellement toutes les armes, les loix, & les peuples, non seulement ceulx que m'auēz commis, mais encores ceulx que depuis i'ay conquis, à ce que congnoissez par effect que du commencement ie n'euz oncques volūte à aucune seigneurie, ains que seulement mon propos auoit esté de venger l'unicque & cruelle mort de mō pere, & deliurer nostre cité de plusieurs maulx. Ie certainemēt vouldrois que iamais n'eusse esté préposé à telles choses, cestassauoir ie vouldroye que la cité n'eust eu besoing de moy pour tel office, ains plustost eust esté en paix & concorde comme iadis demourerent noz antecessours, & nous encores que soyons en cest aage eussions esté vniz en concorde. Mais puis que vne certaine disposition fatale (comme il est euidēt à vng chascun de vous) nous a conduictz à ce que eustes besoing de faire experiance de moy, combien que feusse moult ieune, ce pendant que les affaires requeroyent mō secours

cours ie feiz ce qui estoit oportun, promptement, & reduictz auec prosperité & plus que ne permettoit mon aage, toute chose à bonne fin: & ne fut chose qui me diuertist de vous secourir, non la peine, non la paour, non les menasses des ennemys, non les prieres des amys, non la multitude des conuurez, non les forteresses des ennemys, ains audacieusement me offris à tous les perils feiz & enduray ce que vous scauez, dont n'ay fait autre gaing sinon le salut du pays & que vous estes sauluez & pacifiques ensemble. Mais puis que la fortune à bien fait (laquelle par mon moyen vous à concedé seure paix & sincere cōcorde entiere sans aucune sedition) receuez encores de moy la liberté, l'estat populaire, & les armes, auec les natiōs subiectes, & gouuernez la republique selon vostre coustume. Et ne vous esmerueillez si i'ay telle opinion puis que cōnoissez mon equité & mansuetude es autres choses, & scauez que iamais n'ay voulu accepter aucū hōneur superbe & excellent sur les autres, bien que souuentefois vous par voz decretz me le voulussiez conceder. Et ne me reputez encores fol que ie pouant estre seigneur, refuse si grand empire & de si grand partie du monde, pour autāt que si vng veult suyure la iustice ie repute estre chose tresuile que vous mesmes gouuernez voz affaires & negoces. Et si cōsiderons l'utilité, ie pense m'estre chose tresvtil n'estre enuie ne soubzmis aux infidies d'aultruy, & viure moderément & amyablement en liberté auec vous. Et si attendōs à la gloire pour laquelle plusieurs souuentefois font guerre & se metēt en peril, ne me sera ce tresgrand renommée que i'aye laissé si grand domination? & ne me sera ce tresgrand gloire que volontairement de si grand sublimité soye descēdu à la vie priuée? parquoy encores que ne peussiez croyre que vng autre hōme puisse auoir ceste opinion, & veritablement en parler, neantmoins ie vueil que me croyez: cōsideré que cōbien que puisse nōbrer maintz benefices par vous receuz de mō pere & de moy, pour lesquelz raisonnablement nous aymez & honnerez sur tous autres, toute fois de nul autre ferois mention, ne plus d'aucū autre me vāterois que de ce qu'il ne voulut accepter la monarchie, laquelle luy fut par vo<sup>9</sup> offerte, & ie qui desia la possede, la veulx laisser. Et qui est celluy qui voulust cōparer ce benefice à la subiugatiō de Gaule, ou la seruitute de Pannonie, ou la captiuité de Misie, ou la subuersion de Egypte, ou Pharnaces, ou Iuba, ou Phraates, ou la guerre cōtre Bretagne, ou le passaige du Rhin? & toute fois cestes sōt telles & si grādes œures que telles oncques ne firēt to<sup>9</sup> noz antecesses ensemble. Neātmoīs aucune d'icelles ne se peult cōpter au presēt fait, ne plus grād louēge meritōs pour vo<sup>9</sup> auoir reduict à bōne fin diuerses & tresgrādes batailles ciuiles, & no<sup>9</sup> sōmes en icelles portez humainement, nous soubzmettāt to<sup>9</sup> noz aduersaires, & saulūāt to<sup>9</sup> noz amys, beniuoles & obeissans, au moyē dequoy si vne autre fois estoit destiné que la cité encourust en telle epydimie deuriōs desirer qu'en telle sorte arriuaissent les seditiōs cōme arriuerēt en nostre tēps, ioict que ceste n'est vertu humaine, ains plustost diuine, que no<sup>9</sup> estās si puissās de vertu & fortune que

vous

vous pouons donner ou par violence ou par force, neantmoins ne nous en sommes esleuez en orgueil, ne auons desiré la monarchie, mais plus tost mô pere luy estant offerte la refusée, & ie me l'ayant esté donnée, la vous rendz. Et dy ce, ne me voulant glorifier pour aucune autre fin, considéré que du cômencement me fusse teu se ieusse pensé par cestuy mon sermon deuoir croistre & gaigner aucune chose, ains à ce que seulement congnoissez que ayàs esté plusieurs benefices par nous concedez à la republicque, & ayans encores plusieurs louenges domesticques & priuées, neantmoins de nulles d'icelles tant nous resiouyffons que de ce que nous encores efforcez, n'ayons accepté ce que plusieurs efforcans aultruy veulent acquerir. Et qui pourroit estre plus magnanime que moy à ce que ie me taife de mon pere lequel incontinent fut mis a mort? & qui encores se trouueroit plus admirable que moy? qui ayant tant & telz gens d'armes, citadins & compagnons, qui me fôt beniuolles, & toute la mer mediterrannée en ma puissance & pouât p tous les lieux de terre ferme citez & peuples, & n'estant aucun estrangier qui me esmeue guerre ne aucuns citadins sedicieux contre moy ains vous estans tous en paix, concorde, & forteresse, & sur tout a moy volontairement obeyffans: neantmoins de mon propre mouuement laisse si grand empire & si grâdz richesses, au moyen dequoy cy Horace, Mutie, Curtie, Regule, & Decies se voulurent mettre en peril & finalement mourir pour sembler auoir fait quelque grand chose & notable, pourquoy ne me debuerois ie mouuoir a ceste par laquelle ie vif surpasseray tant ceulx la que tous les autres hommes de gloire. Et ne debuez penser que seulement les anticques Romains furent cupides de gloire & de vertu & que maintenât toute la magnanimité & virilité des hommes soit perdue. Et n'ayez pareillemēt ce suspicion que ie vueille laisser entre les mains d'aucuns hommes mauuais, ou d'une multitude confuse (par la puissance de laquelle non seulement ne s'enfuyt aucun bien entre les hommes ains plus tost tout mal) par ce que a vous qui estes les plus saiges & meilleurs vous remetz les choses cômunes. L'autre, cest assauoir de vous laisser entre les mains de la turbe & des mauuais ne l'auroys iamais fait, ains serois mort, & auroys perseueré en la monarchie: mais maintenant faiz cecy pour le bien de moy mesmes, & de la cité, ioinct que desia suis las & trauaillé & ne puis resister à la peine avecq le corps ne avecq l'entendemēt. D'auâtaigē, ie préuoy la haine & l'enuie, lesquelles aucuns portent cōtre les hommes vaillans, & le peril de n'estre trahy. A ceste cause ie veulx viure plus tost comme homme priué avec honneur, qu'en la monarchie avec peril: & aussi fera par ce moyen la Republicque mieulx gouvernée par plusieurs que par vng seul: & pource vous pryē & supplie que vueillez approuuer ceste opinion mienne, & estre prôptz avec moy a la mettre à execution, considerant entre vous quantes & quelles peines i'ay endurées pour vous tant es batailles que au gouvernement de la Republicque: pour lesquelles toute la grace que ie deusse recepuoir de vous, maintenant, en ce me sera referée,

referée, cest à scauoir si me voulez conceder que vne fois ie viue en repos, afin que puissiez congnoistre que non seulement ie scay seigneuriser, mais encores estre dominé. Et tout ce que i'ay commandé aux autres, à moy encores pourra estre comandé, & i'ay esperance que viuray seurement ny ne m'attédz d'estre offense d'aucun soit en fait ou en parolles tant me confie en vostre beniuolence. Et si encores i'endure quelque mal, comme souuét arriue à plusieurs, ioinct qu'il n'est possible que vng puisse complaire à tout homme, especiallement qui ait gouverné tant de guerres ciuiles & estrangieres & eu tât d'affaires entre ses mains: ie moult volontiers esliray plustost de mourir en l'estat priué auât le téps à moy destiné, que estre immortal en la monarchie, cōsideré que ceste seule chose me attribuera grand gloire que non seulement n'occiray aucun pour me faire seigneur, ains plustost auray esleu la mort pour ne l'estre: toutesfois ceuluy q aura l'audace de me occir fera pugny des dieux, & de vous, ainsi qu'il est aduenu de mon pere qui fut réputé vng autre dieu & à obtenu eternalz honneurs: mais ceulx qui l'ont occis estâs mauuais hommes sont mortz mauuaisement, & puis que ne pouons estre en tout immortalz, neantmoins bien viuans & bien mourans en quelque partie nous faisons immortalz. Et maintenant ayant vne de ces deux choses, cest à scauoir la bonne vie: l'autre cest à scauoir la bonne mort esperons l'auoir laissant les armes, les peuples, reuenuz & les loix, vous aduisant seulement que ne vueillez perdre le couraige, doubtant que telles choses ne soyent si grandes & difficiles que ne les puissiez gouverner, ne écores les desprisiez cōme qu'elles soyent faciles, & pource soyez negligés. Je ne resteray que ne vous admoneste des choses plus grandes, comment les debuez administrer, & qu'elles soiēt cestes. Premièrement obseruez cōstantment les loix imposées & n'en changez aucune, par ce que les choses qui sont immuables & immobiles encores que ne soyent si bonnes, neantmoins sont plus vtils que celles qui tousiours se renouellent, bien qu'elles semblēt estre meilleures. En outre ce que vo<sup>9</sup> cōmandēt les loix que deuez obseruer, & ce encores dont cōmandēt vous abstenir, obseruez le, non seulement en parolles, ains en faitz, affin que meritiez, non peine, mais honneur. Donnez les dignitez necessaires tant en temps de paix que de guerre à ceulx qui sont plus vaillans, plus vertueux & plus saiges que les autres, & ne soyez enuieux contre aucun ne cupidés que vng deuienne plus puissant que l'autre, ains attendez au bien & salut de la Republicque, & honnorez ceulx qui attendēt à ce, & pugnissez qui fait le contraire. Aussi reputez que voz biens propres soyēt communs à la cité, mais abstenez vous des publicz comme des alienes: & fauluez ce que auez diligemment sans desirer aucunement ce qui ne vous appartient. A voz compaignons & subiectz ne faictes iniure ne extorsion de deniers, & aux amys ne faictes aucune iniustice, ne écores les craignez. Tousiours ayez les armes entre les mains, neantmoins n'en vsez l'ung contre l'autre ne contre ceulx qui demeurent en paix. Et maintenuz les gens d'armes suffisam-

ment de paour que pour besoing ne desirent faire nouuelleté, toute fois re-  
frenz les de paour que par audace ne prennent hardiesse de faire quelque  
mal: mais qu'est il besoing que soye si long à racompter ce que vous est con-  
descend de faire? veu que de ces enseignemens vous scauez comment vous  
debuez gouverner es autres choses. Je feray d'ôcques fin à mon parler, vne  
seule chose dicté, cest à scauoir, que si vous vous gouvernez en ceste manie-  
re ferez heureux & à moy agreables, lequel estans seditieux entre vous vous  
ay reduitz à si bon terme: toute fois si vo' n'estes suffisans de faire aucune de  
ces choses ferez cause que ie me repentiray, & de rechef mettrez la cité en  
tresgrandz batailles & perilz.

Comment Cesar print la monarchie, & diuisa les nations.  
Chapitre LXXXIX.



Yant Cesar dit & remonstré ce que dessus, vne diuerse passion  
d'entendement print les senateurs, par ce que bien peu estoient  
qui congneussent sa pensée, au moyen dequoy s'uyuoient son in-  
tention: mais des autres, aucuns auoyent à suspect les parolles: & aucuns y  
adioustoient foy: au moyen dequoy tant les vngs que les autres l'auoyent en  
admiration ceulx cy de son artifice & ceulx la de sa sentence, & à aucuns e-  
stait moleste l'artifice & aux autres sa penitence, par ce que desia estoient  
aucuns qui auoyent en hayne l'estat populaire comme plain de sedition, &  
estoyent contens de la permutation de la republicque, se resiouyffans de Ce-  
sar: au moyen dequoy auoyent respectiuellement diuerses passions, toute fois  
mesmes pensées: car ceulx qui croyoyét Cesar vrayement auoir parlé, ne se  
pouoyent resiouyr: ne ceulx qui auoyent esté en cõseil de paour, ne les autres  
pour les esperances, ne ceulx qui ne le croyoyent, auoyent hardyessse de le  
calumnier & reproquer, partie pource qu'ilz craignoyent, & partie pource  
qu'ilz ne le vouloyét: parquoy tous luy adioustoeyt foy, partie contrainctz,  
& partie simulément, & aucuns n'osoyent louer son parler, & aucuns ne le  
vouloyent: ains il lisant ce pendát plusieurs choses, à haulte voix deman-  
doient la monarchie adioustans tout ce qui estoit necessaire, & iusques à ce  
qu'ilz le contraignirent accepter la dignité imperatoire, & incontinent trai-  
cterent à ses massiers qui leur fut concedé le double salaire de ce qui auoit  
esté donné aux autres souldardz, à ce qu'il eust plus seure garde comme que  
vrayement il se fust voulu dessaisir de la monarchie. Ainsi se confirma la  
principaulté du consentement tant du peuple que du senat, & voulant en-  
cores sembler d'estre amateur du peuple print en foy la cure & présidèce de  
tous les affaires communes qui auoyent besoing de quelque diligence, &  
dist qu'il ne vouloit dominer toutes les nations, ne encores celles ausquel-  
les il dominaist dist de vouloir tousiours retenir soubz son empire, & celles  
qu'il congnoissoit les plus foibles rendit au peuple comme pacifiques &  
sans

Cesar ac-  
cepta la  
monar-  
chie.

sans suspicion de guerre: mais celles qui estoient plus fortes comme douteuses, & celles qui auoyent voylins ennemys ou de par foy pouoyent faire vne grande nouuelleté retint soubz luy: & en parolles le faisoit, affin que le senat receust la tresbonne partie de la seigneurie & il eust le fruit & les perils: toutefois en effect, à ce que soubz tel pretexte ilz fussent sans armes & appareil de bataille, & il seul les eust, & deust maintenir les gens d'armes. Et pource Affricque, Numidie, Asie, Grece avec le Epire & toute Dalmatie, Macedoyne, Sicile, Candie avec la Libie, qui est pres Cirene, la Bithinie avec le Pôt adiouste à icelle, Sardaigne & la Beticque furent assignées au peuple: mais à Cesar le reste d'Espagne qui est pres Arragon, la Lusitain, les Galatz, Narboniens, Lyonnays, Acquitains & les Celtes, cest à scauoir eulx & leurs colonnes, pour autant que aucuns des Celtes que nous appellons Germanie ayans occupé toute la Celtique adioignant le Rhin, firent que ceste regio fut appelée Germanie, vne ptie superieure, cest à scauoir celle qui est depuis les fontaines du fleue: l'autre inferieure, cest à scauoir celle qui s'estend iusques à la mer Océane de Bretagne. Ces regions doncques & la Syrie appelée concaue Phenice, Cilicie, Chippe & Egypte alors furent en la part de Cesar, par ce que depuis il rendit au peuple Chippe & la Gaulte Narbonnoise, & reprint pour luy Dalmatie. Et le semblable fut encores depuis fait en autres nations comme demonstrerons successiement. Et ay maintenât voulu de ce faire mētion, par ce qu'en ce temps chascune nation est gouverné de par foy: mais anciennement pour la plus grand partie deux & trois nations, ensemble, estoient soubz vng: mais des autres nations ay fait mētion, par ce que aucunes d'icelles depuis furent cōquises les aucunes bien que iusques alors auoyent esté subiuguées par les Romains, neantmoins ne estoient par eulx regies & gouvernées, ains auoyent esté laissées libres ou bien commises à aucuns autres roys. Et de cestes, celles qui depuis ce temps vindrent soubz l'empire Romain, furent tousiours assignées à l'empereur. Les nations ainsi diuisées, Cesar voulant les remouoir de ceste oppinion qu'il desiraist la monarchie, print en foy l'empire des choses à luy assignées par l'espace de dix ans: pource qu'en ce temps promit de les pacifier, & outre se venta que si plus tost le pouoit faire plus tost encores les leur rédroit. A ceste cause determina que les senateurs dominaissent toutes les deux nations, excepté les Egyptiens, par ce que à ceulx la ilz préposa l'ordre Equestre pour les raisons prédites: d'auantaige voulut que ceulx cy se muassent chascun an, & se tirassent par sort, excepté si quelqu'un n'auoit prerogatiue pour multitude d'enfans ou de mariage, & fussent enuoyez du commun conseil du senat sans l'espée ceincte & la robe militaire, & que fussent nommez préconsulz, nō seulement les deux qui auoient esté cōsulz, mais encores ceulx qui auoyent esté préteurs ou qui sembloient l'auoir esté: & que l'ung & l'autre d'être eulx v fassent tāt de fasces cōme est acoustumé de vser en la cité: & commanda que incontinent qu'ilz seroyent hors les murailles de la cité, ilz

Diuision  
des nations  
entre Ce-  
sar & le  
peuple.

desployassent les enseignes du magistrat & les retinssent iusques à leur retour: toute sfois ordonna que les autres fussent esleuz par luy mesmes & nommez legatz & propreteurs (bien qu'ilz eussent esté des consulaires) car ayât esté ces deux nōs en grād renom en l'estat populaire, dōna le nom de preteur aux esleuz cōme conuenable à la guerre selon l'anciēne coustume: mais quāt au nom de consul, le donna aux autres cōme plus facificques, les ayans nommez procōsulz, p ce que ces deux nōs cest assauoir de cōsul & de preteur les reserua en Italie: mais to<sup>9</sup> les autres éuoyez dehors nōma propreteurs & procōsulz cōme qlz gouernassēt en leur lieu. Il feit dōcques que les esleuz vsassent de nom de propreteur & demourassent au magistrat oultre l'an tāt qu'il luy plairoit: & ceulx encores qui portoyent l'estolle militaire & l'espée aufquelz l'ayans est licite iuger les hommes d'armes, car à nul autre ne proconsul propreteur ne procureur est concedé porter l'espée à qui ne soit licite pouoir occirvng hōme d'armes, par ce que non seulement aux senateurs, ains écores aux cheualiers qui ont l'espée est ce cōcedé. Sēblablement to<sup>9</sup> les propreteurs vsent de cinq hōmes qui portēt les verges deuāt eulx. Aussi ceulx q n'ont esté de l'ordre cōsulaire sont nommez en ce nōbre, & l'ung & l'autre retiēnent semblablement les ornemēs du magistrat quād fōt entrez en la regiō à eulx assignée, & quand sont a la fin du magistrat les desmettent.

Quelle puissance a celluy qui porte l'espée militaire par decret.

De la constitution des presidens qui furent enuoyez es nations.  
 Chapitre XC.

Cōstitutio des presidens enuoyez aux nations.



Insy doncques en ceulx cy fut constitué que de ceulx qui auoyent esté preteurs & consulz fussent enuoyez presidens en l'une & l'autre partie, & encores l'empereur enuoyoit les aucuns ou & quand bon luy sembloit, & plusieurs preteurs & cōsulz tenoyēt la principaulté des nations (chose qui encores maintenant aucunesfois est obseruée) mais au senat & aux consulaires separément assigna l'Affricque & Asie, & à ceulx qui auoyent esté preteurs tout le reste, & cōmunement inhība à tout hōme que nul auant que fussent cinq ans passez apres qu'ilz eussent eu magistrat de la cité, peussent estre mis au sort, & certain temps tous ceulx cy, bien qu'ilz fussent plus que de nations, neantmoins l'obtenoyent par sort: mais depuis les aucuns d'eulx se gouernans mal, furent ilz mesmes assignez à l'empereur, & ainsi par vng certain moyen il leur distribua encores les magistratz, car il commanda que ceulx lesquelz il veult estre tirez par sort soyent egaulx aux nations: & ont esté enuoyez par les empereurs, encores aucuns par election en ces lieux, & à aucuns à esté concedé de retenir le magistrat plus d'ung an, aussi aucuns ont concedé à des cheualiers en lieu de senateurs aucunes nations. Telles constitutions doncques furent faictes à l'endroit des senateurs & ceulx qui auoyent puissance de iuger leurs subiectz, car encores sont enuoyez aucuns aufquelz n'est ce licite aux nations, qui sont dictes estre du peuple

ple & du senat, cest à scauoir les questeurs, lesquelz sont tirez par fort, & les accessours à ceulx qui ont l'auctorité de l'empire: car droitement les puis nōmer en ceste maniere, voulāt plus tost auoir esgard à leur office que au nom: bien qu'aucuns les appellent legatz: de laquelle denonciation à esté parlé suffisamment es précédens propos, & chascun à part soy eslit son accessour: ceulx qui ont esté préteurs en eslisent vng des gentilz hommes semblables à eulx ou inferieurs, & les consulaires en eslisent trois à eulx egaulx qui soyēt approuuez p l'épereur: car selon ceulx cy écores à esté nouvelle institution, mais pource que tout incontinent cessa, suffira que pour ceste heure en facions mention. Des nations du peuple ces choses sont faictes en ceste maniere. Aussi sont enuoyez à aucuns autres exercites nommez par l'empereur & ciuil, les presidens par cest empereur mesme la plusgrand partie esleuz de ceulx q̄ ont esté preteurs, écores de ceulx q̄ ont esté Questeurs, ou q̄ ont esté esleuz en quelque dignité de celles q̄ soyēt de téps intermediat. Cela apptiēt aux senateurs q̄ ont mil hōmes soubz eulx: mais des cheualiers, & des Cliarques, & les cōseillers & ceulx de la differēce, desquelz à esté cy dessus p moy parlé, sont enuoyez par l'empereur mesmes, aucuns aux forteresses ciuiles, aucuns aux estrangieres, ainsi que alors fut ordōné par Cesar mesmes. Et les procureurs, assauoir ceulx qui recourent les rétes publicques sont enuoyez semblablement aux natiōs, cest assauoir celles de l'empereur & celles du peuple, & sont hommes partie de l'ordre des cheualiers & partie des affranchis excepté quand les proconsulz ne recoiuent les tributz des peuples qui sont soubz leur gouvernement, & l'empereur faict aucuns commandemens aux proconsulz & propreteurs qu'ilz ayent à sortir dehors soubz certaines cōditions, pour autant que encores au temps de Cesar fut ordonné que à ceulx cy & aux autres fust dōné vng certain salaire: car anciennement aucuns receuās deniers le peuple se tailloit de soymesme tout ce q̄ se faisoit pour son magistrat: mais soubz Cesar cōmencerent à receuoir certain salaire déterminé, & ce a esté ordōné nō egallemēt a tous, ains selon que la necessité le requeroit. Et aux procureurs à esté cōcedé le nom de ceste dignité du nombre de deniers à eulx deliurez: mais telles choses ont esté par loy ordonnées en tout homme semblablement, cest assauoir qu'ilz ne facent consulz, ne recourent deniers oultre la coustume, excepté si le senat ne faisoit quelque decret ou que l'empereur ne le commandast, & que quand viendroit leur successeur incontinent se departissent de la prouince, & ne demourassēt par le chemin, ains fussent retournez en l'espace de trois moys. Ces choses en telle maniere furent alors ordōnées par maniere de parler, par ce qu'en effect Cesar estoit superieur de toutes & par tout comme celluy qui auoit les deniers en sa puissance, bien qu'en parolles les siens fussent separez de ceulx du peuple, mais en effect ilz estoient comme bon luy sembloit, & il ayant les gens d'armes en sa puissance debuoit estre empereur. Parquoy les dix armées passées luy en furent cinq autres cōcedées, apres autres cinq, & depuis dix, & de rechief

Tous em-  
pereurs  
succedans  
a Cesar ont  
faict de  
dix ans en  
dix ans  
testes solé-  
nelles pour  
l'empire.

autres dix, lesquelles concessions luy furent faictes par cinq fois, en maniere que par succession de dix en dix ans il fut empereur toute sa vie : au moyen dequoy les empereurs qui depuis succederent, bien qu'ilz fussent assignez durant leur vie, neantmoins feirent feste de dix en dix ans, comme que alors se renouuellast leur empire, chose non à present obseruée.

Comment Cesar fut appellé Auguste.  
Chapitre XCI.



Insi Cesar receut plusieurs choses encores du cōmencement qu'il parla de la remuneration de l'empire & de la diuision des natiōs, car alors fut ordōné par decret que le laurier fust mis au deuât de sa court royalle, & que la courōne de chesne fust pēdue & attachée sur iceluy cōme à celluy qui eust vaincu les ennemys & saulūé les citoyens, & est as fauoir que les cours royales sont appellées palais, non que ce fust la coustume ains les appeller par ce nom, mais pource que Cesar habitoit au palais, & illec auoit la statiō de l'exercite, & receut sa maison vne certaine renommée par l'habitation de Romule de tout le mont, & pour ceste cause encores que l'empereur habite en quelque autre lieu, touteffois sa residence retienne le nom de Palais. Les choses predictes paracheuées, Cesar receut le nom de Auguste du peuple & du senat, par ce qu'ilz le voulans nommer par nom distinct & separé des autres, & aucuns adioustans cestuy cy, & autres eslisans cestuy la, Cesar desiroit grandement d'estre appellé Romule. Touteffois aduertie que pour ce il estoit suspect comme qu'il appetast le royaulme, depuis ne se le voulut attribuer, ains fut appellé Auguste comme qu'il fust plus venerable que nul autre homme, pource que les choses tres honorables & tres sacrées sont appellées Augustes: parquoy l'appellerēt encores Sēbaste quasi parlans en lāgue grecque, qui signifie tres reuerēd: & ainsi alors toute la puissance du peuple & du senat fut trāsferée en Auguste, & de luy fut constituée vne tres vraye monarchie: tant fut agreable aux Romains qu'ilz ne voulurēt leurs empereurs estre appelez dictateurs, roys, ou par autres noms de semblable sorte, mais estant la fin de la republique reposée entre leurs mains, ie ne voy que les autres ne soyent veritablement roys, car les magistratz, lesquels par la plus grand partie se font selon les loix sont constituez encores maitenāt, excepté le cēsurat, & sont toutes les choses vniuersellemēt disposees & ordonnées selon la volūté de l'empereur. Et affin qu'ilz ne semblēt ce auoir par puissance, ains plus tost par les loix, les magistratz qui pouoyēt assez en l'estat populaire, de leur volūté ont retenus avec leurs premiers noms, excepté la dictature, par ce que souuenteffois sont créez consulz, & appelez proconsulz en quelque temps qu'ilz se treuent hors les murailles de la cité: & le nom de empereur tousiours est attribué non seulemēt à ceulx qui ont obtenu quelque victoire, mais à tous les autres, pour denoter leur  
plaine

Court roy  
alle furnō-  
mee palais.

Cesar nō-  
me Augu-  
ste.

plaine & entiere puissance, lequel nom supplie en lieu de roy ou de dictateur, car telle denomination n'est en v'faige estat autresfois sortie de la Republique, mais cōfirmant l'effect d'icelle avec le nom de empereur, pour lesquelz noms ilz prennent licence de conuocquer gens, accumuler deniers, de eslire la paix & la guerre, & de estre tousiours egallement superieurs aux citoyens & estrangiers, en maniere qu'ilz peuent dans la closture des murailles condamner à la mort tant les chevaliers que les senateurs, ensemble tout ce qui anciēnemēt estoit licite aux consulz & capitaines: mais pour la dignité de la censure ilz inuestiguēt la vie, & noz coustumes font les descriptiōs & descriuent aucuns en l'ordre Equestre & senatoire, aucuns en priuent cōme bon leur sēble: car ilz sōt cōsacrez en tous les ordres sacerdotaulx, & en ont donné à plusieurs autres, par ce qu'ilz sont l'ung des pontiffes ou que soyent deux ou trois les principaulx: au moyen dequoy ilz ont en leur domination toutes les choses sainctes & sacrées, ensemble la puissance appellée tribunic, laquelle iadis obtenoyent ceulx qui estoient en grand faueur, leur concedé, que ce que les choses auront esté faittes par les autres soyent adnullées si elles ne sont agreables & qu'ilz ne puissent estre violez, & s'ilz sēblent auoir receu quelque petite iniure, non en fait, mais seulement en paroles, l'auctorité, soit mis à mort sans condemnation comme homme sacrilege: car ilz ne reputerent chose digne faire des tribuns comme ceulx qui sont tous gentils hommes, mais ilz s'attribuēt ceste puissance qui ne fut oncques concedée aux tribūs, & par icelle procedē le nombre des ans de leur empire comme qu'ilz la prennent chascun an avec ceulx qui demeurent tousiours tribuns. Les choses furent telles quand à eulx de l'estat populaire selon ceste mesme coustume es mesmes noms, à ce qu'ilz ne semblent en auoir aucune sans cōcessiō: & desia se ont acquis vne autre maisō, laquelle ne fut oncques en tout concedée aux anciens Romains apertemēt, par laquelle seule leur est licite faire telles & autres choses, car ilz sont desliez des loix cōme les mesmes paroles latines le denotent, lesquelles dient qu'ilz sont liberes de toute necessaire coustume, & qu'ilz ne sont soubzmis à aucune escripture.

Des noms que prennent les empereurs, & la cause pourquoy.

Chapitre

XCII.



T ainsi par la vigeur de ces noms populaires se sont attribuez la puissance de la republicque, en maniere qu'ilz ont les iurisdiction royales sans la denomination griefue & odieuse: car les noms de Auguste & de Cesar ne leur adiouste aucune puissance propre, ains denote autrement vng nom, cest à scauoir de Cesar la succession de leur sang: l'autre, cest à scauoir Auguste, demonstre la splendeur de leur dignité. Et le nom par lequel ilz sont appelez peres, peult estre, leur attribue quelque licence enuers nous tous, telle que les peres ont enuers leurs enfans: neantmoins

Signification du nom de Auguste & Cesar.

## Le Cinquantetroisième liure

Des noms  
que se attri-  
buent les  
empereurs

au commencement ne fut trouué à ceste fin , ains plus tost par honneur & admonition, afin qu'ilz aymassent leurs subiectz comme leurs propres enfans & ilz les eussent en reuerence comme peres . Telles sont les denominations que les empereurs recoiuent selon les loix & coustumes du pays , & au iour d'huy toutes leur sont données , excepté celle de censeurs : mais aux anciens toutes estoient attribuées par decret selon la loy , car le censurat fut par aucuns accepté selon l'aciéne v'sance , & mesmes par Domitian durant sa vie : toutefois maintenât ne se fait plus , par ce que ayans la dignité , en effect , ne sont esleuz à icelle , ny recoyent son nom , excepté es descriptions . La Republique doncques en ce temps fut reformée en meilleur estat & plus salubre , pour autant que aussi bien estoit il impossible qu'ilz estant gouvernez du peuple se peussét sauuer . Toutefois ce que depuis fut fait ne se peut escrire si certainement comme les choses premières , par ce que au parauant tous les affaires qui arriuoÿét (voire de loing) estoÿét referées au senat & au peuple & par ce de tous entédues & de plusieurs redigées p' escript , au moyé dequoy , bien que plusieurs deissent maintes choses pour craite , grace , amitié ou inimytié , neantmoins des autres qui en escripuoyent & es liures publiques se pouoit trouuer la verité : mais depuis ce tēps la plus grand partie des affaires se commencerent à traicter occultemēt , & posé que plusieurs d'icelles se diuulgassent , toutefois comme celles qui ne se peuvent approuer ne sont tenues pour veritables pour le sou'speçon qu'on à que toute chose se face , & die , selon la volonté tant des empereurs que aussi pareillement de ceux qui ont puissance en leur endroit , & par ce moyen sont plusieurs choses n n vrayes diuulgu es , & maintenant plusieurs qui sont aduenues ne se scauent , & toutes en maniere de parler sont diuulgées autrement qu'elles ne se font , d'auantaige la grandeur de l'empire & la monarchie des choses fait que difficilement se peut entendre la verité d'icelles : car tant en Rome que es autres citez à elle subiectes , & encores entre les ennemys , plusieurs choses desquelles ne se peut manifestement scauoir la verité , excepte des mesmes auteurs , & encores plusieurs se treuuent lesquelz au commencement ne ont seulement entendu que telle chose ait esté faite , au moyen dequoy doresenauant de tout ce que congnoistray necessairement faire métion parleray selon qu'elles ont esté démontrées vrayement ou non . Neantmoins ie y adiousteray de mon opinion en tant qu'il me sera possible ou ie pourray comprendre par coniecture estre autrement qu'il n'a esté diuulgué par plusieurs choses par moy leues , ouyes ou veues . Doncques Cesar fut nommé Auguste & suruenant la nuit luy apparut vng signe , par ce que le Tibre enflé occupa toute ceste partie de Rome qui est en plaine , en maniere que facilement se y pouoit nauiguer , dont les vaticinateurs prédirent que Cesar s'augmenteroit tant qu'il auroit toute la cité subiecte , & plusieurs s'efforcans d'eulx gratifier en plusieurs sortes vng nommé Sexte Pacune , ou autrement Apudie , les vainquit tous , car en la congregation il mesme se consacra à Cesar selon la coustume

stume des Espaignolz, conseillant aux autres faire le semblable: & voyant que Auguste l'empeschoit eut recours à la multitude pour ce qu'il estoit Tribun, & depuis contraignit tant ceulx cy que les autres allant par toutes les rues se consacrer à Cesar: au moyen dequoy maintenant quand voulons cõforter le prince auons acoustumé de dire, nous foyons à toy consacrez & cestuy cy faisoit que tous hommes en ce aptes sacrifiassent & entre la multitude dist qu'il vouloit laisser Cesar son heritier esgallemét avec son filz, non pour ce qu'il fust riche aïs qu'il esperoit receuoit des biés. ce que depuis luy succeda. Mais Auguste faisoit en partie les autres choses appartenans à l'empire plus promptement comme celluy lequel l'eüst receu volontairement de chascú, & faisoit plusieurs decretz, toute fois ne semble necessaire que ie escriue le tout particulièrement excepté ce qui est conuenable à l'histoire, & cela mesmes escripray es faitz en luyuás, à ce que ne sois moleste voulant accumuler ces telles choses, desquelles ne font estime ceulx la mesmes qui chascú iour les exercét. Neátmoins il ne faisoit toutes les loix selõ sa propre oppinion, bien quelques faitz exposoit en public, affin que si aucuns d'iceulx ne se trouuoient agreables, estant aduisé, les corrigeast, car il confortoit chascun que s'ilz auoyent meilleur sentement en quelque chose, le conseillaissent, & leur prestoit grand liberté de parler, & transformatoit aucunes choses, & le plus souuent auoit aupres de luy les Consulz ou le consul, quand encores il estoit consul, ensemble vng de chascun magistrat, & de l'autre multitude de senateurs, quinze, tirez par sort, par l'espace de six mois, en maniere que par leur moyen pensoit que l'imposition des loix fust communiquée à tous les autres, car il en referoit encores aucunes à tout le senat, & estimant que feust meilleur qu'avec peu & possemét il considerast auant la plus grand partie des plus grandz affaires, obseruoit ceste forme & aucunes fois iugeoit avec eulx, car le senat iugeoit encores de par soy comme il faisoit au parauant, & respondoit à aucunes ambassades tant des peuples que des roys, & le peuple & le tiers estat vne autre fois se ralioyent ensemble à l'election des magistratz, neátmoins ne faisoient aucune chose qui ne luy feust agreable. Au moyen dequoy il proposoit ceulx qui debuoyent estre esleuz, mais ceulx qui estoient en la liberté du tiers estat & du peuple selon l'ancienne coustume, s'efforçoit que ne fussent creéz par prieres ou par deniers, & vniuersellement ordonna l'empire en ceste maniere. Maintenant reciteray particulièrement toutes les choses desquelles est necessaire faire mention avec les consulz desquelz elles ont esté faictes, par ce que en l'an predict voyát les rues estre faictes inaccessibleles par la negligence des hommes, commanda à aucuns senateurs qu'ilz les feissent reparer à leurs despens, & print en soy la cure de la voye appellée Flamine, considerant qu'il debuoit sortir par icelle avec l'exercite: laquelle fut incontinent reparée, & pource furent leuées ses ymaiges sur des roues au mylieu du pont ediffié sur le Tybre & en Arimine, & encores depuis en fu-

Les gés du  
conseil de  
Auguste.

Reparatiõ  
des rues de  
Rome.

rent renouvelées des autres ou p le public (p ce que nul des senateurs despe  
 doit volontiers)ou que lon vueille dire par Auguste mesmes, car ie ne puis  
 accepter si Auguste d'aucunes ses statues d'argent faictes par ses amys & les  
 peuples fait faire monnoye, à ce qu'il semblaist faire toutes les despences du  
 sien propre: & pource ne scauroys dire si iamais l'empereur prenoit des de  
 nier s publiques, ne pareillement sil leur en dona iamais des siens, pour au  
 tant que souuete fois aduenoit l'une & l'autre de ces deux choses. Et que di  
 roit lon des despences & des dōs & telles choses? peu de cestes & des autres  
 l'empereur & le peuple en vfoient communement. Ce faict Auguste se mit  
 en chemin avec l'exercite comme s'il fust voulu aller en Bretagne, mais ar  
 riué en Gaule y sejourna, car il sembloit qu'ilz luy voulussent enuoyer am  
 bassadeurs: aussi les affaires des Gaullois n'estoyent encores ordonnées au  
 moyen des batailles ciuilles qui suruindrent incontinent apres leur subiug  
 ation. Et fait Cesar la description d'iceulx, ordonna leur gouvernement  
 & forme de viure, & de la tira son chemin en Espagne ou il donna ordre  
 à ce qui estoit necessaire.

Comment Agrippe consacra aucun lieu nommé Sette.  
 Chapitre XCIII.

Sette con  
 sacre.



Depuis fut la huytiesme fois consul avec Thaurus Statilius: & cō  
 sacra Agrippe le lieu appellé Sette pource qu'il auoit p mis de ne  
 renouveler aucune voye, mais bien ce lieu au champ de Mars le  
 quel auoit esté aorné tout à l'entour de galleries par Lepidus pour les comi  
 ces des tributz aorner plus sumptueusement avec pierres & painctures ex  
 quises, & l'appella Iullie pour Auguste, dont non seulement n'en receut au  
 cune enuie, ains grandement, tant de Cesar mesmes que de tous les autres  
 estoit honoré, à cause que luy, conseillant toutes choses humaines & glo  
 rieuses à Cesar, & les mettant à execution avecq luy, ne se vsurpoit aucune  
 gloire, ensemble des honneurs qu'il recepuoit de Cesar ne vsoit en sa pro  
 pre vtilité, mais seulement les refferoit au prouffit de Auguste & du peuple.  
 Et par le contraire Cornelius Gallus deuint moult insolent pour sa digni  
 té, car il parloit vainement de Cesar & faisoit plusieurs choses coupables  
 par ce que quasi par toute Egypte fait dresser ses statues & toutes les œures  
 par luy faictes inscripre es Pyramides, dōt fut accuse par Valere Large son  
 compaignon & viuant avec luy, & fut blasimé par Cesar, en maniere qu'il  
 luy interdift la demeure entre ses natiōs, & depuis plusieurs autres se ralie  
 rent & dresserent mainctes autres accusations contre luy, si que le senat or  
 donna que sa cause fust agitée entre les iuges, & luy absoult avec priua  
 tion de tous ses biens confisqueez à Auguste, & qu'ilz apres sacrifiassent,  
 parquoy Cornelius dolent de telle sentence se occist soy mesme auant le  
 temps. Aussi fut la simulacion de plusieurs cōgneue par ce que celluy auquel  
 iusques

Preudhō  
 mie de A  
 grippe.

Corne'ius  
 Gallus.

Mort de  
 Cornelius.

iufques alors estoient acoustumez de faire maintes adulations, traicterent en telle maniere qu'ilz le contraignirēt de se mettre à mort, & depuis declinerent à la part de Large, lequel commençoit desia à croistre, pouant toutesfois estre d'eulx condemné si semblable aduersité luy arriuoit. Et Procilus se porta en telle sorte enuers luy que vne fois l'ayant rencōtré s'estouppa le nez & la bouche avec la main: voulant par ce denoter qu'en sa presence n'estoit seulement à aucun licite reffuser. Pareillement vng autre, combien que ne luy fust notoire, vint à luy avec quelques tesmoings, & luy demanda se il le congnoissoit, & voyant qu'il feist responce que non, requist telle responce estre redigée par escript, comme qu'il ne fust licite calumnier vng meschāt homme auant le congnoistre. Et de tant aucuns imitent les œuures des autres, combien que soyent mauuaises, & considerent les peines à eulx imposées que entre les autres Marc Gnace Ruffe ayant esté Edille, faict maintes choses notables, & donné secours en cest an avecques ses serfz & aucūs mercenaires aux maisons bruslées, & pour ce receu du peuple les deniers appartenans à son office, & ayant esté crée Preteur contre la loy, se leua en si grand orgueil qu'il se preferoit à Auguste, se disant auoir laissé la cité inuolée & entiere à son successeur: dont tous les autres principaulx, & mesmement Auguste, estoient moult courroucez, & non long temps apres le debuoit admonnester qu'il ne se leuaist en superbe sur les autres, & commanda aux Edilles qu'ilz eussent la cure qu'aucune chose ne se bruslast, & si toutesfois leur aduenoit, que le feu se amortist. En ce mesme an Palemont roy de Pont fut ascript entre les compagnons & amys du peuple, & luy fut donné le premier lieu entre les Senateurs au theatre durant le temps de sa principaulté.

Nota

Palemont  
roy de Pōt  
ascript être  
les cōfede-  
rez du peu-  
ple Ro-  
main.

Comment Auguste se porta avecques les Assiriens  
& Cantabriens. Chapitre XCIII.

**L**T Auguste voulant aller en Bretagne, pource qu'ilz ne se vouloyent accorder, fut retenu des Sallassiens & des Catabriens qui se leuerent, ensemble des Assiriens, qui s'estoyent reuoltez: & est assauoir que ces Assiriens habitent soubz les alpes (comme i'ay dit) mais les autres deux nations habitēt la tressorte partie du mont Pirenée deuers l'Espaigne & la plaine de dessoubz le mont. Au moyen dequoy Auguste lequel desia pour la neuuiesme fois estoit consul, avecques Marc Silan, enuoya Terence Varron contre les Sallassiens, lequel les ayans assaillis par plusieurs fois affin que se tournans en fuyte ne feussent difficiles à estre vaincuz, facilement peu à peu les soubz mist, si que contrainctz d'eulx accorder leur demanda vne certaine quātité de deniers, comme qu'il ne fust pour leur debuoir faire autre mal: toutesfois depuis gens d'armes enuoyez pour les recouurer print tous ceulx qui estoient d'aage parfaict, & les vendit avec

Guerre cõ  
tre les Câ  
tabriens &  
Assiriens.

uecques ceste condition que nul d'entre eulx fust fait libere de vng an. D'auantaige la plus grand partie de leur territoire fut distribuee & donnee a aucûs de ses massiers, & eut entre les mains la cite Auguste nommee par les Pretoriens: & il Auguste feit guerre contre les Cantabriens & Assiriens, lequel voyant qu'ilz ne se mectoiët en estat pour venir contre luy cõme ceulx qui se confioyent en leurs forteresses & ne vouloyët venir au combat pour estre inferieurs de multitude, & que la plusgrand partie estoÿët iaculateurs, & en oultre pource que s'il se mouuoit ce pendant qu'ilz luy donneroyent assez affaire, préoccupäs tousiours les parties dextres & mettäs les embüches en lieux palludueux & concaues, à ces causes demoura sur ses gardes: & finalement Auguste deuenü mallade tant au moyen du continuel trauail que longues veillées s'en alla ä Tarraconne ou il demoura mallade: mais Gaius Antistius durät ce temps combatit contre eulx & feit plusieurs faitz d'armes nõ pource qu'il fust meilleur capitaine que Auguste, ains pource que les barbares faisans peu de compte de luy se approcherent des Romains & ainsi furent vaincuz. Et depuis Titus Carisius, prinse l'anciëne citë des Assiriens par eulx habädonnée, plusieurs autres lieux eut en sa puiffäce. Laquelle guerre finie, Auguste dõna congé aux plus vieulx gens d'armes, & leur enioignit ediffier vne citë en Lusitanie (maintenant appellëe Portugal) laquelle fut nommée Auguste Etacrite: mais a ceulx qui auoyët aage militaire, feit aucuns spectacles es exercites par le moyen de Marcel & de Tibere comme qu'ilz fussent Ediles: & ä Iuba en lieu du royaulme paternel donna vne partie de Getulie; par ce que la plus grand partie de ces lieux estoÿent ascriptz ä la seigneurie des Romains, & luy donna encores le territoire de Bocus & de Bougus, & Amyntas decedé ne laissa la seigneurie a ses enfans, ains fut son territoire par luy reduict entre les autres subgectz.

Edifficatio  
de la cite  
nommee  
Auguste  
Etacrite.

Comment Galatie commença estre subiecte aux Romains. Chapitre XCV.

Galatie &  
Licaonnie  
reduictes  
en la domi  
nation de  
Auguste.



T par ainsi Galatie & Licaonnie alors premierement commencerent d'auoir superior Romain. Et au regard des lieux de Pamphilie lesquelz parauant estoÿent ascriptz a Amyntas, ilz furent renduz a la premiere Prefecture. En ce mesme temps Marc Venitie ayant prins aucuns Celtes qui auoyent saccaigez & mis a mort quelques Romains en leurs regions, dõna le nom de Empereur a Auguste, au moyen de quoy & des autres choses qui auoyent este faictes luy furent determinez les triumphes: mais pource qu'il ne les voulut accepter fut ediffie vng trophëe sur vne roue dans les alpes, & luy fut concede que le premier iour de l'an il vüst de couronne & robbe triumphalle. Telles choses feit Auguste en ces batailles, & pour ce fut le temple de Ianus fermé qui estoit ouuert.

De l'edification du portail de Neptune, & des baings d'Agrippe  
 consacrez, & du temple Pantheon aussi consacré.

Chapitre XCVI.

**E**t pendant Agrippe aorna en partie la cité à ses despés ensemble es victoires nauales ediffia le temple de Neptune, & en partie fait faire le seculaire Laconique, car il nomma cest exercite Laconique, pour les Lacedemoniens, qui en ce temps se exercitoient nudz & oingtz de huyle: aussi paracheua le temple appellé Pantheon & peult estre qu'il à receu ce nom par ce que entre les statues y sont sculptées plusieurs ymaiges des dieux, comme celle de Mars & de Venus: touteffois ainsi que ie pense par ce que estant fait en cercle, est semblable au ciel. Agrippe doncques voulut mettre la statue de Auguste encores en ce lieu & luy dōner le tiltre de cest œuure, mais ne voulant accepter aucune de ces deux choses, mist dans le temple l'image du premier Cesar: & au porticque de deuant le temple celle de Auguste & la sienne aupres, & fait ce non par ambition avec laquelle il se voulust parangōner à Auguste, ains plus tost pour la grand beniuolence qu'il luy portoit, & pour l'estude & diligence enuers la Republicque. Dont Auguste non seulement ne l'encoulpa, mais luy fait plus grand hōneur, par ce qu'il ne pouant estre present en Rome aux nopces de Iulie sa fille & de Marcel son nepueu, commanda qu'elles fussent faictes par Agrippe: & voyāt que la maison posée au mont Palatin & qui au parauant auoit esté à Anthoine (touteffois depuis donnée à Agrippe Messalla) se brusla, Auguste dōna à Messalla deniers, neātmoins fait venir Agrippa habiter avec luy.

Téple do  
 Pantheon  
 consacré.

Comment Auguste fut deslié de la necessité d'obeyr  
 aux loix.

Chapitre XCVII.

**L**ócques pour ces causes, & nō sans raison, se exaltoit: & Gaius Thoranius eut vne grand coulpe, qu'il estant Tribun, eust introduict son pere dans le theatre: bien qu'il fust affrāchy d'ung autre & l'eust fait seoir en la chaise Tribunice. Aussi Publius Seruilius receut aussi nom, pource qu'il estant Preteur occist trois cens ours & autant d'autres animaulx Libiciés en vne feste. Ce fait Auguste fut la dixiesme fois esleu consul avec Gaie Norban, & au commencement du moys le Senat ayāt confirme les sermés, mit ordre es affaires. Et si tost qu'il fut denōcé que Cesar retournant de Espagne estoit pres de la cité (car il auoit longuement demouré à cause de son infirmité,) & auoit promis au peuple de donner cēt dragmes, diuulgua l'escripture d'icelles qu'il ne les exhiberoit que le Senat ne l'assentist avec luy, alors le firēt libere & exēpt de toute necessité de loy, à ce que (cōme i'ay ia dit) il ayāt entiere puissance & en son arbitre soy mesme & les loix, feist tout ce que bō luy semblaist, & laissa ce qui ne luy viēdroit à plaisir. Lesquelles choses luy furent concedés par decret il estant encores

Cesar exempt de la  
 necessité  
 des loix.

hors

hors la cité:mais luy arriué en Romme encores autres choses furent faictes pour son retour & salut, car il fut cōcedé à Marcel qu'il peult estre senateur entre ceulx qui auoyent esté preteurs, & demander le consulat dix ans au par auant qu'il ne luy estoit licité selon les loix. Semblablemēt à Tibere de ce faire cinq ans auant le temps de chascun magistrat: & si en brief fut crée Questeur, mais Marcel Edille: & deffaillant ceulx qui deuoyent estre Questeurs entre les nations furent mis au sort tous ceulx qui auoyent esté preteurs iusques à dix ans auant le temps passé. Durant ce temps les Assiriens & Cantabriens de rechef se reuolterēt si tost que Auguste ayāt laiffé Lucius Emilius president de Espagne s'en departit, car auant qu'ilz demonsttraffent aucunement leur rebelliō enuoyerēt deuers Emilius luy promettre quelque quantité de fromēt & autres dons pour son exercite, au moyen dequoy plusieurs fouldardz enuoyez par Emilius pour apporter & conduire les bledz, & se trouuans en lieux aptes & oportuns furent tous par les Cantabriés & Assiriens mis à mort: neantmoins ne s'en resiouyrent long tēps, pour autant que leur pays fut saccagé, & plusieurs de leurs forteresses bruslées, & d'auātaige estans les mains couppees à tous prisonniers en brief tēps furent subiuguez.

Rebellion  
des Assiri-  
ens & Cā-  
tabriens.

De l'exercite dressé contre Arabie Foelice.

Chapitre

XCVIII.



N ces entrefaictes vng nouuel exercite eut commencement & fin par ce que en Arabie appellée Foelice ou estoit vne royne nōmée Sabbos, Elius Gallus president de Egypte passa avec son exercite

Guerre cō-  
tre les A-  
rabes.

& au commencement nul vint contre luy: toutefois ne proceda auant sans peine à cause du soleil, du desert & des eaues de nature moult molestes, qui leur faisoient grand ennuy, en maniere que la plusgrand partie de l'exercite se consumma: & vne maladie qui les surprint n'auoit esté au parauāt ny fut depuis veue semblable, par ce qu'elle mōtāt au chief le deslechoit, dont plusieurs incontinent mouroyent, & de tous ceulx qui s'en fauluoient tout le mal de la partie superieure du corps descendoit sur les iambes, laquelle partie retenoit l'ēpeschemēt, & ne se y trouuoit autre remede qu'ung seulesmēt, cest assauioir que lon beust & s'engressast d'huile meslée avec du vin: ce que peu d'hommes pouoient faire, consideré que la region ne produict ne l'ung ne l'autre, aussi n'en auoyent par auāt faict prouision. Estans les Romains en ceste difficulté, furent assailliz par les ennemys, lesquelz iusques alors toutes fois & quātes qu'ilz venoyent au cōbat estoient vaincuz, & auoyēt pdu plusieurs lieux & forteresses: neātmoins depuis que la maladie des Romains leur aydoit, oultre ce qu'ilz recouroyent leurs forteresses dechasserent encores ceulx qui estoient demourez hors le pays, & ces premiers des Romains lesquelz pēse que seulz procederēt si auāt en Arabie pour faire guerre qu'ilz allerent iusques en vng certain lieu renōmé des peuples appellé Athali: Mais Auguste ayāt esté crée cōsul la vnziesme fois, avec Calpurnius Piso, deuint grief-

Les Ro-  
mains vain-  
cus.

Athali en  
Arabie.

griefuement malade si que de luy n'estoit esperâce de salut, & par ce disposa de tous ses affaires comme s'il eust esté pour mourir, & ayât fait assembler les magistratz & autres principaulx des senateurs & cheualiers ne determina aucun pour son successeur (bien que chascun s'attédit Marcel estre préposé à tous les autres) ains auoir avec eulx cōferé des choses appartenans à la republicque, à Piso consigna les facultez & reuenuz publicques escriptz au liure, & ce fait mit le seel entre les maïs de Agrippe. Neâtmoins se trouuant Auguste en telle dispositiō qu'il ne pouoit faire aucune des choses necessaires, fut p Anthoine Musa guery avec certains breuages & baïgs froidz dont il receut grosses sommes de deniers tant de Auguste que du senat, en maniere qu'il estant affranchy luy fut cōcedé le porter des anneaulx d'or, & du senat l'exemption des tailles, non seulement pour luy, mais encores pour ceulx qui estoient de telle profession & qui depuis en seroyent. Ainsi fut Auguste saulué. Toutefois peu apres fut cōgneu le medecin s'estre attribué l'effect de nature, par ce que Marcel tōbé en maladie nō guieres apres & medeciné par Musa en la mesme sorte, mourut: & fut par Auguste ensepuey publicquement, l'ayant loué selon la coustume, & le posa en la sepulture qu'il auoit fait faire, l'honorant avec la memoire du theatre, qu'il fait nōmer Marcel (bien que au parauant eust esté commencé par Cesar) & commanda qu'en icelluy fust portée en son honneur vne sienne statue d'or & vne courōne aussi d'or en vne chaize imperiale à la cōgregation des Romains, & qu'elle feust mise au mylieu des principaulx. Telles choses furent depuis faictes. Mais alors il parueni en fanté, porta son testamēt au senat, lequel il voulut ouvrir pour à chascun demōstrer qu'il n'auoit laissé aucū successeur de l'empire: toutefois ne le leut, par ce que nul le luy permit. Et tāt estoiet es bahis qu'il ayant grandement Marcel comme son gendre & nepueu, & luy ayās conferé autres hōneurs cōme d'auoir ordōné la feste de son edillat tresplēdide, en maniere que durant tout l'esté fut la place couuerte, & auoit esté introduit vng voltigateur cheualier avec vne noble dame au lieu ordōné pour faulte & voltiger, neâtmoins ne luy auoit voulu commettre l'empire, ains plustost à luy préposa Agrippe en hōneur: & ce fait (cōme il sēble) par ce que alors encores ne se cōfioit de l'étendemēt de cest adolescēt, mais voulut que le peuple receust de rechef la liberté, ou biē que Agrippe receust la p̄cipaulté du peuple mesme, car il scauoit Agrippe estre mōlt d'eulx ayimé, & ne vouloit dōner à cōgnoistre qu'il le luy eust laissé. A ceste cause depuis qu'il cōmēca à se trouuer bien, & entédit que Marcel de ce indigné ne s'entēdoit avec Agrippe, incōtinēt euoya Agrippe en Sirie à ce que aucū discord n'arriuast entre eulx estās pres l'ūg de l'autre. Toutefois ne vīt en Sirie, ains se portāt encores pl<sup>9</sup> posēmēt y enuoya ses cōducteurs & demoura en Lesbos. Telles choses fist Auguste, lequel crea dix preteurs cōme qu'il n'en eust besoing de plus (chose depuis obseruée p plusieurs ans) & de ceulx cy les autres deuoïēt faire ce qu'auoïēt fait les premiers, mais deux demouroïēt au gouuernemēt chascun

Mort de  
Marcel gē  
dre de Ce  
sar.

chascun an. Lesquelles choses ainsi ordonnées refusa le cōsulat & s'en alla en Albane, par ce qu'il ayant & plusieurs autres, depuis que les affaires furent disposées, esté chascun an au magistrat, s'en voulut abstenir à ce que plusieurs fussent participans de la dignité consulaire: lequel reffuz il feit hors la cité pour n'estre empesché, dont fut grandement de chascun loué, mesmement pource qu'en son lieu il esleut Lucius Sextus qui tousiours auoit esté compaignon de Brutus en tous les exercites, & encores alors auoit souuenance tenir ses ymaiges, & composoit louenges de luy, car non seulement eut en haine, lamour & fidelité de cest homme, ains plustost la voulut honorer, au moyen dequoy le senat determina qu'il fust Tribun durant sa vie: & luy conceda que en chascune conuocuation du senat (bien quil ne fust consul) peust traicter vne chose qui luy fust agreable, & que vne fois eust vne dignité proconsulaire durant sa vie, en maniere qu'il ne luy fust necessaire la deposer dans la closture des murailles de la cité, & vne autrefois la recepuoir de nouuel. En oultre luy conceda que entre les nations subiectes il eust plus d'auctorité & puifface que tous les magistratz qui fussent en ce lieu, au moyé dequoy luy & tous les empereurs qui apres furent, quasi par maniere de loy vferent entre autres dignitez de la dignité Tribunice, par ce que le nom de Tribun ne il Auguste ne aucun autre empereur voulut accepter: & me semble que alors il receust ces dignitez non par adulation, mais veritablement, de ceulx qui le vouloyent honorer, car en toutes choses les traictoit comme libres. Ce pendât Theridates & les ambassadeurs de Phraates vindrēt en Romme pour les discordz meuz entre eulx, & furent par Auguste introduictz au senat, mais depuis luy estant la cause commise, ne meit entre les mains des ambassadeurs de Phraates Theridates, ains luy renuoya son filz que premierement il auoit receu de luy en condition qu'il luy renuoyast les prisonniers & enseignes prises en la deffaiete de Crassus, & en la calamité de Anthoine. En ce mesme an l'ung des Edilles mineurs decedé, en son lieu succeda Gaius Calphurnius, combien que au parauant eust esté edile du nombre des maieurs: chose non veue d'aucun autre: & en la dilation deux furent preffectz de la cité par chascun iour l'ung desquelz bien que encores ne fust puenu en aage de adolescence, touteffois demoura en magistrat. De la mort de Marcel fut Liue encoulpée pource qu'il estoit préposé à ses enfás, neámoins fut telle suspicion douteuse: & le reste de cest an & tout le suyuant furent pestifereux, que durāt iceulx plusieurs hommes deffailirent, & tousiours auant tel temps en ont acoustumé preceder quelques signes, car alors fut prins vng loup dans la cité, aussi le feu & la fouldre feirent dommaige à plusieurs maisons, pareillement le Tibre desbordé feit trebuscher le pôt de boys, & se pouoit nauiguer par la cité trois iours durant.

Lucius  
Sextus cō  
sul.

Signes ad-  
uenus en  
Rome.

# Le Cinquantequatriesme liure DE DYON, HISTORIEN GREC, Traduict d'Italien en Francois.

Ce liure fait mention de l'election des Preteurs suprastans aux voyes, & autres suprastans aux grains, de la prise de Noricque & de Rethie, de l'obeyffance que feirent les Alpes Vicires aux Romains, de la mort de Agrippe, & conqueste de Cheronnelle faicte par Auguste, & de la constitution des Augustaulx.



Comment furent esleuz aucuns hommes Preteurs, suprastans aux voyes. Chapitre XCIX.

**L**'An ensuyuant auquel Marc Marcel, & Lucie Aroncie furent cōsulz en la cité, le fleuve de rechef des bordé se pouoit nauiguer, & furent maintz lieux endommaigez de sayettes celestes ensemble les statues qui estoÿet dans le temple de Pantheon, en maniere que la hache tomba de la main à Auguste. Au moyen dequoy & pour la pestilence & famine les Romains estans lassez, car par toute l'Italie regnoit ceste maladie, si que nul

Cesar nō-  
me procureur des  
viures.

labouroit la terre, & le semblable (cōme ie croy) aduenoit es autres lieux ilz estimans non pour autre cause telz inconueniens arriuer, sinon pource que a lors n'auoyent Auguste pour consul, le voulurent eslire pour dictateur. Et ayans fermé le senat dans la court fut par eulx contrainct faire ceste election les menassans de brusler s'ilz ne le faisoient: & depuis les vingt quatre verges prises allerent deuers luy le supplians qu'il se laissast nommer dictateur & procureur des viures comme que fut autrefois appellé Pompée. Et ainsi Cesar receut ce tiltre par necessité, & commāda que deux hommes de ceulx qui auoyent esté preteurs tousiours cinq ans auant fussent esleuz chascun an à la distribution des bledz, mais aucunement ne voulut accepter la dictature, ains deschira sa robe voyant qu'avec parolles ne avec prieres les pouoit contenter, par ce qu'il ayant la puissance & honneur sur les dictateurs saignement voulut escheuer l'enuie & hayne de tel nom. Cela mesmes fait encores voulans les Romains le créer censeur durant sa vie, car il ne accepta ceste dignité, ains esleut autres censeurs, cest à scauoir Paule, Emilie, Lepide & Lucie, Munace, Planque, cestuy cy fut frere de cest Planque qui fut proscrip, mais Lepide alors condēnné à la mort: & ces derniers estans en vie priuée furent faitz censeurs comme incontinent leur en apparut signe, pour autāt que le tribunal duquel debuoiēt ordōner les choses appartenās à leur office, tōba & se ruina le premier iour de leur magistrat si tost quilz y furēt mōtez, parquoy depuis ne furent esleuz censeurs à eulx semblables. En ce tēps Auguste bien que ceulx cy eussent esté esleuz & feissent plusieurs choses appartenans à leurs offices, neantmoins des conuis qu'ilz vsoyent partie en osta du tout & partie en furent aucuns reduitz à vne maniere plus sobre, & imposa aux preteurs la cure de toutes les affaires publiques, & commanda que leur fust dōnée vne certaine chose du public, & empescha que nul peust plus despendre que l'autre, & que aucun combat de gladiateurs ne se feist sinō par cōgé du senat, ne plus que deux fois l'an, ne plus que de six vingtz hommes: mais aux Ediles Curules commist la cure des choses qui se brusloyent, leur ayāt donné six cens serfz pour secours, & pource que à l'heure hommes cheualiers & dames illustres se mōstroiet en la requeste (lieu ou se faulte dans le theatre) prohiba non seulement aux enfans des senateurs, (laquelle prohibition auoit parauāt esté faite) mais aux nepueux, non encores escriptz en l'ordre Equestre, qu'ilz ne le feissent plus. Et en telles choses demonstroit l'ymaige de impositiō de loix, & de empereur, & es autres se portoit moderēcēmēt, en maniere que aucunesfois estoit present aux cōdānatiōs de ses amys, car estant Marc Prime accusé d'auoir meü guerre contre les Odrisiens lors qu'il estoit president en Macedoine, & disant maintenant qu'il auoit ce fait du consentement de Marcel, & tantost de Auguste, Cesar s'en vint volontairemēt en iugemēt, ou enquis par le preteur s'il auoit commandé de faire ceste guerre, dist que non: parquoy repris par Licine Murēne aduocat de Prime, & demandé, que doncques fais tu icy & qui te à appellé? respondit seulement

ment ceste parolle, La Republicque. Dont & autres telles choses des hommes faiges estoit loué, en maniere qu'il pouoit assembler le senat toutes fois & quantes que bon luy sembloit, mais aucuns autres l'auoyent en mespris & ne furent peu ceulx qui oppinèrent contre Prime, & aucuns autres qui dresferent insidies à Auguste mesmes, desquelz furent principaulx Faunie & Cépion, & pource furent prins prisonniers avec autres, ou qu'il fust vray ou par calumnie que Murene auoit coniuérée avec ceulx cy, veu qu'il v' soit d'une incontinente & de mesurée licence de parler enuers tout homme, neantmoins furent condamnez sans aucune deffence de luy: car ilz ne attendirent le iugement, & non guieres apres furent mis à mort, & à Murene ne peut donner secours Proclus son frere ne Mecenas, bié qu'il eust sa sœur pour femme, & que ces deux fussent tresgrandement aymez de Auguste: mais voyant qu'ilz auoyent esté absoulz par aucuns iuges fait vng decret que nul peust donner voix secrettement en telz iugemens qui se faisoient sans ouyr l'accusé, ains que ledit accusé fust cōdané de toutes les voix: & que Auguste ce ordonnast non p indignation, mais pour le bien de la Republicque le demōstra apertement, par ce que ayant le pere de Cépion fait libere vng serf qui auoit esté prins avec son filz, pource qu'il auoit voulu ayder en la mort & cōduit vng autre qui l'auoit trahy par le mylieu de la place avec lettres declarans la cause de sa mort, apres l'auoir fait mettre en croix, Auguste n'eut de ce aucū desplaisir, & peult estre qu'il auroit moyéné toute l'accusation de tous ceulx qui n'estoyent contens à ces faitz s'il en vne certaine victoire n'eust desprisé celles qui auoyent esté par decret determinées, & les autres qui desia auoyent esté faittes. Alors doncques il rendit au peuple Cypre & la Gaule Narbonnoise cōme qu'ilz n'eussent aucunement besoing de ses armes, & ainsi cōmencerent de estre enuoyez proconsulz encores à ces nations, & cōsacra le tēple de Iupiter appellé Tōnant, duquel se diēt ces deux choses qu'en sa cōsacration furent aucuns tōnoirres: & depuis tel songe suruint à Auguste (par ce que courant la multitude pour veoir & honorer ce temple, partie pour la nouuelleté du nom & de sa figure, & partie pource qu'il auoit esté ediffié par Auguste, mais sur tout pource que allant au capitolle ce lieu premieremēt se rencontroit) luy sembla veoir Iupiter qui estoit au grand temple courroucé contre luy cōme qu'il eust esté occasion qu'il fust adoré au second lieu, & à ce moyé luy auoit respōdu qu'il auroit Iupiter tonnāt pour son auātgarde, & si tost que le iour s'apparut afficha à sa statue vne petite cloche que v'sent les Romains, faisans la garde, à ce qu'ilz pensent signifier à leur compaignon & quand est besoing. En Rome furent faittes les choses cy dessus desdictes: toutefois durant ce temps les Cantabriens & Assiriens esineurent guerre contre les Romains: les Assiriens à cause de la cruaulté de Carisus: & les Cantabriens depuis qu'ilz entendirent les autres feste reuoltez, & eurent en mespris Gayus Furne leur capitaine, pource qu'il estoit de nouuel venu: & qu'ilz le pensoyent inexpert à leurs affaires, neantmoins ne se monstra

Faunie &  
Cepio cō-  
turateurs.

Songe de  
Auguste.

Guerre en-  
tre les Cā-  
tabriens,  
Assiriens &  
les Ro-  
mains.

Desespoir  
des Catabriens.

La royne  
Candace.

Les Ethiopiens vaincus.

Quintus  
Lepidus  
consul.

Julie fille  
de Auguste  
conioincte  
par mariage  
auec Agrippe.

estre tel, ains estās l'ung & l'autre peuple de luy vaincuz (lequel dōna secours à Carisius) furent mis en seruitude, touteffois peu furent des Cantabriens prins, car depuis que leur liberté fut desesperée, ne desirerent plus à viure, mais partie d'entre eulx ayans bruslé leurs fortereffes se tuerēt eulx mesmes, aucuns volontairement se bruslerent avec leur sdictes fortereffes, & aucuns autres publicquement se remplirent de venin, en maniere que la plusgrand partie & plus cruelle d'entre eulx se consumerent. Les Assiriens si tost qu'ilz furēt dechassez de l'assiegemēt d'ung certain lieu, & depuis vaincuz en vne bataille, ne feirent nouuelleté, ains furent incontinent soubz mis. Durant ce mesme temps les Ethiopiens qui habitoyent sus Egypte procederent oultre iusques à vne cité nommée Elephātine mettās à sac tout ce qu'ilz trouuoeyēt & estoit leur capitaine la royne Candace: mais depuis qu'ilz furent aduertis, Gayus Petronius president d'Egypte illec estre, s'en retournerent comme qu'ilz voulussent fuir, touteffois surprins par le chemin furent vaincuz: au moyen dequoy se retirerent en leurs pays, ou ayāt Petronius virilement cōbatu, print entre les autres citez Tanape habitation royale, laquelle fut defaictē: mais en autre lieu fut laissē le preside, par ce que Petronius ne pouant proceder plus oultre au moyen de l'areine & de la chaleur, ne encores bien demourer en la region avec tout l'exercice, se departit emmenant avec luy la plusgrand partie d'icelluy. Et ce pendant ayans esté assailliz les presides par les Ethiopiens, de rechef se mit en chemin avec l'exercice contre eulx, & par ainsi sauua ses gens, & cōtraignit Candace de s'accorder avec luy. Et ce pendant que ces choses se faisoient, Auguste s'en alla en Sicile pour disposer les affaires tāt de cest isle que de toutes les autres iusques en Sirie. Durāt le tēps que Cesar seiournoit en ces lieux, le peuple de Rome en l'electioin des consulz auoit eueu sedition, en maniere que pource ilz apprenoyent qu'il n'estoit possible ilz estre sauluez se régeās au peuple. A ceste cause ayāt quelque peu de domination es electioins & magistratz feirent tumulte, car l'autre lieu estoit saulé pour Auguste, au moyē dequoy Marc Iolie au cōmēcemēt de l'an demoura seul en la dignité, & ne voulāt Auguste accepter le cōsulat, Quintus Lepidus, & Lucie Silan querellerent ensemble de ce magistrat, & ainsi mirent le tout en cōfution, en maniere que Auguste fut reuocqué par les hōmes prudēs: mais pource qu'il ne voulut venir, les deux qui estoiet en differend se retirerent deuers luy: & biē qu'il les reprint & cōmandast que l'electioin se feist en son absence, neātmoins pour ce ne s'appaiserēt d'auātage, ains de rechef vindrent en plusgrād sedition & differēd, en maniere que finalement Lepidus fut esleu. Ainsi estāt Auguste pour ce troublē & ne pouāt demourer en Rome seul, & n'ayant encores hardiesse de la laisser sans president tēta de y en laisser vng, & iugea Agrippe estre pour ceste charge tresapte sur tous les autres: par quoy luy voulant adiouter plus grād dignité, à ce que plus facilement il peust gouverner les autres l'enuoya querir, lequel venu de ce p Auguste cōtrainct delaisa sa premiere femme, bien qu'elle fust sa niepce

niepce, & print Iulie pour son espouse. Ce fait incótinent fut enuoyé á Rome pour solemniser les nopces & entendre au gouvernement de la cité. Laquelle chose feit Auguste tant pour autres respectz que par le cõseil de Mecenas, lequel auoit acoustumé de luy dire que puis qu'il auoit fait Agrippe si grád, estoit necessaire qu'il le feist son gendre ou bien l'enuoyast du tout. Lequel appaisa en partie les autres choses qui estoýet esmeues, & les sacrifices Egyptiens qu'ilz vsoyent hors la cité r'enuoya plus loing ayant interdit que nul les celebrast dans le bourg, ne encores en la huýtiefme partie d'ung demy stade. Et estant aduenu vng trouble pour l'election du preffect de la cité au téps de la dilation ne la comprint, ains en cest an la cité demoura sans ce magistrat. Durát ce téps Auguste ayant ordonné les affaires de Sicile & déclaré Sarragoze & autres citez pour colónes Romaines, s'en alla en Grece & honnora les Lacedemoniés de harpes & de cõuis: par ce que Liue quád s'en fuyt avec son mary & son filz hors de Italie s'arresta en ce lieu: mais aux Atheniés osta Egnie & Erethrie, desquelz deux lieux receuoiet de grás fruitz: & oultre leur interdit de faire aucú citoyé pour deniers: & depuis leur sèbla que fust aduenu ce qui estoit arriué á la statue de Minerue, laquelle estant posée en la roche & située deuers Oriét, alors se retourna deuers la part de Occident & cracha du sang. Auguste dócques alors ordóna les negociés de Grece: & ce fait nauigua en Samos ou il demoura tout l'yuer: & arriué au printemps en Asie ou Marc Apulie, & Publie Silie furent consulz, ordonna semblablement les choses necessaires tant de ceste prouince que de Bithinie, ne faisant petit estime de ces natiós pour estre assignées au peuple, ains plustost ayát d'icelles cure comme des siennes propres: en partie corrigea les autres choses ainsi que estoit opportun, partie donna deniers á aucuns & partie comáda á autres d'en payer oultre le tribut acoustumé, & feit serfz les Ciziés pour autát qu'en vne sedition ayás flagellez quelques Romains, les occirét: pareillemét arriué en Sirie en feit autát aux Tiriens & Sydoniés á cause des seditiós. En ce mesme téps Phraates craignát que Auguste ne esmeust l'exercite cõtre luy, pour ce que encores n'auoyét esté faittes aucune des choses esquelles ilz s'estoiét accordez, réuoya les enseignes & les prisoniers, excepté quelque petit nõbre q se occirét, ou bié demeurerét musses en ce pays, & receut Cesar ces choses cõme sil eust vaicu le Parthe en bataille, car il s'en glorifioit grádement, disát qu'il auoit recouuert sás espée ce qui auoit esté pdu combatant, dont il feit sacrifices & commanda que ce fust ordonné par decret & apres fait paracheuervng téple á Mars vindicateur au capitolle, pour en icelluy reposer les enseignes á vne emulation de Iupiter Pheretrien: d'auantage entra en la cité sur vng cheual & fut hõnoré d'une roue qui portoit vng trophée. Ces choses furent depuis faittes. Mais alors il estant esleu supstant aux voyes & chemins tédans á Rome feit le Mile appellé aurée, & á icelles préposa deux facteurs du nõbre de ceulx qui auoyét esté preteurs, lesquels vsoyent de deux litteurs. Et enfanta Iullie l'enfant celluy qui fut nõmé

Phraates.

Cesar esleu  
supstant  
aux voyes.

Gaius, & le iour de sa natiuité luy fut cōcedé vng sacrifice sēpiternel p̄ decret cōme ēcores se font les autres choses: & les t̄diles à part eulx firēt cou-  
 rir les cheuaux & occir aucunes bestes sicomme on auoit acoustumé faire le  
 iour natal de Auguste. En la cité doncques se faisoient les choses prédites,  
 mais Auguste ordonnoit les natiōs selon la coustūme des Romains, & vou-  
 loit que les cōfēderez fussent regiz tousiours selon leurs coustumes, & ne p̄  
 soit estre chose cōdescēte y faire adicōction aucūe, mais veritāblemēt luy fuf  
 si foyēt les choses lors presētes. Et cela escripuit au senat, en maniere que du  
 rāt ce tēps il ne fait aucune guerre. Mais à l'ambly filz du premier. l'āble dō  
 na les estatz du pere: & à Tarcodiniot filz de Tarcodiniot. la principaulté  
 de Cilicie, cest à scaūoir toute celle que tenoit son pere, excepté aucuns lieux  
 finitimes de la mer, qu'il dōna à Archilaus avec la petite Armenie, par ce que  
 le premier Mede d'icelle estoit mort: à Herodes filz de Zeurdore cōmist la  
 tetrarchie, & à vng Mithridates donna Cōmagene, bien que encores fust  
 ieune enfant, pour auāt que le roy d'icelle auoit occis son pere, & enculpāt  
 les autres Armeniens Artaces, & de nādant son frere Tigranes qui estoit à  
 Rome, Auguste enuoya quērir Thibere à ce qu'il le dechassast & peult intro-  
 duire cestuy la au royaulme, & ne fut faicte aucune chose digne, par ce que les  
 Armenies occirent auāt de Artaces: toutes fois Thibere se glorifioit moult  
 sur ce faict, & especiallement pource que estoient determinez de ce sacrifi-  
 ces cōme qu'il eust faict aucune chose par vertu. Et desia auoit esgard sur la  
 monarchie, car il estant pres de Philippe fut ouy vng certain bruiēt du lieu  
 ou fut faicte la bataille, cōme qu'il vint d'ung exercite: aussi vne flāme s'ap-  
 parut hors les autres posez par Anthoine au champ: mais Auguste s'en re-  
 tourna en Samos, & illec passa de rechef son esté, & en recompense de ceste  
 demeure aux Samyēs cōceda liberte & disposa d'autres non petitiz affaires,  
 car maintes ambassades vindrēt deuers luy: & les Indies lesquelz premiere-  
 ment par ambassadeurs auoyent requis son amytiē, alors se colliguerēt en-  
 semble luy ayās enuoyé entre autres aucūs dōs Tigrides, lesquelz alors pre-  
 mierelement furēt veuz p̄ les Romains, & pense encores des Grecz: aussi luy  
 dōnerent vng certain ieune enfāt sans bras de telle forme que sont les Mer-  
 cures, & il estant en telle maniere disposé neātmoins vsoit de ses piedz cō-  
 me si eussent esté des mains à faire toutes choses, & d'iceulx tiroit de l'arc &  
 sonnoit de la trōpette (cōment? ie ne scay, car i'escrīptz ce qui est dit.) & vng  
 certain Indien appellé Germare ou qu'il fust du nōbre des Sophistes Indies.  
 & feist ce p̄ ambition ou bien à cause de sa vieillesse selon la loy de son pays,  
 ou pour se mōstrer à Auguste & aux Atheniens: car il vint, voulāt mourir, &  
 print le sacrement appellé Initiation es misteres des deux dieux (bien que cō-  
 me lon dit ne le feist en temps oportun pour le respect de Auguste) & apres  
 ql fut initié se getta au feu. Il estoit cōsul en l'an auquel l'estoit encores Gaius  
 Sentius: mais pource qu'il estoit necessaire que cestuy cy fust esleu vng pour  
 cōpaignon du cōsulat, ne voulāt Auguste alors accepter le cōsulat pour luy  
 reserue

Les Sami-  
 ens mis en  
 liberte.

Germare  
 Indien.

Sacrement  
 appelle I-  
 nitiation.

reſerue: vne autreſſois ſeſmeut ſeditiõ en Rome, & furent faiçtes aucunes occiſions, en maniere que les ſenateurs determinerēt que Sentie euſt le preſidie riere ſoy: & voyās qu'il ne le vouloit tenir, enuoyerent ambaffadeurs deuers Auguſte chaſcū avec deux litteurs. Lequel aduertiy de ces menées & cõgnoiſſant que tel mal ne ceſſeroit iamais, ſi porta autrement qu'il n'auoit faiçt au parauāt, car il crea cõſul l'ung des ambaffadeurs appellé Quintus Lucretius cõbiē que autreſſois euſt eſté mis au nõbre des proſcriptz: & ce faiçt ſe mit en chemin pour venir à Rome, & pour ce & autres choſes par luy faiçtes en ceſte peregrination furent concedees par decret maintes & diuerſes preeminences, nulle deſquelles voulut accepter, excepté que fuſt ediffié vng autel à la dēeſſe de la Fortūe reduçtrire, & que le iour ql eſtoit arriué fuſt cõnuméré entre les calendes, leſquelz fuſſent nõmez Auguſtaulx: & depuis qu'il entēdit que les magiſtratz & tous autres feſtoient mis en ordre pour venir au deuāt de luy ētra la nuict en la cité & le iour enſuiuāt dõna à Thibere les hõneurs des hõmes preteurs, & conceda à Drufus qu'il peuſt demāder les magiſtratz cīq ans auāt qu'il n'eſtoit acouſtumé à ceulx de ſon aage: & puis qu'il n'y auoit aucūe ſimilitude entre les choſes faiçtes au tēps de la ſedition, il eſtāt cõſul abſent, & entre celles qu'ilz faiſoyēt par craiçte il preſent, alors priē & perſuadé fut faiçt curateur des couſtumes des hommes p l'eſpace de cīq ans, pendāt lequel tēps eut la puiſſāce des cenſeurs, mais celle des cõſulz la print à ſa vie, en maniere que touſiours & en chaſcun lieu vſoit de douze verges, & touſiours eſtoit au mylieu des cõſulz ſur vng ſiege imperial: & depuis qu'ilz luy eurēt concedé ces honneurs par decret, vouloyēt qu'il corrigeaſt & feiſt nouuelles loix ſelon ſon arbitre, & les loix qui deuoyēt eſtre ordonnées par luy ſe nõmerēt Auguſtes, leſquelles vouloyēt toutes obſeruer: mais il accepta les autres choſes cõme celles qui eſtoient neceſſaires, & leur remiſt les ſermēs, par ce qu'il ſcauoit tresbien que ſilz ordõnaſſent aucū decret de ppre volūtē celluy obſeruoient ſās ſerment, mais ſilz ne le faiſoiēt volūtāirement, encores qu'ilz en dõnaſſent mil ſermens, n'en obſeruoient rien. Auguſte faiſoit telles choſes: & vng des Ediles contraicçt p pouretē refuſa le magiſtrat: mais Agrippe depuis qu'il euſt eſté enuoyé de Sicille à Rome pour diſpoſer des affaires ſ'en alla en Gaule, p ce que oultre les ſeditiõs qu'ilz auoyent entre eulx eſtoient encores inuahiz p les Celtes, & auoir ordonné encores ces autres, paſſa en Eſpaigne, à cauſe que les Cātabriens q auoyēt eſté pris viſz & vēduz, occirent chaſcū ſon maiſtre. Et retournez en leurs pays induirēt pluſieurs a rebellion, avec leſquelz ayās pris & fortifiez aucūs lieux poſerēt inſidies aux preſides des Romāis. Alors Agrippe ēuoyé avec l'exercite cõtre ceulx cy eut quelque peu d'affaire avec les hõmes d'armes p ce que eſtās pluſieurs vieilz & affligez p la cõtinuation des guerres & craignāt ēcores les Cātabriēs cõme difficiles de cõbatre, ne luy vouloyēt obeir, touteſſois les admõneſtās, les conſeillans, & aucūes les menaſſās toſt les feiçt obeyſſās. Neātmois cõtre les cātabriēs en pluſieurs choſes fut infortuné ilz eſtās expertz cõme ceulx qui auoyēt ſeruy aux Romāis & deſeſperez d'eulx

Fortune re  
duçtrice.

Nota des  
Cātabriēs.

Guerre cõ  
tre les Cā-  
tabriens.

pouvoir plus fauluer silz estoÿt pris, finalement ayāt pris plusieurs de ses souldardz & fait honte à plusieurs, pource qu'ilz auoyent esté vaicuz, entre lesquelles hôtes ceste en fut l'une, qu'il leur empescha que l'exercite nommé Auguste ne retit plus ce nom, deffit quasi tous les éneimys qui estoïent en aage parfait, & aux autres osta les armes & les mena des lieux fors habiter es plaines. Toutefois n'en escripuit aucue chose au senat: & ne voulut accepter les triumphes, bien que luy fussent cōcedez par le cōmandement de Auguste, ains écores depuis ces faitz se portoit modereémēt selon sa coustume: & requis de dire son opiniō pour son frere, ne la voulut dire. Er ayāt cōduit à ses despēs l'eau appelée Virginalle la nōma Auguste dōt Auguste se resiouissoit tāt que estāt vne fois arriüee disette de vi, & faisās les hômes de ce grād lamētatiō leur respōdit p Agrippe auoir esté suffisāmēt pourueu qu'ilz ne peussent iamais mourir de soif. Tel estoit cest hōme: mais aucuns autres qui n'auoyēt fait telles œures, ains auoyēt prins des larrons ou pacifié aucunes citez sedicieuses demādoÿent le triumphe & l'obtenoyent; par ce que Auguste au cōmēcemēt concedoit largemēt telles choses & hōnoroit plusieurs de publiques sepultures. Ceulx la dōcques en ce se glorifioïent: mais Agrippe p vng certain moyen esleü en dignité imperatoire, pour autāt que Auguste voyāt la Republicque auoir besoing de diligēte cure, & craignāt d'estre trahy sicōme souuent aduient en telz affaires, par ce que peu estimoit luy pouvoir valoir la cuyrassē qu'il portoït soubz la robe quād il entroit au senat, premieremēt se adioignit cinq ans de la presidēce desia expirez les dix. Lesquelles choses furent faitēs estās cōsulz Publius & Gneus Lētullus, depuis à Agrippe en cōceda autāt ensēble la dignité tribunice par sēblable espace, pource que alors dist luy suffire telz ans, & nō lōg tēps apres prit en foy plusieurs choses appartenās à la dignité imperatoire, en maniere que ces ans deüidrent dix. Ce fait voulut auoir inuestigation du senat luy semblāt que fussent maintz senateurs, mais en ceste multitude ne trouuoit riē de bō, & auoit en hayne nō seulemēt ceulx qui estoïent infames pour quelque vice, ains encores ceulx qui estoÿent illustres par adulation: & voyāt que nul volūtairemēt sicōme firent au cōmēcemēt se vouloit oster, ne Auguste seul vouloit estre hay, esleut trēte hômes des pl<sup>9</sup> prestās & vertueux: laquelle chose auoit cōfirmée de faire avec sermēt, lesquelz astraictz à sēblable affirmatiō cōmāda d'eslire chascū d'eulx cinq hômes & les iscrire es tables, exceptē ses parēs, & apres de chascūe ciquiesme en tiravng p fort, lequel fut senateur & peult eslire autres cinq avec sēblable cōditiō, & ces trēte mesmes pouoyēt estre des esleuz des autres, & de ceulx q estoïent mis au fort. Et pource que aucūs d'eulx se trouuoïent absēs, autres esleuz en leur lieu feirent leurs offices. Telles choses dōc furēt faitēs au cōmēcemēt p l'espace de plusieurs iours: toutefois depuis que fut trouuée calūnie en aucūes electiōs ne voulut pl<sup>9</sup> ballotis ne questeurs, ne cōmettre au fort les ciquiesmes, aïs il mesme esleut le reste & leur adiousta ceulx q deffailloyēt si que to<sup>9</sup> ceulx qui furēt esleuz acōplirēt le nōbre de six cēs, car il auoit pensē d'en faire trois cēs selon l'aciēne coustume, estimāt que seroit assez en

pouvoir trouuer tât dignes d'estre mis en cest ordre, Mais estâs to<sup>9</sup> de ce sēbla  
bleinēt agraez p ce que se trouuâs en pl<sup>9</sup> gros nôbre ceulx q estoÿēt priuez  
que ceulx q demouroyēt dedâs, la plusgrâd partie plustost craignoiēt de non  
estre encores priuez que de demourer senateurs, en esleut six cens:& ne fait  
pourtât fin en ce, ains depuis pour ce que aucûs nō trop suffisans auoyēt esté  
inscriptz, & vng certai Liciu<sup>9</sup> Regulus ne pouât soustenir d'auoir esté pre-  
termis apres son filz, & maintz autres ausquelz il se estimoit superieur, à  
ceste cause deschira sa robe en plaī senat & ayât desnudé son corps nōbra les  
guerres esquelles il auoit esté & demōstra les cicatrices de ses playes à chascū  
Et Articiltiopetes estât au nôbre des senateurs supplioit de pouoir dōner sō  
lieu à son pere q auoit esté desmis: alors Auguste de rechief fait l'inquisition  
d'eulx, & ayât les aucûs priuez, en leur lieu en esleut autres. Et depuis que plu-  
sieurs furēt desinis & aucûs d'eulx (ainsi que souuēt aduiēt en telz cas) se lamē-  
toyēt de estre priuez iniustemēt, alors leur cōceda qu'ilz peussēt estre presēs  
aux spectacles & cōuis en ce mesme habit que v'foiēt les senateurs, & au tēps  
en luyuât demādassent les magistratz. Au moyē dequoy plusieurs incontinet  
furēt encolpez (à tort ou à droict) de auoir dressé insidies à luy & Agrippe,  
p ce que telles choses ne se peuēt scauoir certainemēt de ceulx q sōt dehors,  
car maintes choses faictes p les empereurs ou p eulxmesmes ou par moyē du  
senat en leur végeâce, sont estimées estre faictes p haine, iacoit ce que aduiē-  
nent tresiustemēt:& pource mō intentiō est d'escrire tout ce q se dit, ne fai-  
sant grâd inquisitiō ne encore adioustât si aucune chose à esté faicte iustemēt  
ou iniustemēt vrayemēt ou faulcemēt: & ce ay voulu dire écore pour les cho-  
ses q p cy apres serōt de moy escriptes. Aussi durât ce tēps Auguste cōdâna  
aucûs autres, mais auoit en grâd haine Lepide tât pour autres respectz cōme  
pource que son filz fut trouuē luy preparâ: les insidies:dōt auoir esté pugny,  
neâtmoins ne le voulut faire mourir ains p vng certain moyē le des hōtoit,  
car luy cōmâda que cōtre sa voluté eust à venir du village ou il demouroit en  
la cité, & tousiours l'introduisoit aux cōgregatiōs à ce qu'il receust grâd ver-  
gongne & iniure pour la pmutatiō de la puissâce & siēne dignité:& ne v'foit  
de luy à autre fin cōme qu'il fust hōme d'en faire estime, & alors il dernier des  
hōmes cōsulaires dōnoit sa voix, p ce que les autres gar doient l'ordre à eulx  
cōuenable, mais des hōmes cōsulaires estoit determiné premier, secōd, tiers,  
quart selon la voluté de Auguste:& cela mesmes obseruoiēt les consulz. Aisi  
estoit Lepid<sup>9</sup> de luy traicté. Et voyât Auguste que Antistiō labion l'escripuit  
au nôbre des senateurs pource ql estoit de sa voluté, premierement dist ql a-  
uoit esté piure & le menassa de pugnir: touteffois depuis luy dist Labiō, quel  
mal ay ie faict pour retenir au senat vng homme que tu laisses encores estre  
pontiffe? alors ne demonstra aucune ire, car souuentefois tant en public que  
en priuē Auguste desirât ce pontificat, ne reputa iuste chose de l'accepter vi-  
uant encores Lepide. Aisi Antistion sembla n'auoir dōné telle respōce irrai-  
sonnablement. Et estans ia faictz des deuiz au senat qu'il seroit besoing que  
Auguste les conseruast par succession, cestuy cy n'ayant aucunement en foy

Impacēce  
de Liciu<sup>9</sup>  
Regulus.

Haine de  
Auguste  
contre Le-  
pidu<sup>9</sup>.

Salaire or  
donne a  
ceulx qui  
se marioiét  
& faisoient  
le plus dé-  
fans.

audace de contredire ne pouant assentir dist, iay sommeil & ne puis aller au liect auant luy. Auguste doncques oultre qu'il feist aucunes loix priua encoures aucuns des offices par l'espace de cinq ans pource qu'ilz les auoyent obtenuz en faueur de deniers, & ordóna plus griefue peine aux hómés & femmes non mariez, & par le cótraire institua salaire à ceulx qui se marioyent & faisoient le plus d'enfans. Et pource qu'il y auoit beaucoup plus d'hómés nobles que femmes, dóna licence que tout hómé excepté les senateurs peussent prédre fêmes libertes, cómandát que leurs enfans fussent reputez legitimes. En ce tēps vng bruyt leué au senat pour l'indescence des fêmes lasciuement aornées & des ornemens des ieunes hómés & fêmes lesquelles estoiet cause que alors ne se feissent plusieurs copulatió, & voulás conduite encoures Auguste à mettre reigle en tel faict le picquát qu'il vsoit de plusieurs femmes, au cómencement leur respódit que les choses plus necessaires auoyent de luy esté determinées: mais que impossible estoit semblablement ordonner toutes les autres: depuis estát efforcé dist, vous debuez admónester & cómáder à voz fêmes ce que vous voulez cóme ie faiz. Laquelle respóce p'eulx ouye encoures luy insterét plus voulans entédre les admonitió, q' se disoit dóner à Liuié: p'quoy Auguste bien que mal volútiers neátmoins dist aucunes choses iouxte le faict des vestemés, de to<sup>9</sup> les autres ornemés, des des péces & de la mesure d'icelles, ne se souliciát toute ssois si ces choses ne fussét obseruées en effect. Et il estát Censeur auoit faict vne chose séblable, car se trouuát deuant luy vng ieune enfant qui auoit prins vne femme p' adultere & ayát ouy vne lógue accusatió de luy, demoura en doubte nayát audace de faire peu de cópte de ceste chose, ne de la reprédre, & finablement forty hors le senat dist que les seditió auoyét esté cause de plusieurs maulx, desquelz n'est besoing faire recit, ains plustost pourueoir pour le futur. Mais pource que aucús faisoient p'messe à ieunes filles & receuoient l'utilité des mariez sans faire aucun effect de mariage, cómanda que nulle telle promesse deust valoir, apres laquelle deux ans passez aucú ne espousast la femme, cest assauoir que celluy lequel ne voulust recepuoir fruit s'il promettoit du tout à vne qui eust dix ans, par ce que comme iay dict douze ans sont le tēps ordonné aux femmes de prendre mary. Telles choses furent alors ainsi determinées par Cesar.

Ordónáce  
sur les pro-  
messes de  
mariage.

Comment deux Preteurs furent esleuz pour administrer les bledz. Chapitre C.



Et à ce que eulx qui estoient tousiours en magistratz fussent presidens a la distributió des bledz commáda que fussent esleuz chascun de ceulx qui eussent esté Preteurs trois ans au parauát, & que quatre d'entre eulx tirez par sort feissent & distribuassent le froment & les liures Sibilins, qui estoient consumez par le temps, que les prebstres eussent a les rescripre de leurs propres mains, affin que nul autre les leust. En oultre conceda que tous ceulx qui possedoyent la valeur de cent mille & selon les loix peussent auoir magistratz, les demandassent: car la premiere fois

Hommes  
esleuz sur  
práctans  
aux bledz.

fois taxa ce nombre aux biens des senateurs: depuis les reduict à vingt cinq mille, & à aucuns qui estoient bien viués & possedoyent à l'heure moins de cinquante mille, & depuis moins de vingt cinq leur donna ce qui leur deffailloit. Au moyen dequoy conceda aux Preteurs qui ce desiroient & vouloyét qu'ilz despédissent iouxte les festes solénelles encores trois fois plus qu'ilz ne receuoient du peuple, en maniere que iacoit ce qu'aucuns se lamentassent pour l'exquise diligéce des loix de luy imposees, neátmóins l'aymoyent, tât par ceste concessión que pource qu'il reduist au theatre vng certain Pilades voltigeur, par auât dechassé pour vne seditiõ: parquoy Pilades eitant repris par Auguite pource qu'il estoit en discord avec Batilus hõme exerceát meisme art, & conioinct d'affinité avec Mecenas, moult saigemét luy respondit: ô Cesar. fil te sèble que le peuple soit occupé iouxte noz spectacles. Ces choses furent faictes en cest an, & pource que (estans consulz Gayus Furnius & Gaius Sillá) Agrippe eut vng autre filz nõmé Lucius, incõtinét Auguste se le feist adoptif avec Gaius son frere n'attendant qu'ilz deuinssent hommes mais tout aussi tost les declarát successeurs de l'empire, à ce qu'il feust moins insidié, & tráinua la congregation de l'hõneur & de la vertu iusques à huy: & à ceulx qui triumphoient imposa que feissent quelque œuure avec les despouilles en memoire de ses faictz, pareillement paracheua les cinq ieux seculiers, & cõmáda que les orateurs litigassét sans salaire, ou qu'ilz payassét quatre fois plus qu'ilz n'auoiét prins, aussi inhiba à tous ceulx ausquelz touchoit par sort à iuger d'entrer pendát cest an en l'hostel d'aucun, & pource que les senateurs se reduisoiet à la court moult neghemment, augmenta la peine à ceulx qui tardassent sans legitime cause. Ce faict s'en alla en France (estás consulz Publius Scipio & Lucius Domitius) soubz couleur de partir pour les guerres qui estoient meues en ce tẽps: par ce qu'il estát deuenue molleste à plusieurs hõmes pour sa lõgue demeure en la cité, & pource que faisát iustice auoit esté grief à plusieurs excepté à ceulx qui viuoyét moderemét, & ayát encores pardõné à plusieurs, auoit esté cõtrainct de trespasser les loix pluy mesme imposees, determina (imitát Solõ) de vouloir peregriner par certain tẽps, suspecterét qu'il n'eust ces peregrinatiõs pour le respect de Terrence femme de Mecenas, à ce que ayát esté dit plusieurs parolles d'eulx en Rome, dela en apres en peult vser sans bruyt, & tât ay moit ceste femme qu'elle aucunes fois auoit audace de cõtèdre pour sa beaulté avec Liuie: & auât son ptemét cõsacra le tẽple de Quirin<sup>9</sup> l'ayát ediffié de nouuel. Et ay de ce faict mentiõ pour autát qu'il l'aorna de .lxvi. colõnes de tât que furét les ans de sa vie, au moyé dequoy donna à dire à aucuns cõme qu'il n'eust faict ce temple à l'aduéture ains de industrie. Il dócques cõsacra alors ce tẽple, & fait cõbatre aucuns corps à corps estás supràstás Tibere & Drusus p cõcessiõ du senat. Et ainsi ayát commis le gouvernement de la cité & du reste de l'Italie à Taurus, par ce que delia auoit enuoyé Agrippe en Sirie, & n'estoit plus Mecenas en telle grace qu'il auoit acoustumé pour le respect de sa femme, & pris Tibere avec

Pilades.

Batilus.

Natiuite de Lucius filz de Agrippe depuis adonte par Auguste.

Terrence femme de Mecenas.

avec luy bié qu'il fust preteur se meit en voye: car Tibere fut preteur & eut des honneurs de preteur:& Drusus par decret eut le gouuernemét de ce qui s'appartenoit à ce magistrat. Et ilz sortans hors de la cité le tēple de Ieunes se fut brullé la nuit ensuyuat:dont & pour autres signes furent faictz veux pour le retour de Auguste, par ce que vng loup venu par la voye sacrée en la cité occist aucuns hōmes, & les fermez manifestemét se reculerēt loig de la cité,& vne lampe ardante fut veue aller toute la nuit deuers Septentrion.

Comment Norice fut prinse des Romains.

Chapitre

CI.



Vssi en ce temps fut celebrée la feste qui se faisoit de cinq en cinq ans de son empire, laquelle despèce fait Agrippe par le moyé des prebstres pource quil estoit cōsacré entre quize hōmes ausquelz appartenoit l'administratiō de ceste feste successiueinét. Maïtes autres turbations arriuerent durant ce tēps, car les Cannuniens & Venniens nations Alpestres leuerent les armes, mais vaincuz par Publius Silius, furent prins. Pareillement les Pānonniens coururent en Histrie avec les Noriciés, mais ayans esté damnifiez par Silius & ses conducteurs de rechef s'accorderent, & furent cause d'une mesme subiugation aux Noriciens. Et les nouuelletez faictes en Dalmatie & Espagne, en peu de tēps furēt appaisées. Semblablement Macedoine fut saccagée par les Dentheletz & des Scardisciés. Et en Thrace premierement Marc Lolie donnant secours à Romitalces, cest assa uoir commissaire des enfans de Cocis, deffait les Bas. Depuis Lucius Gaus ayant vaincu les Sauromatz par vne mesme cause les dechassa dela le fleuve Hystre. Et la plusgrand guerre que feirent les Romains en ce temps arriua contre les Celtes, pour laquelle Auguste se departit de la cité pource que les Sicambriens maintenant ceulx de Nansau, & Vspetiés, ceulx de Francfort, & les Tencretz au commencement ayans prins aucūs Romains en leur territoire les crucifierēt. En apres ayās passé le Rhin pillerent la Germanie & la France, mirent les embusches aux hommes d'armes Romains qui allerēt contre culx, & s'estans mis à suyure ceulx qui s'enfuyoyent rencontrerent à l'impourueu Lolie cappitaine & le vainquirēt. Dont Cesar aduertiy s'en alla avec son exercite cōtre eulx, neantmoins n'eut aucune peine de bataille, par ce que les barbares entendans Lolie estre mis en ordre, & Auguste venir avecques l'exercite, se retirerent en leur pays, & s'accorderēt luy ayans donné les ostaiges. Pour ces causes Auguste n'eut besoing d'aucunes armes, & ordonnant les autres affaires consumma tout cest an, & le suyuant, auquel Marc Libon & Calpurius Piso furent consulz, Car plusieurs choses auoyent esté faictes par les Celtes, & maintes autres par vng appelé Liciuius. Et me semble que vne balleine leur prononcast ces choses, laquelle estant large de vingt piedz & trois fois autant longue, & toute semblable à vne fēme, excepté la teste, se gecta à terre dehors de la mer Océane: mais ce

Lici-

Macedoy-  
ne subiugue par  
les Dāthe-  
letz.

Guerre cō-  
tre les Cel-  
tes.

Les Ro-  
mans vain-  
cuz.

Longueur  
dune Bal-  
leine appa-  
rue en la  
mer ecce-  
anc.

Licius anciennement estoit Francois & ayant esté prins par les Romains & fait seruiteur de Cesar fut par luy deliuré & depuis par Auguste cõstitué procureur de France: cestuy cy vsât de auarice barbare & magnanimité Romaine destruysoit tout ce qui auoit esté reputé à luy supérieur & recueilloit maintes choses necessaires au gouuernement à luy assigné, & si encores en vsurpoit plusieurs tant pour luy que ses amys, & paruint à si grand malignité que estant coustume que se payast le tribut chascú moys de Decébre vne fois, le reduict à quatorze fois, alleguât ceste raison que le moys de Decébre estoit vrayemét le dixiesme & que pour ce estoit besoing qu'ilz encores reputassét estre deux moys estre appellez Augustes, desquelz l'ũg disoit estre le vnziésme & l'autre le douziésme, & qu'ilz cõtribuét les deniers cõdescés à ces deux moys, par laquelle caullation fut en peril par ce que les Gaullois accusans Auguste feirent maintes griefues choses, en maniere que Auguste en partie se troubla contre eulx & en partie s'excusa disant de ce ne scauoir riés, & faignoit de ne croire les autres choses & aucunes occultoit, se vergõgnât d'auoir constitué tel procureur: mais ce Licius ayant trouué vne autre astuce, se mocqua de eulx tous, car depuis qu'il entédit Auguste estre cõtre luy indigné & qu'il debuoit estre pugny, le mena en sõ hostel auquel luy auoir monstré plusieurs tresors d'or & d'argent & maintes autres richesses dist, ô monseigneur i'ay accumulé ces richesses pour toy & les autres Romains de paour que ces nations ayans si grand habondance de deniers ne se rebellassent contre toy, & certainement ie les ay toutes gardées pour toy & te les consigné. & par ainsi fut sauué, comme qu'il eust debilité la puissance des Barbares en faueur de Auguste.

Licius  
accusé.Astuce de  
Licius.

### Comment Rhetie fut prinse par Drusus & Thibere.

#### Chapitre

#### CII.

**E**pendant Drusus & Thibere feirent ce qui s'ensuyt. Les Rheti-  
ens habitás entre le Norch & la Gaulle deuers les alpes appellées  
Tridétines du costé de Italie transcoururent plusieurs lieux de la  
Gaulle à eulx voisine, & semblablement feirent plusieurs pilleries & rancon-  
nemés au territoire Italien, & dampnifierent tât les Romains que leurs cõ-  
paignons passans par leurs pays, & sembloit qu'ilz feissent ces telles choses  
non selon la coustume des cõpaignons & confederez, & tous les masles ad-  
uenans entre leurs mains non seulement ceulx qui se veoyent mais encores  
ceulx qui estoient es corps des femmes occioyét, ensemble ceulx qu'ilz com-  
prenoient estre masles par aucuns leurs augures. Au moyé dequoy Auguste  
du cõmencemét enuoya Drusus cõtre eulx, lequel les ayás rencontrez pres  
les montz Tridátins incontinent les mit en rotte, si que pour ceste victoire  
receut les hõneurs capitanaulx. Et voyant qu'ilz (bien que dechassez de Ita-  
lie) encores faisoient instance à la France, y suruint Tibere: ainsi eulx deux  
entrez en la region par plusieurs endroictz avec leurs conducteurs & estant  
passé

Guerre cõ-  
tre les  
Rhetiés.

Drusus.

Les Re-  
thés vain-  
cuz.

Mort de  
vedius Po-  
lio.

Cruaulte  
de Vedius  
Polion.

Cóment la  
cite dangu-  
ste en Al-  
lemagne  
fut nomée.

passé Tibere par le lieu avec ses nauires en ceste maniere les effrayèrent cõme ceulx qui les combatoyent de tous costez, & avec peu de peine deffai-foyent ceulx qu'ilz rencõtroyent comme ceulx qui eussent diuifé leurs forces & depuis prindrent ceulx qui restèrent comme ceulx qui estoient plus debiles & plus pusillanimes pour les choses passées: & estant grãd habõdãce d'hommes en ceste regiõ & suspect que ne feissent quelque nouuelleté emmeneret hors icelle les plus fortz & les plus ieunes entre eulx en y ayãt laissẽ tant que fussent suffisans pour habiter le pays & ne peussent faire esmotion. En ce mesme an Vedius Polio passa de ceste vie hõme qui aucunemẽt ne feit chose digne de memoire pour autant qu'il estoit yssu des affranchiz & auoit esté ascript entre les cheualiers sans auoir fait chose notable, mais fut fameux tant pour ses richesses que sa grãd cruaulté, en maniere qu'il merite estre nommé es hystoires, & si ie voulois reciter toutes les choses qu'il feit, seroyz moleste: bien feray mention d'une seulement. Cestuy estoit coustumier nourrir aucunes murenes en des pescheries lesquelles estoient acoustumées de mager chair humaine, car il leur dõnoit les serfz qui estoient condẽpnez à mort, & vne fois ayant inuité Auguste pource que vng seruiteur qui luy dõnoit à boire auoit rompu vng voirre de cristal, le voulut faire gecter à deuorer par les murenes, n'ayant aucune reuerẽce au conuy: alors Auguste (estant le ieune enfant agenouillẽ deuant luy & le suppliant de luy faire pardonner) au commencement tenta de persuader à Polion qu'il ne vult faire telle cruaulté, mais finalement voyant qu'il ne luy vouloit obeyr, luy dist, Apporte moy toutes les coupes semblables, ou bien d'autres qui toutesfois soyent precieuses, à ce que i'en puisse vser: lesquelles apportées, comanda que feussent mises en pieces: quoy voyant Polio n'eut petit desplaisir, n'estant courroucé d'ung voirre rompu eu esgard aux autres qui estoient rompuz, ne pouant encores pugnir le seruiteur qui estoit deffendu par Cesar, demoura coy voire contre sa volunté. Il doncques estant de telle condition mourut delaisant à plusieurs maintes richesses, mais à Auguste vne grãd partie de la successiõ, en sẽble le territoire appellé Pausolippe, posẽ entre Naples & Puffortz, & comãda que fust edifiée quelque bel œuure au peuple. Aĩsi Auguste soubz couleur de vouloir faire edifier telle œuure feit abatre la maisõ de l'autre: toutesfois à ce que ne demourast aucune memoire de luy en la citẽ edifia vng circuit autour lequel pourtãt ne receut le nom de Polio, ains de Liue. Ces choses furẽt depuis faites. Mais à l'heure fait colõnies maintes citez en la Gaule & Espaigne, & rẽdit la liberté aux Ciraziens: & aux Paphiẽs qui auoient esté oppressez par vng trẽblement de terre leur dõna deniers & comist p decret qu'ilz nõmassent leur citẽ Auguste. L'ay de ce fait mẽtiõ nõ pource que a maintes autres citez auãt & depuis semblables calamitez & ruines fut donẽ secours p les senateurs & Auguste, dont si lõ vouloit faire mẽtion l'œuure seroit trop prolixẽ d'escripre, ains plus tost pource que le senat distribuoit aux citez leurs denominatiõs en partie d'hõneur

neur & non cōme maintenāt se obserue chascune se esliſoit ſon nom. L'an enſuyuant Marc Craſſus & Gnée Cornelie furent eſleuz conſulz: mais les Edilles Curalles ayans reſſuſé le magiſtrat, eſleuz nō avec bons Augurés en vne congregation, le receurēt oultre la couſtume du pays: ſemblablement le portail nommé de Paule, bruſſa, & vint le feu de la au tēple de la déeſſe Veſta, en maniere que les choſes ſacrées furent trāſportées par les autres vierges veſtallles & repoſées dans le temple de Iupiter. Depuis ce temps ce portail fut en parolles reédifié par Emile auquel eſtoit finie la ſtirpe qui anciēnement le commenca, mais en effect par Auguſte & des amyſ de Paule.

Comment les Alpes commencerent d'obeyr aux Romains.

Chapitre CIII.

**A**Lors les Pannoniés ayans fait de rechief nouuelleté furent ſubiuguez: auſſi les Alpes voiſinés de la mer qui de tout temps auoient eſté liberes furent faittes ſerues: & les nouuelletez leuées au Boſphore Cimere appaiſées par Scribon ſe diſant deſcēdu du ſang de Mithridates, lequel auoir receu le royaulme de Auguſte depuis la mort de Alexandre print ſa femme qui eſtoit fille de Pharnaces, & niēce de Mithridates, & le royaulme à elle delaiſſé par ſon mary, & conqſt pour ſoy le Boſphore: dont Agrippe aduertu enuoya contre luy Polemon roy du Pont, lequel eſt vers Capadoce: touteſſois ne trouua Scribon viſ, par ce que les Boſphoriſ ayans entendu ſes inſidies le occirent deuāt, & reſiſtans à Polemon de crainte qu'ilz ne luy fuſſent donnez en gouuernement, vindrent à la bataille, de forte qu'ilz ne peurent eſtre ſoubzinis que premierement Agrippe venant à Sinope ne faignit avec tout l'exercite de leur vouloir courir ius, car alors depoſerent les armes & furent cōſignez à Polemon, & la dame appellée Dinamis l'eſpouſa, le tout fait par l'aduiſ & iugemēt de Agrippe. Au moyen de quoy furent faitz ſacrifices en ſon nom & nō les triumphes par luy determinez, car au commencement ne aduiſa le Senat des choſes par luy faites, par quoy ceulx qui apres ſuruiſſent vſans de ſa couſtume cōme d'une certaine loy n'eſcripuoyent au public n'y acceptoyent l'execution des triumphes: & par ceſte raiſon (ſicōme ie penſe) à aucun des ſemblables à luy fut concedé de ce faire, ains ſeulement eſtoyent contens des honneurs triūphaulx. Et Auguſte auoir diſpoſé & ordonné toutes les choſes neceſſaires tāt en Gaule, Eſpaigne qu'en Germanie, en pluſieurs lieux de ſpédant, en autres recepuant, concedant à aucuns la liberté, & à autres la leur oſtant, laiſſa Druſus en Germanie, & ſ'en retourna à Rome, eſtans conſulz Tibere & Quintilius Varro.

Dinamis  
fille de  
Pharnaces  
& femine  
de Alexā-  
dre roy du  
Boſphore.

Tibere &  
Quintilius  
Varro cō-  
ſulz.

Comment le theatre de Cornelius Gallus fut conſacrē.

Chapitre CIIII.

Le



Ebruyt de son retour arriva en la cité alors que Cornelié Balbe ayant consacré le theatre, lequel iusques à ceste heure est denomé par son nom, faisoit aucuns spectacles, & se vançoit de ce cōme que à ce moyē il fait aucteur du retour de Cesar (bien qu'il ne peust entrer dans le theatre pour l'habondance & desbord du Tybre.) Et le confirma premierement Tibere en honneur dans le theatre par ce que au senat estant rallye ensemble sembla oultre les autres choses de faire vng aultel dās le senat pour le retour de Cesar, & que ceulx qui le suppliroyent tant qu'ilz seroyent dans les murailles de la cité fussent assurez. Neatmoins Auguste ne voulut accepter aucune de ces deux choses: ains encores à ceste fois voulut eiter que le peuple vinst au deuant de luy, car il entra de nuit en la cité (chose qu'il faisoit le plus souuent, tant à son partement que son retour, allaist en lieux circonuouins ou non, & departant & retournant, affin qu'il ne fust moleste à aucun.) Mais le iour en suyuant embrassa le peuple, & monté à la salle du capitolle osta le laurier des verges & le posa deuant les piedz de Iuppiter: & si donna en ce iour les baings & les barbiers pour riens, & auoir assemblé le peuple, ne dist aucune chose pour estre trop las & debile, ains ayant donné le liure au Questeur compta ce qu'il auoit fait, & ordonna le nombre des ans que doiuent demourer les citadins à la suyte de la guerre, ensemble la quantité de deniers laquelle depuis la vocation de la gēdarmerie ilz deussent receuoir en lieu de territoire, à ce que estans retirez, soubz certaines conditions, n'eussent occasion de faire nouuelleté pour telz respectz, & le nombre determiné aux massiers estoit de douze, & des autres de seize ans: & à aucuns estoiet assignez plus de deniers, & aux autres mois. Lesquelles choses ne firent pour lors ne yre ne delectation à ceulx la, par ce qu'ilz n'auoyent obtenu en tout ce qu'ilz pensoyēt, ne encores en tout auoyēt perdu: mais les autres auoyent bōne esperance qu'ilz ne seroyent de la en auāt priuez de possessions. En apres consacra le theatre de Marcel, & en la congregation solempnelle pour ce faicte les enfans des gētilz hommes & autres ensemble Gaye son nepueu celebrerēt la feste des cheualx appelée Troye, & si furent mises à mort six cens bestes Africaines. Aussi Iules filz de Anthoine estant Preteur solemnisa le iour natal de Auguste avec cours de cheualx & occision de bestes, & fait vng conuy à luy & au senat selō leurs decretz dans le capitolle. Depuis vne autre fois fut faicte la descriptiō des senateurs, car leur estant par auant taxée la quantité & valeur de leurs biens cent mil, pourcé que plusieurs es guerres auoyent perdu leurs biens paternelz, & procedant le tēps reacquis grāns facultez, ladicte quantité fut reduicte à deux cens cinquante mil, & alors ne fut trouuē aucun lequel volūtairement voulust estre senateur, mais tant les enfans que nepueux des senateurs les aucuns veritablement estans pures, les autres desprisez pour les miseres de leurs peres non seulemēt ne se attribuoient la dignité senatoire, ains la reffusoyent. Et pour ceste cause estant encores Auguste hors la cité fut

Combien  
deuoient  
demourer  
les gēs dor  
donance a  
la suyte de  
la guerre.

Le theatre  
de Marcel  
consacre.

faict

faict vng decret que ceulx qui sont appelez vingt hommes fussent esleuz de l'ordre Equestre, au moyen dequoy nul d'eulx fut ascript au senat qu'il ne eust tenu quelque dignité de celles lesquelles peuent introduire au senat : & ces vingt hommes sont du nombre de vingt six, trois desquelz sont preposez aux causes capitalles, & autres trois sont supraftans aux monnoyes qui chascun iour se forgent, quatre ont la cure des rues de la cité : & dix sont assignez sur les iuges qui touchent par sort à cent pour les deux qui auoyent la charge des voyes & chemins hors la cité, & les quatre par cy deuant enuoyez en Champaigne de Naples ont esté defaictz. Ce decret doncques fut faict pédât la pegrinatió de Auguste, & pource que alors nul facilement demá doit le tribunal, á ce qu'en fussent creéz aucuns par sort de ceulx qui auoyét esté questeurs, & encores n'auoyent quarante ans, feit la description de tous, & de ceulx qui auoyent trente cinq ans passez n'en feit compte, mais ceulx qui estoient deuant cest aage, & possedoyent tout ce qui auoit esté ordonné les contraignit d'estre senateurs, excepté si aucun ne fust debile de quelque membre, & si vouloit luy mesmes veoir les corps, mais de leurs facultez s'arrestoit à leurs sermés & des autres qui iuroyét pour eulx, rendás raison de leur vie, & poureté. Et n'estoit auguste moís diligét es affaires priuez que publics toutesfois reprit Tibere pource qu'il feit seoir aupres de luy Gayus es sacrifices votifz p luy ordónez á s'ó retour, & encores le peuple de ce qu'il l'auoit honoré avec reueréce & louéges. Et depuis que Lepidus decedé Auguste fut designé pótiffe, & pour ceste cause le senat le voulust cõfirmer p decret, dist ne vouloir accepter aucune de ces choses & ilz faisás instáce se leua & sortit hors du senat. Et par ainsi ne furent confirmées ny accepta aucune maison publique, ains publiá vne partie de la sienne, par ce que necessaire estoit sur tout le pontiffe habiter en public, & celle qui estoit au prince des prebstres donna aux vierges Vestalles pour estre contigue de leur habitation. Et se trouuant Cornelius Sisence encoulpé pour la vie de sa femme, & il disant au Senat l'auoir congneue, le saichant Auguste, & par son conseil, se courrouca s'ás faire ne dire aucune chose griefue, ains sorty dehors du senat de la á peu y retourna, ellisát (ainsi qu'il dist depuis á ses amys) plustost de ce faire, posé que ne fust bien faict, que demourant estre contrainct de faire quelque mal.

Quel pou  
oir ont les  
vingt hom  
mes.

Cornelie  
Sisíce inu  
ria Augu  
ste en plá  
senat.

Comment Agrippe mourut, & Auguste conquist le Cheroneffe.  
Chapitre CV.

**N** ce temps exalta Agrippe en dignité tribunice pour autres cinq ans, lequel Agrippe estoit retourné de Sirie, & l'enuoya en Hongrie qui s'estoit suscitée & leuée pour faire guerre luy concedant plus grand puissance que á tous les autres magistratz hors de Italie. Cestuy cy y alla, bien que supraftast le temps de yuer auquel Marc Valere & Public

Ee i Sulpice

Sulpice estoient consulz . Mais estans les Hongres estonnez à son entrée & ne faisans plus aucune nouuelleté s'en retourna & paruenü en Chápaigñe fut surprins d'üe griefue maladie . Döt Auguste aduertý qui pour lors estoit es festes appellées Panathenaices, & aucuns exercites de gladiateurs, en lieu de petis enfans, se partit hastiuement, & l'ayant trouué mort porta son corps dás la cité & le mit au mylieu de la place & feit les oraisons de ses obseques, vne couuerture preallablement estandue sur le corps mort. Laquelle chose ne scay pour quelle cause fust faicte, neátmoins fut dicte par aucuns pource qu'il estoit pontiffe, par autres pource qu'il faisoit les affaires des censeurs: toutes fois n'ont vraye opinion, pour autát qu'il n'est interdit au pötiffe de veoir le corps mort, ne écores au censeur, excepté s'il ne doit iposer si aux rescriptiõs, car s'il voit aucun auant la purgation tous ses faictz sont adnulléz . Il doncques feit ce en telle maniere, & les obseques encores ainsi que les siennes furent depuis faictes & l'ensepuelit en sa propre sepulture, combien qu'il en eust vng autre au champ de Mars. Ainsi mourut Agrippe, lequel ptié es autres choses fut tres bon entre les hommes de son aage & vfa l'amýtié de Auguste en son vtilité & de la Republicque, par ce que de quant il superoit les autres hommes avec vertu de tant volontairement se laissoit vaincre par Auguste, & vsant toute la prudéce & force siéne au profit d'icelluy, receuoit toute puissance & honneur de luy, lesquelles il vsoit en bien faire aux autres; döt ne fut oncques grief á Auguste, ne des autres enuié. A cestuy-la (desiderateur de la monarchie) sicóme la puissance fut gráde ayde, & avec benefice luy recóilia le peuple, cóme homme á chascun moult agreable, & apres sa mort leur laissa les iardins & les baings nommez par son nom, en maniere qu'ilz se pouoyent lauer sans pris, ayant donné á Auguste aucuns lieux en recomþése: lequel non seulement ceulx cy, ains encores distribua aucunes dragmes de par soy comme par commádement du deffunct, par ce qu'il fut son heritier en plusieurs de ses biens, entre lesquelz oultre les autres choses le Cheronesse (ie ne scay par quel moyen paruint á Agrippe,) le desira grádemment, & pource le feit moult hõnorable enuers le peuple, & nomma le filz ney depuis sa mort, Agrippe. En oultre ne conceda aux autres que laissassent aucune de la coustume du pays, bien que ne fust aucun des pñcipaulx lequel voulust descendre á la congregation solemnelle, & luy mesmes paracheua le ieu des gladiateurs, lesquelz souuent estoient faictz en son absence. Ainsi doncques ceste calamité ne fut seulement propre á la maison de Agrippe, ains commune á tous les Romains, en maniere que ces signes qui ont acoustumé arriuer auant les tresgrandes infortunes apparoissoyent en sa mort, car les Alocques se assemblerent en la cité, & vne saiette tomba en la maison située au mont Alban, en laquelle se reduisent les consulz durant le temps des sacrifices: aussi l'estoille comette par plusieurs iours esleuée sur la cité se deslia en lampe, & maintz autres lieux de la cité ensemble le tabernacle de Romulus, fut brulé, les corbeaulx y ayás getté de la chair ardant prinse sur quel-

Mort de  
Agrippe.

Vertus de  
Agrippe.

Signes ad-  
uenz á  
Rome au-  
uant la  
mort de  
Agrippe.

ques

ques autelz. Depuis ce temps Auguste esleu curateur & correcteur des coustumes par autres cinq ans, pour autant qu'il receut ceste dignité à termes, sicome encores la monarchie, conceda que les senateurs sacrifiasent dans le senat, ce pendant qu'il entendoit à ce faict, ou bien s'en vinssent deuers luy, & cela fait partie, affin qu'ilz fussent culteurs de dieu : & partie à ce qu'ilz fassemblasent sans peine, & se trouuans peu d'hommes qui demandassent la dignité Tribunice, à cause qu'elle estoit de beaucoup diminuée, institua vne loy que ceulx qui estoient en magistrat de l'ordre Equestre & possedoyent non moins de deux cens cinquante mil, fussent esleuz vng pour chascun magistrat, & de ceulx cy la plus grand partie esleust ceulx qui deffailloyent & que leur fust licite silz vouloyent entrer vne autrefois en l'ordre senatoire ou sinon en l'ordre Equestre. Et voyant que la nation Asiaticque damnifiée de quelques tremblemens de terre auoit besoing de secours, paya le tribut d'icelle au peuple de ses propres deniers, & luy préposa vng superieur tiré p fort & non faict par election pour l'espace de deux ans : aussi ayans esté blâmez dans le senat Appulée, & Mecenas au iugement d'ung aduere, non pource qu'ilz eussent failly, ains qu'ilz aydoient à l'accuse, il mesme vint en iugement, & assis au tribunal du Preteur ne fait aucune chose moleste, mais ayât interdit à l'accusateur qu'il ne dist iniure à ses amys & parens se leua. Dôt & pour autres causes fut honoré de statues par le public, & fut concedé aux hommes & femmes non mariez de pouoir assister avec les autres à veoir les festes & es conuis du iour qu'il estoit ney, car nulle de ces deux choses estoit licite. Doncques Agrippe decedé, lequel Auguste aymoit grandement pour sa vertu & non par aucune necessité, tenoit pour coadiucteur en ses affaires comme homme grandement superieur aux autres de vertu & de puissance, en maniere que au temps opportun luy commettoit toute chose sans enuie & insidies : alors contre sa volonté esleut Tibere, pource que ses nepueux iusques à l'heure estoient petitz enfans, & luy ayant faict laisser sa premiere femme, bien que fust fille de Agrippe d'une autre femme, & desia eust vng petit enfant en nourrisse & d'ung autre fust enceinte le conioignit par mariage avec Iulie, & ce faict l'enuoya avec exercite contre les Pannonniens, lesquels iusques à ce temps auoyent esté en paix pour la crainte qu'ilz auoyent de Agrippe : & pour lors sa mort entendue festoiét rebellez. Tibere doncques ayant mis à sac grand partie de leurs pays & grandement endommagé les hommes, les subiugua festant attribué le secours des Scordissiens leurs voisins, & pareillement armez contre eulx, & leur osta leurs armes, & si vendit la plus grand partie des ieunes hommes. Au moyen dequoy luy fut cōcedé p le senat le triumphe : mais Auguste ne luy conceda que fussent faictes festes sur ce, neâtmoins luy donna les honneurs triumphaulx. Ceste mesme chose aduint encores à Drusus, par ce que festas faictz ennemys les Sicambriens & leurs compaignons pour l'absence de Auguste, & pource que les Gaullois ne vouloyent volontairement seruir, les preoccupa premierement

Beniolée  
de Augu-  
ste enuers  
les Aïens.

Tibere re  
pudia sa  
fême pour  
cōioin-  
dre avec  
Iulie.

Guerre cō  
tre les Pan  
nonniens.

Les Celtes  
rebellez.

Les Frifons  
alliez avec  
les Ro-  
mainz.

les subiectz ayans enuoyé querir les principaulx d'entre eulx foubz couleur de les appeller à la feste, laquelle encores maintenāt est celebrée pres de l'au-  
rel de Auguste à Lyon, & ayans obserué & prins en poste les Celtes qui pas-  
serēt le Rhin les tailla en pieces. Et ce fait passa en la region de Vſipetes ap-  
pellée maintenant Francfort, auprès de l'isle de Patauiene, & festant party  
de Sicambrie ſaccagea plusieurs lieux, & ayant nauigué par le Rhin en la mer  
Oceane tira les Frifons à son amytié. Et depuis entré en Caucide par le pe-  
laige fut en peril pour estre les nauires demourées à sec à cause du reflux de  
la mer Oceane: & alors ayāt esté faulvé p les Frifons venuz à pied avec luy  
ſen alla ſuruenant l'yuer, & arriué à Rome fut fait prouiseur de la cité, estās  
conſulz Quintus Eluius & Paule Fabie, bien qu'il eust les honneurs de pre-  
teur. Mais ſuruenāt le printemps, de rechef se meut à la guerre, & auoir pas-  
ſe le fleue du Rhin ruina & pillā tout le pays des Vſipetes, & feit le pont sur  
la riuere de Lupie, & encores courut sur le territoire des Sicambriens, par  
lequel il proceda outre iusques pres de Befancon, & le peut faire, par ce que  
les Sicambriens ayans les Celtes leurs voyſins en hayne, ſeulement pource  
qu'ilz ne vouloyent estre leurs compagnons à la guerre, allerēt contre eulx  
avecq tout l'exercite, & ce pendant il entra en leur pays qu'ilz ne ſen ap-  
perceurent, & fuſt passé iusques à Befancon ſinon que les choses necessaires  
luy deffailirent, & deſia ſ'approchoit l'yuer: & encores apparut vne mul-  
titude de mouches à miel en son exercite, parquoy ne proceda plus outre &  
retournant es terres de ſes amys fut en grand peril, par ce que les ennemys  
ſestans embuschez luy feirent grand dommaige, & vne fois l'ayans enclos  
en vng lieu moult eſtroict & concaue quaſi qu'ilz ne le ruynèrent & l'euffent  
deffait avec tous ſes amys & l'exercite, ſinō que les ennemys deſprifans les  
leurs comme priſonniers, & qui ſe pouoyent deſtruire à vng coup, leur cou-  
rurent ſus ſans ordre quelconque: car depuis qu'ilz furent vaincuz ceſte  
fois n'eurent depuis telle audace: ains les endommageoyent de loing ſans ſe  
vouloir approcher, en maniere que au rencontrer, Drufus faiſant petit eſti-  
me d'eulx ediffia vne fortereſſe en ce lieu ou les fleues de Lupie & de Heli-  
zon ſe aſſemblent, & vne autre entre les Cattes sur le fleue du Rhin. Pour  
leſquelz faitz luy furent concedez les hōneurs triūphaulx, & qu'il entraſt  
en Rome sur vne charrette, & que quand il ſeroit en camp peult vſer de la  
puiffance proconſulaire, car le nom de empereur luy fut diuulgüé comme  
auſſi à Tibere par les hommes d'armes, neantmoins ne fut en premier lieu  
concedé par Auguste combien qu'il augmentaſt le nombre de ceſte denomi-  
nation pour les faitz de l'ung & l'autre.

Honneurs  
oſtroyez a  
Drufus.

Comment les Auguſtaulx furent conſtituez.

Chapitre.

CVI.



Et ce pendant que Drusus faisoit ces choses, la congregation solennelle conuenable à la gendarmerie fut faicte sumptueusement, & le iour natal de Auguste honoré avec occision de plusieurs animaux en l'Hipodrome & autres lieux de la cité. Et ce, bien que ne fust déterminé par decret, neantmoins tousiours estoit mis à execution par ceulx qui estoient Preteurs: pareillement les festes appellées Augustalles qui encores de present sont celebrées alors premierement furent faictes par decret. Et subiugua depuis ce temps Tibere, les Dalmatiens & Pannonniés, lesquelz pour son absence auoyent faict nouuelleté, & de la plus grand partie de l'exercite cōbatant contre ces deux nations, maintenant se retournant à vne, & rātoist à l'autre, en sorte qu'il obtit tout ce que auoit obtenu Drusus: au moyé dequoy fut de la en auant Dalmatie ascripte au preside de Auguste, comme celle qui ordinairement eust besoing de gens d'armes tant pour elle mesmes que pour la vicinité de Pannonnie. Durant ce temps Buloges Thrace Beson, prestre du dieu Denis, hōnoré entre eulx, ayāt faict plusieurs sacrifices, assembla quelque nombre de gens, & d'iceulx vaicu Rascipore filz de Cotti, l'occist: & ce faict, prins avec luy sans batailler les gēs d'armes de son oncle par vne certaine opinion de diuinité, le cōtraignit de se mettre en fuyte, & l'ayant poursuiuy le chassa au Cheronnesse, luy faisant plusieurs & diuers ennuy: pendant lesquelles entrefaictes & que les Sialettes pilloyent & couroyent en Macedoine, Lucie Pifo alla contre eulx, de Pamphilie, de laquelle il estoit presidēt, mais les Besses en leur pays retournez (premieremēt aduertiz de sa venue) courut en leur territoire, ou ayāt esté la premiere fois vaincu se réforca vne autre fois, & fut superieur, si qu'il saccagea tout leur tenemēt, ensemble de leurs voisins qui s'estoyent avec eulx leuez en armes, & alors les aucūs p luy volūtairemēt cōquis, les autres de paour, & les autres par batailler, finalement les soubmist tous: & depuis encores les aucuns d'eulx s'estās rebellez, de rechef furent par luy reduitz en seruitude, au moyen dequoy luy furent concedées supplications & hōneurs triumphaulx. Ce pendant doncques que ce faisoient les choses predictes, Auguste fait la description ayant descriptz tous ses biens comme qu'il fust en estat d'homme priué, & assembla le senat, mais pource que les senateurs ne se cōgregeoyēt tous ensemble, cōmanda que ses decretz se peussent faire en moindre nōbre de quatre cēs, par ce que au parauāt ne se pouoit autrement faire aucune confirmation. Et voyant que vne autre fois le senat & le peuple consigna l'argent pour faire ses statues, n'en feit dresser nulles des siēnes, bien aucūs du salut public, de la paix & de la concorde, car ilz quasi en toute opportunité tousiours vsoyent de ces cérimonies: & finalement au premier iour de l'an aucunement ne mettoyent l'argent ensemble, ains se transportans deuers luy conferoyent les aucūs plus, & les autres moins, & il en y adioustoit autant, ou les rendoit non seulement aux senateurs mais encores aux autres. Et me souuient auoir autrefois ouy dire qu'il receut vne autre quantité d'argēt à vng iour de l'an

Ee iii de

Festes Augustalles.

Dalmatie  
ascripte au  
preside de  
Auguste.

de ceulx qui vindrent au deuant de luy comme supplians . Et ceste chose (si quelqu'un la peult croire) à esté ainsi rapportée. En ce mesme an il copula Iulie à Tibere & exposa en public Octauiie sa sœur qui estoit morte au temple de Iunius, encores alors vne couerture mise sur le corps mort, & en ce lieu dist l'oraison funebre: & Drusus sus vng tribunal, par ce que ceste angouisse fut publique ayans les senateurs changé leurs robes, & de rechef les gédres porterét le corps, mais Auguste ne voulut accepter tout ce q' auoit esté pour elle deliberé: aussi en ce mesme an premierement apres Merule fut crée le prestre de Iupiter, & commandé aux Questeurs: de tousiours obseruer les decretz faitz depuis que les Tribuns du bas estat, & les Ediles, ausquelz auoit esté commis ceste cure, l'executoyent par main de ministres, & pour telle cause se trouua vne certaine cōfision & erreur. Et estant determiné que le tēple Ianus fust fermé, lequel estoit ouuert ne fut pourtant clos, par ce que les Daces ayās passé le fleue Histre pour lors cōgellé, prindrét vne grād partie de Pannonie: aussi que les Dalmatiens se rebellerent pour les exactions qui se faisoient des tributz, toutesfois furent appaisez par Tibere enuoyé de Gaule, en laquelle prouince il estoit venu en la compaignie de Auguste. Pareillement les lieux de Gaule, des autres, & des Cattes qui festoyent raliez avecq les Sicambriens, & festoyent departiz de leur region à eulx concédée par les Rommains, en partie furent endommaigez par Drusus, & en partie prins, & depuis s'en retournerent à Rome avec Auguste, lequel la plus grand partie du temps estoit demouré à Lyon insidiant les Gauloys: & acheuerent tout ce qui auoit esté deliberé pour les victoires, & autremene estoient conuenables de faire. Ces choses furent faites estans consulz Iulius, & Fabius Maximus.


Creatiō du  
prestre de  
Iupiter.

Iulius &  
Fabius  
Max. con-  
sulz.


# Le Cinquantesiesme liure

DE DYON, HISTORIEN GREC,  
Traduict d'Italien en Francoys.

Ce liure traite de la mort de Drusus: du tēple de Liue consacré: du chap de Agrippe consacré: du Diribitoire consacré: du retour de Tibere à Rhodes: de Liue persuadant à Auguste de dominer humainement: des exercites, & des administrateurs esleuz pour les deniers des gens de guerre: des gardes de la nuict, ordonnez: puis traite comment Tibere combatit contre les Pannonniens, & Dalmatiens.



Comment Drusus mourut. Chap. CVII.



An ensuyuant Drusus fut consul avec Crespin, & leur apparurent signes non bons, car tant par l'influence des eāues que par l'habondance des saiettes cœlestes, furent maintz temples & habitatiōs destruictes, en maniere que celluy de Iuppiter Capitolin avec l'autre à luy conioict fut moult endommaigé. Neantmoins il n'eut d'iceulx aucune cure, ains entra au territoire des Cattes, & proceda iusques en Sueuie, prenant facilement tout ce qu'il rencontroit, & subiuguant avec effusion de sang ceulx qui

En iiiij venoyent

venoyent au combat contre luy: & de la passa en Chirusquie, & ayant passé le fleuve de Vsfugre, tira oultre, pillant & saccageant tout ce qu'il trouvoit iusques au fleuve Albeye, qui descend des montz Vandalifces & entre moult gros en la mer Occéane, Septentrionale: & ayant Drusus tenté de le passer, fut de ce frustré, mais y apposa des trophées, & puis se departit, par ce que luy apparut vne femme de plus grand stature que humaine, qui luy dist: Ou vas tu Druse infatiable: il n'est destiné que tu voyes tous ces lieux: mais va ten, car desia s'approche la fin de tes faitz, & de ta vie: Chose miraculeuse fut que telle voix vint à aucun homme d'ung esprit, neantmoins ie ne demeure de le croire, par ce que intontinent luy aduint ce qu'il luy auoit dit: & se departat hastiuemēt fut saisi d'une moult griefue maladie, de laquelle il trespassa auant que fust paruenue au fleuve du Rhin: & à moy se confirme ce que fut dit par ceste femme, pource que les loups au temps de sa mort vindrent hurler iusques apres de l'exercite, & furent veuz deux ieunes enfans cheuauchans par le mylieu du fort. Aussi vne lamétation scemenille fut ouye, & aucunes estoilles vollans, veues. Ces choses passerent ainsi que i'ay dit. Et Auguste au parauant aduertie de l'infirmité de Drusus, comme celluy qui pour lors n'estoit loing, luy enuoya Tibere, qui le trouua ayant encores pouls, & estant decedé le fait apporter à Rome, & premierement es stations de l'exercite par les conducteurs, & de la par les principaulx de chascune cité: & depuis le corps posé au mylieu de la place, luy furent faictes deux oraisons funebres, car en ce lieu fut loué par Tibere & Auguste en l'Hippodrome Flamine, par ce qu'il estoit allé dehors avecq l'exercite. & n'estoit licite qu'il ne feist les choses appartenans à ses faitz à son entrée de la cité. Et fut Drusus porté ou champ de Mars, par les chevaliers, & par ceulx lesquelz vrayemēt estoiet posez en l'ordre Equestre, & encores de ceulx qui estoient de stirpe senatorie: & illec son corps bruslé, fut mis en la sepulture de Auguste, estant par auant nommé Germanicque, ensemble ses enfans, & ayant receu apres du Rhin honneurs de statues de Roues & de Cenotaphées: aussi Tibere, les Dalmatiés & Pannonniens s'estans aucunemēt enleuez, les vainquit, Drusus encores viuant, dont il triompha sur vng curre & fait conuiz au peuple tant dans le Capitolle comme en plusieurs autres lieux. Durant ce temps Liue fit des conuiz aux dames avec Iulie, & cela mesmes au parauant se preparoit pour Drusus, & se debuoyent les dilations faire en sa louenge pour la seconde fois, à ce qu'il peust triompher en ce temps, mais il fut par mort surprins.

Esprit ap-  
parut a ]  
Drusus.

Mort de  
Drusus fut

Comment  
le corps de  
Drusus.  
porte à  
Rome.

Comment le temple de Liue fut consacré par aucunes statues dedans apposees. Chap. CVIII.



Paraillement à Liue pour sa consolation furent edifiées aucunes statues, & fut inscrite ou nombre des femmes qui eussent enfanté trois enfans, par ce que ceulx ausquelz la fortune ou des hom-

Parail-

mes ou des femmes n'auoit permis engendrer trois enfans, la loy vouloit qu'ilz peussent auoir les priuileges de ceulx qui en auoyent eu autant au par auant par concession du senat: mais maintenant par la grace de l'empereur: en maniere qu'ilz n'estoyent soubz mis aux peines imposées à ceulx qui n'auoyent enfans, & receuoient les fruitz de ceulx qui en auoyent assez, excepte quelzques choses de petite valeur. Et ceulx cy, non seulement ne sont en suiuz des hommes, mais des dieux, à ce que si vng les leur laissoit, apres leur mort les preuent. c'est ce que ie vous puis dire de ce fait. Mais Auguste cōmanda que es iours determinez se assemblast le senat, pour autant que ne estant au parauant faicte aucune determination ordinaire, & à ce moyen se trouuans plusieurs estre negligés: voulut que se feissent les cōuocations principales du senat par chascun moys, si que deuers luy par necessité se retirassent ceulx que la loy cōmandoit. Et affin qu'ilz ne trouuassent aucune excuse de leur absence commanda qu'en ce temps ne se tint raison ny se feist aucune des choses acoustumées, & determina le nombre necessaire pour la confirmation de ces decretz selon leur condition & ordonna grosses peines à ceulx qui sans iuste cause estoyent absens du senat. Et pource que plusieurs telz delictz pour la multitude de ceulx qui pechent ont acoustumé estre impugniz, commanda que s'il s'en trouuoit assez qui eussent failly se missent a sort, & celluy qui se trouueroit le cinquiesme portast la peine. Et ayant escript le nom de tous les senateurs en vne table blâche les exposa en public, & depuis ce temps encores maintenant se obserue ceste coustume. Lesquelles choses furent necessairement faictes, affin qu'ilz se trouuassent tous ensemble, mais si par aucune fortune ne se assembloyent d'autant que requeroit la necessité, neâtmoins finablement accomplissoit comme qu'elle fust confirmée: toutefois se faisoit seulement par auctorité, cest assauoir demonstration de sa volonté, car de telle importance est la vigueur du vocable. Cecy mesmes se obseruoit si par grand haste le senat se assembloit en quelque lieu non acoustumé, ou en vng iour non cōuenable, ou sans couleur legitime, ou que par resistance de aucuns tribuns le decret ne se pouoit faire, ains vouloyent que leur volonté fust notoire à tout homme, & apres se adioignoient la confirmation selon la coustume du pays, & estoit nommée decret. Laquelle coustume ayant esté obseruée par les anciens moult estroitement, maintenât par vng certain moyen est adnichillée, & celle encores des preteurs, lesquelz estans mal contents que bien qu'ilz fussent preposez en hōneur aux tribuns, neantmoins n'eussent aucune voix au senat, eurent la grace de Auguste de le pouoir faire, toutefois en pour suyte de tēps furent priuez. Cestuy cy doncques determina par loy cestes & autres choses lesquelles inscriptes en tables blanches, il posa au senat auant qu'en traicter aucune, & commist aux senateurs entrans avecq vng autre de les lire, affin que s'il y auoit quelque chose qui ne leur pleust où luy peussent donner meilleur conseil le reuellassent, car il vouloit estre tant populaire que luy ayant vne fois

requis secours vng qui auoit esté son compaignon en la gendarmerie, la premiere fois luy enuoya vng autre pour son aduocat comme qu'il propre pour ses occupations n'y eust peu aller: dont l'autre iré luy dist: quelque fois que euz affaire de moy ne t'enuoyay oncques personne en mon lieu, ains tousiours en chascun lieu moymesme me mis en peril pour toy. Et pource Auguste mesme entra ou iugemét pour son aduocat. Aussi estant vne autre fois vng sien amy accusé fut examiné avec luy, ayant communiqué preallablement de ce au senat, & par ainsi sauua son amy, & contre l'accusateur non seulement fut courroucé, bien qu'il v'fast d'une grand licence de parler, ains il ayant esté taxé en ses coustumes, le sauua, disant, que necessaire estoit son audace au parler pour la malignité de plusieurs, & fait pugnition de aucuns autres qui auoyent esté denoncez luy dresser secrettes insidies: & ordóna que les *Questeurs* gouuernassent en la ptie maritime, voisine à la cité, & aucuns autres lieux de Italie, p l'espace de plusieurs ans, neátmois à l'heure ne voulut entrer en la cité à cause de la mort de *Drus<sup>us</sup>*. Mais en l'an ensuiuat auquel *Asinius Gallus*, & *Gaius Martius* furent cōsulz, y vint, & porta le laurier de *Iupiter Pheretrié* oultre l'usáce, toutesfois en ces choses ne fait aucune feste, pésant auoir receu beaucoup plus grád dómaige en la mort de *Drusus* que vtilité es victoires: mais les cōsulz en partie firét les autres choses acoultumées d'estre faictes en telz actes, & mirent aucuns prisonniers pour combatre ensemble. Ce fait Auguste, estans encoulpez ceulx la & les autres qui estoient en magistrat comme qu'ilz eussent esté esleuz avec promesse de la decime, ne reprint telles choses, ne fait semblant au commencement de les cōgnoistre, par ce qu'il ne vouloit pugnir les aucuns ne encores pardonner à ceulx qui eussent esté reprobuez: mais de ceulx qui appetoyent les magistratz, print deniers auant le temps de l'election en lieu de gage, à ce qu'ilz ne feissent cōme les autres, & s'ilz failloyét, perdissent leurs deniers: chose qui de chascun fut louée. Et pource qu'il n'estoit licite que vng serf fust examiné contre son maistre commanda que toutes fois & quantes que seroit besoing le serf fust védu au public ou à soymesme, affin qu'il se peust examiner comme aliene du iugé. Aucuns blasmoient telle ordonnance pour ce qu'en ce faisant estoit contreuenue aux loix pour la permutation du maistre, & autres disoiet & maintenoiet le cōtraire, cōme chose tresnecessaire, pour autant que plusieurs pour ceste cause estoient constituez en magistrat. Ce fait vne autre fois print contre sa volenté la principaulté, combien que comme il disoit l'eust laissée, les autres dix ans passez, & demoura en Rome: mais *Tibere* passa le fleuve du *Rhin*, dont tous les barbares estonnez, excepté les *Cantabriens*, luy enuoyerent ambassadeurs, mais tant furent loing de mettre aucune chose à execution que oultre ce furent destruitz, par ce que Auguste les ayant prins les mit en aucunes citez, & ilz endurans ce party moult griefuement se occirent eulxmesmes, & de la en auant par quelque temps demourerent en paix, toutesfois depuis rendirent le mal triplicque aux Romains. Auguste fait ce que ie diz & donna deniers aux hō-

*Asinius  
Gallus &  
Gaius Mar  
ti<sup>us</sup> cōsulz.*

mes d'armes non comme victeurs, bien qu'il eust receu le nom de empereur & l'eust donné à Tibere, ains pour ce qu'ilz eurent alors premierement Gaius au nombre de leur ordre. Il doncques esleuant Tibere au lieu de Drusus à la dignité imperatoire le exalta de ce nom, & de rechief le designa Consul, & feit que selon l'ancienne coultume il exposast les lettres en publicq auant que entrer en la principaulté, & d'auantaige le honnora de triumphes par ce qu'il ne les voulut conduire: bien au iour de sa natiuité accepta vne feste sempiternelle du cours des cheuaux, augmenta les termes des murailles de la cité, & le moys nommé Sextilis appella Auguste, par ce que voulans aucuns donner ce nom au moys de Septembre, pource qu'il estoit né en icelluy, Auguste prefera cestuy cy à cause que premierement auoit en icelluy esté designé consul, & obtenu plusieurs & tresgrandes victoires. En telles choses se glorifioit Auguste. Mais estant decedé Mecenas, se contrista come que de tel homme receust plusieurs vtilitez: car bien qu'il fust de l'ordre Equeitre, neantmoins luy commit la garde de la cité par longue espace de temps, especiallemét quand il estoit moult courroucé, pource que cestuy cy tousiours le tenoit esquarté de courroux & yre, & le réduisoit à mansuetude: & en signe de ce estant vne fois Auguste assis pour iuger, & voyant Mecenas qu'il estoit pour cōdamner plusieurs au supplice de mort, s'efforca de se faire voye aux circonstants & s'approcher de luy, touteffois n'y pouant paruenir luy escripuit vng bulletin de ceste sentence, Lieue toy maintenant meschant. & le luy gecta en son giron comme que feust autre chose, en maniere que Auguste ne feit mettre aucun à mort, ains toutincontinent se leua: car non seulement ne se contristoit de telles choses; mais plus tost s'en resiouyssoit, par ce que les choses esquelles il erroit par sa nature & pour la necessité des affaires & s'en courroucoit plus qu'il n'estoit conuenable, en icelles mesmes se corrigeoit par la liberté de parler de ses amys. Et estoit ce vng grand signe de la vertu de Mecenas, qu'il estoit cher à Auguste (encores qu'il feust contraire à ses appetitz) & complaisoit à tous les aultres. Et bien qu'il eust grād puissance aupres de luy, en manere que plusieurs obtindrent par son moyen honneurs & magistratz, neantmoins ne s'en esleua en orgueil, ains tenoit l'estat des cheualiers. Au moyen dequoy le desiroit Auguste: & pose encores qu'il se dolust de luy pour le respect de sa femme, touteffois le laissa heritier & luy donna plianiere liberté, excepté en aucunes choses de petite iportance sil vouloit faire quelque bié à ses amys. Tel homme fut Mecenas, & en telle sorte vfoit de l'amytie de Cesar: Et il le premier feit vng baing deaue chaulde en la cité, & fut le premier qui trouua aucús signés de lettres moult subites & les enseigna à plusieurs par le moyé de Acilius Libert. Mais Tibere au commencement du moys qu'il entra au consulat avecques Gnee Piso, assambla le Senat au lieu appelle Octaue, par ce que sa situation estoit hors les murailles de la cité: & il de soy mesmes festant mis en deliberation & volūté de edifier le temple de la diesse

Tibere cō  
sul pour la  
deuxiesme  
fois.

le moys nō  
me Sexti-  
lus appel-  
le Auguste.

Mort de  
Mecenas.

Nature de  
Mecenas.

le baing de  
chaulde  
de Cesar  
le premier

Concorde

Cócorde pour en icelluy inscripre tant son nom que celluy de Drusus, mena les triumphes, & consacra le lieu appellé Libie avecq sa mere, & inuita le senat au Capitolle, mais sa mere inuita les dames priuément : & non long temps s'estans aucunes nations reuoltez en Germanie se departit, & la solemnelle congregation pour le retour de Auguste fut disposée par Gaius avecques Piso.

Du champ Agrippe consacré, & du Debitoire.  
Chapltre CIX.

Debitoire.



L Auguste publia le champ appellé Agrippe excepté le Portique, & le Debitoire, qui fut vng tresgrand hostel entre ceulx qui n'auoyent que vne seule couuerture: toutesfois maintenant ayát esté deltruicte la couuerture (pource qu'il ne se peut réédifier) est demeuré desert. Agrippe laissa l'ediffice, lequel fut alors pacheué, mais non le Portique, qui estoit au cáhp, ce que faisoit Paule sa sœur, laquelle ordónoit encores les cours des cheuaulx. Et en ce temps furent celebrez ieux de gladiateurs sur la sepulture de Agrippe, & plusieurs combatirent contre autant es Septes, & vng contre vng, tous les autres vestuz des robes noires, excepté Auguste & ses enfans, & le tout faict en hóneur de Agrippe. Et pource que plusieurs hostelz estoyent ars & bruslez aupres de la place, la cause du feu se transferoit aux debteurs des vsures comme qu'ilz l'eussent préparé pour se faire quitter vne partie de leurs debtes, semblás d'auoir receu grand dommaige, toutesfois ne obtindrent aucune chose de leur intention, & furent preposez aux voyes estroictes, hommes qui estoyent nommez Stenoporques, auquelz fut permis vser de robes magistrales, & deux lieuteurs es lieux auquelz ilz se trouuoient presidés par certain temps: & les serfz qui estoyent avec les Ediles leur furent concedez pour les ediffices ars & bruslez, bien qu'eulx & les Tribús & les Edilles fussent supreposez à toute la cité, diuisée en dix parties: ce qui encores est maintenant obserué. Telles choses furent faictes en cest an par ce que en Germanie n'en arriua aucune digne de memoire: mais le suyuant auquel furent consulz Gaius Antistius & Lelius Balba, Auguste voyant que Gayus & Lucius côme ceulx qui estoyent nourris en seigneurie, ne suiuyent ses vestiges, se dolloit griefuement non qu'ilz menassent vie la sciue, ains pource qu'ilz estoyent trop temeraires: car Lucius de par soy entra au theatre & luy estant faictes plusieurs adulations de tous les citadins (par plusieurs avecq vraye volonté, & des autres pour luy complaire) & pour ce s'esleuant en orgueil, oultre les autres choses qu'il feit esleut Gayus pour consul, lequel n'estoit encores entré en l'age des adolescens. Dont Auguste, oultre qu'il s'en lamenta, feit veu que iamais n'arriuaft telle necessité de temps qu'elle estoit aduenue durát le sien, assauoir que vng plus ieune de vingt ans feust Consul. Et voyant que encores en ceste maniere

Gaius Antistius, & Lelius, consuls.

niere luy instoyent, alors dist estre moult conuenable que en ce temps vng receust ceste dignité, quant il ne peust pecher, & peust resister à la volonté du peuple. Touteffois depuis luy donna vne dignité sacerdotale, & liberté qu'il peust entrer au senat & estre présent au theatre & es conuiz avecq le senat. Et les voulât par vng certain moyen faire plus modestes, donna à Tibere la puissance Tribune par l'espace de cinq ans, luy applicquant l'Armenie qui estoit alienée du peuple Romain.

Comment Thibere retourna à Rhodes.

Chapitre

C X.

**T** aduint à luy, à eulx, & à Tibere vainemēt d'entrē eulx cōtrariē à ceulx la, pource qu'il leur sembloit d'estre desprisez, & à Tibere pource qu'il craignoit leur ire, & il mesmes fut enuoyé à Rhodes comme qu'il eust besoing de apprendre n'ayant mené avec luy aucune compagnie ne sa famille: & est chose raisonnable il auoir ce fait pour le respect de Iulie son espouse, pource que desia ne la pouoit plus supporter & la laissa en Rome. Ce pendaut Auguste vint à reduire le nombre du peuple auquel estoit donné le froment à deux cens mille personnes, & encores (comme aucuns dyent) donna à chascun soixantē dragmes: & faisant aucuns spectacles, feit conduire l'eau en Lhipodrome Flauiene, auquel furent mis à mort trentesix cocodrilles: & alors premierement designa & esleut deux Eparques, assauoir preffectz de massiers. (car ainsi les veulx nommer puis que la coustume est preualuée.) Durant ce temps Auguste ayant trouué sa fille en si grand insolence que de nuict mangeoit & beuuoit sus le tribunal, moult fut courroucé, car bien que au parauant il pensast assez qu'elle ne menast vie hōnelle, neantmoins ne le croyoit du tout, par ce que ceulx qui sont en seigneurie congnoissent plus tost les choses appartenans aux autres que à eulx mesmes, les leurs sont occultes à ceulx qui sont pres leurs personnes, & des choses qu'ilz font n'y cherchent exquisement les leurs: ainsi tant se desdaigna qu'il ne peut demourer en son palais, ains voulut que le senat en fust aduertiy, au moyen dequoy fut Iulie confinée en vne isle appellée par nom Pandetarie, voisine de Champaigne de Naples, & sa mere Scribonne s'en alla de son propre mouuement avec elle. Et de ceulx qui frequentoyent avec elle assauoir Iulles Anthoine & maintz autres, furent mis à mort comme qu'il se feist pour obtenir la monarchie, mais le reste furent confinez en aucunes isles. Et ayans esté maintes autres femmes accusees de semblables delictz ne voulut que de toutes fust faicte inquisition, ains determina vng certain temps auant lequel les choses faictes ne fussent reputées, car n'ayant vsé d'aucune misericorde enuers sa ppre fille, & oultre ce disant qu'il vouldroit plustost auoir esté pere de Plebée que de Iulie, pardōna à toutes les autres: laquelle Plebée estât liberte de Iulie, mourut de mort volūtaire, dōt fut louée

Eparques  
preffectz  
de Massiers.

Vie lasciu-  
ue de Iulie  
fille de Au-  
guste.

louée par Cesar. En ce tēps Gayus enuoyé en guerre contre les Armeniens, Tibere arriué à Chir luy fait honneur, car il se humilioit soy mesmes: & nō seulement se soubzmettoit à cestuy cy, ains encores à ceulx qui estoient avec luy. Et ayant Phraates escript à Cesar pour entre eulx traicter la paix, & Cesar luy rescripant moult simplement, & sans le nommer roy, luy cōmanda que incontinent se departist d'Armenie, Phraates non seulement ne fut en crainte, ains de rechief luy rescripuit superbemēt se nōmant roy des roys & appellant Auguste seulement Cesar: neantmoins finalement se recōsilia avec condition qu'il se partist de Armenie depuis qu'il ouyt comme Gaius estoit en Syrie, & suspectoit qu'en son pays ne se feist quelque trouble par son hayne. Et incontinent apres ces choses arriua que Tibere se departit de Rhodes & s'en alla à Rome passez de ceste vie Gay<sup>9</sup> & Lucius: car Tibere estant tresdocte astrologue, & ayant en sa compaignie Thrasille lequel naturellement scauoit toute la science des estoilles, & congnoissoit toutes ses destinées & de ceulx la, & dit lon qu'il voulant vne fois geeter Thrasille de dessus vne muraille voyant que nul scauoit ses pensées sinon luy, congnoissant que Thrasille estoit moult triste luy demanda la cause de son angoisse: lequel luy disant auoir suspect d'ung certain peril, Tibere s'abstint de le geeter. Ce Thrasille eut si grand congnoissance de toutes choses, que voyant de loing la nauire qui portoit l'ambassade venāt à Tibere de la part de Auguste & de sa mere, pour le faire retourner à Rome, luy predist tout ce qui luy debuoit estre denoncé. Et les corps de Lucius & Gaius furent portez par Chiliarques, cest assauoir capitaines de mil hommes, & principaulx de chascune cité, & les escuz & lances dorées qu'ilz auoyēt receues au tēps de leur adolescence, des cheualiers furent reposesz au senat. Aussi ayāt esté Auguste denommé seigneur par le peuple, interdit qu'aucun ne v'fist de ce nom en son endroit, & moult s'y garda, & expirée la troisieme dixaine des ans, accepta l'empire, encores alors la quatrieme fois à ce cōtrainct: & estāt deuenue plus mansuete & plus paresseux pour la vieillesse à se courroucer cōtre aucuns senateurs ne voulut depuis obiter à aucun. Pareillemēt ayant esté vne fois son palais destruict par le feu, ne voulut accepter deniers de plusieurs qui luy en offroyent, ou bien qu'il leuast seulement des communaultez vne monnoye d'or vallant vingt cinq dragmes, ou des personnes priuées vne dragme: ains l'auoir reediffié tout le publica, ou pour le tribut qui luy auoit esté conferé, ou pource qu'il estoit grand pontiffe, à ce qu'il habitaist egallement en lieux publicques & priuez: & requis & supplyé grandement du peuple pour la reduction de sa fille, leur fait telle responce que plus tost se mesleroit l'eaue avecques le feu qu'elle retournaist, & le peuple oyant telle responce gecta alors du feu dans le Tibre, toutesfois pour ce ne peut faire aucune chose. Mais depuis fut Auguste par eulx contrainct de conceder & permettre que à tout le moins elle peust venir en terre ferme. Et feist alors Cesar son filz adoptif Tibere, luy ayant donné la puissance

Thrasille.

Mort de  
Lucius &  
Gaius.Tibere a-  
dopte par  
Auguste.

Tribu-

Tribunice pour dix ans. Et neantmoins se doubtant qu'il pour ceste raison ne s'esleuait en superbe, & craignât qu'il ne feist quelque nouuelleté adopta encores Germaniq. filz de son frere, combien que Tibere eult vng filz : au moyen dequoy ayant priis bonne audace cōme qu'il eult successeurs & ad-  
 iuteurs voulbe vne autre fois communiquer avec le senat, & ayant preposez dix senateurs qu'il auoit en grand reuerence, trois d'iceulz fait inquisiteurs  
 le quelz estoient tirez par sort : toute fois plusieurs sicomme ilz n'auoyent  
 rēffusez la puissance laquelle leur auoit esté donnée, ainsi encores non inuo-  
 luntairement la laisserent. Ceste chose fut par le moyen d'autres. Et il mes-  
 mes fait la description de ceulx qui habitoyent en Italie & ne possedoyent  
 moins de cinquante mil, par ce que ceulx qui estoient plus pources & habi-  
 toient hors icelle ne furent contrainctz de donner en escript leurs facultez  
 craignant que estās pēturbez ne feissent quelque nouuelleté. Et à ce qu'il ne  
 semblast ce faire comme Censeur pour la cause deuant dicte, se adioignit la  
 dignité Proconsulaire pour paracheuer la description & la purgation de la  
 cité, & pource que plusieurs ieunes hommes tant de l'ordre senatoire que  
 Equestre estoient pources sans aucune toulpe à plusieurs supplia les facultez  
 ordinaires, & à aucuns les augmenta iusques à octante & trente miriades. Et  
 se trouuât plusieurs les quelz par industrie faisoiet plusieurs liberes, ordōna  
 l'aage conuenable aux liberateurs & à ceulx qui receuroyēt la liberte en sem-  
 ble les priuileges des quelz vseroyēt les autres enuers ceulx qui auoyēt esté  
 faitz liberes & leurs mesmes maistres. Quoy faisans luy furēt dressées in-  
 sidies tant par les autres comme par Gnee Corneliē, ney d'une fille de Pom-  
 pēe le grand, en maniere que Auguste par longue espace se trouua en grand  
 anxieté, ne les voulant faire mourir, & congnoissant que de leur mort ne se  
 trouueroit en plus grand seurté : ne encores les sauluer, à ce que volontaire-  
 ment ne se feist autres insidiateurs. Ainsi estant en doute qu'il deust delibe-  
 rer & ne se pouât sauluer ne de nuit ny de iour pour auoir repos, Liue son  
 espouse luy commença à parler comme sensuyt : Quest ce cy, ô mon mary,  
 pourquoy ne dors tu ? A laquelle Auguste respondit : Et qui pourroit, ô m'a-  
 mye tant seulement demourer quelque peu sans pensément ? lequel fust ordi-  
 nairement entourné de tant de ennemis, & continuellement insidié, main-  
 tenant de cestuy cy & tantost de cestuy la ? Ne voys tu que ie, & toy, & no-  
 stre empire sommes trahis ? & ne demeurent pour peine imposée aux con-  
 uaincuz, ains par le contraire les autres se hastent plus tost de se destruyre  
 eulx mesmes, cōme que leur telle destructiō leur soit remuneratiō. Alors luy  
 respondit Liue : Que tu soyes insidié ? ie ne m'en esmerueille, & n'est hors  
 de l'humaine coustume, par ce que tu faitz plusieurs choses comme celluy  
 qui possede grand empire, & (comme est raison) à plusieurs es moleste : car  
 il n'est possible que vng prince complaise à tout homme, mais tout au con-  
 traire est grandement necessaire, que encores gouvernant iustement, de plu-  
 sieurs soit hay, pour autāt que beaucoup plus sont ceulx qui veulēt faire mal  
 que

Descriptio  
 des peritō-  
 nes, faite  
 par Augu-  
 ste.

Liue per-  
 suade a Au-  
 guste de  
 gouverner  
 plus hu-  
 manemēt.

que les iuſtes, & eſt impoſſible refrener les cupiditez des mauuais, & ceulx qui ſont bons & vertueux appetent pluſieurs & grands choſes auſquelles ne peuvent paruenir, & aucuns ſe voyans receuoir moindres ſalaires que les autres, ſe lamentent, au moyen dequoy tant l'une que l'autre partie encoulpent le ſeigneur, & pour ces reſpectz tu ne peulx eſtre que tu n'endures mal de ceulx cy. Et oultre ce de ceulx qui drefſent ſeditious, non à toy, ains à ton empire, car ſi tu feuffes homme priué nul te ſeroit ennemy que premieremēt n'eult de toy eſté iniurié, mais de la ſeigneurie & des biens qui ſe trouuoyēt en icelle beaucoup plus en appetēt ceulx qui ſont en quelque dignité que les ſubiectz: leſquelles couſtumes ſont d'hommes mauuais, & neâtmoins données par nature humaine, cōme encores les autres vices: & ne ſe peuēt extirper d'aucuns par force, par perſuaſion, par neceſſité, par les loix, ne par aucune crainte ſe peult vaincre ce que preſte la nature. Doncques toy conſiderant ces choſes ne ſupportes griefuement les pechez des autres, ains ayes vne trefdiligente garde de toy meſmes & de la monarchie, à ce que nous la retenions pour ne faire grand pugnition, mais pour grand garde. A ce reſpōdit Auguſte, Ie ſcay, ô dame, que nulle des autres choſes fut oncques ſans enuie & inſidiatiōs, mais beaucoup moins l'empire, car nous ſeriōs eſgaulx aux dieux ſi nous n'auions ſolicitudes, & penſées, & doubtés ſur tous les autres hōmes priuez: & à moy ceſte choſe meſme eſt moleſte que ſoit neceſſaire ces choſes pceder en ce, & que ne ſe puiſſe trouver aucū remede. Mais reſpondit Liuię, puis que ſe trouuent hommes de telle nature qui veulent comment que ce ſoit faire iniure aux autres, donnons nous garde d'eulx, car nous auons grand nombre de gens d'armes deſquelz vne partie eſtant contre les ennemys & l'autre partie aupres de toy, nous garderons, en maniere que dedans & hors noſtre hoſtel viuerons ſeuement. Il n'eſt beſoing, diſt Auguſte, que ie recite comment ſouuent eſſois pluſieurs ont eſté mis à mort par ceulx qui eſtoyēt pres leurs perſonnes, car oultre les autres choſes ceſte en eſt vne trefgriefue, es monarchies, que nous non ſeulement craignōs les ennemys comme font les autres, mais encores les amys, & beaucoup plus ont eſté trahis de ceulx cy comme de ceulx qui nuit & iour ſont autour de leurs perſonnes quand ſont nudz & quand dorment, & les ſeruent, & leur manger & leur boire eſt préparé à leur fantaſie, que de ceulx leſquelz ne leur appartient en riens. Et contre les eſtrangiers nous pouons oppoſer les domeſtiques, mais cōtre ceulx cy n'auons aucun cōpaignon pour ſecours, ſi que entièrement eſt choſe moult griefue la ſolicitude, & encores griefue la multitude, & terrible choſe eſt demourer ſās garde, mais tres terrible encores l'auoir: & difficiles nous ſont les ennemys, mais plus difficiles ſont encores les amys, pource qu'il eſt neceſſaire que tous ceulx la ſoyent appellez amys, bien qu'ilz ne le ſoyent: & encores que vng ſe remonſtraſt en bōs amys, touteſſois ne leur preſteroit tant de foy qu'il peult vſer d'eulx avecq ſincere entendement ſans aucune cure & ſuſpition. Que ſoit doncques neceſſaire

cessaire se deffendre de tous les autres insidiateurs est chose moult grieve, car les hommes bons grandement se attristēt qu'il leur soit tousiours necessaire faire pugnition. Tu parles droictement respond Liue, & ie te puis donner vng conseil si tu le veulx accepter, & ne me blasmes pource que ie estant vne femme aye hardiesse de te conseiller ce dont ne te aduiseroit aucun autre, ne ceulx encores qui te sont tresgrandz amys, non quilz ne le faichent, mais par ce qu'ilz n'osent t'en parler. Dis le moy respond Auguste.

Comment Liue persuada Auguste qu'il dominaft plus doucement.  
Chapitre CXI.



Lors Liue parla en ceste maniere: Ie te le diray sans aucū doubte comme celle qui egallement participe du bien & du mal avec toy, & laquelle toy estant faulū, ie encores auray vne partie de l'empire, & si quelque chose aduerse arriuoit (dont dieu nous gard) pour debuoir encores ensemble perir, car si nature humaine persuade en tout à aucuns pecher, impossible est de refrener les impetuositēz & ses mouuemens en aucune chose. Et à ce que ie ne die des vices de plusieurs, ces choses mesmes qui à plusieurs semblēt bonnes sont cause que plusieurs deuiennent iniustes, par ce que la lignēe, les grandz richesses, les honneurs, & la virilitē de l'entendement, & la puissance, induisent plusieurs à cespiter, & ne se peult trouuer vng genereux, vilain, & viril, timide, ne saige fol: ne encores est chose condescende de resequer la richesse, ou humilier l'ambition d'aucuns lesquelz n'ayent peché, & si vng se veult deffendre & préoccuper auant se contriste, & en acquiert mauuaise renommēe. Si ces choses sont en ceste maniere, dorésenauant permutons nous, & pardonnons à aucuns, car il me semble que plusieurs choses se conduisent à bonne fin, plustost avec humanité que avec cruaultē, pource que ceulx qui pardonnent non seulement sont aymez de ceulx ausquelz ilz ont faict misericorde en maniere qu'ilz s'efforcent de redre grace, mais encores tous les autres les ont en honneur & reuerence, si qu'ilz n'ont hardiesse de leur faire iniure. Et par le cōtraire ceulx qui gardēt vne ire inexorable, non seulement sont hays de ceulx qui les craignent, ains sont encores molestes à tous les autres, au moyen dequoy leur dressent querelles, insidies & menēes, à ce qu'ilz ne perissent auant. Ne voys tu pas que les medecins peu souuent taillent, & donnent le feu aux malades, de paour qu'ilz ne rengriefnent leur infirmitē, mais pour le plus souuent conuainquent & avecques medecines mitignent & curent leur mal: & ne pense que leur soit difference, par ce que l'ung soit passion d'entendement & l'autre de corps, car maintes choses semblables qui arriuent aux corps humains, interuiennent encores aux entendemēs (combien qu'ilz soyent incorporelz) pource qu'ilz se estraignent de paour & se purgent par ire & la tristesse empesche aucuns & l'audace les redresse, en maniere que petite difference se

trouueroit entre l'entendement & le corps, & pour ceste cause medecines semblables font à l'ung & l'autre conuenables, car vne parole mansuete dictée à aucun le remet & luy oste toute sa ferocité, ainsi que vne aspre fait courroucer encores vng qui soit remis, & quand se pardonne à vng qui soit moult audacieux, se rend, comme la pugnition fait deuenir aspre vng autre qui soit grâdemment mansuete, pour autant que les faitz violens encores qu'ilz soyent trefuistes tousiours attisent tout homme, & par le contraire les mansuetes les adoucisent. A ceste cause vng plus facilement se induiroit à appeter choses trefgriefues avec persuasion que par force, & tant l'ung & l'autre, cest à scauoir l'ame & le corps, vsent d'une nature necessaire, que plusieurs animaulx rationnelz qui n'ont aucun intellect & sont tres robustes & trefcruelz se font domesticques avecques vne certaine forme de les plainir plaisamment: mais plusieurs tres timides & trefdebiles se troublent & se concitent à ire avec douleur & paour. Et ne veulx dire qu'il soit licite vniuersellement pardonner a tous les iniustes, ains esquarter les hommes temeraires, fascheux & iniques, & ceulx qui sont maculez d'aucun vice intollerable & insatiable comme se couppent & ostent les parties putrides du corps. Mais les autres lesquelz, ou par imprudence, ou par ignorance, ou bié par autre malle aduerture, en partie pechent volontairement, & en partie cōtre leur propre volonté, ceulx cy seulz fault aduiser avecques parolles, chastier avecq menasses, & en partie les traicter par vng autre certain moyen temperé comme tous les hommes pugnissent pour les autres delictz les aucuns plus & autres moins, parquoy encores en ce t'est licite sans peril, garder vne certaine moderation chastiant aucuns avec honte, autres avecq exil, & confinant les aucuns en citez, & autres en autres lieux: & iadis ont esté aucuns, lesquelz se font faitz modestes pour ne pouoir paruenir à ce qu'ilz desiroient & esperoyent, & sont plusieurs deuenuz meilleurs pour estre assis ou demourez en lieu vil & honteux, ioinct que vng lequel eust l'entendement genereux & viril plustost esliroit de mourir que endurer vne telle chose. Par ces voyes doncques ceulx la auoyent vne pugnition, non seulement plus facile, mais encores plus graue, & nous pourrions viure seurement & sans aucune infamie comme que maintenant nous puissions occir maintz hommes par enuie, les aucuns pour la renonciation de leur noblesse, les autres pour la cupidité d'auoir leurs trefors, & aucuns pour doubte de leur virilité, car nul peult croire que vng homme lequel soit en si grand licence & puissance puisse estre inuaby par aucun homme de sarmé: ainsi aucuns entendent en ceste maniere, aucuns dient que nous oyos plusieurs mesonges, & que prestons l'oreille vainemēt à plusieurs choses cōme qu'elles soiēt vrayes, par ce que les espies & ceulx q ont tousiours les oreilles tēdues pour les entēdre, les aucuns par ire, les autres par hayne, les aucuns p deniers acceptez des ennemys des autres, & aucuns n'ayans receu de ceulx autres mesmes faignēt plusieurs mensonges, disans non seulement que aucuns ont commis quelque grand

erreur : mais que cestuy la dist telles parolles, & cest autre les ayant ouyes se  
 teut, vng autre s'en print à rire, & vng autre pleura. Je pourroys narrer in-  
 finies choses semblables, lesquelles encores que fussent assez vrayes, neant-  
 moins ne sont conuenables à toy d'en faire grand examen, ny que te soyent  
 par autres referées, par ce que telles choses, bien que te fussent occultes, ne te  
 donneroyent aucun ennuy, mais estans ouyes inciteroyét vng homme à ire  
 contre sa volonté, chose qui ne doit arriuer, especiallement à vng homme  
 qui soit seigneur des autres. Plusieurs doncques pensent que plusieurs mou-  
 rurent iniustement sans condamnation, les aucuns par vne certaine faincte  
 condition, pour eulx ne acceptent pour verité les tesmoingtz en l'examen,  
 ne aucune autre seblable chose, par ce qu'elles bien que ne soyét faictes avec  
 iustice, neantmoins la renommée se diuulgue, non d'aucuns seulement, ains  
 de tous ceulx qui sont mortz par semblable moyen. Et est necessaire, ô Au-  
 guste, que tu non seulement soys iniuste, mais encores que ne sembles de le  
 estre, par ce que à nul hôme priué suffit ne pecher, mais à vng prince est ne-  
 cessaire que n'en donne tant seulement vne suspicion, car tu es seigneur de  
 hommes & non de bestes, & ce faisant te les feroys vrayement beniuolles,  
 & sientierement & en tout temps tu leur persuadoys que non volontairement  
 ne encores contre ta volonté tu feroys iniure à aucun, par ce que vng peult  
 contraindre vng autre qui craigne, mais est besoing persuader qui veult e-  
 stre aymé: & vng est psuadé pour les benefices qu'il recoit, & ceulx qu'il voit  
 recepuoir aux autres: & par le contraire celluy qui suspecte que vng ne soit  
 mort iniustement, crainct que encores n'endure semblable peine, & est con-  
 trainct auoir en hayne celluy qui est cause: & d'estre hay des subiectz, oultre  
 que aucunement n'est bon, est encores moult damnable, pource que maintz  
 hommes pensent que à autres soit necessaire de se venger de tous ceulx qui  
 font aucune iniure: mais aux princes soit conuenable de auoir regard sur  
 ceulx qui pechent contre la Republicque, & supporter ceulx qui semblent en  
 quelque chose pecher contre eulx, car ilz ne peuvent estre iniuriez ne par  
 mespris ne par insulte. Parquoy ie oyant & regardant ces choses quasi que  
 ne te conseille que ne faces mourir aucun par ces respectz, veu & consideré  
 que les principaultez & seigneuries sont constituez pour le salut des sub-  
 iectz, à ce qu'ilz ne recoient aucun ennuy d'entre eulx mesmes, ne des au-  
 tres, & non affin que soyent dampnifiez des princes mesmes: aussi est cho-  
 se tresglorieuse & louable n'occir plusieurs citoyens, ains s'il est possible  
 les sauluer tous, car il est necessaire les enseigner avecques les loix, bene-  
 fices & bonnes admonitions, qu'ilz deuiennent modestes: & d'auantaige  
 les garder à ce que s'ilz encores vouloyét estre iniustes, ne le puissent: & s'il  
 se trouuoit entre eulx quelque membre malade, le fault curer & corriger par  
 vng certain moyen auant qu'il demeure putride, par ce que supporter plu-  
 sieurs delictz de aultruy est acte de grand prudence & puissance: & si vng  
 veult pugnr condignement tous semblables delictz, il sera cause de la de-

structiō de la plusgrand partie des hommes. A ceste cause ie te conseille que ne pugnisses aucun homme de peine cappitalle, ains que par autre voye les chasties, en maniere qu'ilz ne pussēt faire aucune chose griefue, car en quelle chose te pourroit faire iniure vng homme encloz dans vne isle, ou dedans vng champ ou vne cité non seulement sans multitude de deniers & de serfz, mais encores estant tenu soubz garde si estoit besoing; pource que si les ennemys fussent pres voisins de ceste mer, vne partie nous fust rebelle; parquoy se peust tenir que vng fuyant de ceulx la ne feist aucun mal, & si fussent aucunes citez closes & fortifiées en Italie & forteresses armées, j'en maniere que vng les prenāt nous peult faire paour, seroit autre chose: mais estans tous ces lieux desarmez & sans munition de guerre; & les ennemys grandement distans d'eulx, par ce que entre deux y à grand mer, & assez terre qui cōtient mōtz & fleuves inaccessible, qu'est il besoing auoir paour de cestuy cy ou de cestuy la nud & priué & mis au mylieu de ta seigneurie, & en ferré entre tes armes, car ie pense que nul ne te pourroit penser seulement vne chose telle non plus que la faire, encores qu'il fust homme de grand fureur. Nous doncques commencans à ces mesmes choses presentes en ferōs experience, car par aduerture qu'ilz se changeront & feront les autres deuenir meilleurs: car tu voys comme Cornelius est noble & fameux homme, & fault telles choses considerer selon l'humaine condition: ne se conduit à effect toute chose avecques le fer: par ce que seroit vng grand bien si pouoys faire aucuns modestes & les persuader ou contraindre d'aymer aucū vrayement, mais il pourroit bien destruire le corps de quelqu'ung, mais les entendemens des autres seroit alienes, car les hommes ne deuiennent plus beniuolles pour les peines à autres imposées, ains se font plus ennemys, pource qu'ilz craignent. Et sont ces choses en ceste maniere disposées. Mais ceulx qui obtiennent quelque pardon se repentent se vergongnans de rechef faire iniure à leurs bienfaicteurs & leur rendent le seruice en plusieurs sortes esperans de recepuoir plusgrand benefice vne autre fois, par ce qu'ilz pensent celluy qui leur à faict le bien pour le mal pour le seruice receu ne leur deuoit desnyer aucune chose. Croy moy doncques, ô mon tresamy, & change d'opiniō, car ce faisant sembleras auoir faict toutes les choses desplaisantes par necessité: ioinct qu'il n'est possible que vng voulant trāformer si grand cité de l'estat populaire à la monarchie puisse faire sans effusion de sang, & si tu demeures en ton propos tu sembleras auoir faict les choses passées de ta propre volunté. Ayant Liuié finy son dire, Auguste luy presta foy, & deliura tous ceulx qui estoient encoulpez, apres les auoir aucunement chastiez avecq aucunes remonstrances. Et oultre ce, feit Cornelius consul: au moyen dequoy se le feit beniuole & tous les autres, en maniere que nul autre depuis ne luy feit insidies, vrayemēt ne luy sembla d'en faire. Par ce que Liuié ayāt esté grand occasion du salut de Cornelius se debuoit prendre sur elle le suspect de la mort de Auguste. Alors doncques estant Cornelius consul avecq

Valere

Valere Messalla aduindrent tremblemens de terre moult grandz, & le Tibre fait trebuscher le pont, & la cité nauiguable, par l'espace de cinq iours, & vne partie du soleil s'esclipfa, & encores depuis y suruint la famine. Auf si en ce mesme an fut Agrippe ascript entre les adolescens n'ayant parauant obtenu telle chose avec ses freres. Et les senateurs separez d'ug costé, & les cheualiers de l'autre, assisterent au cours des cheuaulx (chose qui encores se obserue en ce temps) & pour ce que ceulx qui estoient grandz seigneurs ne donnoyent leurs filles au seruice de la déesse Vesta, fut fait vng decret que y fussent consacrées les filles des affranchiz, & le sort d'icelles, pour oster le doubte de plusieurs, fut fait, leurs peres presens, neantmoins n'en fut declai rée aucune telle. Et estàs deuenuz les hommes d'armes moult molestes pour leur si petite soule qu'ilz auoyent en temps de guerre, & ne voulans aucuns d'eulx reprendre les armes (passé que fut le temps ordonné à la gédarmerie) fut decreté que aux massiers fust distribué cinq mil dragmes apres qu'ilz auoyent suuy la guerre par l'espace de seize ans, & aux autres tréte mil apres que vingt ans auoyent seruy, & estoient alors entretenuz vingt trois exercites, ou comme aucuns dient vingt cinq, par ce que en ce temps en sont remis seulement seize, cest à scauoir le second appellé Augustian qui tient ses stations en la Bretagne superieure: & les autres trois tiers par ordre, cest à scauoir le Galace qui demeure en Phenice, le Cyrene qui demeure en Arabie, & l'autre Augustian qui est en garnison en Numidie: & le quatriesme Scitiq qui à sa station en Sirie: le cinquiesme Macedoniq qui sejourne en Dace, & le sixiesme sont les deux l'ung desquelz appellé des Vainqueurs est assis en garnisō en la Bretagne inferieure, & l'autre nommé Ferre est en Iudée: les huyt appellez Augustes sont en Germanie superieure: & les dixiesmes sont les deux qui seournent en la Germanie superieure, & en Iudée: le vnziesme est en Misie superieure nommé Claudian, car deux exercites eurent le nom de Claudius, lesquelz en la sedition de Camille ne se leuerent contre luy: & le douxiesme appellé Fulminifere, & le treziesme Duplicque faisoient leur residence en Dace: le quatorziesme estoit ordonné en Pannonie Gemelle: & le quinziésme appellé Appollonie, qui est en Cappadoce: & les vingtiesmes sont les Valleres appellez Victeurs qui demourēt en la Bretagne superieure, lesquelz (comme il me semble) prins par Auguste en soy les sauua avec ceulx qui sont nommez Vingtiesmes, & tiennēt leurs garnisons en Germanie superieure, bien que pour le plus n'ont esté nommez Valerians de chascun, ne encores est acoustumé tel nom. Ces exercites de ceulx de Auguste ont esté sauueuz, par ce que les autres, partie ont esté desliez du tout, & partie de ce Auguste mesmes, & des autres Empereurs ont esté meslez avecques autres, au moyen dequoy se pésent auoir esté nommez Gemelles.

Signes ad-  
uenuz en  
Rome.

Decret  
pour les  
gens dar-  
mes.

Les noms  
des exerci-  
tes Ro-  
mans &  
des regiōs  
eu:lz, es-  
toient en  
garnison.

Des exercites, & comment furent ordonnez les ministrateurs  
des deniers des gens de guerre.

Chapitre - CXII.

Autres ex  
ercites sub  
stituez par  
les Empe  
reurs subse  
quentz.



Et puis que vne fois ie me suis mis à parler des exercites, ie parleray encores de ceulx qui maintenant se tiennent entretenuz, & cōmēt ayēt esté nōbrez des empereurs subsequētz, à ce que vng q en vueille auoir cōgnoissance les puisse trouuer descriptz tous en vng lieu: car Neron ordonna le premier appellé Italique, qui à sa station en Misie inferieure: & Galba encores constitua le premier appellé Auxiliatif, en la Pannonie inferieure, ensemble le quatriesme appellé Flauie en Sirie: Domitian constitua le premier appellé Athenien en la Germanie inferieure: & Traian le second appellé Egyptien & le troisiēme appellé Germanic lequel il nōma de luy mesme: & Anthoine Marc constitua le second en Noricque, & le troisiēme en Rhetie qui sont nommez Italicques: Seuere ordōna les Parthes, ensemble le premier & le tiers en Mesopotamie, & le second du Melde qui est en Italie: maintenant sont si grandz munitions de exercites nombrez outre le ciuil & celluy des Massiers. Alors doncques au temps de Auguste estoÿēt nourriz ces exercites, ou qu'ilz fussent trois, ou cinq, ou deux, & ceulx des compagnons des gens de pied, de cheual, & de mariniers en quelque nombre qu'ilz feussent, puis que ie n'en puis escrire certitude, bien diray que la garde de sa personne estoit de dix mil, diuisez en dix parties, & les gardes des citez estoÿent de six mil diuisees en quatre parties: & cheualiers estrangiers esleuz qui sont nommez Batanes de l'isse de Batane qui est au mylieu du Rhin, par ce qu'ilz sont tresvaillans hommes à cheual: neantmoins ie ne puis dire le nombre certain de ceulx la: comme ne encores des souldardz aduocatx appelez & esleuz par vne soubdaine necessitē, car il commença à vser d'eulx depuis ce temps auquel il appella vne autre fois cōtre Anthoine ceulx la qui auoir fuiuy les armes soubz son pere, & il les sauua, & sont ceulx cy en vne compagnie separēe des autres, qui porte les verges comme Centurions. Pour ces causes doncques il ayant besoing de deniers mist ce party au Senat que feust ordonnē vng payement suffisant & perpetuel, à ce que n'estant aucun moleste dehors, les hommes d'armes eussent habondamment ce qui leur estoit ordonnē comme le viure & le payement. Tel moyen estoit cherché: & voyant que nul vouloit estre Edille, furent contrainctz d'en faire par sort aucuns de ceulx qui auoÿent esté Questeurs & Tribuns, chose qui depuis souuentefois à esté faicte. Depuis ce temps Emilius Lepidus & Lucius Armicius estans consulz voyans que nul scauoit trouuer aucune collecte qui fust agreable pour ce payement, ains que plustost maintz se lamentoyent de ces inuentions, Auguste mist en l'erair deniers pour luy & pour Tibere, lequel eraire, ou chambre, il nomma mili-

Erare, est  
la chābre  
aux de-  
niers.

militaire, & commanda à aucuns hommes Preteurs prins par sort qu'ilz eussent la cure & administration d'iceulx, lesquelz peussent vser de deux litteurs & des autres ministres conuenables, & fut ce fait successiement par plusieurs ans, car encorés en ce temps font esleuz par l'empereur & s'en vôt sans litteurs. Il doncques conféra aucuns deniers promettant chascun an d'en faire autant, & accepta la promesse des roys & peuples, par ce que de maintz hommes priuez, lesquelz comme ilz disoyent conferoyent volontairement, ne voulut accepter aucune chose. Et voyant que ces deniers estoient peu considerant la quantité des despences, & qu'il estoit besoing d'ung secours perpetuel, commanda aux Senateurs que chascun de par soy imaginast quelque forme de colliger deniers, & icelle redigeast par escript, & ce fait la luy donnassent à considerer. & ce feist non pource que à luy defaillissent moyens, mais à ce qu'ilz plus volontiers esleussent celluy qui plus leur plaisoit. Et estans entre eulx diuers, & introduisans diuers moyes, n'en approuua aucun, ains ordonna qu'on payast la vingtiesme partie des heredités, & des donations lesquelles fussent laissées apres la mort, en priuant les parens tresaffins, & les heritiers moult poures: & cela fait comme qu'il eust trouué ceste forme de tribut es liures de Cesar, par ce que vne autre fois auoit esté introduit, mais depuis ayant esté adnullé, de rechef fut renouellé. Ainsi augméta le reuenu, & en partie feist restraidre, & en partie rescripre les despences qui se faisoient par trois hommes consulaires qu'ilz tiroyét par sort. Ce qui estoit moult aux Romains moleste, & especiallement vne grand famine, au moyen de laquelle les gladiateurs & esclaves furent chassés loing de Romme par plus de six cens cinquante stades. Et Auguste & les autres enuoyerent la plus grand partie de leurs ministres, furent les feries faites, & fut donné licence aux senateurs d'eulx retirer ou bon leur sembleroit: & à ce que leurs decretz ne fussent aucunement empeschez, commanda que fussent rompues toutes les determinations de ceulx qui se trouuoient presens. D'auantaige hommes Consulaires furent establiz sur le fait des bledz & du pain, affin que chascun l'acheptast pour certain pris, pour autant que Auguste à ceulx qui estoient coustumiers d'en auoir, en donna autant qu'il faisoit les autres fois: mais voyant que ce encorés ne suffisoit ne leur laissoit faire aucuns conuiz publiques en son iour natal.

Hommes  
esleuz pour  
admini-  
strer les de-  
niers des  
gens dar-  
mes.

Famine ad-  
uenue en  
Rome.

Comment les gardes de la nuit furent ordonnées.

### Chapitre

### CXIII.



Et pource que durant ce temps plusieurs lieux de la cité estoient consumez par le feu, il esleut certains hommes affranchiz diuisez en sept parties pour le secours, ausquelz il proposa vng che-

Gardes or  
donnees  
pour la  
nuict.

ualier pour cappitaine comme que en peu de temps les voulust deliurer: tou  
teffois n'en feat riens, par ce qu'il ayant entendu par experience leur cours  
estre tresutile & tresnecessaire les reserua en tel office. Et encores en ce tēps  
sont les gardes de nuict en vne maniere de par soy esleues, non seulement de  
libertz ou affranchiz, mais encores d'autres hommes, & ont fortrees dās  
la cité, & recoyuent leur salaire du publicq. Le peuple doncq estant damp  
nifié tant de la famine, du tribut, que du feu, se aggrauoit moult, & disoyent  
manifestement plusieurs choses qui s'appartenoyent à faire nouuelleté, &  
plus en escripuoyent de nuict qu'on disoit estre fait par la subornation de  
Publie Ruffe, neâtmoins se suspecitoit d'autres, par ce que Ruffe ne pouoit  
faire ne penser telle chose, ains lon pensoit soubz son nom autres faire  
nouuelleté, au moyen dequoy fut determiné que s'en feist inquisition, & furēt  
mis en publicq tous ses biens, & s'en faisoient les criées & proclamations,  
dōt la cité fut en nō petit trouble, & iusques à ce que la famine cessa: & furēt  
celebrées aucies festes de gladiateurs pour la mort de Drusus, de Germanic  
Cesare, & de Tibere Claude Neron ses enfans, pource que ces choses con  
soloyent le peuple de la memoire de Drusus, & pource encores que Tibere  
ayant consacré le temple de Castor & Polux, non seulement y inscripuit son  
propre nom, cest à scauoir Claudian, l'ayant mué de Claude en Claudian  
pour auoir esté adopté en la famille des Cesars, ains encores y inscripuit  
celluy de Drusus, à cause que avecques luy dispoisoit des affaires de la  
guerre, & continuellement quand il pouoit s'en venoit en la cité tant pour  
despescher quelques affaires comme par ialousie que Auguste en son absen  
ce ne luy preposait aucun en honneur. Durant ce temps, pource que le pref  
fect de Achaye estoit decedé au mylieu de son magistrat, commist au Que  
steur & à l'accessor du decedé (lequel accessor comme i'ay dit à acoustumé  
d'estre appellé legat) que l'ung gouuernast la partie dans le Istre, & l'autre le  
reste. & Herodes Palestin accuse par ses freres fut confiné oultre les Alpes,  
& vne partie de son empire publiée. Aussi en ce mesme temps furent faictes  
plusieurs guerres, car les cour saires molestoient plusieurs parties, en manie  
re que par aucūs ans la Sardaigne ne fut commise aux Senateurs, ains à che  
ualiers cappitaines de gens d'armes, & maintes citez faisoient nouuelletez  
si que mesmes hommes gouuernoyent par l'espace de deux ans les nations  
appartenans au peuple, & ou que au parauant estoient tirez par sort, alors e  
stoyent esleuz, mais des nations de Cesar estoit coustume que mesmes hō  
mes les gouuernassent par plusieurs ans. Toutefois ie ne parleray de toutes  
ces guerres exquisēmēt, p ce que plusieurs ont recueilly maintes choses non  
dignes de memoire, lesquelles estās minutēmēt recherchées, ne presteroyēt  
aucū ayde: neâtmois recapitulāt celles que ie voy dignes de quelque memo  
ire sōmairemēt en feray mētīō, excepté des tresgrādes. Les Ysaures dōc ayās  
premierēmēt comēce à desfrober, augmēterēt tāt qlz faisoiet apparēce d'une  
griefue

Herodes  
Palestin.

griefue guerre iusques à ce qu'ilz furent domptez, & les Getulies portans hayne à Iuba ensemble se desdaignans d'estre seigneurizez par les Romains, se leuerent contre eulx & ruinerent toute la region voisine, & si occirent encores plusieurs Romains venuz contre eulx, & finablement tant augmenterent que Cornelius Cosse, duquel furent deffaitz, eut honneurs triump haulx, & de leur nom fut appellé Ysauric. Et contre les Gaullois furent enuoyez avecq l'exercite aucuns autres. Mais Tibere encores paruint iusques au fleuve premieremēt appellé Erigie, & maintenāt Albis, neantmoins alors ne fut faicte chose digne de memoire, bien que non seulemēt Auguste mais Tibere encores fust nommé pour telz faictz empereur, & Gaye Sence prefect de Germanie meritaist honneurs triump haulx, par ce que non seulement vne, ains deux fois, pour la doubte qu'ilz auoyent de luy, ces peuples festoyent accordez.

Comment Tibere combatit les Pannonniens & Dalmatiens.

Chapitre

C XIII

**E** T la cause pour laquelle ilz ayans contreueny aux accordz les Romains leur cōcederent paix, furent les perturbations plus grandes que de coustume, faictes par les Dalmatiens & Pannoniens, qui requeroient vng brief retour, par ce que les Dalmatiens estans agrauez pour les exactions des deniers au commencement demouroient en paix cōtre leur volunté: mais depuis que Tibere la seconde fois avec l'exercite s'en alla contre les Gaullois & Valere Messallin, qui pour lors estoit prefect de Dalmatie & Pannonie y fut enuoyé, & assembla vne grand partie de l'exercite, & encores que aux Dalmatiens fut enioinct luy enuoyer secours de gés, se assemblerēt pour ce faict, & veirēt la fleur de leur ieunesse, alors ne tarderent plus, ains par inductiō d'ung nommé Batton de Sidie la premiere fois peu d'entre eulx feirent nouuelleté, & deceurent les Romains venans cōtre eulx, & pour ce respect les autres se rebellèrent: & depuis les Breuces, gēt de Pannonie, ayans esleu pour leur cappitaine vng autre Batton, s'en allerent à Sirme contre les Romains y estans, touteffois ne le peurent prendre par ce que Cecinna Seure, prefect de la Misie voisine, aduertiy de leur rebellion, les surprint hastiuement pres le fleuve Draue, & contre eulx, ses batailles rengées, obtint la victoire: mais esperans en brief venir de rechef à la bataille pource que plusieurs Romains auoyent esté occis, se retournerēt à supplier leurs amys & cōfederez, & ce faisant rallioiēt le plus de gens d'armes qu'ilz pouoiēt, & en ces entrefaictes Battō Dalmatié estāt allé avec l'exercite cōtre Salon fut nauré d'ung coup de pierre, au moyé dequoy ne fait riēs, ains ayāt enuoyé aucuns autres pillā & endommaigea tous les lieux circōuifins de la mer iusques en Apollonie, & par ainsi recoura par le moyen de ceulx cy vne certaine victoire, combien que premierement eust esté vaincu. Dont

Les Pannoniens reuoltez.

Tibere aduertý & craignát qu'ilz n'étraffent en Italie s'en retour na de Gaulle, & ayant auant enuoyé Messallin, le suyuoit avecq la plus grand partie de l'exercite: & Batton incontinent aduertý & acertené de leur entrée, s'en alla avecques son exercite contre Messallin, bien que encores ne fust guarý de sa playe, mais ayant esté superieur en la bataille depuis fut vaincu par insidies, au moyen dequoy se retira deuers Batton Breucque avec lequel auoir communicqué de ceste guerre, print vne montaigne appellée Almanie, ou il fut vaincu en vne bien petite bataille, par Rimatalces Thracien, enuoyé deuant par Seuere en Misie contre les Daces & des Sauromatz, qui la destruisoiet. Et demourans Tibere & Messallin en la Sescie alors transcoururent le territoire de leurs alliez, plusieurs desquelz ilz feirent rebeller, toutesfois ne vindrent batailler contre Tibere, combien qu'il s'approchast d'eulx, ains s'estans transportez en diuers endroictz mirent à sac plusieurs lieux, par ce que ayans experience de ceste region, & se trouuans moult legierement armez, facilement se transportoyent ou bon leur sembloit: & suruenant l'yuer, firent encores plus grandz maulx, car vne autre fois entrerent en Macedoine, & furent ceulx cy prins en la bataille par Rimatalces & Rascipore son frere, mais les autres leur territoire gasté, au consulat de Cecilius Metellus & de Licinius Sillanus, ne le deffendoyent, ains se retirans en leurs fortz d'illec faisoient courses ou ilz pensoyent surprendre leurs ennemys. Dont Auguste aduertý, & se doubtant que Tibere, bien qu'en brief temps peust vaincre ses ennemys neátmoins ne prolonguast pour estre plus long temps es armes soubz couleur de la guerre, y enuoya Germanicq (encores qu'il fust Questeur) luy ayant donné des souldardz non seulement gentilz hommes, mais encores affranchiz, en partie autres, & en partie ceulx qu'il affranchist, les prenant pour ses seruiteurs d'hómes & femmes selon ses condamnations, avecques la despence de six mois: laquelle il ne fait seulement pour la necessité de la guerre, mais encores differe l'inquisition des cheualiers qui se faisoit en la place: & fait veu de celebrer la congregation du peuple appellée Grande, par ce que vne femme ayant entaillé certaines lettres en son bras comme furibonde disoit aucunes choses, toutesfois bien congnoissoit qu'elle, non par instinct du dieu, ains plus tost par subornation cela faisoit. Et pource que le peuple griefuement se perturboit & especiallement pour les guerres & pour la famine qui soubdainement arriua en la cité, de rechief faignit adiouster foy à ses parolles, & faisoit à son possible tout ce qui debuoit consoler le peuple comme estant necessaire. Et au regard de la carestre, esleut deux hommes consulaires, avecques des litteurs, qui eussent la superintendance des bledz: & ayant besoing de deniers pour les guerres qui pour lors regnoyent, & aussi pour maintenir les gardes nocturnes, imposa vne collecte de la vigtiesime partie des deniers desquelz se achetoient les esclaves: & commanda que ne se despendist plus la monnoye qui

Mont Al-  
maut.

Rimatal-  
ces.

Sescie.

Cecilius  
Metell<sup>o</sup> &  
Licinius  
Sillanus  
consulz.

qui estoit donnée aux préteurs pour faire les ieux des gladiateurs, & enuoya Germanic & non Agrippe à la guerre, pour ce qu'il estoit homme seruite, & la pluspart du temps frequentoit la mer, parquoy se attribuoit le nom de Neptune & estoit moult ireux, & calumpnioit Iulie cōme marastre, & souuent estoit encolpoit Auguste pour le bien de son pere, pour ce que n'estât moderé fut desherité & ses biens furent donnez au Questeur militaire, & il mis en l'isle appellée Planasie voisine à l'isle de Corcique. Ces choses furent faictes en la cité: mais Germanicq' arriué en Pannonnie & estans plusieurs exercites assemblez en ce lieu, les Battons lesquelz espioyent en poste Seuere qui venoit de Misie le rēcontrerent il logé avec son exercite pres les paluz Voloys, & espouenterent ceulx qui estoient hors le fort, & les mirent en rotte en icelluy, toute fois depuis prins dedás furent vaincuz. Et ce faict les Romains diuisez en plusieurs parties pour trāscourir & voller en ce mesme temps plusieurs endroitz de la region, les autres ne firent aucune chose digne de memoire: mais Germanic ayant vaincu en bataille les Masciés, nation Pannonnicque, leur fait tresgrand dommaige. En cest an furent faictes ces choses. Et estans consulz Marc Furie avec Sixte Nonie, les Dalmatiens & Pannonniens eurent desir de faire paix, par ce que premierement estoient greuez de famine, & puis de infirmité, ayās vſé pour la fain de certaines herbes & racines moult estranges, neantmoins ne fut cōclue, empeschez par ceulx qui n'auoyēt aucune esperance de salut des Romains. Estant doncques Germanicq, filz de Drusus, avecques l'exercite contre eulx, & n'ayant peu prendre vne cité moult forte qu'il auoit assiegée, vng certain cheualier nommé Pulion Gallicque gesta vne pierre contre la muraille & si impetueusement frappa vng merle que incontinent tomba par terre avec celluy qui estoit dessus: au moyen dequoy les autres estonnez, habandonnerent la muraille & se retirèrent dans la roche & si encores depuis se rendirent, ensemble icelle roche. Et estans vne fois d'accord, venu Batton deuers Tibere (lequel Batton pour auoir suscitē des Dalmatiens à rebellion fait grand dommaige aux Romains) le iour ensuyuāt introduict par Tibere qui estoit assiz sur vng tribunal, & de luy enquis quelle occasion l'auoit meū à soy rebeller & faire guerre contre les Romains si long temps, respondit, Vous mesmes en estes cause, car à noz brebis vous n'enuoyez pasteurs, ne chiens pour les garder ains des loups. La Dalmatie dōcques partie par force & partie par accord se rendit aux Romains: toute fois Auguste conceda au Senat que sans luy peussent iuger maintes choses, & ne venoit plus en la presence du peuple. Mais en l'an precedant pource qu'il y auoit plusieurs seditions il mesme y pourueut & ordonna, & en cela mesmes exposant aucunes lettres pour les ans ensuyuans, signifioit au peuple & bas estat ceulx ausquelz sa volonte estoit enclinée. Par ainsi quant au faict des guerres il en ceste maniere estoit fortifié: parquoy cōgnoissant la necessité des affaires, &

Guerre cōtre les Pannonniens;

Batton respond a Tibere.

à ce qu'il peust, estant pres, deliberer tout ce qui estoit oportun contre les Dalmatiens & Pannonniens, le Senat vint à Rimene, & à son yssue furent faitz veuz, & au retour sacrifices, comme sil feust venu du pays des ennemys. Durant ce temps Batton Breucque, qui auoit trahy Pinna, & pour rescompense receut l'empire des Breuces, fut prins & occis par vng autre Batton, par ce que ayant cestuy cy vng certain suspect des subgetz, tournoyant toutes leurs forteresses, demandoit ostaiges : dont l'autre aduertiy, luy dressa embusches, & l'ayant prins sans bataille, le ferra dans vne forteresse, & depuis rendu par ceulx de dedans le mena au mylieu de l'exercite, ou condamné, le feit mourir entre leurs mains. Laquelle chose ainsi aduenue, maintz Pannonniens se rebellerent, & il Silan avec l'exercite vainquit les Breuces, & encores plusieurs autres sans bataille. Quoy voyât Batton, n'eut plus esperance de Pannonnie, mais ayant cloz les passaiges d'icelle en Dalmatie, avecques presides mettoit à sac la Dalmatie, & par ce moyen le reste des Pannonniens estant especiallement leur territoire gasté & pillé par Silan, se accorderent, excepté que resterent aucuns larronceaulx, comme souuent aduient en telz troubles, lesquelz faisoient assez de dommage. Ce qui aduint aussi à autres & especiallement à ceulx cy, & furent ces choses acheuées par autres.


Mort de  
Batton  
Breucque.

# Le Cinquantefixiesme liure

DE DYON, HISTORIEN GREC,

Traduict d'Italien en Francois.

En ce liure est traicté de la remonstrance que feit Auguste à ceulx qui estoient mariez & à ceulx qui ne l'estoyent point, & de la determination faicte sur ce: de la mort de Quintus Varro estât vaincu des Gaullois, puis de la mort de Auguste, & de sa sepulture.



Comment Auguste parla avec ceulx qui auoyent enfans, & depuis avec ceulx qui n'en auoyent point & n'estoyent mariez, & ce que fut determiné contre eulx. Chap. CXV.

**M**

Ais Tibere apres l'yuer auquel estoient consulz Quintus Sulpiti<sup>9</sup> & Gaius Sabinus s'en retournât à Rome, Auguste venu au deuât de luy iusques au bourg, s'en retourna avec luy iusques au lieu appellé Setta, ou il salua le peuple de s<sup>o</sup> tribunal, & apres feit les autres choses oportunes en relz actes, & ordôna aucuns spectacles triûphaulx par le moyé des côsulz. Et pource qu'è iceulx les cheualiers en grât estude sefforcoiét de rompre

Quintus  
Sulpici<sup>9</sup> &  
Gaius Sa-  
binus.

Auguste  
parle aux  
gens ma-  
riez.

rompre la loy faicte sur ceulx qui n'estoyent mariez & n'auoyent enfans. Il assembla en la place separéement ceulx qui n'auoyent femme, & ceulx qui estoient mariez ou qui auoyent enfans à part: & voyant ceulx cy estre en beaucoup moindre nombre que les autres, s'en attrista & parla à eulx en ceste maniere: Bien que soyez peu eu esgard à la grandeur de ceste cité, & beaucoup inferieurs à ceulx qui ne veulent faire aucune chose cōdescende, neámoins ie de tant plus vous loue & rendz graces que vous me obeysez & multipliez le pays, par ce que des hommes qui viuēt en ceste maniere se engendrent apres plusieurs Romains, ioinct que au commencement estans bien peu depuis ayans cure du mariage, & engendrans des enfans, auons suppedité toutes les autres natiōs, non seulement de force, mais encores de multitude d'hommes, desquelles choses nous ayans souuenance, est besoing que pouruoyons a nostre mortalité avec la succession de noz enfans, comme de certaines facelles, affin que ce auquel seulement sommes inferieurs a la diuine sc̄licité, le suppliōs nous faisans immortalz par la mutuelle cōiōction. Pour autant que pour ce respect ce premier & tresgrand dieu, nostre conditeur, diuisa en deux parties la generation humaine, cest assauoir, en masse, & femelle, & posa amour entre eulx & necessité d'eulx conioindre ensemble, faisant leur cōpaignie productiue & fertile, a ce que par ceulx qui tousiours naistront par vng certain moyen deuinssent immortalz. Et des dieux mesmes aucuns sont reputez masses & aucuns femelles, & est parlé d'aucuns qui ont engendré d'autres, & d'aucuns qui sont engēdrez par autres, de tant encores entre ceulx qui n'ont besoing de telles choses, est le mariage & la procreation réputé hōneste: parquoy auez faict tresiustement, imitans les dieux & vous assimilians a voz peres, a ce que comme ilz vous ont engendrez, ainsi encores vous en engendrez des autres, & comme vous pensez & les appelez voz progeniteurs, ainsi encores autres estiment & pésent vous & les bonnes oeures qu'ilz vous ont données avec gloire honneste, vous encores les donnez a autres, & les possessions qu'ilz ont acquises & a vous laissées, vous encores les laissez a voz enfans. Et cōment n'est vne tresbonne chose vne femme moderée laquelle gouerne la famille, & alimente ses enfans, laquelle lectifie vng homme sain, & substente vng qui soit malade: & es sc̄litez est vne delectation & consolation, & es miseres refrain de la fureur naturelle des ieunes hommes, & temperement de l'austerité des vieulx. Et comment n'est ce vne tresdouce chose nourrir & enseigner vng enfant, qui soit ney de tous deux, qui est ymage du corps & ymage de l'ame, en maniere que quand il est creu deuiet vng autre toy. Et cōment n'est ce vne chose tresheureuse apres la mort laisser vng successeur & heritier de la vie & de la stirpe, ney de toymesme & en ceste sorte estre deslié quāt a la nature humaine, mais quāt a la succession encores viure, & n'estre entre les estrangiers, ne mourir en tout cōme aduiet en la guerre, & telz gaings ont a part soy ceulx qui ont femme & enfans quant a la Republicque pour laquelle

laquelle nous debuons faire plusieurs choses encores contre nostre volunté, comme n'est bonne chose? & comment n'est necessaire le mariage, se doibuent estre citez & peuples? & vous debuez dominer & seigneuriser les autres, & les autres vous obeir pour la multitude, & en temps de paix labourer la terre, & nauiguer en temps opportun, & exercer ars & mestiers, & en la guerre conseruer plus promptement les biens avec la gent, & en lieu de ceulx qui sont mortz substituer des autres. Vous doncques (ô hōmes) pour ce que vous seulz estes dignes de tel nom: & vous peres pour ce que vous seulz meritez avec moy d'estre nommez peres vous ayme pour ces causes, vous loue & vous donne les salaires que vous proposay, & oultre vous exalteray d'autres hōneurs & prerogatiues, en maniere que vous en receurez grand fruct & n'en laisserez moins à voz enfans. Et maintenāt me retourneray à ceulx qui n'ont fait aucune chose semblable à vous, & pour ce enfuyront salaires contraires, à ce que vous non seulement par les parolles mais encores par les œures plus compreniez de quant estes d'eulx differrentz. Ayant dit ces parolles & donné aucunes choses à aucuns, & promis aucunes autres, se retourna deuers les autres, & leur dist ce qui sensuyt: Je suis en grand doubte par quel nom vous doie appeller: par hommes? mais vous ne faictes aucune œure digne d'hommes: par citadins? mais quant au regard de vous la cité est destruite: par Romains? mais vous vous efforcez de destruire ce nom: neātmoins qui que vous foyez, & par quel nom deuez estre appelez, i'ay receu vne grand passion, pour autant que ayant tousiours faict ce qu'il m'a esté possible pour vous augmēter en nōbre, & vous deuant maintenant reprendre, mal volontiers voy si grand multitude: & plustost voudrois que ces autres ausquelz i'ay parlé fussent autant en nombre que ie vous voy. Et sur tout desirerois que fussiez nombrez entre eulx sinon qu'en tout ne feussiez en ce mode le quelz n'ayans aucune souenance de la diuine prouidēce, ne de la diligēce de noz antecessours vous efforcez de destruire toute vostre generation & la faire vrayemēt mortelle, & distribuer & mettre fin à toute la stirpe Romaine. Car quelle semēce de l'espece humaine demoureroit si tous les autres faisoient cōme vous? desquelz ayant vous esté les principaulx, raisonnablemēt à vous seroit ascripte la coulpe de la destruction vniuerselle. Et comment encores que nul autre voulust enfuyure vostre exemple ne meritez vous d'estre pour ce hays, veu que vous desprifez ce que nul autre desprisa: & introduisez telle facon & loy de viure, que si les autres l'enfuiuoient, tous à la fin periroyent & meritēment feroient vous ayās en hayne: ioinct que nous ne pardōnons à homicides, pource que tous les hōmes ne sont homicides: ne encores deliurōs & sauluōs les sacrileges, pource que tous les hōmes ne sont telz, ains plustost pugnifions tous ceulx qui font quelque chose desraisonnable: pour ceste raison encores qu'ilz seulz, ou peu, font telles choses, lesquelz autres ne font. Mais si lon vouloit nommer toutes les iniquitez tresgrandes, les autres, non vne à vne, mais

Auguste  
parle aux  
nō mariez

mais toutes ensemble a comparées à la presente ne sont riens, car vous estes homicides n'engendrans ceulx qui deburoyent par vous estre engendrez, & estes mauuais & iniques faisans fin aux noms & autres honneurs de voz antecesseurs, & estes ingratz enuers les dieux destruyfians voz parételles & lignées par eulx créés, & consummans en tout la nature humaine vne des tresque belle œuvre qu'ilz ayent fait. Et pour ceste mesme cause vous getans à terre leurs temples & deffaisans la Republicque n'obeysez à la loy, mais plus tost trahissez le pays, le faisant aride & sterile, ou bien en tout le subuertissez, le rendant desert de habitateurs, car les hommes sont les citez & non maisons ne portaulx. Pensez doncques quelle ire ne viendrait à Romulus nostre conditeur s'il entendoit le propre fait comme qu'il naquist & que vous ne vueillez engendrer enfans de loyal mariage? & cômét ne se desdaigneroyent encores les anticques Romains, considerans cômét ilz rauirent les filles des autres, mais vous n'aymez encores les vostres? & ilz engèdrerét enfans de femmes estrangieres, mais vous ne voulez de voz citadines? Quelle douleur n'auroit Curtius lequel endura la mort à ce que les hommes mariez ne perdissent leurs femmes? Et qu'elle n'auroit Herilie, qui suyuit sa fille & luy demôstra toutes les choses cōuenables au mariage? Et encores noz antecesseurs feirent guerre contre les Sabins, & s'accorderent par les femmes, estans les femmes mariées, & leurs enfans, mediateurs de la paix: & firét aucuns fermés & cōpositions entre eulx, mais vous cōfondéz routes ces choses: pourquoy: à ce que tousiours demeurez sans femmes côme les vierges Vestalles sont sas marys. Vous dôcques si faictes quelque acte luxurieux serez pugnis comme elles. Je congnois bien que ie vous sembleray parler asprement: touteffois premierelement deuez considerer que les medecins avec le ferremét & avec le feu, quād les autres ne valent, guerissent plusieurs. Je ne volūtiers, ne volontairemēt vous dy ces choses, mais de cestes vous reprens qu'avez esté occasion de me donner si grand matiere de parler. Et si vous vous agraez pour mes parolles, ne faictes les choses pour lesquelles necessairement orrez dire mal, car si à vous sont molestes mes parolles, comment ne serôt voz faictz plus griefz à tous les autres Romains? Si doncques vrayement vous contristez, muez de complexion affin que ie vous loue & vous rende merites, ioinct que ie ne suis de nature aspre, & au commencement ordonnay humblement tout ce qui estoit necessaire de faire à bon imposeur de loy, aussi que encores du commencement n'estoit licite à aucuns despriser la procreation des enfans, ny le mariage, par ce que au cōmencement incontinent en la premiere cōstitution de la Republicque fut bien pourueu & ordonné ce qui s'appartenoit à telle chose. Et depuis le senat & le peuple fait plusieurs determinations, lesquelles seroyent superflues raconter, mais ie augmenteray les peines à ceulx qui n'obeyssent, à ce que pour craincte de ne les encourir deuissent plus modestes: & imposeray encores salaires à ceulx qui obeyssent, telz & si grandz, que telz ne si grandz

On prend  
les hômes  
pour citez  
& non pas  
les maisons.

Curtius.

Herilie.

811

grádz furent oncques ordónez pour aucú bien fait: affin que si par nulle autre cause, au moins pour esperance, fússiez persuadez á vous marier & engédrer des enfans: mais vous n'appetans aucuns d'iceulx, ny craignans encóres les peines imposées, áuez desprise toutes semblables choses, & toutes áuez misés soubz les piedz comme que n'áyez habité en aucune cité, & dictes áuoit esléué ceste vie solue & libere sans femme & enfans, mais vous n'estes en aucune chose differentz aux larrons & trescruelz animaux: car vous ne vous contentez de vie solitaire, ne aucun de vous est lequel máge ou dorme seul, mais vous voulez auoir liberté de faire iniure & choses deshonneurées, bien que vous áye concédé que preniez pour voz espouses ieunes filles tendres & auant le temps conuenable aux nopces, á ce que vous ayans le nom d'espoux peussiez viure domestiquement. Et conceday encóres á ceulx qui estoient hors l'ordre senatoire qu'ilz peussent prédre en mariage femmes libertes, affin que si aucun, ou par amour, ou par coustume, estoit conduit á ce, le peust faire legitiment. Et ne vous ay haltez de ce faire, áins au cómencement donnay espace de trois ans entiers á vous preparer, & la seconde fois vous en conceday deux: néantmoins ie ne vous menássant, ne vous confortant, ne differant le temps, ne vous priant ay fait aucune chose, car vous mesmes voyez, de quant plus grád nóbre estes que de mariez, lesquelz nous debriez donner autant d'enfans & encóres plus que eulx: car en quelle maniere autrement duroyent les generations? en quelle maniere se conseruoit la Republicque, ne vous marians? ne faisans enfans, car vous n'attendez aucunement que aucuns naissent hors de la terre, lesquelz (cómme diét les fables) succedét á voz biens & aux publics, & n'est écores chose faite ne bonne que ceste nostre generation, & que le nom des Romains soit estainct en nous, & que la cité soit laissée entre les mains d'autres nations, ou Barbarés, ou Grecques, & ne faisons liberes noz serfz pour ceste cause, especiallement affin que facions d'eulx plusieurs citadins, & facions noz cõpaignõs participás de la Republicque, á ce que croissions du nombre: mais vous qui estes d'ancienneté Romains connumerant ces voz antecessours Marc Fabie Q. Valerii Iulii, desirez, ensemble avec vous destruire la stirpe & leurs nós: & moy mesme ay honte que soye procedé si auant en parolles, & que faites telz actes. Cessez doncques, ô furibondz, & pensez que soit impossible mouirans plusieurs tant par infirmité que par guerre la vie soit saulüé, si vous ne suppliez la multitude d'icelle par ceulx qui naissent incessamment: & ne soit aucun de vous qui pense que ie ne congnoisse cõme au mariage & en la procreation des enfans sont plusieurs choses tristes & molestes, mais consideréz écores que les hómés ne possedét encóres aucú autre bien, áuquel ne soit meslé quelque mal, & aux plus & plus grádz bons que soyent, sont adioictz plus & plus grands maulx. Par quoy si vous declinez & fuyez les vngs ne detiez encóres appeter les autres. Et qu'est il besoing estendre parolles si longuement, voulant pourueoir toute chose, si au mariaige & procreation d'en-

fans y à aucunes choses tristes & molestes, recompésez celles qui sont meilleures & les trouuerez estre plus & plus grandes. Pour autant que oultre les autres biens qui se contiennent naturellement en iceulx, les salaires encores imposez par les loix, vne minime partie desquelz persuade à plusieurs de mourir, induiroyent chascun à me obeyr. Et comment n'est chose vituperable que pour quelz biens les hommes se exposent à la mort, pour ceulx cy vous ne voulez ne prendre femme, ne paistre enfans. Je, ô hommes citadins, ioinct que desia pense vous estre persuadez & rester au nom des citadins, & reprendre de rechef la denomination d'hommes, & de peres, vous ay fait mal volontiers ceste reprehension, toutefois contrainct par la necessité non comme ennemy ne celluy qui vous eust en hayne, ains par amour, & pource que ie desiroys d'en conquester plusieurs autres semblables à vous, à ce que ayans les maisons legitimes & les familles plaines de successions nous approchiés des dieux avec noz femmes & enfans, & conuersions ensemble mettans dehors toute chose egallement, & semblablement vñs de leurs esperâces. Et comment bien pourroys vous seigneuriser voyant chascun iour vostre nombre se diminuer? & cōment vrayement pourroys ie estre nommé vostre pere si vous n'avez nourry des enfans? A ceste cause si vrayemēt vous me ayez & m'avez donné ce tiltre de pere, non par adulation, ains par honneur, efforcez vous de deuenir hommes & peres, à ce que encores vous participiez de tel nom & me faictes semblable à vous. Alors dōcques Auguste parla à l'ung & l'autre partie en ceste maniere. Et depuis augmenta les hōneurs à ceulx qui auoyent enfans, & separa ceulx qui estoÿēt mariez de ceulx qui estoÿēt sans femmes espouses pour la diuersité des mulctes, & leur dōna vng an de terme que ceulx qui luy obeiroÿēt fussent sans coulpe. Aussi conceda à aucunes femmes que peussent herediter plus de vñgt cinq mil, bien que la loy Voconie l'e peschast. Et aux vierges Vestalies conceda ce tout qu'auoyent celles qui faisoÿēt des enfans: au moyen dequoy la loy Papie & Poplie furent posées par Marc Papie Mutilie & Q. Poplius lors consulz en partie de l'an, & aduint que l'ung & l'autre de ceulx cy, non seulement n'auoyent enfans, mais ne encores femmes, & pource fut cōprins la necessité de la loy. En Rome dōcques furent faictes ces choses. Mais les Romains qui estoÿent avec Germanic venuz à Rhetine cité de Dalmatie n'y profiterēt guieres, p ce que les ennemis oppressez de la multitude de ceulx cy, & ne leur pouans resister, volontairement getterent le feu tout autour, & dans les edifices pres d'icelle, ayâs imaginé vne voye par laquelle le feu ne flainboÿast subitement, ains demourast occulté par quelque espace. Et ainsi auoir ce fait mōterēt en la roche: quoy voyans les Romains & ne sachans ce qui auoit esté fait, leur coururent sus comme que du premier assault deussent fouldroyer toute chose: & se trouuerent dans le circuit auquel auoit le feu esté mis, & ayans l'entendement ententif aux ennemis ne s'en apperceurent que premierement ne fussent cloz de tous costez de ce feu, & furēt alors en tresgrād peril estâs p le hault naurez

Loy Voconie.

Loy Papie.  
Loy Poplie.

Rhetine  
cité de Dalmatie.

des ennemys, & par le dehors dampniez par le feu, & ne pouans seurement demourer en aucun lieu ne sortir dehors sans peril, pource que silz estoient hors du peril d'estre naurez, alors le feu les cōsumoit: & silz fuyoiēt & eua-  
doient le feu, alors tout incontinent estoient mis à mort par les ennemys, & aucuns au lieu estroit estoient destruiēt par deux moyens d'ung costé par le feu & de l'autre par la flambe: & ainsi la plusgrád partie de ceulx qui entrerent en ce circuit finirent leurs vies, excepté aucuns peu lesquelz ayans getté quelque nombre de corps mortz sur la flamme en forme de pôt se sauluerēt, car le feu tāt se augméta que ceulx encores q estoient dans la roche n'y peurent demourer, ains l'habádonnerent la nuit en fuyuāt, & se mu-  
cerent en des cauernes & habitations deffoubz terre. Illec furent faictes tel-  
les choses, & fut Seretie prins, lequel lieu autrefois ne peut Tibere prendre par assiegement. Et si depuis plusieurs autres lieux furent conquis. Mais non obstant ce les autres leuez en armes & se prolonguans la guerre, & estāt pour ce suruenue vne grand famine en Italie, Auguste enuoya de rechef Ti-  
bere en Dalmatie: lequel voyant les hommes d'armes ne pouoir plus demou-  
rer, ains cupides de venir à la bataille encotes avec peril, & craignant que ra-  
liez ensemble ne feissent sedition, les diuisa en trois parties. Et ayāt d'iceulx  
consigné quelque nombre à Silanus, & aucuns à Marc Lepide avec le reste  
prins Germanicq en sa compagnie s'en alla contre Baton: & ceulx la sans  
difficulté deffirent les ennemys qui s'opposerēt à eulx en bataille: mais Ti-  
bere mesme alla quasi errant par toute la region, par ce que Baton s'en fuyoit  
tantost ca, & tantost la: toute fois s'estant finablement reduit en la forteresse  
appellee Aderie ediffiee au dessus de Salon, Tibere se traouilla moult  
à l'assiegement, à cause que ceste forteresse estoit assise sur vne roche moult  
munye & inaccessible circondee de valées profondes qui auoyent fleues &  
torrens, aussi les hommes partie auoyent porté dans icelle toutes choses ne-  
cessaires, & partie en amenoyent des montaignes qui estoient en leur puis-  
sance, & empeschoyent aux Romains la conduicte des viures, estans incessan-  
simēt sur les passaiges. Au moyen dequoy Tibere qui sembloit de assieger  
quelqu'ung enduroit les conditions d'ung assiegé. Or il estant en doubte &  
ne sachāt ce qu'il deust faire, car l'assiegemēt luy sembloit vain & perilleux,  
& estimoit honte de l'habandonner, les gens d'armes feirēt tumulte, & vse-  
rent de si grand & tel cry que les ennemys qui estoient aux escoutes soubz  
les murailles s'espouenterent, & de paour se mirent en fuyte. Dont Tibere  
en partie courroucé & en partie resiouy les conuocqua tous ensemble. Et a-  
pres plusieurs remonstrances & reprehension, n'eut, ne plus grand audace ne  
se leua, ains demoura ferme en paix iusques à ce que Baton desesperant de  
pouoir vaincre, par ce que plusieurs autres lieux, excepté quelque peu, estoient  
prins, & la puissance qu'il auoit estoit alors inferieure à celle des ennemys  
luy enuoya ambassadeurs, & voyant qu'il ne peut persuader l'accord aux au-  
tres les laissa. Et ainsi ne dona secours à aucun autre, bien que de plusieurs fust

Seretie  
prins.Guerre cō-  
tre Baton.Aderie as-  
siegee.

appellé: Mais Tibere pour ce desprisans les autres q̄ estoÿét en la forteresse, & esperát les pouoir prédre sás effusion de ság delia n'auoit aucú respect à ce lieu, ains s'en alla auant pres la forteresse, & voyát qu'il n'y auoit aucune plaine, ny que les ennemys descendoÿent, se mit envng lieu apparát sur vng tribunal, afin qu'il peult veoir tout ce qui se faisoit, pour cause que les soldardz plus promptement cōbatissent, & s'il estoit besoing opportunément leur donnát secours: car à ceste fin tint partie de l'exercite, lequel habódoit de multitude de gens. Mais les autres au commencement estans ordonnez ensemble en vng costé plain d'arbres, montoÿent á pied, & apres pour la hauteur droicte & pour l'inequalité de la montaigne qui estoit plaine de fosses bourbeuses, & en plusieurs endroictz taillée, l'esquarterét pour trouuer planches & passaiges, au moyen dequoy les aucuns plus tost & les autres plus tard montoÿent. Quoy voyans les Dalmatiens se mirent en ordre sur le lieu plus ardu & trebuchable & gettoÿent grosses pierres & en quantité sur les Romains, les aucuns avec des fondes, & les autres les laissant tomber du hault, les aucuns faisoÿent rouler des vaisseaulx, aucuns des charrettes pleines de pierres, & le tout venoit sur les Romains impetueusement, les blessant, occiant & naurant, les separans l'ung de l'autre: & pource les cōsumoÿent, & aucuns autres maintenant gettans des sayettes & puis des dardz & autres ferremens en nauoÿent plusieurs. En cest instant creut vne grand emulation entre les combatans, s'efforcans les aucuns de monter & conquerir les cimes des montaignes, & aucuns de les regecter en arriere, & grand emulation encores de ceulx qui veoyent de la muraille ce qui se faisoit, & de ceulx qui estoÿent à l'entour de Tibere, car l'une & l'autre partie confortoÿent les leurs, les faisans audacieux, mesmes ceulx qu'ilz veoyent promptz, & reprenoyét ceulx, qui cedoyét: & ce faisoÿét ainsi tous ensemble comme en particulier. Et ceulx qui crioyent sur les autres, ensemble inuoyent les dieux tant de l'une que l'autre partie pour le salut des leurs, & les Romains pour la paix qui depuis s'ensuyuroit les Dalmatiens pour leur liberté: & en tout les Romains eussent esté en grand peril comme ceulx lesquels ensemble combatoyent contre la nature des lieux & contre les ennemys, sinon que Tibere avec secours frais les retint de la fuyte & espouenta de l'autre costé les ennemys, ayant enuoyé à l'entour par longue voye iusques à la summité de la montaigne, au moyen dequoy les ennemys tourne ne peurent entrer au dedans des murailles, ains ayans getté au parauát leurs armes pour estre plus légiers se disperferent, & ceulx qui les suyuoÿent desirans grandement de mettre fin à la guerre, & craignans que si vne autre fois ilz retournoÿent arriere ne leur fussent molestes, sortirent en tout contre eulx, & trouans les aucuns mussés es forestz les mirent en pieces comme bestes, & ce faict prindrent ceulx qui estoÿét dans la forteresse. Ausquelz Tibere confirma ainsi autres choses comme celles esquelles ilz auoyent esté d'accord. Mais Germanicq se retourna contre ceulx qui faisoÿent resis-

stance

stance, car plusieurs fugitifz qui estoient aupres de ceulx cy ne luy laissoyēt prendre party & subiugua vng lieu nommé Ardube, neantmoins ne peut ce faire avec son propre exercite, bien qu'il fust plus grād que celluy des ennemis, par ce que le lieu estoit moult bien muny, & vng fleuve torrent court à l'entour, excepté en vne petite partie: mais les fugitifz venuz en differend avec ceulx de la ville, pource qu'ilz se vouloyent accorder vindrent au combat contre eulx. Et ayans prins avec eulx les femmes qui estoient dans la forteresse, pour autant qu'elles desiroyent la liberté contre la volonté de leurs mariz, & eslisoyent de endurer tout autre mal plustost que la seruitude, se concita vne grand bataille, toutesfois les fugitifz vaincuz cesserent, & aucuns d'eulx se mirent en fuite, mais les femmes ayans prins leurs petis enfans partie se bruslerent elles mesmes, & partie se getterent dans le fleuve. Et par ainsi estant la forteresse prinse, les autres d'icelle circonuoisines volūtairement vindrent composer avec Germanic, lequel auoir fait les choses predictes sen retourna deuers Tibere. Et Posthumius paracheua les autres entreprinse qui restoyent. Durant ce mesme temps, Baton ayāt enuoyé Seua son filz à Tibere luy promist de se vouloir luy mesmes donner à luy ensemble tous les autres estans avec luy s'il le vouloit asseurer, & depuis auoir receu la foy, la nuit entra en l'exercite de Tibere, & le iour ensuiuant estant mené deuers luy, qui estoit assis sur vng tribuna l, ne fait aucune priere pour soy mesmes, mais oultre ce estandit son chef, à ce que luy fust couppé, toutesfois fait grād excuse pour les autres, & vne autre fois luy estant de rechef demandé par Tibere, pour quelle cause ilz s'estoyent meuz à rebeller & faire par si long tēps resitāce luy donna la premiere respōce, cest à scauoir: car vo<sup>o</sup> (ô Romains) en estes cause q enuoyez à noz brebis pour gardes nō chiēs ne pasteurs, mais des loups. La guerre dōc eut ceste fin incontīnēt, plusieurs hōmes cōsūmez ēsēble maītes sōmes de deniers, car en celle furēt étretenus plusieurs & diuers exercites, & petite proye fut prise. Germanic à ceste fois a nōca la victoire pour laquelle fut dōné à Tibere & à Auguste le nō d'épereur ensemble le triumphe avec autres honneurs. Et leur furent concedées deux roues avec des trophées en Pannonnye: car Auguste seulement accepta ces choses entre plusieurs autres qui luy auoyent esté concedées par decret. Et à Germanicq furent donnez les honneurs de la victoire & de cappitaine, & qu'il le premier apres les hommes consulaires eust son oppinion, & peust accepter le consulat plustost qu'il n'estoit acoustumé. Aussi fut concedé à Drusus filz de Tibere, bien que n'eust esté en ceste guerre, qu'il peust entrer au senat auant qu'il peust conseiller: & apres qu'il seroit Questeur, dist son oppinion auant les hommes Preteurs. Peu apres lesquelz decretz vne mauuaise nouvelle venant de Germanie les empescha de faire festes, par ce que en ce mesme an arriuerent semblables choses en Gaule. Les Romains tenans aucuns lieux de ceste province, non tous congregez ensemble, ains comme estoit adueni les subiuguer, & pource d'iceulx ne s'est fait mention

Honneurs  
concedez a  
Drusus  
filz de Ti-  
bere.

en l'histoire, leurs hommes d'armes se yuernoient en ces lieux & habitoient ensemble les citez, & transferoyent les Barbares à leurs coustumes, frequentoient les marchez, & faisoient pacifiques congregations. Ce neâtmoins ne festoyent encores oubliez ne de la coustume de leur pays ne de leurs coustumes naturelles, ny de la vie liberte ne de la licence qu'ilz auoyent par les armes. A ceste cause ce pendant que peu à peu & par vne certaine voye avec garde estoient desvsitez ne se aggrauoyent de la permutation de leur vie, ains se muoyent sans ce qu'ilz s'en apperceussent.

Comment Quintilius Varro estant vaincu des Gaullois, mourut.  
Chapitre CXVI.



Ais depuis que Varro Quintilius ayant prins la presidence de Germanie se hasta trop de faire vne transmutation enuers eulx, & leur commandoit comme à ses serfz & leuoit deniers sur eulx comme de ses subiectz, ne le peurent supporter, ains les principaulx appetans la premiere puissance & les peuples tenans plus cher le premier estat que la seigneurie estrangiere, se rebellerent manifestement voyás estre grosse multitude de Romains pres le Rhin & plusieurs encores en leur propre territoire: toutefois ayans accepté Varro comme qu'ilz voulussent faire ce qu'il leur vouldroit commander, le menerent loing du Rhin au pays appellé Cheruscide & à Visugre ou estans pacifiques amyablement luy donnerét la foy qu'ilz peussent estre subiectz sans gés d'armes: parquoy ne tint les exercites comme estoit raisonnable en la terre des ennemys: mais distribua plusieurs de ses souldardz à aucuns qui les luy demádoiét pour la garde d'aucuns lieux comme qu'ilz seulz fussent debiles à les garder, ou qu'ilz les requeroient pour prendre des larrons, ou bien pour faire escorce à aucunes choses necessaires. Et estoient les principaulx de ceste coniuration & capitaines des trafficques insidies & de la guerre tant autres comme Arminius & Segimere, qui souuét estoient cōuersoyét & mágeoient avec Varro. Lequel se confiant & n'attendát aucun mal, & quád tous se doubtoyét pour les choses qu'ilz veoyent & l'aduisoient de se garder, nō seulement ne leur prestát foy, mais oultre ce les reprenant comme que vainement eussent paour, & encoulpassent les autres, se leuerent aucuns premiers habitans loing de luy: & fut ce fait à cautelle, à ce que Varro procedant oultre contre eulx se peust mieulx assaillir au chemin, il allant en seurté & sans garde comme par la terre d'amys. Et ainsi aduint, car ilz le laisserent aller deuant & l'accepterent comme ceulx qui s'appareilloient pour luy donner subside, & incontinent luy vouloyent enuoyer secours, & prindrent les gens d'armes, pource apprestez, & ayás chascun occis les gés d'armes estás avec eulx & qui auoyét premierement esté demandez luy coururent sus, il desia paruenue en vne forest de laquelle ne pouoit yssir, & illec se demonstretét incontinent ennemys

en

Arminius  
& Segimere  
re chiefz  
de la con-  
iuration  
contre  
Varro.

en lieu de subiectz & feirent maintes choses grieues & molestes, ioinct que les mótaignes estoient pleines de vallées & inesgalles, & les arbres estoient moult espes & haultz, en maniere que les Romains auát que fussent assailliz estoient las de couper les arbres & faire voye & pontz ou estoit necessaire, & mirent encores plusieurs charrettes & maintes iumentz cōme est acoustumé faire en temps de paix. Aussi plusieurs femmes & enfans les suyuoient si que pour ce estoient moult espartz & esquartez par le chemin: & en ces entrefaictes suruenu vng vent impetueux & vne pluye les dissipèrent encores plus, & le terrain estát aspre á cause des racines & troncz des arbres faisoit son chemin encores plus perilleux, & les testes des branches rōpues qui incessamment tōboyent á terre les cōfondoyent & cōturboyent tous. Se trouuás dōcques les Romains en si grát águstie, les barbares de to<sup>9</sup> costez & p les lieux plus fortz cōme ceulx qui scauoient les sentiers les enuirōnerét de to<sup>9</sup> costez, & au cōmencemét les assailloyent de loing. Mais depuis voyás que nulz se deffendoient & en bleffoyent plusieurs s'approcherét d'eulx, car les Romains cōme ceulx qui estoient sans ordre, & alloient par le chemin meslez avec ceulx qui estoient de farmez, & avec les charrettes & ne se pouans facilement destourner en aucun lieu & estás toujours moins que ceulx qui les assailloyent, endurerét plusieurs maux, & ne se végeoient aucunement: neátmoins planterent leur camp en vng lieu apte de quant pouoit estre en vng mont silueux, & ce fait ayás la plusgrád partie des charrettes & les autres choses nō trop necessaires en partie bruslées, & en partie laissées, le iour ensuyuát cheminerent en plusgrád ordre, tāt qu'ilz arriuerent en vng certain lieu desnúe d'arbres: touteffois ne eschapperét sans effusiō de sang. Et se departás de ce lieu de rechef rétrèrent plus auát en la forest, bien se deffendoient le mieulx qu'ilz pouoyent de ceulx qui les assailloyent, neantmoins encest endroit non mediocremét perissoient, p ce que estás euelppez les gés d'armes & gés de pied ensemble, á ce que tous en sēble resistassent aux ennemys, cōmettoient plusieurs erreurs entre eulx mesmes, car lors qu'ilz cheminoyent estoit iour, mais estát suruenue vne pluye impetueuse avec vng vét tresaspre ne les laissoit aller plus oultre ne demourer fermes en vng lieu, ais leur épeschoit l'usage des armes, ioinct qu'ilz ne pouoyent bien manier leurs arcz, leurs dardz ne leurs escuz cōme ceulx qui estoient baignez: & aux ennemys (la plusgrand partie desquelz estoient legiers d'armes, & auoyent la licēce seure d'assaillir & de fuir) ce moins aduenoit. D'auátage ilz estás beaucoup plus, par ce que plusieurs autres s'estoyent premieremét raliez, & especiallemét pour desrober, enuirōnerét les Romains q estoient en moindre nōbre pour l'occision qui d'iceulx auoit esté faicte es premieres batailles. Parquoy Varro & les autres principaulx craignás que ne fussent pris vifz ou ne fussent occis de leurs trescruelz enemys, ayás desia esté naurez, feirent chose moult terrible (touteffois en ce tēps necessaire) cest á scauoir qu'ilz s'occirent de leurs propres mains: & depuis que ceste nouvelle fut diuulgúee nul des autres encores que fust fort se

deffendoit: mais aucuns d'eulx imiterent l'exéple de leur capitaine, & aucuns habandonans les armes s'offroyent à la mort, car encores qu'ilz eussent voulu fuyr n'eussent peu. Par ainsi estoient taillez en pieces homes & cheualx, & eussent tost esté mis à mort ou pris si les barbares ne se fussent amusez au butin, car en ceste maniere les plus fortz furent destruitz assez esloignez, & les trompettes qui estoient avec eulx ayas sonné come que fust pour vne course firent croire aux ennemys, pource que desia estoit la nuit suruenue, que eussent esté euoyez par Asprene, & pource ceulx la s'abstindret de les pour suivre: & Asprene ayat entédu ce q leur estoit aduenu leur euoya vrayemét secours, & depuis aucuns prisonniers furent rescoux des siés en cõdition que demourassent hors de Italie. Cela fut fait nõ lóg téps apres. Mais alors Auguste aduert y de ce q estoit arriué à varro se descira (come aucuns diét) les vestemés, & fit grad lamentatiõ tât pour ceulx qui estoient mortz que pour la paour qu'il auoit de Germanie & Gaule: & especiallemét pource ql attédoit que ceulx la deussent venir iusques en Italie & à Rome mesmes, & ne luy estoit demouré ieunesse en la cité qui fust de grad estime & les cõpaignõs desquelz se pouoient prédre aucunes vtilitez estoient dänifiez, neátmoins le plus qu'estoit possible faire en ce téps dõna ordre aux autres choses. Et voulát assébler ceulx qui estoient en estat militaire cõdãna ceulx cy par sort, & de ceulx qui n'auoyent encores vngt cinq ans, au ciquiesme tiré p sort osta son bié & hõneur, mais des plus vieulx au dixiesme: & finablement voyant que plusieurs p ceste voye ne l'auoient en reueréce en occist aucuns, & ayat fait le sort des homes militaires & des libertz ou affranchiz en cõgregea tât qu'il luy fut possible, & incõtinét à cautelle les enuoya avec Tibere en Germanie: & pource que plusieurs Celtes & Gaullois estoient encores en Rome en partie p pelerinage, & ptie cõnuerez en l'exercite des massiers, Auguste doubta qu'ilz ne feissét quelque emotiõ, à ceste cause en mãda aucuns en des isles, mais à ceulx q estoient de sarmez commãda que se departissent de la cité: alors fait Auguste cela & ne fut faite aucune autres chose de sacoustumée, ny pareillement furent celebrées les cõgregatiõs solemnelles. Depuis ayat entédu que aucuns souldardz estoient fauluez, & que les Germanies estoient gardées & les ennemys n'osoient aller seulemét iusques au Rhin fut deliuré d'une grad pturbation d'étendemét & fait la descriptiõ des homes, car cestuy si grad encõbre ne sembloit estre arriué sinon p ire de quelque dieu. Et oultre ce p les mõstres qui estoient apparuz auát la deffaiéte, & depuis auoit vng grad suspect de l'yre diuine, par ce que le téple de Mars qui estoit en son cãp fut fulminé, & maïtes chenalettes qui estoient vollées sur la cité furent cõsumées p les arõdelles, & sebla que sũmitiez des Alpes se batissent ensemble, & enuoyassent dehors trois colõnes flãboyans, & le ciel souuentessois apparoissoit brusler, & plusieurs estoilles cometes en vng mesme temps apparoissoient, & aucuns dardz venans de Septentrion sembloient choir au camp des Rommains. Aussi vne statue de de la déesse Victoire, qui estoit en Germanie, & regardoit deuers la terre des ennemys, se retourna deuers Italie: & vne fois pres les aygles qui

estoiét au cãp fut fait vng grãd tumulte vai, & sans cause, cõme croyãs que fussent assailliz par les ennemys. Et telles choses en ceste maniere arriuerét. Mais en l'an ensuyuãt le tẽple de la deesse cõcorde fut consacré p Tibere lequel y feit inscripre son nom, & celluy de Drusus son frere decedé. Et estans cõsulz M. Emilius & Statilius Taurus, Tibere & Germanic procõsulz entrerét en la Gaule Celticque, & transcoururent aucuns lieux d'icelle. Neantmoıs n'obtidrét aucúe victoire pource que nul sortit dehors pour venir cõtre eulx, ne encores subiuguerét aucune natiõ, par ce que craignãs que de rechef ne leur aduit aucune malle aduétude ne se quartererét loig du Rhin, ains demourez en ce mesme lieu iusques en l'Autõne, & ayãs celebré le iour natal d'Auguste, & fait vng cours de cheualx par le moyen des cõturiõs s'en retournerét. Et en Rome Drusus Cesar filz de Tibere fut Questeur: & seize Preteurs demouurerét en magistrat pource que tãt auoiét demãdè la preture: & Auguste comme celluy q se trouuoit en telz termes ne voulut desplaire à aucú: neãtmoıs alors ny es ans ensuyuãs ne fut ce obseruè, ains p la pluspt les douze y estoiet, & fut interdit aux vaticinateurs qlz ne feissét respõce sur la mort d'aucú seulz, ne en presence d'autres. Toute fois Auguste si petite cure auoit de ses ppres affaires qu'il manifesta p escript à tout hõme la disposition du ciel ains qu'elle estoit au temps de sa natiuité, neãtmoıs prohiba & le feist denõcer aux subiectz que n'attribuassent aucú hõneur à ses preffectz q cherchoient tesmoings & commendations auecques louenge de ceulx cy, au moyen dequoy se faisoient plusieurs maulx. Et trois senateurs encores à l'heure respondoyent aux legations: aussi fut concedé aux cheualiers qu'ilz exercitassent l'art gladiatoire dont lon se pourroit esmerueiller, & la cause de ce fut pource que aucuns faisoient petite estime de la honte qui leur arriuoit pour cest exercite, & estãs pour ne deuoit ensuyure aucune vtilité pour l'interdiction. Et voyãt qu'ilz sembloient dignes de plus grand peine pour laquelle se pensoient remouoir leur fut concedé de ce faire, & par ainsi en lieu de vergõgne estoiet debiteurs de la mort, car nõ de moıs cõbatoyent, & especiallement pource que grãd diligẽce estoit mise iouxte leur combat, en maniere que Auguste les meist entre les mains des preteurs ausquelz appartient tel office. Ce fait Germanic n'estãt encores preteur accepta la dignité cõsulaire, & p tout cest an la retint nõ p hõneur, mais ains cõme les autres en ce tẽps la retenoyét, & ne fait aucúe chose digne de memoire, sauf que à ceste fois il iugea pãcipallemẽt p ce que son colleguè Gaye Cappitõ moult en vai luy estoit adioict: mais Auguste cõme celluy q estoit ia viel le recõmãda au senat, & le senat à Tibere, & il mesme ne leust escripture p ce ql ne pouoit peler à haulte voix, ains la leut Germanic ains ql auoit acoustumè: & depuis s'excusãt pour la guerre Celticque leur demãda qlz neussét à venir priuez le saluer en son palais, & ne eussét à mal sil ne les inuitoit plus: p ce que assez autrefois & tousiours vouloyent sieger en la place & au senat, & quand il entroit ou sortoit de rechef le fouloyent saluer, & quand encores .i. estoit

Temple  
de la deesse  
Concorde  
consacré.

Decret cō-  
tre les bā-  
nis.

assis au palais, & encores quand il se reposito non seulement le senat mais les cheualiers, & plusieurs populaires encores le saluoyēt: neantmoins sans cela ne demouroit qu'il n'administrast les autres choses, mais encores cōceda aux cheualiers qu'ilz demandassent le Tribunat, & ayant entendu que aucuns liures estoient escriptz contre l'honneur d'autres en fait inquisition & partie d'iceulx trouuez en la cité par le moyen des Ediles & partie dehors par le moyen des Prefectz de chascun lieu, commanda que fussent bruslez & pugniz les aucuns de ceulx qui les auoyēt cōposez: & pour ce que plusieurs bāny demouroyēt aucuns hors des lieux esquelz ilz auoyent esté cōfinez, & aucuns en iceulx mesmes viuoyēt la sciement, commanda que nul auquel fust interdict le feu & l'eau ne peust demorer en terre ne en aucune isle qui fust moins distant de quarante stades de terre fermé, excepté en Chio, Rodes, Sardaigne, & Lesbos: ny ne scay en quelle maniere il exceptast seulement cestes. Il doncques imposa ces choses à ceulx cy, & qu'ilz ne passassent plus oultre ne possedassent plus d'une nef de charge qui portast mil poix, ne plus de deux nefz legieres, & que ne peussent posseder richesses excédās cinquante deux mil & demy: menassant & eulx & tous les autres qui feroient le contraire de ses commandemens.

Comment le portail de Liuie fut consacré.

Chapitre

CXVII.



Estes furent les choses determinées par Auguste de quant soit necessaire de les comprendre en l'histoire: & vne feste solennelle hors l'usage fut faite par les faulx & cheualiers, & les festes de Mars alors pour ce que Tibere auoit preoccupé le Hyppodrome furent honorées en la place du cours des cheualx, & d'une occision de bestes: & vne autre fois furent faites ainsi qu'il estoit de coustume, & Germanic en icelles fait occir en l'Hyppodrome deux cens lions, & fut le Porticque nommé Liuie edifié, & alors consacré en l'honneur de Gaius & Lucius Césars: & ayans esté escriptz Lucius Munatius, & Gaius Silius entre les consulz, Auguste cōtre sa volūtē print la cinquiesme fois la presidēce de cinq ans, & de rechef donna à Tibere la puissance Tribunice cōmettant à Drusus son filz qu'il demandast le consulat trois ans au parauant qu'il fust entré Preteur, & pour cause de sa vieillesse pour laquelle (sinon peu souuent) entroit au senat demāda vingt cōseillers annuelz, car au parauāt n'en auoit que quinze qui y estoient seulement vng moys: oultre ce fait vng decret que toutes ces choses lesquelles luy semblaient, se cōseillant avec Tibere, & avec ceulx cy, & avec les cōsulz, & avec ceulx qui pour ce estoient designez, & avec les enfans adoptez, & avec autres quelz cōques, fussent estables cōme determinées par tout le senat. Ayāt dōcques prinse en soy ceste liberté par decret, laquelle toute fois il auoit au parauant par effect, en ceste maniere administroit plusieurs choses. Et pour ce que par moyen de parler chascun se lamentoit de la  
vingtiesme

vingtiesme & sembloit que se deust leuer quelque nouuelleté enuoya vne lettre au senat, par laquelle leur cōmandoit qu'ilz eussent à inuenter autres tributz, & cela fait, non pource qu'il voulust du tout abolir cestuy cy, mais à ce qu'ilz n'en trouuans nul autre plus acceptable contre leur volunté le confirmassent sans que aucunement en fust blasmé, & affin qu'ilz ne suspectassent si Drusus ou Germanic feissent quelque parole de ce, & le deissent par son commandement & esleussent le party sans y penser commanda que l'ung & l'autre se teussent, & furēt plusieurs choses alors dictes, & aucunes enuoyées par escript à Auguste, & apres qu'il eut d'eulx entendu qu'ilz estoient prestz à soustenir plustoit toute autre charge que de payer la vigtiesme voulut reduire ceste collecte sur les maisons & possessions, & n'ayant incōtinent dit aucune chose ne quant ne cōment ilz payeroyent ceste, enuoya plusieurs des siens en diuers lieux pour descrire les possesiōs des personnes particulieres, & des communitiez a ce qu'ilz eussent doubte de ne receuoir plus grand dommage, & plustost esleussent de payer la dixiesme, ce qui aduint.

Comment Auguste mourut.  
Chapitre CXVIII.

**A**uguste doncques dispoit ainsi qu'auetz leu, ces choses. Mais au spectacle des festes Augustalles celebrées en sō iour natal, vng hōme furibōd sassist sur la chaize cōsacrée à Iules Cesar, & ayāt pris la courōne la meit sur son chef: chose qui sembla faire quelque signification contre Auguste ainsi que de vray aduint. Car en l'an suyuant auquel Sexte Apulée & Sexte Pompée estoient consulz, Auguste s'en alla en Chāpaigne, & ayant fait les ieux qui estoient acoustumez à Naples passa de ceste vie estant à Nole: & plusieurs signes qui denotoyent telle mort, & n'estoyent difficiles à congnoistre apparurent au parauant. Car le soleil en tout s'esclipsa, & sembla que grand partie du ciel bruslast, & que aucuns solliueaulx flamboyans tombassent du ciel, comettes sanguinolentes furent veues, & le iour auquel auoit esté denoncé que le senat se assemblast fut trouué le palais fermé, & vne sayette tōbée du ciel sur son ymage posée au capitolle defit la premiere lettre du nom de Cesar, au moyen dequoy dirent les Augures que es iours ensuyuans ceste lettre, il participeroit d'une aduerture diuine, considerās que la lettre c, entre les latins signifie cent, & tout le reste du nom entre les Tuscains signifie dieu. Ces choses apparurent auant il encores viuant. Mais aux hommes qui demourerent apres, entra en volunté le fait des cōsulz, & de Seruius Sulpitius Galba, car ceulx la estoient parés de Auguste & cōstituez en dignité, & Galba lequel depuis fut crée empereur, alors au cōmécemēt du moys fut ascript entre les adolescēs: & pource qu'il le premier finie la stirpe de Auguste accepta la monarchie, dōna à croire à aucūs que ces choses ne fussēt aduenues d'auēture, aïs p quelque volūtē diuine.

Auguste

Deces de  
Auguste.

Signes de-  
notans la  
mort de  
Auguste.

Auguste doncques par infirmité mourut, & fut Liue en partie fufpecte que n'eust esté caufe de fa mort, car elle nauigua ocultement en l'ifle ou estoit Agrippe, & luy sembloit & à tous les autres qu'il fust entierement reconfilié avec Auguste. Et dit on qu'elle craignant qu'il ne le feist retourner pour luy laisser l'empire, empoisonna aucunes figues fur l'arbre, duquel Auguste fouloit prendre aucunes pour son manger, & elle ensemble mangeoit celles qui n'estoiet touchées du venin, & presentoit à Cesar les infectes: au moyen dequoy, ou que pour autre cause Auguste deuinft malade, il appella ses compaignons, aufquelz ayant leu ce qui estoit necessaire, finalement dist: le ayant receu Romme de terre vous la laissez faicte de pierres. & cecy dist n'ayant esgard à la magnificéce des edifices, ains à la force de l'empire: & ayât d'eulx requis vng certain bruyt qu'on faict se frappâs les mains côme font les buffons, ou plaisans quasi que fust mort d'ung hiftrion, en ceste maniere par toutes voyes voulut grandement se mocquer de toute la vie de l'homme, & ainsi cestuy, le dixneufiefme iour d'Aouft, auquel iadis fut faict consul, trespaffa apres auoir vescu soixante cinq ans dix moys & vingt six iours, car il nafquit le vingt troiefme iour de Septembre ayant esté en la monarchie apres la victoire Atiaticque quarante quatre ains moins treize iours. Neâtmoins sa mort ne fut incontinent diuulgée, par ce que Liue (craignât que estant encores Tibere en Dalmatie ne se leuaft quelque mutinerie) occulta sa mort iufques à ce que Tibere retourna, & aïsi l'efcripiét la meilleure & plus grâde ptie des hiftrions, bien que aucuns soiét qui dient Tibere auoir esté present à son infirmité, & en auoir esté en partie fufpect. Le corps doncques de Auguste fut porté de Nole par les principaulx de chascune cité: & quand fut pres de Rome les cheualiers le receurent & la nuit le porterent en la cité, & le iour ensuyuant se congregea le fenat, & vindrent les autres vestuz de l'estolle equestre, mais ceulx qui auoient magistrat porterent l'habit consulaire excepté la robe de pourpre. Mais Tibere & Drusus son filz auoiet la robe noire faicte ainsi qu'on a acoustumé en vfer aux contions, & encores sacrifierét d'encés & neyferét de tibicenes & plusieurs se assirét chascun felo sa coustume, mais les consulz estoiet assiz dessoubz sur degrez l'ung en celluy des Preteurs, & l'autre en celluy des tribuns, & depuis fut concedé à Tibere que bien que ne luy fust licite, touchast le corps, & encores l'acópaignast. Ce faict Polibius Cesarius leut son testamét, comme que ne fust licite au fenat lire vne telle chose, par lequel testamét se laiffoyét les deux parties de l'heredité l'une à Tibere & l'autre à Liue (côme aucuns dient) car il demâda au fenat qu'elle encores peust auoir partie de ses biens & luy peust laisser tant encores que luy obftast la loy. Ilz doncques furent inscriptz heritiers: & laiffa plusieurs possesiôs & grâd quâtité de deniers à plusieurs ses parés & estrangers, nô seulement à cheualiers & senateurs, mais encores à roys & au peuple laiffa mille fois dix mil dragmes, & aux souldardz laiffa premierement aux massiers pres de deux cés ciquâte dragmes, & aux ciuilz la moytié, & a l'autre

Ordre de  
la sepulture  
du corps  
de Augu-  
ste.

multitude de ciuile commanda que en feust distribué soixantecinq, & oultre ce aux enfans lesquelz estans petiz, il estoit laissé heritier par les peres, commanda que leur fust tout rendu avec le reuenue qu'ad seroiet deuenuz en aage, chose qu'il faisoit estés encores vif, car si il succedoit heritier d'aucun qui eust enfans, rendoit le tout aux enfans s'ilz estoient en aage, si non, depuis qu'ilz y estoient paruenuz. Or combien qu'il fust tel enuers les enfans des autres, toutefois ne voulut réduire sa fille d'exil, combien que luy eust fait quelques presens, & prohiba qu'elle ne fust ensepuelee en la propre sepulture. Telles choses estoient contenues es testamens: & furent apportez quatre liures que leut Drusus, esquelz estoit contenu, assauoit au premier ce qui s'appartenoit a la sepulture, & au second tous les faitz de Auguste lesquelz commanda que fussent sculpez en colonnes de cuiure dressées pres de son tēple: & le troisieme cōtenoit ce qui appartenoit aux gens d'armes & les reuenuz & despées publiques, ensemble la quātité des deniers qui estoiet en la garde robe & toutes autres telles choses appartenans à l'empire: & le quatrieme contenoit les commandemens & preceptes qu'il faisoit à Tibere, & à la communauté, & entre autres choses qu'ilz ne feissent beaucoup affranchiz, à ce qu'ilz n'empliassent la cité de toute maniere de gent, & n'eussent à inscrire plusieurs en la part de la Republicque, à ce que feust grande difference entre eulx, & les subiectz, & commissent tout le gouvernement des affaires de la Republicque entre les mains de tous ceulx qui le peussent congnostre & faire: & leur conforta qu'ilz n'endurassent qu'elles ne dependissent d'aucun homme, à ce qu'aucun ne tombast en cupidité de tyrānie, ne encores cestuy la trebuschant la Republicque demourast en peril, & leur donna conseil que fussent contens des choses presentes, & ne voulsissent cōmēt que fust augmenter l'empire, par ce qu'il seroit plus difficile à garder, & seroient en peril de ne perdre ce qu'ilz auoiet: & ceste chose fut par luy obseruée non seulement en parolles, mais encores en effect ainsi qu'estoit contenu au liure de ses commandemens.

Les quatre  
liures de  
Auguste.

De la sepulture d'Auguste Cesar, & de l'oraison que fait  
Tibere sur son corps mort. Chap. CXIX.

**D**E puis fut son corps porté en vne litiere faite d'or & d'uoire, couuerte de drap d'or, mais estoit vne effigie de Auguste en habit triumpbant demonstrée & portée hors le palais par ceulx qui deuoient estre en magistrat l'an ensuyuant: & vne autre faite d'or estoit portée hors le senat, & encores vne autre se demōstroit portée en vne charrette triumpante. Apres laquelle estoiet portées les ymages de ses antecessurs & autres ses parés decedez excepté de Cesar, pource qu'il estoit inscrit au nōbre des heroes: & celles encores d'autres Romains qu'auoiet tenu préeminēce cōmēceāt à Romulus estoient pareillemēt portées: & vne certaine ymage  
de

de Pompée le grand y fut veue, ensemble toutes les nations qu'il conquist furent portées painctes selon la similitude des lieux & leurs regions, & apres les autres choses desquelles auons cy dessus fait mention, suyuoient par ordre. Et ayant la lierere esté posée sur le tribunal ou se oroit d'icelluy, Drusus leut vne certaine chose : mais des autres rostres appelez Iulii, Tibere feic vne oraison publicque selon le decret ainsi que sensuyt. Ce qui estoit besoing que fust dit sur ce diuin corps de Auguste de ses parens, par Drusus à esté dit, mais pour ce que le senat bien à ordonné que soit faite vne oraison publicque pour icelluy, ie congnois que conuenablement à moy à esté cest officé commis: Car qui est celluy lequel sceust mieulx traicter les louéges de cestuy cy que moy qui suis son filz & successeur? neâtmoins ie ne me puis confier comme que soye peu inferieur à vostre volonté enuers luy, & de la dignité sienne, mais si ie deuoyz parler entre gens estranges moult craindroyz qu'ilz ayans respect à mon oraison ne pensassent telz estre les faitz, mais ie me conforte que parleray entre vous qui congnoissez le tout exquisement, & auez experience de tous les faitz, pour lesquelz le reputez digne de telles louenges: car vous ne iugerez sa vertu par mes parolles, ains plustost par vostre cōgnoissance ayderez mon sermon supplians mon defaict par vostre memoire & souenance des faitz de ce deffunct, en maniere que en ce Auguste obtiendra vne louenge commune de tout hōme, & de moy, lequel comme en vng chueur metteray les sommaires chapitres, & de vo<sup>9</sup> lesquelz correspōderez tout ce q restera: par ce que ie ne crains aucunement cela que vous ne blasmez vne certaine mienne debilité par laquelle ie ne puis adiouster ne satisfaire à vostre desir, ou que vo<sup>9</sup> n'ayez enuie à l'excelléce de la vertu de cestuy. Car q est celluy lequel ne cōgnoisse que si to<sup>9</sup> les hōmes se reduisoyét en sēble ne pourroyét dire cōuenables louéges de luy? & chascū de vo<sup>9</sup> luy cōcederoit volūtiers la victoire plustost que luy portās enuie n'estre à luy esgaulx: & plustost vo<sup>9</sup> resiouyssiās de sa préeminéce, p ce que de quāt il sēblera plusgrād que vo<sup>9</sup> tāt plusgrād benefice vo<sup>9</sup> sēblera auoir receu, en maniere que ie n'acquerray haine pour ce ou sēblerez estre inferieurs à luy, aīs plustost à vo<sup>9</sup> sensuyura ornemēt p les benefices receuz de luy. Et ie feray mō cōmēcemēt la ou premierement il cōmēca à gouverner la republicque, cest assauoir à son premier aage, car ceste est l'une des grandes œures de Auguste, que estant peu auant sorty d'enfance, & entrant en adolescence, ce temps auquel la republicque estoit bien administrée de ce Cesar diuin, se desdia à l'estude de science: mais depuis que ayant esté trahy Cesar toute la Republicque fut troublée, & qu'il eust faite suffisante vengeance de son pere, & à nous par necessité de secours ne craignant ne la multitude des ennemys ny la grandeur des affaires, ne estant paresseux pour sa puerice. Et quel fait semblable feirent oncques ne Alexandre, ne Romulus nostre? lesquelz deux, estans ieunes, semblent auoir fait choses excellentes, toutefois ie lairray les faitz de ceulx cy, à ce que

vou-

Oraiso  
faite  
par  
Tibere  
sur  
le  
corps  
de  
Auguste.

voulant a comparer & assimilier Auguste à eulx & sur tant entre vous lesquels non moindre congnoissance que moy mesmes ne semblaſſe diminuer la vertu? mais si ie le mettois à l'encontre de Hercules seulement en ceste maniere sembleroyſ droittement parler, neantmoins de tât errerois de mó intétion de quât Hercules estât petit enfant occist des serpés, & depuis aucunemét creu occist vng cerf & vng pourceau siluestre, ensèble vng lion, & ce mal volútiers & par cõmandemét d'aultruy: mais cestuy cy faisant batailles & s'exercitant non entre bestes, ains hommes, sauua la Republicque diligé- ment & se acquist grád gloire. Et certes pour ceste cause le esleustes preteur & le desſeignastes cõsul estant en cest aage auquel aucús ne veulent encores aller à la guerre. Cecy fut le commencement de la vie ciuile de Auguste, & à moy, de mon sermon. Depuis il voyant que la plusgrand & meilleure partie du peuple adheroit à luy, & que Lepide, Anthoine, Sexte, Brutus & Cassius vſoyent de certaines seditions, & ne craignât que la cité estant defſaiete en diuerses guerres & especiallement ciuiles, se consummast, en maniere que depuis ne se peult restaurer, gouerna les affaires tresprudémét & avec grât amour de la Republicque, par ce que s'estât opposé aux puiffans & ceulx qui estoient contre la cité mesme les vainquit en bataille, & autres encores avec eulx: & estât ceulx cy aucunemét escartez vne autreſſois no<sup>9</sup> deliura de leurs maïs pour sauuer la plusgrád ptie. Et ayant encores esleu de se porter en ceste sorte chascun d'eulx: que ne luy fust necessaire de combattre ensemble avec tous, pour lesquelles choses priuément ne fait aucun gaing, mais à nous tous donna tresgrand vtilité. Et quant au regard des guerres ciuiles, & estrangeres par luy gouvernées, qu'est il besoing plus longuement parler, especiallement les ciuiles ne deuroient estre aduenues du commencement, ains les autres ont donné plusgrand vtilité que exprimer se peult pour les choses cõquises. D'auátage la plusgrád partie d'icelles se attribue à fortune, & ont esté faites & paracheuées avec l'ayde de plusieurs citadins, & alliez, si que la louége est cõmune à eulx & à Auguste, & écores se pourroiet cõparer aux faitz d'aucuns autres, parquoy les lairray sans en faire recit, mesmémét pour ce que les pouez lire insculpées en plusieurs lieux: mais les œures lesquelles sont sur tout de Auguste, & n'ont esté faites d'aucun autre homme & ont preserué nostre cité, non seulement de plusieurs & diuers perilz, mais encores l'ont faite plus riche, & plus puiffante, de celles seules feray mention: par ce que estans dictes, à icelluy donneront vne gloire singuliere, & à vous les plus vieulx vne delectation louable, & aux plus ieunes vne doctrine exquisite de la maniere & constitution de la republicque. Cest Auguste doncques, auquel pour semblables choses auez imposé ce nom, apres qu'il eut diligemment despesché les batailles ciuiles, fait, & enduré non ce qu'il eust bien voulu, ains comme fut le plaisir de Fortune, premieremét garda la plusgrád ptie de ses aduersaires demourez de la bataille ne voulât en chose aucune imiter ce Silla appellé heureux: & à ce que ie ne nombre tous ceulx la,

qui

Qui est celluy lequel ne faiche de Soscius & de Scorus frere de Sexte, & de Lepidus, mesmes, lequel apres auoir esté prins vesquit si long temps & perseuera au pontificat durant toute sa vie? Depuis, cestuy cy ayant hõnõre ses amys de plusieurs & grãdz presës ne leur laissa faire aucune chose ne superbemët ne iniurieusement. Mais vous en ceste partie congnoissez entre les autres Mecenas & Agrippe en maniere qu'il n'est besoig que d'eulx face mention. Cestuy eut ces deux choses qui oncques ne furent en nul autre homme, par ce que ie scay comme les autres ont pardonné à leurs ennemys, & aucüs n'ont permis à leurs amys que facent iniure à autruy, touteffois toutes ces deux choses ne furent iamais trouuées en aucü. Et en tesmoing de ce, Silla & Marius eurent encores pour ennemys les enfans de ceulx qui leur auoient esté contraires en la bataille, parquoy qu'est il besoing faire mention des autres hommes de moindre qualite? Mais Pompée & Cesar se abstindrent en tout de ce, neantmoins permirent à leurs amys de faire choses contre leurs coustumes: mais cestuy cy en telle sorte mesla & tempera l'une & l'autre de ces deux choses qu'il demonstra à leurs aduersaires leur perte auoir esté victoire, & aux amys & aliez sa vertu auoir esté heureuse: lesquelles choses ainsi faictes & auoir reduict en paix to<sup>9</sup> les sedicieux qui resterent avec humanité, & moderé tous les iouldardz victeurs avec benefice, & pouat tãt pour ce que pour les armés & deniers luy seul sans aucun doubte estre seigneur de tout comme pour les affaires mesmes, il l'estoit, neantmoins ne le voulut accepter, ains cõme vng bon medecin lequel eust prins en sa charge le corps malade, l'ayant guery en tout le vous rendit tel que nous pouons bien le comprendre, par ceste raison, que noz antecessours louerent Pompée & Metellus, lesquelz estoient alors inferieurs par ce que volontairement delaisserent les gens d'armes qu'ilz auoient tenuz soubz leur charge en la guerre. Si doncques ceulx la ayans petite puissance & seulement à temps, & oultre des aduersaires, qui ne leur laissoient faire aucune chose telle, firent ce, & de ce furent louez, quelle pourroit estre si grand magnanimité que fut celle de Auguste? lequel ayant tous v<sup>z</sup> gens d'armes qui estoient en si grand nombre & ne craignãt ny souspeconnant d'aucü, mais ayant en son arbitre de prendre la monarchie, avec le consentement de chascü, ne le voulut faire, ains remist en public les armes, les gës & les deniers. Parquoy vo<sup>9</sup> faisãs tresbié & ayans bon regard ne l'endurastes & ne luy concedastes la vie priuée, mais cõme congnoissans bien que l'estat populaire ne seroit conuenable à telz affaires, & que la presidence d'ung homme grãdement la pourroit garder, en parolles vous laissastes la liberte, mais en effect les premieres seditions: & celluy lequel auez prouué en ses mesmes faictz contraignistes estre par certain temps vostre president: au moyen dequoy de la en auant ayãs prins de luy plusgrande experience, pareillement le contraignistes, la seconde fois, la troisieme, la quatrieme fois & la cinquiesme demourer au gouuernemët de la republicque & moult raisonnablement. Car qui est celluy lequel ne es-

leust d'estre faulvé sans pensemens, & de vser habondamment des biens de la Republicque sans participer des cures & sollicitudes qu'on a pour icelle: Et qui a esté celluy lequel aye mieulx gouverné sa propre famille, ne dictz les autres hommes, que Auguste ceste cité: lequel print sur sa charge à garder & conseruer les peuples aspres & belliqueux, mais les autres doux & pácifiques vous rendit, & il maintenát si grand quantité de souldardz perpetuelz pour la deffence vostre ne voulut que fussent graues & molestes à aucun de vo<sup>9</sup>, ains y dóna tel ordre que cõtre les estrágers fussent gardes tresqueterribles, mais contre les propres, desarmez & debiles: & aux senateurs n'osta la fortune des sortz ne les hõneurs & dignitez, ains d'auantaige leur preposa salaires & remunerations de leur vertu: ne encores es deliberations les interrompit en leur puissance de determiner, mais encores leur adiousta la liberté du parler, & ayant trásseré du peuple la difficulté de iuger à la diligence des iuges ordonnez leur conserua la dignité qu'ilz auoyent es comices, & en ceulx encores au parauant estans contentieux leur enseigna estre seulement cupides d'honneur, & ayant resecqué la superhabondance de leurs ambitions leur rendit à l'encontre la bõne estime: & augmentant modérément ses deniers apres les despendoit pour l'utilité publicque, & ayant cure des affaires publicqs comme des siens propres s'en abstenoit comme des communs, & il renouellát toutes les ceüures fabricquées ne priua aucun des conditeurs de sa gloire, & maintes en ediffia de nouuel, partie en son nom & partie au nom d'autres, & aucunes commist à autres que les ediffiasent ayant respect en toutes choses à l'utilité publicque, & ne portant enuie à nul de sa gloire. En oultre chastiant les siens sans remission aucune, les pechez des autres reconnoissoit humainement, & ceulx qui auoyent quelque vertu sans enuie les laissoit faire à luy egaulx, & les autres qui menoyent autre vie ne les chastioit, mais de ceulx qui luy dresserét insidies ceulx la seulemēt condamna qui viuoyent sans aucun commode propre: mais les autres en telle maniere traicta que par long temps nul peut prendre ne vraye ne faulse occasion de le trahir. Et n'est merueille si aucunes fois il fut insidié, par ce que les dieux encores ne peuvent complaire à tout homme, mais la vertu de ceulx qui regnerent bien, se demonstre non par les malefices des autres, ains par leurs propres portemens. I'ay narré (ô Romains) sommairement les tresgrandz & tresplendides faictz de cestuy cy, car si lon vouloit exquisement les nombrer vng apres autre seroit necessaire cõsumer plusieurs iours. Et ie scay que de moy orrez ces choses seulemēt, mais de vous mesmes vo<sup>9</sup> recorderez des autres, en maniere que par vng certain moyen iesembleray d'icelles écores auoir plé, bié que autremēt n'a esté mō fermó sur les faictz de Auguste, ne vous les auez ouyz par aucune iactance, ains plustost à ce que ses faictz lesquelz sont grandz & preclares ensuyuent vne gloire éternelle en voz entendemens: car qui est celluy qui ne se reduise en memoire des senateurs, aufquelz il resequa leur surperfluité apte à sedition, & par ce magnifia

Meurs de  
Auguste.

les autres avecq augmentation d'honneur, & les fait riches avecq presens de deniers, avec lesquels il egallement donnoit son oppinion & sentence, & avec lesquels se transféroit, ausquelz se quelques fois demouroit en son hostel ou au palais à cause de l'age ou infirmité, appellant à luy tantost ceulx cy & puis ceulx la, communicquoit tous les affaires tresgrandz de plusgrad importance & moult necessaires. Qui ne se souuiédroit des autres Romains ausquelz il prepara œuures, deniers, ieux, congregations, licence & habondance des choses necessaires, feurté non seulement d'ennemys & mal faicteurs, mais encores des cas fortuitz qui aduiennent tant de nuit comme de iour, les vngs des confederez ausquelz il fait la liberté seure & sans peril, & la compagnie sans peine: & les autres des subiectz nul desquelz fut oncques iniurié & blasmé avec parolles. Et qui pourroit oublier celt homme lequel priuément estoit pource, mais pour le bien public riche, & lequel quant à soy mesmes estoit chiche, & quant aux autres liberal & splendide, & lequel tousiours soustenoit tout peril pour nous, mais ne permettoit que nul de nous lay feist compagnie en aucun lieu quand il se departoit, ne aussi qu'on allast au deuant de luy quand il retournoit, & au temps de la feste recepuoit le peuple en son hostel: mais les autres iours saluoit les senateurs dans le mesme senat. Comment se oublieroit aucun du peuple, & de la diligence des loix, lesquelles estoient suffisant foulas aux iniuriez, & à ceulx qui estoient auteurs de l'iniure ne impositoit peine inhumaine comme des salaires preposez aux mariez, & à ceulx qui auoyent enfans, comme des salaires donnez aux souldardz sans l'ennuy d'aucun autre. Et qui mettroit en oubly comme il se contentoit des choses vne fois determinées, & ne vouloit proceder plus oultre, à ce que nous pensans acquester d'auantage ne perdissions ce que nous auions. Et comme qu'il avec ses tresamys tousiours se congratuloit, & se condeuloit, & conuer soit avec eulx tant es choses ioyeuses que d'importance. Et comme il concedoit à tous ceulx lesquels peussent penser aucune chose vtile, que liberelement en conferassent avec luy. Et comme il louoit ceulx qui luy disoyent la verité, & auoit en hayne les flatteurs, & donnoit plusieurs de ses choses propres aux autres, & tous les biens qui luy estoient laissez par aucuns ayans des enfans les rendoit à iceulx enfans mesmes. Ces telles choses come pourroyent elles iamais preterir p obliuion des homes, considéré que pour icelles l'avez raisonnement fait presidēt & pere de la Republicque & l'avez exalté tant d'autres préeminences come de la dignité consulaire, & finalement l'avez declairé pour vng demy dieu & demonstré pour immortel. Il ne vous conuient doncques le pleurer, ains seulement rendre le corps à la nature & glorifier son ame comme d'ung dieu. Ayant Tibere parlé ceulx qui portoyent la litiere la leuerent de terre & la porterent ainsi que par le senat auoit esté déterminé par les portes triumphalles, & alors estoient presens, & aydoyēt à le porter les senateurs & cheualiers, ensemble leurs femmes, les massiers & tous les autres qui lors se

trouoyent en la cité. Et apres qu'il fut posé en la Pire au champ de Mars, premierement les prestres la circuïrent tout à l'entour, & apres les cheualiers & ceulx qui estoient en magistrat, & les autres avecq les autres deputez es presides couroyent tout à l'entour gettans sur son corps tous les signes de victoire qu'ilz auoyent receuz de luy pour quelque noble fait: apres les centurions ayas prinſes les facelles qui auoyent esté données aux senateurs mirent le feu en la Pire, laquelle incontinent commença à flamboyer. Et en cest instant vne aigle laschée de quelque endroict opportun se print à voler en hault par dessus la Pire comme si elle eust emporté son ame au ciel. Ce fait les autres se departirent. Mais Liuie estant illec demourée par l'espace de cinq iours avec les principaulx cheualiers, assembla toutes ces choses & les mit en la sepulture. Et le pleur des hommes s'uyuât la coustume dura non par l'ogee espace: mais les femmes selon le decret le pleurerēt vng an entier, mais en verité au commencement non guieres, mais depuis tout homme en eut tristesse, car il donnoit facile acces à luy & à chascun, & à plusieurs donnoit deniers, & honnoroit supremement ses amys & se resiouissoit grandement de la licence de leur parler, & ce en est vng vray tesmoignage outre les choses predictes que vne fois Attemodorus en vne charrette couuerte s'estant fait porter en la chambre de Auguste comme qu'il fust vne femme apres sortit dehors tenât vne espée nue en sa main, disant: n'as tu point de paour que par telle voye quelqu'ung n'entre ou tu seras & te occie? de ce fait ne se courrouca aucunement. D'auantage gardoit la foy encores à ceulx qui ne la meritoient: parquoy estant autre fois moult courroucé contre Crocotte larron moult puissant en Espagne promist deux cens cinquante mil à qui le prendroit vif: mais depuis se presentant luy mesmes ne luy feit aucū mal, ains outre le feit riche de ces deniers. Pour ces choses doncques, & pource qu'il auoit meslé la monarchie avecq l'estat populaire leur garda la liberté, & donna ornement & feurté à la cité, en maniere que les Romains se voyans liberaes tant de la temerité populaire que des violences tiranniques & vniuerselles en vne liberté moderée & monarchie seure, estans regiz sans seruitude & gouernez par peuple sans sedition, le desiroient tresgrandement, car encores que aucū se recordassent des maux soustenuz es batailles ciuilles, neantmoins attribuoyent l'occasion d'iceulx à la necessité du temps, & reputoyent iuste chose de iuger l'entendement de Auguste plus tost depuis qu'il fut seur en la principaulté que au parauant, par ce qu'il y auoit grād difference en ses faitz: & si on les veult precourir vng apres autre, on trouuera ce estre vray. l'escriptz vng sommaire de chascun d'iceulx comme qu'il feit cesser toutes les seditions & vint à reduire la Republicque en vne tresbonne forme & la feit tressorte, en maniere que si fut faicte aucune chose trop violente plustost deuous encoulper la condition des affaires que Auguste. Et à sa gloire non mediocrement conféra la l'ogeur de sa principaulté, pour autant que des gentilz hommes donnez à l'estat populaire la plus-

Crocotte  
larron.

grand partie & plus puissans estoient mortz: mais les posterieurs n'ayans aucune congnoissance de cest estat & moult assueffactz es choses presentes seules; non seulement ne s'aggrauoyent d'icelles comme acoustumées, ains plustost s'en resiouissoient les voyans meilleures & plus seures que celles qu'ilz auoyent ouyes. Et ce congnoissoient tresbien, viuant encores Auguste, touttefois le congneurent encores mieulx depuis sa mort, car cest la coustume des hommes de ne sentir leur felicité quand ilz en rouyissent; mais quand l'ont perdue la desirent: ce que encores aduint enuers Auguste, par ce que prouans depuis Tibere n'estre semblable à luy, le desiroyent. Et incontinent les hommes saigés auoyent peu preueoir la mutation de l'estat premier: car Pompée consul festant mis en chemin, comme qu'il voulust aller contre ceulx qui portoyent le corps de Auguste, se rompit la iambe; & fut remporté avec icelle d'extremement, & de rechief vng aloec se posa sur le palais le premier iour que le senat siegea apres la mort de Auguste ou il feist des cris moult sinistres. Si grand difference doncques se trouua entre ceulx cy que aucuns eurent suspect de Auguste, qu'il de industrie congnoissant la nature de Tibere, le laissa pour son successeur, à ce qu'il fust plus glorieux: mais toutes ces choses depuis se commencerent à diuulguer: & alors l'ayant fait immortal luy determina faulteurs & temples, ensemble le sacrifice nommé Liuié, & l'autre appellé Iulles, lequel maintenant est nommé Auguste. Et fut concedé à Liuié qu'en ces sacrifices elle peust vser d'ung litteur: mais elle donna à vng Humerius senateur Athenien qui auoit esté Preteur, deux cens cinquante mille dragmes, pource qu'il assermoit auoir veu voller au ciel Auguste. Ainsi encores qu'on dit de Proculus & de Romulus, & à luy dans Rome fut assigné par decret du senat vng temple de demy dieu, lequel depuis fut ediffié par Tibere & Liuié: & ainsi en furent ediffiez en plusieurs autres lieux, les aucuns du consentement des peuples, & autres contre leur volonté. Et l'hostel auquel il trespassa en Nole luy fut consacré. Et ce pendat qu'ilz faisoient son temple en Romme ilz poserent son ymaige d'or sur vne litiere dans le temple de Mars, à laquelle ilz feirét toutes les ceremonies qu'ilz debuoyent apres vser en sa statue: & luy furent ces choses determinées par decret, & que son ymage ne fust portée par Pompée es obseques d'aucun, & que les consulz feissent faire ieux en son iour natal comme es festes de Mars, & que les Tribuns comme sacrez celebrassent les festes appellées Augustalles, lesquelz feirent encores les autres choses selon qu'il estoit acoustumé, car ilz porterent robes triumphalles au cours des cheuaulx, touttefois ne monterent en charrette. En oultre Liuié fait vne congregation solemnelle separée des autres dans le Palais, laquelle à acoustumé estre faite la deuxiesme par ceulx qui sont empereurs. Pour Auguste doncques telles choses par le senat en parolles, mais en effect par Tibere, & Liuié, furent faictes, par ce que estans diuers ceulx qui introduisoient

diuerses

Sacrifice  
nommé  
Liuié.

Humerius  
senateur  
Athenien.

diuerſes choſes ſembla aux Senateurs que Tibere recepuant leurs eſcriptz, eſleuſt hors ce que bon leur ſemblaſt. I'ay adiouſté le nom de Liue, pource qu'elle prenoit ſur ſoy les affaires comme emperiere. Et en ce temps vng de la multitude des faulteurs qui ne vouloit entrer au theatre durant les feſtes Auguſtalles pour vng certain pris ordonné, commença à faire ſeditious, & ne ceſſerent que premierement les Tribuns ce meſme iour ne congreaſſent le Senat, lequel ilz prirent leur eſtre permis de pouoir deſpendre plus qu'on n'auoit acouſtumé. Telles choſes furent faiçtes au temps de Auguſte.

..

Hh iii


# Le Cinquante septiesme liure

DE DYON, HISTORIEN GREC,  
Traduict d'Italien en Francois.

En ce liure est traitee des coustumes de Tibere, & comment Capadoce fut soubz mise à l'empire Romain, puis traitee de la mort de Cesar Germanicq.



Des coustumes de Tibere.  
Chapitre CXX.



Tibere fut gentil homme & de scauoir, neantmoins vloit d'une nature moult estrange, car il ne faisoit aucune demonstration de ce qu'il desiroit, mais par moyen de parler il ne vouloit aucune chose qu'il dist, ains tous ses propos estoient contraires à son vouloir, & nyoit ce qu'il desiroit, & par le contraire ce qu'il auoit en hayne faignoit de luy estre agreable, & se faignoit courroncé pour choses qui ne le troubloient aucunement, & à ceulx qu'il pugniffoit griefuement demonstroit en auoir misericorde, &

& à ceulx qu'il p'donoit se demostroit aspre: & si aucunes fois gar doit ceulx qui estoient ses tresqu'ennemys comme que luy fussent tresamys, & si faingnoit ne congnoistre ceulx qui luy estoient tresagreables. Et vniuersellemēt ne pensoit estre vtile à vng seigneur que les hommes congneussent sa p'sée, pource qu'en ce il pourroit p'dre plusieurs choses: mais estât secret plusieurs & plus grandes luy viendroyent à effect. Et si cestuy cy n'eust eu autre chose que cela, facilement se fust peu entendre de ceulx qui l'eussent voulu experimenter, car tousiours eussent pensé le cōtraire de ce qu'il demonstroit: mais maintenant se courrouçoit si quelqu'ung faisoit semblant de l'entendre, si qu'il en fait mourir plusieurs ausquelz ne pouoit imputer autre chose sinon qu'ilz l'entendoyent, par quoy mauuais estoit à ne l'entendre, par ce que plusieurs erroient confirmans ses parolles & ne attendans à la volonté intrinsecque. Mais pire encores estoit à l'entendre, pource qu'ilz luy venoyēt en soustpecon qu'ilz n'entēdissent ses praticques, & par ce luy fussent ennemys. A ceste cause cil estoit bien (chose qui peu souuent aduient) lequel n'estoit ignorant de la nature de Tibere, ny encores la reprouuoit, pour autant qu'en ce moyen ne croyans à ses parolles estoient deceuz, ny demonstres de l'entendre luy venoyent en hayne. Estoit doncques en grād confusion si vng cōtredisoit ou cōfirmoit ses parolles, p' ce que aucunes choses voulant veritablement que fussent faictes aucunes sembler de vouloir en l'une & l'autre de ces deux, auoit plusieurs cōtraires. Au moyen dequoy les aucūs auoit en hayne pour le vray, & les autres pour l'apparence. Et pource il estant tel, incontinent escripuit de Nole comme empereur aux exercites & nations ne se disant toutes voyes estre empereur, par ce que luy ayant ce tître esté confirmé par decret avec certains autres ne le voulut accepter. Et auoir prins l'heredité de Auguste ne voulut accepter ce surnom. Et tenant desia les gardes pres sa personne pria le senat qu'il le voullist ayder, à ce que aucune violence ne luy fust faicte lors qu'il étēdroit à faire inhumer le mesme Auguste, pource qu'il craignoit que aucuns desrōpans le corps au mylieu de la place, comme feirent iadis le premier Cesar, apres le bruslassent. Et pource que vng certain facetieux interpreta ceste demande qu'il voullust vne garde pour soy cōme qu'il n'en eust point d'autre, Tibere entēdit son traicté, luy respondit, les souldardz ne sont pas à moy, ains du peuple. Il doncques disposa les choses en ceste sorte. Et en effect gouvernant le tout comme empereur, disoit n'auoir besoing de l'empire. Et au commencement disoit en tout le reffuser à cause de son aage, car desia auoit cinquante six ans: & encores pour le defect de la veue, par ce qu'il veoit mieulx de nuict que de iour. En apres demanda aucuns compaignons non de tout l'empire, ains ainsi qu'est obserué en l'estat de peu qui gouvernent, ains l'ayant diuisé en trois parties vne en demandoit pour luy, & les autres laissoit aux autres: l'une desquelles estoit Rome & l'Italie, l'autre les exercites, & la derniere les subiectz.

Puis doncques qu'il inſtoit avec pluſieurs, les autres quaſi le contredifoient, & le prioyent qu'il vouluſt prendre tout l'empire. Mais Afinius Gallus qui vſoit au parler la liberté de ſon pere, & aucunesfois plus que ne luy eſtoit vtile, luy diſt: Eſlize laquelle part que plus te plaira. Tibere luy reſpondit: Comment eſt il poſſible que vng meſme eſliſe & face les diuiſions? Alors Gallus congnoiſſant ſon erreur de parolles, voulut mitiguer Tibere, diſant: Le t'ay ce propoſé non comme qu'il te ſoit licite eſlire par tierce partie: mais comment eſt il poſſible que l'empire ſe diuiſe? neantmoins en effect ne le peut mitiguer: ains ayant auant enduré pluſieurs maux, depuis fut occis, car encores au parauant l'auoit en hayne, pource qu'il ſ'eſtoit conioinct par mariage la femme qui premierement fut de Tibere, & ſ'eſtoit adopté Druſus pour filz. Or pource que Tibere eſtoit naturellement diſpoſé, ainſi qu'auons dit, & pource qu'il auoit ſuſpectz les exercites de Pannonie & Germanie, & craignoit Germanicq à cauſe qu'il eſtoit preſect de Germanie & aymé en la prouince, car les exercites qui eſtoient en Italie auoit auant preoccupez par la vigueur du ſerment fait ſoubz Auguſte: demouroit en differend, à ce que ſ'ilz faiſans quelque nouuelleté fuſſent victeurs, il ſe ſaluauſt comme homme priué. Et ſouuentefois pour ce reſpect faignoit d'eſtre mallade, & demouroit en l'hoſtel, afin qu'il ne fuſt contrainct de dire ou faire aucune choſe ſecrette. Et ie autresfois ouys dire que à cauſe de Liue eſtoit dit auoir cherché l'empire, & neantmoins contre la volonté de Auguſte faignoit de ne le vouloir accepter, à ce qu'il ne ſemblat de l'auoir receu de celle qui luy eſtoit en grand hayne, ains d'auoir eſté contrainct par le ſenat comme qu'il par ſa vertu fuſt plus excellent que tous. Et d'auantaige ie ouys dire qu'il voyant les hommes luy eſtre non trop beniuolles, attendoit à veoir que les hommes ne feiſſent nouuelleté, ſoubz eſperance qu'il volontairement laiſſeroit l'empire iuſques qu'il euſt tout en ſa poiſſance. Mais ie puis ainſi affermer ces choſes auoir eſté la cauſe de ſa deliurance comme ſa couſtume naturelle, & le mouuement des gens d'armes, car incontinent ayant enuoyé vng meſſaiger de Nole fait occir Agrippe, & diſt ce n'auoir eſté fait de ſon conſentement, & combien qu'il menaſſat celluy qui l'auoit fait, neantmoins ne fait aucune vengeance de luy, ains laiſſoit parler les hommes en diuerſes manieres, les aucuns diſoyent Auguſte auoir à ſa mort commandé qu'il fuſt occis, aucuns autres que le Centurion qui faiſoit la garde de luy meſme de ſon propre inſtinct l'occist pour ce qu'il vouloit faire quelque nouuelleté, & autres que Liue, & non il, auoit eſté cauſe de ceſte mort. Ainſi ſe deſpeſcha de ceſtuy cy incontinent, mais auoit tresgrand paour de Germanic, par ce que encores les gens d'armes de Pannonie ſ'eſtoient leuez en mutinerie ſi toſt que furent aduertiz de la mort de Ceſar. Et eſtans entrez enſemble en vne fortereſſe, & icelle fortifié firent

Agrippe  
occiz.

feirent plusieurs seditions, car oultre les autres choses ilz tempterent de mettre à mort Iunius Blaius leur cappitaine, & ayans prins ses seruiteurs les tormenterent, & en tout ne vouloyent exerciter la soule plus de seize ans, demandoient vne dragme pour iour, & requeroient que les sallaires deubz leur fussent incontinent deliurez en ce lieu, & silz ne leur estoient donnez, menassoyent de faire rebeller toutes ces nations, & de les conduyre à Rome. Toutefois ilz finablement persuadez par Blaius, enuoyerent pour ce fait ambassadeurs à Rome, car ilz esperoyent d'obtenir ce qu'ilz demandoient, faisans paour à Tibere, ou donnans l'empire à vng autre. Et depuis estant à eulx suruenu Drusus avec multitude de gens d'armes, se conturberent voyans que aucune chose certaine ne leur estoit donnée, & naurerent aucuns de ceulx qui estoient avecq Drusus, & meirent gardes autour de sa personne, à ce qu'il ne se meist en fuyte de nuict: mais voyans l'esclipse de la lune se remirent tous, en maniere qu'ilz ne feirent depuis aucun mal, ains enuoyerent de rechief autres ambassadeurs deuers Tibere, & ce pendant suruenue vne grand tempeste, pour laquelle chascun se retira aux propres stations, Drusus print les plus temeraires d'entre eulx, & les feit mourir dans son pauillon, car il les enuoya querir comme qu'il voulust traicter autres negoces. Et par ainsi furent tous les autres appeaisez, si que aucuns furent pugniz comme ceulx qui auoyent esté auteurs de la sedition, & les autres pacifiez. En ce mesme temps plusieurs souldardz ralliez en Germanie pour cause de la guerre, voyans Germanicq Cesar beaucoup meilleur que Tibere ne pouoient demourer en paix, ains requerans semblables choses que faisoient les autres, accusferent Tibere, & nomerent Germanicq empereur: mais Germanicq leur ayât fait plusieurs remonstrances, & ne les pouant d'icelles pacifier desgaina son espée comme qu'il se voulust soy mesme occir, ce que voyans tous les autres commencerent à faire grand cry pour la compassion qu'ilz en auoyent: & vng homme d'armes monstrant son espée luy dist, Prés ceste cy, car elle est plus ague, toutefois n'eut la hardiesse de se tuer soy mesmes tant pour autres respectz cōme pource que biē ql mourust, neâtmoins scauoit qlz se retourneroyent encores à faire sedition: toutefois ayant fait aucunes lettres comme qu'elles luy eussent esté enuoyées par Tibere leur donna les dons laissez par Cesar duplicquez cōme enuoyez par Tibere, & si deliura de la gendarmerie ceulx qui desia estoient hors d'age, car la plus grād partie d'iceulx estoient de la multitude ciuile, lesquelz furent esleuz par Auguste apres la destruction de Varron. Ainsi doncques ayans ces Germaniens fait sedition furent pacifiez. Depuis ambassadeurs de l'ordre senatoire enuoyez par Tibere, ausquelz seulz auoit dit ce qu'il vouloit estre recité, par ce qu'il scauoit biē qlz leur diroyent ce ql pésoit, & ne voulut que oultre ce ne ilz ne

Agrippine  
femme de  
Germaniq  
& Gaius  
Calligula  
pris par  
les mutins  
de Germa  
nie.

Tibere eussent autre cure : & iceulx arriuez les souldardz ayans entendu la station de Germanicq , & doubtans que les ambassadeurs ne fussent venuz pour destruire les choses par luy faictes, de rechief s'esmeurent à faire sedition , & quasi qu'ilz n'occirent aucuns ambassadeurs , & sur ce faisoient instance , & prindrent Agrippine femme de Germanicq & fille de Agrippe , & de Iullie fille de Auguste , & son filz Gayus Calligula , à cause qu'il vsoit de soliers militaires appelez calligues , pource qu'ilz auoyent esté enuoyez en vng certain lieu par Germanicq : neantmoins deliurerent Agrippine enceinte, de ce priez par Germanicq , mais retindrent Gayus. Toutefois apres quelque consummation de temps , voyans qu'ilz ne pouoyent faire aucune chose demurerent en paix, & feirent si grand mutation qu'ilz mesmes prindrent les plus audacieux d'entre eulx , partie desquelz ilz mirent à mort secrettement , & partie publicquement . En apres suyuant la volunté de la plus saine partie , les aucuns taillerent en pieces , & aucuns furent deliurez. Quoy voyant Germanicq, & craignant que vne autre fois ne suscitassent quelque sedition , entra en la terre des ennemys ou il demoura certain temps les tenant en l'exercice des armes, & leur donnant viures en grand coppie prins sur les ennemys. Et il pouant recepuoir l'empire comme celluy qui auoit la beniuolence de tous les gés d'armes & subgectz, toutefois ne le voulut accepter. Mais Tibere le loua de ce & luy enuoya, & à Agrippine, plusieurs presens, neâtmoins ne se contétoit de ce que auoit fait Germanicq, ains plustost en auoit paour comme de celluy que festoit plus approprié les gens d'armes, & ne pensoit que ceste autre fust la vraye intention de Germanicq pensant de soy mesme que souuent estoit disoit vne chose , & en faisoit vne autre , au moyen dequoy auoit en suspect Germanicq, & sa femme, pour ce qu'elle auoit couraige esgal à sa parentelle: toutefois ne faignit de leur porter mauuaise volunté, ains recommanda grandement Germanicq dans le senat , & si ordonna que pour luy fussent faictz sacrifices comme auoyent esté faictz pour Drusus: & aux souldardz qui estoient en Pannonie donna les mesmes dons que premieremét Drusus leur auoit donnez: mais le temps ensuyuant ne voulut faire exemptz de la soude, ceulx qui faisoient faictz d'armes hors de Italie auant qu'ilz eussent par l'espace de vingt ans acompliz suyuy la gedarmerie: toutefois depuis qu'il n'entendit que se feist aucúe nouuelleté, ains que toute la puissance des Romains festoit reduicte en luy, alors accepta l'empire sans aucune dissimulation, lequel ce pendant que Germanicq vesquit administra en ceste maniere. Il de par soy ne faisoit aucune chose, mais toutes les affaires publiques refferoit au senat, & avec icelluy communicquoit: car il auoit faict edifier vng tribunal en la place, ou il seant traittoit des affaires, & tousiours prenoit des conseillers en sa compaignie selon la coustume de Auguste , neantmoins ne faisoit aucune chose grande qu'il n'en communicquast

Comment  
Tibere ad  
ministra si  
la repu-  
blique.

municquaft avec les autres, & difant en public fon oppinion, non feulement donnoit liberté à chascun de luy pouoir contredire, ains encores aucunesfois enduroit que fuffent faitz decretz cõtre fa volunté, car encores il fouuenteffois donnoit les febues. Mais Drusus efgallement avec les autres aucunesfois auant, & aucunesfois apres eulx, faisoit cela. Et pareillement Tibere aucunesfois faisoit le premier, ou apres aucuns autres, ou le dernier, & aucunes choses demonstroit appertement, mais en la plusgrand partie, à ce qu'il ne semblaft oster la liberté de parler à aucun, disoit; Si i'eusse voulu que ce fust fait cecy ou cela, en eusse fait demonstration: & estoit cela à dire, qu'il auoit efgalle puiffance avecq les autres. Neantmoins les autres n'estoyent empeschez qu'ilz ne peuffent dire leurs aduis: mais fouuenteffois Tibere sentencioit en vne sorte, & les autres apres luy determinoyent le contraire, & obtenoyent contre luy, dont il ne se courroucoit aucunement. Il doncques iugeoit en la maniere deuantdicte, & aucunesfois alloit au tribunal des autres magistratz ou meu de soy mesmes ou appellé par autres, & laissoit ces iuges feoir en leurs places, & se mettoit en la chaize à eulx opposite, & disoit ce que bon luy sembloit comme Suprastant, & faisoit toutes les autres choses par mesme moyen, car il ne permettoit que les libres l'appellassent seigneur, ne autres le nommassent empereur, excepté les souldardz tant seulement, & pour nulles riens voulut estre appellé pere du pays, & ne prenoit de soy mesmes le nom de Auguste: neantmoins quand il entendoit qu'il luy estoit attribué, ou le veoit escript, le comportoit, & toutes & quantes fois qu'il escripuoit à aucun roy se intituloit ce furnom, mais en tout estoit nommé Cesar, & aucunesfois appellé Germanicq pour les choses faictes par Germanicq en ceste prouince, & se nommoit soy mesmes prince du Senat selon l'ancienne coustume, & fouuenteffois disoit de soy, Je suis maistre des serfz, empereur des gens de guerre, & des autres suprastans, & aucunesfois prioit de viure si longuement en l'empire de quant fust vtile à la Republicque, & en toutes choses tant estoit homme populaire que au iour de sa natiuité, ne laissa plus que n'estoit de coustume, & ne permettoit que les hommes iurassent par sa fortune, & quand quelqu'un se fust pariure, par sa fortune, ne s'efforçoit de le pugnir. Et difant sommairement, il ne feit cas que au cõmencement se feist en luy: ce qui tousiours fut obserué en tous les empereurs, cest assauoir que le premier iour de l'an tous leurs faitz, tant preteritz que futurs, sont confirmez avec sermens des hommes, lesquelz se treuent en ce temps. Et neantmoins pour les choses faictes par Auguste, il mesme iuroit de les conseruer, & le faisoit iurer aux autres, & affin que ce fust à chascun plus notoire au premier iour du mois deputé à tel serment, il n'entra dedans le Senat, & ne fut veu

Noms que  
 Tibere se  
 attribuoit.

encores

encores dans la cité, ains estant demouré en vng certain bourg, apres entroit, & il mesme confirmoit avec serment. Pour ces causes doncques au commencement du moys se tenoit hors la cité, & à ce qu'il ne tint les hommes occupez apres les commécemens des magistratz, & iouxte les festes, ou que receust deniers d'eulx, par ce que encores il ne louoit Auguste, en ce, ioinct que grand difficulté se trouuoit en telles choses, & grand despence apres ce fait es restitutions. Ces choses doncques dispoisoit grandement en faueur du peuple, & nul lieu sacré non seulement esleu de luy, mais ne encores autrement luy fut à l'heure consacré, aussi à nul estoit licite dresser ses statues, par ce que incontinent fait interdiction que ny cité ne homme priué peust ce faire, à laquelle prohibition il adiousta (ces motz) sans mon congé, lequel toutefois ne leur sera donné. Pareillement ne permettoit qu'aucun fust accusé pour mauuais & sacrilege contre luy selon l'ancienne coustume, pour autant que tel delict contre l'empereur estoit d'aucuns nommé impieté, & en faisoient plusieurs accusatións, bien qu'en ce il mesme autrefois auoit grandement glorifié Auguste. Ainsi doncques au commencement il ne pugnait aucun qui de tel malefice fust enculpé: mais deliura ceulx qui auoyent esté accusez de s'estre pariurez par la fortune, toutefois en pourfuyte de temps condampna à mort plusieurs pour tel respect, & en ce exaltoit Auguste. Car es edifices qu'il auoit comencez, & non paracheuez, inscripuit son nom, aussi tant les statues que les triumphes des demy dieux que faisoient les peuples, & hommes priuez, partie il mesme les consacra, & partie commist la consecration à vng des pontifes: & de quant appartient à ces inscriptions non seulement l'obserua en telles œures de Auguste, ains en toutes esgallement qui auoyent besoing de aucune reparation, car fuyuant tous les ouurages commencez, ioinct qu'il ne faisoit aucune œure de nouveau, mais seulement paracheuoit celles de Auguste, ne s'en appropria aucune, ains en toutes fait inscripre les noms des premiers edificateurs, par ce que faisant petite despence pour soy despendoit beaucoup pour le publicq, partie remouuant toutes les fabricques publiques, & partie les aornant, & subministrant encores plusieurs biens à citez & hommes priuez: & fait plusieurs senateurs riches, lesquelz au parauant estoient moult pources, & pource ne vouloyent estre plus senateurs, neantmoins ne le faisoit qu'il ne voulust entendre comment ilz estoient deuenuz si pources, toutefois nota les aucuns de intemperance & luxure, & aucuns de meschanceté qui ne pouoyent rendre raison, & ce qu'il donnoit à aucuns incontinent estoit nõbré en sa presence, pour autant qu'il sachant que durât le temps de Auguste les ministres de telz dons en reseruoiet vne grand partie: auoit grãd esgard que telle chose ne se feist en son téps, & faisoit ces telles despences des reuenuz acoustumez, car il ne faisoit mourir aucũ pour auoir deniers ne encores alors fait proclamer & soubzhafter les biés d'aucũ, ne peillement receut au-

cūns deniers pour mal faire : & qu'il soit vray Aretus Emilius, le quel luy auoit enuoyé de Egypte ou il estoit prefect. plus grosse somme de deniers que ne luy auoyent esté imposez; luy escripuit : Je veulx que mes brebis soyent tondues & non rasees. En oultre il estoit moult humain & affable, & commandoit que tous les Senateurs ensemble le saluassent, à ce que se chassassent l'ung l'autre, & finalement demonstroit si grand clemence, que luy ayans escript les principaulx de l'isle de Rhodes, & ne ayans soubzscript en la lettre prieres pour son salut, ainsi que estoit acoustumé, les enuoya incontinent querir; comme qu'il leur voulust faire quelque ennuy : toutefois depuis qu'ilz furent venuz, ne leur feist aucun des plaisir, ains leur ayant fait soubzscrire ce qui deffailloit en la lettre les laissa retourner en leurs pays : & honnoroit tousiours ceulx qui estoient en magistrat comme que le peuple fust en liberté, & quand veoit venir les consulz se leuoit, & quād il les inuitoit à soupper alloit au deuant d'eulx iusques à la porte, & quād ilz prenoient congé de luy les acompaignoit, & quād il se faisoit porter en sa chaize, il ne vouloit non seulement que aucun senateur, mais ne encores des cheualiers principaulx, le suyust : & es festes & congregations solépnelles, ou quād aucune autre semblable chose se faisoit en laquelle plusieurs deussent estre occupez, s'en alloit aux maisons de quelque Cesarien habitant es lieux où se faisoient les festes, & illec demouroit toute la nuict à ce que les hommes peussent estre avec luy promptement, & sans peine : & auoit acoustumé se tenir pour veoir les cours des cheualx en quelque maison d'ung sien affranchy, car continuellement se trouuoit à telz spectacles tant pour honorer ceulx qui les faisoient à leurs despens comme pour aornement du peuple, & sembler qu'il feist feste avec eulx. Car en tout ne faisoit grand compte de telle chose, & ne sembla oncques qu'il voulust obtenir aucune chose pour aucun, ains en tous affaires estoit tant esgal & semblable que voulant vne fois le peuple que vng faulx serf fust fait libere, ne le leur voulut octroyer que premierement son maistre n'en fust content, & receust le pris pour luy : & conuersoit avec ses amys comme homme priué, car en leurs causes propres souuentefois les deffendoit, & quand ilz faisoient sacrifices y estoit present, & les visitoit quand estoient malades, n'ayant autour de sa personne aucunes gardes : & estant l'ung d'eulx decedé, il mesme fait l'oraison en ses obseques, & commanda à sa mere qu'elle luy feist faire toutes ces telles choses qui luy estoient condescentes, & ce en partie à ce qu'il l'acquist ses coustumes, & partie, à ce qu'elle ne se leuast en trop grand superbe, ioinct qu'elle estoit moult haultaine sur toutes les autres femes, en maniere qu'elle receuilloit le senat & autres populaires qui la venoyent visiter en sa maison : chose qui estoit tousiours escripte es publicques cōmentaires. Et les lettres qui estoient en certain tēps escriptes cōte noyēt son nom, & celluy de Tibere, & leur estoit escript par autres à cō deux ensemble, excepté qu'elle n'eut iamais audacé de entrer au senat ne en camp;

ne pareillement es congregations du peuple, bien toutes les autres choses gouvernoit comme imperiere. Car au temps de Auguste elle estoit moult puissante, & se vantoit d'auoir fait Tibere empereur, au moyen dequoy nō seulement vouloit estre esgalle à luy, mais plustost superieure, pquoy estoyēt plusieurs choses sur ce dictes & plusieurs sentencierent qu'elle fust nommée mere du pays, & autres qu'elle fust nommée pere, & aucuns autres introduisoyēt que Tibere deust estre d'elle denommé, à ce que comme les Grecz recoipuent le nom du pere, ainsi il le receust de la mere. Dont Tibere grandement molesté ne confirmoit sinon petitz decretz faitz par sa mere, & ne luy laissoit faire aucune chose trop superbe: car elle voulant consacrer vne certaine statue & pour ceste cause ayant fait inuiter le senat, & les cheualiers avec leurs femmes, ne luy cōceda qu'elle le feist que preallablement le senat n'en eust fait decret, ny voulut qu'elle inuitast les hōmes, ains en print la cure, & elle donna à soupper aux femmes, & finalement la priua de tous les actes publicques, luy commandant qu'elle gouvernast l'hostel & la famille. Et elle s'agruant de ce s'en alloit hors la cité, & en tout la fuyoit, & pour ceste cause especiallement transféra son habitation à Caprée. Ces choses ont esté escriptes quant à Liue: mais Tibere traictoit moult asprement ceulx qui estoient encoulpez de aucune chose, & se courrouçoit & reprenoit Drusus son filz lequel estoit si discorrec & cruel que les espées plus agues estoient nommées Drusianes: lesquelles reprehensions il luy faisoit tant en secret comme en public, & souuentefois luy dist en presence de plusieurs, le viuant tu ne feras aucune chose violente ny iniurieuse, & si tu auras si grand audace que la faces, tu ne la feras plus apres ma mort. Car Tibere durant certain temps vesquit moult moderément, & ne permettoit à nul autre viure lasciuement, mais pour faire le contraire en furent par luy plusieurs pugniz. Et voulans les senateurs introduire vne peine à ceulx qui viuoient intemperément, n'en fait riens: & adiousta la raison, cest assauoir que beaucoup meilleur estoit les chastier par vng certain moyen en priué, que leur imposer peine publicque, par ce que vng se pourroit abstenir par honte en maniere qu'il s'efforceroit de n'estre diuulgué, mais si la loy publicque vne fois estoit vaincue de nature, nul auroit cure d'icelle. Et pource que plusieurs portoyent la robe de pourpre (combien que fust faite interdiction sur ce,) il n'accusa aucun, ne leur fait aucun dommage, mais suruenue vne grosse pluye en vne certaine cōgregatiō solēnelle, se vestit vne robe de couleur obscure, & depuis nul eut audace de porter autre habit. Il fait toutes ces choses tant que Germanic vesquit: car apres sa mort changea plusieurs coustumes: ou que du commencement il eust ce mesme couraige comme depuis le demonstra, mais faignoit ce pendant qu'il viuoit pource qu'il le veoit attentif à l'empire, ou bien qu'il le feist naturellement de sa propre complexion, toutefois depuis que de Germanicq se fut despesché, commença à esplucher son emule: mais ie feray mention de

temps

temps en temps des choses qui succederent, & especiallement de celles qui sont dignes de memoire. Estans doncques consulz Drusus son filz, & Gayus Norbanus il rendit au peuple les biens que leur auoit laiffé Auguste par testament, & pource que vng homme s'approcha d'ung corps mort qui estoit porté par le mylieu de la place, & luy dist ne scay quelles parolles à l'oreille, & que ceulx qui estoient à l'entour luy ayans demandé ce qu'il auoit dit leur respondit l'auoir prié de reciter à Auguste comme ilz n'auoiét encores riens receu, Tibere le feit incontinent mourir, à ce qu'il mesme portast l'ambassade de ce dont il l'auoit voulu picquer: mais les autres non gueres apres fatiffit, ayant diuise entre eulx enuiron soixante cinq dragmes, & diét aucuns ce auoir esté fait en l'an precedant. Mais alors, & es festes lesquelles Drusus faisoit tant en son nom que de Germanic, voulans aucús chevaliers combattre ensemble ny voulut estre present, & ayant l'ung d'iceulx esté occiz ne voulut que l'autre combattist: & autres batailles encores furent faictes en la feste du cours des cheuaults q estoit celebrée pour le iour natal de Auguste. Aussi y furent mises à mort aucunes bestes, lesquelles choses furent faictes par l'espace de plusieurs ans, & alors la Candie (estant decedé le prefect d'icelle) pour le temps qui restoit fut consignée au Questeur, & à son accessseur. Et pource que plusieurs qui estoient enuoyez au gouvernement des nations, tant dans Italie comme es autres pays, demouroient long temps auant qu'ilz y allassent en maniere que leurs predecesseurs encores tardoyent beaucoup, leur commanda de partir auant le commencement de Iuing, & en ces entrefaictes estât decedé son nepueu qu'il auoit receu de Drusus, ne laissa de faire aucune des choses acoustumées, ne pensant estre aucunement cōuenable que preposé au gouvernement d'autruy pour calamitez priuées deust postposer les affaires publicques, & donnant l'exemple aux autres semblables que pour respect des mortz ne se deussent oublier les vifz. Aussi ayant le Tibre occupé plusieurs lieux de la cité, en maniere qu'en iceulx facilement se pouoit nauiguer, aucuns reputoyent ceste chose en lieu d'ung monstre, comme encores les tresgrandz tremblemens de terre, au moyen desquelz estoit tombée vne partie de la muraille, & la multitude des sayettes celestes, par lesquelles le vin s'estoit distilé hors les vaisseaulx sans aucune fracture: mais Tibere pensant ceste augmentation du fleue estre aduenue pour la multitude des lieux aquaticques, commanda que tousiours cinq senateurs esleuz par sort eussent la cure d'icelluy, à ce qu'il ne superhabondast au temps d'yuer, & ne deffaillist en esté, ains tousiours courust esgallement. Tibere faisoit ce que i'ay dit: mais Drusus executoit les choses pertinentes au consulat esgallement avec son compaignon cōme qu'il eust esté de esgalle cōdit iō, & estât laiffé heritier d'ung certain sié amy ayda à porter le corps à la sepulture: toute fois de nature estoit tāt ireux q bleffa en maĩtz édroitvz vng chevalier moult noble, & pource estoit nommé Castor: tāt estoit soubzimis au vin de s'enyrurer que vne fois ayant esté cōtrainct de dōner se-

Drusus  
filz de Ti  
bere &  
Gaius Nar  
bonus cō  
sulz.

Signes ad-  
uenuz en  
Rome.

cours

cours avec des massiers à aucuns qui se brusloyent, demandans de l'eau comanda qu'elle leur fust gettée chaude: & tant fauorisoit les saulteurs & voltigeurs qu'ilz faisoient sedition nonobstant les loix ordonnées par Tybere sur ce fait. Alors doncques furent faites ces choses: mais estans consulz, Taurus Statilius, avec Lucius Libonius fait vne interdiction que nul homme peult porter robe de soye: & encores qu'on ne v'fast de vaisselle d'or sinó es sacrifices, & estans en doute s'ilz pourroyent v'fer des vaisseaulx d'argent qui auoient emblemes, cestassauoir les escriptures d'or, il voulant faire vng decret particulier de ce, ne voulut que en icelluy decret se escripuist emblemes pource que cestoit nom grec: bien que à denoter telle chose ne se trouuaist vocable latin propre. Et voulant vng ceturion rédre dans le senat vng certain tesmoignage en langue grecque ne le permit: bien que parauant eust ouy traicter plusieurs choses en ce lieu, en ceste mesme lague: & maictz il mesme eult examinez. Cela fait contre l'usage: & vng ieune gentil homme nommé Lucius Scribonius Libo luy estant venu en suspect qu'il voulust faire nouuelleté ne luy fait aucun ennuy ce pendant qu'il fut sain, mais depuis estat deuenue malade le fait porter en vne charrette couuerte telle que v'sent les femmes des senateurs, lequel voyant le iugement n'estre diffiny s'occist auant soy mesmes, neantmoins le condampna encores apres sa mort, & donna son bien aux accusateurs, & depuis fait que furent determinez par decret du senat sacrifices nó seulement en son nom, mais de Auguste, & de son pere Iules second q' desia auoient esté statuez vne autre fois. Et ayat fait telle chose contre cestuy cy ne imputa riens à Bibius Ruffus, bien qu'il v'fast de la chaize de Iules Cesar, en laquelle tousiours auoit acoustumé se asseoir, & en laquelle depuis fut occiz, par ce que Ruffus de industrie ce faisoit, & encores auoit espouse la femme qui fut de Ciceron, se glorifiat en ces deux choses comme qu'il fust Cesar, à cause de la chaize, ou orateur pour sa femme. Neantmoins pour ceste cause ne fut aucunement encoulpé, ains d'auantage obtinst le consulat, & bien qu'il fust chascun iour avec Thrasillus, & chascun iour eust de luy quelque vaticination, & il mesme eust si grand pratique en cest art qu'en vng certain songe luy estant commandé de donner quelque quantité de deniers à vng homme entendit que c'estoit vng dyable qui luy estoit enuoyé par enchantement, & fait mettre à mort cest homme: neantmoins tous les autres astrologues & enchâteurs ou par quelcôque autre maniere qu'ilz deuinaissent, assauoir les estrangiers, fait mourir: mais les citadins qui furent denoncez auoir exercé l'art depuis le decret de ce premierement fait, tous confina, par ce que autres qui auoient obey pardonnerent, & quasi tous les citadins, encores contre sa voluné eussent esté sauluez si vng Tribun ne les eust empeschez. En quoy lon pourroit cōprendre l'ymage de la liberté populaire, laquelle restoit encores en ce tēps, veu que le senat fauorisant Calpurnius Piso, en ceste cause eut plus de puissance que Drusus & Tibere, mais fut besoing que cedast au Tribun du bas estat. Ces choses

Mort de  
Luci<sup>o</sup> Scri  
bonius Li-  
bo.

ses doncques furent faictes en ceste maniere:& aucuns qui auoyent esté Questeurs l'an precedant furent enuoyez au gouvernement des autres nations, par ce que ceulx qui estoient Questeurs n'estoyent en quantité suffisante, chose q depuis fut obseruée quād en estoit necessité. Et pource que plusieurs escriptures publicques, partie estoient en tout destruites, & partie viciées par l'antiquité, trois senateurs furent deputez pour refaire celles qui se trouoyent & chercher les autres, & à aucuns les maisons desquelz se brusloyēt non seulement Tybere, mais Liuie encores donnoit secours. Durant ce mesme tēps vng nommé Clemes qui auoit esté serf de Agrippe, & luy ressembloit quelque peu, faignit soy mesme estre Agrippe, & estant venu en Gaulle y leua grosse multitude de gens d'armes & es autres parties d'Italie, & finalement se mit à aller deuers la cité de Rome comme qu'il voulust recouurer l'empire de son ayeul: dont les Romains grandemrnt troublez, & plusieurs en ce tumulte se retirans deuers Clemes, Tibere le print par astuce, luy ayant enuoyez aucuns lesquelz faignoient de se vouloir rallier avec luy: & depuis qu'il fut prins & mis à la torture pour entendre qui auoyent esté ses compagnons en ceste sedition, voyant que sur ce ne vouloit faire aucune responce, luy demanda, Comment es tu deuenu Agrippe? & Clemes luy respondit; ainsi que tu es deuenu Cesar. En l'an ensuyuant Gayus Cecilius & Lucius Flaccus accepterent le tiltre de consulz. Mais Tibere pource que aucuns apres le commencement du moys, luy auoyent apporté deniers ne les voulut accepter, & mit en euidence vne certaine escripture sur ce fait, contenant vng nom qui n'estoit latin, duquel s'estant souuenu la nuict le iour ensuyuant enuoya querir tous les grammariens de Romme: ioinct qu'il auoit vne grand diligence à parler elegamment latin, & estant Attius Capito, lequel disoit que encores que nul autre eust vsé de ce vocable, neantmoins par son respect les Romains l'ascripuoyent entre les anciens, vng nommé Procellius illec present entreprint & dist: O Tibere, tu peulx donner aux hommes le gouvernement des Romains, mais de la langue latine non, & bien que cestuy cy eust parlé moult liberément, toutesfois ne luy fait aucun mal. Et ayant Tibere en hayne Archilaus roy de Capadoce, par ce que viuant Auguste il luy auoit esté subiect, en forte qu'il le deffit vne fois quand il fut accusé des siens, neantmoins estant il Tibere depuis allé à Rhodes ne fait aucune estime de luy, ains plustost honnora Gayus qui s'en alloit en Asie: pour ceste cause l'enuoya querir comme qu'il eust voulu faire nouuelleté: & arriué qu'il fut le mit entre les mains du Senat, bien que ce Archilaus non seulement fust decrepit, mais encores gouteux, & si aucunesfois sembloit qu'il foliait, pour vne fois luy aduint ceste passion veritablement, en maniere qu'il fut necessaire que Auguste enuoyast vng procureur en sa prouince, toutesfois al'heure n'estoit fol, ains plustost faignoit si par ceste voye se peust sauluer, & eust esté condampné à mort, sinon que l'ung de ceulx qui tesmoignoient contre luy dist que autref-

Gaius Cecilius & Lucius Flaccus consulz.

fois auoit dit ces parolles: Si ie retourne iamais chez moy ie demonstreray à Tibere quelz nerfz i'ay: car par ces parolles se print Tibere à rire, considerant que cestuy ne pouoit non seulement estre droict, ne encores se pouoit seoir, & par ainsi Tibere ne le fait mourir: & alors de ce, estoit si trauaillé qu'il fut porté dans le senat en vng petit chariot couuert, par ce que c'estoit la coustume quand vng homme malade entroit en ce lieu que fust porté dedans estant assis. Et cela mesmes fait vne fois Tibere & par la au senat assiz en vng semblable chariot.

Comment Capadoce fut soubz mise à l'empire Romain.  
Chapitre CXXI.

Capadoce  
soubz mis  
a l'empire  
Romain.



Lors doncques Archilaus fut sauué en ceste maniere. Neantmoins non long temps apres mourut, au moyen dequoy fut Capadoce soubz mise aux Romains, & pour le gouvernement d'icelle deputé vng cheualier: & aux citez d'Asie qui auoyent esté grandement damnifiées par vng tremblement de terre, fut preposé vng homme pretoire avecq cinq litteurs, ensemble plusieurs deniers leur furent donnez par Tibere, car ce pendant qu'il exercitoit les autres vertuiz, s'abstint encores du bien d'altruy, & ne vouloit accepter les hereditez qui luy estoient delaisiées par ses parens, despendoit grosses quantitez de deniers par les citez & hommes priuez, & pour icelles ne vouloit recepuoir louenge ne aucun honneur, & ne entendoit ne traittoit aucune chose seul avec les ambassadeurs enuoyez des citez & nations, ains communicquoit sa pensée avec plusieurs, & especiallement avecq ceulx qui autrefois auoyent esté presidens à ces nations. Mais Germanicq luy estans les choses prosperes succedées en Gaule, proceda oultre iusques à la mer Océane, & ayant vaincu les Barbares en bataille recueillit les oz de ceulx qui auoyent esté defaictz avecques Varron & les fait mettre en sepulture, & recouura les enseignes militaires. Et faisant le senat instance avecq Tibere qu'il fust content que le moys de Nouembre le seiziesme iour duquel il estoit né, s'appellast Tybere, leur respondit, Que ferez vous s'il y à treize empereurs?

Comment Cesar Germanicq mourut.  
Chapitre CXXII.

Marc' Iunius  
& Garus  
Norban  
consulz.



Epuis estés cōsulz M. Iunius & Lucius Norbá, apparut vng mōstre non petit au commencement du moys qui signifioit la mort de Germanicq, par ce que Norban consul lequel auoit tousiours vne trompette à la main, & moult se delectoit de ce son, voulut alors à laube du iour en la presence de plusieurs sonner: chose qui esgallement perturba tout homme, comme que le conseil leur denoncast vng signe de bataille

taille. D'auantaige la statue de Ianus tomba : & vng certain oracle comme qu'il fust de la Sibille, non pertinent toutesuoyes, au temps de la cité, ains au présent, chantant de plusieurs se diuulguoit, lequel disoit que estans passez trois fois trois cens ans, suruiendra le discord ciuil & fureur Sibantique aux Romains : mais Tibere calumnioit cest oracle comme qu'il ne fust véritable : & gardoit tous les liures esquelz estoient aucunes propheties contenues ; les aucunes desquelz reffusoit comme non dignes d'estime, & aucuns mettoit à part. Mais estant Germanicq decedé, Tibere & Liue n'en eurent petite ioye, & par le cōtraire chascun en soustint tresgrad angoisse, car il estoit decēt de corps & de prestāt couraige, de force vigoureux, de doctrine illustre, tresmodeste & tresmāsuēt, & ne fait oncques chose coupable contre Drusus ne contre Tibere : & il pouant souuentefois auoir l'empire ne le voulut accepter, & mourut en Anthioche infidié par Piso & Plantine : car il encores viuant furent trouuez oz d'hommes mortz, & aucunes lames de plomb, esquelles estoit son nom insculpé avecq aucunes certaines maledictions. Mais Piso ayant esté introduict au iugement de la mort au senat par Tibere mesme fit vne certaine deliberation & s'occist soy mesme. Et alors Tibere voyant qu'il n'auoit plus aucun duquel il eust paour, laissa toutes les bonnes ceures qu'il auoit au parauant acoustumé faire, car il gouernoit moult cruellement, & si il y auoit aucun qui dist aucune chose sinistre, non seulement contre Auguste, mais encores contre luy mesmes & de sa mere, estoit accusé & pugny pour mauuais, & estoient tourmentez, non seulement les serfz contre leurs propres maistres, mais encores les liberaes & citadins : & à ceulx qui accusoyent ou testifioyent contre aucun leur estoient donnez les biens des condēmeez, & si encores recepuoyent honneurs & magistratz. D'auantaige il examinant en plusieurs l'heure & le iour de leurs natiuitez, & iugeant par la disposition du ciel la fortune & leurs coustumes, les faisoit mourir : car si d'aenture il veoit aucune chose grande, & esperance de acquerir puissance en leurs natiuitez, en tout les destruisoit. Il doncques entendoit si certainement toutes les destinations des hommes principaulx, que vne fois s'estant rencontré avecq Galba qui depuis fut empereur, luy dist : Tu encores vne fois gousteras de l'empire : & luy pardonna, & ne le fait mourir (ainsi comme ie croy) pource que le ciel ne le vouloit, mais selon qu'il mesme disoit, pource qu'il debuoit acquerir l'empire en vieillesse & long temps apres sa mort. Et en toutes ces choses auoit pour tresprompt coadiuteur Lucius Emilius Seyan, filz de Strabo : mais iadis concubin de ce Marc Gabie Appie, lequel fut tant prodigue, & incontinent, sur tous les autres hommes, que ayant voulu entendre combien il auoit de spendu, & combien il auoit de reste, depuis qu'il congneut qu'il luy restoit encores deux cens cinquante miriades, fut en grand angoisse, & craignant de mourir de fain se occist soy mesme. Ce Seyan doncques vng certain temps avecq son pere fut cappitaine des massiers, toute fois estant

Mort de  
GermanicqPiso &  
Plantine  
ifidiateurs  
de guerre.Tibere A-  
strologé.

le pere enuyé en Egypte il demoura à la presidence de cestes, & entre les autres choses qu'il ordonna, il rassembla en vne forteresse les turmes separées & diuisées comme sont les gardes de la nuit, en maniere que tous ensemble subitement pouoyent entendre ce qui leur estoit commandé. Et Tibere l'ayant retiré pres sa personne pour la similitude de ses coustumes luy donna les honneurs de Preteur, (chose qu'onques nul autre semblable à luy auoit obtenue) & le faisoit son conseiller & ministre en toutes choses. Neantmoins depuis que Tibere avec Drusus print la dignité cōsulaire, incontinent les hommes deuinerent la mort de Drusus, par ce que onques nul fut consul avecq Tibere qui ne mourust de violente mort. Et qu'il soit vray, Varron, Quintilius, Gaius Piso & Germanicq mesmes finerent mal. Telle fortune, & aduéture estoit en sa vie en la destruction de ses compaignós: aisi écores Drusus & Seyá écores furét mis à mort. Mais estât Tibere hors de Rome, Gaius Lutorie Prisque, cheualier, lequel moult scauant se monstroit en l'art poëtique, & escripuit vng epitaphe en la louenge de Germanicq, pour laquelle receut plusieurs deniers, fut insculpé d'auoir faict vne ceuvre de Drusus en sa maladie, & pource fut condamné en plain senat, & depuis mis à mort: dont Tibere courroucé non de ce qu'il auoit esté pugnny, mais que vng sans son arbitre & iugement eust esté condamné à la mort & occis, reprint de ce les senateurs, & commanda que decret fust faict que nul par eulx condamné peust estre executé auant le terme de dix iours, & que la sentence redigée par escript ne peust estre publiée auant le terme, à ce qu'il estant hors la cité peust entendre auant & iuger des choses déterminées p le senat. Et depuis il forty du cōsulat sen vint à Rome & empescha les cōsulz de fauōriser à aucús: disant, Si i'eusse esté cōsul ie n'eusse faict cela. Voyát que vng Preteur encoulpé cōme ql eust dit & faict quelque mauuaise chose contre luy, sen sortit hors le senat, & ayant laissé l'habit pretoire retourna, & incontinent requist d'estre accuse comme homme priué, alors Tibere se attrista grandement, & depuis ne proceda plus auant, mais dechassa les faulx de Rome leur prohibant de iamais vser de cest art, pource qu'ilz faisoient honte aux femmes & suscitoient les seditions: neantmoins il honnoroit plusieurs autres qui estoient decedez, de statues & sepultures publiques: mais fait faire Seyan qui encores estoit viuant, de cuyure, lequel fut par le senat mis dans le theatre, au moyen de quoy plusieurs ses ymaiges furent faictes par plusieurs autres gentilz hommes & les consulz mesmes le venoyent saluer iusques en son hostel, & communicquoyent avecques luy tous les affaires publicz & priuez qu'ilz entendoient traicter avec Tibere: & generalement ne se faisoit aucüe chose sans luy. En ce mesme téps vng tresgrád porticque de Rome q pèdoit d'ung costé par vng certain moyen admirable, fut redressé: car vng Architecteur, dont on ne scait le nom, pource que Tibere pour l'admirable engin d'icelluy ne permit son nom estre inscript es commentaires. Cestuy

cy doncques comment qu'il fust nommé ayant fortifié tous les fondemens à l'entour, en maniere que le porticque ne se mouuoit, & l'ayant environné de laines & de gros draps, après le lia tout à l'entour de cordes, & ce fait à force d'hommes & de plusieurs instrumens le retira en son premier lieu: dont Tibere se finerueilla grandement, & pource luy donna grosse somme de deniers, toutefois d'enuie le dechassa hors la cité. Et depuis estant l'architecteur venu le supplier, & en ce ayant rompu vne tasse de voirre, & en vng instant icelle demonstrent rompue & puis entiere, comme qu'il esperast par cest artifice se gratifier à Tibere, le fait mourir: mais Drusus son filz fut empoisonné, par ce que Seyan estât morne pour sa puissance & dignité, es autres choses estoit superbe: & finalement se retourna contre Drusus, & vne fois contesta contre luy avecques des pániers. Parquoy craignant Seyan tant Drusus que Tibere, & esperant encores que s'il se despeschoit de ce ieune homme apres plus facilement pourroit manier le vieillard, luy dóna la poison p le moyen de ses mesmes seruiteurs & de sa femme, laquelle estoit des aucuns appelée Bullie: car outre de ce auoit commis adultere avecques elle: & fut Tibere encoulpé de la mort de Drusus, pour ce qu'il ne fait aucúe demóstration plus qu'il n'auoit acoustumé ne estât Drusus vif, ne apres sa mort, ny laissa encores à autres aucunement en faire: toutefois ceste n'estoit certaine ne croyable raison, par ce que en toutes choses naturellement il faignoit & veritablement estoit moult affectionné à son filz comme celluy qui estoit seul & legitime, car ceulx qui furent ministres de sa mort se trouuerent tous pugniz, les aucuns au mesme instant, & les autres quelque temps apres. Alors doncques il entra dans le senat, ou ayant fait vne commendation conuenable de son filz, s'en retourna en son palais. Et fut Tibere le premier qui fait edict que ceulx ausquelz auoit le feu & l'eaue esté interdict, ne peussent faire testament, ce que encores de present est obserué. Et Elius Saturnin qui auoit composé aucuns vers contre luy fut conduit au senat par luy, ou condamné, le getta du capitolle. Le pourroy's escrire maintes autres telles choses qui lors aduindrent si i'auois entrepris les reciter toutes: mais cela soit sommairement dict, que plusieurs pour semblable cause furent mis à mort & encores qu'il rechercheant en grand diligence toutes les choses desquelles estoient encoulpéz aucuns, comme d'auoir parlé en son opprobre, il mesme descouuroit tout mal de soy: car encores que vng eust dict quelque chose d'ung autre en secret, il la publioit tant qu'elle estoit escripte es commentaires publicques, & souuentefois accusoit faulcement aucun auoir dit quelque chose selon qu'il l'auoit conceu en soy mesme, à ce qu'il semblast estre iustement indigné contre luy, & pour ce respect leur trouuoit que en tout ce qu'il accusoit autruy eussent dict contre luy, il mesme s'en vituperoit: & d'auantage estoit contempné des hommes, par ce

Mort de  
Drusus.

Interdict  
du feu &  
de l'eaue

que les autres nioyent de n'auoir iamais dit, il confirmant & iurant que si plus vrayement se iniurioit soy mesme, au moyen dequoy estoient aucuns qui le reputoyent estre forty hors du sens : toutefois ceste chose n'estoit du tout tenue veritable ne qu'il fust veritablement deüenu fol, pour ce qu'il faisoit toutes autres choses moult bien à propos, cõsideré que à vng senateur lequel viuoit trop desmesurément proposa vng tuteur comme qu'il fust vng pupille : & Capito qui estoit procureur d'Asie fut par luy introduict au senat, ou l'ayant enculpé qu'il tenoit des gens d'armes & faisoit plusieurs autres actes comme qu'il fust empereur, l'enuoya en exil, car alors n'estoit licite à ceulx qui auoyent l'administration des deniers appartenans à l'empire de faire autre chose que recueillir les reuenuz acoustumez, estoient iugez es differences qu'ilz auoyent en la place egallement selon les loix avec les autres. Si grand variation doncques estoit es faitz de Tibere : mais estans passez dix ans de son empire, ne demanda que ce feist aucun decret pour le reconfirmer, par ce qu'il ne le diuisoit par temps comme faisoit Auguste. Neant moins la cõgregation solempnelle qu'on auoit acoustumé faire de dix en dix ans fut faicte. Et fut Clemulius Cordo contrainct de foccir soy mesme pour auoir aucunemét despleu à Seyan, bien qu'il fust tout mund & pur de toute coulpe (car il estoit desia chargé de plusieurs ans, & auoit vesçu tresmodestement) qu'il fut accusé de l'histoire qu'il auoit autrefois composée de Aug. & laquelle il mesme auoit leue, pour ce qu'il auoit loué Brutus & Cassius, & blasmé le senat & le peuple : & pose qu'il n'eust dit aucun mal ny de Cesar ny de Auguste, neant moins ne les auoit exaltez comme il debuoit. De cela doncques fut Clemulius accusé, & pour ce condamné à la mort & tous ses escriptz alors trouuez en la cité par les Ediles & dehors par les Preffectz de chascune region, furent tous ars & bruslez. Toutefois depuis furent remis en lumiere (par ce que Martie sa fille les tint secretz) & plus estimez pour la calamité de Cordo. En ce temps Tibere demonstra les exercices des massiers aux senateurs comme à ceulx qui n'entendoyent sa puissance, à ce que les voyans en gros nombre & puissans eussent plus grand reuerence apres à l'empereur. Durant doncques ce temps furent faictes ces choses dignes de memoire. Et vne autre fois fut ostée la liberté aux Ciziceniens, pour ce qu'ilz auoyent lié aucuns Romains & n'auoyent acheué le temple Heroicque par eulx commencé en l'honneur de Auguste : & eust fait mourir, comint que ce eust esté, vng qui auoit esté conduit en iugement, pour ce qu'il auoit vendu sa maison, avecques vne statue de Auguste, sinon que le Consul premierement luy demanda son oppinion : & Tibere se doubtant que s'il le condamnoit ne semblast complaire à soy mesmes, par sa sentence mesme fut absoulz. Aussi vng autre accusa vng senateur nommé Lentulus, homme desia moult chargé d'age, d'auoir voulu trahir l'empereur, lequel estant present, s'en print treffort à rire, dont le Senat

commeu,

Ciziceniés  
priuez de  
liberte.

Clemulius  
Cordo iu.  
ge a mort

cómeu, Tibere dist: Ie ne me repute digne de la vie si ie suis encores en hayne, à Lentulus. En ce temps il se departit de Rome, & depuis ne retourna en la cité: aussi Rettrarius compaignon de Sabinus l'ung des principaulx de Rome voulant gratifier à Seyan mussa en sa chambre certains senateurs & illec mena Sabin pour parler, & ayant vſé de quelques parolles tira dehors Sabin & luy dist qu'il descourist toute sa pensée: car cest la maniere des calumnieurs, que quand veullent induyre quelqu'ung, tousiours commencent à dire quelque mal, laquelle liberté de parler leur est pardonnée comme qu'ilz parlent plustost pour entédre autruy que pour ce qu'ilz soyent ainsi disposez: mais les compaignons ne peuent mettre en euidence si petite chose qu'apres ne soyent pugnis. Ce qui aduint, car ce mesme iour Sabinus fut mis en prison, & depuis occis, & son corps getté p. les degrez, & depuis getté encores dans le fleue: & ce cas de Sabinus sembla encores plus miserable, à cause d'ũg sien chien, lequel entra en la prison & demoura avec luy iusques à la mort & se getta encores dans le fleue. Ceste chose doncques fut telle: mais en ce mesme temps passa de ceste vie, Liuie, laquelle desia estoit paruenue en l'aage de quatre vingtz six ans. Pendant la maladie de laquelle, Tibere ne la vint seulement visiter, ne quand fut decédée, ny encores fut present aux obseques, ny en son honneur voulut que autre chose fust faicte, excepté les obsecques publicques: & si empescha manifestemēt quelle ne fust celebrée pour immortelle. Neantmoins le senat ne luy conceda par decret seulement ce qu'il auoit escript, ains commāderent la lamentation durant toute l'année aux femmes, bien qu'ilz eussent loué Tibere de ce qu'il n'auoit iamais laissé le gouuernemēt de la Republique pour aucune mort: & oultre ce luy concederent vng arc, chose non iamais concedée à aucune autre fēme, le tout pour ce qu'elle auoit saulué plusieurs d'entre eulx, nourry plusieurs de leurs enfans & marié plusieurs de leurs filles, au moyen dequoy aucuns la nommerēt mere du pays, & fut posée en la sepulture de Auguste: & font réfererz plusieurs ditz sententieux d'elle, & entre autres que estans vne fois venuz au deuant d'elle certains hommes nudz, & ilz pource cōdānez à mort elle les saulua disant: Ceulx cy ne sont differeds des statues aux femmes pudicques. Et vne autrefois enquisse comment ne quelle chose auoit faict pour laquelle Auguste luy estoit si subiect, respondit que avecques sa modestie, & faisant volontiers tout ce qu'elle veoit luy estre agreable, & ne s'enquerant plus oultre de ses faictz, & ne poursuivant ne faignant d'entendre ses ieux & plaisirs de luxure. Mais l'arc qui luy fut concedé par decret ne fut ediffié, par ce que Tibere promist de le faire faite à ses propres despens, pource que ne voulant apertement en parolles prohiber qu'il ne se feist trouua ce moyen de l'empescher ne le laissant faire, ny encores le faisant faire. Apres la mort de Liuie, Seyan s'exaltoit beaucoup plus, & fut faict vng decret que son iour natal fust

Lentulus  
senateur ac  
cuse.

Mort de  
Sabin.

publicquement celebré, car ne ſe pourroit nombrer la multitude des ſtatues que le Senat, les cheualiers, les tribuns & principaulx gentilz hommes d'eſſerēt en ſon nom: & les ſenateurs à part ſoy, & les cheualiers & le bas eſtat ſeparémēt luy enuoyoyēt ambaffadeurs de Tribus & de Ediles; & ſacriſſoyent pour l'ung & l'autre ſemblablement, & faiſoyent veux pour tous deux, & encores iuroyent par leur fortune. Mais ayant prinſe l'opportunité deſſet Gallus lequel auoit eſpouſé ſa femme & parloit liberallement de l'empire, par ce que eſtant venu deuers luy comme ambaffadeur le receut humainement, & neantmoins eſcripuit au ſenat contre luy, ſi qu'il aduint vne choſe tresadmirable, laquelle n'arriua iamais à aucun autre, car en vng meſme iour il fut conuyé amyablement par Tibere, & condamné par le ſenat, en maniere que fut enuoyé vng Preteur pour le conduire lyé à eſtre pugny. Et Tibere ayant traicté ceſte choſe en telle ſorte, bien qu'il vouluſt mourir, pourtant ne luy permist incontinent qu'il euſt les decretz faitz: ains luy commanda qu'il euſt bonne eſperance, & le tout à ce que viuant plus longuement ſe troublaſt en ſoy meſme, & commanda encores qu'il fuſt gardé deſlié iuſques à tant qu'il retournaſt à Rome. Et ce come j'ay dit affin que plus longuement, & pour la honte, & pour la paour il demeurauſt en miſere: & ainſi fut, par ce qu'il eſtoit touſiours obſerué par les conſulz hors l'empire de Tibere, car alors il eſtoit obſerué par les Preteurs, non affin qu'il fuſt ſalué, mais à ce qu'il ne mouruſt, & avec luy ne conuerſoit aucun amy ne compaignō, & ne parloit ne voyoit aucun, excepté quād eſtoit contrainct prendre ſa reſectiō qui eſtoit ſi, & telle, qu'il n'en recepuoit aucune delectation ny aucune force, ny ne le laiſſoit mourir, choſe qui luy eſtoit tresgriefue. Et ſeit Tibere le ſemblable en pluſieurs autres. Ayant doncques faitz lier vng de ſes compaignōs, & eſtant meū propos de la mort de Gallus Tibere reſpondit, ie ne ſuis encores reconcilie avec luy: & ayant tourmenté vng autre moult aſprement, depuis congnoiſſant que ceſtuy cy auoit eſté accuſé iniuſtement le ſeit mourir moult haſtiuement, diſant qu'il auoit eſté iniurié beaucoup plus aſprement qu'il peuſt apres bien viure. Mais Siriacque ne luy ayant faitz aucune iniure, ne eſté enculpé, ains eſtant excellent de doctrine, ſeulement fut occis pource que Tibere le maintenōit amy de Gallus. Durant ces entrefaites Seyan touſiours deuint plus grand & plus terrible, en maniere que les ſenateurs & tous les autres ſe adheroyent à luy comme empereur, faiſans peu d'eſtime de Tibere. Mais Tibere de ce aduertiy n'en fut trop content craignāt que Seyan manifeſtement ne fuſt deſigné empereur, ny encores n'en ſeit petit compte: touteſſois manifeſtemēt ne voulut tenter aucune choſe, car il ſcauoit bien comme Seyan ſ'eſtoit faitz beniuolle des maſſiers, & auoit tiré à ſoy tous les ſenateurs, les aucuns avec benefices, les autres avec eſperances, & les autres de paour, & ſ'eſtoit tant approprié tous les ſeruiteurs

Mort de  
Gallus.

Conſpira-  
tion de Ti-  
bere con-  
tre Seyan.



Signes ad-  
uenuz en  
Rome.

pouoir, & filz en pugnissent plusieurs alors semblent estre moult puiffans. Et vng certain commencement de moys estant chascun assés en l'hostel de Seyan, le banc posé en la salle ou il estoit salué du peuple, se rompit pour la multitude de ceulx qui estoient assés dessus, & il sortât dehors, vne chate courut au mylieu d'eulx: & il descendant du capitolle ou il auoit fait sacrifice pour venir à la place, ses massiers se tournerent à la rue tendant à la prison ne le pouans suyure pour la grande multitude, & passans par dessus les degrez desquelz ont acoustumé estre gettez ceulx qui sont iugez tomberent tous, & voulant de ce Seyan prendre augure, ne luy apparut aucun des oyseaulx prosperes, ains les corbeaulx vollans apres de luy & cryans autour de luy depuis s'en vollerent tous à son palais, & se poserent sur icelluy: dont Seyan ne aucun autre feit aucun compte, par ce que au regard de l'apparence des choses qui alors estoient veues si vng dieu eust predict que vne si grand mutation aduendroit, n'eust esté creu. Tout hōme ensemble iuroit par la fortune de cestuy cy, & le designerent pour compaignon de Tibere n'ayans esgard au consulat, ains plustost à l'empire. Et Tibere scauoit bien alors tout ce qui se faisoit: mais voulāt trouuer quelque moyen par lequel il le peult faire mourir & ne voyant commēt il le peult faire apertement sans peril, trouua vng admirable moyen pour Seyan mesme, & pour les autres, à entendre leurs couraiges, ioinct que continuellement escripuoit plusieurs & diuerses choses de soy mesme à Seyan, & au senat, maintenant disant qu'il estoit grandement malade, & quasi pres de la mort, & tantost escripuant qu'il estoit bien guery, & en brief vouloit retourner à Rome: & aucunes fois louoit grandement Seyan, & aucunes fois moult le deprimoit, & des amys d'icelluy les aucuns honnoroit & à aucuns autres faisoit vergongne, en maniere que Seyan estant partie enorgueillly, & en partie humilié, tousiours estoit en doute, car il ne luy venoit en volonté de craindre & pour ceste paour faire aucune nouuelleté, ne encores prenoit fiance telle par laquelle eust hardiesse de faire chose aucune, pource qu'il estoit empesché: & l'autre multitude entendant diuerses choses de Seyan, & en bref temps, & ne pouant pour icelles ny le despriser ny encores en faire petite estime, & demourans en suspicion de Tibere qu'il ne mourust, ou bien qu'il ne vinst à Rome estoiet to<sup>9</sup> douteux. Seyan dōcques pour ces choses estoit troublé, & d'auantage pour ce que d'une sienne statue estoit sorty quantité de fumée au commencement, & apres luy auoir esté osté la teste pour scauoir la cause de telle fumée en sortit vng grand serpent. Et depuis luy estant remise vne autre teste incontinent, & pour ce signe voulant sacrifier à soy mesme (car entre autres choses il obseruoit ceste coustūe de se sacrifier) fut trouué vne petite corde liée autour du col de ceste mesme statue. Et la statue de la déesse Fortune faicte (cōme aucuns diēt) regnāt iadis Alius en Rome, que Seyan tenoit

tenoit en sa maison, & moult par icelle se glorifioit, se retourna en arriere lors que se faisoit le sacrifice, cela voyant Seyan mesme & maintz autres, qui depuis entrerent en l'hostel: mais les autres ayans grand suspicion pour ces choses, touteffois n'entendans bien la pensee de Tibere, & preuoyans la frayeur de Seyan, & l'instabilité de fortune, declinoyent aux deux parties, par ce que priuement pouruoyoyent pour leur seurté, & en public honoroyent Seyan, tant pour autres causes comme pource que Tibere l'auoit fait prebste avec son filz en sa compagnie, & luy auoit donné la puissance Proconsulaire, & oultre auoyent fait vng decret que tous les consulz qui succedoyent deussent rendre admiration de cestuy. Tibere doncques l'honora de dignité sacerdotale, neantmoins ne l'enuoya querir, ains plustost il voulant venir en compagnie soubz couleur de visiter vne dame musicienne, qui estoit griefuemēt malade, luy commanda qu'il ne bougeast, comme qu'il non gueres apres fust pour deuoir venir à Rome: au moyen dequoy Seyan se commença à muer, & especiallement pource que ayant Tibere designé Gayus prebste, le loua grandement, & quasi comme successeur de l'empire pour les signes qu'il en demonstroit. Et eust Seyan fait quelque nouuelleté, mesmelement se voyant tous les souldardz beniuolles & promptz à l'obeyr, s'il n'eust préentendu le peuple estre moult resiouy pour les parolles dictes par Tibere sur Gayus, & especiallement pour la memoire de son pere, par ce que ayant premierement pensé le peuple tenir pour luy, depuis qu'il fut aduertuy plustost decliner à la faueur de Gayus, perdit le courage, & se repentit de n'auoir fait quelque nouuelleté au consulat: mais les autres pour ce regard, & pource que vng certain sien ennemy lequel auoit bien esté esleu dix ans au parauant à la Prefecture de Espagne, touteffois auoit esté conduyt en iugement pour aucuns delictz, fut deliuré par Tibere. Et pour cela mesmes furent assurez de telz iugemens, en ce temps, tous ceulx qui debuoyēt gouverner aucunes nations ou administrer quelconque autre chose publicque. Et ayant Tibere escript au senat, de Neron, qui estoit decedé, nomma simplement Seyan sans addition d'aucun tiltre acoustumé: d'auantage fait inhibition qu'on n'eust à faire sacrifice à aucun homme pour autant que ces telz sacrifices se faisoient encores à Seyan, & qu'on ne deust plus traicter aucune chose de son honneur, par ce que maintes choses auoyent esté determinées pour luy. Laquelle interdiction auoit bien esté faicte au parauant, mais à l'heure fut renouuellée pour le respect de Seyan, car ce qu'il ne laissoit determiner pour soy mesme, n'auoit permis aux autres: au moyen de laquelle inhibition commença chascun à faire moindre compte de Seyan, en maniere qu'il manifestement estoit desmis & delaislé. Dont Tibere aduertuy, & esperant d'auoir le peuple, & le senat, pour soy, commença de le poursuyure ayant premierement diuulgé vng certain bruyt qu'il luy vouloit conceder la puissance Tribu-

Gaius cree  
prebste.

nice , & ce affin qu'il le trouuaſt plus au deſpourueu , & eſcripuit au Senat contre luy par Neruius Sertorius Macro l'ayant occultement conſtitué cappitaine des gardes de ſon corps , & aduiſé au parauant de tout ce qu'il entendoit eſtre fait : lequel eſtant venu la nuit en Romme comme pour autres affaires, commença de executer les commandemens de Tibere avec Memnius Regulus, pour lors conſul, par ce que l'autre conſul ſon compaignon fauoriſoit à la part de Seyan, & encores avec Gracilius Laco cappitaine du guet de la nuit: & pour ce faire des laube du iour montant au palais, par ce que le ſenat debuoit ſieger dans le temple de Appollo, rencontra Seyan qui encores n'eſtoit monté, & le voyát tout confuz & perturbé pour n'auoir receu aucunes lettres de Tibere, le conſola, luy diſant à l'oreille qu'il luy auoit apporté la puissance Tribuneſe, au moyen dequoy Seyan reliouy entra au ſenat. Mais Macro enuoya les maſſiers eſtans aupres de luy à l'exercite, luy oſtant la liberté qu'il auoit, & luy ayant demonſtré aucunes lettres, par leſquelles Tibere demonſtroit de vouloir donner aucuns ſallaires aux maſſiers: & mis autour du temple les gardes de la perſonne de Tibere, ſ'en alla à l'exercite, à ce que aucune nouuelleté ne fuſt faite, & fut ce pendant leue la lettre qu'il auoit apportée au Senat, laquelle eſtoit aſſez longue, & ne parloit continuellement contre Seyan, ains au commencement eſtoit contenu autre choſe, depuis vne petite accusation contre luy, & apres vne autre choſe diuerſe: & contre Seyan vng autre, & en fin commandoit que deux ſenateurs grandement amys de Seyan fuſſent pugniz, & le meſme Seyan tenu ſoubz ſeuere garde: car Tibere ne comádoit manifeſtemét qu'il deuſt eſtre occiz, non qu'il ne le vouluſt: mais pource qu'il craignoit que de ce ſ'eſmeuſt quelque tumulte, & comme qu'il ne peult venir ſeuurement, demandoit l'ung des conſulz en ſa compaignie, & eſtoit la ſentence de la lettre telle, car auát qu'elle fuſt leue Seyan eſtoit loué comme celluy qui deuſt recepuoir la puissance Tribuneſe, & faiſoyent criz & clameurs comprenans en leurs entendemens tout ce qu'ilz eſperoyent, & luy faiſans demonſtration de luy vouloir dōner quelque dignité: mais depuis que ne ſe trouua aucune ſemblable choſe, ains pluſtoſt oyoyent le contraire de ce qu'ilz attendoyent, alors reſtoient moult triſtes, & douteux, & aucuns qui eſtoient aſſis aupres de luy ſe leuerent, par ce que celluy duquel parauant l'amytie eſtimoyent grandement, alors ne ſe vouloyent ſeulement ſeoir en ſa compaignie: & depuis tant les Preteurs que Tribuns l'environnerent de paour que ſortant du Senat ne ſuſcitauſt quelque tumulte. ce qu'il euſt fait, ſi au commencement euſt entendu aucune accusation entiere contre luy: mais tout ce qui eſtoit leu auoit deſpriſé comme choſe legiere, touſiours eſperant de n'entendre autre, ou à tout le moins, choſe, nō trop griefue, avecques laquelle eſperáce demouroit coy, & ce pendant eſtant appellé par Regulus ne luy voulut obeyr, non qu'il

le

Neruius  
Sertorius  
Macro cap  
pitaine de  
la garde  
de Tibe-  
re.

Memnius  
Regulus  
conſul.

Gracilius  
cappitaine  
du guet de  
la nuit.

Lettre cō-  
tre Seyan.

le desprisaſt ; attendu qu'il eſtoit deſia humilié , ains pource qu'il n'auoit acouſtumé de obeyr : mais depuis que la ſeconde, & troiſieſme fois il l'appella, & eſtandant la main luy diſt, Seyan vien ca: luy demanda, m'appelle tu? finalement eſtant Laco leué luy courut ſus, & leue la lettre tous d'une meſme voix crioyét cõtre luy difans maintes choſes griefues, les aucús qui par luy auoyent eſté iniuriéz, aucuns qui doubtoyent encores, autres voulans occulter l'amytié qu'ilz luy portoyent, & autres ſe reſiouyſſans de ceſte mutation de fortune. Neantmoins Regulus ne feit aucun decret de ſa mort ny de ſes deux compaignons, doubtant que aucun d'entre eulx ne luy contredyſt, car il auoit pluſieurs parens & amys, ains ayant eſleu vng hors les autres, icelluy prins & déterminé qu'il fuſt lyé avec Seyan le tira hors le ſenat, & le mena en priſon acompaigné de Laco, & de tous les autres hommes principaulx: & alors lon auroit peu bien comprendre l'imbecilité humaine, parquoy nul pour choſe aucune ſe deburoit exalter, conſideré que celluy qui de chaſcun auoit eſté acompaigné dans le ſenat comme ſuperieur, à l'heure meſme fut tiré en priſon comme vng homme de rien, & celluy que parauant auoyent aorné de courõnes, à l'heure lyerent de tous collez, & à celluy au deuant duquel au parauant alloient les maſſiers comme ſeigneur à l'heure le gardoyent comme ſerf fuitif, & il eſtant couuert le deſcouuroyent, & celluy auquel auoyent donné la robe de pourpre frappoyent en la face, & celluy qu'au parauant ilz adoroyent comme dieu, à l'heure conduyſoyent à la mort. D'auantage le peuple accourát de tous coſtez ainſi qu'il eſtoit mené, luy diſoit maintes iniures pour ceulx qu'il auoit fait mourir, & ſe gaboyent de luy pour les eſperances qu'il auoit, gettans à terre toutes ſes ſtatues, lesquelles ilz taillèrent en pieces, & les eſquartelloyét cõme qu'ilz feiſſent les meſmes playes à ſa perſonne, & par ainſi facilement pouoit Seyan veoir & congnoiſtre ce qu'il eſtoit pour endurer, car à l'heure fut mis en priſon, & non gueres apres, ains le meſme iour, le ſenat aſſemblé, pres la priſon, au temple de la déeſſe Concorde, ayás entendu le courage du peuple, & ne voyans aucun des maſſiers qui feiſt nouuelleté, le condampnerent à la mort, & ainſi fut gette de deſſus les degrez, le peuple trois iours durant fut à l'entour de ſon corps à le dampnifier & luy faire pluſieurs opprobres, & puis le getterent dans le fleue: & furent tous ſes enfans mis à mort par decret du ſenat, eſtant premieremét ſa fille occiſe par le maſtre des œuures, laquelle eſtoit promiſe au filz de Claudius: & ce à cauſe qu'il n'eſtoit licite à vne vierge eſtre miſe à mort en priſon, & bien que ſa femme nommée Apicate ne fuſt cõdampnée, neátmoins depuis qu'elle entendit la mort de ſes enfans, & veit leurs chieftz ſur les degrez ſ'en retourna en ſon hoſtel, & ayant eſcript en vng petit liure de la mort de Drufus contre ſa femme appellée Liuille, par laquelle elle auoit eſté miſe en diſcord avec ſon mary Seyan, en maniere qu'il n'habitoit avecques elle, enuoya ledit liure à Tibere, & ce fait prenant vne dague ſe occiſt ſoy meſme: lequel liure receu par Tibere, & du contenu

Seyan cõdanne a mort.

Les enfans de Seyan cõdanez a mort.

en icelluy faict inquisition·feit mourir Liuile, ensemble tous les participas de ceste mort. Toutefois me semble autressois auoir ouy dire qu'il luy pardonna en faueur de Anthoinette sa mere, neantmoins icelle Anthoinette volontaiřemēt fait mourir sa fille de faim. Ceste chose fut faicte depuis: mais à l'heure se leua vng grād tumultē en la citē, par ce que le peuple ou qu'il trouuaist aucun, lequel eust esté grād aupřes de Seyan, & soubz son crēdit eust commis quelque iniustice, incōtinent le mettoyēt à mort. Et les souldardz estans agrāuez d'estre tenuz en suspect pour la beniuolence qu'ilz portoyēt à Seyan & encōřes que les gardes de la nuict leur eussent esté preposées de fidelitē enuers l'empereur, brusloyēt & pilloyēt tout ce qu'ilz trouuooyent: & bien que tous les magistratz par commandement de Tibere feissent gardes à toute la citē, neantmoins les senateurs n'estoyent en repos, mais ceulx qui auoyent esté amys de Tibere se trouuooyent en grans pensemens pour doubte de n'estre pugniz, & ceulx qui auoyent accusē ou porté tesmoignaige contre quelqu'ung doubtoyent que ces telz fussent mis à mort, non par Tibere, ains par Seyan, si que bien peu se trouuooyent qui eussent bonne confiance, sinon ceulx qui attendoyent que Tibere seroit plus misericordieux: car les choses qui estoyent aduenues, toutes imputoyent (comme est la coutume) à celluy qui estoit mort: aussi la pluspart disoit Tibere n'en auoir riēs sceu, ou qu'il auoit esté contrainct de ce faire. Priuēement dōcques & en particulier estoyent tous en ceste maniere disposez, touteſſois en public feirent vng decret comme s'ilz eussent esté deliurez d'une certaine seigneurie, qu'aucune lamentation ne fust faicte pour la mort de Seyan, & que fust mise en la place la statue de la liberte, aussi fust vne feste celebrēe par les magistratz & senateurs (chose non iamais au parauant faicte) & que le iour qu'il fut mis à mort fust festoyē avec cours de cheuaulx, & occision de bestes, par ceulx qui auoyent esté prebstrises, & par les faulteurs de Auguste: chose qui pareillement iamais n'auoit esté obseruēe: & celluy lequel avec nouueaulx & inusitez honneurs auoient conduict iusques à la mort, contre luy maintenāt determinerent aux dieux extraire cerimonies: & tant estoyent certains que cestuy par ces honneurs à luy dōnez, sortit hors du moyen, que depuis empescherent manifestement que s'attribuaissent honneurs desmesurez à aucun, & que ne se feissent sermens au nom d'aucun autre, sinon de l'empereur. Et bien qu'ilz eussent faictz ces decretz cōme par vng instinct diuin, neantmoins commencerent non long temps apres à aduler Macro, & Laco, car ilz leur cōcederēt plusieurs hōneurs, & maītes quatitez de deniers: assauoir à Laco les hōneurs de Questeur, mais à Macro de Preteur, & d'auātage qu'il fust present aux spectacles avec eulx, & peust vser de la robe de pourpre es congregations esquelles se faisoient les veux: touteſſois ne voulurent accepter telles choses, pour l'exemple qu'ilz auoyent deuant les yeulx. Pareillement Tibere n'accepta maintes autres à luy concedēes par decret, cest a scauoir, que deslors commencaſt à se nommer pere du pays, &

que

que son iour natal fust célébré avec le cours de dix cheualx, & avec le conuy du senat, ains fait interditió que nul de la en auát feist telle introduction. Ces choses furent faictes en la cité: mais Tibere ce pendant fut en non petit doubte que Seyan n'occupast la cité, & nauigüast contre luy, & desia auoit préparé les nauires avec lesquelles il se fust mis en fuyté, & cõmandé à Macro (comme aucuns dient) que si Seyan concitoit aucun bruyt, il eust à introduyre au peuple & dans le senat Drusus, & le cõstituast empereur: mais depuis qu'il entendit la mort de Seyan sen resiouyft comme bien estoit raisonnable, neantmoins ne receut l'ambassade à luy sur ce enuoyée, bien que luy fust venue de la part tant des cheualiers, du senat, que du peuple, comme au parauant, ains donna congé à Regulus consul, qui tousiours auoit maintenu son party, & lequel estoit venu pour la seurté de son chemin deuers Rome ains qu'il auoit escript. Seyan dócques lequel fut trespuissant aupres de l'empereur plus que nul autre auant ou apres luy, excepté de Plautian, mourut en ceste sorte: & ses amys, & parens, ensemble tous les autres qui l'auoyent flaté, & luy auoyent offert les honneurs, estoient grandement hays, & la pluspart d'eulx condampnez pour les choses dont par auant estoient enuyez, & les autres lesquelz autrefois l'eussent fauorisé avec leurs decretz maintenant donnoyent sentence contre luy, & plusieurs lesquelz parauant auoyent esté absoulz en iugement de réchef furent accusez, & condampnez, comme que premierement eussent esté fauluez par la grâce de Seyan: & ainsi si autre delit ne se trouuoit en aucún, cestuy estoit suffisant cestauoir auoir esté amy de Seyan, comme que Tibere pour ce l'eust en hayne, & les autres semblablement pour l'amour de luy. Et estoient ces telles choses denoncées tant par autres que par ceulx lesquelz principalement auoyent honoré Seyan: par ce qu'ilz comme ceulx qui congnoissoyent bien les autres à eulx semblables n'auoyent aucune peine à les chercher né conuaincre: & ainsi ceulx cy esperans pour telles denonciations debuoir estre fauluez, & receuoir deniers & honneurs, aucuns accusoyent les autres, & autres tesmoignoient à l'encontre: mais leur aduint qu'ilz n'obtinrent aucune des choses par eulx esperées, par ce que estans en ceste mesme coulpe qui par eulx estoit aux autres imputée, estoient mis à mort, tant pour ceste cause comme pour estre traystres à leurs compaignons. De ceulx la doncques qui furent encoulpez plusieurs furent accusez en leurs presences, & se trouuerent aucuns entre eulx lesquelz vserent d'une grand liberté de parler en leurs excuses, neantmoins la plus grand partie se occirent eulx mesmes auant que estre condampnez, & ce faisoient principallemét pour autát qu'ilz ne pouoyent porter paciémét ne l'iniure ny la hôte: par ce que tous ceulx qui fussent encoulpez de tel fait non seulement cheualiers mais senateurs, & non seulement hommes mais femmes, estoient incõtinét incarcerez, & depuis que les aucuns estoient condampnez, subitement se mettoit la sentéce à execution en la mesme prison, & les autres estoient gettez du capitolé par les consulz & tribuns. Aussi estoient

estoyent tous leurs corps dissipés par la place, & depuis gettez dans le fleuve, & se occioyent encores eulxmesmes, à ce que leurs enfans succedassent à leurs biens, car maintes petites richesses de ceulx qui mouroyent volontairement auant la condampnation estoient soubz hastées : quasi comme que Tibere prouocquast pour cest aduantage les hommes à eulx tuer affin qu'il ne semblast celluy qui les feist mourir, bien que beaucoup plus cruelle chose estoit cōtraindre vng à se oster la vie soy mesme que le faire mourir par les mains des autres. Plusieurs biens doncques de ceulx qui ne mouroyét en ceste sorte estoyet criez & soubz hastez, & peu, ou rien, d'icelles, en receuoyét les accusateurs, car Tibere auoit beaucoup plus grand cure à la pecune que aux cenes. Et depuis recueillit vng tribut de deux cens ans, apres cent ans, & hereditoit ce qui luy estoit delaisé : & si quasi tout homme luy delaisoit quelque chose, voire encores ceulx qui se occioyét eulxmesmes, comme ilz auoyent acoustumé laisser à Seyan quand il viuoit, & avec ceste mesme intention avec laquelle il ne prenoit les biens de ceulx qui mouroyent volontairement, reduisoit toutes les denonciations & accusations au senat, à ce qu'il fust sans coulpe quant à l'apparence, & que le senat mesme donnast la sentence & se cōdampnast soy mesme, parquoy les senateurs entendoyet tres bien qu'ilz se deuoient destruyre avec leurs propres sentences, & congnoissoyent que les premieres cruaultez n'estoyét procedées par l'œuure de Seyan comme de Tibere, par ce que non seulement les accusateurs des autres estoient iugez, mais encores ceulx qui auoyent condampné autruy : en maniere que Tibere ne pardōnoit à aucun, ains vsoit d'eulx tous à leur propre destruction, & n'auoit aucun pour amy, mais esgallemēt traictoit les iniustes, & ceulx qui estoient sans coulpe, & toute la suspection & seurté des hommes estoit selon les choses appartenans à Seyan, & sembla finalemēt de oster la memoire d'icelles, car Tibere conceda à quiconques voulust demonstrier tristesse pour Seyan, ayant en oultre commandé que iamais plus ne fust fait tel decret, laquelle chose neantmoins souuentefois auoit esté confirmée par decret, non pourtant ne perseuera en ceste sentence, ains peu de temps apres furent par luy plusieurs pugniz pour le fait de Seyan, & autres delictz, cest assauoir aucuns qui estoient encoulpez d'auoir constupré & occiz des dames à luy trescōioinctes de sang. Estât dōcques la cōstitution de la Republicque en telle maniere disposée, & ne pouant aucun denier que ne mägeassent de sa chair, en l'an ensuyuāt aduint vne chose moult digne de rire, auquel an estoit consul Gneus Domitius, & Camille Scribonian, par ce que anciēnement estât coustume que les senateurs au commencement du moys iurassent non chascun d'eulx particulierement, ains seulement vng, & les autres confirmassent apres son serment, alors ne le firent mais de leur volonté sans que fussent cōtrainctz d'aucun, separément, & chascun à part soy, donperent la foy cōme que ce tel serment donné par chascun d'eulx deust estre plus valide, car au commencement par l'espace

Gneus Domitius & Camille Scribonian consulz.

de plusieurs ans (comme j'ay dit) Tibere ne voulut endurer que aucun iurast pour les choses appartenans à son empire. Durant ce mesme temps arriua vne autre chose encores plus digne de riz, par ce que les senateurs feirent vng decret qu'il esleust de son ordre tant qu'il voudroit, & vingt d'iceux tirez par sort fussent à sa poste armez de dagues toutes fois & quâtes qu'il viendroit à entrer dans le senat, car estât assise la garde des souldardz dehors, & dedans mil n'entrât aucun homme priué, determinerent le preside de Tibere, non pour autre respect, sinó d'eulx mesmes côme qu'ilz fussent ennemys. Dôt Tibere les loua & leur rendit graces pour leur beniuolence: toutefois reffusa ceste chose comme non acoustumée, car il n'estoit si fol qu'il voulust conceder les armes à ceulx qu'il auoit en haine & desquelz il scauoit estre hay, ains pour cest offre mesme les tenoit plus suspectz, car tout ce qui est fait par adulation engendre suspicion, & par ainsi reffusa telles choses à luy cōcedées par decret: mais bié qu'il sceust les massiers auoir esté amys de Seyan, neantmoins tant d'effect que de parolles leur faisoit grand honneur, à ce qu'il peust vser de leur ayde plus promptement contre les senateurs, car aucunes fois il louoit les senateurs pour ce qu'ilz auoyent determiné que aux massiers fussent deliurez deniers du public. Et avec si grand astuce deceuoit les senateurs de parolles, & se faisoit les massiers amys avec effect, que Iunio Calenne Galion qui auoit referé au senat que fust certain lieu cōcedé au theatre, auquel estoient les cheualiers assiz (aux souldardz de Tibere) pour telle demande non seulement l'enuoya en exil, l'ayant à suspect qu'il voulust faire ses souldardz plus beniuolles au peuple que à soy mesmes, ains auoir entendu Iunio s'en aller à Les bos, luy osta la feurté de demourer en ce lieu pacifiquement, & commanda que le meissent en prison. ce qu'il fit pareillemēt vne fois contre Gallus: & à ce qu'il donna à entendre sa volūté enuers l'une & l'autre partie exposa non lōg temps apres au senat qu'il luy suffisoit que Macro & les Chiliarques étraffēt dās le senat, car pour lors il ne prioit plus en aucune chose le senat comme celluy qui ne pensoit entrer dans la cité: mais alors voulut demonstrier son hayne enuers les senateurs, & sa beniuolence enuers ses souldardz. A quoy assentirent les senateurs mesmes, & adiousterent au decret de ce fait, que quand ilz entreroient fussent chercher pour scauoir s'ilz auoyent aucunes armes soubz leurs robes: lequel decret fut public l'an ensuyuant: toutefois à l'heure pardonna à plusieurs de ceulx qui auoyent esté familiers de Seyan, & entre autres a Lucius & Seyan Preteur: & pareillement a Marc Terence cheualier, a Seyan pardonna ne faisant compte de luy, bien qu'il es festes de la déesse Flora eust fait toutes les autres choses par les maīs d'hommes chauues en derision de Tibere, qui estoit chaulue, & a ceulx qui se departoyent du theatre faisoit faire lumiere par cinquante mil petis enfans tōduz: dôt Tibere non seulemēt se courrouca, ains encores faignit au cōmencemēt de n'auoir riēs entendu, iacoit ce que tous les chaulues eussent esté nommez Seyans. Mais a Terence pardonna,

Chaulues  
sur nommez  
Seyans.

par ce qu'il estant en iugement, au moyen de l'amytié de l'autre Seyan, non seulement ne desnia d'auoir esté s<sup>on</sup> amy, ains plustost dist l'auoir gr<sup>ad</sup>emét prise & honoré, & ce auoir fait pour ce que Tibere mesmes l'honoroit, parquoy si l'empereur auoit bon iugement a l'honorer, ie encores (dist il) n'ay fait aucú mal faisant le s<sup>é</sup>blable, mais si l'empereur auquel n'est aucune chose incógneue & oculte à erreur, ie pourroys auoir failly avec luy, ioict q<sup>u</sup> nous est conuenable d'aymer tous ceulx qui sont par luy h<sup>on</sup>orez, & ne deu<sup>ons</sup> examiner s'ilz en sont dignes ou n<sup>o</sup>, ains auoir vne seule reigle & mesure, cest a scauoir la grace de l'empereur. Pour ces parolles doncques le senat deliura Terence & oultre ce reprint ceulx qui l'auoyent accusé: laquelle sentéce fut par Tibere c<sup>o</sup>firmée. Et Piso preffect dela cité estát decedé honnora de sepulture publique, chose qu'il auoit encores c<sup>o</sup>cedée à autres, & esleut questeur en son lieu Lucius lequel par luy au parauant preposé à l'exercite, le tenoit en Rome, & cela mesmes faisoit éuers plusieurs autres en effect n'ayát besoing d'aucun d'eulx, ains faignant en parolles de les honorer: Et en ce temps decedé Vetradius Polio, preffect d'Egypte, commist ceste nation à Hibere Cesarien, toutesfois quát aux c<sup>o</sup>sulz, Domitius demoura en dignité tout cest an, pour ce qu'il estoit mary de Egyptie fille de Germanic: mais les autres y demouterét t<sup>o</sup>t qu'il pleut à Tibere, car il n'essioit aucun pour plus long temps & aucun pour moindre, & si encores recourrit les aucuns des offices auát l'ordre fait, à aucúns autres c<sup>o</sup>cedoit plus long terme, & desia il ayát designé vng pour vng an, ic<sup>o</sup>tinét ou peu apres le deposoit & en son lieu en mettoit vng autre, & aucuns autres p<sup>ar</sup> luy designez pour le troiesime an apres faisoit autres auát eulx exerciter le c<sup>o</sup>sulat en lieu d'autres. Et quát appartient aux c<sup>o</sup>sulz estoit ce fait durát tout le t<sup>é</sup>ps de son empire: mais de ceulx qui demádoient autres magistratz, en essioit tant, & ceulx qu'il vouloit, & les enuoyoit au senat, les aucuns avec ses rec<sup>o</sup>mendati<sup>o</sup>ns, & estoient ceulx cy esleuz par tout h<sup>o</sup>me, & les autres laissoit en la iustice & c<sup>o</sup>s<sup>é</sup>temét des autres & au fort, & depuis estoient introduictz au peuple & à la plebe, ains qu'il appartenoit à l'<sup>u</sup>g & l'autre obseruer les anciénes cerimonies: laquelle chose p<sup>ar</sup> vne ymaige se obserue encores: & si quelques fois aucúns failloyét ou que fust c<sup>o</sup>gneue quelque int<sup>é</sup>cion, alors moins en estoýét esleuz. En l'an ensuiuát auquel Seruius Galba lequel depuis fut épereur, & Luci<sup>o</sup> Cornelius eurét le nom de c<sup>o</sup>sulz, furét faitz quinze Preteurs, chose qui aduint par espace de plusieurs ans, en maniere que aucunes fois en furent esleuz seize, & aucunes fois vng ou deux: mais Tibere s'en v<sup>it</sup> en la cité & demoura es lieux d'autour la cité, neátmoins n'entra dedás, bien qu'il n'en fust distát de trente stades: & iacoit ce qu'il eust marié les autres filles de Germanic, être lesquelles il maria encores Iulie: pour l'abs<sup>é</sup>ce de Tibere la cité ne fait festes es nopces de ces dames, & le senat encores s'assébla & fait certaines determinati<sup>o</sup>ns car Tibere auoit mis gr<sup>ad</sup> dilig<sup>é</sup>ce qu'ilz quád estoit opportun se conuenissent ensemble, & ne s'assemblissent plus tost qu'il n'en fust besoing, ne encores

Serui<sup>o</sup> Gal  
ba & Luci<sup>o</sup>  
Cornelius  
consulz.

encores se departissent auât le tēps. Et plusieurs de ces choses redigeoit par escript, & aux cōsulz cōmādoit qu'ilz leussēt apertemēt la coustume par luy obseruée es autres affaires cōme celluy q ne les peult escripre apertemēt au senat: mais aux senateurs mādoit seulement lettres qui luy est oyēt enuoyées par ceulx qui luy dōnoyēt aduis de quelque chose, & encores leur signifioit l'aduis qu'auoit Macro par voye de tourmés, en maniere qu'ilz n'auoyēt au tre arbitre sinó cōdāner. Toutefois depuis que vng certain Bibulie Agrippe cheualier dās le senat succa le venin qu'il auoit en son anneau, dōt il mourut, & Nerua ne pouât plus endurer les coustumes de Tibere s'occist soy-mesme, tāt pour autres choses cōme pource qu'il retrouuoit les loix introduictes par Cesar sur les cōdāpnatiōs faictes pour lesquelles se debuoit ensuiure vne grand infidelité & turbation, & depuis que le priât qu'il voulust dire quelque chose, il ne luy respondit aucune chose, alors tenta le faict des vsures, & dōna au public vngt mil sterces, à ce que fussent prestées sans vsure à qui en eust besoing pour trois ans, & cōmāda que les plus fameux accusateurs qui se trouuassēt fussēt tous mis à mort en vng mesme iour: & voulant vng hōme nōbré entre les cēturiōs dōner iugemēt d'ūg certain accusateur, prohiba que nul q eust exercé les armes feist cela, bien qu'il cōcedast ce la mesmes aux cheualiers & senateurs, neantmoins estoit sur ce faict moult loué, & mesmemēt pource qu'il ne voulut accepter plusieurs hōneurs à luy determinez par decret pour ces mesmes choses: mais estoit grandemēt dif-famé pour l'amour des fēmes & des ieunes enfās, le quelz il suyuoit sans aucune vergōgne: au moyen dequoy Marius Sext<sup>o</sup>, cest à scauoir celluy qui fut son tresgrād amy, pour laquelle amytié vint à si grand richesse & puissance que estāt vne fois courroucé cōtre vng sien voisin l'inuita à soupper p deux iours, au premier desquelz feist getter par terre toute son habitation, mais le iour ensuyuāt la feist reffaire plus belle & plus grāde, & ne sachāt le maistre les aucteurs de ce faict, Marius cōfessa auoir esté cause de l'ūg & de l'autre, & luy demōstrāt l'ediffice, dist, ie scay, & peulx faire mal & bien à qui me plaist en ceste maniere. Ayāt enuoyé sa fille q estoit moult belle en vng certain lieu à ce que Tibere ne luy feist vergōgne fut encoulpé d'auoir il mesme affaire a uec sa fille & furēt tous deux ensemble mis à mort. Pour telles choses doncques estoit Tibere grādemēt blasfémé: mais pour la mort de Drusus & de Agrippine estoit reputé cruel, par ce que ayās les hōmes premieremēt pensē toutes les cruaultez auoir esté faictes par Seyan, & esperās apres sa mort deuoir estre fauluez, depuis qu'ilz entēdirēt ces deux auoir esté mis à mort par Tibere se tristifierēt tāt pour ceste cause que pource qu'il non seulement ne cōmāda que leurs oz fussent reposez en la sepulture royale, ains voulut que fussent mussēz en quelque lieu soubz terre, affin que ne fussēt trouuez. Auec Agrippine fut alors mise à mort Plauchine Munassie, p ce que pauāt il l'ayāt en hayne non pour le respect de Germanicq, ains pour autres choses, neant-mois à ce que ceste la ne prist plaisir en la mort de ceste cy la pmissi viure ius-

Nature de  
Marius  
Sextus.

qués à l'heure. En ce tēps designa Gaius Questeur non entre les p̄icipaulx; mais luy promist qu'il seroit promu aux autres magistratz cinq ans auāt le tēps, bien qu'au parauāt eust aduise le senat de ne l'exalter avec plusieurs hōneurs de paour que pour ce ne s'esleuast en quelque chose, car Tibere auoit encores Tibere son nepueu, touteffois en faisoit petite estime tāt à cause qu'il estoit petit enfant cōme pour le souspecō, par ce qu'on ne croyoit fermemēt qu'il fust filz de Drusus; mais plustost fauorisoit à Gaius cōme à celluy q succederoit à l'ēpire, & especiallemēt pour ce qu'il scauoit que Tibere, cest à scauoir son nepueu ne viuroit lōguemēt, & seroit mis a mort p̄ Gaius mesme; cōsidéré qu'il scauoit toutes les choses futures apptenāt a Gaius, & vne fois eistāt cestuy cy en diferēd avec Tibere, luy dist, tu tueras cestuy, & autres toy: & n'ayāt Tibere aucū a luy si proxime de sang, & cōgnoissāt qu'il seroit vng tresmauuais hōme luy dōna volūtiers l'empire (cōme l'on dit) a ce que les viues fussent mussez pour l'exces de ceulx de Gaius, ou qu'apres fust destruicte la plusgrād & plus noble ptie du senat: & dit lon que souuēt auoit acoustumē vser de ce prouerbe anticque: Mais que ie soye mort se puisse mesler la terre avecq le feu. Et souuentēffois disoit Pisenno auoir esté heureux, lequel mourut avec la destructiō de la patrie & de son royaume. Lesquelles choses se peuent veritablemēt dire estre aduenues encores à luy, par ce que si grād multitude de cheualiers & de senateurs fut destruicte que les magistratz qui se prenoyēt p̄ sort ceulx q auoyēt esté preteurs tenoyēt les prouinces. par l'espace de trois ans & les hōmes cōsulaires les tenoyēt p̄ six, le tout pour disette d'hōmes dignes d'y succeder: car cōmēt pourroit lon nōmer ceulx q sont esleuz ausquelz il cōcedoit du cōmencement demourer au magistrat par lōgue espace: touteffois entre ceulx qui moururēt en fut vng nōmé Gallus, par ce que (cōme Tibere dist) premieremēt quand le fait mourir se reconcilia avec luy. Tāt Tibere hors l'usance cōcedoit à aucū la vie pour pl<sup>9</sup> grād tourmēt, & a aucū dōnoit la mort en lieu de benefice. Ce faict suruenāt le vīgtiesme an de son empire, il biē qu'il demourast aupres de Albe & de Tuscule, neātmoīs n'ētoit en la cité: mais les cōsulz, cest assauoir Lucie Vitellie & Fabie Persique celebrerēt la secōde feste decennale, assauoir apres dix ans, p̄ ce qu'ilz la nōmerēt en ceste sorte & non vincennale, bien que fussent passez vīgt ans de l'ēpire, & ce feirēt cōme que vne autreffois luy delaisassent l'ēpire, ainsi qu'ilz auoyēt acoustumē faire à Auguste. Les consulz en vng tēps feirēt la predictē feste, & furēt pugnis par ce que à l'heure ne fut aucū saulū de ceulx qui auoyēt esté encoulpez, ains furēt tous cōdānez, p̄ncipallemēt pour les choses apptenās à Tibere & p̄ les tourmēs de Macro. Et les autres, pource qu'ilz estoiet suspectz d'aucū traictez: & se diuulguoit que pour ces mesmes causes Tibere ne venoit a Rome, pour n'ētre present a telles cōdānatiōs avec sa hôte, & encores maītz autres furēt mis a mort par le bourreau & autres se occirēt eulx mesmes. Et Pōponi<sup>9</sup> Labiō lequel auoit esté prefect de Misie par l'espace de huyt ans apres sa prefecture accusē avec sa fēme d'a

Prouerbe  
de Tibere.

uoir receu quelques dōs volūtāremēt mourut: mais M. Emile Scaure n'ayant  
 esté preffect en aucū lieu, ne, ayāt receu presens, neātmoīs fut cōdāné pour vne  
 tragedie: & luy arriva pl<sup>9</sup> grād infortūe que celle ql auoit escripte. Ceste telle  
 tragedie estoit intitulée à Titus & exhortoit aīsi que faict Euripides vng sub-  
 iect dudit Tit<sup>9</sup> qu'il supportast patiēmēt la folie du roy: dōt Tibere aduertiy  
 pēsa que ce dict fust escript cōtre luy & ql fust fainct en lieu de Atreus pour sa  
 cruaulté, & pource l'ayāt menassē ql le feroit deuenir Ajax le puocqua à l'occir  
 soymesme cōme fit Ajax: neātmoīs ne fut accusē de ceste tragedie, aīs plustost  
 d'auoir cōmis adultere avec Liuie: car maītz autres pour ce respect ptie meri-  
 téemēt & priē iūstemēt furēt pugnis: & ces choses faictes en Rome leurs sub-  
 ietz ne demouroiēt écores en paix: mais depuis que vng certai ieune hōme fut  
 veu en Grece & en Ionie q se disoit estre Drus<sup>9</sup> à la cité, l'accepterēt & l'hōno-  
 rerēt. Cestuy passé en Sirie eust occupé les exercites sinō que vng le cōgneut,  
 & l'ayāt pris l'amena à Tibere. Depuis Gaius Gallus & Marc Seruilie furēt cō-  
 sulz. Mais Tibere estāt en Antie faisoit festes pour les nopces de Gaius pour  
 lesquelles ne voulut entrer en la cité: & puis que Fulcius Trion q auoit esté  
 grād amy de Seyan & à luy tresagreable pour les caulatiōs qu'il faisoit cōtre  
 plusieurs fut accuse & de paour se occist en sa presēce soymesmes, ayāt p sō te-  
 stamēt desduit plusieurs maulx tāt de Tibere que de Macro ses enfās n'eūrēt  
 hardiesse de le publier: neātmoīs Tibere aduertiy de ce ql auoit escript en son  
 testamēt cōmāda que fust porté dās le senat, ioinct que de telles choses il fai-  
 soit peu d'estime, & aucūes fois magnifestoit au senat les iuectiues faictes cō-  
 tre luy, bien que fussēt occultes, car il encores māda au senat toutes les parol-  
 les qu'auoit dit Drusus estāt en misere & anguisse. Ainsi mourut Trion: mais  
 Popat Sabin, lequel auoit gouverné l'une & l'autre Mesie, & d'auātaige la Ma-  
 cedoine & Acaie, quasi durāt tout le tēps de l'épire de Tibere, voluntiers s'en  
 deliura auāt qu'en aucūe chose il fust encōulpé. Et luy succeda Regulus en ce-  
 ste mesme administratiō, par ce que tāt Macedoine que Acaie (comme aucūs  
 diēt) luy fut cōcedée sās sort. Durāt ce mesme tēps Arthaban Parthe apres la  
 mort d'Artaces dōna l'Armenie à Artaces son filz, dōt Tibere ne fait aucūe  
 végeāce, bien ql tētaist écores d'occuper Capadoce & vñast des Parthes moult  
 superbemēt, au moyen dequoy aucūs d'iceulx rebellez cōtre luy enuoyerent  
 ābassadeurs deuers Tibere pour luy demāder pour roy l'ūg de ceulx q estoiet  
 ostages en Rome: ce ql leur octroya: & leur éuoya Phraustes filz de Phraates,  
 mais pource qu'en chemin surpris d'une maladie il deceda, y éuoya Terida-  
 tēs lequel écores estoit de stirpe royalle: & affi ql receūt la seigneurie pl<sup>9</sup> faci-  
 lemēt escripuit à Mithridates Hiberē ql assaillist l'Armenie, à ce que Artabā  
 voulāt secourir son filz habādōnast son ppre royaulme: ce qui aduit: toutes-  
 fois Teridates ne regna lōg tēps, pource que Artabā bestāt raliē avec les Sci-  
 thiēs le dechāssa facilement: Aīsi estoiet les affaires des Parthes disposez: mais  
 Mithridatēs filz cōme appt, & Mithridatēs Hiberiē, toutesfois frere de Pha-  
 rasmane qui fut roy des Hiberiēs apres luy prit l'Armenie. Et estāt cōsul Sex-

tus Papinio, avec Quinte Pautie, le Tibre inūda grād ptie de la cité, en maniere qu'on y pouoit nauiguer, & beaucoup pl<sup>9</sup> grād ptie d'icelle fut deffaicte p le feu tout autour de l'Hipodrome, & du mōt Auétin, si que Tibere pour satisfāctiō du dōmage dōna vīgt cīq mil dragmes. Et cōbien que les choses de Egypte n'appartiēnt en riēs a celles de Rome, toutesfois vng oyseau appellé phœnix y fut veu, ce q sebla a to<sup>9</sup> signifier la mort de Tibere, car à l'heure Thrasile mourut: mais en l'an ensuiuāt passa de ceste vie Tibere estās consulz Gnee Procule, & Ponce Nigrin: & auoit Macro dressē infidies à plusieurs autres cōme à Domiti<sup>9</sup>, & appeillé accusatiōs & tourmēs, neātmoīs ne furēt to<sup>9</sup> mis à mort, car Thrasile saigemēt deceut Tibere, ioict que de soy mesmes predict le iour, & l'heure pūctuellemēt en laquelle il deuoit mourir: toutesfois à Tibere faulcemēt pmist ql viuroit autres dix ans, affi ql ne se hastast de faire occir les accusez, il esperāt d'auoir assez lōg tēps, aīsi que écores arriua: pour autāt que esperāt Tibere qu'après pourroit faire tout ce que bō lūy sebleroit à sō aise ne se hastā autremēt: & ayant le senat differē la condānation des accusez, pource que les aucūs cōtredisoyēt aux examēs faictez cōtre eulx, ne s'en courrouca aucunemēt, & pource écores vne fēme laquelle s'estoit naurée fut portée en plaī senat, & de la rapportée en prisō trespassā. Pareillemēt Lucie Aruntie, tāt d'age que de doctrine hōme tresgraue, se tūa volūtairemēt, biē que Tibere fust malade & n'y eust esperāce de santé: p ce que voyāt la malignité de Gayus, delibera vouloir mourir plustost que venir être ses maīs: disāt ie ne puis en ma vieillesse seruir vng nouueau & tel seigneur: mais les autres aucūs estās desia cōdānez furēt gardez, car ilz ne pouoyēt estre executez auāt dix iours, & aucuns estāt le iugemēt differē (pource que desia se scauoit cōmēt Tibere estoit grieuemēt malade) furēt écores sauluez, pour autāt que le preuit auāt ql entendist aucune de ses choses, & lōg tēps au parauāt auoit esté malade, mais esperāt se deliurer p le iugemēt faict par Thrasil de sa vie, ne cōmunicqua avec ses medeis, & ne mua sa forme de viure, aīns se cōsumāt peu à peu cōme celluy qui estoit vieil & auoit vne infirmité non trop grande, aucunes fois se debilitoit, Quoy faisāt dōnoit grād plaisir tāt à autres cōme à Gayus, de sa mort, & leur faisoit quelque paour ql retournaist en santé: au moyen de quoy craignāt Gay<sup>9</sup> que au vray ne se sauluaist, ne luy dōna aucune chose à manger, biē qu'il en demandaist, demōstrāt de craidre que la viāde ne luy fust nuisible, aīns le courrit de plusieurs draps pesās cōme ql eust besoig d'estre tenu chauldemēt, & aīnsi l'estoffa avec l'ayde de Macro, lequel estāt Tibere en tresgriue infirmité cōmēca de adherer à Gay<sup>9</sup>, & especiallemēt pource que au pauāt l'auoit iduit à la mort de sa fēme appellée Ennie Thrasilie, de laquelle ayāt desia suspitiō, Tibere luy dist: tu habādōnes celluy q t'a mōté, & t'approches de l'autre q leue. Tibere qui eut plusieurs vertus & plusieurs vices, & d'icelles v sa cōme s'il les eust seules, mourut en ceste maniere le vingtsixiesme iour de Mars: & auoir vescu soixante six ans sept moys & sept iours, fut ensepulture publicqūement, & fēt Gayus l'oraison es funerailles.

# Le Cinquantehuitiesme liure

DE DYON, HISTORIEN GREC,  
Traduict d'Italien en Francois.

En ce present liure est traicté des gestes de Gaius Cesar Calligula, & comment le temple de Auguste fut consacré, comment la Maurytanie commença à estre gouvernée par les Romains, & puis comment Gayus Cesar Calligula mourut.



De Gaius Cesar Calligula.  
Chapitre CXXIII.



DE Tibere ont esté dictes les choses cy dessus escriptes, auquel succeda Gayus filz de Germanic & de Agrippine, lequel ilz nommoient Germanic Calligula (comme i'ay par cy deuant dit) car Tibere laissoit l'empire à Tibere son nepueu, mais Gaius ayant enuoyé son testamét par Macro au senat, le feit declarer vain par le moyen tant des consulz que des autres qu'il auoit rengez à sa faueur, alleguant que Tibere quand il le feit n'auoit sain entendement, cōsideré qu'il auoit laissé à Tibere son nep-

Gaius Cal  
ligula em-  
pereur.

Lz lz iiii ueu

ueu l'empire, auquel pour le respect de son aage n'estoit encores licite d'en-  
 trer dans le senat, au moyen dequoy incontinent luy osta l'empire, & a-  
 pres l'auoir adopté le fait mourir. Neantmoins Tibere ayant souuentef-  
 fois escript ce testament le laissa, comme que son nepueu pour la vigueur  
 d'icelluy deust auoir plus grand puissance, & fut alors tout le sommaire  
 d'icelluy leu par Macro en plain senat, toutesfois peu profitta aucune  
 iustice contre l'ingratitude & la puissance des successeurs. Par ainsi à  
 Tibere arriuerent les mesmes choses qu'il auoit faictes de sa mere, ex-  
 cepté qu'il ne voulut riens des biens par elle delaissez, mais ceulx qu'il  
 auoit delaissez furent distribuez à chascun, excepté à son nepueu, parquoy  
 fut à tout hōme manifeste que pour le respect de ce petit enfant tout le testa-  
 ment auoit esté blasimé, car il pouoit bien demourer de ne le monstrer, veu  
 qu'il scauoit le cōtenu d'icelluy: mais pource que plusieurs autres le scauoyēt  
 & par vng moyen Auguste & par vng autre le senat comme il sembloit de-  
 uoit estre encouplé & voulut plus tost le adnuller p le moyen du senat que le  
 tenir occulté. D'auantage distribuāt tous les biēs delaissez p Tibere cōme ses  
 propres acquist entre plusieurs renommée de magnanime. Incōtinēt dōcques  
 il ayāt esté present avec le senat au spectacle des massiers, leur distribua éui-  
 rō cēt & ciquāte dragmes q leur auoyēt esté delaissées, & si leur dōna écores  
 autant d'auantage: & au peuple distribua vnze cēs vingt cinq miriades, p ce  
 qu'en tel nōbre luy auoyent esté delaissées. Et oultre ce les soixante dragmes  
 pour chascune personne, lesquelles ilz n'auoyēt receues lors qu'il fut receu  
 entre les adolescēs deliura en ce mesme tēps, leur supadioignant l'usure des  
 autres quize dragmes, par ce que aux exercites ciuilz & aux gardes de nuit  
 & à ceulx qui estoient hors Italie nommez du cathalogue; & si aucun autre  
 exercite ciuil estoit es forteresses plus petites, diuisa les biens delaissez,  
 cest à scauoir aux ciuilz dōna pres de six vingtz cinq dragmes, mais à tous  
 les autres soixante cinq: laquelle mesme chose il fit du testament de Li-  
 uie, car il faulua encores tous ces biens, & sil distribuoit les autres  
 deniers opportunément sembloit qu'il feust magnanime & magnific-  
 que, par ce que aucunes fois faisoit ces diuisions de paour du peuple & des  
 souldardz, mais la plusgrand partie de sa propre intention, car non seu-  
 lement aux autres ains encores aux hommes priuez, distribua les biens  
 à luy delaissez par sa bisayeulle, & faisant grand despence en faulteurs, les-  
 quelz incontinēt il reuocqua du bannissement, en cheualiers de gladiateurs  
 & en telles autres choses sans aucune mesure en brief temps vuyda tous  
 les thresors, bien qu'ilz fussent grandz, & demonstra sa nature qu'il eust  
 fait ces distributions premieres par vne certaine prodigalité inconsi-  
 derée. Il doncques ayant trouué cinq miriades de miriades, & sept mil  
 cinq cens dragmes, ou (comme aucuns dient) deux mil sept cens & huyt  
 Miriades qui sont vingt sept millions & quatre vingtz mil escuz

Mort de  
Tibere filz  
de Drufus.

Prodigali-  
te de Cal-  
ligula.

cou-

couronne apres le troisieme an ne s'en trouua aucune chose , ains incontinent eut besoing d'en recouurer d'autres , & de ceste mesme maniere vsoit en toutes autres choses , pour autat que au commencement semblant en tout amateur de la liberte populaire, en maniere qu'il n'escripuoit aucune chose ne au senat ny au peuple, & ne l'estoit encores attribué aucun nom imperial, depuis deuint tout monarchique, de sorte que tous les tiltres qu'auoit receuz Auguste l'ung apres l'autre en tout le temps de son empire, les aucuns desquelz ne furent encores par Tibere acceptez , eut cestuy cy en vng iour, car il ne differa de non accepter autre nom sinon celluy de pere . Lequel non long temps apres touteffois il s'attribua: & ayant au parauant esté grand adultere , & prins par force vne dame maryée, apres les eut toutes en hayne, vne exceptée tant seulement, & encores luy fust ceste cy venue en hayne si elle eust vescu plus longuement: & ayant fait enuers sa mere, ses freres, & son ayeulle Anthonie maintes choses pitoyables & humaines , car ceste cy incontinent par luy crée pour Auguste & prestresse, luy donna tous les priuileges que ont les vierges vestalles , & à ses sœurs ceulx des vierges vestalles , & qu'elles fussent presentes aux spectacles des cours des cheualx avec ceste mesme préeminence cōme qu'il & les veux que faisoient chascun an les magistratz , & les prestres pour luy & la Republicque , & encores les sermens qui se faisoient pour tout l'empire, voulust que fussent encores faitz pour sa sœur. Et il mesme nauigua en personne, à recueillir les os de sa mere & de ses freres decedez , lesquelz il porta à Rome , & inhuma en la sepulture de Auguste , & s'estant vestu d'une robe de pourpre & aorné de certains litteurs , comme est acoustumé faire es triumphes , anichila tous les decretz faitz contre iceulx, pugnist tous ceulx qui luy auoyent dressé infidies , & furent par luy reduictz en leurs hostelz ceulx qui auoyent esté enuoyez en exil pour son respect. Ayant dōcques parauant fait les choses predictes depuis deuint tresinhuman sur tous les autres hōmes tant enuers son ayeulle que ses sœurs, car il reduist son ayeulle à la necessité de la mort pource qu'elle l'auoit reprins en quelque chose, & ayant constupré ses deux sœurs les fera en vne isle, car la troisieme estoit morte au parauant , & parauant, aussi ayant demadé pour Tibere ces mesmes hōneurs que Auguste auoit receuz, depuis n'estant le decret fait incontinent , par ce que les senateurs ne s'offrans de pouoir honorer cestuy cy, ne encores ayans audace de le vituperer cōme ceulx qui ne scauoient bien l'intention de ce ieune hōme, auoyent differé à la venue de Gayus: alors ne luy fait autre honneur sinon de sepulture publique. Parquoy le corps de Tibere porté de nuit en la cité, & exposé en public le iour apparu fait l'oraison pour luy, en laquelle non tant furent ses louenges comprises qu'il fait mention au peuple de Germanic, & se recōmāda soy mesme pour autat que naturellement estoit aussi cōtraire à toute chose que l'intemperance & cruauté de Tibere, laquelle il vituperant non seulement.

ment imita , ains la supera , & des choses desquelles il le louoit n'en faisoit aucune. Et premierement il ayant commencé à iniurier Tibere & le blasmer si que aucuns pensans luy gratifier auoyent vsé de semblables parolles , apres le louoit & glorifioit , & si furent aucuns par luy pugniz qui auoyent vituperé , & comment les pugniffoit il , pource qu'ilz auoyent dit mal de Tibere , ainsi auoit en hayne ceulx qui le louoyent comme amys : & auoir remises les accusations qui se faisoient des mauuais , neantmoins en pugnifst plusieurs pour cause de tel delict , & ayant relaschée l'yre contre les ennemys de son pere & de sa mere & de ses freres , & ayant ars & brullé les lettres (comme il disoit) d'eulx trouuées , neantmoins en fait plusieurs mourir , car veritablement il auoit brullé aucunes de ces lettres : toutesfois auoit reserué celles qui estoient escriptes de sa propre main , comme celles qui approuuassent verité , icelles auoir au parauant faitz coppier. D'auantaige ayant empesché que nul au commencement dressast ses statues , depuis permit que se peussent faire statues en son nom : & ayant autrefois refusé qu'on sacrifiait à sa fortune , en maniere que ceste mesme chose fust insculpée es colonnes , depuis commanda que fussent faitz autiers & sacrifices pour luy comme qu'il fust vng dieu , & aucunesfois se delectoit de la multitude des hommes ; aucunesfois de vie solitaire , & quand quelque chose luy estoit demandée , se courrouçoit , & le semblable faisoit si on ne luy demandoit riens , en aucuns affaires estoit acut , & en aucunes autres moult paresseux , despédoit prodigallement , & recueilloit encores moult asprement , & luy estoient molestes & agreables semblablement les adulateurs , & ceulx qui parloyent liberement , & plusieurs qui auoyent faitz grandz iniustices ne pugniffoit , & p le contraire plusieurs qui n'auoyent faitz aucun mal faisoit mourir , & de ses amys à aucuns faisoit grand recueil & à autres grandz iniures , si que nul scauoit , ne qu'ilz deussent dire ne faire avec luy , mais tous ceulx auquelz succedast aucune chose , plustost les entretenoit p fortune que p conseil. A tel épereur estoit alors soubz mise rome , en maniere que les faitz de Tibere , bien que seblassent auoir esté moult cruelz , neantmoins si grand differéd estoit entre les siens & ceulx de Gaius que entre ceulx de Auguste & les siens , p ce que Tibere luy mesme auoit esté empereur , & auoit vsé des autres pour ministres selon sa voluté , mais Gay<sup>9</sup> estoit gouverné , & des chartiers , & des gladiateurs & seruoit les faulteurs , & aux autres desdiez au theatre. Au moyeu dequoy Appelles le premier q fust entre les autres tragediés , tous iours le tenoit aupres de foy en public , & pour ceste faueur il en personne , & les autres qui excercoyent ceste mesme art , faisoient toutes ces choses lesquelles ont telz homes hardiesse de faire quand ont quelque puissance , car toutes les autres choses appartenans à l'exercice de ceulx cy , l'empereur les faisoit moult sumptueusement , & les ordonoit en psonne , & si cōtraignoit les senateurs & les cōsulz à faire le semblable , en maniere que quasi tous les iours se faisoient telles festes , & il au cōmencemēt estoit present à les veoir & ouyr ,

&amp;

Gai<sup>9</sup> adore  
comme  
dieu.

Difference  
de Tibere  
à Calligula.

& fauorifoit le party des aucuns, & faisoit seditions comme qu'il fust vng homme priué du peuple. Et vne fois estant troublé cõtre ses aduerfaires, ne vint depuis veoir les festes; & en pourfuyte de temps se meit à contendre avec plusieurs, par ce qu'il guidoit les charrettes, & excercoit l'art gladiatoire, & vsoit de dances & faultz, & es tragedies estoit hustrion; toutes lesquelles choses faisoit ordinairement: mais vne fois ayant mandé hastiucement pour les principaulx de la cité, comme qu'il voulust tenir quelque grand conseil, se meit à faulter & dancier. En l'an doncques auquel Tibere mourut, & il fut mis en la principaulté, au commencement vfa de plusieurs adulations enuers les senateurs, estans presens au senat les cheualiers, car il leur promist de vouloir cõmunicquer la seigneurie avec eulx, & de vouloir faire tout ce qui leur plairoit, se disant estre leur filz: & desia estoit en l'age de vingt cinq ans cinq moys & cinq iours: depuis deliura tous les einprisonnez, l'ung desquelz estoit Quintus Pomponius, lequel voulut que depuis le consulat cinq ans entiers entrast au consulat, & adnulla les accusatiõs de l'impieté, par lesquelles veoit les accusez estre moult agraez, & feist toutes les escriptures delaisiées par Tibere de ceulx cy brusler, disant, i'ay ce commandé, à ce que si par cy apres ie me voulois recorder contre aucun des iniures faictes à ma mere & à mes freres, ie ne le puisse: dont ayant esté loué pour ce qu'ilz esperoyent que en tout parlast veritablement comme celluy qu'ilz pensoyent pour sa ieunesse, n'auoir en foy aucune duplicité, augmenta leur esperance. Et ayant encores commandé que les festes de Saturne fussent celebrées par l'espace de cinq iours, & prins vne obole en lieu d'une dragme de chascun de ceulx qui recepuoyent le bled pour viure, laquelle dragme luy auoyent donnée pour faire son ymaige, fut encores incontinet decreté qu'il fust faict consul, estans deposez Proclus & Nigrin qui estoient consulz, & que depuis ce temps il fust tousiours consul: neãtmoins ne le voulut accepter, mais depuis que Proclus & Nigrin demourerent au magistrat pour ces six moys, esquelz il auoit esté designé, en ceste maniere il encores fut cõsul, s'estât pris pour compaignon Claude son oncle: car cestuy iusques à ce temps, ayant esté nombré entre les cheualiers, & enuoyé ambassadeurs à Gayus par les cheualiers apres la mort de Tibere, à l'heure premiere bien qu'il eust vescu quarante ans fut consul & en magistrat. Gayus doncques fait ces choses humainement, & eut telle oraison estant entré dans le senat, & percurrant toutes ces choses desquelles il blasmoit Tibere, & promettant maintes autres, en sorte que le senat se doubtant qu'il ne changeast d'opinion, feist vng decret de ces promesses que fussent leues chascun an.

Comment le temple de Auguste fut consacré.

Chapitre CXXIII.

Depuis

Téple de  
Auguste  
conlacre.



Depuis cōsacra le temple Heroicque de Auguste estât en habit triu-  
phât & les ieunes gētīlz hōmes & tous les autres q̄ estoÿēt en aage  
floride imiterent les hymnes avec les vierges semblables à eulx, &  
le senat avec toutes leurs femmes, & le peuple fut inuité, & furēt faitz diuers  
spectacles, par ce que les choses appartenans à la musique furent introdui-  
ctes, & les cheuaultz contendirent par l'espace de deux iours, au premier iour  
vingt fois, mais au suÿuant quatre fois, par ce que c'estoit son iour natal, &  
le dernier de Auguste: lesquelles festes il feit encores en plusieurs autres  
iours ainti que luy en vint la fantasie, car au cōmencement ne mettoit plus de  
dix batailles de bestes. Mais à l'heure feit tuer quatre cens ours avec autât de  
autres bestes de Libie. Pareillemēt les ieunes enfans gentīlz hōmes se exer-  
citerēt à cheual en la feste appellée Troÿe, & six cheuaultz tirerēt la charrette  
triumphalle, sur laquelle il estoit conduict (chose non iamais au parauant fai-  
ctē) neantmoins il ne commandoit aux chartiers, ains en vng certain lieu  
eminent, avec ses sœurs, & les prestres Augustaulx, demouroit coy à veoir.  
Et affin que nul peust auoir excuse de ne venir au theatre, car il estoit moult  
courroucé quand quelqun y deffailloit ou se departoit à la moytié du spe-  
ctacle, differa tous les iugemens & prohiba tous les dueilz, en maniere que  
les femmes veufues eurent congé d'elles maryer auant le temps ordonné,  
pourueu toutefois que ne fussent grosses d'enfant: & à ce que les hommes  
allassent à leur aise & ne fussent empeschez à le saluer, p̄ ce que parauât ceulx  
qui rencontroyent l'empereur auoient acoustumé de le saluer, alors feit vng  
edict que nul de la en auât fust tenu ce faire, & estoit licite a q̄ le voulust, estre  
present aux spectacles estans deschauffez, chose qui auoit esté es coustumes  
anciennes, sicommē encores de iuger en semblable habit au temps d'esté  
souuent esfois auoit esté vlitē par Auguste es congregations qui se faisoient  
en esté: mais depuis auoyent esté delaisées par Tibere, & à l'heure premiere-  
ment furent mis les cuissinetz soubz les senateurs, affin que ne fussent assis  
sur les tables nues, & leur fut concedé qu'ilz peussent porter des chappeaulx  
à la mode des Thessaliens, à ce qu'ilz ne fussent molestez par le soleil, & si  
d'adventure le temps estoit trop veheiment en challeur, vsoÿent de diribi-  
toire pontelé en lieu du theatre. Ces choses furent faites en ceste maniere  
durant le consulat de Gayus, auquel il demeura deux moÿs & douze iours,  
par ce que le reste du temps des six moÿs conceda à ceulx qui auoient esté de-  
signez auant luy. Ce fait sur prins d'une griefue maladie ne mourut, ains oc-  
cist Tibere, lequel auoit esté ascript entre les adolescens & fait principal  
de la ieunesse, & finalement adopté par luy, luy ayant imposé  
ceste coulpe qu'il desirast & attendist sa mort, pour laquelle sus-  
picion feit mourir encores plusieurs autres: par ce qu'il ayant don-  
né à Anthiochus la Comagena, laquelle tint encores son pere, &  
oultre ce concedé les lieux voÿsins de la mer de Cilicie, & ayant de-  
liuré Agrippe nepueu de Herodes, pour ce qu'il auoit esté lyé par  
Tibere

Mort de  
Tibere  
filz de  
Drusus.

Tibere, & icelluy préposé au royaume de son ayeul, non seulement priua le frere: & le filz des biens paternelz; ains en oultre le feit mourir, & de ce n'escripuit riens au senat: chose qu'il obserua depuis en plusieurs autres. Fabere dōcques fut occis cōme ql eust insidié Gayus en sa mort. Mais Publius Affianus Potite homme populain par vne adulation folle ayant non seulement promis volontaiement, ains encores s'estāt abstrainct par sermēt, de vouloir mourir pour le salut de Gayus, & vng autre Attantie qui estoit cheualier, & promettoit de vouloir combattre comme gladiateur pour la vie de Gayus, depuis qu'il fut deliuré en lieu qu'ilz esperoyent recepuoir deniers de luy pource qu'ilz eussent offert leurs ames pour luy, furent contrainctz de attendre à la promesse à ce qu'ilz ne fussent pariures, & leur fut imposē telle occasion de mort. Mais Marc Silan pere de sa femme, bien qu'il n'eust fait aucune promesse ne serment, neantmoins voyant qu'il luy estoit moleste, tant à cause de sa vertu que sa noblesse, & que pour ce respect il estoit mal traicté s'occist soy mesme, car Tibere autrefois auoit fait si grandz honneurs à cestuy cy que iamais ne voulut donner sentence irreuocable de luy, ains tousiours les remettoit entre ses mains. Mais Gayus partie en autre chose l'auoit en derision, & auoit acoustumé de l'appeller brebis dorée, & à ce qu'il le premier ne donnaist sa febye, auquel acte cestuy à cause de sa dignité estoit prehonoré de tous les autres senateurs; prohiba que aucun homme consulaire fust le premier ou le second pour le iugement de ceulx qui sententiōyēt, & ordonna que ceulx la fussent esgaulx aux autres en l'ordre de la dignité qu'ilz auoyent tenue. Et ayant chassé hors son hostel la fille de Silan print pour femme Cornelia Horestine laquelle il eut par force au temps des nopces qu'elle feit avec G. Calpurnio qui auoit esté le premier espoux, & auant que fussent passez deux moys bannist ces deux, par ce qu'il les eut suspectz qu'ilz ne s'accompaignassent ensemble: & ayant concedé à Piso qu'il menast avec luy dix seruiteurs, depuis requis d'en pouoir vser de plus, luy conceda qu'il en peust vser tant que bon luy semblaist, luy auoir premierement dit qu'il auoit autant de souldardz. En l'an ensuyuant Marc Iulian, & Publ. Nonio furent faitz consulz de ceulx qui auoyent esté au parauant designez, & ne furent donnez les sermens pour les faitz de Tibere, & pour ceste cause encores en ce temps ne se donnent: par ce qu'il n'y à aucun des empereurs lequel connumerast cestuy cy en la diuision de sa famille: mais pour Auguste, & pour Gayus furent faittes les autres choses selon la coustume, & iurerent encores qu'ilz preposeroient son honneur, & de ses sœurs, à eulx mesmes & leurs enfans, & feirent veulx semblablement pour eulx tous. Au commencement doncques du moys vng certain serf, appellé par nom \* monta au list de Iuppiter Capitolin, & d'illec ayant dit plusieurs propheties de plusieurs motz, occist vng petit chien qu'il auoit porté avec luy, & depuis s'occist encores soy mesmes. Mais Gayus feit telles choses bonnes & dignes de louenge. Premierement

mierement il redigea par escript toutes les raisons des deniers publicz, lesquelles n'auoyent esté exposées ce pendant que Tibere fut hors la terre, & ayant estainct vng feu esprins en la cité, avec les souldardz, depuis recópé sa les interestz de ceulx qui auoyent esté endómagez: & estant l'ordre des cheualiers poure d'hommes, manda en tous les lieux & endroitz de son empire, appeller les principaulx tant de sang, que de richesses, & les inscripuit en cedit ordre, & à aucuns d'eulx conceda que peussent vser de l'habit senatorie auant qu'ilz eussent esté en aucun magistrat, apres lequel peussent entrer au senat: & ce pour leur donner esperance du senat. Et parauant comme appert estoit licite seulement à ceulz lesquelz estoient de la stirpe senatorie de ce faire. Ces choses faictes par Gaye à chascun estoient agreables, car il rendit l'electió des magistratz au peuple & aux Plebeyés: & ayant adnullé tous les decretz faictz par Tibere sur icelles deslia encores le tribut de la cétiesme: & ayant faict vng ieu appellé Gimnique, espancha les signes, quoy faisant fut agreable aux hommes vulgaires, mais aux saiges fut moleste, lesquelz pensoyent que si les magistratz estoient de rechef entre les mains de plusieurs, & que fussent despenduz les deniers presens, & cessassent les propres reuenuz, plusieurs mauix aduiendroyent: mais ces autres faictz furent de chascun blasmez. Premièrement, qu'il feit plusieurs combatre ensemble car il les contraignit à ce faire, deux à deux, & en plus grand nombre, comme qu'ilz fussent en batailles & eussent volenté de contendre iusques à la mort, ayant ce obtenu du senat, & maintes autres choses faisoit sans aucun decret comme bon luy sembloit & faisoit mettre à mort plusieurs hommes, & des cheualiers en feit mourir vingt cinq, aucuns qui auoyent consumé leur substance, & aucuns qui auoyét exercé l'art gladiatoire. Et n'estoit rât grieve la multitude de ceulx la lesquelz estoient mortz, bien qu'elle fust grieve, de quant il prenoit plaisir de leur mort, & estoit insatiable de veoir sang. Par ceste mesme cruaulté estans vne fois defailliz ceulx qui pour delictz estoient gettez aux bestes, commanda que fussent prins par force aucuns de ceulx qui sont aupres des boys droitz & gettez au deuant desdictes bestes, & à ce qu'ilz ne peussent ne cryer, ne encoulper aucun, feit aux aucuns couper la langue. Aussi contraingnit vng certain cheualier combatre corps à corps l'ayant premieremét encoulpé qu'il eust faict quelque iniure à Agrippine sa mere, & voyant qu'il obtint la victoire, le mit entre les mains des accusateurs & le feit mourir: & le pere de cestuy cy lequel n'auoit faict aucune iniustice enferma en vne caige côme il auoit faict plusieurs autres & illec le feit mourir. Lesquelles batailles il feit premieremét es lieux appellez Settes, les ayás tous faictz chaner & éplir d'eau, a ce ql y peust introduire vne nef. Depuis en l'autre ptie ayát plusieurs & tresgrás edifices, & trhanes droitz; feit peu d'estime du theatre du thaureau: au moyé dequoy & pour les despés & occisions estoit Gaius encoulpé: car il reduist à la mort volütaire Macro avecques sa femme Ennie, ne f'estant aucunement souuenü de la mort

Cruaulte  
de Calligula.

Nota d'ung  
cheualier.

Mort de  
Macro.

de

de cestuy & des benefices de Macro, & entre les autres de l'empire duquel il fut cause, & cela fait, bien que parauât luy eust commise l'Egypte entre ses mains, & luy eust imposé vne infamie de luy auoir refusé sa femme: & apres cestuy cy plusieurs condampnez, & plusieurs auant la condampnation, furent mis à mort soubz couleur de pugnir les ennemys de son pere & de ses freres & des autres qui pour eulx endurerent la mort, mais en verité pour le respect de leurs richesses, car les tresors furent vuydez, & riens ne luy suffisoit, & estoient conioinctz par tesmoings induictz contre eulx, & par lettres, lesquelles il dist vne fois auoir bruslées. D'auantage autres furent occis pour cause de l'infirmité à luy suruenue l'an precedant, & pour la mort de sa sœur appelée Drusille, car oultre les autres choses si vng inuitoit ou saluoit aucun, ou se lauait, en ces iours, estoit pugny. Mais avec Drusille estoit conioinct Marc Lepide lequel estoit son concubin, & ayant, & encores Gayus v soit avec la femme, laquelle decedée, le mary fait l'oraison, & le frere la fait honorer de sepulture publique, & les massiers avec leur cappitaine, & l'ordre des cheualiers, & les ieunes enfans de gentilz hommes exerciterét avec cheuaults la feste appelée Troye pres la sepulture, & à ceulx cy furent concedez tous les honneurs qui ia furent dōnez à Liuius, & qu'elle fust faicte immortelle & luy fust faicte vne ymage à sa similitude d'or, & posée dans le Senat, & que au temple de la déesse Venus aussi en la place fust posée sa statue de esgalle mesure à la déesse, & fust honorée d'honneurs esgaulx, & que luy fust faict vng autel de par soy, & que non seulement les hommes, mais encores les femmes, les honorassent avec les ymaiges sacrées, & que les femmes iurassent par icelles quand feroient quelque tesmoignage, & que en son iour natal fust conduite vne feste semblable à la feste de la déesse Cibelles, & que les cheualiers & senateurs feissent conuis. Alors elle fut nommée Panthée, & en toutes les citez estoit dignifiée d'honneurs diuins: & vng certain Liuius Geminus senateur, iura de l'auoir veue monter au ciel, & soy mettre entre les dieux, ayant offert sa destruction & de ses enfans, s'il ne disoit la verité, & appella les autres dieux à tesmoings, & elle mesme: dont il receut vingt miriades de dragines. Telz honneurs furent faictz à Drusille par Gayus: & que les solennelles congregations, lesquelles on auoit alors acoustumé de faire, ne fussent faictes au temps ordonné, excepté pour cause de sainteté, & que ne fussent iamais plus faictes en ce téps. Et estoient tous esgallémēt encoulpez, ou que fussent presentitz de faire tristesse ou lyesse, car il leur estoit imputé ou de ne pleurer comme femme, ou de faire lamentation d'elle qui estoit déesse. Et par vng faict pourroit aucun comprendre tous les autres de ce temps: par ce que Gayus fait mourir vng qui vendoit l'eaue chaulde, comme meschant. Peu de temps apres print pour femme Iolie Pauline, ayant contrainct Memmio Regulo son mary à luy promettre sa femme, à ce qu'il ne la print auant qu'elle luy fust promise, contre la loy: & incontinent la dechassa encores. Durant ce mesme

Drusille  
furnōmeo  
Panthée.

temps

temps il donna avec decret du senat, à Soemo, la seigneurie des Ithiriens, & des Arabes: mais à Cotis la petite Armenye, & apres ce encores aucüs lieux de Arabie: & à Remitalces donna les lieux de Cotis, & à Polemon filz de Poiemon donna l'empire de son pere estat en la place sur le tribunal en vne chaize posée entre les consulz, & vsant de draps de soye estanduz sur son chef. Ces choses faictes ayant veue vne grand quantité de fange en vne certaine rue estroicte, commanda que fust gettée sur la robe de Flau. Vaspasian, lequel pour lors estoit Edile, & auoit la cure de faire nettoyer les rues: & à ce faict pour l'heure ne fut prins garde: mais depuis ayant Vaspasian prins en soy l'empire, & appaisé les choses turbulentes & confuses, sembla que fust arriué par diuine prouidence, & que manifestement à l'heure Calligula luy eust mis la cité entre les mains pour la purifier. Depuis, il estant cōsul, de rechief fait vne inhibition, que le prebstre de Iuppiter n'entraist dans le senat, par ce que alors ilz faisoient le serment separément, comme encores au temps de Tibere, & estant au commencement du consulat & en la fin fait le serment esgallement avec les autres du tribunal, qu'il auoit faict beaucoup plusgrád que le premier, & demoura au cōsulat p l'espace de tréte iours, bié ql concedast six moys à Lucius Aperiñius son cōpaignon, & depuis à luy succeda Sauinius Maximus. En ces mesmes iours & es suyans plusieurs des principaulx condampnez, & plusieurs de ceulx qui auoyent esté deliurez de prison, furent pugniz par ces mesmes raisons pour lesquelles ilz auoient esté emprisonnez par Tibere, & encores plusieurs autres cōbatás corps à corps furent destruitz, & toute chose estoit plaine de sang, car desia n'auoit esgard de gratifier au peuple, ains faisoit tout le contraire ainsi que luy venoit à plaisir: au moyen dequoy les senateurs & le peuple resistoyent à ses entreprinſes, & se pouoit ouyr & veoir, ainsi que souuent aduient en telles choses, cest assauoir que Gayus courroucé, & cest assauoir que ceulx cy resistans dissent ou feissent, neantmoins la chose n'estoit entre eulx esgalle, par ce que ceulx la hors le parler, ou de demonstrer quelque chose avec leurs habitz, ne pouoyent autrement, mais Gayus prenant plusieurs par force ce pendant qu'ilz estoient presens aux spectacles, & encores maintz autres qui estoient desia partiz du theatre les faisoit mourir. Et les causes pour lesquelles se commouoit à yre, estoient cestes: premierement quand ilz ne venoyent au theatre, car il venant vne fois à vne heure, & vne autre, à vne autre: & aucunesfois de nuict & autresfois apres midy, ceulx cy molestez estoient deffaitz. Encores se courroucoit, pource qu'ilz ne louoyent tousiours ceulx qui luy plaisoyent, ains aucunesfois honnoroyent la part contraire, & d'auantage se indignoit grandement, par ce qu'ilz le voulans magnifier crioient, ô Auguste ieune, pource qu'il pensoit ne l'estre. Et voyant que alors interuint vng tumulte ainsi que souuent aduient quand la multitude est agrauée, alors commença de faire peu de estime des spectacles, & se tourna aux calumpniateurs, & ayant receu desplaisir d'eulx pour ce qu'ilz le

cher-

Nature de  
Vaspasian.

Inhibition  
contre le  
prebstre  
de Iuppiter.

chercheoyent avecq grand bruiſt & plus grandz cris, ne leur reſpondit aucune choſe, mais auoir commandé à aucuns autres de faire ces ieux ſ'en alla en Champaigne, & depuis retourné pour celebrer le iour natal de Drufille, porta la ſtatue d'icelle ſur vne charrette cōduicte par des elephās en l'Hi-  
podrome, & donna ſpectacles appartenans au peuple par l'eſpace de deux iours, au premier deſquelz fait tuer cinq cens ours, oultre les cours des cheuaulx, & en l'autre furent miſes à mort autant d'autres beſtes African-  
nes, & les Pancratistes combatirent en pluſieurs lieux. Auſſi fut le peuple cō-  
uie & furent faitz preſens tant aux ſenateurs que à leurs femmes. Et fai-  
ſoit ces choſes & enſemble occyoit comme celluy qui eſtoit moult indi-  
gent. Et trouua vng aultre certain moyen de recouuer deniers, car il ven-  
doit les gladiateurs qui eſtoyent reſtez aux Conſulz, Preteurs, & aux aul-  
tres, non ſeulement ſelon leur volonté, mais encores les contraignans con-  
tre leur volonté: & à ceulx qui eſtoyent tirez par ſort pour les ache-  
pter, il ayant prepoſé deux Preteurs aux ieux gladiateurs, leſquelz faiſſent  
ces ſortz ſelon que deſia eſtoit acouſtumé, & il meſme eſtoit aſſiz au deſ-  
ſus des autres au lieu ou ilz ſe vendoyent. Pareillement pluſieurs autres  
venans de pluſieurs endroictz les achieptoyent, & concēda à qui en voul-  
droit acheter encores plus que ne permettoit la loy, & ſouuēt eſſoit il meſ-  
me alloit à eulx, en maniere que aucuns ayans beſoing d'hommes, autres  
penſans de le gratifier (mais la plus grand part de ceulx qui eſtoyent re-  
nommez d'eſtre riches voulans deſpendre de leurs biens en ces gladia-  
teurs, à ce qu'ilz euſſent à deuenir plus pources, & par ainſi ſe peuſſent ſaul-  
uer) les achieptoyent moyennant grand quantité de deniers. Et ce fait a-  
pres occiſt les plus fameux & plus vaillans de ceulx cy par poiſon, choſe  
meſme qu'il faiſoit encores contre les cheuaulx & chartiers de la part con-  
traire, car il eſtoit moult affectionné à quelqu'ung qui portoit vne robe  
verte, & de ceſte couleur eſtoit appellé Praſnic, en maniere que enco-  
res maintenant ce lieu ou le chartier exercitoit les cheuaulx, eſt appellé  
Gayan, & appelloit l'ung de ſes cheuaulx Acena, lequel il nommoit lu-  
cilé, & mettoit deuant luy de l'orge d'or, & luy donnoit à boire du vin  
en des vaiſſeauz d'or, & iuroit par le ſalut & Fortune d'icelluy, & luy  
promettoit de le vouloir faire conſul, & ſ'il euſt veſcu plus long temps,  
comme que euſt eſté, l'eſt fait. Et pour retirer deniers, premiere-  
ment auoit eſté fait vng decret pour luy, que tous ceulx qui auoyent voulu  
laiſſer aucune choſe à Tibere & depuis eſtoyent demourez, laiſſaſſent ces  
meſmes biens à Gayus apres leur mort, car il fait faire tel decret, à ce que  
n'ayant ne femme ne enfans peuſt encores contre la loy hereditier & pren-  
dre dons. Et à preſent tous les biens des Centurions, leſquelz depuis le  
triumphe du pere auoyent eſté delaiſſez à aultres, print pour luy ſans au-  
cun aultre decret: & voyant que encores ilz ne luy ſuffiſoyent, trouua

vng autre troisieme moyen de recouurer deniers . Gnee Domitius Corbulo senateur voyant les voyes & chemins estre mal disposez au temps de Tibere, tousiours pour suiuoit & faisoit instance à ceulx qui en auoyent la charge : & d'auantaige estoit grandement moleste au senat pour le respect d'icelles . Quoy voyant Gayus par le moyen de cestuy meit par raison tout homme, non seulement ceulx qui viuoient, mais encores ceulx qui estoient mortz & autressois auoyent esté presidens aux voyes , & auoyent receu deniers pour les faire reffaire , & si les pugniffoit avec ceulx qui auoyent receu salaire pour icelles comme qu'ilz n'eussent riés despendu. Et pour ces causes fut Corbulo alors fait consul : mais depuis soubz l'empire de Claude fut accusé & pigny , par ce que Claude ne demanda les debtes , & ayant receu partie de lerraire publicq , partie de Corbulo , les deniers qui auoyent esté payez, tous les rendit , touteffois ce fut fait au temps ensuyuant : mais à l'heure quasi tous ceulx cy , & encores les autres de la cité, par vng certain moyen estoient defrobez, & nul, ne homme, ne femme qui eust quelque chose s'en passoit sans dommaige , par ce que s'il laissoit aucuns plus vieulx viure , neantmoins à peres & meres , ayeulx & ayeulles pendant qu'ilz viuoient , leur tiroit le iust , & encores apres leur mort, hereditoit en tous leurs biens . Iusques à ce temps il dist tousiours mal de Tibere avecq chascun, & les autres qui le blasphemoyent & en priué & en public, non seulement ne les reprenoit, ains d'auantaige s'en resiouyffoit. Mais alors estant entré dans le senat, loua grandement Tibere & reprint grandement le senat & le peuple comme ceulx qui ne le vituperoyent iustement , car il disoit , A moy qui suis empereur est licite dire mal, mais vous estans disposez en telle maniere enuers luy, lequel iadis fut nostre prince, non seulement faictes iniustement : & depuis connumerant vng apres autre tous ceulx qui auoyent esté mis à mort, monstrois comment les senateurs auoyent esté à plusieurs cause de leur mort, pource qu'ilz les auoyent accusez : & d'aucuns autres pource qu'ilz auoyent contre eulx tesmoigné , & de tous pource qu'ilz auoyent donné la sentence contre eulx . Lesquelles choses il feit lire à ses affranchiz , es mesmes lettres que autressois il disoit auoir bruslées : & oultre ce, dist : Encores que Tibere eust fait quelque iniustice, vous ne le debuez doncques quand il viuoit honorer , ne maintenant changer de ce qu'autressois distes & feistes avecq decret, pour luy : mais vous fustes ceulx qui le traictastes vainement & enflastes Seyan & depuis le feistes mourir , en sorte qu'il est besoing que ie n'attende aucun bien de moy mesme . Ayant dit ces parolles , introduist Tibere en son oraison , lequel luy sembla en la sorte qu'il auoit dit bien & vrayement toutes ces choses, & pource n'aymes nul de ceulx cy & ne pardonnnes à aucuns d'eulx , car ilz t'ont tous en hayne, & chascun desire ta mort , & s'il leur est possible te mettront à mort . Ne penfes doncques en quelle maniere tu  
leur

leur puiffes faire chose agreable, & ne faictz estime s'ilz murmurent quelque chose, ains seulement consideres ta delectation & seurté comme chose tres iuste: car ce faisant n'endureras aucū mal, & recepuras toutes les choses ioyeuses, & si d'auantaige seras d'eulx honoré veillent on non, mais si le fais autrement, en effect ne recepuras sinon vne vaine gloire & non autre, & estant insidié mourras vituperablement, car nul homme volontairement se faict subiect, ains de quant il crainct honnore celluy qui est le plus puiffant, mais quand se confie pugnist le plus debile. Telles parolles dictes par Gaius, & ayant renouellé les accusations de l'impieté, commanda incontinent que fussent insculpées en des colonnes de cuyure, & subitement sortit hors le senat, & ce mesme iour s'en alla au bourg de la cité, mais tant le senat que le peuple furent en non petite paour, à cause des accusations que souuentefois ilz auoyent faict contre Tibere. Et comptans entre eulx les parolles qu'ilz auoyent ouyes dire à Gayo, alors pour la frayeur & pour la melencolie ne peurent dire ne traicter aucune chose: toutesfois le iour ensuyuant estans de rechef assemblez feirent plusieurs louenges de Gayus cōme d'homme tres veritable & tressainct, luy rendans graces qu'il ne les auoit faict mourir, & pource determinerent que fussent faictz sacrifices à son humanité. Et en ce iour auquel auoyent esté telles choses leuées, & en ceulx qui appartenoyent à Latie vne sienne ymaige dor portée au capitolle, & estans chantées plusieurs hymnes par ieunes petitz enfans plus nobles, luy concederent qu'il menast les triumphes mineurs comme s'il eust vaincu aucuns ennemys. Ainsi ceulx cy luy determinerent les choses susdictes, & depuis pour chascune occasion tousiours luy faisoient quelque adiunction: toutesfois fait Gaye peu de compte de telle pompe, par ce qu'il ne estimoit grand chose passer avec vng cheual par terre ferme: mais luy vint volonté par vng certain moyen de cheuaucher sur la mer, ayant faict faire vng pont être Puffotz & Baules, car ce lieu est en l'opposite de la cité d'icelle distāt par vingt six stades, & partie furent assemblees aucunes nauires pour ce pont, & aucunes furent faictes de nouveau, pour autant que ne leur suffisoient celles se pouoyent recueillir comme en brief temps, bien que fussent recueillies toutes celles qui se trouuoient en cest endroit: au moyen dequoy suruint vne grand famine tant en Italie qu'en Rome, & ne fut faict non seulement vng pont, mais encores furent faictes & ediffiées habitations & conduictz si que ilz pouoyent auoir eae bonne à boyre: & voyant toutes choses en ordre se arma d'une cuyrassē, qu'il nommoit de Alexandre, & sur icelle vestit vng manteau de foye, de couleur de pourpre, sur lequel estoit grosse quantité d'or & de pierres precieuses, ceignit son espée, & print vng escu & se couronna d'une couronne de lierre, & depuis ayant faict sacrifices à Neptune, & aucuns autres dieux, & à Ennye, à ce (comme il disoyt) me fut emmaille dans Baulles, & dans le pont conduysant avecques luy plusieurs hommes d'armes & fouldardz à pied armez,

& en grand estude entra dans la cité comme qu'il vinst contre aucuns ennemis, & illec estant demouré le iour ensuyuant comme s'il reposast apres la bataille, de rechef passa par ce mesme pont sur vne charrette vestu d'une robe dorée, & estoit porté de cheuaults combatans tresnobles de victoires & plusieurs choses en lieu de despouilles le suyuoient. Et Dare homme Arfacide qui pour lors estoit entre les ostaiges des Parthes ses compaignons & amys le suyuoient aussi en robes de couleurs de fleurs, ensemble l'exercite & l'autre multitude avec les propres ornemens. Et pource qu'en si grand exercite & si grand pompe estoit besoing qu'il dist quelque chose, monta sur le tribunal fait sur les nauires au mylieu du pont, & premierement se glorifioit soy mesme comme celluy qui auoit esté aucteur de si grand œuure. Apres loua les souldardz comme ceulx qui s'estoyent penez & trauallez, & auoyent esté en peril, outre les autres choses ayant dit encores qu'ilz auoyent couru à pied par la mer, & pour ceste seule cause leur fait deliurer deniers. En apres il estant sur le pont comme en vne isle, & les autres nauiguans à l'étour en certaines naucelles tout le reste du iour & de la nuict demourerēt en conuiz plusieurs torches & autres lumieres ardans sur le pont & reluyfans encores des montaignes, par ce que estant ce feu en forme d'une lune se demonstroit de tous coltez comme en vng certain theatre, de sorte que les tenebres ne se pouoyēt sentir en aucune maniere, car il vouloit faire de la nuict le iour, comme qu'il auoit fait d'eau terre, & remply de viâdes & vin getta plusieurs de ses compaignons ius du pôt en la mer, & nauiguant à l'entour d'icelluy, avec nauires qui auoient les rostres, en submergea plusieurs autres, si que aucuns en moururent, car la plus grand partie, bien que fussent yures, se sauluerent: & la cause de ce fut, pource que la mer estoit tres tranquile & tres estable à l'endroiēt ou auoit esté le pont ediffié. Et il encores se glorifioit de ce que Neptune auoit eu paour de luy & ne laissoit riē qu'il ne desprisast mesmes Dare & Xerces, se disant auoir fait vng pont sur vng plus grand bras de mer. Quant au pont fut la fin telle, lequel fut encores cause à plusieurs de la mort, par ce que ayant despendu plusieurs deniers en icelluy, commença beaucoup plus insidier aux biens d'autruy. Et iugeoit Gaius separément & avecq tout le senat lequel alors de par soy faisoit aucuns iugemens, neantmoins n'estoyent accomplis, ains de plusieurs sentences se pouoit appeller, & autrement les sentences du senat estoient manifestes & les noms d'iceulx qui auoyent esté condampnez par Gaye exposez comme quil craignist qu'ilz ne fussent occultes, & par ainsi estoient puniz les aucuns en prison, les autres gettez du capitolle, & autres s'occioyent eulx mesmes, par ce que ceulx qui se mettoyent en fuyte ne estoient sauluez, ains plusieurs par les chemins & fuyans estoient mis à mort: & n'est besoing que voulant parler exquisement nous soyons molestes aux lecteurs, disât toutes choses. Clauiso Sabin l'üg des principaulx senateurs & qui pour lors estoit venu de la preffecture de Pannonie, & sa femme

Cornelie

Cornelie ayans esté ensemble proscriptz par Gaius, par ce que encores la femme auoit esté enculpée comme qu'elle passast parmy & qu'elle veist les scouldardz quád ilz se exercitoient ne attendirent le iugement, mais au parauant se occirent culx mesmes. Cela mesmes feit Titus Ruffius ayant esté accusé d'auoir dit que le senat entendoit autrement de ce qu'il disoit. Et Iunius Priscus Preteur fut enculpé pour autres delictz; touteffois mourut pour estre riche. Et contre luy voyant Gayus qu'il le faisoit mourir sans occasiõ, dist depuis paroles admirables: cestuy cy m'a trompé, car il a esté mis à mort sans cause & pouoit viuré. Et entre ces condamnez Affro Domitio eut vng peril non penlé, & encores plus admirable salut, car estant aucunement en hayne de Gayus, pour ce que au temps de Tibere auoit accusé vne femme parente de Agrippine sa mere; par laquelle accusation il la rencontrant vne fois par la voye, & s'estant retiré a part de honte ceste dame l'appella & luy dist: Soys ioyeux, ô Domitio, car tu ne me es occasion de ce mal, ains Agamenon: mais maintenant ayant cestuy cy mesme dresse vne ymaige de Gayus, & luy ayant mis vne Epigramme en laquelle signifioit comme estant en aage de vingt six ans estoit vne autrefois consul, se troubla comme qu'il luy opposast tant le ieune aage comme l'infraction des loix, & incontinent pour ceste mesme cause par laquelle Gaius pensoit estre honoré le introduist dans le senat & leut vne longue oraison cõtre luy, ioinct qu'il pretenoit de suppediter tous les autres orateurs. Et oyant que Domitio estoit fort eloquét s'efforca de le suppediter d'auantaige, & finalement l'eust fait mourir s'il eust seulement fait vne minime contention pour l'honneur: mais Domitius ne luy respondit aucune chose, & ne s'excusa, ains plustost faignant de s'esmeruiller & estre estonné pour l'eloquence de Gaius, & repetant de parole en parole ceste accusation, comme qu'il fust l'ung des auditeurs & non le deffendeur, le louoit: & luy estant concedé de parler, se tourna aux supplicatiõs & gemissemés, finalement tõba par terre, & illec gisant faisoit supplications & requestes comme qu'il craignist plus l'eloquence de l'empereur que sa puissance. Et par ainsi Gaius ce voyant & congnoissant tout se relassa croyant veritablement auoir rendu Affro confuz avecq son eloquence. Au moyen dequoy & pour le respect de Caliste affranchy qui auoit esté grandement honoré par Domitius remist son mal talent. Et à ce mesme Caliste qui l'encoulopoit d'auoir accusé Domitius respõdit, il ne pouoit occulter ceste oraison. Ainsi doncques Domitius cõdamné de n'estre plus eloquent autrement fut faulué. Mais Anneus Lucius Senecque, lequel supera tous les Rommains de son temps, & encores maintz autres d'eloquence, quasi qu'il ne fut mis à mort n'ayant ne semblant auoir commis delict sinon que au Senat y assistant Gayus en vne cause plaida eloquemment: & par ce ayãt cõmadé qu'il feust mis à mort le deliura adioustãt foy à vne fême qu'il maintenoit en folle amour, laquelle luy afferma Senecque estre tizie, & qu'il ne viuroit long temps. Mais tout incontinent feit Domitius cõsul ayãt deposez

ceulx qui pour lors estoient en magistrat , pource qu'en son iour natal n'auoyent denoncé les supplications , bien que les Preteurs eussent en icelluy fait les cours des cheualx & fait tuer des bestes, chose acoustumée d'estre faite chascun an. Et pour ce que pour les victoires de Auguste obtenues contre Anthoine auoyent fait festes, aisi qu'estoit de coustume, car à ce qu'il le peust cailler voulut plustost sèbler estre descèdu de Anthoine que d'Auguste, & desia auoit dit à ceulx avec lesquelz il communicquoit des autres choses secrettes qu'ilz feissent comme voulussent si succomberoyent ilz, ou qu'ilz sacriffiasent pour la deffaicte de Anthoine, ou qu'ilz ne sacriffiasent pour la victoire de Auguste . Il doncques pour ceste cause en ce mesme iour priua les consulz ayant rompu leurs fasses pour laquelle honte l'ung des cōsulz s'occist soy mesme , & le peuple en parolles , mais Gayus mesme en effect, esleut Domitius pour son compaignon au consulat, car il rendit l'electiō au peuple : toutefois ilz estans trop paresseux à faire quelque chose conuenable comme ceulx qui auoyent esté long temps sans traicter aucune chose en liberté, & ne se trouuans plus ceulx qui demandoient les magistratz que ceulx qu'il estoit necessaire de eslire, & si d'auenture passassent le nombre de ceulx qui s'accordoyent entre eulx la figure de l'estat populaire se sauluoit, mais l'effect estoit nul: pour ce respect vne autre fois furent deffaictz par Gayus , & depuis les autres choses se ordonnoyent comme estoit acoustumé faire au temps de Tibere. Et furent alors faitz quinze Preteurs & aucunes fois en estoient esleuz plus ou moins, ainsi qu'il aduenoit. Quant aux elections il feit ce que dit est, & estoit enuieux & souspecōneux en toutes choses si qu'il enuoya en exil vng Corinna second orateur, pour ce qu'il feit pour cause d'exerciter vne oraison contre les tyrans. Aussi pource que Lucius Piso filz de Planchine & de Gnee Piso obtint la preffecture de Affricque eut paour qu'il ne feist quelque nouuelleté pour sa magnanimité, & especiallement pource qu'il eust eu grand nombre de gens tant des mesmes citadins comme des estrāgiers, & ayant diuisé les nations en deux parties, à l'une adioignit la gent militaire, & les Nomades circonuoisins, chose qui depuis fut tousiours obseruée iusques a present . Et pour auoir consumé tous les deniers qui se trouuoient en Rome & dans le reste de Italie de quelque lieu qu'il en eust peu recouurer, illec n'auoit aucun reuenu digne d'estime, & si le agrauoyent grandement les despences, parquoy se mit en chemin pour tirer en Gaule soubz couleur d'y aller pour les Celtes qui faisoient certains mouuemens : mais en verité y alloit à ce qu'il les saccoageast, ensemble les Espaignolz, qui estoient moult oppulentz en richesses . Neantmoins ne denonca son yssue apertement, ains venu en vne certaine bourgade, depuis incontinent se departit conduisant avecques luy plusieurs saulteurs, gladiateurs, cheualx & femmes de ioye, & autres delices . Et arriué qu'il fut en ce lieu, ne feit nul mal à aucun des ennemys, par ce que estant allé vng peu oultre le Rhin, incontinent s'en retourna.

Ce

Corinna  
banny.

Luci<sup>o</sup> Piso  
preffect  
de Affric-  
que.

Ce fait acheminé comme s'il fust voulu passer en Bretagne s'en retourna pareillement en arriere de la mer Occéane, & estoit mal content de ses conducteurs lesquelz feissent quelque noble fait, & fait plusieurs & grandz maulx tant aux subiectz confederez que citadins, car en partie spolioit ceulx qui auoient quelque chose pour toutes causes, & en partie les hōmes priuez, & les citez luy offroyent de grandz dons, & faisoit mourir aucuns comme qu'ilz voulussent faire nouuelleté, aucuns cōme infidiateurs: & à tous estoit vne publicque accusation l'estre riche. Et il mesmes voyant les possessions de ceulx cy beaucoup plus y gaignoit, par ce que tous estoient contrainctz par diuers moyens de les achepter pour plus grand pris qu'elles ne valoyēt pour les causes predictes. Et pource enuoya querir la garde robbe de l'empire en laquelle estoient choses tresbelles & tresprecieuses, & les exposa à lencant, vendant ensemble la gloire de ceulx qui en auoyent vſe. Et en chascune disoit cecy estoit des biens de mon pere, cecy de ma mere, cecy de mon ayeul, & cela de mon bisayeul. Ceste fut vne des despouilles lesquelles print Auguste à Anthoine, & si encores leur declairoit la necessité qu'il auoit de vendre à ce que nul estimast qu'il fust riche, ensemble leur vendoit la dignité de la chose: neantmoins pour ce ne faisoit aucune espargne, ains despendoit tant es autres choses cōme en celles qu'il estoit coustumier: car en Lion fait aucuns spectacles & es gens d'armes, par ce qu'il assembla deux cens mil, ou (comme dient aucuns) deux cens cinquante mil souldardz desquelz ainsi ql luy pleut fut nōmé sept fois empereur, bien qu'il n'eust obtenu aucune victoire ne occiz aucū ennemy: car ayāt vne fois prins par surprinse quelque peu d'iceulx ennemys les feist lier & emprisonner, mais consuma vne grad partie de son exercite pour auoir fait tailler en pieces tantost cestuy & puis cest autre, & aucunes fois plusieurs ensemble, par ce que vne fois il ayant veu vne multitude ou de prisonniers ou d'autres, commanda ce qui est acoustumé d'estre dit, qu'ilz fussent occis d'ung bout à autre. Aussi il iouant vne autrefois aux dez & ayant entendu qu'il n'auoit deniers demanda que luy fussent données les discretions ou les estimes des Gaulloys, & en icelles trouuant ceulx qui entre lesditz Gaulloys estoient les plus riches les fait mourir. Et ce fait s'en retourna à ceulx qui iouoyent, & leur dist: Vous vous debatez de peu de dragmes, & i'ay desia accumulé quinze mil miriades. Par ainsi furent ces Gaullois mis à mort sans aucune raison. Et entre les autres vng nommé Iules sacerdot qui estoit assez riche, neātmoins non tant qu'il deust estre infidié pour ses richesses, ains fut occiz pour le furnom de Iules, de tant Gaius faisoit toute chose sans iugement: mais des autres n'est besoing que nombre la plusgrand partie de leurs noms, ains seulement feray mētion de ceulx que requiert ceste presente hystoire. Getulicque Lentule homme approué en toutes les autres choses, & qui par l'espace de dix ans auoit esté president en Germanie, ne fut mis à mort pour autre chose, sinon, pource qu'il estoit bien voulu des gens d'armes. Et ce Lepide qui

Iules sacer  
dot occis.

estoit amant & mary de Drusille, lequel eut affaire avec ses autres sœurs en sa compagnie, cest à scauoir avecq Agrippine & Iulie à laquelle il conceda qu'elle demandast magistratz cinq ans auant le terme constitué par loy, & auquel il auoit promis de le laisser successeur à l'empire fut pareillement liuré à mort : & donna deniers pour ces choses aux souldardz comme qu'il eust vaincu aucuns ennemys, & enuoya trois espées à Rome, à Iupiter vindicateur, & mit ses sœurs en l'isle Pontie, en laquelle il vsoit avec elles ayant d'elles escript au senat maintes choses mauuaises & abhominables. Et à Agrippine donna les oz de Lepide closes en vng vaisseau d'eau, luy commandant de les porter en son giron iusques à Rome. Et pource que le senat pour son respect auoit concedé par decret plusieurs choses à ses sœurs, feit interdiction que à nul son parent pour son respect fust donné aucun honneur. Il doncques alors manda ce que dit est à Rome comme celluy qui eust euté vne grand trahison, car autrement faignoit estre en grand peine & viure miserablement. Et voyant que les senateurs ayas entendu ce que dessus, luy donnerent p decret oultre les autres hōneurs les triūphes plus petis, & sur ce luy enuoyerēt ambassadeurs tirez au sort avec Claudius, se courrouca de ce grāde ment, en maniere que de rechef prohiba que aucune louenge ne fust donnée ne aucune preheminēce d'honneurs à ses parens, & qu'il ne luy sembloit d'estre hōnoré selon ses merites, ioinct que de tousiours ne faisoit estime de toutes ces choses q luy estoient offertes, & se douloit si luy estoient assignées p decret aucunes choses de petite importāce comme qu'il fust desprise. Et encores se agrauoit si elles estoient trop grādes, car il ne vouloit que semblaist aucune chose resultant en son honneur estre en la puissance des senateurs comme qu'ilz fussēt plus puissans que luy, & le gratiffiaissent comme celluy qui eust moindre pouoir, au moyen dequoy souuentefois blasmoit maintes choses comme que plus tost deuinaissent sa gloire que n'augmentassent sa splēdeur. Et ayant telle oppinion se courroucoit contre le senat s'il luy sembloit auoir determiné choses moins dignes de luy tant estoit variable & ne pouoit d'aucun estre entendu. Ayant doncques regardé à triste visage ces ambassadeurs comme qu'ilz fussent quelques espies ne les voulut tous accepter, ains en auoir esleu peu renuoya les autres auant qu'il s'en vist en Gaule : & si à ceulx qu'il receut ne feit aucun honneur, ains eust fait mourir Claudius s'il ne se fust peu estimé, car il demonstroit vne grosse lourdisse tant naturellement comme expressement. Depuis autres ambassadeurs luy estās enuoyez en plus grād nōbre, par ce que oultre les autres choses auoit exposé aux premiers qu'ilz estoient trop peu, & luy denoncans les derniers maintes choses luy auoir esté cōcedées par decret les receut moult gracieusement & vit au deuant d'eulx, au moyē dequoy luy furent depuis autres hōneurs cōcedez : mais à l'heure ayāt refusé Pauline soubz couleur qu'elle fust inhabile à faire enfās, toutesfois en effect pource que desia en estoit enuyé prit pour sa femme Millonie cefonie avec laquelle pauāt auoit cōmis adultere, mais pour

lors la vouloit prédre pour fême elle estât enceiſte, à ce qu'elle luy enfantast vng successeur en tréte iours: dôt ceulx de rome furét grâdemét troublez. Et d'auantage pource que plusieurs estoient dechassez pour l'amytie qu'ilz auoyent portée à ceulx qui auoyent esté occiz : en maniere que aucuns Ediles & Preteurs contrainctz de deposer leurs magistratz furent appelez en iugement: & en ce mesme temps endurerent plusieurs incômoditez à cause de la chaleur, qui fut si excessiue, que certaines couuertes furent estendues sur la place. Entre ces accusez y fut Tigillin encoulpé d'auoir cômisi adultaire avec Agrippine, neantmoins ces telles choses ne faschoyét tant les Romains, comme qu'ilz attendoyent que la cruaulté de Gayus chascun iour s'augmêteroit d'auantage & spécialement pource qu'ilz entendoyent côme Agrippe & Anthiocus estoient tous deux avec luy, comme precepteurs de la tyrannie. A ceste cause il estant la troisieme fois consul; nul des tribuns, ny des Preteurs eut hardiesse d'assembler le senat, par ce qu'il n'eut aucun compaignon au consulat l'ayant ainsi ordonné, comme aucuns le pensoyent, apres que fut decedé celluy qui l'estoit au parauant, & n'ayant peu en si brief temps ordonner vng autre au senat: conuenable chose estoit, que les Preteurs ausquelz sont commises les affaires appartenans aux consulz quand sont hors la cité, executassent toutes ces choses, mais à ce qu'ilz ne semblaſſent faire aucune d'icelles en lieu de l'empereur, ne feirét acte opportun: ains monter tous les senateurs ensemble au capitolle feirent sacrifices & adorerent la chaize de Gayus, posée au temple, & illec deposerent l'argent, comme qu'ilz le donnaſſent à Gayus mesme, selon la coustume obseruée au temps de Auguste, & fut cela mesme fait l'an ensuyuant: mais à l'heure ces choses faittes, se assemblerent dans le senat, n'estans par aucun raliez, ou touteſſois ne feirent riens, ains consummerent tout ce iour en louenges de Gayus, & à faire veux & prieres pour luy: car puis qu'ilz ne l'aymoient ny auoyent iouxte son salut cure, s'efforcoyét grâdemét de faindre toutes ces deux choses, pour plus occulter leurs pensées: & le troisieme iour, auquel se faisoient les veux se rassemblerent, luy ayans denoncé ceste conuention tous les Preteurs par vne missiue commue, neantmoins ne alors, ne depuis traictèrent aucune chose iusques à ce que le douzieme iour leur fut denoncé que Gayus auoit refusé le consulat, par ce que à l'heure l'ayant receu ceulx qui auoyent esté esleuz pour le temps ensuyuant, ordonnoyent les choses à eulx appartenans, & furent faitz plusieurs decretz, & entre autres que au iour natal de Tibere & de Drusille, fussent faittes les mesmes choses qui se faisoient en celluy de Auguste, & les hommes de l'Ochestre feirent pareillemét vne feste & vng spectacle, & ayans dressé vne ymage de Gayus & de Drusille les consacrerent. Lesquelles choses furent faittes par commandement d'une epistre enuoyée par Gayus, car des autres choses qu'il vouloit estre traictées en escripuoit à tous les senateurs, mais la plus grand partie les notifioit aux consulz, & aucunes fois commandoit que fussent leues au senat.

Tigillin accuse.

Ainsi se gouernoient les consulz & senateurs en Rome : mais Gayus en ces entrefaites ayant enuoyé querir Ptolomée filz de Iuba, & aduertie de ses richesses, le feit mourir avec plusieurs autres venuz avec luy: auquel tēps il encores estant venu iusques à la mer Occéane, & ses gens rengez en ordre sur le riuage monta sur les galleres, mais n'ayant gueres eslongné la terre s'en retourna au port: ce fait, il assis sur vng tribunal hault, & auoir donné le signe à ses souldardz comme s'il eust voulu aller en bataille, & inanimez à son de trompettes, leur commanda que tout incontinent eussent à recueillir les conques marines, & ayant prins ces despouilles auoit besoing de proye en la representation du triumphe, se glorifioit grandement, comme s'il eust subiugué la mer Occéane, & donna plusieurs choses à ses souldardz : lesquelles conques marines il rapporta à Rome, à ce quil demonstra ces despouilles en la cité. Mais au senat ne scauoient en qu'elle maniere se peussent taire pource qu'ilz entēdoient comme il festoit enorgueillie pour icelles, ny scauoient comment le deussent louer, car si en quelque petit fait on luy attribuoit louenge & honneur sans propos, auoit suspicion que plustost on se cauillast & mocquast de luy. Neantmoins entré en la cité, peu s'en faillit qu'il ne deffist & ruinaist tout le senat, pource qu'ilz luy auoyent attribué honneurs par decret excédans la cōdition humaine. Et ayant assemblé le peuple getta grand quantité d'or & argent d'ung certain lieu hault, plusieurs moururent les voulans recueillir, par ce que comme aucuns dient y estoient mellez certains petis ferremens. Pareillement auoir commādé que Cassé Mellyn fust occis cōtraignit son pere d'estre present à la mort de son filz lequel n'auoit commis aucune iniustice ne auoit esté denoncé, & pource qu'il demanda permission de se clorre les yeulx, commanda que semblablement fust mis à mort. Et auoit Calligula pour son ministre en sa cruaulté vng nommé Prothegenes, lequel portoit ordinairement deux petis liures qu'il nommoit l'ung espée & l'autre dague, lequel Prothegenes estant vne fois entré au senat comme pour autres choses, & venans tous les senateurs au deuant de luy pour l'embrasser cōme bien estoit raisonnable, regarda moult austeremēt Scribonio Proclo luy disant, & tu encores mēbrasses qui as l'em pereur en si grand hayne : ce que oyans les assistans prindrent le senateur & le derompirent en plusieurs parties. Dont Gayus grandemēt resiouy, & leur disant estre reconcilié avec eulx feirent vng decret qu'il v fust d'ung tribunal hault dans le mesme senat, en maniere que nul y peust aller, & qu'il eust encores en ce lieu le preside militaire. Et se trouuans aucuns qui l'appelloyent heroe, aucuns dieu, s'esleua grandement en superbe, pource que au parauant pensoit estre chose condigne qu'il fust réputé plus que homme, & qu'il v fust avec la lune & fust courōné à cause de la victoire, & faignoist d'estre Iupiter. Au moyé dequoy disoit de vser avec plusieurs femmes, & especiallement avec ses propres sœurs & souuent esfois deuenoit Diane & Venus, & outre les transmurations des noms prenoit tous les autres habitz conformes à ces dieux

dieux & aucunes fois estoit veu en habit féminin & auoit vne tasse & vng tirse : & souuentefois estant en habit de masse portoit vne masse ferrée & vne peau de lyon, aucunesfois se monstroit sans barbe, & vne autre avec la barbe, aucunesfois tenoit en sa main le trident, & autres, estoit vne sayette celeste, & estoit semblable à vne vierge belliqueuse, & peu apres estoit tout féminin, tant Gayus se varioit avec la figure de l'habit, & avec autres choses qu'il mettoit autour de luy. Et vne fois vng homme Gallic l'ayât veu sur vng tribunal moult hault se print à rire, quoy voyant Gaius & luy auoir demandé, que te semblay ie d'estre? le Gallic luy respōdit: tu me sembles estre vne folie: dont toutefois n'endura aucune peine pource qu'il estoit chaussetier. de tāt telz tyrans endurent plus facilement les dictz liberes des hommes vilz que de ceulx qui sont en quelque dignité. Gaius doncques prenoit telz habitz quand il faignoit d'estre dieu, & luy estoient faitz veux, supplications & sacrifices ainsi que luy estoient conuenables. Autrefois venoit en public vestu de soye, & en habit triumphal, & embrassoit peu d'hommes, car à la plus grand partie estandoit le pied ou la main, à ce que l'adorassent, & pource ceulx qu'il embrassoit ou baisoit luy rendoyent graces, & pource dans le senat bien qu'il baisast chascun iour les faulx en la presence de tous les assistans, le aduloient voire encores ceulx qui estoient de grand estime. Lucius Vitel, lequel n'estoit ne de vil sang ne fol, ains fameux pour la prefecture de Sirie, car oultre toutes autres choses se porta en cest magistrat glorieusement, & mettant Artaban les insidies à sa prouince pource qu'il n'auoit enduré aucune pugnition d'Armenie, l'estonna, estant venu à l'encontre de luy à l'impourueu pres le fleue d'Euphrates, le rengea iusques à parler avec luy, & le contraignit de sacrifier à la statue d'Auguste & de Tibere, & ayant fait accord avec luy qui estoit à l'utilité des Romains, & d'auantage receu les enfans de Artaban pour ostages, depuis tous ces faitz ledit Vitel fut appellé à la mort par Gayus, encoulpé d'auoir esté cause que les Parthes dechasserēt leur roy, & estoit hay de Gayus par enuie, & luy dressoit insidies de paour. Neâtmoins fut sauué s'estant figuré par vng certain moyen qu'il sembloit estre beaucoup inferieur de sa renommée, & getté à ses piedz pleurant amerement, & en ce l'ayant deifié & adoré, & finalement ayant fait veu de luy sacrifier s'il estoit sauué, quoy faisant tant ploya & humilia Gayus que non seulement fut deliuré de la mort, mais depuis le retint pour vng de ses tresprincipaulx amys: & se disant vne fois Gayus estre avec la lune, & demandant à Vitel s'il veoit la déesse qui vsoit avec luy, comença à regarder en terre & comme tout estonné, tout tremblant, & qui à peine ne pouoit parler, dist: Mon seigneur a vous dieux seulz est licite vous veoir l'ung l'autre. Par ainsi Vitel ayant alors commencé, suppedita depuis tous les autres avec adulation: mais Gayus estant plus sorty de son sens fit faire vng temple en Rome mesme, car il s'estoit fait faire vne maison dans le capitolle affin (ainsi qu'il disoit) qu'il peust estre avec Iupiter, mais depuis

Reponse  
faicte par  
Vitel.

se desleignât estre le secōd habitât avec Iupiter, & ayât accusé ce dieu pour ce qu'il le premier auoit occupé le capitolle, depuis edifia en grand celerité vng autre temple dâs le palais, auquel il voulut transformer la statue de Iupiter Olimpie à son habit., mais ne le pouant faire, pourcé que la nef faicte pour porter la statue fut ruynée p sayettes celestes, & voyant rire vng chascun que se presentoit pour toucher l'autel, menassa pour ceste occasion Iupiter, & s'en fit réedifier vng autre. Et ayant ouuert le tēple de Castor, & Polux, au mylieu des deux statues fait vne entrée pour luy dâs le palais, affin (cōme il disoit) qu'il eust pour ses portiers Castor, & Polux, & se nommant Dialion fait ses prebstres, Cresonie sa femme, & Claude, & les autres qui estoient les plus riches, ayant pour ce receu de chascun d'eulx deux cens cinquante myriades, & il mēme se consacra, & desleigna son cheual prebste avec soy. Et chascū iour luy estoient sacrifiez certains oyseaulx tēdres, & de grand pris. D'auantage avec vng certain instrument tonnoit, & faisoit foudres, & esclairs, & quand la flamme ressemblant la celeste tomboit, la rabatoit d'une pierre disant ce ver d'Homere, O tu tue, O ie toy. Ce dieu doncques, & ce Iupiter, laissant à part les autres choses tresordres par lesquelles il trouuoit deniers, qui les pourroit taire? les celles qu'il auoit faictes dâs le palais, & les femmes des hommes principaulx, & les enfans des gens de bien, ausquelz tous faisoit violence? & en receuoit vtilité les ayâs resserrez en ce lieu, partie de leur volonté, & partie par force, à ce qu'ilz demonstraissent aucune chose ne leur estre griefue. Et se couchant & ventrant sur l'or & argēt qu'il amassoit de ceulx cy, se les retournoit par dedâs. Puis doncques que totallemēt il estoit deuenu fol, Cassius Cherea, & Cornelius Sabinus luy dresserēt insidies, bien qu'ilz fussent Cliaques capitaines de mil hommes entre les massiers: & maintz autres encores estoient de ceste coniuration, & scauoient tout ce qui se deuoit faire: entre lesquelz en estoit vng Calistus, & Sparcus, mais les executeurs deuoient estre ces deux seulemēt. Lequel Cherea estoit autrement homme de nobles & anciēnes coustumes, & auoit vne certaine occasion de ire cōtre Gay, par ce que bien qu'il fust hōme tresvaillant, & expert, neantmoins Gay le nommoit par nom Fēme, & quād il venoit deuers luy, luy esmouoit pour signe ou le dieu d'Amour, ou la déesse Ven<sup>us</sup>: ou tessois vng certain oracle auoit esté donē à Gay, qu'il se deust garder de Cassius. Au moyen dequoy il ayât à suspect Cassius, lequel pour lors estoit prefect de l'Asie, considerant mesmement qu'il estoit descendu de la stirpe de ce Cassius qui occist Cesar, l'enuoya querir & se le fait amener lié, mais le dieu luy signifioit de l'autre Cassius appellé Cherea. Aussi Apolemus vng autre Egyptien estant en son palais luy predist ce qui luy deuoit aduenir, & estant pour ce mādē qu'il vint à Rome, arriua le mesme iour auquel il deuoit estre occis, & estant differée la pugnition de la à quelque peu de temps, par ceste dilation fut faulū. Mais la chose fut conduicte en ceste maniere.

Cassius  
Cherea  
Cornelius  
Sabinus.

## Comment Gayus Cesar mourut.

## Chapitre XXV.

**L** se faisoit vne feste dans le palais, avec vng certain spectacle, pendant lequel Gay beuvoit, & mangeoit, & faisoit conuy aux autres quand Pomponius le second, lequel à l'heure estoit consul encores mangeoit estant assis aux piedz de Gay, lesquelz il baisoit souuent. Mais depuis que Gayus voulut saulter, & imiter vne certaine tragedie, ceulx qui estoient pres de Cherea ne peurent plus attendre, ains ayans obserué l'heure qu'il sortoit du theatre, affin qu'il veist des ieunes enfans de grandz seigneurs qu'il auoit enuoyé querir en Grece, & Ionie, pour chanter vne hymne en sa louége, l'occirét, l'ayás surprins en vne rue assez estroicte, & il estant tombé par terre nul s'abstint des presens, mais le frappoyent cruellement, bien qu'il fust mort, & si mangerent les aucuns de sa chair, & incontinent occirent aussi sa femme. Gay ayant fait les choses susdictes en trois ans neuf moys & vingt huyt iours, congneut euidentement qu'il n'estoit dieu. Adonc ceulx qui assisterent à sa mort se souindrent d'ung sien dict cõtre le peuple: cestassauoir, qu'il voudroit que tout le peuple eust vng col, & ce difans demonstroyent qu'il mesmes auoit vng col, mais ilz plusieurs mains. Les massiers estans pour ce fait mutinez, & demandans qui eust occis Gay, Vallerius Asiaticus hõme consulaire par vng certain moyen admirable les appaisa estant monté en vng lieu eminent, & cryant à haulte voix, dieu voulust que ie l'eusse occis, par ce que estans pour ce estonnéz, cesserent de plus faire tumulte. Mais ayant esté Gay occis ainsi qu'auõs dit, les consulz enuoyèrent gardes par toute la cité, & assemblerent le senat dás le capitolle ou furent maintes & diuerses choses dictes & alleguées, par ce que aux aucuns sembloit qu'ilz se deussent regir en forme de peuple, aux aucuns soubz la puissance d'ung em pereur, & aux autres ne sembloit bon ne l'ung, ne l'autre, en quoy ilz consummerent tout le reste du iour, & toute la nuit, sans faire aucune chose conuenable, pendant lequel diuorce estans certains souldardz entrez dans le palais pour desfrober quelque chose, trouuerent Claudius caché en vng endroict moult obscur pour ce qu'il s'estoit trouué avec Gay, & pour eiter le peril s'estoit retiré en lieu secret, & au commencement le retirerent dehors pensant que fust vng autre, ou bien qu'il eust quelque chose: mais depuis l'ayant congneu le nommerent empereur, le conduysans en l'exercite, & ce fait luy donnerent de commun accord l'empire, comme à celluy qui estoit réputé homme de bien, & de sang royal: mais ce pendant les cõsulz ayás entre autres enuoyé querir les tribuns, luy cõtredifoyent de ce faire, ains luy persuadoyent de soy mettre entre les mains du peuple, des loix, & du senat, neantmoins depuis que les souldardz qui estoient avec luy les habandonnerent, alors encores se accorderét, & luy cõcederent par decret toutes les autres choses à l'empire conuenables. Ainsi

Mort de  
Calligula.Dict de  
Calligula;Claudius  
Nerõ em-  
pereur,

Clau-

Claudius Neron Germanic, filz de Drufus, né de Liuie print l'empire, lequel Claudius parauant n'auoit aucunement esté approuué en aucun magistrat sauf que seulement vne fois il fut consul, & si auoit alors desia cinquante ans. Lequel quât à l'esperit n'estoit vulgaire, mais plustost estoit exercité en doctrine, si qu'il mesmes mit par escript aucunes choses. Au regard du corps il estoit mal sain en maniere que la teste & les mains luy trembloient & pour ce luy defailloit encores la voix: il ne lisoit tout ce qu'il portoit dans le senat, ains estant present, le plus souuent le donnoit à lire au Questeur, & quoy qu'il leust, estoit par luy leu estant assis. D'auantaige il le premier des Romains v'sa d'une chaize couuerte, & apres luy non seulement les empereurs, mais nous encores qui auons esté consulz en faisons porter sur vne chaize: Mais premierement Auguste, Thibere, & aucuns autres se faisoient aucunes fois porter sur certaines petites chaizes, desquelles v'sent encores à present les femmes. Neantmoins n'estoit si grand mal ceste siene debilité, comme qu'il se laissoit gouverner par des affranchiz, & de ses concubines, par ce qu'il manifestement se soubzmettoit à ceulx qui luy estoient semblables, & estoit grandement subiect aux femmes, par ce que comme celluy qui en sa ieunesse auoit esté maladi, & nourry en grand sollicitude, à ceste cause se demôstroit plus gros, qu'en effect il n'estoit: ce qu'il cōfessa publicquement dans le senat. Et ayant conuersé par bien long temps avec Liuie son ayeulle, & sa mere Anthoinette, & nourry avec ses libertz, & oultre ce frequenté avecq plusieurs femmes, ne tenoit aucune forme magnanime: mais combien qu'il feust empereur de tous les Rommains, ensemble de tous les subiectz, neantmoins estoit reduict en la seruitude d'autres qui le reprenoyent tant du boyre excessif, comme de trop conuerser avecques les femmes, car il estoit moult subiect à ces deux choses. Et en ce temps se pouoit facilement prendre, d'auantaige estoit oultre mesure timide, pour laquelle craincte empesché, bien souuent ne scauoit ce qu'il deuoit faire. Ce que ses libertz congnoissans faisoient plusieurs choses mollestes, par ce que le mettans en vne certaine craincte en recepuoyent fruit, & se faisoient encores tant craindre aux autres, que souuent aucuns inuitez par Claudius au soupper, & des libertz, en vng mesme iour, laissoient plustost l'empereur, & s'en alloient avec les libertz. Estant doncques Claudius tel, faisoit neantmoins non peu de choses dignes & louables quand il estoit hors de telz accidens & en son arbitre: lesquelles particulièrement ie reciteray. Premierement il accepta tout ce que par le senat luy fut concedé, sauf le surnom de pere, car il depuis l'accepta, touteffois incontinent n'entra dans le senat, mais trente iours passez, par ce que oyant Gayus auoir en ceste maniere esté occis, & ayant entendu aucuns auoir esté preposez comme plus dignes que luy, pour les faire empereurs, ne se fioit en personne aucune, mais oultre les autres gardes qu'il auoit, faisoit tous les homes & femmes venans parler à luy, reuisiter s'ilz auoyent quelques armes secretes, &

touf-

touſiours es conuiz auoit pres de ſoy vng homme de guerre . Et ayant lors eſté trouuée ceſte couſtume, écores de preſent eſt obſeruée, mais la maniere de reuiſiter vng chaſcun, ceſſa au temps de Vaſpaſian . Claudius doncques bien qu'il fuſt moult ioyeux de la mort de Gay, neantmoins fait mourir Cherea, & aucuns autres, car il ne luy rendit graces d'auoir receu l'empire par ſon moyen, mais par le contraire eſtoit grâdemēt yré cōtre luy pource qu'il auoit eu la hardieſſe de mettre à mort vng empereur, regardât de loing pour la ſeurté de ſoy meſmes . Le fait touteſſois non comme qu'il vouluſt faire vengeance de Gay, ains comme qu'il l'eueſt prins pour auoir à luy meſmes dreſſé inſidies . Quoy voyant Sabinus, volontairement voulut mourir avec luy reputât n'eſtre choſe louable eſtant Cherea pugny, après ſuruiure: mais aux autres qui eſtoyent curieux de l'eſtat populaire, ou qui auoyent eſté honnorez pour recepuoir l'empire, non ſeulement ne leur fait demonſtration d'aucune hayne, mais d'auantage leur donna hōneurs & magiſtratz, & non ſeulement leur promiſt la ſeurté (imitant comme il diſoit les Atheniés) mais écores en effect leur obſerua. Auſſi il abolit l'accuſatiō de l'impieté, nō avecq eſcript, ains par effect, ſans pugnier par icelle aucun pour le temps paſſé ny encores pour celluy qui ſucceda. Et à ceulx qui auoiēt commis quelque iniuſtice, ou l'auoyent peu eſtimé, detractans de luy, il eſtant homme priué, les vngs pour gratifier à Thibere, & les autres à Gayus, ne impoſa delictz faitz & ſimulez, mais ſ'il les trouuoit en quelque malefice pour icelluy les pugniſſoit. D'auantaige les ſubſides & tributz leuez au temps de Gayus, enſemble toutes les autres choſes reputées par luy faittes, furent par Claudius abolies, non toutes à vng coup, ains comme elles ſe offroyent. Et ayant reduictz ceulx qui iniuſtement auoyent eſté mal traittez par Gayus tant les autres comme Agrippine & Iulie, leur rendit encores toutes leurs facultez: deliura auſſi tous les detenez en priſon tant pour l'impieté, comme pour autres delictz, bien pugniſſoit ceulx qui veritablement auoyent commis quelque malefice, dont il faiſoit diligente inquiſition, à ce qu'ilz ne fuſſent deliurez avec ceulx qui faulcement eſtoyent calumniez, ny ceulx cy fuſſent deſtruitz pour le reſpect des autres . Et quaſi chaſcun iour, ou avec le ſenat, ou de par ſoy, le plus ſouuent en la place & en autres lieux, iugeoit du tribunal, par ce que la couſtume des aſſeſſeurs, qui auoit eſté intermiſe quand Tibere ſe retira en l'isle, alors fut honnoree . Auſſi faiſoit ſouuent l'inquiſition avec les conſulz, & Preteurs, & eſpeciallement avec ceulx qui auoyent le gouuernement, commettant bien peu de choſes es mains des autres iuges: & monſtra aux ſenateurs les poiſons trouuées dans le palais de Gayus, enſemble les liures de Prothogenes, les lettres que Gayus auoit fait d'auoir bruſſées, lesquelles il fait lire par ceulx meſmes qui les auoyent eſcriptes, & à ceulx contre leſquelz elles eſtoyent eſcriptes, & ce fait les fait bruſler: mais voulant le ſenat vituperer Gayus, il empescha que ne ſ'en feiſt aucun decret, bien ſeparément, & de nuit, fait bruſler toutes les ſtatues pour luy

Mort de  
Caius  
Cherea.

Mort de  
Sabinus.

luy dressées, au moyen dequoy ne se treuve son nom au catalogue des empereurs, de quelz noms faisons memoire es sacremens & prieres, comme ne encores celluy de Tibere, neantmoins par decret ne deuoit receuoir aucune vergongne. Les choses doncques non honnestes faictes par Gayus, ou autres à son adueu, furent abolies. Et en l'honneur de Drusus son pere, & de Anthoinette sa mere, en leur iour natal fait faire vng cours de cheuaultx, & transferra en diuers iours les congregations solennelles, qui parauant se deuoient faire en vng iour. Quant à son ayculle Liuié non seulement l'hónora de combatz de cheuaultx, mais encores la fait immortalé, luy ayát fait dresser vne statue dans le temple d'Auguste, ayant commandé aux vierges Vestalles que luy feissent sacrifices, & aux femmes que iurassent par le nom d'elle. Claudius doncques auoir de tát glorifié ses pere & mere, pour soy ne voulut accepter autre, que les títres appartenans à l'empire, par ce que le premier iour d'Aoult, auquel il estoit né, fut faicté vne feste de cheuaultx, non pour luy, ains pource que le temple de Mars fut en ce iour sacré, & pour ce estoit honoré de festes qui chascun an estoient celebrées. En ces telles choses se portoit Claudius modestement. D'auantage auoit par decret prohibé que nul l'adorast, ne luy feist aucun sacrifice: remettant les cryeries effrenées & superbes, acceptant vne seule ymage encorés d'argent, & deux statues de cuyure, & de pierre, lesquelles luy furent concedées au commencement par decret, par ce qu'il reputoit ces telles despences vaines, & qui molestoient grádement le peuple; considéré que tous les temples & autres œures estoient plaines de statues, & d'offrandes, si qu'il disoit se deuoit faire deliberation d'icelles, à ce que plus ne s'en feist. Deffendit aussi aux Preteurs qu'ilz ne feissent plus les combatz des gladiateurs, & faucū autre en autres lieux les faisoit, commanda que ne fussent escriptes ou dictes auoir esté faictes pour son salut: & telles choses en tant faisoit de son propre iugement & non par fiction, que en autres encores se portoit semblablement. En ce temps ayant promis vne sienne fille à Lucius Julius Sillanus, & en auoir maryé vne autre à Gnée Pompée le grand, ne fait aucune excellente feste, mais luy mesmes en ces iours iugeoit, & le senat fut assemblé, & commanda que les gendres fussent en magistrat entre vingt cinq, que apres es dilatiós feussent preffectz de la cité, & finalement leur conceda qu'ilz peussent demander les magistratz cinq ans avant les autres. Auquel Pompée, Gayus auoit osté le surnoin de Grand, & peu s'en faillit qu'il ne le feist mourir, pour estre seulement ainsi nommé, mais ne le fait, pource qu'il faisoit de luy petit estime, estant pour lors encores ieune enfant: bien luy osta le surnoin, disant qu'il n'estoit assureé estant aucun surnommé Grand. Toutefois Claudius luy rendit ce mesme nom, & d'auantage luy donna sa fille pour femme. Telles choses louables furent faictes par Claudius: & quelque fois descendans les consulz de leurs sieges dans le senat pour venir parler à luy, il se leuoit de son siege, & leur alloit au deuant. En Naples se tenoit comme homme priué, par

Lucius Julius Sillanus.

Gnec Pompeus le grand.

ce qu'il & tous ceulx de sa court viuoient selon la coustume Grecque, & es spectacles qui se faisoient de la musique, il portoit le manteau, & les pentoufles, mais au combat Ginnicq, portoit la robe de pourpre, & la couronne. Au regard des deniers il estoit homme admirable, car il prohiba que argent ne fust offert ainsi que se faisoit au temps de Auguste & de Tibere: d'auantage fait vng edict que nul qui eust parens n'en laissa aucun pour ses heritiers, mais les biens qui estoient venuz par heredité au temps de Tibere & Gaius, partie les rendit aux premiers possesseurs, qui encores viuoient, & partie a leurs enfans. Et ordonna que le cours des cheualx se feist deux fois en vng iour, mais en effect il prohiba pour le plus souuent les mesmes choses, par ce que ceulx qui auoyent la charge de preparer telles festes non facilement excedoyent les comandemens come ceulx qui bien peu y gaignoient. Et les Iuifz lesquelz estoient paruenuz à si grand multitude que difficilement se pouoient prohiber sans grand tumulte, ne les dechassa, mais leur prohiba d'eulx assembler en congregation, selon la coustume de leur pays, deffaisant les compagnies qui auoient esté introduictes par Gaius. Et voyant que peu profiteroit d'empescher, & prohiber à la multitude que ne feist quelque chose, si chascun iour encores n'estoit leur vie corrigée, abolist encores les tauernes, esquelles ilz se reduisoient chascun iour pour boire, deffendant expressement qu'en aucun lieu ne se vendist ne chair cuitte, ne eue chaulde, & si en pugnist aucuns qui en ce ne le voulurent obeyr. D'auantage rendit aux citez toutes les statues pour lesquelles Gaius auoit mandé, restitua son temple a Castor, & Polux, & rédit à Pompée la memoire de son theatre, auquel il fait inscrire le nom de Tibere l'ayant encores adiousté à la Scene, par ce qu'il la refit, ayant vne fois par feu esté destruite, ou il fait insculper son nom, non qu'il eust esté l'edificateur, ains seulement celluy qui l'auoit consacré: chose qu'il ne fait en autre ceuure, ny moins vsa de l'habit triumphal au temps de la congregation, bien que luy eust esté concedé par decret: mais en ayant vse au commencement seulement, disposa depuis des aultres affaires, estant seulement vestu de pourpre, & si induisoit dans l'Orchestre cheualiers, & femmes de cheualiers ainsi qu'auoit esté de coustume: non qu'il le feist pour y prendre plaisir, mais plustost pour reprobuer telles factions. Incontinent doncques soubz Claudius ne fut faicte inquisition de ceulx cy, & au son appellé Pirrich, auquel se exercitoient les ieunes enfans enuoyez querir en Grece par Gaius, ilz seulement ne saulterent vne fois, ains furent renuoyez ayans receu le benefice des citadins, & aucuns autres de stirpe seruile furent desseignez en leur lieu. Dans le theatre estoient les choses susdictes faictes, mais en l'Hipodrome combatirent vne fois les cameaulx, & les cheualx douze fois, & y furent occis trois tens ours, & autans d'autres animaux d'Affricque: auquel Hipodrome au commencement chascun demouroit à regarder chascun ordre à part soy, assauoir les senateurs, cheualiers, & plebeiens, depuis que ceste

Combat  
Ginnicq.

coustume fut introduicte, neantmoins n'auoyét esté desseignez lieux à cha-  
 cun. Mais alors Claudius cōsigna ce siege, que maintenant nous voyons aux  
 senateurs, leur concédant encores, que qui voulust peust se renger en autre  
 lieu & en habit priué. Ces choses ainsi faictes par luy, donna vng soupper  
 aux senateurs, ensemble aux cheualiers & leurs femmes, & encors aux Tri-  
 buz. Aussi durant ce temps rendit l'Amagene à Anthiocus, bien que au par-  
 auant Gaius la luy eust donnée, depuis la luy osta & renuoya en sa maison  
 pour recouurer ses terres & seigneuries. Mithridates Hiberé qui auoit esté  
 detenu prisonnier par Gaius Et à vng autre Mithridates descédu de cest autre  
 Mithridates, tant fameux, donna le Bosphore; & en contreeschâge octroia à  
 Ptoloméé vng certain pays de Cilicie; mais à Agrippe Palestin qui luy ayda  
 a cōquerir l'empire, par ce qu'en ce temps il se trouua à Rome, augmenta sa sei-  
 gneurie, luy octroyât en oultre les honeurs cōsulaires: & à sō frere Herodes  
 dōna la dignité de Preteur avec vne certaine seigneurie, leur cōcedant qu'ilz  
 peussent entrer dans le senat, & leur rendre graces en langue Grecque. Tel-  
 les estoient les œures de Claudius mesmes dont il estoit de chascun gran-  
 dement loué: neantmoins alors furent faictes choses non semblables aux  
 deuantdictes, par ses libertz, & Valerie Messalline sa femme, par ce qu'elle  
 ayant en hayne Iulie niepce de Claudius, tant pource qu'elle ne l'hōnoroit  
 ny la flattoit comme pource que d'elle luy estoit venue vne certaine ialousie  
 pour estre Iulie vne tresbelle dame, & souuent demouroit seule avec Clau-  
 dius, l'enuoya en exil l'ayant accusée de adultere, pour laquelle accusatiō An-  
 nius Secque encores se mit en fuite, & non grand temps apres la feit mourir.  
 Mais ses libertz persuaderent à Claudius qu'il receust les honneurs trium-  
 phaulx, pource qu'il auoit faict en Mauritanie, bien que non seulement il  
 n'eust faict aucune chose notable, mais en tout le temps de son empire, ne  
 ayant iamais esté en exercite militaire, neantmoins en ce mesme an Sulpi-  
 ce Galba vainquit les Chortes: aussi Publius Gabinus ayant suppeditez  
 les Maurusiens, oultre les autres nobles faictz, recouura vne aigle militaire,  
 que les ennemys auoyent eu en leur possession depuis la route de Varron, de  
 sorte que pour ceste victoire Claudius receut vrayemēt le nom d'empereur.  
 Et l'an ensuiuant ces mesmes Mores, ayans suscitē vne guerre, furent rom-  
 puz par Suetone, & Paulin vng des gentilz hommes Preteurs transcourut  
 tout leur pays iusques au mont Athlan. Mais Gnée Sidie Geta, de sembla-  
 ble condition à l'autre, estant allé avecques l'exercite, subitement assaillit  
 Salabo, cappitaine des Mores, lequēl il vainquit en bataille la premie-  
 re & la deuxiesme fois. Et voyant Geta que Salabo ayant laissé aucuns  
 gensdarmes sur les confins pour empescher le passaige aux Rommains,  
 se meit en fuyte es lieux defertz, & sablonneux, Geta eut hardyesse de le  
 suyure, & ayant laissé partie de son exercite contre ceulx, qui faisoient le  
 guet, passa oultre avecques le reste, recueillant la plusgrande quantité de  
 eue qu'il pouoit: mais depuis qu'elle luy commença à deffaillir, & ne s'en  
 pouoit

Mithri-  
dates Hiberé.

Agrippe,  
Palestin.

Herodes.

Les Cher-  
tes vain-  
cus par  
Sulp. Gal-  
ba.

Suetone  
cōtre les  
Mores.

pouoit recouurer d'autre, ne se trouuerent en petit ennuy, par ce que les Barbares, l'ayans acostumé, resistoyent plus longuement à la foif, & pour l'experience des lieux, trouuans quelque-peu d'eau, se sauluoient: mais aux Romains estoit difficile pour le respect des ennemys aller plus auant: & difficile encores s'en pouoir retourner en derriere. Doubtant doncques Geta qu'il deust faire, vng homme payfant de ceulx qui estoient confederez avecques les Romains, luy persuada qu'il vouldist vsfer de certains enchantemens par lesquelz il affermoit souuentefois auoir eu grande quantité d'eau du ciel: à quoy s'accorda volontiers Geta, & incontinent plut si grande quantité d'eau, que facilement remedierent les Romains à leur soif, dôt les ennemys furent merueilleusemēt estonnez, croyans que les dieux feussent fauorables aux Romains, au moyen dequoy incontinent s'accorderent, & diuiserent leur exercite. Et depuis ce temps Claudius diuisa les Maures subgetz, en deux parties, cest assauoir, en la region pres Tengis, & l'autre pres Cesarée, de laquelle ilz receurent le nom, & les soubzmit au gouvernement de deux Preffectz, cheualiers. Durant ce mesme temps furent infestez aucuns lieux de Numidie, par les Barbares voyfins, lesquelz estans depuis vaincuz en bataille, furent toutes choses appaisées. Et estoit Claudius consul avecques Gayus Large, auquel il conceda qu'il peüst demourer en magistrat vng an, mais il encores le retint par deux moys seulement. Et si furent astrainctz par ferment les Senateurs, pour confermer les faitz de Auguste, & si encores il mesmes en feit ferment, par ce qu'il ne voulut que aultre iurast pour luy. D'auantaige, sortant de magistrat, iura encores vne aultre fois comme les autres: chose que tousiours faisoit quand il estoit Consul. Et estant à l'heure leues certaines oraisons au commencement du moys, tant d'Auguste, que de Iulius, selon le decret, si que les Senateurs demouroyent iusques à la nuit, leur imposa silence, disant suffire qu'elles feussent escriptes es collomnes. Aussi se trouuans aucuns Preteurs, ausquelz il auoit commis & ordonné tout le gouuernement, chargez, ne fait d'eulx inquisition aucune, mais surueni lors qu'ilz faisoient quelque chose, cominist à aultres ce qui luy sembloit n'estre bien: chose que depuis il fait souuentefois. Et estoient les Preteurs designez sans reigle aucune, pour n'estre esleuz, & quatorze, & ainsi qu'il arriuoit. Il doncques fait les choses susdictes quant au gouuernement de la Republicque, ainsi que vous ay escript. Et institua trois hommes Preteurs, recepueurs des debtes, depputez au publicq, leur ayant pour ce donnez lettres, ensemble plusieurs aultres

Numidie.

Gaius Large consul.

Mm ii inini-

Famine en  
Rome.

ministres. Semblablement estant suruenu en la cité vne grand famyne non seulement pourueut à l'habondance pour le present, mais fait provision pour tout le temps qui se deuoit ensuyuyr, par ce que ayant esté le froment quasi tout transporté de dehors en Rome, le pays voisin du Tibre ne ayant descentes seures, ne portz aptes, faisoit que l'empire ne luy aydoit en riens, par ce que oultre ce qui estoit porté en Romme, au temps de la cueillète, & se remettoit es greniers au temps d'yuer, n'en estoit riens emporté, mais si vng se mettoit à faire le contraire estoit griefuement pugny. Ce que congnoissant Claudius, s'efforca de edifier vng pont, & ne mua de propoz, bien que les architecteurs, il ayant demandé quelle despence se conuiendroit faire, luy respōdissent qu'il ne le feroit iamais, de tant ceulx la pensoyent Claudius se deuoit retirer pour la grād despée si l'entēdoit: mais il se mit en volenté vne chose digne de la grandeur, & magnificence de Rome, laquelle mesmes il executa, par ce que ayāt fait chaner vne partie non petite de terre ferme, fait des fondemens, tout autour, & receut dedans la mer. Et ayant fait plusieurs argines autour de ceste mer, mit dedans grād quantité de mer, & sur icelle fait vne isle, & en icelle isle vne tour, ayant veue en forme de lanterne. Ce port dōcques lequel maintenant s'appelle encores aīsi selon la coustume du pays fut fait par Claudius. Cestuy cy mesmes voulut cōduire le lac de Marſi dans le Tibre, à ce que le pays circōuoinſin se peust cultiuer, & le fleuee fust plus nauigable, touttesſois fut la despence faicte en vain. Il aussi fait plusieurs decretz desquelz n'est besoing cy faire mention, & si ordonna encores ces choses, à scauoir que les magistratz esleuz par sort qui auoyent acoustumé demourer par long temps, se deussent departir auāt le cōmencement d'Auril, & ceulx qui estoient esleuz ne luy rendissent aucunes graces dans le senat ce qu'ilz auoyent acoustumé faire selon vne certaine coustume, disant: Je ne suis obligé à ceulx cy cōme à hommes cupides d'honneur, mais ilz à moy, par ce qu'ilz portent prōptement ma seigneurie en diuerses parties, & s'ilz se porterōt bien au gouuernemēt, ie encores les louerray beaucoup d'auantaige. A ceulx qui pour la debilité du corps ne pouoyēt venir dans le senat, remectoit la peine, & receuoit aucuns cheualiers a la dignité Tribunicie, mais tous les autres cōtraignoit de venir dās le senat toutes fois qui leur fust denoncē. Et en ce tant reprenoit les non obeyssans, que aucuns s'occirent eulx mesmes: mais es autres choses estoit doulx & humain avec eulx, & si les visitoit quand ilz estoient malades, & se trouuoit à leurs festes. Et ayant vng sien serf esté oultragé par vng Tribun ne fait mal au tribun, mais depuis luy ayant osté ses ministres, peu apres les luy rendit. Depuis fait fustiguer vng sien serf pour auoir oultragé vng homme illustre. Au senat se leuoit, si les autres demouroyēt gueres debout, par ce (que cōme i'ay dit) le plus souuent il lisoit quelque chose estant assiz pour le respect de son infirmité, & conceda à Lucius Sylla qu'il se peust asseoir dedans le tribunal

Port construit par  
Claudius  
en la bouche  
du Tibre

tribunal des preteurs, & ce à cause que vne fois il se leua debout né pouant ouyr aucun de son siege. Le iour qu'il fut designé cōsul, au premier an ne feit aucune chose notable, sinon qu'il donna aux massiers vingt cinq dragmes, ce que depuis il continua chascun an. Neantmoins aucuns preteurs de propre volūtē, & sans decret hōnoroyēt publiquemēt ce iour, en fēble la natiuité de Messalline, car tous ne faisooyēt le semblable, ains ceulx qui en auoyēt la volūtē, tant estoit grande la liberté. Et si honnestement en toute chose se portoit que luy estant né vng filz, lequel alors fut nommé Claude Tibere Germanic, mais depuis Britanicq, ne feit pour luy chose notable, ny pmist qu'on l'appellast Auguste, ne moins Messalline, bien souuent esfois introduisoit les festes des gladiateurs desquelles il prenoit si grand plaisir, qu'il en estoit en-coulpé & estoient occises peu de bestes, mais plusieurs hommes, desquelz, aucuns combatoyent ensemble, & aucuns estoient consumez des mesmes combatans, par ce que Claudius auoit en grād hayne les libertz, & les serfz, qui au tēps de Tibere & de Gaius auoyēt trahy leurs maistres, ou qui autrement eussent calumnié ou faulsemēt depofé contre quelqu'ung. Ceulx cy estoient ainsi pugniz, mais les autres pugniffoit par autre voye, & plusieurs de ces serfz estoient par luy renduz à leurs maistres à ce qu'ilz mesmes en feifsent la pugnition. Et tant grāde estoit la multitude de ceulx qui auoyent esté occis, qu'il feit transporter en vng autre lieu la statue de Auguste posée en ce lieu, affin qu'elle ne veist telles occisions, ou ne fust besoing par tant de fois la courrir. En ce estoit Claudius taxé qu'il regardast, & se repeult de telles choses qu'il ne voulut que fussent veues de ceste statue, sans sentemēt: par ce que oultre toutes choses, il veoit voluntiers ceulx qui estoient taillez en pieces au my lieu du spectacle à l'heure du disner, bien qu'il mesme feist occir vng lion, qui auoit esté en seigné de manger les hōmes, estat pour ce au peuple tres agreable, cōme qu'il ne fust cōuenable que les Romains fussent presens à tel spectacle: mais pource qu'il estoit present en public aux spectacles avec eulx, & leur cōcedoit tout ce qu'ilz vouloyēt, vsant peu souuēt de trōpettes, mais la plus grād ptie des choses qu'il vouloit, leur signifioit les escripuāt en certaines tables: & estoit pour ce respect loué. Estant dōcques ce Claudius acoustumé de se faouler du sang des occisiōs qui es spectacles se faisooyēt, depuis inconsideremēt encores vsait des autres. Et l'occasion de ce, estoiyēt les libertz Cesaris & sa femme Messalline, lesquelz quād vouloiēt que vng fust mis à mort, le mettoyēt en craite à cestuy cy, & pour ce faisoiyēt ce qu'ilz vouloyent, & souuent esfois estat Claudius estōné à l'impourueu & commandant hastiuemēt que quelqu'ung fust occis, depuis estat retourné en soy le demandoit, & entēdāt ce q en auoit esté fait s'e repētoit. Lesquelles occisiōs il cōmēca à Silan, lequel estat hōme tres noble & pour lors prestect d'Espaigne, le māda venir à Rome cōme qu'il eust besoing de luy, & luy ayāt dōné pour femme la mere de Messalline, & l'auoir tenu en grād hōneur au nōbre de ses pl<sup>9</sup> parfaictz amys, & parens, depuis le feit subitement mourir, il estant venu en

Natiuite  
de Claude  
Tibere  
Germanicq.

hayne à Messaline ne luy ayant voulu consentir pour estre vne femme meschante & grand paillard, & si encores l'estoit pour le respect de cestuy cy fait ennemy Narcisus libert. Et pource que ces deux ne peurent dire contre Silan aucune chose vraye ne vraye semblable, Narcisus faignit auoir veu en songe que Silan de ses propres mains occioit Claudius: ce qu'il courut dire à Claudius à l'heure de son leuer encores tremblant, mais Messaline feit depuis le cas bien grád, ainsi fut Silan pour ce songe occis. Lequel mort pour telle occasion, n'eurent depuis les Romains en Claudius bõne esperãce, mais incõtinét plusieurs (mesme Annus Vincranus) luy dresserét insidies, car il estoit vng de ceulx qui auoyét esté preposez pour le faire empereur apres la mort de Gaius. Pour laquelle mesme cause estant encores en craincte s'esmeut à faire telle nouuelleté. Et ne se voyant assez puissant pour mettre à chef son empreinte, le máda á Furius Camilus Scribonius pour lors preffect de Dalmace, ayát grád coppie de gens de guerre estrangiers, & outre qu'il estoit de soy assez incité le cõmeut à se leuer contre Claudius, & especiallement pource qu'il estoit homme excellent pour estre empereur. Laquelle chose ainsi faicte, plusieurs tant senateurs, cheualiers que autres, declinerent à sa part. Mais les souldardz de Camille ausquelz il promettoit l'estat populaire, & de les reduire à la premiere liberté, se doubterét de ne venir vne autrefois en trouble & sedition, parquoy ne luy voulurent assentir. Au moyen dequoy vaincu, & luy estant deffailly le couraige se mit en fuite en l'isle Isse, ou volontairement mourut. Toutefois Claudius iusques alors fut en non petite craincte, mais tant grande qu'il se dispoit luy ceder l'empire, neantmoins ayant alors reprins assuree, redit graces aux souldardz, & outre les autres remunerations voulut que ses exercites cõme le septiesme & l'unziesme fussent nõmez par decret du senat, fideles & pitoyables, & fait inquisition de ceulx qui luy vouloiét dresser insidies, desquelz il feit grád occision, & entre autres occist vng preteur lequel auoit auát refusé le magistrat. Aussi plusieurs succirent eulx mesmes, & entre autres Vincian, par ce que Messaline, Narcisus, & les autres libertz ayans ceste occision entre mains, ne laisserét aucüe cruaulté à executer, car outre toutes autres choses vsoyét pour denociateurs les libertz & serfz cõtre leurs maistres, lesquelz ilz tourinetoient, ensemble autres grandz & notables personages, & non seulement gét ilz hõmes, mais encores estrangiers, de la terre, & autres cheualiers, & senateurs, chose qu'ilz faisoient, nonobstant que Claudius au cõmencement de son empire iurast de ne tourmenter aucun qui fust libert. En ce mesme temps doncques plusieurs hommes & femmes furent pugniz en la prison, & celles qui deuoient mourir, encores estoient conduictes, lyées sur vng tribunal, comme prison, & estoient leurs corps gettez ius des eschelles du Capitolle, car de ceulx qui estoient decapitez dehors, seulement leurs chiefz estoient portez en ce lieu. Et aucuns qui grandement estoient encoulpez de ceste mesme chose, furent sauluez partie par grace, & partie

Fidelite de  
gens dar-  
mes.

Griefue  
pugnien  
des cõspi-  
rateurs.

par

par deniers & la faueur de Messalline, & Narcifus, bien furent les enfans des occis mis en feurté, & si aucús d'eulx receurét deniers. Et estoient condáneez dans le senat present Claudius, les Preffectz, & les libertz de Claudius: car il exposoit estant affiz au mylieu des consulz sur vne chaize triúphalle & sur vng degré, & ce faict s'en retournoit en son lieu acoustumé, & à ceulx la estoient dressez sieges pour eulx seoir: chose obseruée encores es autres grandz affaires. Durant ces entrefaictes, vng libert nommé Galloys ayant esté introduict dans le senat dist plusieurs choses librement, & entre autres aucunes dignes de memoire, pour autant que estat venu Narcifus au mylieu & luy ayant demádé, que eusses tu faict si Camille eust esté empereur? luy respondit, ie me feusse tenu derriere, & teu. Pour lesquelles parolles Galloys, & Attie pour autres furent louez: car ceste Attie estant femme de Cecinia cōsul, ne voulut suruiure apres la mort de son mary, bien quelle le peust faire & honorablement pour la familiarité qu'elle auoit avec Messalline: mais oultre ce fortifia le couraige de son mary qui estoit timide, par ce que ayant prias vne espée la premiere se frappa, & ce faict la bailla à son mary, disant, maintenant frappe toy, car ie ne sentz douleur: & estoient ceulx cy pour ce louez, pour autant que desia la continuation des maulx auoit reduit les choses à tant, que autre n'estoit reputé vertu, sinon mourir genereusement. Et estoit Claudius en telle maniere dispose à la pugnition tant de ceulx cy que des autres, qui souuent donnoit pour signe aux souldardz ce ver d'Omere la sentence duquel est telle, qu'il est besoing se deffendre, quand vng autre le premier te moleste: & maintes autres parolles grecques souloit dire, tant enuers ceulx la, que avec le senat, si que de ceulx qui auoyent intelligence estoit grandement mocqué. Alors doncques furent les choses susdictes faictes: & les tribuns estant l'ung de leurs compagnons passé de ceste vie, assemblerét le senat pour en eslire vng autre en son lieu, & ce firent bien que les consulz fussent presens. Depuis estant Claudius cōsul la troiesime fois, abolist plusieurs sacrifices, & supplications, qu'on auoit acoustumé faire, pour ce qu'en telles choses la moitié de l'an estoit consumé au grand preiudice du public. Aussi tout ce que Gaius sans raison ne iustice auoit concedé, fut par Claudius rescindé, & rédit tout ce que les Suprastans auoyent prins par la suggestion de Corbulon. Et aux magistratz qui se faisoient par sort, par ce que encores à l'heure estoit tard pour se partir, commanda que auant la moytié du mois d'April ilz se deussent partir. Durant ce temps l'estans mutinez les Liciens, de sorte qu'ilz occirét aucuns Romains, les subiugua & leur adiousta la prefecture de Pamphilie. Et en ceste inquisition qu'il fait dans le senat à vng certain ambassadeur des Liciés, lequel encores anciénemét estoit Licien, mais depuis faict Romain, demádát en lague latine certaines choses, & pource que cest ambassadeur ne l'étédoit le priua d'estre citadin Romain, disant qu'il n'estoit cōuenable à aucun d'estre Romain, s'il n'étédoit la lague Romaine. Et maintz autres qui luy sembloient indignes de la Republicque

Galloys libere.

Responce sentencieuse de Galloys.

Attie femme de Cecinia cōsul.

Romaine les priua, & la donna à pluſieurs autres ſans diſcretion aucüe, à aucuns particulièrement, & à pluſieurs autres enſemble, par ce que eſtans quaſi en toutes choſes les Romains preſens aux autres, pluſieurs demandoient la grace d'eſtre citadins de Rome à Claude meſme, & l'acheptoient de Meſſaline & des libertz de Claude. Et bien qu'au parauant fuſt vëdue pour grãd pris, neãtmoins depuis pour la facilité fut de tant viliffiëe, qu'on diſoit, que ſi vng dõnoit ſeulement vaiſſeaux de verre rompuz, à quelqu'eng, pourroit eſtre fait citadin Romain. En ce doncques eſtoit Claudius reprins, mais en ceſte autre eſtoit louë que eſtans pluſieurs ceulx qui eſtoient calüniez pour ne vſer le ſurnom de Claudius, & aucuns pource que à ſa mort ne leur auoit laiſſë aucune choſe, comme que fuſt licite à ceulx qui par luy auoyent eſté faitz citadins de faire toutes ces deux choſes, empêcha que nul pour ce fuſt pugny. Ainſi Meſſaline & les libertz de Claudius vendoyët non ſeulement la Republicque, les exercites, les procuratiõs & les principaultez, mais encores toutes les autres choſes, & d'icelles faiſoyent marchandiſe, ſi que tout ſe trouuoit bien cher. Au moyen dequoy fut Claudius contrainct conuocquer le peuple au chãp de Mars & illec de ſon tribunal ordõner les hõneurs de ceulx cy. Il dõcques ſ'eſtant aorné de ſon manteau imperial mit en l'exercite le bataillon des gladiateurs, & feirent les Preteurs la feſte tant de ſpectacle que de conuiz, le iour de la natiuité de ſon filz le tout depuis ainſi que mieulx leur ſembla. Mais ce pendant viuoit Meſſaline en grand laxiuité contrainãt les autres femmes à faire le ſemblable, & en faiſoit violer maintes dans le palais preſens & le voyans leurs maris, auſquelz elle dõnoit honneurs prerogatiues & préeminences: mais ceulx qui ne vouloyent à leurs femmes telle vie permettre eſtoient d'elle hays, & les deſtruiſoit. Et bien que telles choſes fuſſent faiçtes apertement, neantmoins furët par long tẽps à Claudi<sup>9</sup> occultes, par ce qu'elle auoit mis en la chãbre vne ſiëne ſerue, & ceulx qui auoyent le moyen de luy denoncer quelque choſe tous les auoit preoccupez, ou avec benefices, ou avec vengeance, car entre les autres elle feit mourir Catonian iuſte capitainẽ des maſſiers, pource qu'il vouloit denoncer à Claudius ſa vie. Et ayant ialouſie de Iulie fille de Drufus né de Tibere, mais femme de Neron Germanic, la feit ainſi mourir cõme elle feit l'autre Iulie. Durant ce meſme tẽps vng cheualier fut getté du cappitolle par les cõſulz & tribũs, cõme trahiſtre cõtre Claudius. En la citẽ ces choſes eſtoyët ainſi faiçtes, mais en ce meſme temps Aulus Paulutius ſenateur treſvaillant fut enuoyé en Bretagne, par ce que vng certai Tibere eſtãt dechaffé de l'iſle perſuada à Claudius de luy enuoyer vng exercite. Au moyen dequoy Plantius q eſtoit preteur avec grãd difficulté pouoit cõduire les gës d'armes hors la Gaille, car ilz ſe lamentoyent comme qu'ilz deuffent aller cõbatre oultre la ptie inhabitable du môde, & ne luy obeirët auãt que Narcifus ayãt eſté p Claudius illec euoyé môta ſur le tribunal de Plãtius, & voulut faire vne certaine oraiſõ: & alors eſtãs les gës d'armes pl<sup>9</sup> deſdaigneuz, pour auoir dõné à ceſtuy

Diffolutiõ  
de Meſſa-  
line.

Catonian  
iuſte occis.

Mort de  
I lie fille  
de Drufus.

cestuy licence de parler, commencerent incontinent tous d'une voix à crier: Voyez les festes de Saturnus: & ce disoyent par ce qu'en ce iour les serfz prenans les robbes de leurs maistres, ont acoustumé faire quelques ioyeusetes: & depuis par ces occasions volontairement obeyrent & suyirent Plantius. Ilz furent doncques lents pour ce respect à eulx esmouuoir, depuis diuisez en trois parties à ce que si tous voulussent passer la mer ne fussent empeschez, & au passaige ayans receuz infortune bien grande, & depuis que furent retournez, recouuert le couraige, par ce que vne Facille se leua du costé d'Orient, & transcourut en Occident en la partie qu'ilz nauiguoyent: finalement prindrent l'isle ne leur estant aucun venu à l'encontre, pour autât que les Bretons n'attendas la venue de ceulx cy pour les nouvelles qu'ilz auoyent ouyes, ne s'assemblerent, ny moins vindrent au combat contre les Romains, ains se mirent en fuite deuers les paluz, & les forestz, esperans de les tenir, iusques à tant que leur venue auroit esté vaine, comme ilz feirent au temps de Iulles Cesar: au moyen dequoy Plantius eut assez affaire pour les trouuer, mais les ayant depuis trouuez, qui n'estoyent libres, ains soubzmis à autres, de premiere entrée vainquit Catatratius & depuis Cogus Dimus, enfans de Cinobalin, qui desia estoit decedé, lesquelz pour ceste route s'estas mis en fuyte incotinét se soubzmisist par accord vne partie des Nodimens, desquelz estoyent principaulx les Catellans, & ayant illec laissé vng preside passa oultre. Et arriuez qu'ilz furent pres d'ung fleue que les barbares n'esperoyent par les Romains pouoir avec pont estre passé, & pour telle esperance demouroient plus negligens sur la riuie d'icelluy: Plantius leur manda les Loccites, hommes vsitez à naiger dans fleues courans & impetueux armez & equipez. Lesquelz ayas assailly les ennemys à l'impourueu sans aucun d'iceulx naurer, mais seulement les cheuaulx qui menoyent leurs charrettes, furent iceulx ennemys esbahis, si que ne peurent seurement monter sur leurs charrettes. Pareillement y manda Plantius, Flavius Vaspasian, qui depuis fut empereur, ensemble son frere Sabin, soubzpreteur, lesquelz passez le fleue feirent grand occision des ennemys qui ne les attendoyent, neantmoins le reste ne se mit en fuyte, ains le iour ensuyuant vindrent au combat, auant que Gaius Sidius Geta s'estant mis au peril feust prins. Depuis de tant obtint la victoire contre les Barbares, que bien qu'il ne fust homme consulaire, touteffois receut les honneurs des triumphes. Or les Bretos retirez sur le bort du fleue Tamisis à l'édroit qu'il entre dans la mer Occéane, & quand la mer croist fait plusieurs lacz, & ayans le fleue passé facilement comme ceulx qui estoyent praticz du lieu plus apte & facile, & les Romains les auoir suuis en ce lieu furét en nō petit peril, mais depuis estas passez, aucuns Celtes nouans, & autres au dessus ayas fait vng pont, assailirent les ennemys de plusieurs costez, & plusieurs taillerent en pieces, & le reste pour suiuy, sans consideration entrerent en vng marest, duquel difficilement se pouoit yssir, si que plusieurs y perirent: pour lequel dommaige

Bretaigne, main  
tenāt Ang-  
leterre,  
ptinse.

Catatratius  
& Cogus  
vaincuz.

Vaspasian.

Gaius Si-  
dius Geta.

& pource que estant decedé Togodyme, les Bretons non seulement ne se rendirent, mais ils se conciterent d'en vouloir faire vengeance: ce que cōnoissant Plantius ne proceda plus oultre, ains seulement gardoit ce qu'il auoit en sa puissance, & enuoya deuers Claudius, par ce qu'il luy auoit commandé que luy arriuant obstaclé il l'aduertist. Par ainsi fut fait non petit appareil tant d'autres choses comme d'elephans, & estant venu le messaige, Claudius, le gouvernement de son hostel, & autres affaires, commist à Vitel, par ce qu'il le feit demourer six moys, assauoir esgal temps, avecq luy au consulat, mais il se partit de Rome avecq l'exercite, & estant allé par eue à Hostie de la passa à Marseille, & d'illec partie par terre, & partie nauiguât par fleuues paruint ala mer Oceane, & estant passé en Bretagne, se ioignit avec l'exercite, qui l'a endoyent pres le fleuue Tamises, avec lesquelz il passa le fleuue, & venu à la bataille avec les barbares, qui se tournerent contre luy, mais il obtint la victoire, & print Ormulodime ou estoit le siege royal, & Cinobelin, & depuis ayant subiugué plusieurs, partie par force, & partie par accord, fut appellé empereur par diuerses foys, oultre la coustume du pays, car il n'estoit licite receuoir ce nom, plus que vne seule fois, en vne mesme guerre: & leur ayant osté les armes les soubmit au gouuernemēt de Plantius luy auoir commandé qu'il subiuguast tous les autres lieux. Ces choses ainsi ordonnées se mit Claudius en chemin pour aller à Rome y ayant deuant enuoyé ses gendres, assauoir Silan, & Grant, pour denoncer la victoire. Le senat aduertiy des choses factes par Claudius, le nomma Britanic, luy concedant le triumphe, & vne feste d'an en an, ensemble vne charrette triumphalle, & vne autre en Gaulle au lieu duquel se partant passa en Bretagne. Lequel mesme nom de Britanic ilz imposèrent à son filz, en maniere que par vng certain moyen il estoit appellé Britanic. Telle mesme préeminence concederent à Messaline qui auoit Liue, assauoir qu'elle peust porter le carpent: ainsi furent ceulx cy par le senat honnorés. Et ne voulant que se reseruaist la memoire de Gaius, determinerēt que tout le metal ou estoient insculpées ses ymaiges fust fondu, neantmoins ne fut depuis dicelluy fait meilleure matiere, par ce que Messaline fit faire d'icelle plusieurs statues de son amoureux, car ayant vſé encores vne fois de Gaius, luy preposa ce merite de la coustume qu'elle auoit avec luy, pour estre moult grandement abusée de l'amour de cestuy. Et voyant que par promesses, ne par menasses ne luy pouoit persuader qu'il voulust auoir affaire avec elle, en parla à son mary le priant luy vouloir commander qu'il fust obeyssant en tout ce qu'elle luy voudroit demâder, comme qu'elle eust de luy besoin en autre chose: au moyen dequoy luy ayant Claudius commandé qu'il feist tout ce qu'elle voudroit, vſoit avec elle comme par commandemēt de Claudius: chose qu'elle faisoit encores à l'endroict de plusieurs autres, car elle commettoit plusieurs adulteres comme qu'elle le feist par commandement de Claudius, lequel luy eust concedé liberté de luxurier. Ainsi doncques furent

Claudius  
a Mar-  
seille.

Victoire  
contre les  
Bretons,

Honneurs  
octroyez  
par les  
Sen. a  
Claud.

Carpent cō-  
cedé a Mes-  
saline.

rent prins plusieurs lieux de Bretagne. Depuis estant Gayus Crispus, & Titus Statilius consulz la secōde fois, Claudius s'en retourna à Rome ayāt esté d'elle absent, l'espace de six moys, desquelz il consuma en Bretagne seize iours seulement, mena le triumphe, & fit les autres choses selon la coustume, & monta à genoulx par les degrez du cappitolle le tenans ses gendres de l'ung, & l'autre costé. Dōna aussi aux senateurs acompaignez avec luy les hōneurs triump haulx, tant aux autres, cōme aux consulaires: chose qu'il faisoit inconsiderémēt, & pour bien petis merites. Et à Rofferius Palion Prefect conceda vne statue & vne chaize toutes & quantes fois il entraist avec luy dans le Senat: & afin qu'il ne semblast ce auoir esté fait nouuellement, dist Auguste l'auoir ainsi concedé à Valere Ligure. D'auātage honnora Lacon, qui premierement auoit esté cappitaine des gardes de nuit, mais alors estoit preffect des Galath. de ce mesme honneur, & encores luy octroya les honneurs consulaires. Fit aussi la congregation solempnelle des triumpes, ayant prins pour icelle vne certaine puissance consulaire. Laquelle solēnité se fit en deux theatres ensemble, & bien souuent n'estoit present aux spectacles, ains autres en son lieu l'executoyent. Pareillement les combatz des cheualx furent denoncez par tant de iours qu'il fut besoing, neantmoins ne durerent plus de dix iours, par ce que ce pendant qu'ilz se faisoient, furent plusieurs ours occis: & les Athletz combattirent, ensemble certains ieunes enfans amenez d'Asie faillirēt les faultz nommez Pirhichii. Aussi les artisans firent vne autre feste pour le respect de ceste victoire ou licence du Senat, pres la Scene. Telles choses furent faictes pour la victoire obtenue en Bretagne: & à ce que les autres nations vinsent plus facilement à l'accord, fut fait vng decret que toutes conuentions, qui eussent par Claudius ou ses cappitaines esté faictes, feussent stables & valides, cōme que eussent esté par le Senat confirmées: & Achaie, & Macedoine, qui depuis l'empire de Tibere auoyent esté commises entre les mains & gouuernemēt des preffectz esleuz, alors Claudius les rēdit aux fortz: & deposez les Preteurs qui les gouuernoyent, les commist aux Questeurs selon l'ancienne coustume, non qu'ilz demourassent en magistrat comme ilz faisoient, & ilz les premiers, & depuis les Preteurs, mais deux mesmes demourerēt trois ans continuelz & autres incontinent apres ce magistrat estoient faictz Preteurs, & aucuns receuoient remunerations selon qu'ilz demonstroiet s'estre portez au gouuernement. Aux Questeurs il dōna ces gouuernemēs au lieu des magistratz qu'ilz auoyent en Italie hors la cité, par ce qu'il les leur osta quasi tous: mais aux Preteurs donna en contr'eschange quelques iugemens, qui au parauant appartenoyent aux consulz & aux souldardz, par ce qu'ilz ne pouans selon les loix auoir femme, leur cōceda la iustification des gens mariez. Et à Marc Iule Coste augmenta l'épire paternel qu'il auoit sur les Alpes Corties, l'ayāt pour lors premierement appellé roy, & priua les Rodiens de la liberté pour auoir empalé aucūs Romains, & ayant enuoyé querir Vmbonius Silon Pré-

Rofferius  
Palion.

Saultz ap-  
pellez Pir  
richii.

Marc Iule  
Coste.

fect de Beticque le priua du senat , pour ce qu'il auoit enuoyé peu de fromét pour les souldardz estés en Mauritanie , car de ce fut accusé, nō que fust chose vraye, mais plustost s'estoit fait ennemys aucūs libertz de Claudius: mais cestuy cy fait porter tous les biens meubles, qui de beaulté, & preciosité estoient reputez , au marché , comme que tous les voulust vendre , neantmoins ne védit sinon l'habit senatorie, voulant demonstrier que pour auoir esté priué du senat n'auoit receu grand mal , & qu'il pourroit auoir vne vie priuée moult delectable . Alors doncques furent faictes les choses susdictes : & le marché qui se faisoit par l'espace de neuf iours fut transseré en autre temps pour le respect des sacrifices. Et fut ce fait souuentefois: mais l'an ensuyuant furent faictz consulz Iunitius la seconde fois, Statilius Coruinus : touteffois Claudius confirma par serment toutes les choses acoustumees, mais empescha que aucun iurast chascun en sa specialité, & suffisoit si vng des preteurs, & aussi chascun autre, iurast pour ses compaignons, comme au parauant vng des tribuns auoit acoustumé iurer pour les autres. Fut ceste coustume obseruée par plusieurs ans. Et pource que la cité estoit plaine de plusieurs ymages , estant à chascun licite de se publier, ou en peinture, ou en sculpture de metal ou de pierre, il en fait transporter plusieurs de cētes en autres lieux, & ce fait prohiba que nul homme priué sans licence du senat peust ce faire: sauf si on ne faisoit quelque ediffice, ou bien renouelast quelque oeuvre, par ce que à telz & ses parens estoit licite de mettre leurs statues en ces lieux: & ayant enuoyé en exil vng sien Preffect pardons receuz, publicqua ce qu'il auoit acquis en ceste preffecture: & à ce que telz hommes ne peussent euitter tel iugement, à nul donna magistrat, incontinent l'ung apres l'autre, pour autant que ce auoit au parauant encores esté obserué, à ce que ce pendāt vng luy peust mettre par raison sans couuerture aucune de ceulx la, & à ceulx qui demandoient pellerinages ne leur estoient cōcedez incontinent l'ung apres l'autre, à ce que s'ilz eussent commis aucū delict, ne se peussent sauluer de pugnition, ceulx cy par magistratz, ceulx la par la peregrinatiō, mais estoit telle coustume desfaillie, iusques à ce que Gai<sup>9</sup> la restitua, & l'obserua si secrettement, qu'il ne concedoit à aucū accessseur qu'il peust obtenir par fort incontinent la nation à luy cōuenable, bien qu'il laissast aucuns d'eulx en magistrat par deux ans, & en mādast aucūs par electiō: & à ceulx qui demandoient de pouoir aller hors de Italie, le leur concedoit de par soy sans le Senat, touteffois a ce qu'il semblaist le faire legitiment, commāda qu'en fust faict vng decret, & fut encores ce determiné par decret l'an ensuyuant. Durant ce temps il executa la cōgregation votieue qu'il auoit promise pour le salut de son exercite: & au peuple qui auoit besoing de froment distribua pour chascune personne soixante cinq dragmes, & à aucuns plus, en maniere que aucuns en receurent trois cens douze & demye, neantmoins il seul ne distribua le tout, mais encores ses gēdres ayāt ceste distributiō duré p plusieurs iours. Voulut Claudius en ces mesmes iours iuger, & aux festes

Iunitius &  
Statilius  
Coruinus  
consulz,

festes de Saturne, rēdit le cinquiesme iour qui leur auoit esté assigné p Gai<sup>9</sup>, & depuis osté. Et pource qu'ō disoit le soleil s'esclipser en son iour natal, se doubta que pour telz esclipses n'arriuaſſēt quelques troubles, & que écores luy estoÿēt suruenuz autres signes, mit auāt en lumiere vng escripteau p lequel, non seulement signifioit que ce deust esclipser, mais qu'elle partie d'icel luy, & par quel temps, & redigea par escript les causes pour lesquelles expressement arriuoÿent telz esclipses, qui sont telz. La lune en sa revolution qui fut dessoubz le soleil, ou qu'elle soit immediate apres luy, ou apres Mercure, & Venus, à certains mouuemens, les aucuns en longueur, les autres en profondeur, comme peult estre à encores le soleil, & aucuns autres en largeur: ce que n'a le soleil. Adonc elle est en vne mesme ligne droicte avec le soleil au dessus de nostre veue, & quand elle se passe dessoubz ses rays à l'heure elle couure la lumiere du soleil qui s'espād en terre, aux aucūs plus, aux autres moins, & aux autres point, par ce que le soleil ayant la lumiere propre, iamais ne s'en priue, au moyé dequoy ceulx aux oeilz desquelz la lune ne s'oppose, tout le soleil entierement leur appert. Quant au soleil cecy à acoustumé d'arriuer, & alors ceste telle raison fut par Claudius diuulgée. Mais disons encores de la lune, n'estāt hors nostre propos faire d'elle mention, puis que vne fois auons commécé. Toutefois & quantes qu'elle est en l'opposite du soleil, car elle à acoustumé de tousiours s'esclipser es oppositions, comme le soleil es coniunctions, & toutefois & quantes arriue en l'ombre de la terre qui est en figure Coniale: chose qui aduient en ses mouuemés selon la latitude du zodiaque, alors se priue de la lumiere du soleil, & se voit la lune en sa propre nature, de telz accidens les raisons sont telles. Mais estant cest anÿssu Valere Asiaticq la secōde fois, & Marc Messala, furēt faictz consulz: & demeura cestuy en magistrat par tant de temps que auoit esté dit: toutefois Asiaticq bien qu'il eust esté desseigné consul pour tout l'an: chose que encores auoit esté obseruée en autres, n'y voulut demourer, ains volontairement refusa le magistrat, ce que feirent encores plusieurs autres: mais ceulx la le feirent de poureté, pour autant que les despēses qui se faisoient au cours des cheuaults estoÿent grandement augmentées, pour estre pour le plus souuent faictz vingt quatre fois: mais Asiaticq le refusa pour le respect de sa richesse, laquelle fut cause de sa mort, par ce qu'il estant en grand habondance de richesse, & luy fut augmētée hayne: & ennuyé pour tenir la secōde fois le cōsulat se voulut soy mesme abaisser par vng certain moyen, comme que ce faict il deust encourir en moindre peril, & fut en ceste sorte deceu, mais Vinitius n'endura aucun ennuy de Claudius, pource qu'il estoit vaillant homme, & estant en repos attentif à ses propres affaires s'estoit saulué, neantmoins depuis fut par Messalline empoisonné, laquelle eut souspecon contre luy qu'il n'eust faict mourir Iulie sa femme pour ce qu'il ne voulut auoir affaire avec elle. Estant doncques passé de ceste vie par telle voye, fut publicquement inhumé, & luy fut faicte vne oraison en sa louenge, car à plusieurs estoÿent

Raison  
d'esclipse  
du soleil.

Raison  
d'esclipse  
de la lune.

Valere Asiaticq &  
Marc Messalla consulz.

Asian Gau-  
loys accu-  
se.

Edition cõ-  
tre les af-  
franchis.

estoyent concedez telz honneurs . Durant ce temps Asian Gauloys frere de Drusus du costé maternel voulut dresser insidies à Claudius , touteffois ne fut occis , ains seulemēt confiné , & peult estre que l'occasion de son salut fut , pour ce que n'ayant preparé exercites , ne acümillé deniers , auoit prins audace par sa folie croyant estre fait empereur pour sa parentelle , mais par le contraire il estant petit , & treslaid , plustost fut gaudy que doubté , neantmoins estoit Claudius pour telles choses grandement loué , car estant vng comparu deuant les tribuns contre celluy qui l'auoit affranchy , & ayant demandé vng ministre public contre icelluy , qu'il facilement obtint , Claudius s'en troubla si qu'il pugnist cestuy la ensemble ceulx qui en ce l'auoyent fauorisé . Ce fait prohiba par edict , que ne fust donné confort à ceulx qui de la en auant se coniueroient en ceste maniere contre leurs maistres , & qui n'obserueroit tel commandement , fust priué de iuger autres : mais les Romains sicomme ilz louoient pour ce Claudius , ainsi le blasinoient le voyans de tant soubz mis à ses libertz , especiallement pource que voulans les autres , & Claudius mesme , faire mourir Sabin qui fut prefect des Celtes au temps de Gayus , Messaline luy sauua la vie , car elle vsoit encores avec luy : telles choses pour certain estoyent grandement molestes aux Romains . Et pource qu'elle auoit vng amoureux par elle tiré hors du theatre , & quand se diuisoit entre le peuple qu'elle n'eust faulté , Claude s'en esmerueilloit & iuroit qu'elle n'eust esté avecques luy , & ce congnoissans les Romains , mesmement qu'il ne scauoit ce qui se faisoit dans le palais , se lamentoyent grandement , qu'il fust ignorant de ce qui desia estoit paruenü aux oreilles des ennemis : touteffois ilz ne les vouloyent conuaincre partie de craincte qu'ilz auoyent de Messaline , & partie pource qu'ilz tenoyent chere la vie de son amoureux , par ce que cestuy de quāt pour sa beaulté il plaisoit à Messaline , de tant pour son art au peuple estoit agreable car il estoit si artificiel simulateur , que le priant vne fois le peuple qu'il voulust faulter en vne tragedie , meist la teste hors de la scene , & dist ie ne puis ce faire , car i'ay dormy avec Horestes . Claudius doncques faisoit les choses en ceste maniere , & pource qu'il y auoit grand multitude de causes iudicielles , & nul comparoit esperant qu'elles se diminueroyent , Claudius fait mettre hors vng escripteau , auquel il signifioit que apres vng certain iour à eulx determiné il procederoit contre eulx bien qu'ilz fussent absens & ainsi le fait , mais l'an ensuyuant , qui estoit le huitcéciesme depuis l'edificatiõ de Rome Claudi<sup>9</sup> la quatriesme , & Vitel la troisesme fois furent consulz , & dechassa Claudius aucuns du Senat , desquelz la plusgrád partie fussent volontairemēt partiz de Rome , touteffois pour leur poureté y demourerēt & en leur lieu istitua autres : mais pource que vng certai Surdinius Gall<sup>9</sup> pouāt estre senateur se retira pour habiter en Carthage Claudius l'enuoya hastiuement querir , & luy dist , ie te lieray avec des laz d'or , & ainsi cestuy estant lié pour la dignité à luy donnée demoura en Rome . Et Claudius qui les libertz d'autruy pugnissoit griefuement les

trou-

trouuás en quelque mal fait, portoit telle affection aux siés, que ayát vne fois vng histrion dans le theatre proferé ce dit diuulgué, que vng serf heureux est intollerable, & ce oyant le peuple retourna sa veue deuers Polibius son affráchy lequel ayát à haulte voix respódu, que ce mesme poeté auoit écores dit cecy, assauoir, qu'ilz se faisoient en ceulx qui premierement estoient pasteurs, Claudius pour ce ne luy fait aucun ennuy, mais luy estans denoncez aucuns qui leur dressoyét esineutes il ne fit estime des autres, disant qu'il ne failloit par mesme moyen se deffendre d'une pulce, & d'une beste: mais Asiatic fut iugé deuant Claudius, & quasi qu'il ne fut absoulz par ce qu'il ne voulant confesser aucune chose, & disant ne cõgnoistre ceulx qui tesmoignoýt contre luy, fut demandé à vng souldard qui disoit auoir parlementé avecq Asiatic, s'il le cõgnoissoit, & il respódit d'ug certain hõme chalue qui par aduventure estoit la present, qu'il estoit Asiaticq, pource qu'il ne scauoit autre si-gue en sa personne, chascú se print à rire, & voulát Claudius sauuer Asiaticq, Vitel pour gratiffier à Messaline dist auoir esté commandé de l'autre, qu'il mourust s'il vouloit. Quoy oyant Asiaticq, pensa & creut certainemét auoir esté condamné par sa conscience, & ainsi s'occist soy mesmes. En cest an apparut vne certaine petite isle que iamais n'auoit esté au parauant veue, pres l'isle Tirrée. Aussi pource que plusieurs ne faisoýt prouision aux serfz quád ilz estoýent malades, ains les dechassoyent hors leurs maisons, fait vne loy que tous telz dechassez, apres leur guarison, fussét libres. Mais en Bretagne ayant esté Vaspasian encloz par les Barbares, & estant en peril de estre destruit, Titus son filz craignant du salut de son pere rompit le siege avec vne audace incroyable, & ce fait les ayant suyuis pendant qu'ilz fuyoient les meit au trenchant de l'espée. Toutefois Plantius fut grandement loué pour la guerre Britanique semblant de se y estre virilement porté, & obtint le triúphe. Mais Gnée Domic Corbulon preteur, estant preteur en Celtique, assembla les exercites Romains ensemble, quoy faisant dampnifia les Barbares, & entre autres ceulx qui sont appelez Cauciens, & il estat es pays des ennemys Claudius l'enuoya querir (ayant entendu sa vertu, & son exercitation) & ne le laissa plus augmter. Et Corbulon congnoissant la volonté de Claudius s'en retourna en derriere ayant seulement dict ces parolles: O bien heureux les anciens cappitaines: voulant demonstrer que á ceulx la estoit licite sans peril monstrier leur vertu, mais il par enuye auoit par l'empereur esté empeché. Neantmoins il obtint le triumphe, & luy estant vne autre fois com mis l'exercite entre les mains, non moins le tenoit en exercice: & pour ce que alors regnoit la paix, fait faire des fossez longs de cent soixante stades entre le Rhin, & le Messe, á ce que quand la mer inunde, ces fleuves ne s'estendissent par la terre. Mais á Messaline a laquelle ne suffisoit estre ribaulde & impudicque, car desia tenoit vne celle au palais comme paillard & auoit en sa compaignie d'autres femmes principales; vint encores enuie d'auoir plusieurs marys legitimes: pquoy espouza Gaius Silius

Tirrec  
isle.Vaspasian  
assiege par  
les Bretõs.

Silius & feit les nopces moult sumptueuses, & luy donna vng palais royal auquel elle despédit quasi toutes les richesses plus precieuses de la garderobe de Claudius, & finalement le desseigna consul. Et bien que ces telles choses fussent veues & ouyes de chascun, neantmoins estoient à Claudius incongneues: mais depuis que cestuy cy s'en alla à Hostie pour donner ordre aux viures, & que Messaline fut laissée à Rome, auoir fainct d'estre malade, feit vng conuy admirable, & lasciuies non iamais ouyes, alors Narcisus feit denoncer à Claudius, lequel estoit seul pour ses concubines, ce qui auoit esté fait: au inoyen dequoy il incontinent retourné en la cité feit mourir plusieurs p'sónes & entre autres l'espoux de Messaline, laquelle depuis il feit encores mourir, & peu de téps apres espousa Agrippine la niepce mere de Domitius Nero, pource qu'elle estoit moult belle, & souuent estoit Claudius alloit deuers elle; & elle demouroit volontiers seule avec luy, comme celluy qui estoit son oncle, lequel touteffois v'foit avec elle plus lasciuement qu'il n'estoit conuenable v'fer avec vne niepce: mais depuis que Agrippine fut vne fois dans le palais, comme elle qui bien se scauoit gouverner es affaires, tira à soy tous ceulx qu'elle voyoit acceptez de Claudius, les aucús avec menaces & autres avec benefices, & ayant persuadé à Claudius qu'il adoptast son filz Neron, & n'obstát qu'il n'eust vng, l'exercita à l'empire soubz Senecque, & luy accumuloit vne richesse infinie, ne laissant iusques aux choses de petite importance & viles pour faire deniers, ains demonstrent chereioyeuse à tout homme qui eust quelque richesse, & les faisant mourir pour ce mesme respect, d'auantage feit encóres occir plusieurs illustres dames, de ialousie, entre lesquelles furent Pauline, Lolie, lesquelles deux iadis furent en esperance d'auoir Claudius pour mary. Et luy estant porté le chef d'une, ne la congnoissant luy ouurit de ses propres mains la bouche pour luy regarder les dentz, lesquelles estoient en vne certaine maniere à elle particuliere, & ainsi Agrippine en peu de temps deuint vne autre Messaline, & espécialement pource qu'elle receut honneurs du Senat, & entre autres qu'elle peust v'fer du Carpent es festes & cógregations solemnelles. Et quand Claudius adopta le filz d'elle appellé Neron, le feit son gendre, luy ayant donné en mariage sa fille, laquelle fut adoptée en vne autre famille, à ce qu'il ne semblast que deux freres se mariaissent ensemble, alors apparut en Romme vng monstre, car ce iour sembloit que le ciel bruslast. Et eut Claude desir que se feist vne bataille de nauires en vng certain lieu, dans lequel il feit faire vng circuit de paulx, y fichea des tranes, & assembla vne grand multitude, & les autres se vestirent commé bon leur sembla: mais Claudius, & Neron, se vestirent en habit militaire, & estoit Agrippine aornée d'une robbe de drap d'or, & ceulx qui deuoient combatre en ces nauires estoient condamnez à la mort, & l'une & l'autre partie auoyent cinquáte nauires, & estoit l'une desdictes parties nommée Rhodians, & l'autre Sicilians, & au commencement festans tournezz & ralliez ensemble, saluerent Claudius en ceste maniere:

Dieu

Mort de  
Messaline.Agrippine  
femme de  
Claud. Ne  
ron.Bataille  
naualle.

Dieu soit garde de toy empereur, nous destruietz te saluons: & voyás qu'ilz ne trouuerent en son endroict aucune esperance de salut, vserent de simple nauigation, & ne se toucherent aucunement iusques à ce qu'ilz furent contrainctz par force à eulx entretuer: mais Narcisus estoit tant familier de Claudius qu'on dit que vne fois les Bithiniens estant Claudius iuge, feirent grand cry contre Iunius Cilon, lequel iadis fut son prefect, comme contre celluy lequel auoir receu dós sans propos, & Claudius demádant aux circonftans la cause de leur clameur, par ce qu'il ne les entendoit pour le respect de leur tumulte, & Narcisus disant mensonge luy respondit qu'ilz rendoiét graces à Iunius, Claudius le creut & dist puis que ainsi est il sera procureur de ceste prouince encores pour deux ans. Mais Agrippine souuentefois estoit presente en public estant assise sur son tribunal: & ce spectacle n'estoit moindre daucun autre. Et estant vne fois Claudius courroucé contre vng certain Gallique orateur Iuif, lequel deffendoit vne cause deuant luy, commanda qu'il fust getté dás le Tibre, par ce que alors se agitoit ceste cause en sa presence, & Domitius Affro treseloquent aduocat prié de prendre la charge de telle cause respondit à celluy qui l'en prioit, de qui as tu entendu que ie saiche mieulx postuler que Gallicque? Mais Claudius luy estans desia venuz à desplaisir les faitz de Agrippine lesquelz auoyent esté amplement notifiez, & cherchant son filz Britannicque, lequel souuentefois elle de industrie enuoyoit loing de sa presence voulant totalement vsurper l'empire pour son filz Neron né de son premier mary Domitius, ne pouoit plus endurer ceste vie, ains se preparoit de destruyre ce Neron Domitian & de dessigner Britanic successeur de l'empire.

Comment Claudius Cesar mourut par poison.

Chapitre

CXXVI.

**D**ont Agrippine aduertie commença à estre en non petite crainte & voulut surprendre Claudius avec du poison, touteffois pour ce qu'il ne pouoit estre offencé a cause du vin, lequel ordinairement il beuuoit, & en grand quantité, & par autre diete laquelle tousiours vsoient les empereurs pour leur garde, enuoya querir vne femme appelée Locuste, renommée, & maistresse des poisons, & ayant préparé vne espece de venin irremediable avec icelluy empoisonna vng bôlet, & elle en mágea dautres & fait manger à Claudius celluy qui estoit empoisonné estant plus grand, & plus beau que tous les autres, par ainsi ayant esté trahy fut emporté du souper comme plain de crapulle: chose qui autrefois luy estoit aduenue, & la nuit n'ayát peu parler ne ouyr aucune chose passa de ceste vie le treizieime iour d'Octobre estant aagé de septante ans, & apres auoir tenu l'empire treize ans huit moys & vingt iours. Lequel deces Agrippine fait hastiuement entendre à Narcisus lequel peu au parauant se partant de Rome estoit allé

Cóspiratió  
de Agrippi  
ne contre  
Claudius  
Neron.

allé en Champaigne pour vser d'aucús baings vtiles aux gouttes, ioinct que  
 present iamais n'auroit executé telle chose, & il apres Claudi<sup>9</sup> encorés mou-  
 rut: lequel eut plus de puissance que tous autres aupres de son seigneur, car il  
 possedoit quasi plus de mille miriades, & se adhéroyét à luy roys & citez: &  
 quád il estoit pour deuoir estre taillé en pieces, feit premieriémēt vne noble  
 chose, car il brúilla toutes les lettres secrettes de Claudius: lesquelles estoyét  
 encorés de Agrippine & de plusieurs autres. Claudi<sup>9</sup> dócques mourut en ce-  
 ste maniere, & sembla que sa mort feust signifiée par vne comette qui appa-  
 rut par long temps, & vne pluye sanguinolente, & par vne sayette du ciel, la-  
 quelle brisa l'enseigne des massiers. Et pource aussi que le temple de Iupiter  
 vainqueur s'ouurit de par soy, & pour la multitude des mouches à miel qui  
 volloyent à l'entour de l'exercite, & aussi pource que de chascun magistrat  
 en mourut vng en cest an. Et luy furent faictes les obsecques & tous les au-  
 tres honneurs, comme à Auguste: mais Agrippine & Neron faignoient de  
 pleurer celluy qu'ilz auoyent faict mourir, & esteroient au ciel celluy qu'ilz  
 auoyent emporté hastiueiment du soupper: au moyen dequoy Iulius Gallio  
 dist aucunes parolles moult facecieuses: & pareillement Senecque escripuit  
 vne oeuvre, qu'il nomma Apocolo cintose, qui importoit deification: mais  
 du Frere se recitét plusieurs sentences dictes en brieft temps, par ce que estát  
 coustume que les bourreaux tiroyent avec des crocz les corps de ceulx qui  
 auoyét esté occis en prison & apres les gettoient au fleue, cestuy cy dist,  
 que comme Claudius auoit esté tiré au ciel avec vng rancon. Neron encorés  
 laissa vng dict non indigne de memoire, car il disoit le bolet estre viáde des  
 dieux, veu qu'il auoit esté faict dieu par le moyen d'ung bolet.

Fin de ce present oeuvre de Dyon, historien Grec, traduit de  
 Italien en vulgaire Frácoys, par Claude Deroziers. Nouvelle-  
 ment imprimé à Paris, pour Arnoul, & Charles les Angeliers,  
 freres, tenans leurs boutiques aux Premier & Second pilliers  
 de la grand salle du Palais, deuant la chappelle de Messieurs

M. D. V. X. L. II.

## Table des fautes aduenues en l'impression.

\*Ne vous soit moleste (amyables lecteurs) de confronter ce que trouuerez hors vostre intention avec ceste table, car par icelle trouuerez la volonte du traducteur.

- Premier fucillet, pag. ii. lig. xxii. lisez art.  
 Fueil. ii. pag. i. lig. dernière. lisez Ocronia.  
 Fueil. iii. pag. i. lig. xi. lisez encourir & non esmouoir. dicte pag. lig. xxix. lisez en preuenant, pag. ii. lig. xxiii. lisez proscriptis.  
 Fueil. v. pag. i. lig. i. xxi. nō soit leu ce soit, mais soit. page ii. ligne viii. lisez ordonnance, lig. xxv. lisez accepte, pour atteste.  
 Fueil. vi. pag. i. lig. xviii. lisez leur pour luy. lig. xi. lisez ayent.  
 Fucillet. vii. pag. i. ligne. vii. lisez eichenees. ligne. xxii. descira. lig. xxiii. obmis, & que. Page. ii. lisez Manlius.  
 Fueil. viii. pag. i. lig. xiii. ne fault lire pour, pag. ii. lig. xxv. soit leu sentencie. lig. dernière lisez par.  
 Fueil. x. pag. ii. lig. v. lisez pacence. lig. xiii. occurrantes.  
 F. xiii. au titre du. xxxviii. liure lisez Philifus, Eluenes, Arioniste  
 Fueil. xvi. pag. i. lig. xv. lisez terra pour sacra. pag. ii. lig. ii. aucun pour a cause. lig. xix. vouloit pour vouloir, li. xxii. ne soit leu que  
 Fueil. xvii. pag. i. lig. xi. lisez permittre & non permettre.  
 Fueil. xix. pag. i. lig. xxx. lisez ne priuation. pag. ii. lig. vi. lisez lequel est attribue. lig. xvi. lisez trame.  
 Fueil. xxi. au titre de. ix. chap. lisez Eluctiens. lig. xxv. lisez assez  
 Fueil. xxii. pag. i. lig. i. lisez & pout. lig. xxvi. lisez preentendist.  
 Fueil. xxiii. pag. i. lig. xxxviii. de posseder. Pag. ii. lig. x. nous pt omiss. lig. xx xi. Carthaginiens.  
 Fueil. xxiiii. pag. ii. lig. xxx. Proconsul. lig. xxxi. lisez petit erreur,  
 Fueil. xxv. pag. i. lig. ii. insultes.  
 Fucillet. xxvi. lig. ii. du. xxxix. liure lisez Spinter. Pag. ii. lig. xxii. lisez Neruiens.  
 Fueil. xxviii. pag. ii. lig. xii. lisez iugement traicte.  
 Fueil. xxix. pag. ii. lig. xii. ne soit leu ce pendant, mais pendant.  
 Fueil. xxx. pag. i. lig. viii. ne soit leu, le fit adopter, ains fit. lig. xxii. lisez il & autres. pag. ii. lig. iii. du. xiii. chapitre lisez enuoye. lig. xv. dedit chap. iure estans, pour estoient.  
 Fueil. xxxiii. pag. ii. lig. xxxiii. lisez demourentent.  
 Fueil. xxxvi. pag. ii. lig. xii. lisez celles.  
 Fueil. xxxvii. pag. i. lig. xxxviii. lisez suspeconnant.  
 Fueil. xxxix. pag. ii. lig. vi. ne lisez & incontinent, mais seulement incontinent.  
 Fueil. xli. pag. i. lig. iii. du. xxxiii. chapitre lisez a son intention.  
 Fueil. xlii. pag. ii. lig. xviii. lisez Armenie. lig. xxx. lisez Augarus.  
 Fueil. xliiii. pag. ii. lig. xv. declincient.  
 Fueil. xlv. pag. ii. lig. xxiii. lisez machecollis.  
 Fueil. xlix. litez par tout Plancus. pag. ii. lig. xxviii. opiner.  
 Fueil. l. pag. i. lig. xxvii. par laquelle dicte pag. lig. xxxi. priuassent pag. ii. lig. i. lisez bien que.  
 Fueil. ii. pag. i. lig. v. vouloit. lig. dernière ne resista. Pag. ii. lig. iii. de Curion. lig. vi. que layant, lig. xiii. ces pour les. lig. xviii. ne soit leu chose.  
 Fueil. liii. pag. i. lig. xxv. pour lequel reciter.  
 Fueil. liiii. pag. ii. lig. xi. quels. lig. xii. l'exercite.  
 Fueil. lv. pag. i. lig. iii. demourentent pour demourentent. lig. iii. lisez auroient pour auoient.  
 Fueil. lvi. pag. i. lig. i. lisez llerde.  
 Fueil. lviii. pag. i. lig. viii. lisez pour nauoir este pugnis.  
 Fueil. lx. pag. ii. lig. xviii. litez Dalmaue.  
 Fueil. lxi. pag. ii. lig. xxiii. lequel encores que ledit encés tōbast.  
 Fueil. lxii. pag. i. lig. xii. descouunt. Pag. ii. lig. xi. Dirachio. der. ligne xxxix. lisez Caluinus.  
 Fueil. lxiii. pag. i. lig. i. Helocriés. Pag. ii. lig. dernière de Sertorien.  
 Fueil. lxiiii. pag. ii. lig. xxxviii. pour iuuist.  
 Fueil. lxv. pag. i. lig. xxvi. esté pour estre. Pag. ii. lig. xxxvi. lisez on pour en.  
 Fueil. lxvi. pag. ii. lig. xviii. ne lisez ou.  
 Fueil. lxix. pag. ii. lig. xx. soit close la sentēce apres, ce fust assure.  
 Fueil. lxx. pag. ii. lig. iii. pouuoit ou lieu de pouoir.  
 Fueil. lxxii. pag. i. lig. xi. entendement pour entendant.  
 Fueil. lxxiii. pag. i. lig. vii. lisez Arceual. lig. xx. lisez acceptans.  
 Fueil. lxxv. pag. i. lig. xxix. soit adiouxtte apres ces motz qui luy venoit, ce mot a plaisir.  
 Fueil. lxxx. pag. ii. lig. ix. ne soit leu ce mot ne luy eust, mais luy eust. lig. xxxvi. soit adiouxtte apres ce mot pour telle, ce mot playe. Pag. ii. ligne dernière soit leu Vricence.  
 Fueil. lxxxi. pag. i. lig. xviii. litez toute. Pag. ii. lig. xxvii. litez factions & non factions.  
 Fueil. lxxxii. pag. ii. lig. xvii. litez me suffiront  
 Fueil. lxxxiii. pag. ii. lig. xvii. litez quō auoit. lig. xxii. litez chaner.  
 Fueil. lxxxiiii. pag. i. lig. iii. soit leu Cestuy la.  
 Fueil. lxxxv. pag. i. lig. vi. lisez complaisoit.  
 Fueil. lxxxvi. pag. i. lig. xxxii. litez au moyen dequoy. lig. xvii. leuts pour les.  
 Fueil. xc. pag. i. lig. vi. du. xliii. liure lisez nom vain.  
 Fueil. xcii. pag. i. lig. xi. lisez dōleut. lig. xv. lisez conseil. Pag. ii. lig. xxiii. lisez tramerent.  
 Fueil. xcvi. pag. ii. lisez ponce.  
 Fueil. xcvi. pag. ii. lig. v. lisez inexorable. lig. xx. ne me tendray.  
 Fueil. xcix. pag. ii. lig. xxxvi. litez demoure.  
 Fueil. ciii. pag. ii. lig. v. litez eut  
 Fueil. cvii. pag. ii. lig. iii. litez insupportables.  
 Fueil. cix. pag. i. lig. xxiii. litez iugerēs. Pag. ii. lig. xv. litez pour-suyntmes.  
 Fueil. cx. pag. i. lig. ii. ne soit leu Car que mais car seulement.  
 Fueil. cxii. pag. i. lig. viii. du. xlv. liure litez est condescente. Pag. ii. lig. xxiii. litez entendit, ligne. xl. suffisoit de telles.  
 Fueil. cxiii. pag. ii. lig. ii. iadis, lig. iii. ornouys, lig. xv. iugerēs, lig. xxxix. ne soit leu par.  
 Fueil. cxv. pag. i. lig. vi. litez oppose, lig. xxii. opposer  
 Fueil. cxvi. pag. ii. lig. ix. soit leu de ceuls ci.  
 Fueil. cxvii. pag. i. lig. ix. litez cite, lig. xxxiii. adiouxtte ce mot, mais instigat, soit leu par toute la page, opposer pour impoter  
 Fueil. cxix. pag. ii. lig. i. soit leu tramoient.  
 Fueil. cxxi. pag. ii. lig. xxxiii. litez oyant.  
 Fueil. cxxi. pag. ii. lig. xi. litez & vouloit.  
 Fueil. cxix. pag. i. ligne dernière litez plus grand partie.  
 Fueil. cxxx. pag. i. lig. xiii. ne soit leu considerer.  
 Fueil. cxxxii. pag. i. lig. xxx. litez oyans, lig. xxxix. ne soit leu ne.  
 Fueil. cxxxvi. pag. ii. lig. iiiii. pensans.  
 Fueil. cxli. pag. i. lig. xxi. litez auoient este oste.  
 Fueil. cliii. pag. ii. lig. xxiii. litez Democare, lig. xxv. litez de mettre.  
 Fueil. clv. pag. i. lig. xxviii. litez dicelles.  
 Fueil. clvii. pag. i. lig. ii. litez quil prouent. lig. xxiii. litez apres.  
 Fueil. clviii. pag. ii. lig. ix. litez ne vsassent.  
 Fueil. clx. pag. i. lig. vi. litez craignāt. Pag. ii. lig. xv. ne soit leu & obtint; mais seulement, obtint, lig. xxxiii. litez demourentent, lig. xl. litez & pource.  
 Fueil. clx. pag. ii. lig. viii. litez se, lig. xxxvii. litez Artanafdes.  
 Fueil. clxi. pag. i. lig. vi. litez Statuan. lig. ix. litez Armenin. pag. ii. ligne. viii. ne soit leu de Phraate; mais seulement Phraate. ligne xxiii. litez & ne.  
 Fueil. clxi. pag. ii. lig. ix. ne soit leu ioinct.  
 Fueil. clxiii. pag. ii. lig. xxxvi. litez Peons,  
 Fueil. clxiii. pag. i. lig. xl. litez Statilius.  
 Fueil. clxv. pag. i. lig. xli. litez Porticq.  
 Fueil. clxvi. pag. i. lig. vi. litez Neottete.  
 Fueil. clxviii. pag. i. lig. xxiii. litez & lig. xvi. litez aloc, ou chanant pour oyen.  
 Fueil. clxix. pag. i. lig. iii. litez estre & non estoient.  
 Fueil. clxxi. pag. i. litez, & ses statues.  
 Fueil. clxxii. pag. i. lig. xli. litez elisions, lig. xii. & lig. xiii. litez tritemes quadrimes dixremes.  
 Fueil. clxxiii. pag. ii. litez est deuenu.  
 Fueil. clxxiii. pag. i. lig. ii. litez deuiet. Pag. ii. lig. xxiii. ne soit leu, & ainsi, mais seulement ainsi.  
 Fueil. clxxv. pag. i. lig. xvii. litez tout ce que pour tel fait estoit.  
 Fueil. clxxvi. pag. i. lig. xxxviii. litez si par quelque.  
 Fueil. clxxvii. pag. i. lig. i. litez ayant.  
 Fueil. clxxx. pag. ii. lig. vii. ne soit leu & ce fait, mais ce fait.  
 Fueil. clxxxi. pag. i. lig. xvi. litez vng aspic luy fut porte.

Fueil.cxxxv. pag.i. lig. xvii. lisez Denis  
 Fueil.cxxxvi. pag.ii. lig.vii. lisez nous & non vous: lig. viii. lisez  
 sèbleroit que fussent: ligue xix. lisez & nul est qui ne cognoisse.  
 Fueil.cxxxix. pag.ii. lig.iii. lisez confinerent.  
 Fueil.cxc. pag.ii. lig. xv. lisez imputer, & non impetrer.  
 Fueil.cxc. pag.ii. lig. xvii. lisez dispoie.  
 Fueil.cxcii. pag.i. lig. xv. ne lisez ce telle occasion, mais seulement  
 de telle occasion. Pag.ii. lig. xxxix. lisez fructz, & non fa.ctz.  
 Fueil.cxciii. pag.ii. lig. x. ne peürions vsfer deulx.  
 Fueil.cxciiii. pag. i. lig. iii. lisez commissaires. lig. xiiii. lisez  
 festiues. Pag.ii. lig. xxi. lisez contraires, & non contraires.  
 Fueil.cxcv. pag.ii. lig. xx. lisez ne conuient. lig. xxiiii. lisez Aric  
 & Athenodore. lig. xxvii. lisez ont este occasion de plusieurs.  
 Fueil.cxcvii. pag.i. lig. xxix. lisez au moyen dequoy.  
 Fueil.cxcix. pag. i. lig. iii. lisez il finist, prince & non prime.  
 Fueil.cci. pag.ii. lig. xiii. lisez maintenez. Pag.ii. lig. xxxix. lisez  
 communs.  
 Fueil.cci. pag.ii. lig. vi. lisez pacifiques.  
 Fueil.cci. pag.ii. lig. xli. lisez années ou lieu darmees. Pag.ii. lig.  
 xix. lisez retient.  
 Fueil.cci. pag.ii. lig. xvi. lisez que les choses que auröt este faitcs  
 lig. xix. lisez lauteur. Pag.ii. lig. viii. plusieurs choses se font.  
 Fueil.ccviii. page premiere ligne xxix. lisez voltgeur: ligne  
 xxxix. lisez posement: page ii. ligne xxxviii. lisez si que  
 Fueillet cexi. page ii. ligne x. lisez Sarcodimotix, ne soit leu de  
 Fueillet cexii. page i. ligne xi. lisez reductrice  
 Fueil.ccxiii. pag.ii. lisez fremiz.  
 Fueil.ccxvi. pag.ii. lig. x. ne soit leu que vne fois estre.  
 Fueil.ccxvii. pag.ii. l. g. xiiii. lisez &.  
 Fueillet ccxviii. page i. ligne dernière, lisez leur preoccupa.  
 Fueil.ccxiiii. pag. i. lig. xxv. lisez ne sont occultes.  
 Fueillet cxxxix. page ii. ligne xxxviii. lisez carestie  
 Fueil.cxxx. pag. i. lig. xxix. lisez les Dalmatiens.

Fueil.cxxxix. pag.ii. lig. xiiii. lisez ouquel.  
 Fueil.cxxxix. page ii. ligne xl. lisez augmentay: lig. xli. imposay  
 Fueil.cxxxix. pag. i. lig. xli. lisez precourir.  
 Fueil.cxxxv. pag. i. lig. xvii. lisez en icelle.  
 Fueil.cxxxvi. pag.ii. lig. xxvi. lisez les sommitez, lig. xli. ne soit  
 leu que vne fois de.  
 Fueillet cxxxviii. page ii. ligne xviii. lisez ans  
 Fueillet cxxxix. page i. ligne xviii. lisez n'emplissent: ligne  
 xxii. lisez quelles despendissent: page ii. ligne xxviii. de nestre  
 Fueillet cxxl. page i. ligne i. lisez tout: page ii. lig. xxix. lisez voz.  
 Fueil.cxxlii. pag.ii. lig. xiiii. lisez Aloc, ligne xxxii. lisez pompe  
 Fueil.cxxliii. pag. i. lig. xxxii. lisez & luy respondit. lig. xl. lisez,  
 mais: & non ains. Pag.ii. lig. xi. lisez de Nole.  
 Fueil.cxxlv. page i. ligne ix. lisez ne fut: ligne xli. a pour par  
 Fueil.ccl. pag.ii. lig. iii. lisez Sibautique. lig. xxxvi. lisez aucuns  
 Pag.ii. lig. xvi. lisez encoulpé.  
 Fueil. ccli. pag. ii. lig. xi. soit fait le point a ce mot acoustumez.  
 lig. xviii. lisez & estoit tant mond.  
 Fueil.cclvi. pag.ii. lig. ix. lisez diceulx.  
 Fueillet cclvii. page i. ligne vii. lisez & dedans ny entrant: page  
 ii. ligne vi. lisez estre: ligne xx. lisez remouuoit  
 Fueil.cclx. pag.ii. lig. i. lisez Quintus Plautius.  
 Fueil.cclxiii. pag.ii. lig. xxxviii. lisez Thraues.  
 Fueil.cclxv. pag.ii. lig. xxix. lisez en ceste sorte.  
 Fueil.cclxvi. pag. i. lig. xxix. lisez enuie. lig. xli. ne fust emmaillé.  
 Fueil.cclxxii. pag.ii. lig. xxv. lisez escriptz, di&z & faitz.  
 Fueil.cclxxv. pag.ii. lig. ix. lisez vnicranus. lig. xxix. lisez Vnicrant  
 Fueil.cclxxvi. pag.ii. lig. xxi. lisez que. Pa.ii. lig. xxiii. ne soit leu a.  
 Fueil.cclxxvii. pag.ii. lig. viii. lisez Facelle. lig. xiiii. lisez Locates.  
 Pag.ii. lig. xiiii. lisez ou lieu.  
 Fueil.cclxxviii. pag. i. lig. xi. lisez & Statilius.  
 Fueil.cclxxx. pag.ii. lig. xxiii. lisez & Lolie.

Finis.







RARE 85-B  
folio 2372E

